



LIBER IV. DECRETALIU.

Actum est in Libro III. precedente de iis, quæ spectant ad Clericos sæculares, & regulares, sequitur, ut nunc agatur etiam de iis, quæ spectant ad statum laicorum, adeoque de Sponsalibus & Matrimoniis, eisque annexis, quia plerique laici in statu conjugali vivunt, vel ad eum tendunt. Continet autem hic Liber materiam perutilem quoque, sed & perdifficilem: nam causæ matrimoniales numerantur in Jure inter causas graves, & arduas, idèoque Confistoria ac Tribunalia Judicum Ecclesiasticorum frequentissimè occupant, ut praxis testatur.

TITULVS I.

DE SPONSALIBUS, ET MATRIMONIIS.

SECTIO I.

DE SPONSALIBUS DE FUTURO.

I.



Sponsalia à spondendo dicta sunt, l. 2. ff. De Sponsalibus. quia mos erat antiquis, ut puella nuptura promitteretur viro à parentibus, tutoribus, vel amicis, sub quorum cura, & potestate erat, Sanch. l. 1. de Sponsal. disp. 1. n. 1. Accipiuntur verò Sponsalia tripliciter. 1. Minus propriè, pro archa & muneribus, quæ à sponso sponsæ dabantur. 2. Pro matrimonio rato, & nondum consummato: quomodo Matth. 1. dicitur: Cum esset desponsata Maria Mater Jesu Joseph, cum tamen paulò post conjux Josephi appelleretur. Et hæc dicuntur Sponsalia de præsentì. 3. Magis propriè, & usitatè, Sponsalia accipiuntur pro futuri Matrimonii promissione, & ut sic sunt præambulum quoddam Matrimonii, quæ est acceptio hujus loci propria, & dicuntur Sponsalia de futuro.

§. I.

Quid sint Sponsalia, & quâ formâ, seu modo contrahantur?

II. ASSERTIO I. Sponsalia sunt futurarum nuptiarum mentio, & repromissio, prout definiuntur in l. 1. ff. de Sponsal. & c. Nos fratres. 3. caus. 30. q. 5. Ubi notandum 1. hæc promissio non debet esse merè interna, aut mente solum interius concepta, sed per verba externa aut aliquod aliud signum manifestati consensûs interni debet esse expressa, Sponsalia
Tomus IV.

enim numerantur inter contractus humanos, qui ultra citroque obligationem pariunt: ad hoc autem sola intentio non sufficit, sed necessarium est illam verbis, vel signis aptis explicari, ut unus contrahens alterius animum intelligat, intentio enim mente retenta nihil operatur in humanis contractibus, l. Cum in plures. 60. §. Locator. ff. Locati. ac proinde qui libere aliquid promissit alteri, actu merè interno, potest id revocare, ante acceptance[m] alterius, Sanch. cit. l. 1. dis. 3. n. 5. Porro promissio interna matrimonii contrahendi facta Deo, per modum voti, nisi aliis circumstantiis vestiatur, est invalida, nec potest esse materia voti: hoc enim est promissio melioris boni: matrimonium autem inferius bonum est, quàm cœlibatus, juxta Concil. Trident. Sess. 24. de Sacramento Matrimonii can. 5. à quo impedit, Sanch. cit. l. 1. dis. 4. n. 1.

III. Notandum 2. Ad Sponsalia requiritur promissio, non simplex, sed mutua, sive reciproca, ad quam proinde non satis est, ut una pars acceptet promissionem alterius, sed insuper requiritur, ut altera repromittat, sive se vicissim ad matrimonium, suo tempore contrahendum obliget. Unde si Paulus Annæ promittat matrimonium, non gratis, & per modum liberalis promissionis, sed respectivè, & per modum contractûs onerosi, & reciproci, sive animo contrahendi Sponsalia: Anna verò promissionem quidem acceptet, sed sine proposito repromittendi, & vicissim se obligandi Paulo, neuter obligatus erit ad matrimonium in foro conscientie. Non Anna, quia hæc non voluit se obligare Paulo, acceptando promissionem illius, sed hunc tantum sibi obligatum habere: actus autem agentium non operatur ultra intentionem eorum, l. Non omnis. 19. in princ. ff. de reb. credit. Neque etiam Paulus obligabitur, quia Sponsaliorum contractus est respecti-

vus, & reciprocus, sive altero citroque obligatorius, ut patet ex ejus definitione, *cit. l. 1. ff. de Sponsal.* Ubi Sponsalia dicuntur *repromissio futurarum nuptiarum*, adeoque non potest claudicare, seu ex una tantum parte contrahentium obligare, sed antequam utraque pars, & sponsus, & sponsa, se obliget, nondum est contractus perfectus, & per consequens potest altera pars libere resilire: est enim promissio suapte naturæ conditionalis, continetque implicitè hanc capitam conditionem: *promitto tibi, si tu repromittis*, adeoque altero non repromittente, & le vicissim obligante, nulla constringit ex priore promissione obligatio, *Sanch. cit. l. 1. dis. 5. num. 10. & segg. Laym. libr. 5. Theol. mor. p. 1. c. 1. n. 2.* Si verò Paulus omnino absolute, & gratuita matrimonium promittat Annæ, in memoriam v.g. beneficii ab ea accepti, tunc hac acceptante promissionem, nec repromittente, solus Paulus promittens obligatus erit ad ducendam illam: non vi Sponsalium, quæ claudicare nequeunt, sed vi simplicis, & liberalis promissionis, quæ potest esse, & obligare ex parte unius, manente altero immuni ab obligatione, *Sanch. c. l. n. 12. Laym. c. l.* quamvis solitaria hujusmodi promissio, etiam acceptata, non obliget graviter, nisi si grave inde damnum sequatur, & cum solemnitate sit facta, *Tann. rom. 4. dis. 8. de Sacram. Mar. dub. 1. n. 4.*

IV. Notandum 3. promissio sponsaliorum debet, ex parte intellectus, habere sufficientem deliberationem, quæ scilicet sufficit, & exigitur ad peccatum mortale, *Sanch. cit. l. 1. dis. 8. n. 5.* Ratio est, tum quia Sponsalia obligant sub peccato mortali, ut infra dicitur, ergo exigitur deliberationem requisitam ad peccatum mortale: tum quia ea deliberatio sufficiens est ad votum, *et. 2. de voto*, ergo etiam sufficit ad Sponsalia. Quamvis plena, & matura deliberatio prævia omnium circumstantiarum non requiritur. Textus Juris in speciem contrarii intelligendi sunt de iracundia adimentem usum rationis, & deliberationem requisitam ad peccatum mortale, *Sanch. cit. dis. 8. n. 11.*

Notandum 4. Promissio Sponsalium non debet esse ficta, nam talis promissio non est vera, & seria promissio, sed promissionis fictio, adeoque qui fictè promittit matrimonium oretenus solum, absque animo promittendi, aut cum intentione quidem promittendi, sed sine intentione se obligandi, non obligatur, ex vi promissionis, & Sponsalium, quia deficit internus consensus. Omnis enim obligatio, quæ non est ex lege, oritur ex privata hominis voluntate: ergo ubi deest obligandi voluntas, deficit obligatio, *Sanch. cit. l. dis. 9. n. 5.* Quamvis autem sic fictè promittens matrimonium, non ex vi talium sponsalium obligetur, peccat tamen sic promittendo mortaliter, quia est mendacium perniciosum in te gravi, & contra legem justitiæ, quæ præscribit, ut in quolibet contractu utrinque obligatorio, qualis est Sponsalium, uterque verè contrahat, *Sanch. cit. l. 1. dis. 9. n. 5.* de quo plura videri possunt apud eundem *c. l. dis. 10.*

V. Notandum 5. Ex eo, quòd Sponsalia sunt promissio futuri matrimonii, sequitur, concubitus cum alieno sponso, vel sponsa non esse adulterium, cum quia adulterium propriè in nuptiam committitur, *l. Inter. 6. §. 1. ff. ad leg. Jul. de adul.* At spon-

sa de futuro non est nupta, ergo concubitus cum illa non est adulterium, *6. lex illa. 2. §. Cum ergo. caus. 36. q. 1.* At qui accedit ad alienam sponfam de futuro, non violat alienum torum, quia hic non est permissus sponsus, ante matrimonium contractum per verba de præsentì, ergo talis non committit adulterium. Non obstat, quòd in *l. Si uxore. 1. §. 9. Divi. ff. ad leg. Jul. de adul.* permittitur vindicari concubitus etiam cum sponsa alterius, tanquam adulterium, ubi manifestè de Sponsalibus de futuro esse sermonem patet ex eo, quòd additur, *quia nec spem matrimonii violare permittitur*, sponsalia autem de præsentì, non ipsæ permittunt, sed ipsum matrimonium dicuntur. Sed respondetur, concedi ibi vindictam sponso, non ex eo, quòd fornicatio cum sponsa alterius sit adulterium, sed quia atrox injuria ipsi sponso est illata, *Covarr. in Epitome Libr. IV. Decret. p. 1. c. 1. n. 8. & 9. Sanch. cit. l. 1. dis. 2. n. 2. & 3. Tanner. cit. dis. 8. dub. 3. num. 40.* An autem circumstantia Sponsaliorum ob fornicationem cum alieno sponso vel sponsa, necessariò in confessione sit exprimenda, tractat *Sanch. c. l. n. 4. & segg. Tanner. c. l. n. 41. & 42.* alii Theologi, qui videri possunt.

VI. Notandum 6. Quamvis absolute, & per se loquendo, possint, quæ matrimonium contrahere volunt, sponsalia prætermittere, sine scelerè, & peccato, quia nullà lege præceptum reperitur, quòd ipsum matrimonium necessariò præcedere debeat promissio de eo contrahendo: omnino tamen decens est, & honestum, ut præcedat hujusmodi sponsalia, ut colligitur ex *c. 1. & c. 3. caus. 30. q. 5.* idque ut indissolubilis status, & obligatio matrimonii, majore cum deliberatione suscipiatur, *Tann. cit. dis. 8. dub. 1. n. 2.* imò post *Concil. Trident.* vi cujus publicæ denuntiationes præmitti debent, moraliter necessarium est, ut promissio saltem tacita de contrahendo matrimonio præcedat, ut notat *Tanner. c. l.*

VII. ASSERTIO 2. Sponsalia contrahuntur per verba aut signa quælibet, quibus secundum communem loquendi modum, & præsentis rerum circumstantias, exprimitur mutua promissio de matrimonio contrahendo. Cujusmodi sunt, *accipio te in meam, vel in meum: ducam te in uxorem, vel vicum: contraham tecum matrimonium, volo te esse meam sponfam, vel sponsum &c.* *Tanner. cit. dis. 8. dub. 1. num. 8.* De quibusdam autem verbis dubitatur, an sit obligatio Sponsalium, ut si quis dicat, *nullam aliam ducam, nisi te*: nam *Sanch. cit. l. 1. dis. 19. n. 5.* & alii communiter, negant esse Sponsalia, sed solum promissionem conditionalem, si aliquam ducturus sum, te ducam, *arg. l. Si sibilis. 21. §. Si tibi. ff. de action. empt.* Ex qua colligitur, quòd promittens non vendere, nisi huic, non tenetur absolute vendere, sed solum tenetur huic, casu, quo vendiderit. At verò si quis dicat, *non aliam, sed te ducam*, erunt sponsalia. Idemque dicendum videtur de hac formula: *nullam aliam ducam præter te*, sic enim juxta regulam Dialecticorum exponenda est: *te ducam, & nullam aliam à te ducam.* Sicur hæc propositio, *nullus homo currit, præter Petrum*, si exponitur, *Petrus currit, & nullus alius currit.* Addi tamen hic debet ista limitatio, ut, si quis dicat, *non aliam se ducturum, nisi hanc, vel præter hanc*, tum demum simpliciter, & absolute obligetur ad ducendam illam, si aliunde, vel ex aliis con-

consecutus confiter, eum certum animam habere contrahendi matrimonii, quia in foro conscientie præcipue spectanda est intentio promittentis, *Laym. cit. c. 1. n. 2. in fine.*

VIII. Prædictis addendum 1. Si verba sint dubia, quæ vel solum propositum, ut *contraham tecum matrimonium*; vel etiam plus, quam promissionem matrimonii significare possunt. *Ut volo te esse uxorem meam: volo tecum contrahere matrimonium*; tum in foro quidem conscientie standum est intentioni contrahentium, si de ea constet, quia verba habent vim obligandi ex consensu interno, & non sermoni res, id est, intellectus, sed rei est sermo subiectus, & intelligentia. 6. *junctâ Gl. V. Res de V. S.* In foro tamen externo non statuitur intentioni contrahentium, quia ea Ecclesiam lætæ, sed potius communi, & recepto verborum sensui, quæ verba communiter rectè intelligentibus ingerere solent, *Sanch. cit. l. 1. dis. 18. n. 1. & 4. Tanner. cit. dub. 1. n. 10.*

Addendum 2. Interdum etiam signa suppleant verborum vices, sic enim ànnulli traditione, vel immisione in digitum: item donatione, & acceptatione archæ, & munerum sponsalitorum exprimitur sufficienter consensus, & contrahi possunt Sponsalia, absque verbis, præsertim si jam inter parentes, vel amicos præcessit tractatio aliqua de matrimonio contrahendo, quia tunc talia sunt sufficientia signa mutæ promissionis, in quo tamen potissimum loci consuetudo spectanda erit, *Sanch. cit. l. 1. dis. 22. n. 2. & 5. Tanner. c. l.*

§. II.

Quinam sint habiles, vel inhabiles ad Sponsalia contrahenda, vel matrimonium?

IX. ASSERTIO 1. Generatim loquendo, ab illis solis contrahi possunt Sponsalia, inter quos aliquando (adveniente ætate) consistere potest licitè, & valide matrimonium; ut est communis DD. sententia apud *Tanner. tom. 4. dis. 8. dub. 2. n. 16.* Ratio est, qui Sponsalia sunt promissio futuri matrimonii, ergo ut valeant, debent esse promissio liciti, & validi matrimonii, quia promissio rei illicitæ etiam juramento firmatâ non valet. In quo tamen semper respiciendum est ad tempus implendæ promissionis. Hinc impuberes septennio majores contrahere possunt Sponsalia, cum tamen pro eo tempore non possint contrahere matrimonium: & temporali voto castitatis, v. g. ad unum, vel duos annos obstrictus, valide contrahit Sponsalia implenda, eo tempore, quo votum non amplius obligat, *Tanner. c. l. n. 17.*

X. ASSERTIO 2. In specie verò Sponsalia, & matrimonia à furiosis, & amentibus, sive etiam cum illis contracta non valent, ob defectum plenæ, & deliberatæ consensûs, prout constat ex *c. Dilectus*: 24. h. r. Ubi respondet Papa, quod mulier matrimonialiter copulata viro, qui continuo furore laborat, etiam tempore contracti matrimonii (Gl. hic *V. Furor.*) cum ipso morari non possit, quia propter mentis alienationem legitimis con-

Tomus IV.

sensus inter eos intervenire non potuit: idè quæ mandat eos ab invicem separari, si res ita se habeat. Excipe, nisi furiosus habeat dilucida intervalla, tunc enim potest, eo tempore, Sponsalia & matrimonium contrahere, cum sit rationis compos, ita ut etiam postea furor denno superveniat, Sponsalia vel matrimonium non reddantur invalida: quamvis regulariter etiam tunc licitè, & sine peccato non contrahat, quia si perpetuo furore laboret, ineptus est ad prolem educandam, nisi id munus alii committere possit, *Sanch. cit. l. 1. dis. 8. n. 15. 16. & 18.* Porro si dubitetur, an actus gestus à furioso, sit gestus, tempore furoris, vel intervalli, in tali dubio præsumitur gestus tempore furoris, quia hic præsumitur durare omni tempore: nisi ex actûs qualitate præsumendum sit esse gestum, tempore sanæ mentis, *Sanch. c. l. n. 17.* & alii apud *Barbosi. in Collect. in cit. c. Dilectus. n. 5.* Similiter ebrius, si tempore ebrietatis contrahat Sponsalia, vel matrimonium, nihil agit, quia caret consensu libero, & debitâ deliberatione, *Sanch. c. l. n. 19.*

XI. ASSERTIO 3. Sensibus destituti, ut surdus tantum, vel mutus tantum, imò etiam surdus simul, & mutus à natura possunt valide contrahere Sponsalia, vel matrimonium, prout sumitur ex *c. Cum apud. 23. h. 1.* Ubi Papa Innocentius III. consultus, utrum mutus, & surdus (qui profusus non audit) possint matrimonium (vel Sponsalia) contrahere? Respondet, cum Edictum de matrimonio contrahendo sit prohibitorium, quicunque non prohibetur, per consequens admittitur, quia solus consensus sufficit ad matrimonium contrahendum. Unde si talis velit contrahere, non potest, nec debet id ei denegari, cum quod verbis non potest, signis valeat declarare. Ubi cum dicatur in singulari, videtur intelligendum de eodem utroque sensu privato. Nam sæpe tales sunt satis perspicaci, & acuti ingenii, ut signis edoceri possint, quid sit matrimonium, & nunc, vel alio signo indicare consensum. Item tales possunt confiteri, & absolvi à peccatis, ergo etiam matrimonium contrahere. Quod si quis simul sit surdus, & mutus, ac cæcus, *Sanch. cit. dis. 8. n. 13.* negat talem posse contrahere Sponsalia, vel matrimonium, ed quod mutus solis signis instrui possit, quid sit matrimonium: cæcus autem hæc signa percipere nequeat, nec etiam verba, cum simul sit surdus. Id quod saltem moraliter loquendo, & ordinariè est verum: etsi fortè physicè loquendo, non sit impossibile, ut surdus, mutus & cæcus, ob perspicaciam ingenii, solâ ratione naturali cognoscat rationem Sacramenti matrimonii, ut notat *Tanner. cit. dub. 2. nam. 32.* Hinc colligitur, quod verba non sint necessaria in matrimonio carnali, etiam in iis, qui loqui possunt, sed sufficit, ut consensus contrahentium matrimonium, vel Sponsalia signo aliquo externo exprimat. Porro quando in *c. Cum apud*, dicitur, quod Edictum de matrimonio contrahendo sit prohibitorium, id intelligendum est, quod ordinariè quidem sit de jure permissa, adeoque permissorium, prohibitorium tamen ratione certarum personarum, ut notat *Abb. hic n. 2.*

XII. Præterea hæc pertinet, quod statuitur in *c. Tunc. 25. h. 1.* Ubi cum quaesitum fuisset, utrum

» solis verbis, & quibus matrimonium contrahatur? Respondet Papa, quod matrimonium in veritate contrahitur per legitimum viri, & mulieris consensum: sed verba exprimentia consensum de presenti sunt necessaria, quantum ad Ecclesiam. Nam surdi, & muti possunt contrahere matrimonium per consensum mutuum, sine verbis: & pueri ante annos legitimos (scilicet discretionis) per verba solum non contrahunt, quia non intelliguntur consentire.

XIII. Ubi notandum 1. Ex hoc c. nonnulli colligunt, solum consensum internum, siue verbis, vel alijs signis, sufficere ad matrimonium contrahendum, aut etiam Sponsalia. Sed non rectè, quia Papa hic non loquitur de consensu merè interno, sed de consensu verbis, vel signis expresso, nam si consideretur matrimonium, prout est contractus, qui celebratur inter homines ignorantēs interna cordis, necessariò requiritur, ut consensus internus, signo aliquo externo manifestetur: si verò spectetur matrimonium, prout est Sacramentum, de ratione illius est, ut sit signum sensibile, ut notavit Sanch. l. 2. de matrim. disp. 30. n. 1. Idque probatur aperte ex verbis immediatè sequentibus: nam surdi, & muti possunt contrahere matrimonium per mutuum consensum sine verbis, ubi Glossa addit, sed non sine signis, vel nutibus: ergo loquitur ibi Papa non de consensu merè interno, sed de expresso verbis, vel alijs signis, ut in mutuo, qui contrahitur quidem matrimonium sine verbis, sed non sine alijs signis: quia enim regulariter verba requiruntur, ut denotetur, seu manifestetur consensus internus, hic autem exprimi possit, non solum per verba voce prolata, sed etiam per alia signa: ideo ista sufficiunt, Sanch. c. l. disp. 31. n. 5. Deinde Papa in cit. c. Tue, non absolute ait, verba esse necessaria ad contrahendum matrimonium, sed quoad Ecclesiam, hoc est, quoad, faciliorem ac tutiorem probationem in foro externo Ecclesiæ: & ita non excluditur alius modus probandi, quod enim non requiritur necessariò ad substantiam rei, seu actus, sed ad probationem tantum, potest impleri per æquipollens, Sanch. c. l. n. 6. Quare verba non sunt præcisè necessaria ad substantiam matrimonii, etiam in illis, qui loqui possunt, sed satis est consensum exprimi per alia signa, aliàs muti non possent contrahere matrimonium, ut ex dictis patet: quamvis verba inter alia signa obtineant principatum, ita ut probatio ex verbis sit certior, quam quæ sit alijs signis, Covarr. in Epitom. Libr. IV. Decret. p. 2. c. 4. in init. n. 1.

XIV. Notandum 2. Etsi verba non sint necessaria ad substantiam matrimonii, videntur tamen necessaria ex præcepto Ecclesiæ, ut colligitur ex cit. c. Tue. ibi: necessaria sunt, quantum ad Ecclesiam verba &c. & ex c. Licet. 3. de sponsa duorum, ibi: Si inter virum, & mulierem legitimus consensus interveniat, ita ut unus alterum verbis consuetis expressè recipiat &c. Idque confirmatur ex Ecclesiæ consuetudine, & praxi, secundum quam ij, qui loqui possunt, verbis contrahere solent matrimonium, ac proinde Ecclesiæ non toleraret, si qui loqui possunt, solis signis aut nutibus matrimonium contrahere vellent. Et quamvis Sanch. cit. disp. 31. n. 10. dicat, nullum extare de hoc Ecclesiæ præceptum: fatetur tamen gra-

ve peccatum fore non exprimere in hoc contractu matrimonii consensum per verba, per quæ melius, & clarius is exprimitur, quam per signa, saltem si consensus per alia signa externa non sufficienter exprimeretur. Porro per verba hic intelliguntur, non solum illa, quæ articulata voce proferuntur, sed etiam, quæ per litteras, vel nuncios explicantur, quasi per instrumenta, cum materia matrimonii sit favorabilis, c. ult. de sent. & re judic. Barb. in Collect. hic n. 2. §. Intellige verba. Quinam autem ob iracundiam sunt inhabiles ad contrahenda Sponsalia, vel matrimonium, infra dicitur.

§. III.

Quomodo & quando obligent Sponsalia, & an etiam obligent signa, & metus sint extorta?

XV. ASSERTIO 1. Sponsalia, etsi clam, & sine testibus, ac arrhis contracta, obligant ex iustitia sub culpa lethali, ad matrimonium contrahendum. Est communis sententia apud Sanch. l. 1. de Sponsal. disp. 27. n. 2. Probatur ex c. Desponsatas. 46. c. Atho. 47. & c. De conjugali. 50. caus. 27. q. 2. c. Ex litteris. 10. & c. Requisivit. 17. h. r. Ratio est, quia omnis contractus obligat ex iustitia, & quidem in materia gravi sub peccato mortali, at Sponsalia sunt contractus, facio ut facias, inducens obligationem mutuum, & reciprocam, & materia est gravis, cum magna injuria infertur alteri, si non impleatur: ergo obligant graviter. Unde lex Civilis l. C. De Sponsal. dans desponsatæ libertatem renunciandi, & nubendi alii, est correctæ per Canones, Tanner. tom. 4. disp. 8. q. 1. dub. 3. n. 34.

XVI. ASSERTIO 2. Sponsalia obligant ad matrimonium contrahendum tempore a contrahentibus præfixo: si autem nullum certum tempus sit constitutum, tenetur quisque contrahere, altero exigente, quam primum commodè potest, Sanch. cit. l. 1. disp. 28. n. 2. Tanner. cit. dub. 3. n. 35. Ratio est, quia id generale est in omni debito, cui dies certus præfixus non est: neque enim prius tenetur debitor solvere, quam creditor postulaverit, l. Debitores. 10. C. De pignorib. nisi creditor non audeat petere, ex timore etiam reverentialis, vel debiti fuerit oblitus, vel aliàs commodè non possit petere: alioquin si creditor non petat, conscius, ac memor debiti, & potens commodè petere, censetur consentire in dilationem solutionis. Cæterum Parochis curandum est, ut post contracta à Sponsis sponsalia, quam primum fieri potest, matrimonium contrahatur, ad vitandum periculum fornicationis.

XVII. ASSERTIO 3. Qui sine legitima causa fidem Sponsalium implere recusat, is à Judice Ecclesiastico, post Canonicam admonitionem, potest, ac debet per censuras cogi ad contrahendum matrimonium, siue Sponsalia jurata fuerint, siue non: nisi gravia mala, & scandala, & perpetuæ dissensiones, & jurgia, vel alia mala, inter Conjuges, ex invitis nuptiis timeantur, Sanch. cit. l. 1. disp. 29. n. 4. Tanner. cit. dub. 3. n. 36. Laym. l. 5. tract. 10. p. 1. c. 1. n. 3. & 4.

Prima pars, scilicet cogendum esse resilientem ad Sponsalibus, ad servandum, quod promissit, sumitur ex c. *Ex litteris*. 10. h. t. Ubi talis casus proponitur: Duo nobiles G. & B. habebant filios, & filias impuberes, quos invicem desponsaverunt, & hoc tam patris, quam filii juramento firmarunt se facturos. Prior nobilis G. filium alterius B. consentiente patre, juravit se ducturum in uxorem, sed postmodum aliam ducere proposuit. Verum Episcopus eum compellere voluit, ut quod juraverat, impleat. Consultus super hac re Papa Alexander III. respondit: periculosum esse dicto G. contra juramentum suum venire, ideoque mandavit Episcopo, ut si hoc ei constiterit, illum moneat, & si monitis non acquieverit, per censuram Ecclesiasticam compellat, ut ipsam, quam juravit ducere, in uxorem recipiat, & maritali affectione petraçter, nisi rationabilis causa obstitit.

XVIII. Ubi notandum, licet, cum in hoc c. dicitur, resilientem ad Sponsalibus cogendum esse ad contrahendum matrimonium, sermo sit de Sponsalibus juratis, idem tamen jus obtinet etiam in non juratis, quia cogendus est, non ob juramentum, sed propter injustitiam, quæ committitur, si sponitalia sint jurata, siue non, nam prædictum cap. non innititur juramento, sed narrat, quod in facto contigit. Ratio universalis est, quia Judex tenetur ex officio compellere ad reddendum unicuique quod suum est, vel ex iustitia illi est debitum; ergo qui promissit alicui matrimonium, potest cogi ad illud contrahendum, etsi simpliciter, & siue juramento promiserit, quia ex iustitia est obligatus ad implendum id, quod promissit, etsi non jurarit: quamvis magis cogendus sit, qui per juramentum Sponsalia firmavit, propter majus vinculum Religionis adjectum, *Sanct. c. l. n. 5.* Idque confirmatur, quia prædicta legitima servanda sunt, c. 1. de pact.

XIX. Verum aliquando tamen etiam qui cum juramento promissit cum aliqua contrahere matrimonium, moneri prius potius debet, quam compelli ad contrahendum, prout sumitur ex c. *Requisivit*. 17. h. t. Nam cum mulier quædam, interposito juramento, promississet cuidam viro, se ipsi nupturam, postea verò, mutata voluntate, renuit. Consultus super hac re Papa Lucius III. respondit, quod cum libera esse debeant matrimonia, non coacta, potius mulier illa est monenda, quam cogenda, cum coactiones hujusmodi frequenter soleant difficles exitus habere. Rario est, quia ad Judicem Ecclesiasticum, siue Episcopum spectat cogere ad contrahendum matrimonium sponfos, si id expedit ad finem matrimonii: at verò quando gravia, & publica scandala, vel alia mala timeantur ex contractu matrimonii, tunc non expedit fini matrimonii, ut contrahatur, quia per tale matrimonium potius impediretur mutuum obsequium, quod conjuges sibi invicem præstare debent, & perturbaretur status matrimonii, ergo tunc non debet sponsus, vel sponsa compelli ad contrahendum, nisi prius moneatur, quia tunc adest rationabilis causa, ob quam compelli non debet ad contrahendum matrimonium, et si interposito juramento illud promiserit, ut patet

ex c. *Ex litteris*. 10. ibi: *in rationabilis causa obstitit, in uxorem recipiat, h. t.*

XX. Præterea expedit quandoque permittere minus malum, ut majus evitetur. Majus autem malum est, in proposito, permittere scandala, & perpetuas discordias oriri inter conjuges, quam fidem Sponsalium violare, ideòque hoc posterius justè permittit Ecclesia, ut prius, quod gravius malum est, evitetur, *Sanct. cit. dist. 29. n. 4.* Quare cum in c. *Requisivit*, dicitur, quod mulier nolens contrahere matrimonium cum eo, cui id jurata promissit, potius sit monenda, quam cogenda, id ita exponi debet, quod prius monenda sit, & postea cogenda, si monitioni non acquieverit, & ita non contradicit priori cap. *Ex litteris*. h. t. sed concordat cum illo, quamvis sponsi debeant admoneri, & per censuras Ecclesiasticas compelli, ut promissum consensum conjugalem præstent, juxta cit. c. *Ex litteris*. sed cum libera esse debeant matrimonia, neque à Judice metus inferri debeat sponsis, per quem liber consensus ad matrimonium necessarius tollatur: est enim matrimonium ejus, qui liberè Sponsalia contraxit, metu gravi postea contractum, ipso jure nullum, ut ex infra dicendis patebit: ideo non debet esse talis coactio strictissima, sed moderata, ita ut si videat Judex sponsum esse obstinatum, & liberè consentire in matrimonium nolit, non debeat contra ipsum procedere absolute, & strictè compellendo, sed potius uti monitione, juxta cit. c. *Requisivit*. quia hæc compulsio ad liberum consensum elicendum adhibetur, non ut invitus ad matrimonium adigatur. Unde si post latam, hoc casu, excommunicationem, videat Judex sponsum pertinacem manere, debet ipsum denique absolvere à censura, etiamsi id non petat. *Covarr. in Epist. l. 4. Decret. p. 1. c. 4. n. 5. Sanct. cit. dist. 29. n. 7.* Porro si Sponsus, vel Sponsa, quæ promissit matrimonium alicui, siue cum juramento, siue sine illo, postea violatà fide datà, contrahat matrimonium cum alio, vel alia, contractus tenet, nec potest compelli, ut redeat ad priorem sponsum, vel sponfam, *Gl. in cit. c. Ex litteris. V. Compellat in fine.*

XXI. ASSERTIO 4. Probabilis est, sponsalia de futuro etiam per gravem metum injustè incussum contracta, esse valida, donec per Judicis sententiam, ob hanc, vel alias causas, rescindantur, *Silvest. V. Sponsalia. q. 6. in fine. Tanner, cit. dist. 8. q. 1. dnb. 1. n. 14. & 15.* Ubi tamen id limitat, modò alter contrahens ipsemet injustè metum non incusserit, quia licet jure statutum sit, ut matrimonium injusto gravi metu initum sit ipso jure nullum, ut infra dicitur, non tamen id statutum repetitur in Sponsalibus. Ratio diversitatis est, quia matrimonium semel validè contractum non potest ullo modo amplius dissolvi, ideòque æquum fuit, ut ob gravem metum injustè contractum ab initio irritaretur. At verò Sponsalia de futuro faciliè dissolvuntur, & possunt per dispensationem Episcopi hujusmodi sponsalia metu inita dissolvi, etiamsi juramento firmata sint: quam si metu contrahens non petat, videtur sponte, & absque coactione matrimo-

nium contraxisse, *Tanner, c. l.*

§. IV.

An Sponsalium contractui adijci possit pœna, vel arrha?

XXII. ASSERTIO 1. Pœna propriè dicta, quæ scilicet consistit in proprio peculio, seu patrimonio v. g. diminuendo, solvenda per eum, qui si dem frangit, adjecta contractui Sponsalium, est utroque jure irrita, tum Civili l. *Mulier. §. C. De Sponsal.* tum Canonico, ut constat ex c. *Gemma. 29. h. t.*

Nam cum filia T. mulieris G. infra VII. annos contraxisset Sponsalia cum P. (quæ fuerunt invalida) præsentibus parentibus, apposita fuit pœna, quam pars, quæ resiliere, alteri persolveret. Postea dicta filia T. contraxit matrimonium cum C. unde petitum fuit, ut pœnam adjectam persolveret. Redelata ad Papam Gregorium IX. is respondit: cum matrimonia libera esse debeant (ab omni coactione) ideo talis stipulatio pœnæ in sponsalibus appositæ merito est reprobanda. Mandavit igitur Papa, ut si ita est, petens pœnam per Ecclesiasticam censuram compellatur ab illius excoisione desistere. Ratio est, ut libertati matrimonii consulatur, nec timore pœnæ solvenda coactum matrimonium inear, *Sanch. cit. l. 1. dis. 30. n. 1. & 2.*

XXIII. Idquæ extenditur 1. quod non tantum sit irrita pœna, si ea per ipsos sponso sit adjecta contractui sponsalium, sed etiam si per consanguineos ipsorum, ita ut probabile sit fore, ut inducantur sponsi ad matrimonium contrahendum, ne consanguinei pœnam solvere debeant, *Sanch. c. l. m. 3.* At verò pœna apposita inter omnino extraneos ipsis sponsis, valida est, quia per illam sponsi non inducuntur ad matrimonium contrahendum, ne hi pœnam solvere debeant, *Sanch. c. l. n. §.* Est autem verius, pœnam adjectam contractui sponsalium nec quidem juramento firmari, cum sit contra bonos mores, & publicam utilitatem, nam Reipublicæ interest libertate esse matrimonii, quia ex coactis matrimoniis oriuntur jurgia, dissensiones, & mala liberorum educatio, *Sanch. cit. l. 1. dis. 32. n. 21. Tanner. cit. dis. 8. dub. 3. n. 44.*

Extendunt 2. communiter DD. quod irrita sit adjectio pœnæ, si ve quis ex justa causa à contractu sponsaliorum resiliat, quod est indubitatum: si ve etiam injustè ac petidè, nihilominus quod etiam hoc casu pœna Sponsalibus adjecta non debeat. Contrarius tamen est valde probabile, ut docet *Laym. l. 5. n. 10. p. 1. c. 1. n. 8.* quia tunc cessat ratio, ob quam pœna sponsalibus adjecta irrita censenda est, ne libertas matrimonii impediatur: quia si quis nullam habeat causam resiliendi à sponsalibus, tunc nullam retinet libertatem contrahendi matrimonium, sed pœnâ conventionali compelli debet ad contrahendum, cum etiam possit per censuras Ecclesiasticas compelli, juxta c. *Ex litteris. 10. h. t.* & dictum supra n. 17.

XXIV. Porro quod attinet ad pœnam impropiè dictam, quæ consistit in lucro amitendo, vel non acquiendo, si apponatur ab ipsis contrahentibus, nisi hoc vel illud matrimonium inear, ut promitto tibi centum ducatos, si mecum matrimonium contraxeris, talis promissio irrita est, secundum præ-

sumptionem fori externi, quia promittens censetur, intuitu libidinis, alterum velle inducere ad matrimonium. Si verò pœna ab aliis apponatur, quam ab ipsis contrahentibus, ut si Testator leget aliquid Annæ, si Petto nupserit, illa verò Petro nolit nubere, tunc lucrum illud legatæ perdit, quia hæc non est vera pœna, sed potius est invitatio ad certum matrimonium, & liberalis promissio, seu donatio sub conditione censetur, per quam libertas matrimonii non tollitur, quia non agitur de pœna damni, cujus metu posset quis induci ad contrahendum matrimonium contra voluntatem, sed solum de non acquitendo lucro, per quod allicitur quis ad matrimonium, ut colligitur ex l. *Tirio. 71. §. 1.* ubi dicitur, aliud est enim eligendi matrimonii, pœna metui, libertatem auferri, aliud ad matrimonium coram legem invitari, ff. de condit. & demonstr. *Sanch. l. 1. dis. 33. n. 3. & 6. Laym. cit. c. 1. n. 9.* Ubi ait, quod valeat talis promissio, si præsumptio turpitudinis cessat, ut si nomine dotis, vel promissionis propter nuptias aliquid promissum videatur.

XXV. ASSERTIO 2. Non tantum Jure Civili, sed etiam Canonico, intervenire possunt arrhæ in contractu sponsaliorum, secundum magisterceptam sententiam, quasi pignoris loco tradæ à sponsis, ita ut eas amittat tradens, si culpâ suâ resiliat à sponsalibus, adeoque matrimonium non sequatur, eo autem secuto, redeunt ad tradentem, ut constat ex l. *Mulier. §. C. de sponsal.* & docet *Sanch. cit. l. 1. dis. 36. n. 2.* Quod si uterque sponsus arrhas tradidit, & recepit, injustè resiliens, & suas perdidit, & acceptas restituere tenetur: si verò alter contrahens, seu sponsa, seu sponsus solus tradidit arrhas, & culpâ non tradentis, matrimonium non sequatur, tenetur is duplum restituere, id est, ipsas arrhas receptas, & tantundem de suo patrimonio, vel etiam triplum, aut quadruplum, si ita inter partes conventum sit, *cit. l. pen. C. de sponsal.* dummodo contrahens sponsalia sit major 25. annis, nam minor 25. annis non tenetur amplius, quam accepit, restituere, *cit. l. pen. C. de sponsal. Sanch. cit. dis. 36. n. 7. 8. & 9.* Quamvis autem Jure communi arrhæ à dante repeti possint post nuptias, quippe cessante causâ, ob quam datæ sunt; ex consuetudine tamen inter sponsalitates donationes numerantur, *Laym. cit. c. 1. n. 8.* Cur autem sponsalibus adijci possint arrhæ, non autem pœna, difficile est veram rationem discriminis reperire: imò *Laym. c. l.* asserit, id esse impossibile, cum arrha etiam pœnæ rationem habeat, & quidem justæ, quæ non repugnat libertati matrimonii, dummodo decreta sit in eum, qui ob culpam talem pœnam meretur: si autem justè quis resiliat à sponsalibus, tunc adjectio pœnæ utique irrita est, juxta c. *Gemma. 29. h. t.* & consequenter etiam adjectio arrhæ.

§. V.

Virum sponsalia clandestina Jure novo sint irrita, & quomodo trans-eant in matrimonium?

XXVI. ASSERTIO 1. Non est necessarium, etiam post Concilium Tridentinum, ut sponsalia de futuro

futuro coram Parocho, & testibus contrahantur, sed etiam clari contracta sunt valida, imò & licita, per se loquendo, *Sanch. cit. disp. 12. n. 2.* & alii communiter. Quia decretum Concilii Tridentini irritans matrimonium clandestinum est correctorium Juris communis, eique derogat, ac proinde stricte interpretandum, neque extendendum ultra casum expressum, *l. Præcipimus. 32. C. de appellat.* Cum ergo solum declararet irritum matrimonium clandestinum, non debet extendi ad sponsalia, nam si intelligatur decretum Concilii Tridentini, ut non irritentur sponsalia clandestina, reditur ad Jus commune, secundum quod ea valida erant. Expositio autem, per quam reditur ad Jus commune, favorem continet, quia vitatur correctio Juris communis, quod est favorabile, ergo hæc expositio quippe favorabilis est complectenda, *Sanch. c. l. n. 1.* Porro quamvis prohiberi matrimonio absolute, seu omnibus modis, censeantur etiam hoc ipso prohibita sponsalia, per quæ pervenitur ad matrimonium: secus tamen est, si solum prohibeatur matrimonium, ne tali modo contrahatur, ut in proposito, ne clari incurrat prior enim casu, quia nullo modo potest contrahi matrimonium, sponsalia essent promissio rei illicitæ, & sic nulla. Posteriore vero casu non item, quia clandestine contrahentes sponsalia spondent, & se obligant ad contrahendum matrimonium, non clari, quod foret illicitum, sed eo modo, quo præcipit Ecclesia, quæ est promissio rei licitæ, adeoque valida. Textus in specie contractus, ut *l. Oratio. 16. ff. de sponsal. l. Si quis tutor. 60. §. Quamvis. ff. de ritu nup.* intelligendi sunt, quando prohibetur matrimonium absolute, ut nullo modo contrahatur: vel quando est eadem ratio prohibitionis in matrimonio, & sponsalibus: atqui matrimonium clandestinum prohibeant ad virandum concubinatum cum secunda uxore, ad quam quippe publice ductam Ecclesia cogebat, cui de prioris matrimonio, quippe clari inito, nihil constabat: cum tamen revera matrimonium cum prima validum esset: quod non habet locum in sponsalibus: quibus non obstantibus, matrimonium posterius contractum est validum, *Sanch. c. l. n. 2.* Quod autem sponsalia clandestina sint etiam licita, adeoque sine peccato sic contrahi possint, patet ex eo, quia nullo Jure prohibentur, nec anriquo, nec novo, quamvis decenter sine teste non fiant, ut notat *Tanner, cit. dub. 1. n. 12.* Imò consultum est, testes adhiberi sponsalibus, ut si desides in externo foro habeatur.

XXVII. ASSERTIO 2. Spectato Jure antiquo Canonico, sponsalia de futuro, per secutam copulam carnalem transeunt in matrimonium, prout sumitur ex *c. Veniens. 15. §. c. l. qui. 30. h. t.* Ubi Papa Gregorius IX. ita refertur: *Is, qui fidem dedit alicui mulieri, quod eam in uxorem ducere velit, & si postea illam carnaliter cognoscit: aliam, que in facie Ecclesiæ ducatur, ad primam, redire tenetur: quia licet primum matrimonium præsumptum videatur, tamen contra talem præsumptionem probatio in contrarium non est adinvenienda.* Unde sequitur, quod matrimonium postea de facto contractum non verum sit matrimonium, sed nullum. Ratio est, quia Ecclesiæ ex carnali copula præsumit in sponsis conjugalem consensum ad ex-

cludendum peccatum, quod scilicet sponsus & sponsa, non fornicario, sed affectu maritali se invicem cognoscere voluerint, quia delictum non est præsumendum. Et est hæc præsumptio Juris, & de Jure, id est, omnino certa, & indubitata, contra quam non admittitur probatio, & consequenter non audiretur sponsus asserens, se non cognovisse sponsam affectu maritali, vel animo contrahendi matrimonium cum illa, *Covarr. in Epitome l. 4. Decret. p. 1. c. 4. §. 1. n. 1. & 2.* Confirmatur, quia copula carnalis secuta post sponsalia de futuro, est sufficiens signum consensûs de præsentî in matrimonium, & sponsi per eam se censentur sibi invicem tradere, quæ præsumptio habet locum in foro contentioso, & judiciali tantum, non autem in foro conscientie, & penitentiali. Unde si sponsus verè cognovisset sponsam, non affectu maritali, sed fornicario, non esset verum matrimonium in foro penitentiali, & coram DEO: quia Papa non potest facere, ut sine consensu expresso, vel tacito, sit verum matrimonium, *Hofstiens. hic col. 2. in fine, Fagnan. hic n. 6. & 7.*

XXVIII. Porro prædicta Constitutio, per quam sponsalia transeunt in matrimonium, subsequente carnali copulâ, procedit nunc etiam in locis, in quibus decretum Concilii Tridentini *sess. 24. de reform. matr. c. 1.* non est receptum. At verò ubi dictum Concilium est receptum, & promulgatum quoad matrimonia clandestina, non habent locum matrimonia præsumpta, adeoque sponsalia de futuro per copulam subsecutam non transeunt in matrimonium, nisi per verba de præsentî, sive per expressum consensum coram parocho, & testibus matrimonium iterum contrahatur, quia aliâ non posset constare Ecclesiæ de tali matrimonio, & sic non est amplius locus dispositioni *cit. c. l. qui, ut sæpius censuit S. Congreg. Cardinal. apud Barbos. ibid. n. 8.* *Sanch. l. 3. de matrim. disp. 40. n. 3.* Verum si à sponsis consensus utrinque reovaretur, isque inveniretur per signum aliquod externum, v. g. per translationem sponsæ in domum sponsi, vel per subordinationem solemniatè factam, coram parocho, & testibus, qui advertunt, quid agatur, & quâ intentione, posset talis actus esse sufficiens signum, ut sponsalia censeantur transire in matrimonium, *Tanner. cit. dub. 3. n. 43.*

XXIX. Illud postremò hoc loco addendum; etsi post sponsalia de futuro, si sequatur copula carnalis, præsumatur matrimonium inter illos contractum esse, ut dictum, non tamen hoc præsumitur, quando copula carnalis verè non fuit secuta, sed solum nusus, seu conatus ad illam, prout sumitur ex *c. Adolescens. 32. §. ult. h. t.* Ubi Papa Gregorius IX. ita refertur: *Adolescentes, qui desponsatam sibi per verba de futuro sæpius nusus fuit carnaliter cognoscere, sed non potuit: postea cum alia per verba de præsentî contraxit matrimonium, is non potest primam ducere, quia non fuit verum matrimonium ex forma contractûs, (ob defectum consensûs per verba de præsentî) nec præsumptum matrimonium, quia conatus ad copulam non habuit effectum; cum ea non sit perfecta, seu consummata: idèoque retinere debet secundam, cum qua contraxit per verba de præsentî.*

Hinc infertur, quod conatus, sive voluntas sine effectu

effectu non obit, neque conatus reputatur pro actu perfecto, *Gl. hic V. Conatus*; neque affectus puniatur, nisi sequatur effectus, *Barb. hic in Collect. n. 45*. Ubi addit, excipi delicta atrocissima, ut crimen læsæ Majestatis, assassinii, simoniaci, veneficii &c.

XXX. Verum decisioni dicti c. ult. obstat videtur c. *Juvenis*. 3. supra h. t. Ubi Juvenis, qui sponsalia contraxit cum puella nœdum septenni, propter suspicionem copulæ solum attentatæ, etsi non consummatur, jubetur separari ab illa. Respondetur, per solum conatum ad copulam, sine effectu, matrimonium non consummatur, nec presumitur contraxit; etiamsi sponsalia contraxerint, quia factus quæritur, sicut in furto requiritur actualis contrectatio rei. Oritur tamen ex tali conatu ad copulam impedimentum publicæ honestatis, ut in c. *Juvenis*, propter famam, quæ existimabatur esse sponsa illius Juvenis: in quo attenditur non factum, seu effectus, sed naturalis consensus, & publica honestas. In c. *verò ult. h. t.* agitur de matrimonio presumpto; ad quod necessarius requiritur, ut copula carnalis, non tantum sit attentata, sed etiam consummata, *Hosiens. in c. ult. in fine*, quæ responsio magis patet ex dicendis §. seq.

§. VI.

De impedimento publicæ honestatis proveniente ex sponsalibus de futuro.

Queritur 1. Quid sit impedimentum publicæ honestatis? Resp. est quædam quasi affinitas, seu propinquitas Jure Ecclesiastico introducta, proveniens ex sponsalibus de futuro, ob publicam honestatem morum. Ratio est, quia æquum, & consonum honestati est, ut propter inchoationem matrimonii, quæ fit per sponsalia, prohibeatur matrimonium cum consanguineis unius sponsi cum altero: ita ut sicut per matrimonium affinitas contrahitur dirimens subsequens matrimonium: ita ex sponsalibus oriatur aliud vinculum conjunctionis, sed minus perfectum, similitur dirimens matrimonium, *Sanch. l. 7. de matrim. dif. 68. n. 1. Læym. l. 5. traçt. 10. p. 4. c. 9. n. 1.*

XXI. Queritur 2. An sponsalia à pubere contracta cum puella minore septennio pariant publicæ honestatis justitiam? Resp. Si major septennio cum puella proxima septennio, in qua malitia supplet ætatem, contrahat sponsalia de futuro, oritur justitia publicæ honestatis, uti sumitur ex c. *Juvenis*. 3. h. t. maxime si carnalem copulam attentarunt, juxta intellectum Innocentii, & *Joann. Andr. hic*. Nam quidam Juvenis puellam nondum septem annorum duxit in uxorem (de facto, non de jure) vel potius sponsalia cum illa contraxit, & forsitan cum eadem puella tentavit, quod complere non potuit, sed postea idem Juvenis cum illius puellæ consobrina matrimonio contraxit. Re delatâ ad Papam Eugenium III. is mandavit, ut consobrina puellæ, quam idem juvenis postea duxerat in uxorem, ab illa separaretur. Idque cum quia in his, quæ dubia sunt, quod certius existimatur,

sevari debet: est autem dubium, quod tentaverit id, quod complere non potuit, nempe an juvenis ille puellam: nondum septennem carnaliter cognoscere tentaverit, idèque hoc presumendum est, tanquam certius, & securius: tum propter honestatem Ecclesiæ: quia illa puella dicti juvenis conjux (id est, sponsa, *Gl. hic V. Conjux*) fuisse dicitur.

XXII. Pro explicatione hujus c. notandum 1. non potuit in casu hujus c. juvenis, qui cum puella septenni sponsalia contraxit, & forsitan tentavit illam carnaliter cognoscere, postea matrimonium contrahere cum consobrina illius, sive filia sororis matris suæ, nec cum illa permanere: idque non propter affinitatem ortam ex nisu, seu conatui copulæ; quia affinitas non contrahitur, nisi ex copula carnali completa: sed propter impedimentum publicæ honestatis ortæ ex sponsalibus de futuro, quæ ibi præcellerant: & idè hic dicitur, propter honestatem Ecclesiæ hoc impedimentum esse contraxit. Nec obstat, quod ex sponsalibus contractis ante septennium non oritur publicæ honestas, quia sponsalia ante septennium inita sunt invalida, ut infra dicitur. Nam responderetur, ideo in hoc c. ex sponsalibus initis cum puella nondum septenni, oritur esse impedimentum publicæ honestatis, quia apparebat puellam illam esse propinquam septennio, & in illa malitiam supplēte ætatem, ac proinde ex consensu præstito in sponsalibus validis, & ex mutua cohabitatione, cum nisu ad copulam, oriebatur impedimentum publicæ honestatis, *Abb. hic n. 4. & clarius Barbos. in collect. num. 3. & 4.* Nam si priora sponsalia juvenis inita cum puella invalida fuerunt, nihil impediēbat, quin cum consobrina ipsius validè matrimonium contrahere posset, non enim præstat impedimentum, quod de Jure non sortitur effectum, *Reg. Jur. §. 2. in 6. Henric. Canis. in c. 3. n. 2. h. t.* Itaque probabilior intellectus hujus c. est, quod Juvenis ille debeat à consobrina puellæ, quam posterius duxit, separari propter impedimentum publicæ honestatis, nam etsi dubium erat, an priora sponsalia valida essent, eò quod ex conjecturis probata non erant omnino certa: sufficienter tamen ad ea valida censenda certitudinem habuerunt, quia malitia puellæ supplēvit ætatem, quoad sponsalia, & impedimentum ex illis consurgens erat sufficienter certum: idèque matrimonium posterius initum cum ejusdem consobrina judicatum fuit nullum, *Sanch. l. 1. moral. c. 10. n. 1.*

Notandum 2. quando hic dicitur, in his, quæ dubia sunt, id, quod certius, & tutius existimatur, tenendum esse, id intelligi debet, quando verè dubium est, ita ut intellectus neutri parti contradictionis adhæreat, sive assentiat, tunc enim debet quis eligere, quod tutius est, & in quo nullum peccati periculum versatur, ut si quis practicè dubitet, an hic, & nunc teneatur jejunare, teneatur jejunare, nisi dubium deponat. Si verò quis probabiliter opinetur, ac judicet aliquid esse licitum, etsi speculativè judicet, oppositum esse probabilius ac tutius, potest eligere etiam minus tutum, & in hoc casu tantum consilium est sequi id, quod certius, ac tutius est, *Sanch. l. 2. de matr. dif. 41. n. 9.* & alii DD. communiter. Sed hoc aliò pertinet.

XXXIII. Queritur 3. An impedimentum publicæ honestatis oriatur ex sponsalibus invalidis?

Resp. hoc impedimentum, spectato Jure antiquo Canonico, oriatur ex sponsalibus contractis inter consanguineos, quamvis nulla sint, seu invalida, ita ut mortuo sponso, non possit sponsa ducere fratrem sponsi mortui, etiam si intervernerit juramentum, prout sumitur ex c. *Ad audientiam*, 4. h. t. Ubi habetur, quod cum quidam Civis Papiensis H. vellet filiam suam dare in matrimonium cuidam filiorum concivis sui L. juravit, quod si ille eam, caeterum quodam interveniente, habere non possit, alteri filio ipsius ex alia uxore genito, eandem matrimonio copularet. Postquam verò filia H. sponsalia contraxit cum filio L. quidam juramento asseruerunt, eos esse consanguineos: ideoque prædictus H. eandem filiam suam dare alteri filio dicti L. in uxorem voluit, prout juravit, sed quia scriptum est, quod sponsam fratris frater habere non potest: ideo mandat Papa Alexander III. ne permittatur implere propositum suum (quod illi certum fuit) sed pœnitentiam de illicito juramento agere, monitione præmissa, per Ecclesiasticam censuram compellatur.

Hinc colligitur, spectato Jure communi Decretalium, oritur impedimentum publicæ honestatis etiam ex sponsalibus irritis ad dirimenda sequentia sponsalia, & matrimonium, dummodo non sint irrita ex defectu consensûs, Covarr. in Epitom. l. 4. Decret. p. 2. c. 6. §. 2. in princ. Sanch. l. 7. de matr. disp. 68. n. 9. Unde in casu hujus cap. filia Civis H. post sponsalia contracta cum filio Civis L. sibi consanguineo, adeoque quæ erant irrita, non potuit matrimonialiter copulari fratri ejusdem uterino, qui ex alia uxore dicti L. erat genitus, ob impedimentum publicæ honestatis, quod contraxit cum priore filio Civis L.

XXXIV. Ubi præterea notandum, hoc impedimentum ex invalidis sponsalibus descendens, Jure communi Decretalium, extenditur ad quartum usque gradum inclusive, ita ut consanguinei intra quartam consanguinitatis, & affinitatis gradum, non possint cum sponsa matrimonium contrahere, & de converso, prout etiam constat ex c. *Sponsam*, 8. h. t. Ubi dicitur: nullus consanguineus potest sibi matrimonio copulare sponsam alterius, maxime si nubile ætati sit proxima: quia postquam sponsus & sponsa contraxerunt sponsalia de futuro, sive promissum est matrimonium inter se contracturos, publica honestas exigit, ut unus eorum non possit amplius contrahere matrimonium cum consanguineo alterius, Vivian. in Ration. in cit. c. *Sponsam*, h. t. Idque multò fortius locum habet, si sponsa sit proxima nubile ætati sive pubertati, licet idem sit dicendum, si sit proxima septennio, & doli capax, Gl. hic. v. *Nubile*, & patet ex c. *Invenis*, 3. h. t. de quo supra. Neque obstat cit. c. *Ad audientiam*, ubi solum de fratre est sermo, adeoque ex eo solum probatur, sponsalia nulla impedire, & dirimere matrimonium subsequens ob publicam honestatem in primo gradu. Nam ibi factum solum narratur, & Pontifex tantum respondit ad casum specialem, de quo fuit consultus. Idem tamen est dicendum de alijs consanguineis sponsi usque ad quartum gradum inclusive, Abb. in

Tomus IV.

cit. c. *Ad audientiam*, n. 3. Barb. ibid. n. 3. Idque locum habet, non tantum si sponsalia de futuro sint nulla, ob impedimentum consanguinitatis, de quo ibi est sermo: sed etiam si sint nulla ex quovis alio impedimento Juris positivi, v. g. affinitatis, vel alio, quia satis est ad inducendum impedimentum publicæ honestatis, ut sponsalia sint valida de Jure naturali, & teneant ratione consensûs, quia Sacri Canonis in inducendo impedimento publicæ honestatis, & justitiæ, magis attenderunt ad factum, quam ad jus, quia communiter æstimatur, inhonestum esse, ut quis habeat sponsam consanguinei sui in uxorem, unde nihil mirum, si præster impedimentum etiam, quod de Jure non sortitur effectum, Gl. in cit. c. *Ad audientiam*, v. *Habere non potest*, & Abb. ibid. n. 7. prout magis ex dicendis patebit.

XXXV. Queritur 4. Utrum ex sponsalibus puris, & certis, etiam nullis, & an ex incertis, & conditionalibus inducatur impedimentum publicæ honestatis, & justitiæ? Resp. De his agitur in c. *Ex sponsalibus*, n. c. h. t. in 6. Ubi Bonifacius VIII. ita refertur: Ex sponsalibus (de futuro) puris, sive absolutis, & certis, etiam si consanguinitatis (scilicet intra quartum gradum) affinitatis (in primo genere, & quarto gradu citiore, seu ulteriore, Gl. hic. v. *Eodem*, l. 1. Religiosis (sive solemnibus professionis præcedentis) aut alia quavis ratione sint nulla: dummodo non sint nulla ex defectu consensûs, oritur efficax impedimentum justitiæ publicæ honestatis, ad impediendum, & dirimendum sequentia sponsalia, aut matrimonia, non autem ad præcedentia dissolvendum. Quare qui sponsalia puræ ac determinatè cum aliqua contraxit: & postmodum cum alia prioris consanguineo idem fecit, vigore priorum sponsalium (quibus per publicæ honestatis justitiæ ex sponsalibus cum secunda contractis inductam minime derogatur) ad contrahendum cum prima manet obligatus. Addit in fine §. *Ille vero*: si quis cum aliqua sponsalia sub conditione contraxit, & ante conditionis eventum (secus si post) cum alia prioris consanguinea per verba de presenti contraxit, cum secunda remanere debet: quia ex sponsalibus conditionalibus, ante existentiam conditionis, perinde ut ex consensum non habentibus, & incertis, nulla publicæ honestatis justitiæ oritur.

XXXVI. Pro explicatione hujus c. notandum 1. impedimentum hoc publicæ honestatis contrahitur solum cum consanguineis alterius sponsi, non autem cum affinis illius, quia conjuges non prohibentur à matrimonio cum affinis alterius conjugis, ut infra dicitur, ergo multò minùs sponsi de futuro, Franc. hic. n. 3. not. 7. Sanch. l. 7. de matr. disp. 68. n. 3.

Notandum 2. Ex quibusvis sponsalibus, id est, cum determinata persona initis, & absolutis, hoc est, absque conditione suspendente, quæ nondum est completa, contractis, quamvis ea irrita sint ex quacunque causa, dummodo non sint irrita ex defectu consensûs, ut si contracta sint ab infante, vel furioso, aut a mente, qui non sunt capaces consensûs, oritur hoc impedimentum. At verò si sponsalia de futuro cum aliqua inita, sint irrita, ob impotentiam,

B

Ordin-

Ordinem sacrum, votum solemne castitatis, vel Professionis Religiosæ, aut ob aliud impedimentum dirimens, eum tamen effectum habentur proprii consanguinei sponsi usque ad quartum gradum non possunt valide fecerint, seu sponsam illam ducere, propter impedimentum illud publicæ honestatis ex illis sponsalibus irritis surgens, *Sanch. cit. dif. 68. num. 5. & 6.* Ubi n. 7. addit, id locum habere, siue sponsi sciant hoc impedimentum, siue ignorent, quia textus in *cir. c. unic.* indistinctè loquitur, & quia major adest consensus, quando contrahens scit impedimentum, quam quando ignorat, quia nihil magis contrarium est consensui, quam error.

Notandum 3. Potest aliquis actus esse nullus de Jure positivo, quia Jus illud annullat, ita tamen ut non sit nullus de Jure naturali, quia scilicet adest consensus jure naturæ requiritus ad contrahendum, *Franc. hic n. 2. not. 3.*

Notandum 4. Facilius tollitur actus, qui primùm futurus est, vel celebrandus, quam qui jam factus est, & ideo impedimentum justitiz publicæ honestatis inducitur ex constitutione Ecclesiæ, licet non tollat, aut dirimat præcedentia sponsalia, vel matrimonium contrahendum, tollit tamen, ac dirimit sequentia, ut habetur in *cir. c. unic. Franc. ibid. n. 4. not. 5.*

Notandum 5. Impedimentum hoc publicæ honestatis ex sponsalibus surgens esse perpetuum, siue perpetuè durat, ita ut nec post mortem alterius sponsi extinguatur, *c. Si quis. 14. & c. seq. caus. 27. q. 2. & c. Sponsam. 8. h. 1.* Ubi dicitur, nullum ex consanguineis sponsi posse sponsam ejusdem matrimonio sibi copulare, id est, nullus ex consanguineis sponsi, intra gradum prohibitum, potest in perpetuum matrimonium cum sponsa inire, *Abb. in cir. c. Sponsam. n. 2. Sanch. cit. dif. 68. n. 20. & 21.*

XXXVII. Notandum 6. Posteriora sponsalia inita cum persona consanguinea prioris sponsi, aut sponsæ, non oriuntur impedimentum publicæ honestatis dirimens priora sponsalia, quamvis affinitas superveniens dissolvat priora sponsalia de futuro contracta, *Gl. in cir. c. unic. V. Derogatur.* Ubi rationem reddit, quia posteriora sponsalia prorsus irrita sunt, ob justitiam publicæ honestatis, ex prioribus sponsalibus inductam, ideoque ex posterioribus non potest publica honestas prioribus derogans surgere, *Franc. hic num. 6. Sanch. c. l. num. 23.*

Porro si post sponsalia de futuro cum certa persona, sponsus coarctat matrimonium de presenti cum ejus sorore, vel alia consanguinea in prohibito gradu, & nondum illud consummavit, obligatur ad fidem servandam priori sponsæ, matrimonium cum illa ineundo, quia matrimonium illud posterius, quippe irritum, non inducit impedimentum publicæ honestatis derogans prioribus sponsalibus, adeoque matrimonium cum priore sponsa initum validum erit. Si verò matrimonium cum posteriore invalidè initum consummasset, cum neutra posset illud valide inire: non cum priore, ob impedimentum affinitatis surgens ex copula cum ejus sorore, vel alia consanguinea in gradu prohibito habita: non cum posteriore, propter impedimentum publicæ honestatis ortum ex sponsalibus valide contra-

ctis cum ejus sorore, vel aliâ ejus consanguineâ in gradu prohibito, *Sanch. cit. dif. 68. n. 24.*

Notandum 7. Ex sponsalibus incertis, ut si quis promittat se ducturum unam ex filiabus Titii, & illæ consentiant, non oritur impedimentum publicæ honestatis, *cir. c. unic. h. 1. in 6.* Quia sicut matrimonium debet necessariò iniri cum persona certa, & determinata, ita & sponsalia, quæ sunt ejus initium, *Sanch. l. 1. de sponsal. dif. 26. num. 1. & l. 7. dif. 69. n. 1.*

XXXVIII. Notandum 8. & ult. ex sponsalibus contractis cum aliqua, sub conditione de futuro, non oritur impedimentum publicæ honestatis, ante impletam conditionem. Quare si quis contrahat sponsalia de præsentibus, vel matrimonium cum sorore, aut alia consanguinea prioris sponsi, conditione nondum extante, valet matrimonium, quia eam conditio suspendat consensum usque ad eventum illius, antequam ea impleatur, sponsalia non sunt valida, ex defectu consensus, ac proinde ex hujusmodi conditionalibus sponsalibus non oritur impedimentum publicæ honestatis, *cir. c. unic. §. Ille verò. h. 1. in 6.* At verò post eventum conditionis oritur, ut colligitur à contrariò sensu, quia tunc sunt sponsalia pura, seu absoluta, & habent perfectum consensum, *Sanch. cit. l. 7. dif. 69. n. 2.* Id verò intelligi debet de conditione de futuro, nam si sit conditio de præsentibus, vel de præterito, statim oritur impedimentum publicæ honestatis, si hæ conditiones veræ sint, ut colligitur ex *cir. c. un. ibi: ante conditionem extantem*, quia per conditionem præsentem, vel de præterito, quando jam extat, consensus non suspenditur, ac proinde ea sunt vera, & absoluta sponsalia *Sanch. cit. dif. 69. n. 4.* & alii apud ipsam, Quod si conditio de futuro sit impossibilis, aut turpis, ita tamen ut non sit contra substantiam matrimonii, statim oritur impedimentum publicæ honestatis, quia eam conditio habebat pro non adjecta, manent sponsalia omnino absoluta, *Sanch. c. l. n. 6.*

XXXIX. Cæterum hæc sunt dicta procedunt de Jure communi Decretalium, quæ per Concilium Tridentinum sunt correctæ *Seff. 24. c. 3. de reform. matr. quoad ad.* Primum est, quod hoc impedimentum hodie tantum oriatur ex sponsalibus de futuro validis, ac proinde si sponsalia ex quacunque causa invalida sint, nullum ex iis oritur impedimentum publicæ honestatis, ut censuit etiam S. Congregatio Concilii apud *Jo. Gallemt. ibid. in declarationibus n. 2.* Idque procedit, etiam si irrita sint, ob defectum consensus interni, quia Concilium universaliter sponsalia, quæ ex quacunque causa valida non erant, prorsus tollit. Quamvis *Sanch. cit. dif. 68. n. 14.* dicat, Concilium intelligendum esse, quando sponsalia sunt irrita, ob defectum consensus externi, non autem interni. Ubi n. 14. addit, si sponsalia irrita sint, ob aliud impedimentum omnino occultum, tunc in externo foro censentur esse valida, si defectus probari non possit, & consequenter non producant impedimentum publicæ honestatis, cum tunc scandalum desit, & ratio, ob quam inducitur hoc impedimentum. Alterum est quoad gradum, nam juxta *cir. Decretum Tridentini*, sponsalia, etiam valida, primum gradum consanguinitatis non excedunt, tam in linea recta, quam trans-

varia, cum generaliter, & indistinctè Concilium loquatur. Quare hodie contrahens sponsalia de futuro cum aliquo, vel aliquo, non potest validum matrimonium inire cum patre, vel matre, fratribus, vel sororibus, vel filijs sponsi alterius, vel sponsa: potest autem cum alijs consanguineis, sive ascendentibus, sive descendantibus, sive collateralibus, quia omnes alij sunt conjuncti sponsis ultra primum gradum, quem impedimentum hoc, juxta Concilium Tridentinum, non excedit. *Sanch. cit. dist. 28. n. 10.* An verò ex sponsalibus de presenti, sive ex matrimonio rato, & non consummato, valido, vel irritato, oriatur impedimentum publicæ honestatis, & ad quem gradum se extendat, infra dicetur.

SECTIO II.

DE DISSOLUTIONE SPONSALIIUM.

§. I.

Quas ob causas dissolvi possint sponsalia de futuro?

XL. Quæritur 1. An sponsalia de futuro mutuo contrahentium consensu dissolvi possint? Responso sponalia pubertum (nam aliud est de sponsalibus impuberum, de quibus *rit. seq.*) etiam legitime contracta, possunt per mutuum ipsorum dissensum dirimi, sicut ceteri contractus, ut colligitur ex c. *Præterea*. 2. h. 1. Ratio est, quia omnis res, per quas causæ nascitur, per easdem dissolvitur, c. 1. infra de R. J. Et nihil tam naturale est, quam eo genere quidquam dissolvi, quo colligatum est. *l. Nihil*. 3. ff. *cod. de s. ult. Instit.* quibus mod. toll. oblig. Obligationes, quæ consensu contrahuntur, contrariâ voluntate dissolvuntur. *Sanch. l. 1. de spons. dist. 3. n. 2.* Excipiuntur contractus matrimonij, qui ob rationem Sacramenti est indissolubilis. Idque extenditur etiam ad sponsalia, quæ juramento sunt firmata, quia juramentum promissorum appositum contractui tanquam accessorium sequitur ejus naturam, & conditiones, c. *Quemadmodum*. 25. de *Jur. jur.* ergo sublata per mutuum contrahentium consensum obligatione orta ex contractu sponsalium, tollitur etiam ea, quæ est ex juramento, & priori innitebatur, eratque confirmatoria illius: nam sponsalibus (sicut & alijs promissionibus) inest hæc tacita conditio, nisi ea postea remissa, & mutuo consensu soluta fuerint. Quare vel juramentum præstitum est in favorem partis, & potest ejus consensu remitti, quia quilibet potest favori suo renunciare, juramentum autem dirigunt in Deum, tanquam in testem promissionis homini factæ, quo remittente juramentum in gratiam suam præstitum, etiam Deus illud remittit. *Abb. in c. 2. n. 3. h. 1. Sanch. l. 1. de sponsal. dist. 3. n. 6.* Vel juramentum in honorem Dei est præstitum, ita tamen ut tota res promissa cedat in utilitatem partis, ut si quis in iurâ pietatis juret faminæ pauperi, se eam in uxorem ducturum, tum Deus recipit juramentum tale in utilitatem partis, adeoque pars, cui res promissa est sub juramento, potest illud remittere, si velit. *Abb. c. 1. n. 6. Covarruv. in Epist. l. 4. Decret. p. 1. c. 5. n. 1. Sanch. cit. dist. 3. n. 6. 7. & 8.*

XL I. Porro quod dictum est, mutuo consensu

sponsorum dissolvi sponsalia, id verè tum procedit, cum sponsi simul libere, & mutuo consensu, & non coactè sponsalia contracta dissolvunt: nam si unus ex sponsis à sponsalibus, sine causa, resiliat, altero non consentiente, tunc prior peccat, nec obligatio ne liberatur, alter tamen sic liber, si velit, quia prius sponsalibus renunciavit. *Sanch. cit. dist. 3. n. 4.* Si verò alterutra pars non sponte, ac libere in dissolutionem sponsalium consensit, sed minis, terroribus, vel nimia alterius importunitate ducta, & quasi coacta ab altera parte consensit, tunc pars sic inducens manet in conscientia obligata ad servanda sponsalia. *Sanch. c. l. n. 3. Tanner. tom. 4. dist. 8. q. 1. dub. 4. n. 19.*

XLII. Sed his obstat videtur responsio data ab Innocentio III. in c. *Præterea*. 2. h. 1. Ubi ita rescribit: Qui de matrimonio purè, & sine omni conditione, sibi invicem fidem dederunt, commo- nendi sunt, & modis omnibus in duceudi (imò & compellendi, si juraunt, *Gl. hic V. Inducendi*.) ut si- dem datam observent. Si autem hoc facere noluerint, non sunt compellendi, (scilicet ad matrimonium contrahendum, ne deterius aliquid inde contingat) nempe ut illam quis ducat, quam odio habet: sed ad instar eorum, qui societatem contrahunt, fide invicem datâ, & postea tandem sibi remittunt, hoc poterit in patientia tolerari.

Ex hoc c. aperte colligi videtur, remissionem, sive dissolutionem sponsaliorum mutuo consensu factam esse nullam, & illicitam, permitti tamen, ac tolerari, vitandi peioris exitus causâ, ne quis ducatalem uxorem, quam odio habet. Respondent communiter DD. cum Abbate hien. 5. Pontificem ita respondisse, ad vitandam speciem mali, quia homines vulgo putant, sponso, si resiliat à sponsalibus, fidem datam, vel juramentum violare, idcirco sunt monendi, & inducendi ad servandam fidem, ne temere ab illa resiliant: reipsâ autem id malum non est, et si nolint servare fidem datam, sed dissolvere sponsalia, Ecclesia id tolerat, non solum permittendo, sed approbando tanquam licitum. *Sanch. c. l. n. 2.* Idque confirmatur ex illis verbis cit. c. 2. in fine: *Videntur*, quod instar eorum, qui societatem, interpositione fidei contrahunt, & postea sibi eandem remittunt, hoc possit in patientia tolerari. Ubi Papa concedit, sponsalia dissolvi posse, eo modo, quo societas dissolvitur, vi cuius bonorum, vel negotiationis alicujus communio sic instituitur, ut ejus licet, & eadem ad unum quemque communiter pertineat, l. 1. & *seqq. ff. pro socio*: sed contractus societatis mutuo consensu contrahentium dissolvi potest, ergo etiam contractus sponsalium: addit tamen id non facile fieri debere, quia habet speciem mali, quamvis malum non sit.

Præterea duobus modis potest a liquo à jure patientiam tolerari: primo permittendo illud, quod per se quidem malum est: sed permittitur ad vitandum majus malum, ut exemplum habetur de pluralitate beneficiorum in c. *Cum jam dudum*. 28. de *præbend.* sic permittuntur etiam lupanaria, ad vitandam majora mala, ut adulteria, incestus &c. Altero modo toleratur aliquid à jure, permittendo illud, non tanquam in se malum comparatione majoris, sed ut minus conveniens propter notam ipsam sustineat.

sic, sic in *cir. c. 2.* statuit Pontifex, ut detestanda inconstantia causa, sponsi potius matrimonium contraherent, quam mutato animo a sponsalibus resiliunt sine causa, id eoque prius monendos, & inducendos esse vult ad matrimonium, quam a sponsalibus discedant. *Henis. Canis. in cir. c. 2. n. 4. h. t.*

XLIII. Aliam responsoem ad praedictum cap. quae convenientior videtur, dat *Laym. l. 5. tr. 10. p. 1. c. 2. n. 1.* Quod Papa ibi loquatur de eo casu, qui frequenter accidere solet, nempe ut unus ex sponsois, v. g. mulier desideret quidem fidem datam servari a viro, sed is omaino recuset, & cupiat sponsalia remitti, ac dissolvi, eò quod abhorreat a muliere, tunc enim commonendus est, & omnibus modis inducendus, ut fidem datam observet, ut dicitur in *cir. c. 2.* Si verò malus exitus timeatur, & mulier non spontanea, ac libera voluntate, sed quasi coacta consentiat in dissolutionem sponsalium, tunc vir quidem peccat, permittit tamen ab Ecclesia, ut sponsalia dissolvantur, idque non approbando, sed tolerando ad majora mala, seu incommoda vitanda. Potro consuetudo est in multis Ecclesiis, ut si sponsalia coram Parocho, & testibus sancti celebrata, non permittatur fieri eorum dissolutio, nisi causa prius ad Episcopum deferatur, ut notat *Laym. c. l.*

XLIV. Queritur 1. An & qua ratione dissolvantur sponsalia, elapso termino, seu tempore ad matrimonium contrahendum praefixo? Hac quaestio dependet ex interpretatione, seu intellectu *c. Sicut. n. 22. h. t.* Ubi talis casus proponitur. Quidam Laurentius nomine iuravit patri mulieris P. se eam duxurum, & pater vicissim iuravit, se ei filiam suam daturum in uxorem: non autem per viam, sed per mulierem stetit, quominus contraheretur. Post annos verò 4. vel 5. elapsos, idem Laurentius aliam mulierem E. per verba de praesenti desponsavit. Consultus super hoc Pontifex Innocentius III. rescriptis Episcopo cuidam, si consulerit, quod idem L. priorem mulierem P. per verba de futuro, mulierem verò E. per verba de praesenti sibi desponsaverit, imposita ei poenitentia, propter sponsalia priora de futuro jurata violata, matrimonium secundo loco contractum legitimum judicari debere: (nisi forte in iuramento suo certum terminum praefixit, intra quem duceret illam in uxorem, nec per eam stetit, quin ad statutum terminum matrimonium consummaret.) Quod si forte sponsalia per verba de futuro cum utraque contraxit, primum iuramentum, quippe licite factum, servandum est, & super secundo ei poenitentia est injungenda. Si verò de his plenè nondum constet, tamdiu Episcopus cognoscat de causa, donec de ea plenius instruat. XLV. Hinc colligitur 1. Sponsalia de futuro etiam jurata dissolvuntur per secunda sponsalia cum alia contracta de praesenti, non autem per secunda de futuro, ut patet ex hoc cap. Sed de hoc plura infra.

Colligitur 2. Sponsalia de futuro dissolvuntur, lapsu termini, seu temporis ad matrimonium contrahendum praefixi: nam si unus ex sponsois die contracto, seu condito, matrimonium contrahere non vult, alter est liber a sponsalium fide, seu liberè resiliere potest, *cin. c. Sicut. h. t.* Ex quo constat, alterum

sponsum esse liberum ab obligatione sponsalium, quando sine eius culpa sponsalia, praefixo termino, non sunt impleta, *Covarr. in Epit. l. 4. Decret. p. 1. c. 5. n. 2. Sanch. l. 1. de Sponsal. disp. 53. n. 1.* & alii DD. communiter.

XLVI. Ubi praeterea notandum, duobus modis potest in ipso contractu sponsaliorum apponi terminus, sive dies ad contrahendum matrimonium, vel ad restringendam, sive finiendam obligationem, ita ut nisi intra tale tempus, nuptiae sequantur, resiliere liceat. Et tunc si quidem per utrumque contrahentem stetit, quominus nuptiae sequerentur intra tempus praefixum, ex parte utriusque solvuntur sponsalia, si verò per alterum tantum stetit, hic adhuc obligatur, ne ex culpa sua commodum referat, alter verò liber manet, ut colligitur ex *cir. c. Sicut. ibi: nec per eum stetit.* Vel tempus est adiectum obligationi sponsalium, postea contracta solum ad statuatendam, sive exequendam obligationem, nimirum ut nuptiae tunc executioni mandari debeant, alioquin pars, per quam stetit, ne sequeretur matrimonium, in culpabili more esse censetur: hoc casu, lapsu termini, seu temporis praefixi non dissolvuntur sponsalia, sed uterque contrahens obligatus manet. Ratio discriminis est, quia priore casu, unica obligatio est, eaque non absoluta, sed alligata certo tempore, quo elapso, desinit obligatio, velut conditionis defectu: Posteriori verò casu, duplex est obligatio, una contrahendi nuptias, altera contrahendi tali tempore: ergo licet haec secunda obligatio non impleatur in sponsalibus: manet tamen prior obligatio absoluta, & a posteriore independentis, ut colligitur ex *L. Celsus. 23. §. 1. si de recepti. arbitri.* ex qua patet in obligatione solvendi, certo tempore, duas obligationes contineri, unam solvendi, alteram tali termino, seu tempore solvendi, ergo si posterior obligatio in sponsalibus non sit impleta, debet adhuc prior impleri, *Sanch. cir. disp. 53. n. 1. & 6. Laym. l. 5. tr. 10. p. 1. c. 2. n. 16. Becan. p. 3. Theol. Schol. c. 43. q. 28. n. 2. §. 1. de Sponsal.*

XLVII. Queritur 3. An dissolvantur sponsalia de futuro propter discessum, vel absentiam sponsi? Respi. Si sponsus se transferat in terras, seu Regiones longinquas, sine licentia sponsae, liberum est sponse alteri nubere, seu matrimonium cum alio contrahere, prout sumitur ex *c. De illis. §. h. t.* Nam cum quæritum fuisset ex Papa Alexandro III. quid faciendum esset de illis, qui iuramento praestito, promittunt se aliquas mulieres ducturos, & postea in infecis ad alias patres, seu exteras terras transferunt? Respondet Papa, liberum esse mulieribus illis, si non est amplius in factu processum (id est, si consensus de praesenti, vel carnis copula non intercessit) cum aliis matrimonium inire: imposita tamen ipsis poenitentia ob perjurium, si per eas stetit, quominus matrimonium sit subsæcutum, & consummatum. Ratio est, quia sponsus migrans in alienas terras, infecis sponsa, censetur renunciare sponsalibus: tum quia nimis grave foret sponsae tamdiu abstinere nuptiis, nec censetur contrahentes sponsalia ad hoc se voluisse obligare, nisi id expresserint. Idque procedit, etiam si sponsalia sint iuramento utriusque firmata, ut patet ex *cir. c. De illis.* ubi tamen additur, spon-

sponsæ de perjurio penitentiā esse injungendam, si per illam stetit, ne matrimonium, tempore, quo oportebat, fuerit contractum: tunc enim si sponsus ob eam causam in aliam terram se transferat, sponsa ab ipso liberatur, censetur tamen aliquo modo causam perjurii dedisse, *Sanch. c. l. n. 7. Laym. c. l. n. 15.*

XLVIII. Ubi præterea notandum. Si sponsus sit in loco propinquo, is est expectandus à sponsa, vel requirendus, ut intra certum tempus contrahat matrimonium, *Covarr. cit. c. 5. n. 7. Sanch. cit. l. 1. dis. 54. n. 11.* Si verò sponsus ad remotas partes se transferat, animo mutandi domicilium, & sine licentia sponsæ, nec spes sit brevi rediturum, tum non teneatur sponsa eum sequi, sed est libera ab ipso, ut colligitur ex *cit. c. De illis. ibi: dimittere terram, si ad partes alias transierint*, per que verba significatur videtur mutatio domicilii. Idemque est, si intelligat sponsa, vitum esse vagabundum, quia est notabilis rerum mutatio, nec antea, ut supponitur, præcognita, ac proinde non censetur sponsa ad hanc se obligasse, *Sanch. c. l. n. 14. Laym. cit. c. 3. n. 15.*

Notandum 2. Si sponsus discedat à sponsa, & aliò se conferat, etiam in terras alienas negotii conficiendi causâ, adeoque animo redeundi, ut Studiosus studiorum causâ, non censetur tacite renunciare sponsalibus, idèque expectandus est, donec redeat, *Henric. Canis. in cit. c. De illis. n. 1.*

Notandum 3. vel abest sponsus diutius, ob causam necessariam, vel ob voluntariam. Si primum, tunc expectandus est, donec cesset iustum ejus impedimentum, *l. 2. ff. de sponsal. nisi aliter conventum sit*, vel inconstantia periculum sponsæ imminuat, vel alia necessitas contrahendi matrimonium urgeat, *Laym. c. l. n. 13.* Si secundum, scilicet si sponsus abierit, ob causam voluntariam, eamque iustam: tunc secundum Jus Civile, expectandus est biennio, si intra Provinciam, juxta *l. 2. c. de sponsali triennio* verò, si extra Provinciam versetur, juxta *l. 2. c. de repudiis*.

XLIX. Sed hic dubitatur, utrum prædictæ leges Civiles per Jus Canonicum sint correctæ? Affirmat *Sanch. cit. dis. 54. n. 60.* & alii apud ipsam, quia in *cit. c. De illis*, dicitur absolute, liberum esse mulieribus relictiis ad alia vota se transferre: si autem expectare deber per triennium, non posset alteri liberè nubere! Sed probabilius negant esse correctas, *Silvest. P. Sponsalia. q. 10. tit. quarto casu. Covarr. c. l. n. 7. Henric. Canis. in cit. c. De illis. n. 1. Laym. c. l. n. 14.* neque enim ex *cit. c. De illis*, colligi potest per illud derogari legibus Civilibus, cum ergo hæ leges per se iustæ sint, in foro Canonico, & Civili, externo & conscientie observandæ sunt, non enim SS. Canones dedignantur sequi Leges Civiles, *c. l. de novi oper. nuntiari*, quando de re aliqua nihil est dictum Jure Canonico: præsertim cum sponsalia de futuro non sint Sacramentum, nec alia res spiritualis, sive Ecclesiastica. Poterit tamen Juxta Ecclesiasticas hoc tempus trienni, vel bienni restringere ob periculum incontinentiæ sponsæ, vel ex alia iusta causa, & jubere, ut sponso significetur, ut si non intra tale tempus redierit, sponsam ab ipso liberam fore, ut tradunt DD. *cit.* Quare cum Jus Canonicum sta-

tuit in *cit. c. De illis*, posse sponsam liberè cum alio contrahere matrimonium, ob absentiam sponsi, id intelligi debet, expectato tempore legali, cum Jus Civile in hac re non sit correctum per Jus Canonicum, *Bezan. cit. c. 43. q. 29. n. 5. 20. n. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

§ II.

An es qua ratione dissolvantur priora sponsalia de futuro, per ingressum Religionis, vel susceptionem Sacri Ordinis?

L. ASSERTIO I. Certum est sponsalia de futuro per ingressum Religionis approbatæ dissolvi, secutâ professione, quia cum sponsalia de presenti, sive matrimonium ratum per solemnem professionem dissolvantur, *c. Ex publico. 7. de convers. conjug.* multò magis sponsalia de futuro, *Covarr. in Epit. l. 4. Decret. p. 2. c. 5. n. 11.* Sed dubitatur 1. an solo ingressu Religionis, etiam si professio non sit secuta, sive per ingressum Novitiatus solvantur sponsalia? Resp. pars in sæculo remanens liberatur ab obligatione sponsalium, ita ut possit cum alio matrimonium contrahere, tum quia Religionem ingrediens tacite, & ipso facto renuntiat sponsalibus prius initis, suscipiendo statum ita disparatum: tum quia notabilis fit mutatio ex parte ejus, qui Religionem ingreditur, & probro tribueretur parti manenti in sæculo, si teneretur deserentem Religionem in matrimonium, vel uxorem recipere: & nimis durum foret, si deberet toto tempore Novitiatus eum expectare, *Sanch. l. 1. c. de spons. dis. 42. n. 2.* Utrum autem etiam is, qui Religionem est ingressus, liberetur, major est controversia? Affirmat *Sanch. c. l. n. 5.* Saltem si sponsus bonâ fide, ingreditur, secus est si dolose, & animo iterum exeundi. Sed probabilius id negant *Laym. l. 5. tit. 10. p. 1. c. 2. n. 3. Tanner. tom. 4. dis. 8. sub 4. n. 47.* Quia ingressus in Religionem nec ex natura sua hoc habet, ut omnino dissolvat sponsalia, cum non sit aliquis status impossibilis cum matrimonio: neque etiam id habet ex Jure positivo, sicut nec dissolvit vota simplicia, quæ suspensa manent: ergo egrediens Religionem, professione non secutâ, adhuc obstrictus manet, & cogi potest, ut fidem sponsalium olim datam impleat, si sponsus romanens in sæculo ita voluerit, & expectarit, nec interim ad alia sponsalia transierit.

§ II. Dubitatur 2. An per votum ingrediendi Religionem, ac profitendi, dissolvantur penitus sponsalia prius inita, etiam jurata? Resp. dissolvi, adeoque talis sponsus potest Religionem ingredi, non prius contracto matrimonio, *Covarr. cit. c. 5. n. 11. Sanch. l. 1. c. de sponsal. dis. 43. n. 3. Laym. cit. c. 2. n. 4. Tanner. dubi. 4. n. 48.* Ratio est, tum quia promissioni sponsalium inest hæc tacita conditio, nisi promittens perfectiorem Religionis statum elegerit: ergo etiam inest juramento, quod sortitur naturam, & condiciones actûs, super quo interponitur, *c. Quemadmodum. 27. de Jurjur.* Tum quia sponsus licet potest Religionem profiteri, ut est communis sententia DD. ergo etiam licet potest illam, rescissis sponsalibus, vovete, vel addito jura-

mento promittere. Tum quia frustraneum omnino est contrahere matrimonium, animo ingrediendi statim Religionem, cum hoc sit decipere partem alteram, quæ hujus animi conscia, nolle contrahere matrimonium, nec momentaneæ illâ solutione revera impleretur juramentum. Confirmatur, sicut se habet matrimonium ratum ad sponsalia de futuro: ita proportionaliter se habet professio ad votum profutendi: sed matrimonium ratum dissolvitur per solemnem professionem, c. *Ex publico 7. de convers. conjug.* ergo etiam sponsalia dissolvuntur per votum solemniiter profutendi.

Excipi debet, nisi necessitas urgetet ad prius contrahendum matrimonium, quia sponsa aliàs gravem infamiam incurreret, quippe quæ spe matrimonij cognita, & forè graviora facta fuit: vel ut proles ex ea nata legitima fiat: tunc enim tenetur sponsa contrahere prius matrimonium, & ante consummationem potest Religionem ingredi, *Sanchi. cit. l. n. 4.* Neque verò tale votum ingrediendi, ac profutendi Religionem DEO gratum esse potest, neque obligat, quatenus cedit in injustum sponsæ detrimētum, *Laym. cit. l. n. 4.*

LII. Sed prædictis obstat videtur c. *Commis-*
sum 16. h. 1. Nam cum quidam alicui mulieri fidem
 dedisset de contrahendo matrimonio, & infra bi-
 ennium se per verba de presenti illud contractu-
 rum, juramento firmasset: postea privata lege du-
 ctus ad frugem melioris vitæ transire suspirabat.
 Consultus Pontifex Alexander III. respondit, tu-
 tius esse ei, ut religionē juramenti firmatæ, prius
 matrimonium contrahat: & postea, si elegerit, ad
 Religionem transcat: dummodo post dispensatio-
 nem carnalis copula inter eos non intervenierit.

LIII. Pro explicacione hujus c. notandum
 ex decisione hac dubium oritur, cur Papa selectibat
 matrimonium prius contrahendum esse à sponsa,
 quam si Religionem ingrediat, cum tamen apertis-
 juris sit, non tantum contractis sponsalibus de futu-
 ro, sed etiam matrimonio per verba de presenti, an-
 te consummationem illius, per copulam carnalem
 permissum esse alteri contrahentium, etiam invito
 altero; ingredi Religionem, c. 2. c. *Ex publico 7. c.*
Ex parte 9. de convers. conjug. adeoque frustra, & in-
 utiliter prius contraheretur matrimonium à tali
 sponsa. Aliqui respondent, quod Pontifex hic di-
 cat, tutius esse servare juramentum, & primò con-
 trahere matrimonium; non quidem ex præcepto, sed
 ex consilio, ob vitandum scandalum pusillorum; &
 propter reverentiam juramenti. Sed melior est re-
 sponsio, quod in casu hujus c. ille, qui sponsalia ju-
 ramento promissit, nullum votum fecit ingrediendi
 Religionem, imò necdum plene deliberavit, & se-
 cum firmiter statuit Religionem ingredi: & ex alia
 parte, instabat tempus, quo juramentum obligabat
 ad contrahendum matrimonium, ideo dixit Ponti-
 fex tutius esse, ut prius contrahat matrimonium, ne
 incidat in perjurium, post elapsum biennium, &
 contracto matrimonio, poterit adhuc per bimestre
 deliberare de ingressu Religionis, ut colligitur ex il-
 lis verbis, & postea elegerit ad Religionem migrare.
 Quod si sponsus ille jam cerò constitisset ingredi
 Religionem, tunc non obstante juramento, pornis-
 set eam ingredi, quia tunc omnino inutiliter contra-

heret matrimonium, *Sanchi. cit. dif. 43. n. 5. Ator p. 1.*
Instit. lib. 11. c. 5. q. 4. 5. Contrahat. Canis. in cit. c.
Commisum. n. 3. Porro contra ibid. dicitur in fine,
dummodo copula carnalis cum sponsa non intervenierit, id
 ideo additum est, quia si copula intervenisset, non
 posset sponsus, invitâ sponsâ, Religionem ingredi,
 quia tunc jam censeretur matrimonium esse per co-
 pulam contractum, & consummatum, *Canis. cit. l.*
nm. 2.

Notandum 2. quando hic dicitur, quod spon-
 sus iste, privata lege ductus, ad frugem melioris vi-
 tæ suspiravit transire, per privatam legem intelligitur
 instinctus Spiritus S. qui in corde scribitur, & pri-
 vatim quosdam movet ad religiosum statum: per
 publicam verò legem intelligitur lex DEI, & Eccle-
 siæ, sive SS. Canonum, quæ ab omnibus observan-
 da est, juxta c. *Due sunt 2. caus. 19. q. 2. & consentit*
c. Licet. 18. de Regular.

LIV. Dubitatur 3. An si quis non solum spon-
 salia cum Virgine contraxit, sed etiam sub spe ma-
 trimonij eam corruptit, possit, ante contractum, vel
 consummatum matrimonium, Religionem ingre-
 gredi? R. non potest, sed tenetur eam ducere. I-
 demque dicendum, si copula non sit secuta, notabi-
 lem tamen famæ jacturam patiarur femina, quia
 talis, moraliter loquendo, non potest injuriam vio-
 latæ virginitatis, aut famæ aliet refarcire, ad quod
 tamen exultitia obligatur, *Sanchi. l. 1. de sponsal. dif.*
44. n. 3. & 4. Tanner. cit. dif. 8. q. 1. dub. 4. n. 50. Sed
 quid si votum Religionis à sponso emissum sit, ante
 sponsalia, isque postea eam corruptit, fide datâ de ma-
 trimonio contrahendo, teneaturne eam ducere, non
 obstante voto? Dux sunt sententiæ, una ait, teneri
 eum corruptam ducere, si voti ignara fuit, *Sanchi. cit.*
l. 1. dif. 45. n. 3. Tanner. cit. l. m. 31. Ratio est, quia
 votum non obligat, si res ita notabiliter sit muta-
 ta, ut sine ullaque tertij damno votum impleri non
 possit. Accedit, quod quipost votum Religionis
 factum à se corruptam ducit, non absolvetur omni-
 no à voto, sed ejus executio tantum ad tempus dif-
 fertur, quia soluto matrimonio ingredi tenetur Re-
 ligionem; si adhuc idoneus sit, votum enim imple-
 re tenetur, quatenus potest, sine alterius præjudicio.
 Et hæc sententia speculativa est probabilis. Con-
 traria tamen non teneri illam ducere, est communis,
 & in praxi recepta, teste *Laym. cit. c. 2. n. 50.* Cum eni-
 nim per votum prius DEO jus sit, quæsitum, non po-
 test vovens, propriâ auctoritate, illud rollere, magis
 se alteri obligando, vel statum, vel contrarium sus-
 cipiendo, sed requiritur, ut Jux, seu Prelatus Ec-
 clesiasticus in voto dispenset, ejusque obligationem,
 causâ cognita, relaxet, idèque etiam vovens pete-
 re tenetur dispensationem.

LV. ASSERTIO 2. Solvuntur sponsalia de
 futuro, etiam per susceptionem Ordinis sacri, seu
 majoris, quia Ordo sacer, ob solemne votum casti-
 tatis ipsi annexum, reddit susipientem incapacem
 matrimonij contrahendi, ergo multò magis Ordo
 sacer dirimit sponsalia contracta. Non autem per
 susceptionem Ordinis minorum dirimuntur spon-
 salia prius contracta, ac proinde sponsus licet potest
 ad illos promoveri, quia hi Ordines non repugnant
 matrimonio, nec impediunt, quò minus sponsus
 eosdem licet suscipere possit. An verò votum susci-
 pionis

piendi Ordines factos etiam dirimat sponsalia prius contracta, ita ut sponsus licet possit etiam ad sacros Ordines promoveri, controversia est inter DD. Affirmat Tanner. cit. dub. 4. n. 52. Nam cum Status Ecclesiasticus dignior sit, & sanctior statu matrimonij, adeoque de meliori bono, non videtur per obligationem sponsalium, quippe quæ minoris momenti est, & minus fortis, impediri debere Status Ecclesiasticus. Sed probabilius est, per votum sacrum Ordinem suscipiendi non dirimi sponsalia prius contracta, nec illis astrictum posse licet promoveri ad Ordines sacros, Sanch. cit. l. 1. dif. 47. n. 3. tum quia votum castitatis inclusum in Ordine sacro, per se, & ex natura sua non est solemne, sed tantum per accidens, quia ex Constitutione Ecclesiæ habet effectum voti sollemnis, nempe ut matrimonium contractum dirimatur: tum quia non reperiuntur in Jure concessus hic effectus dirimendi sponsalia præcedentia susceptioni Ordinis facit, etsi ei annexum sit votum continentie: sicut votum ingrediendi Religionem dirimit sponsalia prius contracta, ut supra dictum n. 5. Ratio est, quia qui Ordines sacros suscipit, post contracta cum aliqua sponsalia, facit illi gravem injuriam, ac proinde non potest illos suscipere, sine ejus consensu. Cæterum sponsus, qui vovit suscipere sacros Ordines, censetur renunciare sponsalibus prius contractis, atque ita altera pars libera est ab obligatione sponsalium, Sanch. cit. l. n. 4. Porro an per votum simplex perpetuæ continentie dissolvantur sponsalia de futuro præcedentia votum, sive ante votum contracta, non consentiunt DD. de quo infra suo loco in Tit. 6. hoc libro commodius agetur.

§. III.

Utrum priora sponsalia de futuro solvantur per posteriora iuramento firmata, vel per matrimonium cum alia contractum, & an etiam per subsequentem fornicationem?

LVI. ASSERTIO 1. Per sponsalia posteriora non solvuntur priora vetiani iuramento firmata, Sanch. l. 1. de sponsal. dif. 50. n. 2. & alij apud ipsum. Ratio est, quia secunda sponsalia, etiam jurata, sunt invalida, cum nemo possit valide rem aliquam alieni promittere, quam aliter valide obligavit, neque iuramentum est vinculum iniquitatis, c. Quamvis 1. §. de Iurejur. neque obligat eum præjudicio tertij, Reg. Non est obligatorium, §. 8. de R. J. in 6. Ex parte tamen illius, cum qua primò sponsalia sunt contracta, ea sunt soluta, quia illa potest recedere, si velit: nam contrahens secunda sponsalia eo ipso censetur renunciare prioribus, Sanch. cit. l. n. 3.

LVII. Sed quid si cum posteriore sponsa, ignorat priorum sponsalium, carnalis copula sit subsequuta, an non saltem ratione damni illati tali casu dissolvantur priora sponsalia? Resp. in rigore non dissolvitur, sed talis sponsus adhuc priorem sponsam ducere debet, Sanch. lib. 1. dif. 49. n. 5. quia cum post Concil. Trident. sponsalia posteriora non transcant per copulam in matrimonium, sed matrimonium

præsumptum cessavit, ut dictum supra num. 2. h. 2. ideo non dirimuntur priora sponsalia: neque etiam per injuriam illatam posteriori sponsæ aufertur jus prioris: aliud est in voto Religionis vel Castitatis, quo non obstante, corruptor virginis tenetur eam ducere, ut docetur infra in tit. 16. lib. 5. quia ex voto oritur solum obligatio Religionis: ex sponsalibus autem, cum desolatione, oritur obligatio ex justitia, quæ multò est strictior. Deinde prius votum non omnino tollitur, sed suspenditur per matrimonium: at hic prior obligatio per sequens matrimonium omnino exstinguitur. Item DEVS non vult impleri promissionem sibi factam, cum damno tertij: homines autem nolunt privari suo jure, propter injuriam alteri illatam, Sanch. cit. dif. 49. n. 5. ubi tamen n. 6. addit, quòd aliquando ex æquitate posteriora sponsalia servanda erunt, ut si corrupta grave damnum favæ pateretur: prior verò sponsa leviter læderetur: tunc enim saltem ex charitate hæc teneretur consentire in dissolutionem sponsalium, ad vitandum grave damnum alterius, & Judex poterit illa dissolvere. Præterea aliquando sponsalia priora ita dissolvantur per posteriora, cum copula, ut matrimonium cum neutra iniri possit, ut si sponsalia posteriora cum copula habita sunt cum cognata in primo gradu prioris sponsæ: tunc enim cum prima sponsa non poterit contrahi matrimonium, ob impedimentum affinitatis: neque cum secunda ob impedimentum publicæ honestatis, quod ex prioribus sponsalibus validis ortum est. & primum gradum non excedit, post Concilium Trident. Sanch. cit. l. n. 3. Denique si aliquo casu contingat, priora sponsalia dissolvi, is qui inijt secunda, etiam jurata, non tenetur ea postea, primis dissolutis, implere, quia illa secunda sponsalia, cum inirentur, erant invalida, ratione priorum sponsalium, quibus ligatus erat contrahens: quod autem ab initio validum non fuit, tractu temporis non convalescit, Reg. juris 18. in 6. & Reg. 29. ff. eod. ob quam causam etiam, si ligatus voto castitatis contrahat sponsalia, etiam postea dispensationem voti impetret, non tenetur ad ea servanda, quippe quæ ab initio invalida fuerunt, Sanch. cit. l. 1. dif. 50. n. 6.

LVIII. ASSERTIO 2. Sponsalia de futuro etiam jurata, solvuntur per sponsalia de presenti, sive per matrimonium subsequens valide, etsi illicitè contractum cum alia, c. 1. De sponsa duorum, & habetur etiam in c. Si inter, 3. x. h. e. ubi in primis dicitur: Si inter virum, & mulierem mutuum consensus interveniat, per verba de presenti expressus, dicente utroque: Ego te in meam accipio, & ego te accipio in meum: vel per alia verba consensum expressum de presenti: sive iuramentum sit appositum, sive non (quia iuramentum non est de substantia matrimonij, Gl. hic V. Iuramentum) non licet illis postea ad alia vota transire, sive aliud matrimonium contrahere. Quòd si fecerint, separandi debent, etsi carnalis copula sit subsequuta, & primum matrimonium firmum manet. Verum si inter ipsos tantum intervenit promissio sponsalium per verba de futuro, utroque dicente: Ego te accipiam in meam, & ego te in meum, vel per alia similia verba, etiam iuramento interposito, tum si alius postea mulierem illam per verba de presenti de-

„ sponsaverit, matrimonium posterius contractum
 „ tenet, nec separari potest. Debet tamen eis, ob
 „ violatam fidem priorum sponsalium de futuro
 „ poenitentia injungi. Ratio est, quia matrimoni-
 „ um etiam ratum tantum, est fortius vinculum, adeo-
 „ que ditius sponsalia priora de futuro, etiam jurata,
 „ si sit validum: si verò matrimonium subsequens sit
 „ irritum, obligabunt adhuc priora sponsalia, quia
 „ non præstat impedimentum, quod de jure non for-
 „ titur effectum, *Reg. jur. § 2. in 6.* manet tamen alter
 „ sponsus liber à sponsalium fide, si in matrimonium
 „ cum alia non consensit, sed tunc alter sponsus vo-
 „ lens contrahere cum alia matrimonio, censetur ta-
 „ cè prioribus sponsalibus renunciâsse, *Sanch. l. 1. c. 48. n. 1.*

Ex hoc c. colligi videtur, quòd in contractu ma-
 trimonii vir prius interrogari debeat, an consentiat,
 quàm mulier: sed hoc non est necessarium, nam in
 quibusdam locis prius interrogatur mulier: idque
 non sine ratione, ne si fortè vir primò interrogatus
 consentiat, & mulier postea nolit, non sine dedeco-
 re viri, ut notavit *Abb. hic n. 3.*

LIX. Porro hic dubium otitur, utrùm per sub-
 sequens matrimonium validum omnino extinguatur
 obligatio priorum sponsalium: an verò solùm
 suspendatur, ita ut si uxor, cum qua contra fidem
 priorum sponsalium, matrimonium contraxit Ti-
 tius, moriatur ante sponsam primam, nec superven-
 tit novum impedimentum, an, inquam, Titius ad-
 huc obligatus sit illam ducere, vi priorum sponsali-
 um, si illa velit? Consentit aliqui solùm suspendi, sed
 probabilius est, illa omnino extingui, ut docet *Sanch. c. 1. diff. 48. n. 3. Laym. cit. c. 2. n. 22. Tanner. cit. diff. 8. q. 1. dub. 4. n. § 6. & § 7. & alii: & satis colligitur ex c. 1. si inter, h. t. c. 1. De sponsa duorum, & c. ult. caus. 27. q. 2. Ex quibus constat, quòd sponsalia per matrimonium cum alia contractum solvuntur, adeoque omnino extinguuntur, & non tantum suspenduntur: obligatio autem semel extincta amplius non reviviscit, c. *Queris. 129. diff. 4. de consec. l. Qui res. § 8. Arcam. ff. de solution. Confirmatur, quia cum sponsalia, & matrimonium sint obligationes ejusdem rationis, & ordinis, quippe utraque ex justitia, & utraque facta homini, prior obligatio extinguitur per fortiores supervenientes: sicut vo-
 tum strictioris Religionis omnino extinguitur per professionem securam in ordine laxiore, juxta c. 5. de Regular. in 6. Nec refert, quòd per subsequentia mat-
 rimonium non dissolvitur prius votum simplex ingre-
 diendæ Religionis, sed suspenditur, durante mat-
 rimonio: nam votum, & matrimonium sunt obliga-
 tiones diversæ rationis, una enim fit DEO, altera homini. Teneatur tamen Titius compensare damnum primæ sponsæ, quod illi intulit, violando fidem sponsalium: imò si illam sub matrimonio spe violasset, teneretur illam, soluto matrimonio, ducere, nisi jam aliunde damno esset satisfactum, quod tamen vix aliâ ratione fieri potest, quàm ducendo illam, *Sanch. cit. l. n. §. Laym. cit. l. 1. c. 48. n. 3.***

LX. ASSERTIO 3. Solvuntur sponsalia etiam jurata per sequentem fornicationem tam sponsi, quàm sponsæ, ita ut innocens jus habeat ea rescindendi, non autem nocens, ne ex iniquitate sua coin-
 modum forat, prout statuitur in c. *Quemadmodum.*

25. de *jurejur.* quod quamvis de fornicatione spon-
 sæ solùm loquatur, rationes tamen ibidem allatæ etiam in fornicatione sponsi locum habent: nam & in promissione sponsi talis debet conditio intelligi, si is contra regulam desponsationis non venerit, alioqui enim etiam ipsi fidem frangenti fides servanda non erit: deinde non tantum ob fornicationem uxoris, sed etiam mariti coniugium contractum dissolvitur quoad torum, ergo multò magis sponsalia. Idemque dicendum de fornicatione spiritali, ut si alteruter sponsus in hæresin incidat, sit enim valde notabilis mutatio, per quam grave vitium inducitur in compare, *Sanch. l. 1. diff. § 5. n. 1. & 3.*

LXI. Ubi præterea notandum, quamvis quo-
 ad actuale fornicationem, vir & femina æquali jure gaudeant, assignatur tamen quædam discrimina inter sponsum, & sponsam communiter ab Autoribus: Nam 1. Si sponsa permittat se turpiter tangi ab aliis, licet sponso resiliat, quia illa censetur vivere impudicè, nec potest vir eam, sine gravi nota, ducere. Contrà verò non id permittitur sponsæ, ob oscula, vel tactus impudicos sponsi cum alia, quia per hoc non redditur viri infamis, nec id est dedecus sponsæ: nisi ejusmodi tactus essent frequentes, ita ut indicarent sponsum alteram magis amare, aut fidem sponsæ non servaturum, *Sanch. cit. diff. § 5. n. 5. Laym. cit. c. 2. n. 11.* Secundò si sponsa ab alio vi oppressa sit, potest repudiari, & dissolvi possunt sponsalia, quia & hoc casu sponsa multò fit vilior, & censetur viro infame talem ducere: & periculo exponitur, ne alienam prolem pro sua alat: contrà verò ob vici omnino inviti culpaq; expertis fornicationem non solvuntur sponsalia, quia femina per hoc nullam gravem incurrit notam, vel damnum: quare vir, & femina quoad fornicationem ad paria judican-
 tur, quando fornicatio ex parte viri est culpabilis: non autem si sit inculpabilis, *Sanch. cit. diff. § 5. n. 8. Laym. cit. c. 2. n. 11.*

LXII. Tertiò quando sponsa corrupta fuit ab alio, ante sponsalia, si sponsus id ignorabat, existi-
 mans eam esse Virginem, potest rescindere sponsa-
 lia. Ratio est, quia est notabilis mutatio, & ignominiosum est viro sceminam corruptam ducere: quare sponsus graviter decipitur, & tantum per errorem consentiens tantam causam contractui, idèque is rescindi potest à decepto, *Sanch. l. 1. diff. § 3. n. 3. qui n. 5. idem ait esse dicendum, si sponsus sciebat quidem sponsam esse viduam, ignorabat tamen eius fornicationem, nam & ratione eius ipsa facta est vilis & impudica, & probrosum est viro ducere inhonestam, quam ipse putabat esse viduam honestam. Nec dictis obstat, quòd in c. c. *Quemadmodum.* dicitur, quòd sponsus non potest obicere sponsæ fornicationem præcedentem, sed subsequentem, non obstat juramento eam ducendi: nam hoc intelligendum est de fornicatione præcedente sponso cognita, quia ex quo probavit semel mores illius, non potest postea illos reprobare, nisi novâ causâ superveniente, *Gl. ibid. v. Præcedentem. Sanch. cit. diff. § 3. n. 7.* Contrà verò ob fornicationem sponsi præcedentem sponsalia, & postea sponsæ cognita, non potest resiliat sponsa, quia per hoc non fit sponsus notabiliter vilior, nec notâ gravi afficitur, sponsa, si tali nubit, regulariter loquendo, *Sanch. cit. l. n. 9.**

Quarto denique si ambo tam vir, quam femina, post sponsalia fuerint fornicati, non compensatur delictum cum delicto, sed resilire potest sponsus, non autem sponsa, *Sanch. cit. l. 1. dis. 55. n. 9. Laym. cit. c. 2. n. 12. & alii communiter*. Ratio est, quia delicta non sunt paria, sed turpior est fornicatio in femina, quam in viro, multoque ignominiosius est sponso ralem ducere, quam sponse tali nubere, maiusque damnum sponso obvenire poterit ex fornicatione sponsæ, ob incertitudinem prolis securitatem. Nec refert, quod vir non possit repudiare adulteram, si de ipse adulter sit: quia longè difficilior permissus divortium, seu separatio matrimonii, quoad totum, quam dissolutio sponsalium, quæ ob quamvis notabilem rerum mutationem fieri potest, ut mox dicetur.

§. IV.

An, & qua ratione præterea dissolvantur sponsalia, ob supervenientem notabilem mutationem, ex parte sponsi, vel sponsæ?

LXIII. ASSERTIO 1. Solvuntur præterea sponsalia, propter quamlibet novam causam rationabilem, vel mutationem notabilem supervenientem post contracta sponsalia, ob quam notabiliter difficilior redditur status matrimonii, siue quæ talem difficultatem inducit, propter quam aliquis meritis, prudentem iudicio, & approbatione, si ab initio extitisset, vel cognita fuisset, ab eiusmodi sponsalium contractu abstinuisset, ut colligitur ex *cir. c. Quemadmodum. 25. de iurejur. & docet Silvest. V. Sponsalia. q. 10. casu 17. Sanch. cit. l. 1. dis. 62. n. 3. Laym. l. 5. tr. 10. p. 1. c. 2. n. 18. Tanner. cit. dub. 4. n. 69. & alii communiter*. Ratio est, quia promissio non obligat ultra promittentis intentionem; nemo autem presumitur se obligare voluisse ad talem casum difficilem, propter quem prævisum, i quavis homo prudens, & cordatus à matrimonii promissione absterretur fuisset. Et cum par sit, quoad hoc, utriusque contractus conditio, nulla pars potest conqueri eiusmodi casum excipi. Et extenditur hoc etiam ad sponsalia jurata, quia iuramentum includit omnes conditiones contractus, cui adijcitur. *l. fin. c. de non numer. pecun. & habet hanc conditionem tacite subintellectam, rebus in eodem statu permanentibus, cit. c. Quemadmodum. Sanch. cit. dis. 62. n. 4. ac proinde non est opus tali casu relaxationem iuramenti petere, Sanch. cit. l. 1. dis. 67. n. 2. & 3.*

Porro sponso, vel sponsæ assenti, si talis causa à principio extitisset, non contractum fuisse sponsalia, fides in utroque foro adhibenda est, si perpenis circumstantiis rei, verisimile sit non promissurum, si talis causa præcognita fuisset, *Sanch. cit. dis. 62. n. 6. Laym. cit. l. quia in his, quæ ad animum pertinent, ut sunt scientia, ignorantia, intentio &c. standum est cuiusque iuramento, si alio modo probari non possint, ut docet Covarr. l. 2. resol. c. 10. n. 1. §. Tertiò.*

LXIV. ASSERTIO 2. In specie autem mutationes ejusmodi notabiles, ob quas à sponsalibus recedere licet, plures numerantur à Doctoribus,

Veluti 1. Si sponsus, vel sponsa amittat nasum, utrumque, vel saltem alteri oculum, vel aliàs fac notabiliter deformis, *cir. c. Quemadmodum. 25. de iurejur.* quamvis in viris valde magna debeat esse deformitas superveniens, ut propter illam sponsæ resilire liceat à sponsalibus, quia in viris non ita requiritur pulchritudo, ut notat *Coning. de Sacram. disp. 23. dub. 7. n. 66.* Secundo si alteruter incurrat lepram, morbum gallicum, paralytin, epilepsiam, vel alium morbum incurabilem, aut contagiosum, nemo enim libenter eum talibus contraheret, *Sanch. cit. l. 1. dis. 57. n. 1. & segg.* Tertiò si alteruter incurrat gravem infamiam: vel si de novo detegatur, alterum esse sævis, & truculentis moribus, vel valde deditum ebrietati, scortationibus, aut similibus gravibus vitiis: sævitia enim mariti est sufficiens causa instituendi divortium matrimonii, *c. Litteras. 13. in fine de resit. spoliat.* ergo multo magis dissolvit sponsalia. Nec obstat, quod in *c. Peniens. 5. Qui Clerici, vel vocentes &c.* dicitur, mulierem, quæ plura audierat de sponsi fœveritate, ideoque ei noluit copulari, fidem violasse. Nam ibi supponitur, mulierem id non certò cognovisse, sed incerto solum rumore audivisse, & nimis leviter credidisse, *Tanner. cit. dub. 4. n. 66.* Quarto, si alteruter ex sponsis gravem famæ, vel bonorum jacturam patiar, & ex honesto statu ad pauperem decidat: secus est, si unus ex sponsis ditior fiat, novam hereditatem acquirendo, quia per hoc alter non est factus deterius conditionis, *Sanch. cit. l. 1. dis. 59. n. 6. & 7.* Quintò, si sponsa, ejusque parentes, vel non possint, vel non velint dare promissam dorem, quia sub illius conditione censentur sponsalia contracta, *c. De illis. 3. de condition. appof.* Nam grave onus subire sponsus, si deberet ducere indotatam, & solus onera matrimonii ex propriis bonis sustinere, *Sanch. cit. l. 1. dis. 59. n. 2.* Idemque est, si sponsalia fiat inita, sine mentione doris, intelliguntur enim, eo casu, tacite inita sub conditione doris, *Sanch. cit. l. n. 4.* Sextò, si graves, & capitales inimicitie oriantur inter sponso, aut eorum parentes, & consanguineos, quia v.g. altera pars se obstinatè opponit matrimonio, ita ut ex eo magna scandala, & infelices exitus timeantur; & ratio est, quia promissio non potest obligare ad actum, qui sine peccato impleri non potest, *Tanner. cit. l. n. 67.* Item si sponsus domicilium mutare, & vagari constituat, cum incommodo sponsæ, *Laym. cit. c. 2. n. 18.*

LXV. Cæterum prædictæ causæ, & mutationes, non solum, si post sponsalia, sed etiam si ante illa inita extiterint, tamen erant ab altero ex contrahente probabiliter ignoratæ, iis postea cognitis, dant illi jus rescindendi sponsalia: quia enim tempore sponsaliorum virum non apparebat, perinde erat, ac si non esset, nam paria censentur in jure non esse, & non apparere, *L. In lege. 77. ff. de contrah. emp.* quando verò postea apparere incipit, perinde est, ac si de novo existat, *Sanch. cit. l. 1. dis. 63. n. 2.* Quid si tamen sponsus, cognita ejusmodi causâ, carnaliter sponsam cognoscat, censetur remittere jus rescindendi sponsalia, quod alioqui haberat; ratione causæ præcedentis ignoratæ, vel subsequenter, si illius causæ, tempore copulæ, erat confusus, & sponsalia ratificare, *Sanch. cit. l. dis. 66. n. 2.* Sed difficilior est, utrum ad dissolvenda sponsalia, ob hæcenus allatas causas,

causas, opus sit sententiâ Judicis: an verò propriâ auctoritate possint contrahentes à sponsalibus resili-
re? Resp. Non esse opus auctoritate Judicis, quando
causa dissolvendi sponsalia est moraliter certa, &
manifesta: si tamen certa quidem sit, sed occulta, &
sponsalia publica, requiritur sententiâ Judicis sola-
ventis sponsalia, vel declarantis ea per hujusmodi
causam esse soluta, &que ratione scandali vitandi,
sicut etiam requiritur, si causa sit dubia: quòd si
còstat de causa, dubitatur verò de sufficientia, potest
quis sequi etiam viri docti, & prudentis iudicium,
Sanch. dif. 69. num. 3. & seqq. Iudex autem, cujus
auctoritate sponsalia sunt dissolvenda, est solus Ec-
clesiasticus, Ordinarius, vel delegatus, quia hæc
materia est spiritualis, *Sanch. c. l. n. 10.*

Denique dissolvuntur sponsalia per superven-
iens impedimentum juris dirimens matrimo-
nium, propter quod illud non potest inter spon-
sos consistere, *Sanch. c. l. dif. 56. n. 1. de quibus in-
frà agetur.*

SECTIO III.

DE MATRIMONIO SECUN- DUM SE, ejusque essentia.

LXVI. Quatuor præcipue sunt nomina sy-
nonyma, quæ matrimonio conveniunt, matrimo-
nium, nuptiæ, connubium, conjugium. Matrimo-
nium dicitur, vel quia mulier nubit, ut mater
fiat: vel quia partus magis onerosus, & laboriosus
est matri, quàm patri. Nuptiæ, seu connubium ab
obnubendo, quia sponsæ, pudoris gratiâ, quando
nubebant, velo se quasi nube tegebant: dicitur etiam
conjugium ab effectu, quia duos, ut una caro fiant,
conjungit, quasi sub uno jugo.

§. I.

Quid sit matrimonium, & quo- plex?

LXVII. ASSERTIO I. *Matrimonium est ma-
ris, & femine conjunctio, individuum vitæ & consuetudi-
nem retinens.* Ita definitur in c. Illud. 11. §. Verum de
presumpt. & l. 1. ff. de ritu nupt. & Instit. de patria po-
test. in princ. Dicitur 1. Conjunctio, quia matri-
monium dupliciter accipi potest, 1. pro actuali con-
tractu, in quo legitime personæ, consensu verbis,
vel signis expresso, se mutuo obligant ad vitæ socie-
tatem, & generationis usum, 2. Pro statu, seu vin-
culo permanente inter virum, & feminam. Jam ergo
matrimonii essentia non consistit in contractu, qui
est tantum causa efficiens, & transit, postquam est
factus, cum tamen matrimonium formaliter specta-
rum per modum status, duret usque ad mortem al-
terius conjugis: sed consistit in hujusmodi vinculo
permanente, quo conjuges sunt inter se uniti, quod
oritur ex mutuo consensu, & traditione, *Sanch. l. 2.
de marr. dif. 1. n. 6.* Dicitur 2. *Maris, & femine*, quia
repuget sui matrimonii polygamia, sive ut una
femina plures habeat viros, vel unus vir simul plu-
res uxores: ut infrà dicitur: Dicitur 3. *Individu-
am vitæ &c.* ut exprimitur mutua cohabitatio, &
indissolubilitas matrimonii, quæ majore est, quàm

in aliis humanis contractibus, qui mutuo consensu
iterum dissolvi possunt, non item matrimonio, de
quo plura §. seq.

LXVIII. ASSERTIO 2. *Matrimonium di-
viditur in legitimum, ratum & consummatum. Le-
gitimum est, quod legitimo consensu inter perso-
nas non impeditas est contractum, quale est etiam
inter infideles, quod est verum matrimonium, non
tamen ratum, ut dicitur in c. Quanto. 7. de divor-
t. Ubi Gl. ait V. Ratum, quia dissolvi potest. Matrimo-
nium ratum dicitur, quod est legitimum, & in-
super etiam Sacramentum, sed nondum carnali co-
pulâ consummatum: matrimonium consummatum
dicitur, quod accedente carnis copulâ, est perfectum,
& completum, *Sanch. l. 2. de marr. dif. 1. n. 9.* Qua-
re ad substantiam matrimonii non requiritur, ut sit
per copulam carnis consummatum, quia nuptias non
concupiscimus, sed consensus facit, *Reg. Jur. 3. l. in ff. & in
c. 1. & 4. caus. 27. q. 2.* dicitur, matrimonium non fa-
cit coitus, sed voluntas. Per copulam tamen carnis
completur, & integratur matrimonium inter fide-
les, seu baptizatos contractum, ita ut magis in-
dissolubile fiat, ut ex infrâ dicendis patebit.*

LXIX. Sed jam hic ulterius queritur, an sal-
tem consensus in carnalem copulam requiritur ad
essentiam veri matrimonii. Ratio dubitandi est,
quia inter B. Virginem, & S. Josephum fuit verum
matrimonium contractum ex communione senten-
tiæ DD. ut colligitur ex c. 1. *Math. Noli timere acci-
pere Mariam conjugem tuam; & Luca 2. Vt profitear-
ur cum desponsata sibi uxore pregnantem.* Sed B. Virgo
non consensit in carnalem copulam, quia cum fue-
rit obstricta voto castitatis, teste S. Augustin. *lib. de
Virgin. & colligitur ex illis verbis Matæ, Lucæ 1. Quo-
modo fiet istud, quoniam virum non cognosco,* vel sal-
tem habuit propositum servandi vocum Virginita-
tis, c. Beata. 3. caus. 27. q. 2. non potuit consentire
in carnalem copulam, quia ut dicitur in c. 4. dif. 27.
Virginitatem voventibus, non tantum nubere, sed
etiam nubere velle damnabile est, ergo est illis pro-
hibitus etiam consensus in copulam, adeoque hic
non requiritur ad substantiam matrimonii. Re-
spondetur, contrahentes matrimonium necessari-
ter consentiunt in copulam conjugalem implicitè, &
remotè, ac virtualiter, seu in radice, & causa, con-
sentiendo videlicet in matrimonium, quod intrinse-
cè ordinatur ad copulam, adeoque quatenus contra-
hentes consentiunt in mutuum corporum traditio-
nem, per quam cuius parti acquiritur jus ad copu-
lam: non autem necessarium requiritur talis consen-
sus in copulam, ex parte contrahentium, cum pos-
sit contrahi matrimonium verum, etiam cum inten-
tione non consentiendi expressè in copulam, quia
sufficit ad matrimonium expressè consentire in jus,
sive potestatem ad carnalem copulam, implicitè au-
tem, & virtualiter in ipsam copulam, *Sanch. l. 2. de
marr. dif. 28. n. 3. & 4.* Itaque B. Virgo consensit in
copulam carnis, quoad potestatem, seu actum pri-
mum, non autem consensit, quoad actum secun-
dum, seu actuale usum illius potestatis: nam quam-
vis Virgo Sanctissima, vi contractus matrimonialis
cum Josepho verè initi, obligata fuerit ad reddend-
um debitum carnis, si ille id peteret, ex altera ta-
men parte, revelante Deo, cerè cognovit, ipsum

§. II.

Топтыма IV.

LXXIII. Porro quod attinet ad tempus, quo institutum est hoc Sacramentum, de eo non satis constat; aliqui putant *Joan. 2.* in nuptiis factis in Cana Galilææ approbatum fuisse, institutum autem *Matth. c. 19.* dum Christus illud approbavit, C 2 ejusque

ejusque inseparabilitatem præcepit, dicens : *quod Deus conjunxit, homo non separet*, *Sanch. cit. l. 2. disq. n. 5.* & alii apud ipsum : *Tanner, versò cit. disq. 8. q. 2. dub. 2. n. 26.* existimat, initium tempore XL. dierum, quibus Christus, post passionem suam, præbuit se ipsum vivum Apostolis, & loquens de Regno DEI, hoc est, de pertinentibus ad statum Ecclesiæ, *Astor. 1.*

LXXIV. Resp. 4. Matrimonium inter fideles, & baptizatos nunquam potest iniri, sine Sacramento, nec ab eo separari, *Sanch. cit. l. 2. disq. 10. n. 6.* Ratio est, quia Christus contractum matrimonii ad Esse, seu rationem Sacramenti elevando, ita hæc inseparabiliter conjunxit, ut separari nullo modo possint. Quare volentes ita contrahere matrimonium, ut absolute, & nullo modo velint suscipere Sacramentum, nihil efficiunt, intentio enim hæc posterior priorem elidit, ac destruit : cum Esse, seu ratio Sacramenti, ex Christi institutione sit inseparabilis à contractu matrimonii. Aliud est, si Acatholici contrahentes matrimonium, propter errorem speculativum, quo putant, matrimonium non esse Sacramentum, nolunt suscipere Sacramentum ; ita tamen ut velint contrahere eo modo, quo solent fideles, & Christiani, & in Ecclesia Christi consuetum est : hi enim nihilominus suscipiunt Sacramentum, ita ut tale matrimonium dissolvi non possit : quia cum ratio Sacramenti, ex Christi institutione, sit matrimonio inseparabiliter annexa, non potest illud, privatâ, ac peculiari intentione, vel errore contrahentium à matrimonio separari : aliâ enim etiam inter Catholicos, & Orthodoxos privatâ intentione matrimonium à Sacramento separari posset. Unde ulterius sequeretur, quod hujusmodi matrimonia non essent omnimodò indissolubilia, quia omnimoda inseparabilitas desumeretur à ratione Sacramenti, ut infra dicitur, & notat *Tanner, cit. disq. 8. q. 2. dub. 3. n. 47.*

LXXV. Quæritur 2. Quæ sit materia, & forma Sacramenti matrimonii ? Variæ sunt hæc de re Auctorum sententiæ, quibus omisiss, Respondetur, materia circa quam, sive remota sunt ipsa corpora contrahentium, ut docet *Henric. in Summa lib. 1. c. 2. §. 4.* quia corpora habent se in matrimonio, sicut aqua in Baptismo, & peccata in Sacramento poenitentiae, quæ sunt materia remota, nam circa corpora contrahentium versatur mutua traditio, & acceptatio. Materia verò proxima est ipsa traditio corporum : forma verò est mutua acceptatio verbis, vel aliis signis expressa : sive quod ferè in idem recidit, verba, seu signa, quibus consensus exprimitur, sive potius ipse consensus mutuus utriusque conjugis signis externis expressus, quatenus habet rationem traditionis, est materia : quatenus verò habet rationem acceptance, est forma, & adeoque hi duo consensus utriusque conjugis sunt sibi invicem materia, & forma, secundum diversas rationes, ita *Sanch. l. 2. disq. 5. n. 6. Tanner, cit. disq. 8. q. 2. dub. 2. n. 37.* Probatur, quia illud est tanquam materia in aliquo contractu, quod habet rationem indeterminati, & imperfecti : illud verò est tanquam forma, quod habet rationem determinantis, & perfectientis : proprium enim formæ est determinare materiam, eamque perficere : atqui consensus verbis expressus, per

quem fit traditio corporum, sive ipsa mutua traditio verbis, vel aliis signis expressa, per quam quilibet conjugum tradit sui corporis potestatem alteri, antequam acceptetur, est ex se imperfecta, inefficax, & indeterminata, ut rata sit, vel irrita : accedente autem acceptance, quæ quilibet acceptat traditionem sibi per alterum factam, perficitur, & determinatur ipsa traditio, ut sit rata, & efficax ad producendam obligationem matrimonialem, ergo mutua traditio, sive verba illam exprimentia, aut quod idem est, consensus verbis expressus, prout importat traditionem corporum, habet rationem materiæ : & mutua acceptatio per verba illam exprimentia, sive consensus verbis expressus, prout importat acceptance, habet rationem formæ. Paulò aliter loquitur de hac re *Laym, cit. p. 2. c. 2. n. 2.* Ubi ait, materiam Sacramenti matrimonii esse corpora conjugum mutuò tradenda : formam verò esse verba conjugum contrahentium. Idque probatur 1. quia in quovis contractu materia dicitur illa res, quæ in commutationem venit, sive de qua contractus instituitur, ut in venditione merx, & pretium sunt materia : sed in contractu matrimonii agitur de corporibus viri, ac femine sibi invicem tradendis ; ergo hæc sunt materia hujus contractus. Deinde conjuges mutuo consensu conjuncti, sive copulati, sunt externum sacrum signum spiritualis perpetuæ conjunctionis inter Christum, & Ecclesiam, adeoque sunt pars Sacramenti, & quidem subjectiva, sive materialis : verba autem, per quæ hæc viri, & femine conjunctio expressè significatur, sunt pars formalis, sive forma hujus Sacramenti.

LXXVI. Quæritur 3. Quis sit minister Sacramenti matrimonii, & an Sacerdos ? Resp. Ipsi contrahentes, seu conjuges sunt ministri hujus Sacramenti, non Parochus, ut est communis, ac certa sententia apud *Sanch. l. 2. disq. 6. n. 2.* Probatur 1. quia ille est propriè minister Sacramenti, qui format verborum profer, quibus Sacramentum conficitur : at conjuges proferunt verba, quibus Sacramentum matrimonii conficitur, ergo ipsi sunt ministri. Deinde cum matrimonium sit contractus, cujus naturam Christus elevando illum ad rationem Sacramenti, non immutavit, ideo sequitur aliorum contractuum naturam ; sicut ergo in aliis contractibus ipsi contrahentes efficiunt contractum, ita etiam in contractu matrimoniali, idem est minister conferens Sacramentum, qui est minister efficiens contractum. Nec obstat, quod in cæteris Sacramentis minister sit Sacerdos, ex instituto per Sacti Ordinis susceptionem ordinatus, ut sit minister Sacramentorum : nam sicut illud speciale est, ac proprium Sacramenti matrimonii, quod consistat in contractu ipsorum suscipientium : ita etiam speciale, ac proprium est ejusdem, quod ipsimet suscipientes hoc Sacramentum sint ejusdem Ministri, non alii, *Tanner, cit. disq. 8. q. 3. dub. 1. n. 1. & 2.*

LXXVII. Ubi notandum, cum matrimonium in nova lege Evangelica sit Sacramentum à Christo institutum, ad cujus essentiam requiritur, materia, forma, & minister, cum intentione faciendi, quod intendit facere Ecclesia, ut patet ex Concilio Florentino in Decreto Eugenii IV. pro instructione Armenorum, hinc videtur nullus alius assignari posse Minister

Minister hujus Sacramenti; quàm assistens matrimonio Sacerdos, adeo ut sine ejus consensu, contractus non sit Sacramentum. Sed oppositum omnino est teneandum, quia cum Ecclesia Catholica semper docuerit, matrimonium esse Sacramentum, atque definitum sit, matrimonium clandestinum semper fuisse verum matrimonium, sequitur similiter definitum esse, matrimonium clandestinum esse Sacramentum, etiam sine parcho initum, uti olim ante Concil. Trident. initum fuit: adeoque Parochi praesentiam non requiri ad valorem Sacramenti matrimonii, ut ipse tanquam legitimus Minister Sacramentum administret; cur autem Parochus adhiberi debeat, infra dicitur Tit. 3. Nec refert, quod Parochus, dum assistit contractui matrimoniali, dicat ex praescripto Concilii Trident. *Sess. 24. c. 1. de reform. matr. Ego vos in matrimonium conjungo, in nomine Patris &c.* quia hæc verba proferuntur à Sacerdote, non tanquam Ministro Sacramentum administrante, sed declarante, seu confirmante, quod inter ipsos contrahentes sit, vel factum est, adeoque id non efficit, sed confirmat, seu approbat. *Sanch. cit. dif. 6. n. 6.* Quamvis Sacerdos assistens etiam aliis verbis uti possit, juxta receptum cujusunque Provinciae ritum, ut additur in Concil. Trident. *cit. c. 1.*

LXXVIII. Quæritur 4. Utrum matrimonium, inter absentes, per Procuratorem, vel Epistolam contractum, sit validum, & an sit Sacramentum? Resp. 1. Matrimonium initum per Procuratorem fuit validum, ante Concilium Tridentinum, ut constat ex c. ult. de Procuratorib. in 6. & ratio est, quia Christus elevando matrimonium ad rationem Sacramenti, non immutavit ejus naturam: ergo quicquid sufficit ad rationem contractus matrimonialis, sufficit etiam inter Christianos ad rationem Sacramenti: sed alii contractus, suapte naturæ, possunt celebrari inter absentes per Procuratorem; ergo etiam Sacramentum matrimonii, *Sanch. l. 2. de matr. dif. 11. n. 2.* Ad hoc autem requiruntur in cit. c. ult. tres conditiones: prima est, ut habeat Procurator speciale mandatum ad matrimonium contrahendum, loco alterius, & quidem cum certa persona. 2. Ut per se ipsum hoc negotium peragat, nec alium substituat, nisi hoc expresse in mandato sit ei concessum, quia censetur ecclesiæ industria personæ. 3. Ut tempore intermedio mandatum non revocetur, sed hæc de re plura dicta sunt supra libr. 1. Tit. 38. §. 4. n. 26. & pluribus seqq.

LXXIX. Ubi præterea notandum 1. matrimonium contractum per Procuratorem esse validum, etiam in locis, ubi Concilium Trident. est receptum, modo contrahentes suum consensum coram Parcho, & testibus, per suos Procuratores, tanquam per suos interpretes, exprimant. Est communis sententia, & patet ex praxi Ecclesiæ usitata, præsertim inter Principes Christianos. Probatur 1. quia Concilium Trident. ideo solum irritavit matrimonia clandestina, eo quod in facie Ecclesiæ probati non possint, ex quo multa, & gravia sequi consueverant incommoda: atqui matrimonium contractum per Procuratorem publicè, id est, coram Parcho, & testibus, potest probari in facie Ecclesiæ; ergo non irritavit Concilium tale matrimonium. Porro etsi non requiratur, ut Procurator accipiat man-

datum coram Parcho, & testibus, necessarium tamen est, ut hi five ex litteris instrumenti, five ex aliis sufficientibus indicis cognoscant mandatum Procuratoris ad contrahendum matrimonium, alioquin enim nec intelligent, nec in foro externo testari poterunt, matrimonium inter conjuges contractum esse, *Coning. tract. de Sacram. dif. 24. dub. 9. num. 78.*

Notandum 2. Ut quis validè contrahat matrimonium per Procuratorem, non requiritur, ut tunc, quando sit contractus, utatur ratione, sed satis est, quod compos rationis, ac liberè illud mandatum dederit, nec id postea revocaverit: unde etiam si postmodum, tempore contractus, principalis contrahens dormiat, vel ebrius, aut amens sit, adhuc externus contractus Procuratoris est verè liber, & humanus (modo Procurator dum actu contrahit, ratione utatur) quia à libeto mandato principalis contrahentis imperatus fuit, qui solus actus, ex parte mandantis, in illum contractum per Procuratorem gestum induit: omnes autem actus sequentes mandantis, per quos mandatum non revocatur, sunt impertinentes: fecus est, si quis in ebrietate, vel amentia per se ipsum contraheret matrimonium, tunc enim nihil ageret, etsi antè intendisset contrahere, dum ebrius, vel amens est, quia hoc casu externus contractus matrimonii non est liber, & humanus, *Coning. c. l. n. 71.*

LXXX. Respondetur 2. Matrimonium per Procuratorem contractum esse Sacramentum confensum gratiam, ex cæta, & communi sententia apud *Sanch. cit. dif. 11. n. 27.* & alii apud ipsum. Probatur nam omne matrimonium legitimum inter baptizatos est Sacramentum, quia Christus elevans contractum naturalem matrimonii ad Esse Sacramenti, nihil aliud requisivit in baptizatis, quàm id, quod requiritur ad legitimum contractum matrimonii: sed matrimonium initum per Procuratorem est legitimus contractus; ergo etiam est validum Sacramentum. Confirmatur, quia Concilia Generalia dicunt, matrimonium, quod ante legem Evangelicam erat merus contractus naturalis, esse modò Sacramentum: sed matrimonium, ut contractus, & ut Sacramentum, ex idem numero, & re ipsa, & solum differunt, quia prout respicit vinculum contrahentium, dicitur contractus: prout autem elevatum est à Deo ad representandam unionem Christi cum Ecclesia per charitatem, dicitur Sacramentum: si ergo, ut contractus, potest celebrari per Procuratorem, poterit etiam, ut Sacramentum: *Sanch. c. l. num. 27.* Porto quando matrimonium initum per Procuratorem, ipse Procurator non est Minister, nec in ipso recipitur Sacramentum, nec verba ipsius sunt materia, & forma Sacramenti, sed ipsi principales contrahentes, *Sanch. c. l. n. 28.* & patet ex supra dictis. Non obstat, quod absolutio Sacramentalis non potest dari absenti, sicut nec alia Sacramenta conferri possunt absentibus. Sed respondetur, judicium externum potest institui inter absentes, quia personæ hujusmodi sunt distinctæ: ut actor, reus & testis. Judicium verò penitentiale est judicium internum, & occultum, in quo penitens est simul accusator, reus, & testis, & à præsentis dispositione penitentis necessariò dependet, ideòque præsentiam Mini-

ac pœnitentis requirit, *Tanner, cit. dif. 9. q. 2. dub. 3. n. 47.* Deinde id speciale est in matrimonio, quod cum sit contractus, sequitur naturam aliorum contractuum, qui interabentes celebrati possunt, ergo & matrimonium. Neque etiam obstat, quod inde sequeretur, aliquem absentem; non solum dormientem suscipere Sacramentum, & recipere gratiam ex opere operato, sed etiam illud ministrare, & conficere. Ad hoc dicendum, neutrum esse inconvenienti. Non primum, quia etiam alia Sacramenta, ut Baptismus, pœnitentia, & absolutio, ac extrema Unctio possunt recipi à dormiente, qui ea vigilans desideravit. Neque verò matrimonium physice causat gratiam, sed solum moraliter, & sic dum Procurator contrahit matrimonium, consensus principium etsi transiverint, sunt adhuc præsentes moraliter, & operantur, ut causa moralis. Neque secundum est inconvenienti in Sacramento, quod consistit in contractu, talis enim Minister operatur ex virtuali intentione, quando Procurator operatur, juxta ejus mandatum non revocatum, *Sanch. cit. dif. 11. n. 32.*

LXXXI. Respondetur 3. Etiam post Concilium Tridentinum valide potest contrahi matrimonium per Epistolam, *Sanch. l. 2. de matr. dif. 12. n. 3. & alii.* Probat, quia non est induenda Jurium correctio, sine necessitate: hic autem nulla est necessitas, cum possint servari omnia præscripta à Concilio Tridentino ad valorem matrimonii. Veluti si in litteris quis scribat, se non tantum de præsenti in Annam v. g. consentire tanquam in uxorem, sed etiam ipsius vicissim consensum ex nunc acceptare, ipso tempore, quo illum præstabit: tali enim Epistola lecta coram Parocho, & Testibus, & Annæ coram iisdem consentiente, adfunt omnia requisita ad matrimonium, secundum Concil. Trident. *Sanch. cit. loc. n. 3.* Ubi etiam alium modum contrahendi matrimonium per litteras ponit: ut si Titius, qui accepit Epistolam ab Anna, rescribat mittenti, se accepisse litteras ab illa, in quibus de præsenti consentire in ipsam tanquam in maritum; & similiter se consentire in ipsam, tanquam in uxorem, tunc enim si Epistola ista legatur coram Parocho, & Testibus, & coram illis Titius consensum exprimat, validum est matrimonium, quia constat Parocho, & testibus de mutua traditione, & acceptance traditionis utriusque conjugis. Quid autem hujusmodi matrimonium sit etiam Sacramentum, constat ex supra dictis.

§. III.

De consensu requisito ad matrimonium.

LXXXII. Quæritur 1. Quomodo consensus internus debeat necessarid exterius exprimi? Resp. Ad valorem matrimonii non est satis, ut contrahentes in obligationem conjugalem de præsenti consentiant, sive internum consensum habeant, sed Jure quoque naturali requiritur, ut expriment hunc consensum, eumque mutud acceptent, prout constat ex c. Licet. 3. de sponsa duorum, ubi postquam dictum est, matrimonium contrahi per legitimum

consensum de præsenti inter virum, & mulierem, subiungitur, ita ut unus alterum, cum mutuo consensu verbis consensio expresso, recipiat, vel aliis signis externis, ut supra dictum. Ratio est, quia nullus humanus contractus iniri potest, nisi utriusque contrahentis voluntas exprimat, & mutud sibi innoscat, *Tanner, cit. dif. 8. q. 3. dub. 5. n. 88.* Non est autem necessarium ad valorem matrimonii, ut actualis utriusque conjugis consensus simul, & eodem tempore exprimat, modò secundum moralem æstimationem, non nimis longum temporis intervallum inter unius, & alterius consensum intercedat, & consensus prioris conjugis interea non sit expressè, vel tacitè revocatus, *Sanch. l. 2. dif. 32. n. 3. & 7. Coning. tract. de Sacram. dif. 24. dub. 7. n. 15.* Ratio est, quia etiam in aliis contractibus non est necesse, ut utriusque consensus actu sit simul, quia aliis inter absentes celebrari non possent: matrimonium autem sequitur naturam contractuum aliorum. Deinde idem etiam fit in Sacramento Pœnitentie, in quo confessio, quæ est pars materialis hujus Sacramenti, multo tempore potest præcedere absolutionem, quæ est ejus forma: quantum autem temporis debeat effluxisse, ut prioris consensus censetur: revocatus, nec virtute manere, non potest generatim definiri, sed prudentis arbitrio, ex variis circumstantiis considerandum relinquatur. *Coning. c. l. n. 58.* Requiritur tamen ad valorem matrimonii, ut utriusque conjugis consensus, saltem habitualiter existat, quia alioquin non posset ex utroque partis consensu unus contractus constitui, *Coning. c. l. n. 56.*

LXXXIII. Quæritur 2. An quando matrimonium fuit irritum, quia alter conjugum fidè, vel gravi metu coactus consensit, runc sufficiat, si hic solum postea consensum in matrimonium renovet: an verò necesse sit, ut uterque denuo consentiat? Resp. Probabilis est, satis esse, si ille, qui illegitime consensit, denuo consentiat, nam cum alterius consensus fuerit validus, ac legitimus, isque virtualiter, seu habitualiter adhuc perseveret, nec revocatus sit, ut supponitur, adeoque ex parte illius nihil desideretur: solus autem deficiat consensus illius, qui fidè, aut ex metu consensit, consequens est, accedente legitimo consensu ex parte hujus, matrimonium convalescere, *Sanch. cit. l. 2. dif. 32. n. 9.* Secus est, si uterque fidè, aut ex gravi metu invalide consensisset, tunc enim debet uterque consensum renovare, quia cum uterque consensus fuerit omnino nullus, perinde est, ac si matrimonium penitus non esset contractum. Idemque, si matrimonium irritum sit, ob aliquod impedimentum dirimens, *Sanch. c. l. num. 11.*

LXXXIV. Quæritur 3. Si aliqui contrahunt sponsalia, vel matrimonium per verba obscura, quomodo ea sint intelligenda? Resp. Si verba contrahentium sponsalia, vel matrimonium, sint obscura, secundum communem significationem, seu loquenti modum intelligenda sunt, prout sumitur ex c. Ex litteris. 7. h. t. Ubi cum consultus fuisset Papa Alexander III. quid debeat observari, quando inter aliquos sponsalia (de præsenti, ut patet ex contextu) contrahuntur, ita ut alter non intelligat, quod alter proponit? Respondet Papa, quod Judex inspicere debet, an tales ad contrahendum

matri-

matrimonium sint idonei, scientiâ (id est, discretionem) & ætate: quo cognito, si alter non intellexit, quod alter proposuit, ad communem verborum intelligentiam recurrendum est: & uterque cogendus est, verba prolata in eo sensu retinere, & servare, quem solent apud rectè intelligentes habere.

LXXXV. Ubi notandum 1. Duo necessarii requiruntur in contractibus matrimoniorum, in primis scientia, sive iudicium discretionis, quo quis intelligat, quid agat: unde furiosi, amenes, & ebrii, si tanta sit ebrietas, ut usu rationis privet, matrimonium contrahere non possunt, c. *Neque*. 26. *caus.* 32. q. 7. de quo dictum supra n. 10. h. 1. Deinde requiritur ætas legitima, nempe pubertatis, quæ in masculo incipit post XIV. annum, & in femina post XII. nisi malitia, sive sagacitas naturæ suppleat ætatem, de quo plura *Tit. seq.*

Notandum 2. Si intentio, seu consensus internus desit, nulla sponsalium, aut matrimonii oritur obligatio, in foro interno, & coram DEO, qualiacunque sint verba: & de converso, si adsit intentio se obligandi vinculo sponsalium, aut matrimonii, eaque manifestetur signo aliquo externo, ita ut ambo contrahentes intelligent, se mutuo velle contrahere sponsalia de presenti, vel matrimonium, id satis est, qualiacunque sint verba, *Sanch. l. 1. de matr. dif. 18. num. 2.*

Notandum 3. In foro externo, si de verborum interpretatione dubitent, non statim intentioni contrahentium, quia ea Ecclesiâ latent, sed ea interpretanda sunt, secundum communem loquendi usum, sive eo sensu, quo communiter à rectè intelligentibus accipiuntur, ut dicitur in hoc c. *Sanch. c. l. n. 4.* non enim est opinio singulorum, sed ex communi usu loquendi verba æstimanda sunt, l. *La-beo*. 7. ff. de suppl. legat.

Notandum 4. Esi verba loquentium sint intelligenda, secundum eorum intentionem, quia verba intentioni deserviunt, & non intentioni verbis, verba enim inventa sunt, ut per ea intentionem quis suam exprimat, c. *Humana*. 11. *caus.* 32. q. 5. c. *Intelligentia*. 6. & ibi *Gl. infr. de V. S.* Excipi tamen debet, nisi tempore contractûs constet, aliam fuisse mentem contrahentium, ut si aliqui rudes, & simplices, existimantes matrimonium non esse contractum perpetuum, vellent tantum ad tempus inter se contrahere matrimonium, & ad cohabitandum conjugali-ter se obligare, non in perpetuum, sive usque ad mortem, idque sufficienter exprimerent: tale enim matrimonium foret nullum, propter defectum perpetui consensûs, qui ad validum matrimonium requiritur, c. *Solet*. 6. *caus.* 32. q. 2. *Canis. in cir. c. Ex litteris*. 7. n. 4. h. 1.

Notandum 5. Si matrimonium sit contractum per interpretem, sicut fieri potest, cum & æteri contractus possint celebrari per interpretem, l. 1. §. *fin. ff. de V. O.* rum integra fides danda est interpreti, cum fuerit communi consensui contrahentium electus: & si dubium incidat ex eo, quia alter contrahentium dicit, se non intellexisse verba interpretis, ad communem sensum, seu significationem verborum recurrendum est, juxta *cir. c. Ex litteris*. & ibi *Gl. V. Intellexit*. h. 1. *Covarr. in Epitom. libr. 4. Decret. p. 2.*

c. 4. §. 1. *num. 3. Sanch. libr. 3. de matrimon. dif. 32. n. 3. & 4.*

LXXXVI. Quæritur 4. An sit verè matrimonium contractum, quando vir & mulier sibi invicem promittunt, quod ex eo tempore habeant se pro Conjugibus, & fidem sibi invicem conjugalem servabunt? De hac re agitur in c. *Ex parte*. 9. h. 1. Nam cum quidam Andreas nomine, jurasset mulieri C. quod eam ab eo tempore pro Conjuges teneret, & ei sicut uxori suæ fidem servaret: ipsaque vicissim similiter jurasset Andreæ, se illum pro marito habituram, & fidem ei tanquam viro suo servaturam: quo factò, dictus Andreas nihilominus eandem reliquit (supple, & cum alia contraxit, *Gl. hic V. Eandem*). Quare mandat Pontifex Abbatibus à se delegatis, ut eundem superinductâ dimissâ, ad uxorem suam redire, monitione præmissâ, per Ecclesiasticam censuram cogant, quia nemini licet, sine manifesta causa fornicationis, uxorem suam dimittere: & tunc vel ipsam sibi reconciliare, vel se continere debet, ipsâ vivente.

LXXXVII. Notandum 1. Si vir, & mulier juraverint (ut in casu hujus c.) vel etiam sine juramento promiserint, per verba importantia executionem (quæ sonant de futuro, sed significant consensum de presenti) se invicem pro Conjugibus habituros, vel mutuo fidem conjugalem servaturos, tunc inter eos censetur matrimonium contractum, prout sumitur ex hoc c. ut si dicitur ex nunc, vel ab hoc tempore, vel deinceps habeo te pro uxore, vel tractabo te semper ut uxorem, quia verba hæc, etsi sint futuri temporis quoad sonum, tamen reipsâ important consensum de presenti, si enim quis promittat, quod ex nunc, & deinceps semper hanc feminam habebit pro uxore, seu tractabit ut uxorem, ergo modò est uxor ipsius, *Sanch. l. 1. de spons. dif. 18. n. 14.* Quamvis verò in *cir. c. Ex parte*. in responsione mulieris non apponantur hæc verba, ab hoc tempore, quæ faciunt, ut consensus de futuro importet consensum de presenti, tacitè tamen subintelliguntur, cum respondeat, juxta præcedentia verba viri, *Sanch. cir. l. n. 21.*

Notandum 2. Per hujusmodi verba habeo te in uxorem, vel promitto, quod ducam te in uxorem, non matrimonium, sed tantum sponsalia de futuro contrahuntur, quia non continent tempus præsens, sed tantum futurum: verba enim quæ competunt contrahendo matrimonio, si proferantur in futuro tempore, non designant matrimonium de presenti contractum: Ut si Petrus dicat Annæ, habeo te in uxorem, illa verba possunt intelligi esse vera, quamvis Petrus illam non habeat in uxorem: ergo non sunt necessariò referenda ad matrimonium præsens consensu contractum, *Covarr. cir. c. 4. §. 1. n. 5.* apud quem plura de hujusmodi verborum formulis videri possunt, & dictum etiam supra *sec. 1. §. 1. n. 7.*

LXXXVIII. Quæritur 5. An matrimonium contractum, non servat lege, vel consuetudine loci, seu Regionis, in qua matrimonium celebrari solent, sit validum? Resp. de hac questione agitur in c. *De Francia*. 1. h. 1. Ubi refertur, quod quidam ex Francia Orientali, sive Franconia duxit nobilem mulierem ex Saxonia oriundam, in uxorem, secundum legem, seu morem Saxonum; sed quia eam non secundum legem, seu consuetudinem

» Fraconum, five Francorum, desponsaverat (de
» præsenti scilicet) ideo illà dimissà, aliam in uxore
» rem duxit. (putabat enim ad substantiam matrimo-
» nii sufficere, ut contrahatur, secundum legem,
» seu consuetudinem patriæ, *Gl. hic v. Francorum lege*)
» Quare S. Concilium Triburiense decrevit, ut ille
» tanquam transgressor Evangelicæ Legis (quà vera-
» tur quis dimittere uxorem suam, & aliam ducere, ut
» quod *DEVS* conjunxit, homo non separet, *Matth. c. 19.*
» & *c. 6. Ex parte. g. h. i.*) pœnitentiz subijciatur, &
» à secunda uxore separetur (quæ non erat legitima
» uxor) & ad priorem redire cogatur.

XXXIX. Pro declaratione hujus c. notandum
1. Validum est matrimonium contractum, licet
consuetudines, vel solemnitates patriæ non serven-
tur; ut patet ex hoc c. Et ratio est, quia consuetudo,
cùm sit juris positivi, five humani, nullam vim ha-
bere potest contra matrimonium legitime contra-
ctum, nec illud quoad substantia irritare, vel tol-
lere potest; quippe quod oritur ex Jure, seu Lege Di-
vina, ideòque non potest ei præjudicare ulla con-
suetudo, *Hosienf. hic v. Superinduxit. Abb. ibid. n. 3.*
& 7, ubi addit, idem esse dicendum de Statutis edi-
ctis cõstita ea, quæ pertinent ad substantiam matri-
monij, cùm hoc pertineat ad forum Ecclesiasticum,
non autem sæculare. Id verò intelligendum est, non
tantum de consuetudine laicorum, qui nullam ha-
bent potestatem disponendi de rebus spiritualibus,
sed etiam de consuetudine communi Clericis, & la-
icis; quia hoc cap. simpliciter, & generaliter loquitur
de consuetudine, ad quam inducendam requiritur
consensus totius, vel majoris partis populi, adeoque
loquitur de consuetudine tam laicorum, quam Ec-
clesiasticorum, cùm & hi sint de populo, seu Univer-
sitate: sicut autem laici, ita etiam Clerici carent po-
testate statuendi de his, quæ pertinent ad essentia-
lia matrimonij, cùm hæc sint S. Pontifici reservata,
adeoque nec consuetudo illorum potest in his præ-
judicare matrimonio, *Fagn. in c. 1. n. 15. de cognat. spirit.*
Neque verò talis consuetudo potest esse legiti-
mè præscripta, cùm sit contra Jus Divinum, ut pro-
batur ex *cir. c. 1. ibi: ille transgressor Evangelicæ Le-
gis, h. r.* adeoque nullo unquam tempore, etiam im-
memoriali, potest præscribi, quia nulla lex, & nulla
consuetudo potest præjudicare Legi Divinæ, *Hosienf. hic. Fagn. c. l. n. 16.*

Notandum 2. At verò circa accidentalia, seu
accessoria matrimonij, potest consuetudo patriæ,
vel Regionis, in qua contrahitur matrimonium,
valere, & disponere, ut docet *Hosienf. hic. & Abb. n. 7.*
Cujusmodi sunt, ut nullum conjugium fiat,
sine dote, & ut nuptiæ publicè celebrentur, ut spon-
sus, & sponsa benedicantur à Sacerdote, & à Para-
nymphis offerantur, & aliz similes cæremoniæ ad-
hibeantur, de quibus in *c. Aliter. 1. c. Sponsus. 5. c. Nullum. 6. & seqq. caus. 30. q. 5.* quia huiusmodi so-
lemnitates ad essentiam matrimonij non pertinent,
sed potius spectant ad ejus probationem, ita ut eas
intervenisse constitit, non sit fas dubitare de ma-
trimonio legitime contracto: si verò omisissæ fue-
rint, censetur concubitus illicitus, in dubio, *Canis. in cir. c. 1. n. 2. h. t.* Unde etiam si huiusmodi solemnita-
tes non omnes interveniant in nuptiali foedere, id
peccatum non esse, dicitur in *c. Nostrates. 3. in fine,*

cir. caus. & q. quia non exiguntur necessariò, Gl. fin. ibid.

§. IV.

*Virum ad valorem matrimonij con-
tracti à liberis necessarius sit consen-
sus parentum: & an patria potestas
se extendat ad retinendas uxo-
res filiorum?*

XC. Ad priorem quæstionem respondetur,
matrimonium à liberis utriusque sexus, five mari-
bus, five feminis initum, sine consensu parentum,
est validum, nec potest à parentibus, vel Magistratu
infringi, vel irritari. Idque constat imprimis ex *c.*
Cum virum. 12. in fine, de Regular. ubi dicitur, quod
puella in nubili ætate constituta, scilicet pubertate,
non possit cogi sequi voluntatem parentum, cùm
liberum habeat arbitrium in electione propositi,
scilicet intrandi Monasterium, vel non, vel manen-
di in sæculo, & quibendi. Idem definitum fuit in
Concilio Tridentino Sess. 24. c. 1. de reform. ubi de-
clarat eos, qui falsò affirmant, matrimonia à filiis-
fam. sine consensu parentum, contracta, irrita esse,
& parentes ea rata, vel irrita facere posse, Sanch. l. 4.
de matr. dif. 2. n. 3. Ratio est, quia quisvis in iis,
quæ ad statum electionem pertinent, est liber, & sui
juris, nec pendet ab alterius arbitrio: quod maxime
locum habet in statu matrimonij, quia gravia onera
annexa habet, estq; indissolubilis, & perpetua quæ-
dam quasi servitus, à qua à natura liberi sumus: un-
de non debet ejus electio pendere ab aliorum volun-
tate, quam eorum, qui illum liberè suscipiunt; nec
parentes possunt filios cogere ad ineundum matri-
monium, Sanch. cir. l. n. 4. Ex quo sequitur, matri-
monia filiorum fam. esse valida, non tantum si igno-
rantibus, sed etiam si invitis parentibus, incantur,
solus enim consensus eorum, de quorum conjun-
ctionibus agitur, ad substantiam matrimonij suffi-
cit. Canones verò exigentes consensum parentum,
intelligendi sunt de honestate ac decencia, non de
necessitate, seu obligatione. Leges autem Civiles
decidentes matrimonium, sine consensu parentum,
initum, esse irritum, sunt abrogatæ per Jus Canon-
icum, Sanch. c. l. n. 3. Quando verò Justinianus In-
stit. de nuptiis, in princ. ait, quòd Civilis, & naturalis
ratio suadet, in nuptiis filiorum habendum esse con-
sensum parentum, in quorum sunt potestate: so-
lùm asserit, id suadere rationem naturalem, non au-
tem præcipere ut necessarium: nam filius emancipa-
tus legitime contrahit matrimonium, sine consensu
parentum, l. Filius. 35. ff. de ritu nupt. ergo non re-
quiritur consensus parentum in matrimoniis filio-
rum jure naturali, Canis. in c. 1. n. 4. h. t.

XCI. Porro filius matrimonium contrahens
tenetur prius consilium petere à parentibus, quia
omnino conveniens est, ne filii in re gravi aliquid
statuant, sine consilio parentum: non tamen tene-
re filius consilium datum sequi, sed potest licitè ini-
re matrimonium, etiam invitis parentibus, *Sanch. cir. l. 4. dif. 23. n. 10. ex doctrina S. Thomæ. 2. 2. q. 104.*

art. 5. in Corp. ubi ait, quòd inferior non renetur obedire suo Superiori, si ei aliquid præcipiat, in quo ei non subditur: indèque inferit, quòd homo in iis, quæ ad naturam corporis pertineat, non tenetur homini obedire, puta in ijs, quæ pertinent ad hominis sustentationem, & prolis generationem: unde non tenentur filii parentibus obedire de matrimonio contrahendo, vel virginitate servanda, ita S. Thom. ergo cùm quoad matrimonium incundum, filius non subjaceat potestati patris, sequitur, quòd per se loquendo, & spectatà solum auctoritate paternà, & subjectione filiorum, possit etiam filius, sine consensu patris, licetè matrimonium inire: quia etsi gravis injuria sit, si filius, patre inconsulto, contrahat matrimonium, non tamen li ipso consulto, etsi non consentiente, quia utitur jure sibi concessò, Sanchez, cit. disp. 23. n. 12.

XGII. Veritament negari non potest, quin peccent liberi, si absque justa causa, sine consensu parentum, matrimonium contrahant: imò propter extrinsecas causas, seu circumstantias occurrentes, regulariter non possunt liberi licetè matrimonium inire, sine consensu parentum, ut quia parentes gravem causam habent impediendi matrimonium liberorum, quia v. g. volunt matrimonium inire cum persona inæquali, vel infami, non sine dedecore familiariz, vel ex alia causa: ob justam verò causam possunt liberi, etiam parentibus non consentientibus, vel ignorantibus, matrimonium inire, ut si parens liberos jam adultos, & in periculo incontinentiæ constitutos, nolit in matrimonio honesto collocare, Sanchez, cit. disp. 23. n. 4. Sed dices, parentes possunt irritare vota filiorum, c. 30. Numer. vers. 4. ergo multò magis possunt irritare contrahum matrimonii ab illis initum: si enim promissio DEO facta potest irritari, multò magis facta homini. Sed negatur concessio, quia DEVS voluit, ut promissio sibi facta per votum penderet ex consensu, & voluntate hominis: non autem promissio facta homini per matrimonium, idèque ob causas suprà allatas, Becan. tr. de Sacrament. c. 45. n. 5.

XGIII. Ad posteriorem quæstionem respondetur, si pater injustè detineat uxores filiorum, per censuram Ecclesiasticam compelli debet, ut intra certum tempus, illas restituat suis maritis, prout sumitur ex c. Non est. 11. h. t. Nam cùm Rex Angliæ, propter discordiam inter ipsum, & filios suos exortam, uxores eorum detineret, mandat Pontificis Episcopis, & aliis Prælatibus Angliæ, ut quia justum est, ut viri uxores suas petant, Regem moneant ad eas restituendas: & si intra certum tempus, easdem non restituerit, ex tunc in quacunque Provincia Regni uxores illæ detineantur, vel etiam transferantur, donec ibi fuerint, nulla Divina Officia (præter Baptisum parvulorum, & Pœnitentiam morientium) celebrentur, vel celebrari permittantur. Ubi addit Gl. fin. Et præter Communionem, siue Eucharistiam, quæ Viaticum appellatur.

XGIV. Notandum 1. Et si per matrimonium filii, vel filiz non eximantur à patria potestate, sed maneant in potestate patris sui, §. fin. Instit. de patr. potest. l. 2. §. 1. ff. soluto matrim. non tamen uxores eorum subjiciuntur potestati fœceri, eam id nullo ju-

re sit expressum, ut in casu hujus c. uxores filiorum Regis Angliæ non fuerunt subiectæ ipsi Regi, idèque non potuit illas detinere contra voluntatem filiorum matritorum, imò neque ipsi filii in his Regi erant subiecti, quia in matrimonio, aliisque causis spiritualibus non censetur filiusfam. esse in potestate patris, c. ult. de iudic. in 6. & si filius potest liberè disporre de bonis castrensibus, etiam patre invito, multò magis in rebus spiritualibus liber est à patria potestate, Abb. hic n. 1.

Notandum 2. Si uxor adhuc in potestate patris sui existens, iuvata ab eo detineatur, potest maritus contra eundem patrem agere interdicto ad exhibendam, & abducendam uxorem suam, l. 2. ff. de liber. exhibend. c. l. 3. C. cod. l. Si invita. 11. C. de nupr. ut in casu hujus c. possint filii Regis uxores suas repetere per interdictum de liberis exhibendis, Gl. hic P. Uxor. quia in hac re fortius est vinculum matrimonii, quàm patriæ potestatis, l. 1. in fine. ff. cod. Si verò uxor nolens detineatur à patre, vel alio quopiam, potest maritus implorato officio Judicis, vel Episcopi loci, petere, ut ad illam redeat, l. fin. ff. de liber. exhibend. Gl. hic P. Uxor.

Notandum 3. Sive uxor detineatur invita, sive volens, maritus potest adire Judicem, siue Ecclesiasticum, siue etiam sæcularem, & petere eam sibi restitui: quia quamvis quando agitur de jure matrimonii, vel iis, quæ ad substantiam illius pertinent, an legitime sit contrahum, solus Jux Ecclesiasticus sit competens Jux, c. 2. de iudic. c. Lator. §. c. Consam. 7. Qui filii sint legitimi. Secus verò est, cùm agitur de recuperanda, seu restituenda uxore, & sic quasi possessorium instituitur: tunc cuiusquæ Jux sæcularis adiri potest, quàm Ecclesiasticus, Abb. hic n. 6. Ad Ecclesiasticum verò Judicem pertinet etiam de hac re judicare, ratione peccati, quod uxor committit, subtrahendo se marito, si volens detineatur penes alium, Casis. in cit. c. Non est. n. 3. h. t.

Notandum 4. Ex facto Principis potest tota Provincia subiecti Interdicto Ecclesiastico, ut patet ex hoc c. & sic indirectè puniuntur subditi, propter factum Principis, Abb. hic n. 4. Quæ verò in fine hic adduntur de Officiis Divinis interdicendis, ea pertinent ad Tit. 39. Libri P. sequentis.

SECTIO IV.

DE MATRIMONIO FICTO, seu simulato, & coacto.

§. I.

An matrimonium fictè contrahum sit validum, & ad quid obligetur, qui fictè contrahit?

XCV. ASSERTIO I. Qui fictè contrahit matrimonium cum muliere, per verba de præsentibus, absque interno consensu in illam, invalidè contrahit, prout sumitur ex c. Tua nos. 26. h. t. Nam cùm quidam non posset mulierem quandam aliter ad concubitum inducere, nisi eam sibi desponsasset,

» (scilicet per verba de presenti) sine ulla solemnitate, & nemine presente, illi dixit; *Ts Joannes de sponſat*, cum ipse non vocaretur Joannes, sed finxit, se sic vocari, putans se non inire conjugium cum eadem, eo quod ipse non vocaretur hoc nomine, nec haberet propositum contrahendi cum ea, sed solum carnalem copulam ab ea extorquendi. Unde quaeritum fuit, utrum inter eos matrimonium sit contractum, cum mulier consenserit in ipsum, & ipse dissenserit in eandem, ac etiam num dissentiat, nec aliud egerit, nisi quod eam carnaliter cognoverit. Consultus super hoc Papa Innocentius III. respondit, cum praedictus vir etiam mulierem in propria persona desponsaverit, etsi sub alieno nomine, quo vocari se finxit, & in ter eos carnalis copula sit secuta (per quam consensisse in eam videtur, *Gl. hic V. Copula*) videretur forte pro matrimonio praesumendum esse, si nixi expressè dictum fuisset Papae, quod ille vir non proposuit, nec consensit eandem ducere in uxorem, quod quomodo constare potuerit, se non videre. Si tamen se ita res habuerit, nempe quod ille non proposuit eam ducere in uxorem, nec unquam in eandem consensit: non debet ex illo facto matrimonium judicari, quia in eo non reperitur substantia conjugalis contractus, nec forma (id est, materia, & forma, *Gl. margin. hic Lit. D.*) Quoniam ex altera parte dolus solum adfuit, & consensus omnino defuit, sine quo matrimonium nequit contrahi.

XCVI. Pro declaratione hujus c. notandum 1. non valet matrimonium, in quo alter contrahentium non consensit, vel fide solum, seu simulato animo consentit, ut patet ex hoc *cap. junctè à Gl. ibidem*, quia sine vero consensu non subsistit matrimonii contractus, c. 2. *caus. 27. q. 2.* Simulatus autem consensus non est verus, adeoque etiam simulatum matrimonium non est validum, l. 30. *ff. de ritu nupt.* quod etiam in aliis contractibus locum habet, ut in iis scilicet potius spectandum sit, quod reipsa agitur, quam quod simulatè concipitur, juxta *Tit. Plus valere, quod agitur, in Cod.*

Notandum 2. Responsum S. Pontificis datum in parte posteriore hujus c. nempe quod matrimonium hoc fide in initum à viro illo, qui se falsò nominavit Joannem, sit invalidum, solum procedit in foro interno conscientiae, seu poenitentiali, in quo nec testes requiruntur, nec alia probatio, sed de omnibus, quantumcumque occultis, soli consentienti se animo fide illam feminam desponsasse, licet sub alieno nomine, fides habetur: cum ergo in hoc foro constet illum non consensisse in matrimonium cum illa muliere, non fuit judicandum pro matrimonio, sed contra illud, quod non fuerit verum matrimonium; sed quia dictus vir fictionem hanc non poterat probare in foro externo, ideo Pontifex dixit, se non videre, quomodo Episcopo (cui rescriptum de hoc constiterit, scilicet in foro externo, quia in foro interno poenitentiali vir iste hoc Episcopo confessus fuit, se fide animo feminam hanc sibi desponsasse datà ei licentià utendi hac notitià extra Confessionem Sacramentalem, in quo iudicio cuilibet est credendum, quia ipsi soli sit praedictum, *Gl. hic V. Qualiter. Abb. hic n. 6. Hostiens. in princ. V. Alienus. col. 1.*

Notandum 3. In foro verò externo, seu contentioso, si constet ex confessione conjugum, vel ex aliis argumentis, & conjecturis probari possit, hunc virum mulierem istam, ignaram fictionis ipsius, sibi in propria persona desponsasse, & carnaliter eam cognovisse, tum debet judicari pro matrimonio, & censeri, illud verè & validè contractum esse, non obstante falsi nominis mutatione; quia illa vel scilicet facta est, & non obstat error, si constet de persona, quia non interest, quocumque nomine se quis appellet, dummodo persona sit certa, l. *In venditionibus. §. ff. de contrah. empt. §. Si quidem in nomine Instit. de legat.* Vel scilicet mutavit nomen, qui fide desponsavit haec mulierem, & dolus hic non debet ei prodesse, sed contra ipsum fieri interpretatio, *Gl. hic V. Mulierem. Abb. n. 6.* quia in foro, seu Tribunali externo asserenti se non consensisse, vel non verè in sibi desponsatam consensisse, non creditur in praedictum alterius, *Gl. hic V. Qualiter.* Neque verò etiam ex parte mulieris hic intervenit error personae irritans matrimonium, sed error solius nominis, cum mulier ipsum praesentem viderit, & in eum consenserit. Putat tamen *Canis. in cit. c. Tua nos. n. 3.* quod in proposito casu, etiam in foro externo non sit judicandum matrimonium fuisse validum, quia dolo, seu fraudulenter assumpti alieni nomen ad extorquendum illicitum consubitum, non ad contrahendum matrimonium. Verum dolus non per se matrimonium reddit invalidum, nisi inducat errorem personae, vel aliam talem, per quem invalidatur matrimonium, qualis non est mutatio solius nominis.

XCVII. **ASSENTIO 2.** Fide contrahens matrimonium per verba de presenti, sine interno consensu, grave peccatum committit, non solum sacrilegii contra reverentiam Sacramenti, sed etiam injustitiae, quia alteri bonà fide contrahenti gravem injuriam, ac damnum infert; nam quia in foro externo non potest probari alterum fide consensisse in matrimonium, decepta non permittitur aliud matrimonium inire, & coegerit continenter vivere, ideo deceptor obligatus est ad compensandum hoc damnum, quod inde putativè conjugii accidit, quae compensatio plerumque aliter fieri non potest ad aequalitatem, nisi fide contrahens verè in matrimonio consentiat, illudque ratificet, *Sanch. l. 1. de sponsal. diff. 1. n. 4. & 5. Laym. l. 5. tr. 10. p. 2. c. 6. num. 1.*

Sunt tamen plures casus, in quibus deceptor non obligatur ad matrimonium contrahendum, sed alio modo damnum illatum resarcire potest. Veluti 1. Si deceptor postea cum alia matrimonio contraxit vero consensu: 2. Si decepta Virginem se esse falsò jactavit, tunc enim una deceptio per aliam tollitur, ac veluti compensatur. 3. Si deceptor in longè altiori statu sit positus, dummodo sub spe matrimonii copula carnalis non sit secuta. 4. Si ex tali matrimonio timeantur secutura scandala, & infelices exitus. 5. Si decepta, cognitâ deceptione, sponte recipiat aliam compensationem, *Laym. cit. l. num. 2.*

Sed de hoc plura *libr. 5. tit. 16. de adul.*

¶ Supra.

§. II.

An matrimonium ex metu contractum sit validum?

XCVII. ASSERTIO I. Matrimonium ex metu gravi, seu cadente in virum constantem contractum, in utroque foro, externo & interno, est irritum, si is metus iniustus, ac directè ad matrimonium extorquendum sit incussum. Est communis, ac certa omnium ferè Theologorum, & Canonistarum sententia apud *Sanch. l. 4. de matr. dif. 12. n. 18.* Probatur in primis ex c. *Cum locum. 14. h. t.* Ubi talis casus proponitur, ut refert *Gl. ibid.* Duo Cives Papienses perebant quandam puellam, & uterque contendebat se cum illa matrimonium contraxisse, unde mulier timebat, violentiam ab illis sibi inferendam. Consultus Papa respondet: ubi metus, & coactio intervenit, non habet locum consensus: matrimonium autem solo consensu contrahitur, & sic omnis metus, & coactio ab eo abesse debet, & cum de ipso (scilicet consensu) quæritur, debet ille (vel illa, qui in aliam, vel quæ in alium consentire deberet) plenè securitate, seu libertate gaudere. Quare mandat Pontifex, ut puella illa, de cuius matrimonio quæstio agitur, in tuto loco collocetur, donec causa fuerit per sententiam definita.

XCI. Hinc colligitur, quòd matrimonium debet, libero consensu à coactione, vi, & metu, contrahi, alioquin est ipso jure irritum. Ratio est, quia cum matrimonia coacta infelices soleant exitus habere, c. *Requisivit. 17. h. t.* expediebat, ut illa essent plenè libera, ita ut non possit quis per injuriam ad illa cogi, nam cum semel valide contracta sint insolubilia, nec amplius rescindi possint, ex gravi metum inita, ab initio debebant irritari: secus est de aliis contractibus ex tali metu initis, hi enim etsi validi, possunt rescindi per exceptionem, vel Judicis sententiam, ideo ipso jure, & facto non sunt invalidi, *Abb. in c. c. Cum locum. 14. h. t. Sanch. cit. dif. 12. n. 26. Tanner. dif. 8. q. 3. dub. 2. n. 10. & 21.*

C. Ubi præterea notandum 1. duplicem esse metum: primus dicitur levis, quando scilicet timetur leve tantum malum, aut grave quidem, sed immerito, ac imprudenter: secundus dicitur gravis, & cadens in vicum constantem, qui duas conditiones requirit: prima est, ut sit metus alicujus gravis mali, vel secundum se, vel saltem respectu personæ, cui metus incutitur: secunda, ut non vanè, levitèrque, sed probabiliter, ac prudenter credatur illud malum imminere sibi, aut personæ conjunctæ in primo, vel etiam ulteriori gradu, ut parentibus, libetis, uxori, fratribus, imò etiam alijs contanguineis, & affinibus, item domesticis, ut docet *Sanch. l. 4. de matr. dif. 1. n. 10. & seqq. & dif. 3. n. 2. & dif. 4. n. 3. & pluribus seqq.* Tunc autem malum probabiliter creditur imminere, quando is, qui minatur malum, potens est illud inferre, & solutus est exequi minas, neque potest facile illud malum depellere, aut vitare. Hujusmodi autem metus gravis est metus mortis, vel mutilationis membrorum, aut atrocium tormentorum, diuturni, & perpetui carceris, exilii, servitutis, stupri, respectu Virginis, imò etiam respectu

Tomeus IV.

viri, amissionis status honorifici: infamiae tam facti, quam juris, quæ difficulter aboleri potest; amissio majoris partis bonorum, excommunicationis denique injunctæ, quæ facile tolli non potest. De quo plura videri possunt apud *Sanch. cit. l. 4. dif. 5. n. 4. & seqq.* item quæ dicta sunt de metu in genere, *libr. 1. tit. 40. §. 1.*

Notandum 2. Metus etiam gravis ad matrimonium contrahendum incuti potest, vel à causis naturalibus, intrinsecis, vel extrinsecis, ut est timor mortis instantis, ex præsentem morbo, vel ob pestem grassantem, vel ob periculum naufragii &c. vel inferri potest à causa libera, ut ab homine: idque rursus dupliciter: primò directè, cum intentione, & animo extorquendi ab altero matrimonium: secundò, quando ob aliam causam incutitur metus, quamvis metum passus simul etiam eo metu moveatur ad contrahendum matrimonium, ut si detrusus in carcerem, ob aliam omnino causam, contrahat matrimonium cum filia detrudentis, ut hoc modo se liberet. Potest autem utroque modo metus incuti, vel justè, ut si quis deprehensus cum aliqua in flagitio jussam delicti accusationem nuntietur: vel injustè, ut si quis, privata auctoritate, mortem minetur alteri, nisi matrimonium cum eo ineat. Item potest hic metus incuti, vel à contrahente, seu perente matrimonio, vel ab alio tertio, *Sanch. cit. l. 4. dif. 12. n. 2.*

Notandum 3. Jus irritans matrimonium gravi metu contractum non innititur falsæ præsumptioni, metu contractum non consensisse, sed finxille consensum, tum quia Ecclesia in dubio semper præsumit pro valore matrimonii: tum quia non præsumit alicuius delinquere, nisi id legitime probetur, semper enim præsumitur pro meliore parte, c. 2. *infr. de Regi. sur.* fingere autem consensum, ubi non est, est peccatum mendacii, *Sanch. cit. dif. 12. n. 18.*

CI. Notandum 4. Matrimonium gravi metu contractum ideoque etiam est ipso jure merito irritum, in utroque foro, quia adversatur tribus bonis, quæ in matrimonio reperitur, scilicet fides, proles, & Sacramentum, c. *ult. de condit. appos. c. Omne. 10. caus. 27. q. 2.* Et in primis inetus adversatur ipsi Sacramento, quia hoc significat conjunctionem Christi cum Ecclesia, quæ fuit facta per liberum amorem, ideoque etiam matrimonium contrahi debet per liberum consensum, ut signum correspondeat signaro, 2. Metus repugnat etiam debita generationi proles, qui est finis matrimonii, qui autem vi, seu metu matrimonium contrahunt, deficiente nuptio amore, facile separabuntur, & ad proles generationem non multum afficiuntur. 3. Repugnat etiam metus fidei conjugalii, quia quod quis non diligit, facile contemnit, c. *Præsens. 4. caus. 20. q. 3.* Unde periculum est, ne tales Conjuges fidem violent, & in adulterium labantur, *Abb. in c. c. Cum locum. 14. n. 8. h. t. Sanch. cit. l. 4. dif. 12. n. 18.*

Notandum 5. Matrimonium metu initum est irritum, sive metus inferatur ab eo, cum quo quis contrahere cogitur, sive à quocunque alio, sine istius culpa, & scientia inferatur, *Sanch. cit. dif. 12. n. 19.* Ratio est, cum quia metus irritat matrimonium, eò quòd tollat spontaneum, seu plenè liberum consensum, c. *Cum locum. h. t.* Sed non minus tollit metus libertatem consensûs, sive per ipsum contra-

D 2

hentem,

hentem, siue per alium inferatur, ergo non minus irritat matrimonium. Tum quia Jus non tam in odium metum incutientis, sed principium in favorem libertatis matrimonii, irritavit matrimonium tali metu initū, ut expresse colligitur ex *c. Veniens. 15. h. n.* ne scilicet quis cogatur inuitus contrahere: patiens autem metum est quæ inuitus, siue ab ipso contrahente, siue ab alio tertio contrahente ex metu cogatur, *Coning cit. diff. 28. dub. 1. n. 6.*

Notandum 6. Si Iudex timeat libertatem consensūs in aliqua femina impediendam fore, curare debet, ut illa in loco honesto, ac tuto collocetur, ne ipsi vis inferatur, & ubi liberè possit consensum suum exprimere, *cir. c. Cum locum in fine, Covarr. in Epitom. libr. 4. Decretal. p. 2. c. 3. §. 6. n. 2.*

CII. Porro quod dictum est matrimonium gravi metu iniuste incusso contractum esse irritum, id etiam probatur ex *c. Veniens. 15. h. n.* Ubi dicitur, „quod quidam Guilielmus nomine, in domo sua mulierem quandam recepit, (ut concubinam, *Gl. hic V. Recepit.*) ex qua prolem habuit, eique coram pluribus promissit, se illam ducturum in uxorem: postea verò in domo vicini sui pernoctans, cum filia ejus concubuit, quos cum pater puellæ simul in lecto jacentes reperisset, ipsum Guilielmum coëgit, filiam suam per verba de presenti desponsare. Hoc intellecto, Papa Alexander III. mandavit Episcopo loci, ut si inveniret, quod prima mulierem, post fidem ei præstitam, cognovisset, ipsum cum illa faciat remanere: alioquin secunda mulieri, ut uxori jubeat eum adherere: nisi metu coactus, qui posset cadere in virum constantem, eam desponsaverit. Consentit *c. 2. De eo, qui duxit &c. de quo infra Tit. 7.*

Ex quo patet, quod matrimonium contractum per metum gravem, seu cadentem in virum constantem, ad eum finem iniuste incussum, sit nullum in utroque foro: nam idem in *cir. c. Veniens*, matrimonium fuit irritum, quia pater juvenem repositum cum filia in eodem lecto iniuste coëgit ad illam sibi desponsandam, volens eum interficere, vel aliud grave malum inferre, quod injustum erat, quia et si ibi non dicitur in particulari, quis metus fuerit incussus, siue quod pater mortem minatus sit juveni, sed solum *text. cap. loquatur generaliter de metu cadente in virum constantem*: videtur tamen omnino de simili metu iniusto hoc *c.* intelligendum esse, ut jura iuribus concordentur, ut tradit *Sanch. cir. l. 4. diff. 13. n. 9. Coning tract. de Sacram. diff. 28. n. 15.* Ubi ait, hunc esse casum *cir. c. Veniens*. Nec etiam poterat pater, propriâ auctoritate, iuste talem cogere ad inendum matrimonium, quia hoc ad Judicis officium spectat, ut ex Reginaldo tradit *Barb. in Collect. in cir. c. Veniens. n. 4. h. t.*

CIII. Extenditur autem et, Quod matrimonium per metum iniuste incussum ad extorquendum illud, est invalidum, etiamsi metum passus culpæ reus fuerit, siue contrahens culpâ suâ in hunc metum incidit, *Gl. fin. in cir. c. Veniens. & Sanch. cir. l. 4. diff. 8. n. 9.* Quia culpâ non tendit directè ad incutiendum metum, *Covarr. in l. 4. p. 2. c. 3. §. 3. n. 8.* Extenditur 2. metus incussus irritat matrimonium, etiamsi quis cogatur incertam ex ceteris ducere, v. g. unam ex duabus filiis Petri, quia talis neutram vo-

lebat ducere, coactè tamen alteram duxit, adeoque inuitus, & non liberè, *Covarr. c. l. n. 9.*

CIV. ASSERTIO 2. Matrimonium ex gravi metu iuste incusso contractum validum est, etiamsi is metus directè ad obtinendū matrimonium incutiat, siue à lege, vel Iudice præcipiente, v. g. ut ducat Virginem à se vitiatam, sub fide, & spe matrimonii, *c. Ex litteris. 10. h. n. de quo supra n. 17. & 18.* siue à privato homine metus sit illatus, ut si patet supràtori filie suæ minetur, se ipsum accusaturum in iudicio, nisi eam ducat in uxorem, *Sanch. cir. l. 4. diff. 8. n. 9. & diff. 13. n. 3. Less. l. 2. de iustit. c. 17. dub. 6. n. 37. Coning cir. diff. 28. dub. 1. n. 14.* Ratio est, quia talis metus non tam infertur ab alio, quàm ab ipso patiente metum, qui culpâ suâ sponte dedit causam, ob quam talis metus pollet ei inferri, juxta *l. Si Mulier. 2. ff. De eo, quod met. caus. ubi dicitur: quia hunc sibi metum ipsa inferit, v. g. Si quis dicat supràtori Virginis, Te accusabo, nisi hanc duxeris in uxorem, non inferte censetur metū, sed potius timorem jam conceptum ex delicto auferre, offerendo matrimonium tanquam medium ad evadendam pœnam, delictum enim præbet causam ad accusationem, & pœnam ipsi debitam. Confirmatur, quia quando quis iuste metum patitur, non adest causa, cur ipsi subveniat, cum sponte se in eam necessitate conjecerit. Neque verò matrimonium ideo solum irritat metus, quia tollit plenam, seu perfectam libertatem, aliàs quando Iudex iuste cogit implere sponsalia, matrimonium foret invalidum, sed quia iniuste tollit, quod hic cessat: neque ex eo tam infelices timore exitus, quia animus aliquid quantum quiescit, cum quis considerat se iuste compulsum esse ad contrahendum tale matrimonium, *Sanch. cir. diff. 13. n. 9.* Adde, quod tale matrimonium contrahenti sit omnino voluntarium, saltem in causa, & per se aptum conciliare amorem conjugalem, cum fuerit ratio alteri evadendi ingens periculum.*

CV. ASSERTIO 3. Matrimonium contractum ex gravi metu iniuste quidem, non tamen eo sine incussum, ut extorqueatur matrimonium, sed ad rem aliam obtinendam, est validum, siue metus proveniat à causa naturali, siue libera, *Sanch. cir. l. 4. diff. 12. n. 3. Coning c. l. n. 9. & alii communiter.* Probat, quia tali casu non compellitur metum patiens ad matrimonium ab eo, qui metum infert, cum hic non petat, nec intendat extorquere matrimonium, sed impellitur ad seipso, dum sponte eligit matrimonium, tanquam medium ad se liberandum à periculo corporis intentato ab eo, qui metum intulit. V. g. si iniuste detentus in carcere, vel iniusto metu pressus matrimonium contrahat cum filia Iudicis, vel hostis, ut sic conciliet ejus animum, & se liberet, validum erit matrimonium, quia tunc metus iniuste incussus, non est per se, & directè causa matrimonii: sed solum per accidens, quatenus ipse injuriam passus ad se liberandum tale medium, deligit, quod jura ipsi adimere non debuerunt, alioquin periclitanti viam evadendi præcladerent, *Coning c. l. n. 10.* Hinc patet, quod tres conditiones requirantur, ut matrimonium per gravem metum, seu cadentem in virum constantem contractum sit irritum. 1. Ut sit incussus à causa extrinseca, eaque libera, nempe ab homine; 2. Ut iniuste incussus sit,

3. Ut ad eum finem sit incussus, ut contrahatur matrimonium, tale enim matrimonium est ipso facto nullum, etiam in foro conscientie, ex communi, & certa omnium fere Theologorum, & Canonistarum sententia, apud *Tanner. cit. dif. 8. q. 3. dub. 2. n. 20.* & patet ex supra dictis.

CVI. ASSERTIO 4. Matrimonium metu gravi initū irritum est, non Jure positivo Divino, quia tale nullum extat: nec Jure naturali, tum quia quod sit metu, etiam gravi, est simpliciter voluntarium, & secundum quid solum involuntarium, ut dictum suo loco: unde nihil obstat, quominus Jure naturæ omnes contraetus metu initii sint validi, etiam contraetus matrimonii: quia quamvis iste contraetus semel validus, non potest rescindi à Judice & spectatā tamen rei naturæ, nihil obstat, quominus esse possit validus, quia hoc non necessariò requiritur ad substantiam contraetus per metum initii, ut possit rescindi per Judicem: sed hoc procedit in illis contraetibus per metum initis, qui subsunt potestati humanæ, qualis non est contraetus matrimonii. Tum quia spectato solo Jure naturali, etiam metus levis irritaret, tam matrimonium, quam alios contraetus, non minùs, quam metus gravis, inter quos metus de jure naturæ non est differentia, nisi quod gravis graviores injurias inferat, quam levis. Quare quod metus levis non irritet matrimonium, nec alios contraetus, id non provenit ex jure naturæ, sed ex solo Ecclesiastico. Etsi verò jam non reperitur ullum Jus, quod aperte tale matrimonium irritet: constat tamen ex traditione Doctorū, & Pontificum decretis, more, & usu id semper observatum esse, ut matrimonium metu gravi extortum sit irritum: & forsitan olim talis lex scripta extitit, quæ postea perijt. *Sanch. cit. l. 4. dif. 14. n. 2. & 4.* Ubi etiam ad argumenta sententiæ oppositæ responder, *Coning. cit. dif. 28. dub. 2. n. 16. & 18. Tanner. cit. dub. 2. n. 24. & 25.* Non obstat, quod in *c. Cum locum. 14. h. t.* dicitur, non habere locum consensum, ubi metus, vel coactio intercedit: sine consensu autem matrimonium consistere nequit, ergo tale matrimonium est irritum, jure naturæ, non tantum Ecclesiastico. Verùm non dicitur ibi, quod metu coacti non verè consentiant in id, quod ex metu faciunt (nam alias invalidè baptizarentur, qui gravi metu compulsi Baptismum recipiunt, contra necessariò requiritur eorum consensus, *c. Majores. 3. de Baptismo.*) Sed solum ibi negatur esse consensum talem, qualem Jus necessariò requirit, scilicet liberum ab omni coactione, *Coning. cit. l. n. 17.* Cæterum matrimonium ex gravi metu contractum inter infideles est validum, nisi ipsorum legibus aliud sit statutum, quia consensus metum patientis est absolute, ac simpliciter voluntarius, & secundum quid solum involuntarius, *Sanch. cit. dif. 14. n. 3.*

CVII. Ex dictis infertur 1. Matrimonium contractum cum concubina, metu mortis instantis ex morbo, naufragio &c. esse validum, quia is metus non infertur ex causa extrinseca libera ad extorquendum matrimonium. Infertur 2. Eum, qui matrimonium contrahit, eò quod Medici judicent, id esse necessarium ad vitam servandam, quæ aliis ob humorum abundantiam periclitaretur, licet aliàs nullo modo contraheret, esse validum, quia metus provenit ex causa extrinseca naturali. Infertur 3.

Matrimonium contractum ab eo, qui est conjectus in carcerem, si non animo extorquendi matrimonium sit in carceratus, validum esse, quia talis metus non incutitur ad matrimonium extorquendum. Infertur 4. Validum etiam esse matrimonium, si ad mortem damnatus ad se ab ea liberandum meretricem publicam ducar in uxorem, aliàs non ducatur: sive deinde ipse contrahens, sive alius, vel etiam ipse Judex hanc conditionem primò offerat, quia tunc metus non incutitur ad ineundum matrimonium, sed aliunde jam conceptus aufertur, datūque modus, & via evadendi periculum mortis, *Sanch. cit. dif. 12. n. 4. & pluribus seqq.*

CVIII. Prædictis addendum 1. Quod dicitur in *c. Inter opera. 20. h. t.* Magnum opus charitatis est, errantem, qui peccantem ab errore suo revocare. Unde statuit Papa Clemens III. ut omnibus, qui publicas meretrices à lupanari extraxerint, & duxerint in uxores, id eis prociac in remissione peccatorum. Est autem hic sermo de remissione peccatorum, non quoad culpam, quæ per contritionem, & prænitentiam deletur, sed quoad penam temporalem, ut docet *Abb. hic n. 3.* Nam cum magnum opus misericordiæ sit corrigere peccantem, & à peccato avertere, est enim opus misericordiæ spirituale, quod præstantius est operibus misericordiæ corporalibus, ideo ex Thesoro Ecclesiæ à Papa ducenti in uxorem publicam meretricem applicantur Indulgentiæ in remissionem, seu satisfactionem peccatorum, pro pœna temporali adhuc debita, *Covarr. in Epit. l. 4. Decret. p. 2. c. 8. §. 11. n. 3.* Dicitur autem meretrix, quæ palam libidinem exercens, quæstum facit, cuiusque turpitudine publicè venalis est, *l. Palam. 43. ff. de ritu nupt.* Item illa, quæ multorum libidini parer, seu patet, *c. Vidua. 16. dif. 34. etiam sine quæstu, cit. l. Palam. Covarr. cit. l. n. 4.* Nec obstat, quod dicitur in *princ. caus. 32. q. 1.* quod meretrix in conjugem duci non debeat: nam loquitur de illa, quæ meretriciati non definit, ut ait *Gl. fm. hic*, & illa retineri non debet, ne patronus turpitudinis videatur: in hoc autem e. est sermo de ea muliere, quæ libenter veller continenter vivere, si repeteret, qui eam ducere veller in uxorem. Tener tamen matrimonium cum meretrice initum, ut tradit *Gl. V. Quod autem cit. caus. 32. q. 1. in princ.*

Porro quod supra dictum est, damnatum ad mortem ab illa liberari, si velit ducere in uxorem meretricem in publico lupanari existentem, in foro æternò non procedit, neque in praxi observatur, quia in grave præjudicium Reipubl. tendere posset, ut notat *Barboz. in Collectan. in cit. cap. Inter opera. n. 5. h. t.*

CIX. Addendum 2. Non omnis violentia, aut metus reddit matrimonium contractum irritum, prout sumitur ex *c. De muliere. 6. h. t.* Nam cum quædam mulier invita tradita esset viro, & per vim detenta, quæstum fuit ex Papa, an inter eos esset matrimonium? Respondit Pontifex, cum inter vim, & vim sit differentia, nec constet, an post violentiam consensus interveniret, ideo certum f. non posse dare responsum.

Ubi notandum 1. Duplex est vis, sive metus, unus, qui cadit in constantem virum, & ille reddit matrimonium irritum, nisi denuo de novo consentiant conjuges: alius est metus vanus, seu improbabilis, qui non impedit matrimonium, *Gl. hic V. Inter vim.*

Notandum 2. Illa Regula, *coacta voluntas est voluntas*, non habet locum in matrimonio, c. 1. & ibi *Gl. V. Vult. caus. 15. q. 1.* quia ad substantiam matrimonii requiritur consensus liber ab omni vi, & coactione, *Abb. hic num. 2.*

Notandum 3. Papa in casu hujus c. non dedit certum responsum, quia nescivit, quæ violentia fuerit mulieri illata, etsi potuisset respondere, distinguendo inter vim, & vim, siue qualis vis, seu metus illi fuerit illatus, *Gl. fin. hic.*

§. III.

*An si mulier invita cum aliquo matrimonium contraxit, nec in eum postea consensit, valeat matrimonium, si alteri postea nubat. Item an matrimonium metu gravi contractum per spontaneam cohabitationem ratificetur, & con-
valescat?*

CX. De prioræ quæstione agitur in c. *Veniens. 13. h. r.* Ubi talis casus proponitur. Quædam juvenis mulier, Mariota nomine, adamavit quandam adolescentem, ita ut uterque, præsentibus tribus testibus, de matrimonio contrahendo juramentum præstiterit: sed parentes mulieris hoc ignorantes, eam invitam, & reclamantem, in uxorem alii traxerunt, quem ipsa ita exhorruit, ut nullo modo ab ipso se cognosci permiserit: & publicè fateretur, addito juramento, quod à priorè viro cognita fuerit. Sed cum Episcopus Diocesanus cognovisset, quod proxima inter eos (scilicet ipsam mulierem, & primam virum) esset consanguinitas, ipsos ab invicem separavit. Cæterum cum causa hæc tractaretur, & illa nollent consentire in virum, cui à parentibus tradita fuerat, ipse aliam in uxorem duxit: & illa cuidam alii T. nomine publicè in facie Ecclesiæ nupsit (quod fieri non debuit, causâ, seu lite pendente, *Gl. hic V. Nupsit.*) Deum cum ex illo filium suscepisset: pater ipsius T. ipsi opposuit, quod filium suum in vitum habere non potuit, eo quod alii, qui jam defunctus est, priùs desponsata fuisset. Re delatâ ad Papam, is mandavit quibusdam à se delegatis, ut si prædicta mulier à priorè viro iudicio Ecclesiæ fuerit separata, & à prædicto T. sine contradictione Ecclesiæ, in uxorem ducta, & ille, cui priùs à parentibus fuit copulari, vitâ decessit, moneant prædictum T. ut ipsam Mariotam in uxorem recipiat, & eam maritali affectu tractet; alioquin in eum, & superinductam, & patrem ipsius (si resistit) sententiam excommunicationis ferant.

Hinc patet, quod si mulier coacta, seu invita in uxorem sit ducta, & postea alteri nubat, valeat hoc posterius matrimonium, non obstante priorè matrimonio, quippe quod metu gravi contractum ipso jure nullum fuit: nisi metus, antequam secundum matrimonium contraheretur, fuerit purgatus per subsequentem consensum mulieris, de quo infra,

CXI. Ubi notandum 1. in casu hujus c. inprimis mulier illa, post contractâ sponsalia jurata cum adolescente, etsi carnalis copula fuerit secuta, ut ipsa confessâ fuit, non potuit validè contrahere matrimonium cum illo, ob impedimentum consanguinitatis inter eos intercedens, de quo Ecclesiæ constabat, sunt enim ideo ab Episcopo separati. Unde poterat Mariota libere nubere illi, cui parentes illam desponsare volebant, postquam ab adolescente, cui priùs ad hæserat, ob consanguinitatem inter eos intercedentem, auctoritate Episcopi, separata fuit. At verò alterum matrimonium, quod invira, & reclamans, ex voluntate parentum inire debuit, invalidum fuit, ideòque eo nihil obstante, licitè, & validè alteri nubere poterat, præsertim cum vir ille jam defunctus fuerit. Illud verò matrimonium, quod dicta mulier postea cum tercio, videlicet T. iniit, validum fuit: & ideo mandavit Pontifex sub pœna excommunicationis, ut ipse T. dimissâ superinductâ, Mariotam in uxorem recipiat, & maritali affectu tractet, ut patet ex textu.

Notandum 2. Matrimonium à filiosam contractum, sine parentum consensu, validum est, ut colligitur etiam ex hoc c. & dictum suprà n. 90.

Notandum 3. Omnes, qui impediunt jurisdictionem Judicis, possunt excommunicari, quia per hoc subijciuntur jurisdictioni ipsius Judicis, *Gl. fin. hic.*

CXII. De posteriore quæstione agitur in c. *Ad id. 21. h. r.* Nam cum quædam puella undecim annorum ab initio invita, ac renitens (ut dicebat) in matrimonium tradita fuisset cuidam viro, sed postea per annum, cum dimidio ipsi cohabitans, in illum consensisse videretur: Consultus Papa Clemens III. refertibit, illam cogendam esse, redire ad virum: (à quo recesserat) nec testes esse recipiendos, si quos mulier vellet producere ad probandum, quod non consenserit in eundem, quia mora tanti temporis hujusmodi probationem excludit: & mandat insuper Ordinario loci, ut utrumque compellat ad petmanendum in conjugio, & tractandum se invicem conjugali affectu, nisi forte vellent ad Religionem simul transire, injunctâ eis poenitentia, propter adulterium ab utroque commissum.

CXIII. Notandum 1. Licet matrimonium gravi metu contractum, sit ipso jure nullum, per spontaneam tamen cohabitationem utriusque conjugis postea subsequentem illud convalescit, & ratificatur. Ratio est, quia talis mutua cohabitatio est sufficiens signum spontanei consensûs postmodum habiti, qui solum requirebatur ad valorem matrimonii: eo ipso enim, quod mulier merum passiva non recedit à viro, cum posset, censetur sponte in matrimonio permanere; & sic consensum antè vi extortus transit in liberum consensum per spontaneam cohabitationem subsequentem, non enim est necessarium, ut utriusque conjugis consensus liber sit simul, cum ergo consensus illius, qui non est metum passus, fuerit legitimus, solum desiderabatur ad valorem matrimonii spontaneus consensus illius, qui ex metu consenserat, qui tacitè fit per spontaneam cohabitationem, modò etiam alter, qui absque metu consen-

consecut, in priore consensu perseveret, *Sanch. cit. l. 4. de matr. c. 18. n. 2. & 3.*

Notandum 2. Ut cohabitatio conjugum sit sufficiens indicium hujus consensûs conjugalis, requiritur 1. Ut ratificans matrimonium prius contraxerit, illud fuisse invalidum, nihil enim magis contrarium est consensui, quàm error, *Sanch. c. l. n. 5.* 2. Requiritur diuturna cohabitatio: etsi verò in hoc c. dicitur, quòd hi conjuges per sesquiannum cohabitaverint, id tamen magis ad factum, sive ad id, quod de facto contigit, & narratur, quàm ad Jus referendum est, unde cum in jure certum tempus non sit expressum, id Judicis arbitrio definiendum relinquitur, *Abb. hic n. 4. Sanch. c. l. n. 6.* Hoc verò moraliter accipiendum est, spectatà fugiendi opportunitate, & morà cohabitationis, non mathematicè, & statim, seu ut in instanti uxor fugam arripiat, sed arbitrio prudentis, *Sanch. c. l. ubi etiam addit, hoc procedere solum in foro externo, nam in foro conscientie nulla mora temporis sufficit, si deficit animus ratificandi matrimonium: quamvis in foro externo, ex cohabitatione præsumatur ratificatio.* 3. requiritur, ut cohabitatio illa sit omnino spontanea, ita ut celsarit etiam causa timoris, nam durante causâ metûs, durat metus, *Sanch. c. l. n. 3.* Addunt aliqui, quòd præter cohabitationem, requiratur quoque, ut intervenerit copula conjugalis. Sed hoc verum non est, quia in *cit. c. Ad id*, sola cohabitatio exprimitur, ac ponderatur: deinde requiritur cohabitatio diuturna, quam non requirit copula, *Sanch. c. l. n. 4.*

§. IV.

An si mulier neget, se in matrimonium consensisse, sit ei fides habenda? Vel si probare velit se per metum gravem sibi illatum consensisse, sit audienda?

CXIV. De utraque hac questione agitur in *c. Consultationi. 28. h. 1.* Nam quia in quibusdam locis est consuetudo, ut sponsus, & sponsa de presenti, cum debeatur benedici, veniant ad valvas, seu fores Ecclesiæ, tum si sponsa dicat, se nunquam in matrimonium cum sponso consensisse, sponsus autem legitime probet contrarium, scilicet quòd in matrimonium ipsius consensit, queritur, an sponsa audiri debeat? Rescribit Papa Honorius III. sponsam audiri non debere, cum illius simplex assertio non debeat legitimis, & idoneis testibus sponsi prævaleat. Præterea desponsantur quidam aliquas mulieres in uxores, quæ benedictione acceptâ, mox à sponsis, ante carnalem copulam, aufugiunt, dicentes se nunquam in illos verè consensisse, sed metu sibi illato compulsas protulisse verba consensûs, licet animo dissentiant. Ad quod respondet Papa, illis non statim esse audientiam denegandam, sed diligenter inquitendum, qualis metus illatus fuerit, & tunc si reperitur, sive probatum fuerit, quòd mulieribus illis illatus sit metus, qui cadere possit in virum

constantem, audiendæ sunt, & à sponsis, seu viris separandæ, *Gl. hic in casu.*

CXV. Pro explanatione hujus c. notandum 1. sponsus, & sponsa de presenti, ante consummationem matrimonii, benediciuntur ante fores Ecclesiæ: in quibusdam verò locis ante Altare, quæ tamen non ad substantiam, sed ad solemnitatem matrimonii pertinent, *Abb. hic n. 2.*

Notandum 2. Si in casu posteriore hujus c. mulieres illæ non ante, sed post subsequentem carnis copulam, aufugiant à viris, asserentes se non verè consensisse in matrimonium, tum non sunt audiendæ, nisi appareat, vel probatum fuerit, eas invitatas esse detentas, & cognitatas, *Gloss. hic V. Ante carnis copulam. junctâ Gl. margin. Lit. b.*

Notandum 3. Si mulier asserat se contraxisse matrimonium per metum, tenetur probare, non solum ipsum metum, sed etiam illius qualitatem, videlicet talem metum, qui possit cadere in constantem virum, ut colligitur ex hoc c. ubi in fine dicitur, diligenter inquirendum esse, utrum tali metu mulieres percussæ fuerint, qui potius cadere in constantem virum, Verum quia non videtur rationi congruum, ut idem metus, sive æquè gravis requiratur in muliere, qui in viro, cum hic sit fortior, & constantior, mulier verò naturâ suâ sit inconstantior, & debiliior, *Arg. c. Forus. 10. in fine de V. S. ideo minor metus excusat fœminam, quàm masculum, sive minor metus censetur constans in fœmina, quàm in viro, ut tradit Gl. in c. Cum locum. 14. V. Metus. h. t. Covarr. in Epit. l. 4. Decret. p. 2. c. 3. §. 4. n. 9.* Ubi ait, quòd iudex non tam anxie assimilare debet metum in muliere, quàm in viro, sed considerare, quid fœminâ constans faceret, inspectâ naturali fœminarum prudentiâ, aliquid enim fortè cogeret fœminam; etiam constantem, ad faciendum id, quod vir constans minimè faceret, vel eligeret. Quare etsi in textu hujus c. legatur in virum constantem (quem Abbas omisit) nihilominus subaudiendum est, vel in mulierem constantem, habito respectu ad debiliorem sexum, ut tradit *Abb. hic not. 4.* Vel certe lubi nomine viri comprehenditur hic etiam fœmina, quia genus masculinum concipit fœmininum, ut absurdum videtur, præpositus apud Canis. in *cit. c. Consultationum. 2. & Fagnan. ibid. n. 13. & 14.*

Notandum 4. generatim loquendo, quisnam metus dicitur cadere in virum constantem, relinquendum est Judicis arbitrio, ut docet *Gl. in c. Cum dilectus 6. V. Metum passus de iis, qui vimur. & Covarr. cit. c. 3. §. 4. n. 8.* ubi ait, quòd Iudex arbitratbitur, an vir prudens, & constans eligeret potius id agere, quod ex metu sit, quàm subire periculum, quod imminet.

CXVI. Porro ex eo, quòd in fine hujus c. dicitur, mulieres metu passas, qui in virum constantem cadere potuit, non immetitò esse audiendas, alii qui inferunt, tale matrimonium non esse irritum, ipso jure, sed rescindendum per Judicem, sicut alii contractus ex metu initi. Verum audiendæ sunt tales mulieres, non ut Iudex rescindat matrimonium metu contractum, sed ut declararet esse irritum, ut constat ex c. Cum locum. 14. h. r. & aliis Juribus suprà allegatis, *Sanch. l. 4. dist. 12. n. 16. 18.*

¶ 26.

S. V. Virum

§. V.

Utrum matrimonium ex metu levi initium sit irritum, & an contra-
ctum ex metu reverentiali?

CXVII. Ad priorem quaestionem respondetur, probabilius est, matrimonium ex metu levi initium non esse irritum, sed validum, ut docet *Sanch. l. 4. de matr. dif. 17. n. 3.* & alii apud eundem. Idque probatur ex *c. Veniens. 15. & c. Consultationi. 28. h. t.* Arg. à contratio sensu ducto. Loquuntur enim solum de metu cadente in constantem virum, adeoque gravi, ergo aliud dicendum, quando metus non cadit in constantem virum, sed levis est. Idem de matrimonio spirituali, sive Professione Religiosa, quod non sit irrita, si non sit facta metu cadente in virum constantem, habetur in *c. pen. & c. 1. de his, quæ metus caus. sunt.* Idem probatur ex *l. Nec timorem. 7. §. 1. ff. de eo, quod met. caus.* ubi dicitur: *Si quis metusculsus rem ullam frustra metueris, per hoc Edictum non restituitur, quia neque vi, neque metus causâ factum est.* Unde patet, quod Jura metum levem non considerant, neque sit propriè appellatur metus, ut tradit *Gl. in c. un. V. Subjacere. eod. in 6.* adeoque non obstat, quominus matrimonium, alique contractus sint validi, nec rescindi possint tali metu initii, *Sanch. l. 4. de matr. dif. 17. n. 3.* & alii apud ipsum, & dictam suprà *libr. 1. Tit. 40. §. 5. n. 38.* quia aliàs omnia essent plena controverfisi, & litibus, cum metus levis faciliè adesse, & probari, aut simulari possit, *Coning. dif. 28. dub. 1. n. 8.* Quod autem matrimonium ex metu levi initium sit validum, inde etiam probatur, quia cum matrimonium ob metum sit irritum solum Jure Ecclesiastico, ut suprà dictum; Ecclesia autem tantum irritaverit initum ex metu gravi, & cadente in virum constantem, sequitur levi metu initum non esse irritum, *Sanch. c. l. n. 4.*

CXVIII. Opposita tamen sententia, nempe matrimonium etiam levi metu contractum, ita ut contrahens nullo pacto consentiret, nisi metu esset, inductus, esse irritum, saltem in foro conscientie, est etiam valde probabilis: quamvis in foro externo Ecclesiæ non irritetur tale matrimonium, quia Ecclesiæ, quando metus est levis, in favorem matrimonii præsumit, non coactum, sed spontaneum consensum intervenisse: alioquin verò spectato jure naturæ, si metu levis ab ipso met altero contrahente injustè sit illatus, non minus metus levis irritat matrimonium, quam metus gravis. Jure verò positivo gravis metus, etiam aliunde, quam à contrahente illatus, facit matrimonium invalidum, juxta Jura suprà citata: non autem metus levis aliunde illatus, nisi ratione personæ, cui injectus est, censendus sit gravis, *Tanner. cit. dif. 8. q. 3. dub. 2. n. 41. & 42.*

CXIX. Ad posteriorem quaestionem respondetur, matrimonium initum ex metu reverentiali, sive reverentia, quam debet Superiori suo inferiori, vel filius patri, vel alteri, qui loco patris est, non est irritum, sed validum. Id verò intelligendum est, quod metus reverentialis per se solus non sit sufficiens ad annullandum matrimonium; nisi conjunctæ sint graves minæ, aut periculum gravis, ac diu-

turnæ offensionis patris, aut ejus personæ, cui reverentia debetur, & à qua vita, fortunæque hominis plurimum pendet, *Sanch. l. 4. de matr. dif. 6. n. 7. & 14. Coning. cit. dif. 28. dub. 2. n. 35. Laym. l. 5. tract. 10. p. 2. c. 5. n. 3.* Ratio est, quia metus reverentialis non videtur habere vim per se ad terrendum virum constantem, quam tamen habet, si conjunctæ sint minæ, & periculum incurrendæ gravis indignationis. Similiter preces importunæ, ac sæpius repetitæ, etsi non solæ, conjunctæ tamen cum metu reverentiali personæ rogantis, & moleste instantis, inferunt metum cadentem in virum constantem, adeoque sufficientem ad infirmandum matrimonium, *Sanch. cit. l. 4. dif. 7. n. 5. Laym. c. l. Tanner. cit. dif. 8. q. 3. dub. 2. n. 31. & 32.* Ratio est, quia difficillimum est, diuturnas, ac continuas preces Superioris rejicere semper, quod citra periculum gravissimæ offensionis fieri vix potest.

§. VI.

An matrimonium gravi metu initum confirmetur per iuramentum adiectum, vel per copulam subsequutam?

CXX. Præmittendum, non esse idem juramentum esse validum, & juramentum confirmare contractum, ut notat *Less. l. 2. de just. c. 17. dub. 7. num. 50.* Nam juramentum tunc dicitur validum, quando servandum est, ob reverentiam Divini Nominis, licet per illud nullum jus acquiratur ei, in cuius favorem fit. Confirmat autem juramentum contractum, cui adijcitur, quando non solum servandum est, & obligat, sed etiam ei, in cuius favorem juratur, jus tribuit, & contractum validum reddit, ita ut obligatio iustitiæ ex contractu oriatur, quæ manet etiam post relaxationem juramenti, & ad hæredes transit, sicut & jus alterius ad hæredes transit, *Less. c. l.*

CXXI. ASSERTIO. Matrimonium gravi metu contractum non sit validum per adjunctionem juramenti, *Sanch. l. 4. de matr. dif. 20. n. 12.* & alii apud eundem. Probatur ex *c. 2. De eo, qui duxit in matrimonium, &c.* ubi deciditur, Eum, qui post matrimonium metu contractum cum aliqua, & juramento firmatum, aliam duxit, debere manere cum secunda, priusque matrimonium fuisse invalidum. Ratio est, quia matrimonium ex gravi metu initum, est invalidum, ob defectum spontanei, ac plene liberi consensûs, qui ad instantiam matrimonii requiritur: *c. Cum locum. 14. h. t.* Sed per juramentum, quo v. g. contrahens eodem metu impulsus, jurat se satum habiturum matrimonium, quod ex metu contraxit, non supplet defectus liberi consensûs, ut per se patet, ergo matrimonium tale non sit validum, ratione juramenti adjuncti. Præterea juramentum sortitur naturam, & conditiones actûs, cui apponitur: sed matrimonium ad sui valorem requirit consensum spontaneum, & liberum à coactione, ergo etiam juramentum matrimonio adjectum habet hanc tacitam conditionem, si matrimonium libero consensu, seu ab quo metu sit contractum, ubi ergo consen-

consensus est coactus, nec iuramentum obligare, seu contractum matrimonium confirmare potest. Item, quia personæ sunt inhabiles ad contrahendum matrimonium, quamdiu metus durat, idque ex decreto Ecclesiæ, quæ irritat talia matrimonia: sed per iuramentum non sunt habiles; ergo illud non potest confirmare matrimonium. Denique si iuramentum redderet validum matrimonium metu contractum, nullum remedium fuisset allatum ab Ecclesiæ, ne matrimonia per metum contrahantur, quod tamen maxime intendeat, nam qui cogitaliquem ad contrahendum, facile posset etiam cogere ad jurandum.

Non obstat *c. Inter cetera. 22. caus. 12. q. 4.* Nam omittis alius responsonibus *Glosse ibid. V. Matrimonium.* verior expositio illius text. est, non tractari ibi, an gesta per metum sint valida, sed tantum quæ iuramenta sint licita, & servanda: ac proinde ibi solùm dicitur, quod ille, qui metu coactus, promissit se, concubinam suam ducturum in uxorem, possit eum illa postea liberè matrimonium contrahere: sed iuramentum negandi alimenta matri, & fratribus, esse illicitum, & iniustum, ut patet ex *Summa illius text. & ex Gratiano ibid. §. Sed cum his.* ubi ait, quod illicita iuramenta non sunt servanda, *Covarr. libr. 4. Decretal. p. 2. c. 3. §. 1. n. 5. Sanch. c. l. n. 13.*

CXXII. Porro iuramentum adiectum matrimonio gravi metu contracto, non tantum non confirmat illud, sed neque parit obligationem ex virtute Religionis, adeoque neque relaxatione indiget, *Sanch. cit. dis. 20. n. 15.* ubi id probat ex eo, quia Ecclesiæ, non tantum annullat matrimonium metu gravi contractum, sed etiam irritat in matrimonio adiectum iuramentum, ut colligitur ex *cit. c. 2. De eo, qui duxit &c.* ubi ob violatum iuramentum nulla in iungitur pœnitentia, prout fit in *c. Si quis. 22. h. s.* ubi decernitur, priora sponsalia iuramento firmata, per matrimonium subsequens dirimi, imposuisti ei pœnitentiam competenti, quia primam fidem irritam fecit, ergo signum est tale iuramentum non obligare, *Sanch. c. l. n. 15.* Neque verè semper iuramentum, quod sine peccato servari potest, obligat: quando enim actus, ob publicum bonum, seu utilitatem irritatur, iuramentum ei superveniens non tenet, nec servari debet, *Arg. c. Si diligenti. 12. de foro comper.* Ex quo colligitur, iuramentum contra publicam utilitatem præstitum, non posse licitè servari: & si servari non debet iuramentum, quando fit in præjudicium tertii, *c. Si quis. 27. & c. seq. de Iurejur.* multò minus obligat, quando lædit bonum publicum, *cit. c. Si quis. ita ut relaxatione non indigeat, Sanch. l. 1. de matr. dis. 32. n. 9.* Quinam autem contractus in specie iuramento confirmetur, vel non, dictum est *libr. 2. Decret. Tit. 24. sec. 4. §. 1. & 2.*

CXXIII. ASSERTIO 2. Quamvis matrimonium metu gravi contractum confirmetur per sequentem copulam, deposito metu, omnino liberè, & affectu maritali habitam, non tamen ratificatur per talem copulam, simili metu extortam, *Sanch. cit. l. 4. dis. 18. n. 15. Coning. cit. dis. 28. dub. 4. n. 41. Tanner. cit. dis. 8. q. 3. dub. 2. n. 33.* Prima pars patet, quia consensus spontaneus metu passi (qui solus desiderabatur ad valorem matrimonii, cum consensus illius, qui metu inulit, fuerit legitimus, quippe liber, & spontaneus) sufficienter ex-

primitur per spontaneam copulam animo conjugali habitam, *c. l. qui fidem. 30. h. r.* ergo eà securà, confirmatur matrimonium metu contractum, & fit validum. Idque etiam verum est post Concil. Trident. si prius matrimonium coram Parocho, & testibus ignorantibus occultum impedimentum incussit metus, legitime contractum fuit, & deposito metu per subsequentem spontaneam copulam ratificatum fuit, *Sanch. c. l. n. 12. & 16. Tanner. c. l. n. 34.*

Secunda pars, quod non sit matrimonium validum, si quis cogatur contrahere, & postea per copulam consummare, probatur, tum quia Ecclesiæ irritavit matrimonium metu gravi extortum, ob defectum pleni, ac perfectè liberi consensûs: atqui hic persequentem copulam carnalem metu gravi etiam extortam non suppletur; ergo tale matrimonium manet invalidum, sicut prius. Tum quia matrimonium nunquam potest validè contrahi ex metu cadente in virum constantem, cum iurâ absolute talem contractum matrimoniale irritent; ergo nec potest confirmari prius matrimonium invalidum, per actum, sive copulam postea consimili metu extortam. Confirmatur 1. quia revera talis metus, non obstante culpâ, civiliter loquendo, cadit in virum constantem: nam prior metus, ob quem matrimonium fuit initum, cadit in virum constantem: atqui hic metus, quo quis cogitur ad consummandum matrimonium, accedente copulâ coactâ, non tollitur, sed potius augetur, additurque metus novus ad consummandum matrimonium; ergo matrimonium erit adhuc nullum, sicut prius. Confirmatur 2. quia eadè incommoda, sequuntur ex matrimonio metu inito, & consummato: quæ ex eodem non consummato; ergo matrimonium utrumque fuit ab Ecclesiâ irritatum.

CXXIV. Ex dictis sequitur, quod quis potius debeat mortem obire, quam ut postquam per gravem metum extorto consensu, contraxit matrimonium, illud postea consimili metu compulsus consummet, quia talis consummatio revera non est aliud, quam mera fornicatio, *Coning. cit. dis. 18. dub. 4. n. 42. Tanner. c. l.* Veruntamen quia contracta sententia asserens per copulam, etsi ex gravi metu, animo tamen, seu affectu maritali habitam, ratificari prius matrimonium coactum, ob DD. auctoritatem est probabilis, posset quis in necessitate sequi illam, & sic exculari à peccato, consummando tali modo matrimonium: præsertim cum hæc sententia nitatur etiam ratione probabili, nempe quod Ecclesiâ irritet consensum metu extortum, in favorem contrahentis, qui hic omnino cessat, cum tali potius damnosum sit, & valde onerosum, quod ad mortem evitandam non possit licetè consummare matrimonium, quod aliàs per se, seclusâ irritatione Ecclesiæ, liceret, *Tanner. cit. dub. 2. n. 35.* ubi ex *Henriq.* addit, securius esse, ut talis petat dilationem, seu tempus opportunum, quo possit metum deponere, & sic liberè consentire, & matrimonium consummare, idque ne propter pœnam mortis intentatam DEVM offendat.

CXXV. Postremò illud præterea hoc loco queri potest: an in matrimonio gravi metu contracto, possit cogens resiliat à matrimonio, invito eo, qui metu passus est, & antequam hic pristinum

consensum ratificet? Negant *Navarr.* & alii apud *Sanch. l. 4. de matr. dif. 19. n. 4.* Ratio est, quia cogens, ratione injuriæ illatæ per coactionem, tenetur eam relascire, stante matrimonio, si coactus velit. Contrarium tamen valde probabiliter quoque docet *Sanch. ibid. n. 5.* nempe cogenrem in foro conscientiæ, ante Judicis sententiam, non teneri matrimonium perficere: sed liberè, altero invito, posse rescilire, modò pro damno illaro per coactionem, alio modo satisfieri possit. Ratio est, quia in contractibus onerosis, & reciprocis, non potest exurgere ex una parte tantùm obligatio: fecus est in contractibus, qui ipso jure invalidi non sunt, etsi rescindi possint per sententiam: hi enim claudicare possunt, seu ex una parte habere obligationem tantùm efficacem: ex altera inefficacem, quia per exceptionem elidi potest.

SECTIO V.

DE UNITATE, ET INDIS- solubilitate matrimonii.

§. I.

*An matrimonium sit necessariò u-
nius viri cum una femina, & an,
ac quo Jure polygamia sit
prohibita?*

CXXVI. Præmittendum est, semper licitum fuisse in Lege Veteri, & novâ Evangelicâ, secundum, tertium, quantum matrimonium, ac sic deinceps, contrahere, post mortem conjugis, ut constat ex *6. 7. ad Roman.* & *1. ad Corinth. 7.* ubi dicitur: *Mulier alligata est legi, quanto tempore vir ejus vivit, quòd si dormierit vir ejus, liberata est, & cui vult, nubat.* Idque probatur ex omnium gentium consuetudine.

CXXVII. **ASSERTIO 1.** Polygamia, seu matrimonium unius viri cum pluribus uxotibus simul initum, est contra primævam institutionem ejus, & jure naturæ nullum, nisi dispensatio Divina interveniat. Probatur, tum quia ex primæva institutione matrimonij ab Auctore naturæ facta in Paradiso, patet illud esse tantùm unius viri cum fœminâ una, nam *Gen. c. 2.* dicitur: *Quamobrem relinquet homo patrem, & matrem, & adhaerebit uxori suæ, & erunt duo in carne una: si autem unus vir habeat duas uxores simul, & eodem tempore, non erunt duo in una carne, sed potius dividetur in plures carnes, ut notat Innoc. III. in c. Gaudemus. 8. de divor.* Tum quia pluralitas uxorum saltem adversatur secundario fini, nimirum pacificæ cohabitationi conjugum, & gubernationi domesticæ, quia facillimè rixæ, & invidiæ inter plures uxores oriantur, præsertim si una, præ aliis, à viro diligatur, *Sanch. cit. dif. 80. n. 8.* Idem etiam probatur ex eo, quòd Christus ait, *Matt. 19. Quicumque dimiserit uxorem suam, nisi ob fornicationem, & aliam duxerit, mœchatur, & qui dimissam (nimirum etiam ob fornicationem) duxerit, mœchatur: si ergo uxores dimissâ, alia duci de jure non potest: multò minùs potest duci, illâ retentâ, ut dicitur in *cir. c. Gaudemus.* Unde Christus in eo loco dicit:*

Ab initio autem non fuit sic, quibus verbis significat, se non statuere novum Jus, sed antiquum renovare, ex quo sequitur pluralitatem uxorum semper fuisse Divinâ, & naturali lege prohibitam, & illicitam, exceptâ dispensatione Divinâ, ut infra dicitur, Tanner. cit. dif. 8. q. 4. dub. 6. n. 100. Laym. libr. 5. tract. 10. p. 3. c. 6. n. 8.

CXXVIII. **ASSERTIO 2.** Polygamia, five matrimonium unius fœminæ cum pluribus viris simul initum, est contra primævam institutionem matrimonij, & jure naturæ invalidum, quia tale matrimonium repugnat primario fini ipsius matrimonij, nempe generationi prolis, quæ incerta erit, & ex commixtione plurium virorum impeditur, ut vel nunquam, vel rariùs subsequatur, ut patet in meretricibus. Deinde etiam adversatur fini secundario matrimonij, nimirum tranquillæ cohabitationi, & paci conjugum, ubi enim multa capita sunt unius corporis, nempe multi viri in eadem familia, innumera rixæ excitabuntur, ideoque etiam nunquam legitur permixtum fuisse, ut una uxor pluribus viris simul nubat, *Sanch. l. 7. de matrim. dif. 80. n. 4.* & alii, de quo infra.

CXXIX. **ASSERTIO 3.** Polygamia, seu matrimonium unius viri cum pluribus uxotibus, non ita repugnat juri naturali, & Institutioni Divinæ, ut tanquam intrinsecè malum (sicut blasphemia, perjurium &c.) nullo casu cohonestari, & licitum fieri possit, *Covarr. in Epit. l. 4. p. 2. c. 7. §. 3. n. 1. Sanch. cit. dif. 80. n. 8. Tanner. c. l. n. 102. Laym. c. l. n. 7. & alii.* Nam DEVS olim in Veteri Testamento dispensavit cum veteribus Patriarchis, ut plures uxores simul, & eodem tempore, habere possent. Ratio est, quia talis polygamia non est ex proprio objecto suo intrinsecè mala, sed solum ex adjunctis incommodis, quæ tamen in certis casibus abesse, vel aliis modis compensari possunt: alioquin, si talis pluralitas uxorum esset intrinsecè, & necessariò mala, & propriâ, ac directè repugnaret juri naturali, nunquam potuisset DEVS illam concedere: quæ quidem consuetudo ducendi plures uxores postea ad Gentiles quoddam defluxit, *Sanch. cit. dif. 80. n. 13.*

Porro illæ mulieres, quæ in S. Scriptura, ut *Genes. c. 25.* concubinæ appellantur, etiam legitimæ uxores, prout etiam aliquando in Script. vocantur uxores, sic enim *Agar c. 16. v. 3.* uxor appellatur: non autem erant uxores primariæ, nec matresfam. quia familiam non gubernabant, eorumque filii parvulorum bonorum hæredes esse non poterant, sed ancillæ manebant, etiam post nuptias: admittæ tamen sunt in legitimi tori societatem, ut notat *Laym. c. l. & Menoch. in c. 25. Gen. v. 6.*

CXXX. Quod verò ad alteram polygamiâ attinet, quando una fœmina simul, & eodem tempore nubit pluribus viris, ea quidem majorem deformitatem præferret, & plura incommoda annexa haberet, quàm prior polygamia: unde plures censent, repugnare juri naturali, ut una fœmina simul plures viros habeat: probabilius tamen est, id non ita repugnare juri naturali, quin DEVS per absolutam suam potentiam id concedere possit, ut docet *Sanch. cit. dif. 80. n. 15. Coning tract. de matr. dif. 26. dub. 2. n. 19. Laym. cit. c. 6. n. 9.* Ubi notandum, quòd quoddam actiones hominum ex objecto suo sunt per se, ac intrin-

intussecè malæ, & prohibitz, ita ut malicia ab iis separari non possit, quales sunt Deum odisse, blasphemare &c. & in his Deus nunquam dispensare potest, nec ex licitè fieri possunt. Quædam verò sunt actiones hominum malæ, quia repugnant iuraturali, ita tamen ut cõonestari, & licitè fieri possint, si is, qui hæc potestatem habet, tribuat ius tales actiones exercendi. Sic occidere innocentem censetur per se malum, si tamen Deus, qui est Supremus Dominus vitæ hominum, consentiat, vel præcipiat, ut innocens occidatur, sicut præcepit Abrahamo, ut immolaret filium suum innocentem, id statim definit esse malum, & fit licitum. Item auferre rem alienam, invito domino, est furtum, & reputatur per se malum, & illicitum, si tamen proprius dominus consentiat, statim est licitum. Similiter in proposito, omnis polygamia, præsertim illa, per quam plures viri, eodem tempore, ducunt unam feminam in uxorem, unaque pluribus nubir, repugnat iuri, non solum Divino, sed etiam naturali, quia Deus, qui solus supremum dominium habet in corpora humana, non aliter concessit contrahentibus matrimonium, potestatem tradendi sua corpora sibi invicem, ad usum generationis, nisi ut unus vir cum una femina conjugatur: quare si aliter fiat, id repugnat iuri Divino, & naturali: si vero Deus licentiam det ad hoc faciendum conjugibus, tunc id neutri iuri adversatur, sed id est licitum, & honestum. Ex quo colligitur, quod Deus, quando permittit polygamiam, ut unus vir plures feminas simul ducat, vel etiam si una femina pluribus viris nubat, non proptèr in ea dispensat, sed conditionem apponit, quâ positâ, illa mala, seu illicita esse definit, sicut si præcipiat Deus, ut innocens occidatur, vel res aliena proprio Domino auferatur, *Lucy. c. l.*

Ex dictis inferunt, S. Pontificem in nullo casu dispensare posse, in pluralitate uxorum, ut unus plures uxores simul habeat, & multo minùs, ut una femina plures simul viros habeat, quia id prohibitum est, tum lege naturali, tum Divinâ Christi, *Matth. c. 19.* ob Mylicam significationem huius Sacramenti, nimirum conjunctionis Christi cum Ecclesia, quæ est unica, ob unam fidem, & unum Baptismum, *Sanch. cit. dist. 80. n. 9.* Dispensatio autem illa Divina, seu concessio, quæ erat in veteri Lege Moyse, jam est sublata per Christum, qui reduxit matrimonium ad primævum statum, ut esset conjunctionis viri cum una femina, *Sanch. c. l. n. 14. Taper, cit. dub. 6. n. 100. 2.* Nulla etiam consuetudine effici potest licita polygamia, quia consuetudo non potest derogare iuri Divino, & naturali, *Sanch. c. l. num. 10. 3.* Etiam infidelibus nunc post legem Evangelicam est prohibita prolygamia, ac proinde ij ad fidem conversi cogendi sunt, ut solam primam uxorem retineant, aliis dimittis, quia iure naturali, ac Divino connubium cum pluribus uxoris, vel viris est irritum, ad quod sublata dispensatione per Christum, reductum est matrimo-

nium, *Sanch. c. l. n. 14.*



§. II.

Qualis certitudo sit necessaria de morte prioris coniugis, ut possit superstes coniux licitè ad alias nuptias transire?

CXXXI. Quia nec vir potest habere simul duas uxores, nec femina duos viros, ut dictum in præcedentibus, sæpe autem non constat, an alter coniux adhuc in vivis sit, necnè, inde oritur hæc quæstio, qualiter constare debeat de morte alterius coniugis absentis? De hac re agitur in *c. In præsentia, 19. h. 1.* Ubi Episcopus Cæsar-Augustinus ex Clemente III. quæsit, quid agendum sit de mulieribus, quæ viros suos, ob captivitatem, vel peregrinationem absentes, expectarunt ultra septennium, nec certiores fieri poterant de vita, vel morte ipsorum, licet diligenter inquisiverint. Et quia juvenes erant, & ob fragilitatem carnis continere non poterant, petierunt aliis viris matrimonio copulari. Respondet Pontifex, quod quantocumque tempore ita remanserint, non possunt ad aliorum consortium (hoc est ad alias nuptias) canonicè transire, nec auctoritate Ecclesiæ permitti debent contrahere aliud matrimonium, donec certum nuntium accipiant de morte viro-
rum.

CXXXII. Pro declaratione huius c. notandum 1. non sufficere mortalem probabilitatem, sed requiri moralem certitudinem de morte viro-
rum absentium, ut constat ex hoc c. in fine, & c. 2. de secund. nupt. Covarr. in Epit. l. 4. Decret. p. 2. c. 7. §. 3. n. 3. Sanch. l. 2. de matrim. dist. 46. n. 6. & alij apud ipsum. Ratio est, tum quia in omni genere humanarum rerum, & actionum sufficit moralis certitudo, eam major vix haberi possit; & cum in secundo contrahendo matrimonio sit periculum nullitatis ejusdem, & adulterij: in abstinentia verò nullum, hoc præzeligendum est, quamdiu certitudo de morte coniugis non adest, ut peccati periculum vitetur. Tum quia mors coniugis absentis, cum sit quid facti, non præsumitur, sed probari debet ab allegante, *Sanch. cit. dist. 46. n. 1.* Tum quia matrimonium inter Christianos semel legitime contractum, non nisi per mortem alterius coniugum, viâ ordinariâ dissolvitur, c. pen. & ult. inf. de secund. nupt. juxta illud Christi c. 19. Quod Deus conjunxit, homo non separet, ergo propter absentiam alterius coniugis, non dissolvitur matrimonium, quamvis sit dicturna, quia mors illius non redditur certa, sed solum vita dubia: neque etiam in casu huius c. mulieres allegare poterant fragilitatem carnis, & petere facultatem transseendi ad alias nuptias propter periculum incontinentiæ: nam etiam alij plures sunt casus, in quibus conjuges se continere debent, & privantur usu conjugij, ut si alter coniux in furorem, vel aliâ gravem, & diuturnam infirmitatem incidat, vel aliâ impotens fiat, non enim ideo dissolvitur matrimonium, propter periculum incontinentiæ, ut constat ex c. Hi qui. 25. & c. seq. caus. 32. q. 7. Caus. nisi in cit. c. In præsentia. n. 1. h. 1.

CXXXIII. Notandum 2. Quamdiu solum dubitatur, aut leves tantum conjecturæ, vel indicia adsunt de morte prioris conjugis, nunquam est licitum cum alio matrimonio contrahere. Rario est, quia generatim loquendo, quando de certa obligatione ad aliquid faciendum constat, non autem constat de ejus solutione, seu liberatione, tunc non licet ab obligatione recedere, quia ea adhuc est in possessione, quippe quæ certa est, & solum dubitatur de illius cessatione: ut in proposito, constat de obligatione prioris matrimonii, non autem constat de illius de solutione, seu liberatione, quia non constat, an prior conjux adhuc vivat, vel non, idemque necessarium in hoc dubio tutior pars est eligenda, & judicandum, quod adhuc obliget prius matrimonium, de quo non constat, esse dissolutum, per mortem alterius conjugis, *Tanner. cit. diff. 8. q. 4. dub. 6. num. 105.*

Notandum 3. Ut conjux superstes possit aliud matrimonium inire, non sufficit sola moralis probabilitas, sed requiritur moraliter indubitata certitudo de morte prioris conjugis, ut colligitur ex *cit. c. In presentia in fine*. Quia cum hic agatur de gravi præjudicio conjugis absentis, & de periculo multiplicis peccati, merito major certitudo aliqua requiritur, quam verisimilis præsumptio, seu estimatio, *Tanner. c. l. n. 106*. Nec obstat *c. Quoniam. §. 5. ult. §. Porro. V. l. i. non contestari. &c.* Ubi dicitur, quod sufficit verisimilis præsumptio, ut permitti possit conjugii superstiti inire alterum matrimonium, nam ibi agitur de casu omnino diverso, de quo dictum supra *libr. 2. Tit. 6. n. 21*. & videri potest *Laym. l. 5. tr. 10. p. 3. c. 3. n. 2.*

CXXXIV. Notandum 4. Quia in specie determinari non potest, qualis esse debeat hæc certitudo de morte prioris conjugis, id esse prudentis iudicis arbitrio, attentis circumstantiis occurrentibus, relinquendum, tenent communiter DD. *Abb. in cit. c. In presentia. n. 6. Covarr. cit. §. 3. n. 4. Sanchi. cit. diff. 46. n. 7. & alii apud ipsum*. In primis quidem non sufficit unus testis asserens conjugem absentem esse mortuum, ut liceat alteri transire ad secundas nuptias, quia juxta jura vox unius est vox nullius, *l. Iurisjurandi. §. 5. Simili modo, C. de Testib. & ibi Bald. in Summa*, & unius testimonium non admittitur, *c. Veniens. 10. in fine, extra eod.* Nec obstat, quod in *cit. c. In presentia*, solum requiritur certum nuntium in singulari, ut patet ex illis verbis: *Non permittas eos contrahere, donec certum nuntium recipiant*: si ergo sufficit certus nuntius de morte conjugis, sufficit unus testis. Verum nuntium certum ibi accipitur in neutro genere, pro eo quod nuntiatur, & quidem à pluribus, at non potest dici nuntium certum, quod ab uno solo asseritur, seu asseritur. Sed neque in genere in masculino nuntius certus dici potest unus testis, quia non potest dici asserens nuntium certum, quod quis solas testatur, *Sanchi. cit. diff. 46. n. 11*. Quia in ore duorum aut trium testimonium (non unius tantum) stabit omne verbum, *Matth. c. 18*, quod tamen limitat *Sanchi. c. l. n. 12*. nisi conjux obierit in loco ita remoto, ut aliz probationes haberi facile nequeant. Verum per unum testem habetur solum semiplena probatio, quæ non sufficit

ad probandam mortem alterius conjugis, sed plena probatio requiritur.

Sed neque sola per se fama sufficit, nisi aliis adminiculis adjuvetur, cujusmodi sunt vehementes conjecturæ, seu præsumptiones de morte alterius conjugis, ut quia vir fuit valde senex, & in acie pugnavit, & diu expectatus non rediit, & insuper adest ocularis testis, vel publica fama de ejus morte testificans: hoc casu, si major certitudo, & plenior probatio haberi non possit, sufficit valde probabilis præsumptio, quia & hæc moralem dubitationem excludit, & moraliter certam probationem facit, *Sanchi. cit. diff. 46. n. 15. Laym. cit. c. 3. n. 1. §. Sed facili. Tanner. cit. dub. 6. num. 107*. Debet autem ipsa fama legitime esse probata per duos, vel tres testes idoneos, *Sanchi. c. l. n. 16.*

CXXXV. Notandum 5. Valde probabilis est sententia, quod conjux, si habeat verisimilem præsumptionem, & valde probabilem, etsi non omnino certam causam credendi, alterum conjugem esse mortuum, licet possit ad secundas nuptias transire, idque Confessarius in foro penitentiae permittere poterit, cum bonâ fide transeat, neque Index Ecclesiasticus in foro externo, si id post nuptias intelligat, debet tales conjuges separare, donec constiterit priorem conjugem adhuc vivere, prout aperte sumitur ex *c. 1. caus. 34. q. 1*. Ex quo colligitur, satis esse probabilitatem moralem de morte alterius conjugis, ut superstes possit, propriâ auctoritate, inire aliud matrimonium in foro conscientie, quia in moralibus, in quibus plerumque non potest haberi omnimoda certitudo, sufficit habere valde probabilem, etsi non omnino certam opinionem, seu præsumptionem, *Canis. cit. c. 3. n. 2.*

Notandum 6. Non ramen potest Index Ecclesiasticus, in foro externo, in tali casu, quando solum adest probabilis præsumptio ex indicis, & conjecturis, non autem indubitata certitudo de morte alterius Conjugis, concedere licentiam transeundi ad secundas nuptias. Idque confirmat consensu Confessoriorum Episcopaliū praxis, & communissima DD. sententia, à qua in causa tam ardua, qualis est matrimonialis, non licet recedere. Idque etiam expressum habetur in *cit. c. In presentia. h. t. c. c. 2. de secund. nupt.* in quibus præcipitur, ut Ordinarius non permittat mulieres transire ad secundas nuptias, nisi constet, seu certitudo habeatur de morte maritum; ubi verò nec per testes fide dignos, nec per indicia indubitata probari potest mors viro- rum, ibi non habetur de illa certitudo, *Laym. c. l.* Quæ autem de absente marito dicta sunt, locum etiam habent in absente uxore, quia maritus, & uxor pari passu ambulant, quoad ea, quæ pertinent ad fidem conjugalem, *Canis. in cit. c. In presentia. n. 2. §. Et hæc.*

CXXXVI. Notandum 7. Quamvis si prudenter existimetur adeste moralem certitudinem, seu valde probabilem præsumptionem de obitu alterius conjugis, qualis secundum Jura requiritur, non sit necessarium, ut ab Ordinario petatur licentia in eundem aliud matrimonium, ideoque Parochus, sine tali licentia assistere possit matrimonio, longè tamen tutius est, ut res ad Ordinarium deferatur, imò id absolute necessarium est, si rationabiliter dubi-
teretur,

teret, an adsit certitudo, vel præsumptio de morte alterius conjugis, necne, *Laym. cit. c. 3. num. 1. §. Sed facili.*

Notandum 8. Si post contractum secundum matrimonium, quamvis bonâ fide, sive uxor, sive maritus, cognoscat priorem conjugem vivere, debet matrimonium putaticum posterius initum statim dissolvere, & prius restaurari, & maritus, vel uxor redire ad priorem conjugem, cum quo prius contraxit, quia prius matrimonium non nisi morte alterius dissolvere potest, 1. ad Corinth. c. 7. *Laym. cit. c. 3. infine, Tanner. c. l. n. 108.*

Porro etsi olim Jure Civili statutum fuit, ut mulier virum absentem, de cuius vita dubitatur, quinquennio exspectet, ut possit alii nubere, l. *Vxor. §. ff. de divor.* quod tempus postea ad quadriennium est restrictum, l. *Vxor. 7. C. de repud.* vel saltem per annum, juxta *Auth. Hodie C. eod.* Idamen Jure Canonico est correctum, quia Jus Civile nihil citra matrimonium disponere potest, *Sanch. cit. dif. 16. n. 2. & 3.*

§. III.

An, & quo Jure matrimonium sit indissolubile?

Dupliciter dici potest matrimonium dissolvere. 1. Quoad solum totum, seu cohabitationem, & de hoc agitur in Tit. 19. hoc libr. 2. Quoad vinculum, & de hoc agimus in presenti.

CXXXVII. ASSERTIO I. Matrimonium, quatenus est præcisè contractus, non est ita indissolubile, ut ejus dissolutio repugnet propriè Juri naturali, *Sanch. l. 2. de matr. dif. 13. n. 8. Laym. l. 5. m. 10. p. 3. c. 6. n. 1.* Probat, quia obligationes, quæ mutuo consensu contrahuntur, contractâ voluntate dissolvuntur, §. *uls. Instit. quib. mod. toll. oblig.* Neque verd talis dissolutio repugnat primario fini matrimonii, quæ est prolis generatio, & educatio, ita ut sit per se, & intrinsecè malum, sed solum ratione adjuncti, quod lex ipsimè abest, ut si proles jam sit perfectè educata, vel uxor sit senex, aut sterilis.

CXXXVIII. ASSERTIO 2. Matrimonium, ex Jure naturali Divino est indissolubile, ut docet *Sanch. cit. dif. 13. n. 7.* Idque probatur 1. quia matrimonium ex primæ institutione Auctoris naturæ est indissolubile, ut constat ex *c. una de voto in 6.* Ubi dicitur, quod matrimonii vinculum ab ipso Ecclesie Capite, rerum omnium Conditor, illud in Paradiso, & in statu innocentie instituit (id est, ante peccatum, *Gl. ibid. v. eod.*) indissolubilitatem acceperit. Et Concil. Trid. Sess. 24. de Sacramento matrimonii, ait: matrimonii perpetuum indissolubileque nexum primæ humani generis parentis divini Spiritus instinctu pronuntiavit, cum dixit: Hoc nunc os ex ossibus meis, & caro de carne mea; quamobrem nuncius homo patrem suum, & matrem, & adheret uxori suæ, & erunt duo in carne una: quod ergo Deus conjunxit, homo non separet, *Math. c. 19.* Tunc autem non extabat aliquod præceptum positivum Divinum, præterquam de abstinencia ab arbore vetita; ergo erat præceptum divinum naturale de indissolubilitate matrimonii: nam Christus ipse

Math. c. 19. ait: ab initio autem (hoc est, in statu Legis naturæ) non fuit sic, (id est, non fuit permisum, seu licitum dare libellum repudiij, & dimittere uxorem, adeoque non erat tunc solubile matrimonium) & tamen tunc non erat Sacramentum: ergo insolubilitas matrimonii non oritur ex sola Sacramenti ratione, sed ex Jure Divino naturali. Confirmatur, quia matrimonium ordinatur, non tantum ad generandam, sed etiam ad educandam prolem, quod commodè fieri non posset, si matrimonium esset solubile, foret enim proles incerta, malèque educaretur: quamvis non sit ita insolubile, ut ejus dissolutio sit per se, & intrinsecè mala, sed solum ratione adjuncti, quod sæpe abest, ut si proles jam sit educata, vel nulla spes sit generandæ prolis, quia uxor senex est, vel sterilis: tunc enim, si dissolvatur matrimonium cum priore conjugè, & contrahatur aliud cum altero conjugè, id magis confert ad prolis generationem, quam ut ei adveniat, *Laym. c. l. n. 1.*

CXXXIX. ASSERTIO 3. Quod matrimonium consummatum inter fideles Christianos, seu baptizatos omnino, & indispensabiliter sit indissolubile, sive omnimoda illius indissolubilitas, non competit matrimonio ex Jure naturæ, sed ex Jure Divino addito juri naturali, nimirum ex præcepto Christi imposito in Lege Evangelica *Mat. 19. Quod Deus conjunxit, homo non separet, Sanch. l. 2. dif. 13. n. 8.* Prima pars, quod non competit ex Jure naturæ, probatur, quia Jus naturæ semper idem est, & immutatum manet: atqui ante legem Evangelicam apud Judæos poterat, ob rationabilem causam, dissolvere matrimonium consummatum etiam quoad vinculum per libellum repudiij, ut aperte colligitur ex *c. 14. Deuter. in princ.* & post legem Evangelicam potest etiam dissolvere, quando unus tantum conjugum infidelium ad fidem convertitur, ut infra dicitur; ergo Jure naturali non est omnino indissolubile, ita ut ejus dissolutio propriè repugnet Juri naturali, alioquin nec Deus in eo dispensare potuisset, quia neque per absolutam suam omnipotentiam dispensare potest Deus in lege propriè naturali, ex sententia S. Thomæ communiter recepta *1. 2. q. 94. art. 5. & q. 100. art. 8. Laym. c. l.* Confirmatur, quia spectato præcisè matrimonio, ut est in naturæ officium, vel in remedium concupiscentiæ institutum, non apparet, cur maritus non possit dimittere uxorem sterilem, & aliam ducere, quod nullum inde incommodum proli sequatur: nec cur non possit dimittere uxorem perpetuò ægrorantem, nec valentem debitum reddere marito.

CXL. Secunda pars, quod matrimonium consummatum sit omnino indissolubile ex Jure Divino positivo, probatur, nam *Marci 10. v. 11.* absolute dicitur: Quicumque dimiserit uxorem suam, & aliam dixerit, adulterium committit. Et *v. 12.* Si uxor dimiserit virum suum, & alii nupserit, mactatur. Similis locus est *Luc. 16. v. 18. Ad Rom. 7. v. 2. & 3. 1. Corinth. 7. v. 10.* denique *Math. c. 19.* Cum Christus dixisset: *v. 4.* Erunt duo in carne una: postea *v. 6.* subjungit, quod ergo Deus conjunxit, homo non separet, ubi specialiter de matrimonio consummato sermo est, per quod conjuges fiunt una caro. Idemque probatur ex Concilio Florentino *Seff. ult. in De-*

eterno unionis, & Trident. Sess. 24. can. 5. & 7. & ex perpetua traditione Ecclesie.

Porro hæc omnimoda indissolubilitas matrimonii, quæ ipsi competit ex Lege nova Evangelica, non provenit ex eo tantum, quod sit Sacramentum novæ Legis, sed ex eo, quod sit Sacramentum perfectè significans unionem Christi cum Ecclesia per incarnationem, idque probatur ex c. *Debitum*. 5. de *bigam. non ordin.* Ubi Innocentius III. definit, matrimonium ratum significare tantum conjunctionem Christi cum Ecclesia per charitatem, seu dilectionem, & juxta illud 1. ad *Corinth.* 6. *Qui adheret Deo, unus Spiritus est cum eo*, quæ unio saltem in particularibus membris Ecclesie subinde dissolvitur per peccatum mortale, idèque etiam matrimonium ratum quandoque dissolvi potest. Consummatum verò significare conjunctionem Christi cum Ecclesia per Mysterium Incarnationis, juxta illud *Joan.* 1. *Et verbum caro factum est*, & *Ephes.* 5. *Sacramentum hoc magnum est, Ego autem dico in Christo, & in Ecclesia*, quæ unio prorsus indissolubilis est, idèque etiam matrimonium illud perfectè significans est omnino indissolubile, *Laym. cit. c. 6. num. 2. §. Porro.*

XXLI. Sed prædictis obstat videtur, quod dicit Christus c. 19. *Matth.* *Quicumque dimiserit uxorem suam, nisi ob fornicationem, & aliam duxerit, mæchatur*; ergo propter fornicationem poterit quis dimittere uxorem suam, & aliam ducere, adeoque per illam dissolvitur matrimonium. Sed responderetur, Christum ibi solum loqui de dimissione uxoris, quoad torum, & cohabitationem, non autem de dimissione quoad vinculum, *Sanch. l. 10. de matr. disp. 2. n. 3.* ita ut sensus sit, fornicationem, sive adulterium esse justam causam dimittendi uxorem, quoad torum, & cohabitationem, ut talis non possit dici facere eam mæchari, quia qui ob fornicationem uxorem dimittit, non facit eam mæchari; ut dicitur c. 5. *Matth.* v. 32. utique enim jure suo: quare exceptio illa (nisi ob fornicationem) solum ad verba antecedentia, *qui dimiserit uxorem suam*: non autem ad sequentia, *& aliam duxerit, mæchatur*; referri debet, ita ut textus iste concordet cum illo *Matr. 10. & Luc. 16. v. 18.* Ubi absolute dicitur: *Omnis, qui dimittit uxorem suam, & alteram ducit, mæchatur, & qui dimissam à viro* (scilicet etiam ob fornicationem) *duxerit, mæchatur, Menoch. in cit. c. 5. Matth. v. 32.* Deinde etiam dici potest, in priorè parte, ad quam solam referenda est exceptio, supplendum esse, *peccat*: ut sensus sit, qui uxorem, nisi ob fornicationem dimiserit, peccat: & qui dimissam, ex quacunque causa, duxerit, mæchatur, *Sanch. c. l.*

§. IV.

An, & quibus modis dissolvatur matrimonium ratum, & non consummatum?

Duobus modis, per professionem Religionis, & per dispensationem S. Pontificis. De priorè egimus supra libr. 3. Tit. 32. de *convers. conjug.* §. 9. & 10. de posteriorè agemus hoc loco.

CXLI. Queritur 1. An matrimonium ratum possit dissolvi per dispensationem S. Pontificis, ita ut soluto ejus vinculo, conjuges liberè possint inire aliud matrimonium? Resp. Affirmative, quæ est communior, & verior sententia DD. apud *Sanch. l. 2. de matr. disp. 14. n. 2.* Probatur 1. ex facto plurimum SS. Pontificum, qui in matrimonio rato, & nondum consummato sæpius dispensarunt, ut testatur *Navarr.* & alii apud *Sanch. c. l.* quos in re tam gravi errasse, sine temeritate, dici non potest. 2. Probatur, quia matrimonium ratum non est omnino indissolubile, nec ex ratione contractus, ut patet ex matrimonii infidelium, quæ dissolvi possunt. Neque ex ratione Sacramenti, aut significationis illius, quia significat solum conjunctionem Christi per charitatem, quæ dissolvi potest, ut supra dictum: ergo non est ratio, cur Pontifex non possit in eo dispensare: præsertim cum potestas ligandi, & solvendi concessa Ecclesie à Christo, quippe utilis salutis animarum, extendenda sit, quantum licet, & quoad nullum contrarium divinum Jus obstat, vel id prohibet. Probatur 3. S. Pontifex potest dispensare in voto solemnii, sive professione Religionis, ut habet verior sententia, & dictum supra libr. 3. Tit. 31. sec. 3. §. 8. n. 144. ergo etiam in matrimonio rato, quod est illo infirmius, cum per professionem Religiosam dissolvatur.

CXLI. Objicitur contra 1. Pontifex non potest dispensare in Jure Divino, & naturali, ex communi, & recepta Theologorum sententia: atqui matrimonium etiam ratum Jure Divino, & naturali est insolubile, ut dictum supra. Resp. Matrimonium etiam ratum, ex primæva Dei institutione esse insolubile, ita ut ex mutuo ipsorum contrahentium consensu dissolvi nunquam possit, sicut alii contractus; quamvis possit dissolvi à Superiore potestate Ecclesie, seu S. Pontificis, ob bonum publicum Communis, *Sanch. l. 2. disp. 14. n. 5.* Neque tamen per hoc Pontifex propriè, & immediate, ac directe dispensat in ipso Jure Divino, sed in contractu humano, cujus vinculum tollendo, velut de structo fundamento obligationis Juris Divini, & naturalis, indirectè, & per accidens tantum tollitur etiam lex Divina, vel naturalis, quippe quæ tali casu per se jam obligare definit: quemadmodum etiam fit in dispensatione voti, & juramenti, in quo Prælati Ecclesie non dispensat propriè in Jure Divino, vel naturali; quò votum, vel juramentum obligat, sed tollit ipsam votum, seu juramentum, quod est fundamentum illius obligationis, quam homo sponte sibi imposuit, ut docet S. *Thom. 2. 2. q. 88. art. 10. ad 2. Sanch. cit. disp. 14. n. 5. Tanner. cit. disp. 8. dub. 4. num. 64.*

Objicitur 2. Pontifex non potest mutare essentiali Sacramenti, ergo nec tollere vinculum matrimonii rati, dispensando in illo, quia est verum Sacramentum. Resp. Licet matrimonium ratum sit Sacramentum, pendet tamen ex contractu humano, in quo fundatur ratio Sacramenti, hoc igitur dissoluto per auctoritatem S. Pontificis, indirectè etiam definit ratio Sacramenti, dum contractus irritatur: quamvis directe Papa nihil possit mutare circa essentiali Sacramentorum, præsertim quæ independentia à contractu humano sunt, *Sanch. c. l. n. 5.*

CXLIV. Obijecitur 3. De essentia matrimonii, etiam rati est, ut sit perpetuum, & indissolubile, ergo nec potest per dispensationē Papæ tolli. Resp. 1. de essentia est, ut non possit ab ipsis contrahentibus dissolvi, non autem ut non possit dissolvi per potestatem Papæ acceptam à Christo, ut sit etiam in voto. Deinde non potest dissolvi matrimonium per dispensationem, ita ut sit matrimonium, & ad tempus contractum: sed quando Papa dispensat in perpetuitate, non manet matrimonium, sed uterque conjux liberatur à vinculo matrimonii, sicut fit in voto, in quo per dispensationem destruitur, & dissolvitur in eo obligatio, *Sanch. c. l. n. 5.*

Obijecitur 4. Si Papa posset dispensare in matrimonio rato, posset etiam in consummato, quia ea essentialiter non differunt, sed solum accidentaliter, sicut res operans, & non operans, Resp. neg. seq. quia propriè non differunt essentialiter, neque solum accidentaliter, sed differunt, tanquam perfectum integraliter, & imperfectum, quia consummatio est quidam integralis perfectio matrimonii, quæ ex Christi Institutione tantum, sacri Mysterii causâ, ad significationem Unionis Christi cum Ecclesia per carnis assumptionem, tribuit illi majorem indissolubilitatem, idè quæ dedit Christus Ecclesiæ suæ potestatem quidem solvendi matrimonium ratum, non autem consummatum, *Sanch. c. l. n. 5.* apud quem plura de hac re videri possunt.

CXLV. Quæritur 2. An ut dispensatio in matrimonio rato sit licita, vel etiam valida, requiratur justa causa? Resp. veritas est requiri justam causam ad valorem dispensationis, *Sanch. cit. l. 1. disp. 1. §. n. 6.* & docent communiter Theologi, & Canonistæ apud *Tanner. cit. dub. 4. n. 68.* Ratio est, quia in Jure naturali, & Divino, ex quo oritur indissolubilitas matrimonii, etiam rati, nec licitè, nec validè potest dispensare Papa, sicut nec in voto simpliciter, nisi justa causa subsit, cum in his non sit Dominus, sed dispensator. Justæ autem causæ dispensandi in matrimonio rato sunt, notabilis disparitas in statu, & conditione inter contrahentes, quæ est mater discordiarum: gravis timor magni scandalii futuri, unde graves rixæ, & necesse oriri solent, item lepra alteri conjugi superveniens, & aliæ similes, de quibus *Sanch. cit. l. 2. disp. 16.*

Porro præter duos casus prædictos, matrimonium ratum nunquam dissolvitur, nec quidem per matrimonium subsequens consummatum cum altera, *c. Licet. 3. de sponsal. duorum.*

CXLVI. Quæritur 3. An matrimonium, sive ratum, sive consummatum infidelium non baptizatorum possit Pontifex dispensando dissolvere, & an etiam matrimonium infidelium consummatum, cum ambo baptizantur? Resp. 1. potabilius est matrimonium, sive ratum, sive consummatum infidelium non baptizatorum, non posse à Pontifice relaxari per dispensationem, quia cum hæc sit usus, seu actus quidam jurisdictionis, non potest exerceri à Superiore, nisi in subditis, infideles autem Ethnici non sunt subiecti Pontifici potestati, seu jurisdictioni, juxta illud 1. Cor. 5. *Quid mihi de illis, qui foris sunt, judicare?* Aliud est de matrimoniis hæreticorum, *Tanner. cit. dub. 4. n. 72.* Sed de hoc plura infra. Resp. 2. posse S. Pontificem in tali matrimo-

nio etiam consummato infidelium, dum ambo baptizantur, dispensare, ut docet *Sanch. l. 2. de matrim. disp. 17. n. 2.* Ratio est, quia matrimonium ratum Christianorum fidelium, est firmitus, quàm matrimonium consummatum infidelium, idè quæ ratione Sacramenti, ad quod prius est elevatum à Christo, cum matrimonium infidelium consummatum sit merus contractus civilis. Cum ergo Pontifex possit dispensare in matrimonio rato fidelium, quod est Sacramentum, multò magis poterit in consummato matrimonio infidelium. Nec obstat, quòd hoc per baptismum susceptum fiat Sacramentum, & quia jam est consummatum, representabit indissolubilem Unionem Christi cum Ecclesia per carnis assumptionem: nam etsi per Baptismi suspensionem fuerit factum Sacramentum, sed nondum sit consummatum, ut supponimus, reputabitur tanquam matrimonium ratum fidelium, in quo Pontifex dispensare potest, illudque dissolvere.

Porro an, & qua ratione matrimonium infidelium non baptizatorum consummatum dissolvatur per conversionem alterius conjugis ad fidem, commodius dicitur infra *Tit. 19. hoc libro*, ubi ex instituto de hac re agitur.

SECTIO VI DE IMPEDIMENTIS matrimonii.

§. I.

De impedimentis matrimonii in genere.

CXLVII. Quæritur 1. Quænam sint impedimenta matrimonii? Resp. esse duplicis generis, quædam enim sunt impedientia tantum, quæ efficiunt, ut matrimonium illicitè, non autem invalidè contrahatur, Alia sunt, & vocantur impedimenta dirimentia, non quòd matrimonium semel validè contractum dirimant: sed quia de facto (non jure) contractum impediunt, ne validum fiat, adeoque non tantum illicitum, sed etiam irritum reddunt matrimonium subsequens.

CXLVIII. Quæritur 2. Penes quos sit potestas statuendi impedimenta matrimonii, sive impedientia, sive dirimentia? Resp. 1. est in Ecclesia Catholica potestas introducendi, & constituendi impedimenta etiam dirimentia matrimonii, ita ut contra Ecclesiæ prohibitionem contractum sit irritum, prout est definitum in Concilio Trident. *Seff. 24. de Sacrament. matrimonii can. 3. & 4.* ubi dicitur: *Si quis dixerit, Ecclesiam non potuisse constituere impedimenta matrimonii dirimentia, vel in iis constituendis errasse, anathema sit.* Idè quæ constat ex usu, & praxi universæ Ecclesiæ. Neque verò ideo mutatur, aut variatur ipsa essentia, seu materia, & forma Sacramenti matrimonii, sed irritus redditur contractus humanus, qui ut materia prærequiritur, & supponitur in Sacramento, quo immutato per humanam potestatem, consequenter etiam desinit esse materia Sacramenti, *Sanch. l. 7. de matrim. disp. 1. n. 2. Laym. l. 5. tract. 10. p. 4. c. 1. n. 1.* Ad hanc autem potestatem statuendi

ruendi impedimentum dirimens, requiritur iusta causa, ita ut eâ non existente, matrimonium contrajusmodi prohibitionem initum, sit validum, & licitum, quia cum matrimonio Jure naturali, ac Divino sit omnibus concessum, non potest Pontifex pro libitu illud interdicere, nec adimere jus illud contrahendi, *Sanch. c. l. n. 6.*

Resp. 2. Ecclesia, aut S. Pontifex potest impedimenta dirimentia matrimonii constituit, non solum indirectè inhabitando personas ad contrahendum, sed etiam directè, & immediatè, annullando ipsum contractum, *Tanner. disp. 8. de matrim. q. 4. dub. 1. n. 9.* Probat, tum quia ipse etiam contractus matrimonii subijcitur potestati Ecclesiæ, sicut & ipsi contrahentes: tum quia Ecclesia de facto ita irritavit alios contractus, ut professionem Religionis factam, ante finitum annum probationis, vel XVI. annos expletos, ut patet ex Concilio Trident. *Seff. 25. de Regul. c. 16.* & matrimonia clandestina, *Seff. 24. de reform. matr. c. 1.*

CXLIX. Porro hæc potestas Ecclesiæ non extenditur ad infideles, quia infideles Ecclesiasticis Constitutionibus non ligantur, *c. Gaudemus. 8. de divorciis*, nisi tamen subiecti sint temporali jurisdictioni S. Pontificis, & in ejus ditionibus temporalibus habitent, tunc enim non minus poterit ejusmodi impedimenta matrimonij illis statuere, quam secularis Princeps infidelis suis subditis. Secus est de infidelibus subditis Christianorum Principum, cum in horum ditionibus temporalem jurisdictionem non habeat Pontifex, sed solum spirituale, *Sanch. cit. disp. 1. n. 3.*

Resp. 3. Potestas statuendi impedimenta dirimentia matrimonii inter fideles, non competit Episcopis: sed si non ex lege, saltem ex generali Ecclesiæ consuetudine ea potestas soli Papæ est reservata, ita ut non nisi universalibus Canonibus, vel in generali Concilio decerni possint, ut constat ex praxi Ecclesiæ, quia causæ, in quibus de valore matrimonii agitur, semper graves sunt judicatz, *Sanch. cit. disp. 1. n. 3. Laym. cit. c. 1. n. 4.*

CL. Porro spectat rei naturâ, & secularis Ecclesiæ Constitutionibus, quilibet Princeps, seu Magistratus secularis habens potestatem absolutam ferendi leges, potest suis subditis, etiam fidelibus, & Christianis, statuere impedimenta matrimonii ex iusta causa, quia matrimonium est contractus civilis, adeoque non minus, quam alij contractus potestati politicæ, & seculari est subiectus, quatenus necessarium judicatur, aut expediens ad bonum, & finem Reipubl. ut personæ aliquæ inter se contrahere prohibeantur. Et licet matrimonium inter fideles sit Sacramentum, est tamen simul contractus humanus, seu Civilis, quo per politicam, seu secularem potestatem immutato, desinit esse materia Sacramenti, ut suprâ dictum. Veruntamen Ecclesia hanc potestatem Principibus Christianis, respectu fidelium, ademit, sibi quæ reservavit, quia postquam contractus matrimonii ad Esse, seu rationem Sacramenti est elevatus, decuit, ut ad solum potestatem Ecclesiasticam, & quidem supremam, videlicet Pontificiam, pertineret impedimenta matrimonii statuere, ut colligitur ex *c. Tuam. 3. de Ordin. cognit. & ex Concilio Trident. de Sacram. matrim. can. ult.* Nam cum po-

testas temporalis subiecta sit spirituali, in ordine ad finem supernaturalem, potuit hæc, utpote altioris ordinis, illam restringere, eique limites præscribere, in illis, quæ rationem spiritualem annexam habent, quos nec validè excedere possit, quale est matrimonium, cui annexa est ratio Sacramenti, *Sanch. l. 7. de matr. disp. 3. n. 3. & 4. Laym. cit. c. 1. n. 2.*

CLI. Hinc inferitur 1. adhuc hodie, tam Principes Christianos, quam Ethnicos, posse statuere impedimenta circa matrimonia infidelium sibi subiectorum, quia matrimonium infidelium non est Sacramentum, & cum non sit subiecti Ecclesiæ, illius Constitutionibus non obligantur, *Sanch. c. l. n. 5. & 8.* Inferitur 2. quamvis *Sanch. c. l. n. 7.* putet, fideles subditos communiter in Terris Principum infidelium, astringi legibus eorum iustis irritantibus matrimonium: contrarium tamen est probabilius, quia non excedit indirectam potestatem Ecclesiæ, privare etiam infideles aliquo jure in subditos Christianos, ob eximium bonum spirituale, & consequenter eximere illos, ubique terrarum degentes, legibus Civilibus, quod æquatur ad matrimonii valorem, illisque Ecclesiasticis subijcere, cum hoc ad dignitatem Sacramenti pertineat, *Tanner. cit. dub. 1. n. 20. Laym. cit. c. 1. n. 3.* Inferitur 3. fideles habitantes in Terris infidelium ligari impedimentis matrimonij ab Ecclesia statuti, cui sunt subiecti, ubicunque locorum degunt, *Sanch. cit. disp. 3. n. 10.*

CLII. Postremo prædictis addendum 1. probabilius videtur, etiam per consuetudinem communem, tam Clericorum, quam laicorum legitime præscriptam, & rationabilem, posse antiqua impedimenta matrimonii solo Jure Ecclesiastico statuta abrogari, & nova constitui, ut docet *Sanch. cit. l. 7. disp. 1. n. 11. & 13. Tanner. cit. dub. 1. n. ult.* Ratio est, quia in *e. ult. de consuetud.* generaliter, & absolute dicitur: consuetudinem legitime præscriptam, & rationi consonam habere vim legis, & vires ad derogandum legi positivæ, & cum talis consuetudo nihil juri naturæ, aut rationi contrarium contineat, non potest dici irrationabilis.

Addendum 2. Potest Pontifex aliquibus per sententiam particularem interdicere, ne matrimonium contrahant cum decreto irritante, ut alioquin irritum sit, *Sanch. cit. l. 7. disp. 2.* ubi fusi de hac re agitur non tamen solet facile Papa tali potestate uti, ut notat *Laym. cit. c. 1. n. 4.*

§. II.

De quibusdam impedimentis matrimonii contrahendi in specie, de quibus agitur in hoc Titulo.

CLIII. Queritur 1. An, & qua ratione additum unius assertentis impedimentum inter aliquos intercedere, impediatur matrimonium contrahendum? De hoc agitur in *c. Præterea. 12. h. t.* Nam cum quidam vir matrimonium contrahere vellet cum quadam muliere: consanguineus illius viri dixit: se deliquisse, seu rem cum illa habuisse, quod tamen publicè confiteri refusebat, propter metum, & potentiam illius mulieris: ideo mandavit Papa, ut matrimonium iniiri inter eos prohibea-

„hibeatur, ne deterius inde contingat, nisi juramentum intervenisset.

CLIV. Notandum 1. Impedimentum, ne matrimonium contrahatur, propter affinitatem ortam ex concubitu consanguinei viri cum muliere, plene probatur per unicum testem, c. *Super eo*. l. 2. de testib. & patet etiam ex hoc c. licet alijs non credatur dicto unius in præjudicium alterius, c. *Licet*. 23. de testib. quia hic agitur de peccato vitando, ne impediti contrahendo matrimonium contra prohibitionem Ecclesie, peccent, *Sanch.* l. 1. de marr. dif. 71. n. 1. dummodo talis consanguineus conjunctus fuerit viro intra quartum gradum consanguinitatis, c. *Non debet*. 8. de consang. & affinit. Sed hodie affinitas orta ex fornicatione ad primum, & secundum gradum consanguinitatis est restricta à Concilio Tridenti. *Seff.* 24. c. 4. de reform. ut infra dicitur.

Notandum 2. Sunt & alia quædam specialia, quæ occurrunt in casu hujus c. ut notat *Abb. hic* n. 7. Veluti 1. quod testis iste non juravit in præsentia partis, contra c. 2. de testib. 2. quod dictum fuit, & nomen non publicavit, contra c. *Qualiter*. 24. h. *Debet de accusat.* 3. quia consanguineus viri allegans propriam turpitudinem, quod cum sponsa viri concubuerit, fuit auditus contra c. *Inter dilectos*. 8. & ibi *Gl. V. Turpitudinem de donation.* quæ omnia fuerunt permilla propter periculum peccati vitandum, quod forte suberat ob allegatum peccati vitandæ impedimentum, quia tutius est in re dubia certum accipere pro incerto, ita ut in hoc potius censetur concubitus intervenisse consanguinei cum sponsa viri, quàm non intervenisse, ne matrimonium contrahatur inter affines in gradu prohibito: tum etiam, quia hic non agitur de magno præjudicio, si sponsalia inter virum, & mulierem inita dirimantur, cum facile possint reperire alium, vel aliam, cum quo, vel cum qua contrahant, *Canis. in cir. c. Præterea*. n. 2.

Notandum 3. Requiritur aliz præterea quædam conditiones, ut testis unicus impedire possit matrimonium contrahendum. 1. Ut deponat tanquam testis, non ut solum denuntiet. 2. Ut juret, non enim creditur testi non juranti. 3. Ut juret, se certo scire impedimentum, non enim sufficit, si testificetur de solo auditu. 4. Ne sit vilis persona, *Sanch. c. l. n. 9. & 3. seqq.*

Notandum 4. Si sponsalia inter virum, & mulierem, v. g. Titium, & Cajam juramento sint confirmata, non debet ad dictum unius solius matrimonium impediri, idque ut vitetur periculum perjurii, ut patet ex fine hujus c. *Abb. ibid.* in fine.

CLV. Quæritur 2. An ad denunciationem tuius viri honesti, qui desert de fama consanguinitatis, impediatur matrimonium contrahendum? De hac re agitur in c. *Cum in tua*. 27. h. ubi dicitur: „quia interdum contingit, ut cum quidam volunt matrimonium contrahere, bannis (id est, denunciationibus, *Gl. hic V. eod.* (in Ecclesijs editis, ut si quod impedimentum sciret, illud proponeret: sed nullo contradicatore publicè comparente, fama deferat privatum impedimentum parentelæ: ex parte autem contrahentium juramenta majorum de sua propinquitate (ut suspicionis occasio tollatur) offerantur, Consultus Pontifex, quid sit in hujusmodi casibus sciendum, respondet: si per-

sona gravis, & fide digna denunciet, eos, qui matrimonio copulandi sunt, se propinquitatem contingere, & de fama, aut scandalo doceat, aut etiam ipse Episcopus possit certificari de plano (id est, summarie, & sine strepitu judiciorum) non solum juramenta parentum sponte oblata, non debent recipi: sed etiam qui sic contrahere volunt, si moniti non desistant, ad id compelli debent, vel ut contra famam juramenta propinquorum exhibeant. Si verò denuncians non sit talis, ut dictum: vel famam, aut scandalum probare non possit, tum contrahentes possunt moneri ad desistendum à contractu matrimonii, non autem compelli.

CLVI. Pro explicatione hujus c. notandum 1. si fama impedimenti plene probetur, adeoque de illa constet, ea sufficit ad impediendum matrimonium, ne contrahatur, *Sanch.* l. 1. de marr. dif. 71. n. 13. Secus est, si de fama non constet, nec probata fuerit, *Gl. hic V. Licet fama*. Non debet autem fama esse privata, ita ut constet solum Judici, ut privato, quia extra judicium intellexit de impedimento famam esse, tunc enim ea non sufficit ad impediendum matrimonium, sed solum ad inquirendum, & recipiendum probationem de fama. Si verò de fama constet Judici, tanquam Judici, quia ea probata est in judicio per testes, tunc talis fama impedit matrimonium contrahi, c. *Super eo*. 2. de consang. & affinit. Idemque est, si de fama constet Judici tanquam notorium, tunc enim is potest juxta illud judicare, etsi id non probetur, *Abb. hic* n. 6. & *Alex. de Nevo* n. 13. & 16. *Sanch. cit. dif. 71. n. 15.*

Notandum 2. Contra probationem famæ de impedimento matrimonii admitti potest alia contraria probatio, & si hæc secunda probatio sit clarior, eliditur effectus prioris probationis, *Gl. hic V. Famam. Abb. ibid.* n. 3. *Alex. de Nevo* n. ult. *Sanch. c. l. n. 16.* Ad deponendum verò contra hujusmodi famam, sive ad eam refellendam admittitur etiam consanguineorum juramentum, *cit. c. Cum in tua*. ibi: *vel contra famam hujusmodi juramenta exhibeant propinquorum*. Imò hæc fama, ejusque probatio eliditur, arbitrio Judicis, si contra illam consanguinei contrahere volentes jurent, se non esse consanguineos: tunc enim arbitrio Judicis relinquitur, juxta qualitatem personarum, admittere hoc juramentum contra famam, *Abb. hic* in fine. *Alex. de Nevo* ibid. n. 13. *Menoch. de arbit. Jud. casu* 243. n. 4. *Mascard. vol. 2. de probat. concl.* 1034. n. 16. *Sanch. c. l. n. 17.* Judex autem, si propinqui se sponte offerant ad juramenta præstanda, ea recipere non debet, sed repellere, quia sunt suspecti, quin etiam compelli debent, ut à contractu matrimonii desistant, ut habetur in textu.

CLVII. Notandum 3. Quando scandalum timetur ex contractu matrimonii inter consanguineos contrahentium, tum potest, & debet Judex interdicere matrimonium, prout sumitur ex *cir. c. Cum in tua*, & ibi *Gl. V. Scandalo*. ubi ait, quod scandalum redditaliquos inhabiles ad contrahendum matrimonium, *Abb. ibid.* n. 4. *Sanch. l. 1. de marr. dif. 14. n. 3.*

Notandum 4. Si denuncians impedimentum matrimonii, non sit persona gravis, & de fama, vel de scandalo doceat, sive illud sufficienter probare non possit: tunc Judex potest quidem tales monere,

ut desistant à contrahendo matrimonio, non tamen potest compellere contrahere volentes, ut habetur in fine *cit. c. Cum in sua*. Idque propter defectum probationis. Quomodo autem probati debeat consanguinitas, vel affinitas, dictum est *libr. 2. Decretal. Tit. 20. sec. 3. §. 1. n. 136. & seqq.*

CLVIII. Quæritur 3. An si lis pendeat super priore matrimonio, impediat contrahi secundum? De hoc agitur in *c. Cum in Apostolica* 18. h. t. Nam cum inter Villicum quendam, & uxorem ejus super matrimonio quæstio verteretur, Villicus ille publice asseruit, sed falsò, inter se, & uxorem suam sententiam divortii, iudicio Ecclesiæ, promulgaram esse, qui lite pendente, aliam mulierem hujus facti signaram sibi copulavit: postea vero super priore matrimonio Judices delegati sententiam divortii protulerunt. Re delatâ ad Papam Urbanum III. is respondit, quòd cum villicus, & mulier superinducta, pendente lite prioris matrimonii, invicem consenserint: impositâ viro pernitentiâ competente (quia lite pendente contraxit cum secunda matrimonio in contemptum Ecclesiæ, *Gl. hic v. Impositâ*) & interim interdicto carnali commercio, postmodum in maritali conjugio poterit permanere. Nam quia ex sententia divortii postea lata contemptum fuit, prius matrimonium reipsâ invalidum fuisse, ideo decidit hic Pontifex, posterius matrimonium jure validum esse, *Canis. hic n. 1.*

CLIX. Ubi præterea notandum 1. etsi regula generalis sit, ut lite pendente nihil innovetur, *tot. Tit. XVI. Libr. 2. Decret.* est tamen hic casus specialis in quo permittitur, lite pendente, innovatio. Cujus rationem aliqui DD. assignant, quia matrimonium est Divini Juris, litis pendentiâ verò est juris humani, quod non poterit tollere ea, quæ sunt Juris Divini: quod etsi in se verum sit, non tamen satisfaci, seu tollit difficultatem, quia pleræque impedimenta matrimonii sunt Juris humani, sive Jure humano, seu Ecclesiastico introducta, & tamen impediunt, vel dirimunt matrimonium; quod secundum se Juris Divini est, ut rectè notat *Canis. hic n. 2.* qui ait, hanc esse veram rationem, quòd litis pendentiâ non sit à Jure Canonico, tanquam impedimentum dirimens matrimonii introductum, seu statutum, quia nulum numeratur inter impedimenta matrimonii, idèòque hujusmodi matrimonium, pendente lite prioris matrimonii, contractum est validum. Quare standum est generali regulæ traditæ in *c. Cum apud Sedem. 23. h. t.* Quicquid non prohibetur matrimonium contrahere, admitti debet: sive quod in idem recidit, omnibus permissum est matrimonium, quibus non est à Jure prohibitum: idèòque etiam non dirimitur matrimonium ex eo, quòd contra præceptum Judicis Ecclesiastici sit contractum, dummodo aliud Canonico impedimentum non subsit, ut patet ex *1010 Tit. De matrimonio contracto contra Interdictum Ecclesiæ*, de quo infra.

Notandum 2. Si in casu hujus c. Villicus ille credidisset, prius matrimonium fuisse validum, tum posterius matrimonium invalidum fuisset quoad DEVM, ob defectum necessarij, & legitimi consensûs, non enim posset quæ habere seriam voluntatem valide contrahendi matrimonium cum secunda mu-

liere, si judicer, etsi per errorem, prius matrimonium esse validum, adeoque illo adhuc se obligatum. Ut si quis credens suam uxorem adhuc vivere, etsi revera esset mortua, matrimonium cum alia contrahat, non valet secundum matrimonium, *Abb. hic in fine*. Ex quo inferi hanc regulam, quòd contrahens matrimonium, si credat, impedimentum dirimens subselle, quòd tamen revera non subsit, matrimonium coram DEO non contrahat, adeoque illud non teneat, licet verba protulerit apta ad contrahendum matrimonium. Aliud est quoad Ecclesiâ, seu forum externum, in quo de occultis non judicatur, *c. un. Vt Ecclesiæ benef. sine diminut. &c.* Judex enim eum sensum sequi debet, quem verba præferunt, sive communiter rectè intelligentibus ingerere solent, *c. Ex literis. 7. h. t. Canis. hic num. 3.*

§. III.

De impedimento Erroris personæ.

CLX. ASSERTIO. Error circa substantiam personæ jure naturæ, reddit irritum matrimonium; ut si quis putans se contrahere cum Anna contrahat cum Barbara, *Sanch. l. 7. de matrim. disp. 18. num. 12.* & alii communiter. Ratio est, quia error circa substantiam, seu substantiale objectum vitiat contractum: sed persona determinatè cognita contrahenti, est substantiale objectum contractus matrimonii; ergo error circa illam vitiat contractum: Er quidem jure naturæ, quia talis error aufert consensum in hanc personam, *l. Si per errorem. 15. ff. de jurisdict.* cum velit contrahere non cum qualibet muliere, sed cum hac determinatâ: atqui actus agentium non operantur ultra intentionem eorum, *Laym. l. 1. tract. 10. p. 4. c. 2. n. 1.*

Extenditur autem, quòd error circa substantiam personæ irritum reddat matrimonium, sive sit antecedens, sive concomitans. De errore antecedente probatur, quia talis error dat causam, contrahendi, ita ut si quis non errâset in persona, non fuisset contrahere cum tali, adeoque facit contractum matrimonii involuntarium circa primum, & substantiale ipsius objectum, quod est persona determinatè cognita contrahenti, & per consequens talis error facit irritum etiam ipsum contractum. De errore verò concomitante probatur, eò quòd sic errans ita habitualiter animo est affectus, ut licet non erraret, sed sciret esse aliam, quàm putârat, adhuc cum ea contrahere veller, adeoque licet talis error non efficiat contractum involuntarium, facit tamen non voluntarium, & aufert aduale, & positivum consensum in personam, quæ offertur, qui ad matrimonii valorem requiritur: voluntas enim, cum tali errore contrahentis, actus, & de præsentî fertur solum in Annam v. g. quam animo concepit, non in Barbaram, quam putat esse Annam: ignorantis autem, & non cognoscentis nullus est consensus. Quòd si tamen errans actu intenderet cum persona præsentî contrahere, quæcumque illa sit, validum utique esset matrimonium, quia verò in illam consentiret, *Conning disp. 31. de Sacram. n. 9.* non autem esset error personæ, si quis solum erraret in nomine, putans eam, cum qua contrahit, vocari Annam, cum vocetur Barbara, modò aliâ ipsa persona ei sit cognita.

CLXI. Est autem hic notanda differentia inter matrimonium, & alia Sacramenta Baptismi, Confirmationis &c. Nam in his error circa personam non irritat Sacramentum, ut si quis putet suscipientem esse Petrum, cum sit Paulus, quia in ijs non initur contractus cum persona suscipientis, nec interest Ministri, quis Sacramenta suscipiat, aut cui illa applicet, seu ministret. In matrimonio vero initur contractus, & interest contrahentis, cum quo, vel cum qua contrahat: unde suam intentionem potest contrahens restringere ad certam personam, cum in alijs Sacramentis id non possit Minister, sed debeat habere intentionem baptizandi, confirmandi, absolvendi &c. personam presentem & capacem, quæcunque illa sit, *Sanch. cit. dis. 18. n. 13. ubi nam. 13.* dar rationem discriminis, quia matrimonium respicit individuum conditiones contrahentium, quæ conferunt ad individuum vitæ consuetudinem inter conjuges retinendam, in quo consistit essentia matrimonij. In alijs vero Sacramentis hujusmodi conditiones recipientium nihil conferunt ad finem Sacramenti.

CLXII. **ASSERTIO 2.** Error circa qualitatem personæ, etsi de causa contractui, & proveniat ex dolo alterius contrahentis, non irritat per se matrimonium, ut docet *Sanch. l. 7. de matr. dis. 18. n. 18. Laym. cit. c. 2. n. 2.* & colligitur ex c. cum in Apostolica 18. h. 1. ubi deciditur, matrimonium non irritari ob mendacium, vel dolum ad illud inducentem, *Abb. ibid. n. 2.* Ut si quis putans se contrahere cum nobili, virgine, pulchra vel divite matrimonio, contrahat cum ignobili, corrupta, deformi vel paupere. Ratio est, quia talis error consensum matrimoniale efficit tantum involuntarium secundum quid, nempe circa qualitates, & accidentia personæ, cum qua contrahitur, quæ se habent solum per modum rationis motive, seu impulsivæ, & causæ finalis extrinsecæ, ac proinde cum non impediat consensum substantialem circa personam, & materiam, ac substantiam contractûs, non viciat matrimonium. Licet verò contractus v. g. venditio, & emptio, cum errore circa qualitatem, vel modum extrinsecum facta subsistat, ita tamen ut ob dolum rescindi possit: matrimonium tamen semel validum non potest ita rescindi, *Laym. c. l.*

CLXIII. Cæterum peraccedens in duobus casibus error qualitatis irritum reddit matrimonium: primum si qualitas, in qua erratur, per modum conditionis apponatur in contractû matrimonij, ita ut actu intendat quis non contrahere cum tali persona, nisi talis qualitas ipsi insit, tunc enim eâ velut conditione deficiente, etiam consensum omnino deficit, *Sanch. cit. dis. 18. n. 2. 1.* Secundò, si error qualitatis inducat, vel involvat simul errorem personæ, ut si quis velit ducere primogenitam Regis, & illi alia offeratur ignota, tanquam primogenita, in validum est matrimonium propter errorem circa personam, non enim vult ducere oblatam, nisi sit primogenita, in quam solum consentit, non in aliam. Sed difficultas est, quando error qualitatis involvat errorem personæ? *Sanch. c. l. n. 16. & 27.* tradit hanc regulam: Si per qualitatem, in qua erratur, certas, & in dividua persona designetur, animoque concipiatur, quæ visu prius ignota est, tunc

errorem redundare in errorem personæ. Ut si quis animo consentiat contrahere cum filia primogenita Titij: offeratur autem postea secundò genita, aut alia, quæ primogenitam se esse simulat, nullum erit matrimonium, quia is apprehendit certam, & individuum personam, cum qua hic, & nunc vult contrahere, non cum alia. Secus est, si illa, quæ oblata est, tanquam primogenita, visu prius nota erat contrahenti, & ad matrimonium determinata fuisset, tunc enim valebit matrimonium: etsi per errorem putet, illam esse primogenitam Titij: modò non habeat actualem intentionem non accipiendi illam, nisi sit primogenita. Quòd si qualitas non determinet individuum personam, non est error personæ, sed solius qualitatis, ut si quis fingat se esse primogenitum Regis, non determinando, cuius Regis sit primogenitus, scemina ex tali errore illi nubens, dicetur solum errare circa qualitatem, ac proinde matrimonium subsistat, *Sanch. c. l. n. 33. & 34. Tanner. dis. 8. q. 3. dub. 3. n. 46. & 47.*

§. IV.

De impedimento matrimonii orto ex cultûs, si ve Religionis disparitate.

CLXIV. **QURITUR 1.** An, & quomodo disparitas cultûs, si ve Religionis dirimat matrimonium? Resp. matrimonium hominis fidelis, seu baptizati cum infideli seu non baptizato etiam catechumeno, non est irritum Jure naturæ, sed solo Jure Ecclesiastico. Est communis sententia. Et quamvis non reperiat hac de re extare Jus, si ve Lex scripta Pontificia, vel Concilij Generalis: est tamen consuetudine, & communi praxi Ecclesiæ, ex traditione Apostolorum, id introductum, quæ vim legis obtinet, *Sanch. l. 7. de matr. dis. 71. n. 7. & 8.* Ratio autem, cur Ecclesiæ irritati hæc matrimonia, fuit, quia omnino inconveniens est fidelem, & Christianum inire matrimonium, quod non sit Sacramentum. Quòd verò hoc impedimentum dicimus solo Jure Ecclesiastico introductum sit, patet: non enim est irritum Jure naturali, quamvis sit illicitum, nisi gravis necessitas, & causa excuset, quia aliqui fideles cum infidelibus matrimonium celebrant, propter quod non reprehenduntur in S. Scriptura, ut Iacob cum filiabus Laban, quæ videntur fuisse idololatæ: Ioseph cum filia Putipharis, Moyses cum filia Ietro Æthiopissæ, Elstbet cum Assuero Gentili &c. Neque etiam est illicitum Jure Divino positivo novæ legis Evangelicæ, quia etsi hoc Jure prohibitum sit matrimonium Christianorum cum gentilibus, ut 2. Corinth. 6. nolite jugum ducere cum infidelibus, item quæ pars fidelis cum infideli? non tamen extat ullum Jus Divinum, quo irritatur tale matrimonium, præsertim in nova lege, in qua Christus non dedit ulla præcepta morum, sed solum fidei, & Sacramentorum, *Sanch. c. l. n. 7.* Ex quo sequitur, quòd Pontifex possit dispensare in hoc impedimento matrimonij initi inter fidelem, & infidelem, cum possit dispensare in omni Jure Ecclesiastico, *Sanch. c. l. n. 10.* Neque enim Jutis Divini est, ut omne ma-

trimonium Christiani, etiam cum infideli initum, sit Sacramentum, sed solum ut initum inter duas personas Christianas sit Sacramentum, *Tanner. diff. 8. de matr. q. 4. dub. 5. n. 85.*

CLXV. Quæritur 2. an matrimonium personæ Catholicæ cum persona hæretica sit validum, vel etiam licitum? Resp. tale matrimonium esse quidem validum, sed mortaliter illicitum, nisi gravis causa excuset, ut moraliter certum sit, nullum fore periculum scandalizandi, vel perversionis, aliorumque incommodorum, quæ ex talibus matrimoniis plerumque oriri solent, *Sanch. l. 7. de matr. diff. 72. n. 21. Laym. l. 5. tr. 10. p. 4. c. 14. n. 2. Tanner. cit. dub. 5. n. 86.* & alii communiter. Prima pars, quod tale matrimonium non sit irritum, sed validum, colligitur ex c. *Decretis 14. De hæreticis in 6. dum ibi decernitur uxores, quæ scienter hæreticis viris nupservunt, prævandas esse doto in penam delicti: & tamen non præcipitur illas separari à viris, adeoque supponitur, matrimonium fuisse validum. Ratio est, quia cum uterque contrahentium sit baptizatus, adeoque capax Sacramenti matrimonij, non deicit ita irritum reddi, sicut matrimonium cum infideli, seu non baptizato. Secunda pars, quod hujusmodi matrimonium sit illicitum, probatur ex c. *Caus. 25. caus. 28. q. 1. ubi dicitur: Cave, ne alienigenam, hoc est, hæreticam uxorem accersas tibi: idemque videtur prohibere Apostolus 1. Corinth. 7. Cui vult, nubat, tantum in Domino, prout plures exponunt hunc locum. Ratio est, quia matrimonium cum hæretico, vel hæretica initum est illicitum Jure naturæ, tum ob periculum perversionis conjugis Catholicæ, & ne proles nati educetur in fide, tum ob periculum dissensionum animorum inter conjuges tales, inter quos vix pax esse potest. Tertia pars, quod secluso scandalo, & periculo perversionis, aliiq. incommodis, id aliquando sit licitum, colligitur ex c. *Nov. oportet. 16. cit. caus. 28. q. 1. quod est desumptum ex Concilio Agathensi, c. 25. ubi dicitur, non oportet cum hæreticis commiscere connubia, vel filios, vel filias dare, sed potius accipere, si tamen profiteantur, se Christianos futuros, & Catholicos. Idque etiam probatur ratione, quia tale matrimonium non est ita intrinsecè malum, quia possit cohonestari, & licitum fieri, quia possunt in pluribus casibus particulatibus, prædicta pericula, & incommoda omnino, vel majori ex parte cessare. Deinde non obstat etiam præceptum Divinum, & naturale de non ministrando Sacramento indignis, ut in proposito Catholica persona contrahendo matrimonium cum hæretica, ministraret illud indigno, qui in peccato mortali illud susceperet, ac proinde peccat Catholicus, cooperando peccato illius, imò & injuriam irrogaret Sacramento. Verum hoc non obstat, quia qui habet gravem causam faciendi aliquid ex se honestum, & licitum, non censetur per se cooperari peccato, quod alius forte in eo committit, sed tandem per accidens, & extrinsecè, exhibendo quasi materiam, & obiectum peccati, quod interdum ex causa licet, ut patet in solvente ularas. Ergo cum in prædicto casu, adsit gravis causa contrahendi matrimonium cum persona hæretica, adeoque ministrandi Sacramentum alteri conjugi, non peccat, qui eo casu ministrat Sacramentum indigno, neque censetur in-***

jurius in Sacramentum, ministrando illud ei, quem scit indignè susceperit, quia ob gravem causam id est licitum: sic enim potest quis etiam ministrare Eucharistiam peccatori occulto publicè potenti, *Tanner. cit. dub. 5. n. 87.* Denique non obstat etiam præceptum Ecclesiasticum de non communicando cum hæreticis, quia post Concilii Constantiensis decretum, non est prohibita communicatio cum hæreticis, nisi cum nominatim excommunicatis, & denuntiatis, & notoriis Clericorum percussoribus, in qua re etiam dispensari potest, *Tanner. c. l.*

CLXVI. Atque hinc inferit *Sanch. cit. diff. 72. n. 5. in Gekmania*, aliisque Regionibus Septentrionalibus, in quibus hæretici cum Catholicis permixti vivunt, ex consuetudine recepta, & tolerata, licita esse conjugia inter personas Catholicas, & hæreticas, modò conjugi, qui Catholicus est, permittatur liberè, & sine perversionis periculo, in si do permittantur. Quod tamen non est ita universaliter admittendum, sed solum tunc, si prædicta pericula, & incommoda absint: & adsit sufficiens, & gravis causa ineundi matrimonium cum hæretico, vel hæretica, qualis est spes moraliter certa securæ conjugis hæretici conversionis ad fidem Catholicam, vel alia gravis causa, ut si in aliquo raro casu probabilis spes esset, ex tali matrimonio multò majorem fructum spiritualem securum, ob quem incommoda illa, tanquam minora, permitti possint, *Laym. cit. c. ult. n. 2. Tanner. n. 88.* In dubio verò, utrum ejusmodi mala sequi possint, ex matrimonio cum hæreticis initis, ad S. Pontificem pertinet, vel etiam ad Episcopum loci, ut rem examinet, & licentiam det contrahendi matrimonii. Imò cum teste experientia, ex talibus matrimoniis graviora mala spiritualia sequi soleant, tum conjugi Catholico, tum liberis, nec Papa potest quoad hoc derogare Juri Divino, & naturali, nisi hæc incommoda cessent, *Laym. c. l. alioquin verò non requiritur dispensatio S. Pontificis ad ineundum matrimonium cum persona hæretica in iis locis, in quibus consuetudine legitima derogatum est, quoad hoc, Legi Ecclesiasticæ, Tanner. cit. dub. 5. n. 89. & 90.*

CLXVII. Prædictis addendum, certum est, pacta in conjugis cum hæreticis personis initis, ut aliqui ex liberis nascituris, v. g. masculi, ex patre hæretico fidem hæreticam sequantur, feminæ verò ex matre Catholica genitæ fidem Catholicam amplectantur, esse prolixè implia, & irrita, quia parentes tenentur omnes liberos suos in vera fide educare, cui obligationi renuntiare nullo modo possunt, *Laym. c. l. n. 3. Tanner. c. l. n. 91.* Ubi addit, si matrimonium cum persona hæretica licitum sit, & existimetur per illud multum promovendum bonum publicum: nec tamen spes sit, ut matris hæreticus permittat omnes liberos in Catholica Religione educari, hoc casu non videtur illicitum, in pactis conjugalibus talem exceptionem apponere, ut saltem aliqua pars liberorum in fide Catholica educetur, & instruarur: salvo tamen jure matris Catholicæ, ut etiam ceteros liberos, quantum fieri poterit, in eadem vera Religione instruat, ut teneatur, non prætermittat.

Porro de aliis impedimentis dirimentibus matrimonio agitur in propriis Titulis sequenti-

bus hujus Libri, in quibus de iisdem ex instituto agitur.

§. V.

De dispensatione impedimentorum matrimonii.

CLXVIII. Quæritur 1. An, & qua ratione dispensari possit in impedimentis matrimonii? Resp. 1. Pontifex in nullo impedimento jure divino naturali matrimonium dirimente, propriè dispensare potest, *Sanch. l. 8. de matr. diff. 6. n. 10.* & est communis sententia. Ratio est, quia inferior non potest legem Superioris tollere, c. *Inferiori* 4. *dis. 2. 1.* nec absolute, nec etiam in casu speciali, in quo abrogaretur obligatio legis naturalis per dispensationem, quia hoc est solius Conditoris legis, aut eo Superiorioris. Dixi propriè, quia Pontifex potest, saltem in casu maximæ necessitatis, conservandi generis humani, per Episcopiam interpretari, & declarare, legem naturæ hic, & nunc non obligare, quod est impropriè dispensare; ob quam olim etiam fratres, & sorores inter se in matrimonium contraxerunt, *Tanner. tom. 4. dis. 8. q. 4. dub. 9. n. 155. & seq.*

CLXIX. Resp. 2. Potest Pontifex dispensare in omnibus impedimentis Jure solum Ecclesiastico matrimonium dirimentibus, *Sanch. l. 8. dis. 6. n. 14.* Et quidem validè etiam sine causa, licet verò non nisi ex causa rationabili, *Tanner. cit. dub. 9. num. 156.* & alii communiter. Prima pars est communis, & certà. Ratio est, quia is potest dispensare in lege, qui eam tulit, quique tollere, & mutare potest: sed impedimenta matrimonii Jure Pontificio, seu Canonico sunt statuta, ergo Papa etiam illa tollere potest, & relaxare. Secunda pars, quòd validè dispenset Pontifex etiam sine causa, traditur à *Sanch. l. 8. dis. 17. n. 24.* & est communis DD. sententia. Ratio est, quia potest legislator legem, etiam sine causa validè tollere, & abrogare, quoad totam communicatam: ergo poterit etiam illam tollere, respectu unius, vel aliquorum, adeoque sine causa validè cum aliquo in ea dispensare, cum lex tota dependeat à voluntate legislatoris, à qua vim obligandi accipit, & retinet. Tertia pars, quòd licet non possit Papa dispensare etiam in propriis legibus, sine legitima causa, est communior, ac verior apud *Sanch. cit. l. 8. dis. 18. n. 3.* Ratio est, quia sine causa inducit inæqualitatem inter partes Communicatis, adeoque talis dispensatio cedit in aliorum injuriam; ergo peccat sine causa dispensans, quamvis non graviter, si absit scandalum, & notabile aliorum damnum, *Sanch. c. l. n. 6.*

CLXX. Resp. 3. Episcopus non potest regulariter, & ordinariè, ac per se loquendo, dispensare in impedimentis dirimentibus matrimonii etiam Ecclesiasticis, *Sanch. cit. dis. 6. n. 14.* Ratio est, quia illa impedimenta Jure communi Ecclesiastico sunt inducta, in quo tanquam in lege Superioris, inferiores Prælati ordinariè dispensare non possunt. Unde sequitur, neque Legatum Pontificis, etiam de latere, in his impedimentis dispensare posse, quia hic circa dispensationes ea solum potest in Provincia sibi commissa, quæ potest Episcopus in sua Diocesi,

Sanch. c. l. n. 15. nisi specialiter plus illi concessum sit. Veruntamen potest Episcopus, in extraordinario casu magnæ necessitatis, dispensare in impedimentis dirimentibus, *Sanch. c. l. n. 20.* Quod verum est concurrentibus his conditionibus: Si nimirum impedimentum sit dispensabile, & matrimonium sit publicè, bonâ fide, saltem alterius conjugis, contractum; impedimentum verò occultum, & separatio sine magno scandalo, aut incommodo fieri non possit, nec ad Pontificem, vel alium ab eo potestatem habentem facilis accessus sit ob inopiam, vel aliam justam causam, *Sanch. l. 2. de matr. diff. 40. n. 3.* Neque enim verisimile est in casu tantæ necessitatis, Pontificem sibi rescivere voluisse jus dispensandi. At verò ut contrahatur matrimonium cum impedimento dirimente, non videtur Episcopus dispensare posse, spectato jure ordinario, seu ex toto privilegio speciali *Laym. l. 5. tract. 10. p. 4. c. 6. in fine.*

CLXXI. Quæritur 2. Quæ sint justæ causæ dispensandi in impedimentis dirimentibus matrimonii? Resp. Tres præcipuas communiter assignari, prout videtur est apud *Sanch. l. 8. de matr. diff. 19. n. 8.* Prima est, extinctio magnæ litis, vel gravium discordiarum: ad quam causam reducitur etiam evitatio scandalorum inter cognatos: vel gravis delicti, aut periculi animæ aliquorum, quod nisi contrahatur matrimonium, certo incurreretur, *Sanch. c. l. n. 9. 10. & 11.* Secunda causa est, quando non reperitur matrimonium æquale in aliqua urbe, vel oppido, præterquam cum consanguineis, vel affinis, *Sanch. c. l. n. 12.* Tertia causa est, defectus dotis competentis, quò sit, ut femina non possit, juxta suam conditionem, reperire sponsum se dignum, nisi ex propinquis, *Sanch. c. l. n. 16.* Ultra dictas tres causas, aliz adferuntur à *Sanch. c. l. n. 30. & seqq.* Prima est, conservatio amplissimum opum in eadem familia. 2. Illustris familiæ in eodem sanguine. 3. Merita petentium dispensationem: 4. Proles bonâ fide suscepta ex conjugatione, *Sanch. c. l.* Porro sæpe fit, ut plures causæ simul junctæ sufficiant, quæ seorsim singulæ non sufficerent, *Sanch. c. l. n. 34.* videtur etiam potest *Coning tr. de Sacram. dis. 33. dub. 1. n. 45.*

CLXXII. Quæritur 3. Quando ob reiterationem veri, vel expressionem falsi, in petitione dispensationis, ea sit subreptitia, & invalida? Resp. Quando in petitione dispensationis, taceatur vera causa, aut circumstantia, quam Jura jubent exprimi: vel quando veritas tacita, aut falsitas expressa, pertinet ad causam finalem, ita ut eâ veritate expressâ, vel falsitate non expressâ, dispensatio vel omnino concessa non fuisset, vel non tali modo, tunc talis dispensatio redditur nulla, & invalida, ob defectum intentionis, & consensus, ex parte dispensantis, *Sanch. l. 8. de matr. dis. 21. n. 13. Coning. cit. dis. 33. dub. 6. n. 61.* Quando verò non taceatur aliquid, quod Jura jubent exprimi, & veritas tacita, vel falsitas expressa, tantum versatur circa causam impulsivam, sine qua nihilominus dispensatio concessa fuisset, licet difficilius: non redditur dispensatio subreptitia, & invalida, *Sanch. cit. dis. 21. n. 17. Coning. c. l. num. 62.* Ratio est, quia tunc error non dat causam dispensationi, cum Pontifex, ob aliam causam, similiter motus fuerit ad eam concedendam, adeoque dispensatio non potest dici pro-

prædicta facta per errorem, & per-consequens nec subreptitia est, quia non est facta per errorem dantem causam concessionis, (scu dispensationi. Sed de hoc plura dicta sunt alibi. Quomodo autem S. Pontifex dispensare possit in Gradibus consanguinitatis, & affinitatis, dicitur infra suo loco.

SECTIO VII.

DE MUTUA CONJUGVM obligatione, quoad cohabitationem, alimentorum præstationem, & liberorum educationem, & de obligatione conjugum ad debitum conjugale.

§. I.

An teneantur coniuges simul cohabitare, & mutuò sibi præstare alimentata, & quæ sit obligatio Coniugum ad alendos, & educandos filios?

CLXXIII. ASSERTIO I. Coniuges teneantur simul habitare, non tantum in eadem domo, sed etiam communi mensâ, eodémque toro utentes, saltem ut plurimum, ut patet ex c. 1. & 2. de conjug. lepros. & ex c. 2. Gen. Propter hoc relinquit homo patrem suum, & matrem, & adhærebit uxori suæ, & Math. c. 5. Omnis, qui dimiserit uxorem &c. quamvis mutuo consensu quoad torum separari possint, ut patet ex 1. Cor. 7. Nolite fraudare invicem, nisi foris ex consensu ad tempus &c. modò ad sit legitima causa, & absit periculum incontinentiæ in utroque conjugē.

CLXXIV. Hinc infertur 1. Cùm vir sit Caput mulieris, uxorem teneri sequi virum mutantem domicilium, c. 3. caus. 13. q. 2. Ubi dicitur: *Unaqueque mulier sequatur virum suum, sive in vita, sive in morte.* Quod limitandum est 1. Si in pactis matrimonialibus certus locus habitationi destinatus sit: tunc enim uxor virum ab eo loco discedentem sequi non tenetur, nisi nova recedendi causa superveniat antè non prævisa, ob quam vir necessariò debeat aliò proficisci, Sanch. l. 1. de matr. disp. 40. n. 2. & 3. 2. Non tenetur sequi virum, si sine gravi detrimento corporis, vel animæ sequi non possit, Sanch. cit. libri disp. 41. n. 3. Neque 3. tenetur sequi vitam, qui hinc inde vagatur, nullibi certam sedem habens: nisi mulier sciens virum habere consuetudinem vagandi, ipsi nupsit, ideòque tacite ad id se obligavit, Sanch. c. l. n. 6. & 7. 4. Non tenetur uxor sequi virum etiam iustâ ex causâ longam peregrinationem instituentem, cum magno sui incommodo; secus, si commodè possit, Sanch. c. l. n. 8. Econtra verò vir non tenetur sequi uxorem, nisi hæc ob casum necessarium cogatur domicilium mutare, cùm tamen vir pro suo libitu sibi domicilium eligere possit, & uxorem cogere, ut illum sequatur, Sanch. cit. disp. 41. n. 14. & 15.

Infertur 2. Quamvis ad longum tempus non possit, uxore invitâ, vir discedere, ut constat ex c. 1. de conjug. lepros. nisi iusta causa subsistat, ut si à Principe ad bellum evocetur, vel ob gubernandam, & regendam familiam abesse cogatur, tunc enim foret irrationabiliter invitâ uxori. Potest tamen vir, etiam sine consensu uxoris, brevem peregrinationem instituire, cùm contrâ uxorem, extra casum necessitatis, non possit, sine viri consensu peregrinari, Sanch. l. 9. de matr. disp. 4. n. 12. & 15. Si tamen vir discedens diu non sit reversurus, tenebitur secum ducere uxorem, si sumptus necessarii ad secum ducendam uxorem suppetunt, Sanch. c. l. n. 14.

Infertur 3. Cùm vir sit caput mulieris, & familiaris ad Ephes. 5. & 1. Cor. 11. ideo tenetur uxor in iis, quæ ad familiæ convenientem administrationem pertinent, obedire præceptis mariti, Laym. l. 5. tr. 10. p. 3. c. 2. n. 1.

Infertur 4. Quòd marito etiam permixtum est uxorem delinquentem castigare, moderatè tamen: etsi enim viro subiecta sit, est tamen conjux, & adiutrix domesticæ administrationis, Laym. c. l. n. 6.

CLXXV. ASSERTIO 2. Vir quoque tenetur alere uxorem, & familiam, quia ideo etiam dotis fructus accipit, l. Dotis. 7. ff. De iure dotium. l. Propter. 20. C. eod. Excipitur 1. Si uxor, sine culpa viri, & absque causa necessaria à marito discedat, tunc enim quamvis dotem ab ea acceperit, non tenetur ad eam alendam, quia uxor debet esse in obsequio viri, c. Hec imago, 13. caus. 33. q. 5. ac proinde si non velit præstare obsequium debitum, non recipiet alimenta ipsi aliàs debita; qui enim non facit, quod debet, non recipit, quod oportet, l. Si ead. 3. C. De condit. insert. Si verò uxor, ob viri sevitiam, aut aliam culpam discesserit: vel si coacta sit recedere, ob viri furorem, vel morbum contagiosum, vel etiam ob proprium delictum in exilium acta sit, ali debet à viro, Sanch. l. 9. disp. 4. n. 19. & seqq. Excipitur 2. Si dos promissa, vel pars dotis soluta non sit, tunc enim vir non tenetur alimenta præstare uxori, Sanch. cit. l. 9. disp. 5. n. 2. & 3. quòd si vir pauperem, & indotatam duxit, sibi id imputare, & eam alere debet. Si verò maritus sit inops, & uxor dives, hæc viri alimenta præstare tenetur, l. Si cum dotem. 22. §. Si maritus. ff. solus. matr. Sanch. cit. disp. 5. n. 9. Tanner. cit. disp. 8. dub. 4. q. 6. n. 67. & 2. seqq.

CLXXVI. ASSERTIO 3. Uterque parens tenetur ad filios ex se natos sustentandos, & honestè, pièque educandos, ut patet ex c. 6. ad Ephes. Patres filios vestros educate in disciplina, & correptione Domini, & 1. Cor. 12. Nec enim debent filii parentibus thesaurizare, sed parentes filiis. Ratio est, quia parentes tenentur in filiis esse naturæ, quod eis dederunt, conservare. Primaria tamen cura alendi filios ad patrem spectat, cùm ob eam rem dotem accipiat, ut onera matrimonii sustineat, familiamque alat. In defectum verò patris, si is pauper sit, vel nullabona reliquit, avus paternus prolem alere cogitur, ut colligitur ex l. Si quis. §. Virum autem. ff. de liber. agnosce. & Auth. Si pater. C. De divore. deficientem autem matre, avus alique affendentes materni, juxta l. pen. ff. eod. Laym. l. 5. tr. 10. p. 3. c. 6. §. n. 6. & 7. Cura autem alendi prolem saltem illegitimam, primo trien-

nio, ad matrem spectat, obligatio verò alendi filios legitimis absolute ad patrem pertinet, *Laym. c. l. n. 6.* Quæ autem de alimentis à parentibus liberis præstandis dicta sunt, intelligi debent, si filii indigant: nam ad hoc non tenentur, si filii aliunde sufficientem sustentationem habeant, vel laborando acquirere possint, spectatà qualitate personæ, & status, *l. Si quis à liberis. §. 5. Sed filius. ff. De liber. agnosce.* per alimenta autem hic intelliguntur non tantum quæ præcisè necessaria sunt ad vitam sustentationem, sed etiam quæ requiruntur ad vitam honestam, & competenter sustentandam, secundum qualitatem, & statum personæ, *Laym. c. l. n. 7.*

CLXXVII. Porto Jure Canonico parentes quibuscunque filiis etiam illegitimis alimenta moderata præbere debent, juxta *c. Cum habere. §. in fine De eo, qui duxit &c.* à quo correctum est Jus Civile prohibens alimenta præstari putiis, seu ex damnato coitu natis, *Auth. Ex complexu. C. de incest. nupt. Auth. Quibus mod. natur. eff. &c. §. pen. coll. 7.* Quamvis *Laym. c. l. n. 8.* dicat, quod alimenta, quæ ad congruam sustentationem requiruntur, olim Jure Cæsareo negabantur spuris: non item alimenta, quæ præcisè sunt necessaria ad vitam sustentandam, quippe quæ stricto jure naturali, omnibus liberis dabantur, quibus natura communis est, ideòque nullà lege, vel consuetudine contrarium introduci potest.

§. II.

De obligatione mutua conjugum ad usum, seu actum conjugalem.

Quia hæc materia magis ad forum internum conscientiæ, ac pœnitentiali pertinet, quam ad forum Ecclesiasticum externum, ideo de illa solum duas quæstiones magis necessarias hoc loco tractabimus, omisiss aliis, de quibus videri possunt, quæ tractantur à Theologis passim in *Tract. de matrimonio.*

CLXXVIII. Queritur 1. An actus conjugalis sit licitus, & an sit sub præcepto? Resp. 1. per se, ac naturā suā, est licitus, & honestus, *Sanch. l. 9. de matr. dis. 1. n. 2. Tanner. dis. 3. de matr. q. 6. dub. 1. Laym. l. §. tract. 10. p. 3. c. 1. n. 1.* & alii communiter. Patet ex S. Script. 1. ad Cor. 7. *Vxor vir debet sibi reddat, similiter autem & uxor viro.* Probatur, quia cum ipsum matrimonium per se bonum sit, quippe institutum, & præceptum à DEO ad generis humani propagationem, etiam usus, sive actus ipsius bonus sit, necesse est. Unde Gen. 1. præcipit DEVS actum conjugalem primis parentibus, *crecite, & multiplicamini.* Actum autem ex se malum non potest DEVS præcipere.

CLXXIX. Resp. 2. Petitio debiti conjugalis, propriè accepta, per se nunquam est sub præcepto: redditio verò est sub præcepto, ita ut teneatur conjux reddere debitum conjugi ex justitia, & sub peccato mortali, quoties alter debet, & convenienter petit, expresse, vel tacite, seu interpretativè, *Sanch. cit. l. 9. dis. 1. n. 2. & 3. Tanner. cit. q. 6. dub. 2. n. 17. & 18.* & alii communiter. Prima pars de petitione probatur, quia nullus tenetur uti jure suo, quod per se ad salutem corporis, vel animæ non est necessari-

um, & quod pro se tantum, & in suum commodum est introductum, sed potest juri suo renunciare, *Ad Apostolicam. 16. de Regul. Dixi per se,* quia peracti-dens, non quidem ex propria obligatione justitiæ, sed ex charitate tenetur conjux petere debitum, si ex signis colligat, aut credat aliàs conjugi imminare periculum incontinentiæ, quod petendo possit avertere, hujusmodi autem petere est moraliter reddere, *Sanch. l. n. 4.* Secunda pars de redditione debiti patet ex Apostolo 1. ad Cor. 7. ubi jubentur conjuges mutuò reddere debitum, ed quod neuter proprii corporis potestatem habeat. Ratio est, quia conjux transulit dominium corporis sui in alterum, in ordine ad actum generationis; ergo hic ex vi contractus, adeoque ex justitia tenetur reddere debitum, & sub peccato mortali, si serio, & instanter petatur, & sine justa causa denegetur, *Sanch. cit. dis. 9. n. 8. & seq.*

CLXXX. Queritur 2. An, & quomodo actus conjugalis reddatur illicitus, ratione dubii, de valore matrimonii? Resp. 1. si dubium de valore matrimonii, ob inspecionem latentis impedimenti, ortum sit ante contractum matrimonium, illud contractum non potest, nec debet, *Laym. l. 1. tract. 1. c. 5. §. 3. n. 23.* Quod si quis malā fide contraxit, dubitans de valore matrimonii, non potest debitum conjugale petere, etsi reddere teneatur alteri, qui bonā fide contraxit, *Sanch. l. 2. de matr. dis. 4. n. 2.* Idque probatur ex *c. 2. de secund. nupt.* ubi deciditur: Conjugem, qui novum de prioris obitu certus contraxit, non posse debitum petere, etsi hoc negare non possit postulanti, de quo plura in *frat. Tit. ult.* Ratio prima partis est, quia cum talis conjux, dubiā, & malā fide contraxerit matrimonium, & possessionem inchoaverit, non potest per hujusmodi contractum, & possessionem malā fide conceptam acquirere jus in corpus alterius: ergo non potest debitum ab eo petere, quia jus petendi non acquiritur, nisi per contractum bonā fide initum, & possessionem bonæ fidei. Ratio secundæ partis est, quia alter, ratione contractus bonā fide initi, est possessor bonæ fidei, adeoque habet verum jus petendi, & utendi re, quam bonā fide putat esse suam; ergo hoc jure suo non debet spoliari, ob malam alterius fidem, dum non constat matrimonium esse nullum: atqui si negaretur illi debitum, privaretur hoc jure petendi, & impediretur ab usu corporis conjugis, quod bona fide putat esse suum, & ea injuria illi irrogaretur. Nec obstat, quod dubitans, reddendo debitum, exponat se periculo fornicationis: quia ea fornicatio, si forte matrimonium sit nullum, erit solum materialis: major autem est obligatio non irrogandi certam injuriam alteri conjugi, quam vitandi periculum materialis fornicationis, quod dubitans evitare nequit, nisi cum injuria alterius, *Coning. dis. 34. de matr. dub. 10. n. 101.*

CLXXXI. Resp. 2. si post matrimonium bonā fide utriusque conjugis contractum, uni superveniat dubium de valore illius, is tenetur reddere debitum alteri conjugi non dubitanti: non potest tamen petere, antequam adhibuerit sufficientem diligentiam ad veritatem cognoscendam: quā adhibita, si maneat adhuc dubium, potest etiam petere, *Sanch. cit. l. 2. dis. 4. n. 3. & 4. Coning. cit. dub. 10. num. 105. Laym. c. l. n. 24.* Primum, quod sic dubitans debeat reddere debitum, probatur, tum quia propter dubium,

bium, vel etiam probabiles, non tamen certas rationes, non potest alter privari possessione juris sui iustè acquisitæ, ad hoc enim requiritur, ut aliquis sit certus, rem non esse possidentis. Tum quia periculum maioris mali est in non reddendo debito, quam reddendo; majus enim peccatum est contra matrimonii fidem negare debitum, quod est injustitia, si matrimonium sit validum, quam fornicatio, quæ soli castitati adversatur, si matrimonium sit invalidum; ergo in hoc dubio eligendum est minus malum, reddendo debitum. Alterum verò, quod stante tali dubio speculativo, dubitans non possit petere debitum, ante factam inquisitionem de veritate, probatur, quia generaliter, quando quis dubitat, an res sit sua, quamvis eam retinere possit, non tamen potest ea uti, donec veritatem inquirat, quia frustra inquireret, si non teneretur eam domino conservare, ut docet *Sanch. cir. l. 2. dis. 41. n. 21.* ergo similiter in nostro casu, non potest conjux dubitans debitum petere, quod est uti matrimonio, & actus domini, etsi possit reddere, quod est pari solam actum domini alterius, qui cum sit bonæ fidei possessor, non potest eo injustè privari. Terrium, quod sic dubitans possit debitum petere, post adhibitam diligentiam, probatur, quia generaliter loquendo, bonæ fidei possessor, si dubitet rem esse alienam, & post sufficiens examen nequeat dubium deponere, potest non tantum rem retinere, sed illam etiam uti, vel illam alienare, cum enim tali iustè concedatur possessio, etiam concedenda sunt, quæ illam subsequi solent, *Sanch. cir. dis. 41. n. 22.* ergo conjux dubitans, si præmissis examine, adhuc dubius maneat de valore matrimonii, potest uti matrimonio, petendo; & reddendo debitum: nam iniquum videtur, aliquem propter superveniens dubium, quod post adhibitam diligentiam, deponere nequit, perdere jus legitimè acquisitum; ergo cum ante hoc dubium, conjux bonâ fide contrahens, habuerit jus petendi debitum, non obstante tali dubio superveniente, quod bonam fidem in possessore non tollit, aut interruptit, illud jus retinebit. Quare neque hoc casu est periculum fornicationis formalis, vel peccaminosæ, quia etsi matrimonium sit reipsâ invalidum: tamen probabilis ignorantia, quæ post sufficiens examen adhibitum, est in bonæ fidei possessore, excusat à peccato; *Laym. c. l.*

CLXXXII. Confirmatur, quia stante dubio speculativo de valore matrimonii, potest simul consistere iudicium practicum, quo prudenter judicatur, licitum esse hic, & nunciusum juris conjugalis iustè acquisitæ: & hoc ipso, quia in dubio melior est

conditio possidentis, & nemo privandus est jure suo. Neque verò ante adhibitam diligentiam inquirendi veritatem, illicitum est petere debitum conjugi dubitanti ideo tantum, quia adest dubium speculativum de valore matrimonii, sed quia adest dubium, & nondum diligentia debita adhibita est ad illud deponendum; ergo etiamsi illud dubium, post adhibitam diligentiam maneat, non tamen amplius obstat juri petendi debitum, *Sanch. cir. dis. 41. n. 53. in fine.* Porro quod conjux dubitans de valore matrimonii teneatur adhibere diligentem operam investigandæ veritatis, ex eo patet, quia aliis exponeret se præsentissimo periculo peccandi, sive petendo, sive reddendo, sive etiam negando debitum, cum nesciat, quid licitum sit, vel illicitum, nisi inquirat veritatem, *Coning cir. dub. 10. n. 100.*

Prædictis non obstat c. *Inquisitioni. 44. de sens. excomm.* ubi dicitur: si credulitas probabilis, & discretæ, quamvis non manifestæ, animum pulset, debitum quidem reddi posse, sed non postulari. Nam vel ibi agitur de conjuge, qui ab initio, malâ fide matrimonium contraxit, quia scilicet dubitabat, vel dubitare debebat de ejus valore, ac proinde nunquam fuit bonæ fidei possessor, cui similis casus est in c. 2. de secund. nups. Vel intelligendum est illud c. de dubitante, qui non adhibuit sufficientem diligentiam inquirendæ veritatis, adeoque interim jure suo uti non potuit, *Laym. l. 1. tract. 1. c. 5. §. 3. n. 24.*

CLXXXIII. Ex dictis inferitur 1. quando uterque conjux dubitat de valore matrimonii bonâ fide contracti, ante præmissam sufficientem inquisitionem, neuter potest petere, aut reddere debitum, quia in dubio diligenti inquisitione non præmissâ, possessio non confert jus utendi re; ergo cum eo casu neuter jus petendi habeat, neuter etiam alteri reddere debet, imò nec potest, ne peccandi periculo se, & compatem exponat: adhibita autem diligentia, uterque potest petere, & reddere, quia tunc possessio confert jus ad omnem usum, *Sanch. cir. dis. 41. num. 55.*

Inferitur 2. Siquis post contractum matrimonium, bonâ fide, utrinque habeat opiniones probabiles, & de valore matrimonii, & de nullitate ejusdem, imò etsi probabilius crederet, non valere matrimonium, modò habeat opinionem probabilem de valore ejusdem, potest reddere, & petere debitum, quia potest se conformare opinioni probabilis, relicta etiam magis probabili. Unde *cir. c. Inquisitioni*, intelligi debet, cum talis adest credulitas, contra quam non militat aliud vicissim probabile iudicium, *Sanch. cir. l. 2. dis. 44. n. 4.*



T I T V L V S II.

DE DESPONSATIONE
IMPUBERUM.

Postquam actum est Superiore Titulo de sponsalibus, & matrimoniis in genere, nunc in hoc Titulo agitur in specie de illis sponsalibus, quæ contrahuntur per impuberes inter se, vel cum puberibus, & de ætate eorum, qui sponsalia, vel matrimonium contrahere possunt, vel non possunt, ob defectum, seu impedimentum ætatis. Extat hic Titulus etiam in Sexto.

§. I.

Quæ ætas requiratur ad sponsalia de futuro?

I.

Respondetur, ad contrahenda sponsalia de futuro requiruntur septem anni completi, tam in maribus, quam in fœminis, prout sumitur in primis ex c. *Litteras. 4. b. 1.* Nam cum quidam in ætate perfecta ad contrahendum matrimonium existens, sibi quandam puellam desponsasset in cunabulis, postea cognovit matrem illius, & eam in uxorem accepit. Consultus Pontifex Alexander III. respondit: quod si dictus vir matrem puellæ, antequam hæc septimum annum complevit, in uxorem accepit, matrimonium non esse dissolvendum, cum desponsationes, quæ in cunabulis fiunt, nullæ sint: si verò postquam puella septimum annum complevit, idem vir matrem ejus duxit in uxorem, cum sponsalia ex tunc (scilicet post septem annos) placere consueverint, mandat Pontifex, ut Episcopus loci sententiam divortii inter eos promulget, & nec ipsam filiam, nec matrem ejus habere perinitur: nam filiam habere non potest, propter supervenientem affinitatem in primo gradu, quam contraxit per copulam cum matre habitam: neque etiam matrem, propter impedimentum publicæ honestatis ortum ex sponsalibus contractis cum filia, quæ post septennium erant valida, *Gl. fin. hic.*

II. Notandum 1. Ratio cur septennium completum requiratur ad sponsalia, est, quia hoc tempore incipit communiter usus rationis, & libertas, juxta *3. Thom. in 4. dif. 27. q. 2. art. 2.* Et hinc secundum Leges Civiles pupillus post septem annos impletos suæ ætatis, acquirere potest hereditatem, *l. Si infanti. 18. §. ult. C. De jure deliber.* Idque habetur in *l. In sponsalibus. 14. in fine ibi: Si modo id fieri ab utraque parte intelligatur*, id est, si non sint minores, quam septem annorum, *ff. De sponsal. Sanch. l. 1. de sponsal. dif. 16. n. 2.* Ratio autem cur Jus Canonicum requisivit eandem ætatem ad sponsalia in viris, & fœminis, cum tamen diversam exigat ad matrimonium, ut infra dicetur, ratio, inquam est, quia ad sponsalia sufficit usus rationis, qui eodem tempore

advenire solet viris, & fœminis: ad matrimonium verò requiritur potentia generandi, quæ tardius in viris repetitur, *Sanch. c. l.*

Notandum 2. Si septennies contrahant sponsalia, sed uterque, vel alter usum rationis nondum sit adeptus, sponsalia sunt invalida, juxta *cir. l. In sponsalibus. 14. ff. De sponsal.* ubi dicitur: In sponsalibus contrahendis ætas contrahentium definita non est, ut in matrimoniis: quia scilicet in matrimonio semper sufficit ætas jure præscripta: non autem semper in sponsalibus, sæpe enim post completum septennium, deest usus rationis, *Gl. ibid. in fine, Sanch. cir. dif. 16. n. 3.* Ex quo patet, quod sponsalia sunt sæpe irrita, non solum ob defectum ætatis jure requisitæ, sed etiam judicii, & rationis, ut in casu hujus c. in quo sunt celebrata cum infante in cunis,

Notandum 3. Ut sponsalia impuberum sint valida, necessarium est, ut septennium sit omnino completum, nisi malitia suppleat ætatem, ut infra dicetur, ita ut si vel unus dies deficiat, verò non dicatur septennium completum, sed inceperum solum, adeoque sponsalia non valent. Sicut testamentum factum ab eo, qui nondum XIV. annum complevit, non valet, *l. Quæ ætate. §. ff. Qui testam. fac. poss. Sanch. cir. dif. 16. n. 4.* Sufficit autem, quod ultima dies septennii fuerit incepta, etsi non sit completa, idque favore matrimonii, sicut idem statutum est favore testamenti in *cir. l. Quæ ætate*, non enim minus est favorabile matrimonium, quam testamentum, *Covarr. in Epit. l. 4. Decret. p. 1. c. 2. n. 2. Sanch. c. l. n. 2.*

III. Similis casus priori proponitur in *c. Accessit. §. h. t.* Ubi mandavit Papa Alexander III. Archiepiscopo Eboraensi, ut si ipsi constiterit, quod puella quædam non esset septennis, quando G. desponsata fuit, nec postea (completo septennio) in eam consenserit: & quod idem G. ab hujusmodi desponsatione fuerit absolutus per Archiepiscopum: matrimonium inter dictum G. & puellæ matrem contractum, præcipiat inviolabiliter observari: & prolem eorum denuntiet esse legitimam, quia desponsationes, & matrimonia, ante septem annos, fieri non possunt, si consensu postea non accedat. (expressè, vel tacitè, *Gl. hic v. eod.*) Si verò prædicta puella, ante desponsationem, septimum annum compleverat: licet dictus vir à desponsatione ejusdem puellæ ipso jure fuerit absolutus, quia ea in ipsum con-

sentire

„ sentire noluit: Inhonestum tamen videtur, ut
 „ matrem habeat in uxorem, cujus filia ipsi fuit de-
 „ sponsata.

I V. Ubi notandum 1. Differentiam esse inter
 desponsationes, & matrimonia, quia matrimonium
 propriè non est desponsatio, neque hæc propriè ma-
 trimonium, nam desponsatio idem est, quod pro-
 missio futurarum nuptiarum, *Abb. hic n. 2.*

Notandum 2. Sponsalia inita, ante septimum
 annum completum, sunt nulla, ob defectum ætatis,
 nisi postea expressè, vel tacitè ratificentur, *Sanch. cir.
 dif. 16. n. 5.*

Notandum 3. Ex sponsalibus de futuro initis
 cum puella minore septennio, non oritur impedi-
 mentum publicæ honestatis: oritur autem hoc im-
 pedimentum ex sponsalibus initis cum puella post
 septennium completum, licet illa postea dissoluta
 fuerint, *Abb. hic in fine.* Ideo autem in casu utrius-
 que hujus c. sponsus absolutus fuit à sponsalibus,
 quia puella post septem annos desponsata viro G.
 adveniente postea ætate virili, noluit in ipsam ma-
 trimonialiter consentire, *Hosliens. hic V. Absolutus:*
 puellæ verò matrem non poterat ducere in uxorem,
 propter impedimentum publicæ honestatis, ut ha-
 betur etiam in fine hujus c.

§. II.

*An sponsalia ab impuberibus contra-
 cta dissolvantur per solum dissensum
 alterius, postquam pubes fa-
 ctus est?*

V. ASSER. 1. Si duo impuberes sponsalia contra-
 hant, neuter rescilire potest, ante pubertatem post pu-
 bertatem tamen uterque potest, prout sumitur ex c.
 „ *De illis. 7. h. t.* Ubi imprimis dicitur, qui infra annos
 „ pubertatis, sed majores septem annis, sponsalia
 „ contrahunt, sive uterque, sive alter tantum re-
 „ clamet, antequam ad annos aptos matrimoniis, si-
 „ ve pubertatis, pervenerit, & separari potulent,
 „ non sunt audiendi. Si verò alteruter eorum ad
 „ annos pubertatis pervenerit, altero adhuc exi-
 „ stente impubere, cum sponsalia contrahuntur, si
 „ iste pubes effectus reclamet, nec in alterum con-
 „ sentire velit, iudicio Ecclesiæ separari poterunt.
 „ Mulier autem nubilus, quæ impuberi nupsit, (id
 „ est, sponsalia cum illo contraxit, quia matrimo-
 „ nium contrahere cum illo non poterat, *Gl. hic V.*
 „ *Nupsit.*) si in eum semel consensit, amplius dis-
 „ sentire non potest, nisi ipse, cui nupsit, post-
 „ quam pubes factus est, in eam noluerit consen-
 „ tire.

V I. Hoc cap. tres partes habet. Prima est, si
 duo impuberes sponsalia contrahant, neuter potest
 ante pubertatem rescilire, ne quidem mutuo con-
 sensu, si que ne propter ætatis inconstantiam sapidi
 contrahant, & iterum rescindant sponsalia: potest
 tamen quilibet pubes factus rescilire à contractu: id-
 que ne cogantur approbare, & similiter observare,
 quod in tenera ætate, cum adhuc immaturo essent iu-
 dicio, fecerunt, idèoque à Jure illis concessum est,
 post pubertatem rescilire, *Sanch. l. 2. de spons. dif. 1.*

n. 6. & 7. Secunda pars est, qui prius pubes factus
 est, potest statim rescilire à sponsalibus, nec tenetur
 expectare, donec etiam alter pubes fiat. §. Si verò
 hic, quia frustra expectatur eventus, cujus nullus
 est effectus, c. *Cum contingat. 36. de offi. Iud. deleg.*
 ergo si prius pubes factus, potest altero pubertatem
 adepti, reclamare, poterit etiam statim, *Gl. hic V.*
Minoris, licet contrarium dicat *ibid. V. Cum sponsa-*
lia, Sanch. c. l. n. 9. Tertia pars est, si pubes cum im-
 pubere contrahat sponsalia, nunquam potest rescilire,
 quævis impubes possit, cum ad pubertatem per-
 venerit, ut patet ex hoc c. §. *Mulier fin.* cujus ratio
 est, quia contractus potest in favorem minoris clau-
 dicare, hoc est, ex parte illius retractari, ut si minor
 sine tutoris auctoritate contractum cum majore in-
 eat, illi soli rescilire permixsum est, l. *Non eo minus.*
 14. C. *De Procurator. Sanch. c. l. n. 10.*

V II. Ubi præterea notandum 1. hoc cap. intel-
 ligi debet de sponsalibus impuberum septennio ma-
 jorum, non de solis infantium sponsalibus, ut pa-
 tet ex illis verbis: *intra eosdem annos, altero existente,*
cum sponsalia contrahuntur, id est, altero existente in-
 fra annos pubertatis, sicut existebat, quando spon-
 salia contrahebantur, ut explicat *Gl. hic V. Cum spon-*
lia: at instantes nequeunt sponsalia contrahere, &
 additur, *neutrum posse ante pubertatem rescilire:* sed si
 essent ab infantibus contracta, semper possent rescilire,
 cum prorsus sint irrita, *Sanch. cir. dif. 1. n. 5.*

Notandum 2. Impubes factus pubes, potest à
 sponsalibus rescilire, si statim pubertatem adeptus
 resciliat, alioquin postea non poterit, quia ex quo-
 non statim contradixit, censetur tacitè consentire,
Covarr. in l. 4. p. 1. c. 5. §. 1. n. 2. Sanch. cir. dif. 1. n. 14.
 Statim autem intelligitur dissentire, si circiter
 triduo ante, vel post pubertatem, resciliat à spon-
 salibus, quia in Jure dicitur, incontinenti aliquid
 fieri, quod intra triduum fit, l. 3. C. *De errore Advocator.*
 & l. fin. C. *De Iudic.* Ex quo sequitur, non esse
 opus, ut factus pubes sponsalia ratificet, quia eo
 ipso, quod non reclamet, videtur in ea priore vo-
 luntate persistere, eaque valida manent, *Sanch. c. l. n. 15.*
 ubi n. 16. addit, si impubes, ante pubertatem,
 resciliat à sponsalibus, & postea non mutet enim dis-
 sensum, quia non amplius recordari post puberta-
 tem, manere talia sponsalia dissoluta.

Notandum 3. Potestas resciliendi à sponsalibus
 impuberibus jure concessa, post adeptam pubertatem,
 non tantum habet locum in foro externo, sed etiam
 in interno conscientie, ita ut in utroque foro ex so-
 lo impuberis dissensu, post adeptam pubertatem,
 absque alia causa, licitè possint dissolvi sponsalia.
 Tum quia ob solam reclamationem alterius puber-
 tatem adepti, sponsalia sunt dissolvenda, ut dicitur
 in *c. c. De illis. 7. h. t.* tum quia Jus consulere voluit
 immaturo, & mutabili puerorum iudicio, ne tan-
 to vinculo indissolubiliter, seu irrevocabiliter ob-
 ligari possint, idèoque credendum est, omnem ob-
 ligationem sublatam esse, etiam in foro conscientie:
 quomodo etiam vota puerorum, etsi valida sint, re-
 possunt solâ patris, vel tutoris voluntate irritati in
 utroque foro: ergo similiter sponsalia impuberum,
 possunt dissolvi in utroque foro, si ipsi impuberes
 pubertatem adepti resciliant, seu dissentiant, *Sanch. cir. dif. 1. n. 19.*

VIII. ASSERTIO 2. Probabilius est, sponsalia impuberum confirmari juramento, ut neutri liceat pubertatem adepti resistere, *Gl. in cit. c. De illis. V. Iudicio Ecclesie, Covarr. in 4. Decret. p. 1. c. 5. §. 1. n. 3. Sanch. cit. dif. §. 1. n. 22. Becan. tract. de Sacram. c. 43. §. 26. n. 7. & alii. Idque probatur ex c. Ex litteris. 10. super de sponsal. Ubi expressè dicitur, impuberes jurantes (sponsalia, sive sub juramento promittentes se aliquam duceuros in uxorem, cogendos esse ea perficere. Et additur hæc universalis ratio: Quia illius periculosum est contra juramentum suum venire: quod procedit, sive reclamaverint, sive non. Ratio est, quia quamvis dubium sit apud Jctos, an alii quidam civiles contractus impuberum sint validi, necne: quia nimirum illi, secluso juramento, erant invalidi: sed quoniam sponsalia impuberum, qui septennium compleverunt, secluso juramento, sunt valida, licet dissolubilia, postquam puberes facti sunt, ideo dicendum est, per juramentum adjectum ea confirmari, & indissolubilia reddi, ut etiam post pubertatem resistere non possint. Quod tamen intelligendum est, si talia sponsalia juramento firmata sint ab impuberibus doli capacibus, sive proximis pubertati, ita ut intellectum, & discretionem habeant, juxta arbitrium prudentis Judicis, *Covarr. c. l. & Sanch. num. 24. Non obstat 1. quod impuberes prohibentur jurare, c. Parvuli. 14. & seq. caus. 28. §. 1. Nam illi textus loquuntur de impuberibus, quod non sunt cogendi jurare, ob testimonium ferendum. Non obstat 2. quod juramentum additum contractui tollitur ejusdem conditionem, l. fin. c. De non numer. pecun. atqui sponsalia impuberum Jure Canonico habent in se hanc tacitam conditionem, nisi facti puberes resierint, cit. c. De illis. h. t. ergo etiam juramentum habet hanc tacitam conditionem. Nam illa tacita conditio non debet subintelligi, quando sponsalia impuberum juramento sunt firmata, juxta cit. c. Ex litteris de sponsal. Sanch. c. l. num. 26.**

IX. ASSERTIO 3. Sicut à veris sponsalibus non est licitum resistere, ante pubertatem: ita nec à præsumptis, si impuberes contrahant per verba de præsentis, *Sanch. l. 1. de sponsal. dif. §. 1. n. 13. Idque habetur in c. Anobis. 8. h. t. Nam cum quæsitum fuisset ex Papa Alexandro III. utrum illi, qui infra annos nobiles, id est, ante pubertatem matrimonio nui nomine conjunguntur (scilicet futuri, *Gl. hic V. Matrimonii, sive sponsalia contrahunt*) utriusque, vel eorum alteri, ante annos matrimonio aptos, liceat ab invicem discedere? Respondet Pontifex, cum ante nobiles annos consensum conjugalem non habeant, quousque perveniant ad legitimam ætatem, expectare tenentur. Et tunc aut confirmetur matrimonium: aut si simul esse nolint, separentur: nisi carnalis copula intervernerit, quæ interdum anticipat tempus pubertatis.*

X. Ubi notandum 1. Sicut impuberes contrahentes sponsalia nequeunt ab eis resistere, ante adventum pubertatis: ita qui intendunt sponsalia, sive matrimonium contrahere per verba de præsentis, ante annos nobiles, nequeunt ab eis recedere. Nam tale matrimonium ante legitimam ætatem contractum, Juris interpretatione, habet vim sponsalium

de futuro, licet ea contrahere non intendant, *Gl. hic V. Consensum in fine, & Abb. n. 2.*

Notandum 2. Si verò copula carnalis intercesserit, inter impuberes, per illam consummatur matrimonium, *Abb. hic n. 3.* potest enim contingere interdum, ut etiam impuberes generent, ut notat *Barbof. in Collect. hic in fine.*

§. III.

Utrum Sponsalia inter impuberes, vel inter impuberem, & puberem inita sint valida, vel nulla, & quæ ratione convalescant?

XI. De his agitur in c. Si infantes un, h. t. in 6. Ubi in princ. statuitur, ut si infantes duo inter se, vel unus major septennium, & alter minor, sponsalia contrahant, ipsi vel parentes pro eis: sponsalia hujusmodi, quæ ab initio nulla erant, per lapsum temporis (hoc est, post completum septennium utriusque, vel alterius) non convalescant: nisi appareat liquidò, verbo, vel factò ipsorum, eos post septennium, in eadem voluntate perdurare: idèòque cum sint nulla, ratione defectus consensûs, publicæ honestatis justitiam, seu impedimentum non inducunt.

Hinc patet, quòd sponsalia contracta per ambos infantes, vel alterum, per septennium postea superveniens non sunt valida, nisi expressè, vel tacitè, sive verbo, ut quia se invicem vocant sponfos, sive factò, ut quia se invicem osculantur, ut sponfos, vel per mutam cohabitationem eorum post septennium fuerint ratificata, *Franc. hic in princ. Ratio est, quia infantes, seu minores septennio sponsalia contrahere non possunt, cum non fiant, quid agant. Gl. hic V. Infantes. idèòque cum ab initio sint invalida, non possunt solo tractu, seu cursu temporis postea convalescere, juxta Reg. Jur. 18. in 6. sed opus est novo subsequente consensu, expresso, vel tacito, Gl. hic V. Convalescent. Neque etiam ex talibus sponsalibus, quippe invalidis, oriri potest impedimentum publicæ honestatis, *Franc. hic n. 2. Sanch. l. 1. de sponsal. dif. 16. n. 5. & 6.**

XII. Sed jam hic quæritur, an in sponsalibus malicia suppleat ætatem, idest, an valeant sponsalia ante septennium, si eo tempore contrahentes jam sint præditi discretionem, & usu rationis? Resp. Verius esse tunc validè contrahi sponsalia, etiam ante septennium, ut docet *Francus in cit. c. un. in princ. n. 2. Covarr. in l. 4. Decret. p. 1. c. 2. n. 1. Sanch. cit. dif. 16. n. 9. & alii apud ipsam. Idque probatur ex l. In sponsalibus. 14. ff. de sponsal. Ubi dicitur: satis esse, si sponsi intelligant, quid agant: si ergo ante septennium intelligant, quid in contractu sponsaliorum agatur, hæc ante septennium erunt valida: sicut etiam in matrimonio malicia suppleat ætatem, ut infra dicitur. Idem ergo censendum est Jure esse dispositum de sponsalibus, arg. l. Oratio. 16. ff. eod. Cum sponsalia sint via, & dispositio ad matrimonium. Ex quo inferitur, quòd ideo Jus præcipiat septennium pro Sponsalibus, quia præsumitur usus rationis in puero septenni, non autem ante eam ætatem,*

tatem, nisi contrarium manifestè appareat: post septennium verò completum præsumitur puer esse do-
li, & rationis capax, adeoque etiam valere spon-
salia, nisi contrarium probetur, *Sanch. c. l. num.*
10. & 11.

XIII. Præterea in *cir. c. un. §. Idem quoque. eod.*
in 6. statuitur: Quod si pubes, & impubes, vel
duo impuberes, non tamen proximi pubertati,
& in quibus malitia ætatem non supplebat, per
verba de præsentis contraxerint: ejusmodi spon-
salia, quæ juris interpretatione tantum sunt de
futuro, per adventum pubertatis non transeunt
in matrimonium de præsentis (licet verba expri-
merent consensum de præsentis, & contrahentes in-
tenderent matrimonium contrahere) nec matri-
monium, quod ob defectum legitimæ ætatis non
tenuit, solo cursu temporis convalescit: nisi per
carnis copulam subsecutam, vel alium modum
contrahentes in eadem voluntate perseverare, ut
que ad tempus pubertatis, evidenter constiterit.
Per hunc tamen contractum, qui valuit, ut potuit,
non sicut agebatur, iustitia publicæ honestatis est
inducta.

XIV. Ubi pro declaratione notandum 1. ut
inter impubertem & puberem, vel inter duos impu-
beres sponsalia contrahantur per verba de præsentis,
sive matrimonium, duo copulativè requiruntur,
nempe ut sint proximi pubertati, & ut malitia sup-
pleat ætatem: alioqui verò sponsalia contracta in-
ter impuberes, per verba de præsentis, non valent
in vim matrimonii, sed tantum ut sponsalia de fu-
turo, nec transeunt in matrimonium, ex eo, quod
superveniat legitimæ ætas, seu pubertas, nisi aliter
approbentur, seu ratificentur, inducitur tamen
impedimentum publicæ honestatis, *Franc. in cir.*
c. un. §. Idem quoque. num. 1. h. t. in 6. & DD.
ibid. Ratio est, quia licet tales intendant contra-
here matrimonium per verba de præsentis, quia
tamen ob defectum ætatis legitimæ illud contra-
here prohibentur, contractum non potest habere
vim matrimonii. Sed quoniam sponsalia sunt viâ
ad matrimonium, & tales saltem poterant contra-
here sponsalia, ideo ex Juris interpretatione, & dis-
positione, contractus ille habet vim sponsaliorum
de futuro, quia præsumitur, contrahentes se voluisse,
obligare, eo modo, quo poterant, juxta illam
Juris Regulam: *Si quod ago, non valet, ut ago, va-*
leat ut valere potest, ut habetur in textu, & in c. ult. h. t.
Virian. in Ration. hic §. Idem quoque.

Notandum 2. Quia talia sponsalia de præsentis
ab initio non valent, ut matrimonium, ideo per so-
lum cursum temporis non transeunt in matrimo-
nium, nisi per novum consensum præstitum, expresse,
vel tacite approbentur, & ratificentur, tunc enim
transeunt in matrimonium, ex quo sponsi pervene-
runt ad illam ætatem, in qua illud legitime contra-
here possunt. Unde si postea per carnis copulam
subsecutam, vel per alium modum v. g. per cohabi-
tationem, oscula, vel amplexus, vel similia signa,
contrahentes declarent se persistere in illa volunta-
te contrahendi matrimonium, eum ad annos pu-
bertatis pervenerunt, ex tunc consensus ille conjugal-
is de præsentis præsumitur, ut matrimonium con-

tractum, *Franc. hic n. 4. Covarr. in l. 4. Decret. p. 1.*
c. 4. §. 2. Virian. cit. loc.

Notandum 3. Quia in *cir. §. Idem quoque.* Jus
interpretatur hujusmodi sponsalia per verba de præ-
sentis inita, esse sponsalia de futuro, ideo ex illis ori-
tur impedimentum publicæ honestatis, ut habetur
hic in textu in fine.

XV. Denique in *eod. c. un. §. Porro fin. h. t. in*
6. additur: quod ex sponsalibus, quæ parentes
pro filiis puberibus, vel impuberibus contrahunt,
ipsi filii, si expresse consenserint, vel tacite, non
contradicens si præsentis fuerint, obligantur, &
ex eis oritur iustitia publicæ honestatis. Idem
que est, si filii absentes, & etiam ignorantes ea-
dem sponsalia (per parentes contracta) postea sci-
entes ratificaverint, expresse, vel tacite (accedente
facto aliquo, præter taciturnitatem, *Gl. margin.*
hic) aliâs verò ex hujusmodi sponsalibus contra-
ctis per parentes pro filiis, nec ipsi filii obligan-
tur, nec publicæ honestatis iustitia inde con-
furgit.

XVI. Hinc colligitur 1. quod matrimonium,
vel sponsalia pro filiis absentibus, & ignorantibus
per parentes contracta non tenent, quia quoad ma-
trimonium, & alias causas spirituales, filii censetur
esse sui juris, nec pendet à patria potestate, saltem
de Jure Canonico, cui in matrimonii, & sponsa-
libus standum est, non Juri Civili. Multò minùs
obligantur filii ex sponsalibus, vel matrimoniis contra-
ctis per parentes pro filiis, ipsis contradicentibus
expresse, vel tacite, sed talia sponsalia, vel matri-
monium sunt ipso jure nulla, *Franc. in cir. c. un. §. fin.*
h. t. in 6. n. 1.

Colligitur 2. Si filii, pro quibus parentes con-
trahunt sponsalia, vel matrimonium, sint præsen-
tes, & per ætatem apud illa, & non contradicant
expresse, vel tacite, consentire videntur, adeoque
ea sunt valida, & ad illa obligantur, *Franc. c. l. Sanch.*
l. 1. de sponsal. disp. 23. n. 3.

Colligitur 3. Quando parentes contrahunt spon-
salia, etiam per verba de præsentis, pro filiis absenti-
bus, vel infantibus, qui non sunt rationis capaces,
tum non satis est, si dum postea id norunt, vel facti
sunt doli capaces, taceant, & non contradicant,
quia in *cir. §. fin.* manifestè constituitur differentia
inter sponsalia per verba de præsentis à parentibus,
nomine filiorum præsentium, & tacentium, contra-
cta, quo casu dicitur, ea valere, si non contradixe-
runt: & inter contracta, filii absentibus quo casu
dicitur, ea non valere, nisi certiores facti, expresse,
vel tacite ea ratificaverint: ergo in hoc casu, præ-
ter taciturnitatem, requiruntur alia expressa, vel
tacita signa consensûs, *Franc. in cir. §. fin. & Sanch.*
cit. disp. 23. n. 17.

Id verò specialiter statutum est de parentibus in
hoc cap. quod sufficiat præsentia, & taciturnitas fi-
liorum, si pro filiis sponsalia, vel matrimonium con-
trahant: nam si alii id faciant, requiritur aliud si-
gnum consensum internum exprimens, ut valeant
sponsalia, vel matrimonium, *Sanch. cit. disp. 23. n. 7.*
Nomine autem parentum hic comprehenditur uter-
que parens, etiam mater, quod & illa possit pro filio
præsentis, & taceat contrahere sponsalia, vel ma-
trimonium, quia decisio hujus textûs non innititur præci-

præcisè patris potestati, sed naturali aiori parentum, qui ardentior est in matre, *Sanch. cit. dis. 23, n. 9.* Sed de hoc plura §. seq.

§. IV.

An, & quatenus filii impuberes ex sponsalibus, pro se per patrem contractis, obligentur?

XVII. De hoc agitur, in *c. Tua 1. h. t. ubi* consultus Pontifex, utrum pater, qui vult filium adu- lum seu puberem matrimonium contrahere, sine voluntate filij ho, possit facere? Respondetur in primis, si filius aliquo modo non consentiat, id non posse fieri. Posse autem filium nondum adu- ultum (id est, impuberem adhuc) cujus voluntas necdum discerni potest, à patre, cui vult ma- trimonio tradi, ita tamen ut postquam filius ad perfectam ætatem pervenerit, omnino debeat hoc adimplere.

Pro explicatione huius c. notandum 1. Pater pro filio adulto, id est, pubere, nec matrimonium, nec sponsalia contrahere potest, nisi filius consentiat, scilicet expressè, vel tacitè, verbo, vel facto, *Hofstiens, hic Paliquo modo, & Ioann. Andr. V. eod.* At verò pro filio nondum adulto, hoc est, infante, vel minore septennio, pater potest sponsalia contrahere, ut pater ex verbis sequentibus, *Cujus voluntas discerni non potest.* Nam nomen matrimonij hic accipitur pro sponsalibus de futuro, per quæ ad matrimonium pervenitur, *Hofstiens hic V. Matrimonio, & Io. Andr. ibid. num. 3. V. eod.*

Ratio prioris partis, quòd pater non potest pro filio pubere contrahere sponsalia, vel matrimonium, nisi consentiat, est, quia cum talis filius sit in ætate, in qua potest prestare consensum ad matrimonium, ejus voluntas indagari debet; nam per illius consensum, non per patris sponsonem contrahendum est matrimonium, *c. 2. h. t. & cit. c. unic. §. fin. eod. in 6.* Nec potest illum pater cogere ad contrahendum, cum libera esse debeant matrimonia, *Gl. hic in notatis.* Consensus enim patris non requiritur ad valorem matrimonij filij, vel filix, ut ex suprà dictis patet. Ratio posterioris partis est, quia cum filius impubes, id est, infans, vel minor septennio, nondum habeat ætatem discretam, sive judicium discretionis, ideo permittitur, ut pro eo pater possit contrahere, saltem sponsalia, sub spe ratificationis, postquam compleverit septennium: idque intelligendum est de facto, & ex quadam honestate; nam reuera ex hujusmodi sponsalibus nulla inducitur obligatio ex parte filij, sed ea sunt ipso jure invalida, ob defectum consensus, *c. Ubi non est unic. caus. 30. q. 2. c. un. §. fin. h. t. in 6. Abbas hic num. 3.* Quare licet honestum, ac decens sit, ut cum filius pervenerit ad legitimam ætatem, adimpleat sponsonem patris, non tamen ad hoc necessariò obligatur: & ita intelligendum est, quod dicitur in fine huius c. *Omnino debet hoc adimplere.* Nempe ex debito honestatis, non necessitatis, vel præcepti, ut explicat *Gl. hic in notat. & Abb. num. 7. & alij Canonistæ communiter.*

XVIII. Notandum 2. Alia expositio huius cap. est, quòd sponsalia contracta à patre pro filio adulto, seu pubere, & pro infante, vel minore septennio, in eo conveniunt, quòd utraque non valent, & in eo differunt, quòd priora pro adulto contracta nunquam valent, sine illius consensu, quia is dissentire potest, vel consentire: posteriora verò pro infante contracta à patre usque ad septennium non valent, quia durante hoc tempore non potest infans consensum prestare: post septennium verò sponsalia convalescunt, si ab eo approbentur, & tunc ex suo consensu fit obligatus. Quare infans, pro quo pater contraxit sponsalia, ante septennium, non obligatur, quia ea non valuerunt: sed post completum septennium, si patris factum approbet, cohabitando cum sponsa, contractus ab initio nullus, per approbationem ejus convalescit, & tunc magis ex suo consensu, quàm ex sponsonem patris obligatur. Quod autem in fine dicitur: teneri filium omnino adimplere, cum ad perfectam ætatem pervenerit, id intelligendum est eo modo, ut si cum primum septennium compleverit, reclamet, ac dissentiat, obligatio sponsaliorum exstinguitur, & cesset: si autem taceat, absolute obligetur, & ita explicat hoc *t. Barbo. in Collect. hic*, ubi addit, quòd illa verba, *postquam filius pervenit ad perfectam ætatem, debet omnino adimplere sponsonem patris*, dupliciter intelligi possunt: aut post perfectam ætatem requisitam ad sponsalia, ante XIV. annum, quo casu, non potest reclamare: aut post perfectam ætatem ad matrimonium; & tunc si filius statim non reclamet, postea resiliere non potest, juxta *c. De illis 7. h. t.* Nec obstat textus in *c. unic. §. fin. h. t. in 6.* quia ibi agitur de sponsalibus ante septennium per patrem contractis, & illa non valent: in hoc verò *c. 1. h. t.* agitur de sponsalibus pro filio contractis, post septennium, quo casu si approbentur facto filij, sunt valida, etsi prius non valuerint, *Barb. hic in fine.*

XIX. Notandum 3. Quod in fine hic dicitur, filium, cum pubes factus est, teneri patris factum seu sponsonem approbare, *Betan. hic. n. 2.* dicit id ætatem esse, nisi iustam causam habeat reclamandi, ut quia Conjugem sibi traditam a patre averfant, solent enim invitæ, seu coactæ nuptiæ difficiles exitus habere, *c. Requisivit 17. de sponsal.* Nam aliàs non apparet, cur in *cir. c. 1. h. t.* differentia constituitur inter filium puberem, & impuberem, pro quo contrahit pater sponsalia, vel matrimonium, cum etiam in pubere filio honestum sit, ac decens, ut non reclamet voluntati patris pro se contrahentis. Verum negari non potest, quin filius impubes, pro quo pater sponsalia, vel etiam matrimonium contraxit, pubes factus etiam sine justa causa reclamare possit valide, neque debeat necessariò approbare factum, seu sponsonem patris, quia consensus patris ad valorem sponsalium, vel etiam matrimonij filij non requiritur, ut ex suprà dictis patet. Quamvis filius graviter peccet, si sine justa causa contra voluntatem patris contrahentis pro filio, tam pubes factus non ducat, idemque est de filia, *Nav. arr. in man. c. 14. n. 15.* ubi etiam novum, & singularem intellectum affert *cir. c. 1. h. t.* nempe quòd filius, pro quo paciscitur pater de uxore ducenda, non so-

lūm debeat de honestate: sed etiam de necessitate seu obligatione sub peccato eam ducere, quamvis ad id cogi non possit. Idemque docet *Fagnan. ibid. num. 14. & 15.*

§. V.

De variis casibus occurrentibus circa desponsationes impuberum, inter se, & puberum cum impuberibus, an, & qua ratione huiusmodi desponsationes valeant, aut obligent?

XX. De his agit *Impetris* 1. *h. r.* ubi habetur, quod quædam puella XII. annorum, cum juramento, desponsata fuit puero IX. vel X. annorum, & postea de voluntate parentum potius quam de sua, ut asserit, ad domum patris pueri deducta, & ibi nolens, & invita matris parentum impulsæ, per annum, & amplius morata fuit, & tandem inde recedens, ad domum patris est reverfa, dicens, quod nunquam in eum consensit, nec vult consentire: sed petit alij nubendi facultatem, prout habetur in integra lectione huius c. Quare respondet Papa Urbanus III. Archiepiscopo Pisano: cum puer nondum ad XIV. annum pervenerit, nec eam carnaliter cognoverit, si puella commonita usque ad XIV. annum pueri expectare noluerit, (si ita est,) liberam ei accipiendi alium virum tribuat facultatem.

XXI. Ubi notandum 1. major, sive pubes contrahens sponsalia cum minore, seu impubere, tenetur hunc expectare, donec veniat ad pubertatem, juxta c. *De illis* 7. *h. r.* nisi, major sive pubes metu gravi coactus contraxit cum minore, seu impubere, tunc enim non tenetur expectare: sed potest ad alias nuptias transire, ut in casu huius c. quia metus gravis, sicut impedit matrimonium ipso facto, ita & sponsalia de futuro, *Abb. hic in fine.*

Notandum 2. Et si isti duo sponsi intenderint contrahere matrimonium, tamen propter defectum legitimæ ætatis alterius, scilicet impuberis, fuerunt tantum sponsalia de futuro, juxta c. *un. h. r.* in 6. quæ tamen ob metum gravem, junctum scilicet cum minis, aut verberibus à parentibus incussum, ipso iure fuerunt invalida, *Abb. hic num. 2. & 3. h. r.*

XXII. Secundo inc. *Continebatur* 6. *h. r.* talis casus proponitur: cum quædam puella infra annos nobiles, cuidam juveni, in uxorem tradita esset, & ab ipso traducta in domum suam, postea jam nubilus licentiam alij nubendi postulavit, asserens se in eandem non consensisse. Consultus Pontifex respondit, in Decretis haberi, si vir dicat, quod uxorem suam cognoverit, idque mulier negaverit, viri standum esse veritati: idcirco prædicto viro, qui dicit, se puellam illam cognovisse, fides adhibenda est, si hoc firmaverit juramento. Si autem puella fuerit ætati (puberi) proxima, ut in XI. vel circa XII. annum: & cum

suo assensu desponsata, & cognita ab eodem viro, separari ab eodem non debet, præsertim cum parentes ipsius eam legitimæ ætatis fuisse fateantur. Si denique puella, infra nobiles annos, alicui desponsata fuit, non licet cuiquam ex consanguineis illius, cui desponsata fuit, eam ducere in uxorem, neque fas est ipsi sponso, ut ex consanguineis sponse sibi aliquam copulet.

XXIII. Pro explicatione huius c. notandum 1. si puella impubes desponsata fuit, & traducta in domum viri, eaque pubes facta, petat licentiam nubendi alteri, non auditur, si vir juret, se illam carnaliter cognovisse, quia hic erant sponsalia de futuro inita, quæ per carnalem copulam transeunt in matrimonium, c. *Is qui* 30. de *Sponsal.* Creditur autem in tali casu potius viro affirmanti ac juranti, quam mulieri neganti, c. *Si quis* 3. *caus.* 33. q. 1. ubi dicitur: si quis accepit uxorem, & habuit eam aliquo tempore, & ipsa femina dicit, quod nunquam coisset cum eo, & vir dicit, quod sic fecit, in veritate viri consistat. Nisi tamen ista præsumptione tribus rationibus. 1. quia vir est Caput mulieris, *cir. c. Si quis in fine*, habens potestatem in mulierem, & firmioris est animi, quam illa ideoque magis ei credendum est, quam mulieri. 2. quia cum matrimonium sit favorabile, pro illo fiat præsumptio. 3. quia vir fuit solus cum sola, ideo creditur cognita ab eo, *Gl. in cir. c. Si quis V. Tempore.* Creditur autem in hac re potius viro, quam mulieri, nisi hæc plene contrarium probaverit, *Gl. in cir. c. Si quis in casu.* Debet autem viro super copulâ habitâ cum uxore ad ejus domum traductâ, & cum eo habitante, juramentum deferri, quia id cedere posset in fraudem, & præjudicium mulieris, nec ea credere tenetur viro, sine juramento, *Gl. hic V. Juramento.*

Notandum 2. Juramento viri dicentis se copulam habuisse cum impubere, non est standum, ut ex viore sententia docet *Alex. de novo in hoc. n. 32. & Sanch. l. 7. de matr. disp. 104. n. 33.* contra *Abbatem* hic n. 7. Quare cum dicitur §. *Si autem* (quæ est particula adversativa continens casum diversum in iure, & in facto) puellam pubertati proximam à viro cognitam non esse ab eo separandam, id intelligi debet, quando ea copula sufficienter est probata: quando autem paulo antè ibi dicitur, standum esse juramento viri, quoad hanc copulam, id intelligendum est, si femina pubescit: unde in *cir. c. Si quis caus. 33. q. 1.* de impubere femina nulla fit mentio.

Notandum 3. Si puella nondum pubes: sed pubertati proxima, probeat cognita à viro, cui tradita est, non debet ab eo separari: censentur autem pueri, & puellæ pubertati proximi quoad matrimonium, si masculus complevit, vel excessit annum decimum cum dimidio: femina autem annum nonum cum dimidio, ut docent plures apud *Covarr. in Epit. l. 4. p. 2. c. 5. n. 5.* Vel cum distant à pubertate per sex menses, vel minus, *Gl. hic P. Proxima.* Sed verior sententia est, id relinquendum esse iudicis arbitrio, cum iure nihil sit præscriptum, *Covarr. c. l. & Sanch. cir. disp. 104. num. 40.*

Notandum 4. Ex sponsalibus contractis cum impubere: sed majore septennio, oritur impedimentum publicæ honestatis, quia major septennio potest

potest contrahere sponsalia de futuro: quamvis non possit adhuc se obligare perpetuo vinculo matrimonij, ut infra dicitur. Unde huiusmodi sponsalia impediunt matrimonium contrahendum cum consanguineis sponsi, & sponsæ, ut habetur in fine huius c. & ibi *Gl. in Notatis*: Olim quidem usque ad quartum gradum: quod hodie à Tridentino est restrictum ad primum gradum, de quo infra.

XXIV. Tertiò in c. *Attestatione*, 10. h. 1. Cum juvenis H, qui nondum XII. annum attigerat, mulierem G. in uxorem accepisset, licet natus fuisset eam cotrumpere, prout uterque confessus est: mulier tamen credit se virginem mansisse. Verùm ipse antequam ad annum XIV. pervenisset, à dicta muliere recessit, quem cum jam XVII. (vel iuxta *Gl. Margin.* XVIII.) annos haberet, eadem pro viro sibi vendicare contendit. Consulens Pontifex Urbanus III. respondet, nisi mulier per idoneos testes probaverit, quòd post XIV. annum ætatis suæ, vel circa finem anni XJV. dictus juvenis in eam consenserit, iuramento ab ipso recepto, quòd postquam ad legitimam ætatem pervenit, illam habere uxorem noluerit, possit, ac debeat ab imperitione mulieris absolvi, datà utrique licentià ad alias nuptias transgredi.

XXV. Notandum 1. Etsi natus seu conatus ad copulam faciat præsumere potentiam ad illam, per conatum tamen copulæ sponsalia per verba de presenti inter impuberes, vel pberem, & impuberem contrahuntur, quæ ex Iuris interpretatione intelliguntur sponsalia de futuro, licet quoad verba sint de presenti, non transeunt in matrimonium, ob defectum legitimæ ætatis. Unde impubes, qui per verba consensum conjugalem experimentia contraxit, etsi sæpius nixus fuerit sponfam carnaliter cognoscere, sed irritò conatu, potest, adveniente pubertate, à sponsalibus resiliire, ut colligitur ex *c. Attestationes*, h. 1. Covarr. in *Epit. lib. 4. Decret. p. 1. c. 4. §. 1. n. 20*. Ratio est, quia ad contrahendum matrimonium requiritur in contrahentibus potentia coeundi, & discretio intellectus, ad præstandum consensum, quæ regulariter non adlunt extra pubertatem, quia conatus non habens effectum nihil operatur, c. *fin. supra de sponsal. Gl. hic V. Nisus*.

Notandum 2. Quamvis natus seu conatus ad copulam non faciat sponsalia transire in matrimonium, cum effectum non habuerit, ut dictum, inducit tamen præsumptionem, quòd circa finem anni XIV. iste juvenis, quando jam proximus erat pubertati, fuerit potens ad generandum, quia ante illam ætatem fuit nixus ad copulam, ideoque Papa hic jubet inquiri, an consenserit in uxorem circa finem XIV. anni. Nam cessante præsumptione orta ex nullo copulæ, non sufficisset consensus præstitus circa finem anni XIV. quia quando non constat de potentia coeundi, expectari debet pubertas completa XIV. annorum, *Abb. hic n. 7*.

Notandum 3. Ideo in casu huius c. delatum fuit iuramentum inveni, quia erat præsumptio contra illum pro muliere, constabat enim, quòd cum illà contraxerit, & quòd attentaverit carnalem copulam, *Gl. hic V. Ab ipso iuramento*.

Notandum 4. Si impubes factus pubes velit

à sponsalibus resiliire, etiam alteri concedenda est licentia transeundi ad alia vota, prout habetur in fine huius c. *Abb. hic n. 6*.

§. VI.

Proponuntur, & explicantur alia Capitula huius Tituli, in quibus agitur de desponsationibus impuberum.

XXVI. Præter tria §. precedente explicata Capitula, quartò in c. *Duo pueri*, 12. h. 1. talis casus proponitur: Duo impuberes, Guilielmus, & Guilielma matrimonialiter sunt conjuncti (id est, sponsalia contraxerunt, ut matrimonio iungantur, adveniente legitimæ ætate, *Gl. hic V. Matrimonialiter*) dum puer sextum, puella verò septimum annum ageret: qui cum per tres annos simul mansissent, pater puellæ ipsam alteri M. nomine copulavit, qui post septem annos eandem reliquit, credens eam alium vitum (Guilielmum, scilicet, cui prius fuit desponsata,) habere: iste verò postquam ad annos discretionis pervenit, ab Episcopo cum alia contrahendi licentiam impetravit, & quandam nomine S. Consobrinam prioris in uxorem accepit (quam habere non potuit, *Gl. hic V. In uxorem*) & cum ea per aliquod tempus existens, negavit se eam carnaliter cognovisse, licet ipsa contrarium assereret; postea verò pater Guilielmæ, videns eam à priore viro relictam, Guilielmum, cui prius eam desponsaverat, compulsi, ut S. nepte suâ dimissâ, rediret ad Guilielmam, cui postea per biennium cohabitavit. Consulens super hac re Pontifex Clemens III. respondet, matrimonium inter Guilielmum, & Guilielmam non fuisse, ob impedimentum puerilis ætatis: & licet idem Guilelmus, postquam ipsa alij nupsit, poterit aliam ducere in uxorem: non debere tamen cum S. Consobrina Guilielmæ, si ve eam cognoverit, si ve non, remanere, propter publicæ honestatis iustitiam, nec ad primam redire, quippe alteri legitimè copulatam. Cum verò Guilielmus dicat, se non cognovisse S. Consobrinam Guilielmæ, aliam si voluerit, poterit ducere in uxorem, & ipsa S. alij viro copulari: utrique tamen propter populi scandalum, pœnitentia est injungenda. Si verò constaret, ipsam S. à Guilielmo si ve post, si ve ante cognitam fuisse, neuri, vivente alterâ, licet matrimonium contrahere. Denique Guilielma remanere debet cum viro M. impositâ ei competenti pœnitentiâ, quòd propriâ temeritate iudicio Ecclesiæ non requisito, Guilielmam dimiserit.

XXVII. Notandum 1. Sponsalia contrahuntur cum impubere minore septennio, per cohabitationem mutuum post septem annos, convalescunt, & inducunt iustitiam publicæ honestatis, prout habetur in summa huius c. Ratio est, quia quamvis ante septennium impuberes non possint contrahere sponsalia, possunt tamen post septennium, unde sponsalia ante septennium contrahuntur de facto, sed non de jure, post septennium incipiunt valere: quia

ex cohabitatione tam diuturna præsumitur sponſos habuiſſeratam prioreni promiſſionem ſponſalium, licet ea ab initio non valuerint: & oritur ex huiusmodi ſponſalibus publicæ honeſtatis juſtitia, quia per cohabitationem, poſt ſeptennium, præſumitur de novo mutus conſenſus præſtitus inter ſponſos. *Vivian. in ration. Jur. Pontific. hic.* Verùm cum hodie ſponſalia inter puerum ſexennem, & puellam nondum ſeptennem, ſunt invalida, non oritur ex illis impedimentum publicæ honeſtatis, juxta *Concil. Trident. eſſe. 24. c. 3. de reform. matr.*

Notandum 2. Per matrimonium per verba de præſenti contractum poſtea ſuperveniens cum alio, vel alia diſſolvuntur priora ſponſalia, ante pubertatem contracta, ut in propoſito, Guilielmus non poteſt redire ad primam ſcilicet Guilielmam, quippe quæ alteri legitime fuit copulata, nempe viro Martino per matrimonium, quod tanquam fortius vinculum diſſolvit ſponſalia priora inita cum Guilielmo, aliàs verò non contraxit legitime matrimonium cum Martino, quia non debuit fidem frangere alteri priùs datam, *Gl. hic V. Legitimè.*

Notandum 3. Si conſtet, quòd Guilielmus mulierem S. cognoverit, neutri licet, vivente altero, tranſire ad aliud matrimonium: nam quavis tale matrimonium cum alià teneat, quia inter Guilielmum, & Guilielmam non fuit matrimonium: prohibentur tamen ulterius carnaliter conjungi, propter delictum utriuſque, *Gl. hic V. Neutri.*

Notandum 4. Quando in hoc c. in fine, pœnitentia imponitur ei, qui judicio Eccleſiæ irrequiſito, Guilielmam dimiſit, & in c. 1. *Cauſ. 33. q. 2.* puniuntur Conjuges, qui abſque Eccleſiæ auctoritate ſeparantur, ſermo eſt, non de ſponſalibus, ſed de matrimonio per verba de præſenti contracto, à quo alter conjux, abſque cauſa, receſſerat, quæ pœna nulli eſt inferenda, niſi per Indicem Eccleſiaſticum, *Gl. fin. hic V. Sanch. l. 1. diſ. 69. n. 11.*

XXVIII. Quintò in c. ad diſſolvendum 13.

h. 1. habetur, quòd quidam Ioannes nomine, contraxit matrimonium cum puella quadam S. nomine, infra ſeptennium conſtituta: poſtea verò ex parte puellæ accuſabatur matrimonium, propter impedimentum conſanguinitatis, & dum teſtes producerent ad illam probandam, dicens Ioannes multas exceptiones propoſuit, per quas intendebat accuſatores ab accuſatione repellere. Conſultus Pontifex Innocentius III. reſcribit: Inter juvenem illum, & puellam nec matrimonium, nec ſponſalia fuiſſe contracta, cum conſteret puellam nondum ad ſeptimum annum perveniſſe: idèòque accuſationem matrimonij locum habere non potuiſſe, cum non eſſet, quod legitime accuſari poſſet. Denunciari tamen poterat conſanguinitas, ut interdiceretur matrimonium contrahendum. Unde Papa terminum ad denuntiationem legitime probandam ſtatuit, ſalvis exceptionibus propoſitis, & proponendis. Ne verò quicquam in puellam interim attentetur, prohibet idem Pontifex, & ſiquid contra hoc interdictum attentatum fuerit, irritum decernit.

XXIX. Notandum 1. Non poteſt accuſari matrimonium, quod nondum eſt, ut ſi cum minore

ſeptennio ſit contractum, quia primò debet exiſtere in rerum natura id de quo agitur, *Gl. hic V. Legitimè accuſari*: & accuſatio non habet locum, niſi ſuper crimine jam perpetrato, *Innoc. hic in princ. & matrimonium nullum, ex defectu conſenſus accuſari non poteſt, Abb. hic n. 3.* Denunciari tamen poteſt impedimentum conſanguinitatis, ne matrimonium contrahatur, quia denunciatio habet locum, non tantùm ſuper criminibus perpetratis, ſed etiam ſuper perpetrandis, ut caueantur, *Innocent hic V. Denunciari.*

Notandum 2. Sponſalia inita contra interdictum Pontificis, cum decreto irritante, eſſi generali, nec faciente mentionem ſponſalium, ſunt invalida, ut ſi Pontifex ex juſta cauſa prohibeat duobus, ne ſponſalia de futuro inter ſe contrahant, decernens irritum, ſiquid contra actum fuerit. Matrimonium verò adverſus ſimplicem prohibitionem Pontificiam initum, nimirum abſque decreto irritante, eſt validum, quia multa prohibentur, quæ tamen facta tenent, c. *Ad Apoſtolicam 16. de regular.* Prohibito autem iſta eſt nuda, & ſimplex, ideo non eſt, cur dicatur rem tam arduam, ac eſt matrimonium, tunc irritari, ſed ſeparabuntur ad tempus Conjuges, c. 2. *De matr. contract. contr. interd. Eccleſiæ.* niſi addatur clauſula ſpecificam mentionem irritationis matrimonij faciens. Tunc enim eſt invalidum, alioquin fortius eſt matrimonium, quod eſt Juris naturalis, quàm interdictum Papæ, *Gl. hic V. Irritum in fine, & ſic intelligi debet, quod dicitur in fine hujus c. ibi: quod ſi contra interdictum noſtrum (ideſt, Papæ) in præjudicium ipſius, aliquid fuerit attentatum, id irritum eſſe decernimus &c.* de quo plura videri poſſunt apud Abbates, *hic n. 9. & Sanch. c. l. n. 11. & 12.*

XXX. Sexrò denique in c. *Tue 14. & ult. h. t.* reſertur, quòd quidam filiam ſuam circiter duodennem deſponſavit cuidam nobili, qui eandem ſubarchavit (per immiſſionem annuli) accedente mutuo conſenſu: quæ poſtea alteri copulata fuit, ut habetur in integra lectione hujus cap. Sed quia non conſtitit Papæ, cujus ætatis eſſet puella, quando eidem viro fuit deſponſata, cum dicatur, quòd circiter XII. annos habeat, & an prudentia tunc ſuppleret ætatem: ideo reſpondet idem Papa, ſi puella non erat nubilis ætatis, cum prædictus vir eandem deſponſaret, & ſi ætatem in ea prudentia non ſupplebat, inter eos non conjugium, ſed ſponſalia contracta fuiſſe, quamvis à viro fuerit ſubarchata.

XXXI. Ubi notandum 1. Si matrimonium per verba de præſenti contractum inter virum, & puellam, quæ nondum eſt in ætate nubili, & in qua prudentia (aut malitia) non ſupplet ætatem, non eſt matrimonium, ſed vim ſolùm habet ſponſalium de futuro, etiamſi vir ei artham dederit, prout habetur in *cir. c. Ult. h. t. Gl. hic V. Nubilis.* Ratio eſt, quia ante annos pubertatis, vel antequam malitia ſuppleat ætatem, non eſt quis aptus ad matrimonium contrahendum, ut infra dicetur.

Notandum 2. Matrimonium fœminæ, cui modicum tempus ad XII. annum completum deſicit, eſt invalidum, tum ob defectum potentiz ad copulam carnalem, tum ob defectum diſcretionis requiſitæ

quisitæ ad consensum conjugalem, nisi malitia suppleat ætatem, *Barb. in Collect. hic. n. 3.* Quando autem prudentia, ut hic dicitur, aut malitia suppleat ætatem, infra dicitur.

Notandum 3. Subarratio v.g. per immisionem annuli in digitum sponsæ, non inducit matrimonium; si illa necdum sit in ætate nubili, *Abb. hic n. 4.* & colligitur ex hoc cap.

§. VII.

De ætate requisita ad matrimonium contrahendum, & de pubertate, & quando malitia suppleat ætatem?

XXXII. Queritur 1. Quæ ætas requiratur ad matrimonium contrahendum? Resp. ætas legitima ad contrahendum matrimonium est pubertas, live annus XIV. in masculo, & XII. in femina completus, prout sumitur ex c. *Ubi non est. 2. h. r.* Ubi Nicolaus Papa districtius inhihet, ne aliqui, quorum uterque, vel alter ad ætatem legibus, vel Canonibus determinatam non pervenerit, conjungantur. (scilicet matrimonialiter, *Gl. ibid. v. Conjungantur*) nisi forte urgentissima aliqua necessitate interveniente, utpote pro bono pacis, talis conjunctio toleretur. Ubi *Gl. v. Canonibus.* ait, ætas ad matrimonium contrahendum, tam secundum leges, quam secundum Canones, est XII. annorum in femina. c. *Continebatur. 6. h. r.* in viro XIV. annorum, c. *Attestationes. 10. eod. Covarr. in Epist. lib. 4. p. 2. c. 5. n. 2. Abb. n. 5.*

XXXIII. Pro declaratione notandum 1. duplex est intellectus, seu expositio hujus cap. 1. quod hic prohibeantur sponsalia de futuro, ante septennium, imò etiam post illud, ante pubertatem, idque ne contra bonum commune matrimonialis impediantur, nam quando uterque, vel alter est impubes, & sponsalia contrahunt, oritur inde publicæ honestatis justitia, c. *Un. h. r. in 6.* Cum autem sponsi puberes facti sæpe, mutatâ voluntate, à sponsalibus resiliant, impeditur sponsus contrahere matrimonium cum sponsæ consanguineis, & hæc cum consanguineis sponsi, c. *Sponsam. 8. De sponsal. & ex tali dissolutione plerumque discordiæ, & rixæ oriuntur, ut docent plures apud. Sanch. l. 1. dis. 17. n. 2.* Verùm huic expositioni obstat; quia in hoc cap. prohibetur, ne aliqui, quorum uterque, vel alter ad ætatem legibus, vel Canonibus determinatam non pervenerit, conjungantur, nulla autem conjunctio, seu obligatio, esse potest, si duo infantes, seu minores septennium, vel alter sponsalia contrahant, quippe nulla ex defectu consensus, c. *Un. h. r. in 6.* Tum quia, vel pueri, ante septennium, sunt usu rationis destituti, & sunt culpæ expertes, adeoque non peccant contrahendo sponsalia, & nihil prorsus agunt; vel adest usus rationis, ante septennium, & tunc adest legitima ætas requisita ad sponsalia, *Abb. hic in fine. Sanch. cit. dis. 17. n. 4.* Tum quia sponsalia etiam post septennium, sed ante pubertatem, inita, non sunt conjunctio propriè, sed potius conjunctionis futuræ promissio c. *Nostrates. 3. caus. 30. q. 5.*

Tomus IV.

Notandum 2. Alter ergo, & verior intellectus, seu expositio *cir. c. 2. h. r.* est, quod in eo prohibetur tantum conjunctio matrimonialis, ne scilicet matrimonium contrahant, si ambo, vel alter nondum pervenerunt ad ætatem legibus, vel Canonibus præfixitam; hoc est, ante XII. annum exactum in femina; & decimum quartum similiter exactum in masculo, ut supra dictum, cum *Gl. hic v. Canonibus, juxta. l. Minorem. 4. ff. de ritu nupt. Navarr. in man. Prelat. c. 22. n. 29.* & alij communiter. Rationem hujus prohibitionis dat *Sagn. hic num. 11.* Quia cum minores apti ad matrimonium obligentur ex contractu matrimonij, c. *De illis 9. h. r.* Plerumque autem incertum sit, an ad matrimonium sint apti, necnè, hoc est, an malitia suppleat ætatem, idque ex habitu corporis, vel alijs signis facillè cognosci nequeat, hinc sæpe contingit, ut alter conjugum pœnitentiâ ductus, prætextu invaliditatis resiliat à matrimonio, & cum alia contrahat. Ideo merito Papa hic districtè id prohibet, adeo ut sit culpa lethalis matrimonium contrahere ante ætatem legitimam, seu pubertatem completam, sine causa urgentissima, ut pro bono pacis; potest tamen Episcopus dispensare, ut impuberes matrimonio copulentur, & ad illum spectat cognitio, an adfit causa justa, ut matrimonium inean, prout habetur in *fine cit. c. 2. h. r.* Videlicet quando sunt prope legitimam ætatem, seu pubertatem, ut dubium sit, an malitia eam suppleat; valèque talis dispensatio pro ntroque foro, *Sanch. l. 7. de marr. dis. 104. n. 12. Barb. in Collect. in cir. c. 2. n. 5. & de offic. Episc. alleg. 35. n. 20.* ubi addit, cum in *cir. c. 2.* S. Pontifex dispensationem sibi non reservavit, videretur tacite illam Episcopis concessisse.

XXXIV. Queritur 2. Qui dicuntur, & sunt puberes quoad matrimonium contrahendum? Resp. de hoc agitur in c. *Puberes. 3. h. r.* ubi, dicitur: puberes à pube sunt vocati, id est, à pudentia, seu pudore corporis, quia hæc loca primò latinè dicunt. Quidam tamen ex annis pubertatem æstimant, id est, illum puberem dicunt, qui XIV. annos implevit, quamvis tardius pubescat. Certum autem est eum puberem esse, qui ex habitu corporis pubertatem ostendit, & generare jam potest. Et puerperæ sunt, ac dicuntur, quæ in annis puerilibus pariunt.

XXXV. Notandum 1. In matrimonio contrahendo, non debet præcari tempus annorum, sed an contrahens sit talis, qui generare, vel concipere possit, tam in masculo, quam in femina, ut constat ex hoc c. & ibi *Gl. in casu.*

Notandum 2. Prohibetur ante pubertatem carnalis conjunctio inter conjuges, ne postea dubitetur de valore matrimonij, propter malitiam, quæ fortè aderat, & suppleat ætatem poterat, *Abb. in cir. c. 2. h. r. in fine. & Covarr. in Epist. lib. 4. Decret. p. 2. c. 5. n. 2.* Hæc tamen ætas, scilicet pubertas à Canonibus definitur, quia tunc præsumitur quishabilis ad copulam, & ad consensum conjugalem præstandum, ut colligitur ex *cir. c. Puberes h. r. Covarr. c. 1.*

Notandum 3. Matrimonium etiam ante pubertatem initum, est validum, si adfit potentia generandi, & discretio rationis ad se obligandum,

H

Covarr.

Covarr. c. 1. In dubio tamen ante ætatem pubertatis completam, nec mas, nec fœmina præsumuntur apti ad generandum, ideòque asserenti hanc aptitudinem incurabit onus probandi, quia præsumptio stat contra ipsum: ac verò post completam pubertatem, præsumitur adesse potentia generandi, ac proinde qui eam negat, probare tenetur: quamvis hæc præsumptio sit iuris tantum, contra quam admittitur probatio in contrarium, *Sanch. l. 7. de matr. disp. 104. n. 4.*

Notandum 4. Matrimonium contractum à pubere, seu majore XIV. annis, etsi tunc nondum possit cum fœmina carnaliter commisceri, nec generare, nihilominus est validum, ut docet *Silvest. V. Matrimonium §. 9. 7. Covarr. cit. c. 5. n. 1. & alij D. D. communiter*, quam sententiam etiam *Abb. in cit. c. Puberes in fine* æquiores vocat, contra *Gl. V. Tardissimè*. Ratio est, quia cum ætas legitima adsit, & de nullo perpetuo impedimento constet, matrimonium tenet, aliàs sequeretur, quòd impotens ad copulam, propter infirmitatem corporis, non posset matrimonium contrahere, quod falsum est. Quare talis expectare debet usque ad plenam pubertatem, quæ est XVIII. annorum, quâ adveniente, si generare non possit, & mulier insit, ut matrimonium dissolvatur, illud dissolvi potest, quia tunc præsumeretur esse impedimentum perpetuum, *Silvest. c. 1. l.* Vel saltem expectandum est tanto tempore, ex quo colligi possit, talem esse inhabilem ad carnalem copulam, sive non ex debili ætate, sed ex frigidityte, sive naturâ ipsâ esse omnino impotentem ad coeundum, *Covarr. c. 1.*

Notandum 5. Quando in fine hujus c. dicitur: puerperæ sunt, quæ in annis puerilibus pariunt, id non est receptum apud latinos iurisconsultos, nam juxta *l. Illa verba. 163. ff. de V. S. fœminæ puerperæ appellatur*, recentes ex partu, *Covarr. cit. loc.*

XXXVI. Queritur 3. Quomodo, & quando malitia suppleat ætatem quoad contrahendum matrimonium? Resp. Validum est matrimonium contractum ante legitimam ætatem, si malitia suppleat ætatem, nisi violentia intercedat, prout statuitur in *c. De illis 9. h. t.* Ubi Papa Alexander III. rescibit: Si illi, qui in minore ætate desponsantur, ita fuerint ætati (id est, pubertati) proximi, ut potuerint copulâ carnali conjungi, non debent, minoris ætatis intuitu, separari, si unus in alterum consenserit, cum in eis malitia ætatem supplevisse videatur. Verùm cujuscunque sint æta-

tis, possunt se per illatam violentiam excusare, nisi postea consensus accedat.

XXXVII. Pro explicatione hujus c. notandum 1. nomine malitiæ communiter intelliguntur DD. non tantum aptitudinem ad copulam conjugalem, seu potentiam generandi, sed etiam prudentiam, ut vocatur in *c. fin. h. t.* Id est, discretionem, & judicium rationis sufficiens ad cognoscendum statum conjugalem, ejusque perpetuum, ac indissolubile vinculum: unde etiam in *c. Continebatur. 6. h. t.* ponderatur non tantum copula, sed etiam ætas pubertati proxima, ergo sola copula non est sufficiens: atque ita hæc duo copulativè requiruntur ad valorem matrimonij, ante ætatem legitimam, *Abb. h. n. 4.* ubi ait, si incipiat à primo, id est, proximitate pubertatis, necessariò requiritur secundum, quia non sufficit sola propinquitas ætatis, sed etiam malitia est necessaria, quæ hic exponitur, vigor naturalis, seu potentia coeundi, *Silvest. V. Matrimonium §. 9. 2. Covarr. cit. c. 5. n. 3.*

Notandum 2. Ut malitia suppleat ætatem, adeoque validum sit matrimonium, ante ætatem jure præscriptam, initum, non requiritur, ut carnalis conjunctio antea præcellerit, sed sufficit aptitudo ad copulam, sive potentia generandi, quæ ex alijs signis probari potest, & sufficiens discretio ad se obligandum, prout sumitur ex hoc cap. ibi: *Si ita fuerint ætati proximi, ut carnali copulâ conjungi possint, separari non debent*, *Abb. c. l. Sanch. l. 7. cit. disp. 104. n. 5. & n. 21.* Ratio est, quia ideo Jus eam ætatem præscribit, quia præsumit tunc pueros, & non antea esse præditos, & sufficiente iudicio ad matrimonium contrahendum, & potentia generandi; si ergo utrumque hoc adesse constet, cessat præsumptio, & cedit veritati.

Notandum 3. Metus, & violentia in quacunque ætate incussus, reddit matrimonium ipso jure nullum, quia tollit libertatem consensûs, ut habetur in fine hujus cap. dummodo sit talis metus, aut violentia, quæ possit cadere in virum constantem, *c. Veniens 15. de sponsal.* Veruntamen potest consensus matrimonialis per matrimonium, aut vim extortus purgari per supervenientem liberum consensum, ita ut valideretur matrimonium prius metu, aut vi contractum, sive ille consensus sit expressus, sive tacitus, seu præsumptus, ut si talis violentiam passa alteri patenter cohabitaret, vel si carnalis copula subsequatur, *Gl.*

fin. h. t.

TITULUS III.

DE CLANDESTINA DESPONSATIONE.

I.

Quia matrimonia, & sponsalia quandoque contrahuntur palam, & publice, quandoque clandestinè, ideo subiicitur his Titulus. Nomen autem despensationis hic sumitur pro ipso matrimonio, &

Conjux. 9. c. Qui desponsatam. 12. caus. 27. q. 2. & Tit. nos. 16. supra de sponsal. Quamvis propriè loquendo, nomine despensationis intelligantur tantum sponsalia de futuro, *l. Sufficit. 4. ff. de sponsal.* Matrimonium verò clandestinum dicitur, quod clam contrahitur, quod dupliciter fieri potest, vel quis contractum

tractum est, nullis testibus presentibus, vel quia contractum est, nullis præmissis denuntiacionibus, etiam nullâ interveniente dispensatione, c. *Ult. h. r. & Gl. ibid. V. Clandestina*. Ubi additur tertius modus clandestinæ desponsationis, sive matrimonij, si contrahatur sine adhibitis solemnitatibus, quæ recensentur in c. 1. *Caus. 30 q. 5*. Quod rectius matrimonium minus solemne appellatur, quàm clandestinum, nec ad hunc Titulum pertinet. De matrimonio priore modo sumpto priùs agemus, de altero postea.

§. I.

An matrimonia clandestina lure antiquo non solum fuerint prohibita, sed etiam invalida, & qua ratione potuerint lure novo ab Ecclesia irritari?

II. ASSERTIO 1. Matrimonia clam sine parochio, & testibus, contracta, semper quidem fuerant ab Ecclesia graviter prohibita, adeoque ex genere suo mortaliter illicita, sed ante Concilium Tridentinum fuerunt valida. Est certa, & communis DD. sententia, post *S. Thom. in supplem. 3. p. q. 45. art. 5*. Prima pars, quòd semper fuerint illicita, patet ex multis Canonibus, præsertim ex c. *Nullus 1. caus. 30. q. 5*. Ubi Hormisdus Papa statuit, ut nullus fidelis conjugumque conditionis sit, occulte nuptias faciat, sed publicè nubat. Ratio est, quia etiam olim gravia pericula, & damna inde provenire solebant, *Sanch. l. 3. de matr. disp. 3. n. 1*. Secunda pars, quòd olim fuerint valida, constat ex c. *h. r. ubi dicitur, si contrahentes clandestina matrimonia ea volunt in Ecclesia publicari, recipienda sunt, & comprobanda, ergo tunc valida erant huiusmodi matrimonia*. Unde etiam Concilium Tridentinum *sess. 24. c. 1. de reform. matrim.* anathemate damnat eos, qui clandestina matrimonia vera, ac rata esse negant, quamdiu Ecclesia ea irrita non facit. Ratio est, quia spectato ipso jure naturali, ac Divino, matrimonium clandestinum per se non est illicitum, sed solum per-accidens, propter scandala, & occasiones peccandi, quæ tamen interdum abesse, & vitari possunt, *Leym. l. 5. r. 10. p. 2. c. 4. n. 1*. Confirmatur, quia in matrimonio clandestino reperitur tota essentia legitimi contractus de presenti, quamdiu is non irritatur, & solum deficit extrinseca, & accidentalis solemnitas publicitatis, ergo est validum, *Sanch. cit. disp. 3. n. 2*. Sunt tamen plures casus, in quibus, ante Concilium Tridentinum, & nunc etiam ubi decretum illud non est promulgatum, potest contrahi matrimonium, etiam clam sine testibus, *Covarr. in 4. Decret. p. 2. c. 6. n. 7*. Quorum quinque recenset *Tanner. tom. 4. disp. 8. de matrim. q. 3. dub. 6. n. 111. 1*. Si possint per matrimonium clandestinum evadere subitum periculum mortis. 2. si qui per testium adhibicionem à matrimonio contrahendo iniquè impediuntur. 3. Si expectando testes, magnam opportunitatem contrahendi matrimonium essent amissuri. 4. Si sine gravi damno clam con-

trahere non possint, ut si virgo sub tutoris potestate constituta merito timeat se tradendam viro pravo, vel aliis indigno ab iniquo tutore. 5. Si post matrimonium semel publicè contractum, sed invalidè ob interveniens impedimentum, post impetratam dispensationem denuo clam contrahatur, de quo infra. Ratio est, quia huiusmodi leges affirmativæ non ita strictè obligant, quin licitum sit ab eis recedere ob urgentem necessitatem, vel aliam justam causam, dummodo alia graviora incommoda vitentur, de quibus infra.

III. ASSERTIO 2. Jure novo Concilij Tridentini *cir. c. 1. de reform. matr.* huiusmodi matrimonia clam inita sine parochio, & testibus, declarantur penitus nulla, & irrita, his verbis: *Qui aliter, quàm præsentè Parocho, vel alio Sacerdote, de ipsius Parochi, seu Ordinarij licentia, & duobus, vel tribus testibus, matrimonium contrahere attentabunt, eos Sancta Synodus ad sic contrahendum matrimonium omnino inhabiles reddit, & huiusmodi contractus irritos, & nullos esse decernit, prout eos præsentì decreto irritos facit, & annullat*. Causæ autem, ob quas irritata sunt huiusmodi matrimonia, sunt 1. quia matrimonium clandestinum adversatur fidei illius, facillè enim posset alteruter conjux alij committeri, absque eo, quòd adulterij notam subiret. Item adversatur indissolubilitati matrimonij, sæpe enim evenerat, ut v. g. vir, relicta primâ uxore, cum qua clam contraxerat, palam cum alia contraheret, & cum eâ in perpetuo adulterio viveret, & usque ad mortem in statu damnationis permaneret. Adversatur etiam bono proli, quam maritus facillè negare posset esse suam, cum uxor matrimonium, quippe clam sine testibus initum probare non posset. 2. Irritavit matrimonia clandestina Ecclesia, quia plerumque contrahentes habent impedimenta quædam, quæ matrimonio publicè contracto detegerentur, & sic plurima matrimonia irrita contraherentur. 3. Quia multa inde discordiæ inter contrahentes, eorumque consanguineos oriebantur, *Sanch. cit. disp. 3. n. 5*. Cum igitur his, & alijs gravibus peccatis, & incommodis, quæ ex talibus matrimonijs clandestinis sequebantur, Ecclesia, quæ de occultis non judicat, per simplicem prohibitionem sufficienter occurrere non posset, merito ab Ecclesia sunt irritata, *Sanch. l. 3. de matrim. disp. 3. n. 5*.

IV. ASSERTIO 3. Potest Ecclesia irritare matrimonium clandestinum initum sine parochio, & testibus, & defecto irritavit, etiam quatenus Sacramentum est, non quidem per se, ac directè, & immediatè, sed indirectè, ac per accidens, & mediatè, annullando contractum humanum, seu civilem, unde consequenter irritum redditur ipsum Sacramentum, *Sanch. l. 3. de matrim. disp. 4. n. 6. Coning. disp. 27. de matr. clandest. dub. 1. Leym. cit. c. 4. n. 2*. Probatur, & declaratur, quia Ecclesia non potest quidem mutare materiam, & formam Sacramenti matrimonij à Christo institutam, efficiendo, ut id, quod antea erat legitima materia, vel forma, sine sui immutatione, fiat illegitima, & insufficiens, hoc enim esset directè, ac per se immutare essentiam Sacramenti, quod Ecclesia non potest, ut infra dicetur; potest tamen immutare, & destruire id, quod

antea erat materia, vel forma, nempe ipsum contractum, in quo fundatur Sacramentum, quod est solum per accidens, ac indirectè mutare, vel potius impedire Sacramentum: sicut si quis vinum physicè omnino corrumpat, infundendo aquam, non erit jam materia Sacramenti Eucharistiae, quoad alteram speciem: ita etiam Ecclesia mutavit, & infirmavit contractum civilem matrimonij clandestini, & consequenter etiam sustulit rationem Sacramenti, quippe quod ex Christi institutione fundatur in contractu valido, seu legitimo. Nam cum quævis Respubl. Civilis, seu politica possit certas quasdam personas, v. g. minores, vel prodigos, ad contrahendum reddere inhabiles; sicut et contractus aliquos v. g. professionem Religionis ante annum XVI. vel ultimas voluntates certâ solemnitate carentes irritare, ita ut sint ipso jure invalidi: sic similiter etiam poterit eos Respublica Ecclesiastica, qui clam, & sine parcho, & testibus matrimonium contrahere attemptant, inhabiles reddere ad ita contrahendum; & quia matrimonium non tantum est Sacramentum, sed etiam contractus civilis, qui tamen propter annexam Sacramenti rationem subiacet potestati Ecclesiae, & ab ea est reservatus, ideo etiam potuit Ecclesia, propter justam causam, & publicam utilitatem animarum, quasdam conditiones in illo contractum requirere, sine quibus non sit validus, nec censetur legitimus contractus, adeoque nec materia, vel forma legitima Sacramenti matrimonij, & consequenter etiam potuit ejusmodi clandestinum matrimonium prorsus infirmare, *Sanch. cit. disp. 4. n. 4. Laym. c. l.* Itaque Ecclesia non potuit quidem statuere, ut supposito, quoddam personæ habiles contraxerint matrimonium, & contractus sit validus, ac sufficiens ad mutuum corporum traditionem, ipsum Sacramentum matrimonij sit invalidum; posuit tamen destruere fundamentum, statuendo, ut contractus humanus, ac civilis non sit legitimus, & sufficiens ad corporum traditionem, nisi contrahatur coram parcho, & duobus, vel tribus testibus, qui si desint, indirectè, & consequenter etiam irritum redditur ipsum Sacramentum matrimonij, *Sanch. cit. disp. 4. n. 6. in fine.* Neque verò Ecclesia facit, ut consensus legitimus non sit sufficiens ad valorem matrimonij, sed solum ut consensus aliter præstitus à contrahentibus, non sit, nec censetur legitimus, quia ob annexam Sacramenti rationem est subiectus dispositioni Ecclesiae, ut supra dictum.

V. Ex dictis inferunt, quamvis per verba mutui consensus, per quæ, ante Concil. Trident. constituebatur matrimonium, nunc non constituatur, si absente parcho, & duobus testibus proferantur; non tamen absolute dicendum est, materiam, & formam essentialem, quæ antea ad matrimonium sufficiebant, nunc non sufficere, quia certum est, Ecclesiam non posse mutare materiam, & formam Sacramentorum, ut constat ex Concil. Trident. *sess. 21. de Communione c. 2.* ubi dicitur, quod Ecclesia in Sacramentorum dispensatione nihil statuere, & mutare possit, nisi salvâ illorum substantiâ: itaque dicendum potius est, materiam, & formam Sacramenti matrimonij esse mutuum consensum contrahentium, verbis, vel signis expres-

sus, qui sufficiens sit ad contractum validum celebrandum, per quem mutua corporum sit traditio. Porro valor hujus contractus pendet ex modo contrahendi, qui ab Ecclesia potest præscribi, & mutari, & ideo fieri potest, ut quidam modus contrahendi uno tempore sit sufficiens ad materiam, & formam matrimonij, & alio tempore non sit legitima materia, & forma: unde non mutatur propriè, & formaliter materia, & forma, sed solum materialiter, & remotè, nempe quia ob mutationem factam talis modus contrahendi desinit esse legitima materia, & forma. Sic contingit in matrimonio, in quo verba illa, *Ego accipio te in uxorem meam, vel accipio te in maritum meum*, si tantum materialiter sumantur, nunquam faciunt legitimam materiam, & formam matrimonij, ut constat ex eo, quia si proferrentur à furiosis, seu amentibus, vel sine interno consensu, non forent legitima materia, & forma; sunt tamen forma, & materia sumpta propriè, & formaliter, quatenus significant validum, & sufficientem consensum ad mutuum corporum traditionem. Quando igitur Ecclesia facit, sicut potest, ut hac verba prolata, absente parcho, & testibus, non continent sufficientem consensum ad validam traditionem corporum, non mutat propriè, & formaliter materiam, & formam Sacramenti matrimonij, sed tantum materialiter, & remotè, quia verba illa, quæ ante Concil. Trident. prolata sufficiebant ad sufficientem consensum, & quæ nunc sufficiunt, sunt eadem formaliter, id est, in quantum continent sufficientem consensum, licet materialiter sint diversa: nam ante Concilium Tridentinum clam prolata sufficiebant: post illud verò non, nisi coram parcho, & testibus sint prolata, *Sanch. c. l. n. 7.*

VI. *ASSERTIO 4.* Ubi prædictum Decretum Concilij Tridentini promulgatum est, etiam qui invincibiliter illud ignorant, invalidè contrahunt matrimonium, sine parcho, & testibus, quia lex irritans actum obligat etiam ignorantes, quoad nullitatem actus, licet non afficiat quoad alias pœnas extrinsecas, ut docet *Sanch. l. 3. de matr. disp. 17. n. 10.* & alij apud ipsum. Nam quando inhabilitas statuitur in odium contrahentium, & ad eos puniendos, tunc ea est pœna, & non afficit, seu ligat invincibiliter ignorantes, quia tales culpa vacant: secus est, quando annullatur actus, ob defectum debitæ solemnitatis, quia traditur certa forma, & solemnitas ad faciendum actum, tunc enim talis inhabilitas, & annullatio actus non est pœna, quia non infertur, ob delictum puniendum, & quamvis contrahens esset immunis culpæ, ignorans invincibiliter, talem actum esse prohibitum, adhuc actus esset nullus, ut constat, ergo non est pœna, quia ubi non est delictum, seu culpa, non est locus pœnæ, *Sanch. c. l. n. 11. & disp. 4. n. 9. eod. libr. 3.*

VII. Præterea irritum est matrimonium etiam in articulo mortis, aut in quacunque alia necessitate contractum, absque præsentem parcho, & testibus, quia deest forma substantialis ad valorem matrimonij per legem præscripta, quâ deficiente, actus nequit subsistere, ut patet ex decreto Concilij, ubi dicitur, *matrimonium aliter fieri non posse, quàm præsentem parcho, & testibus*, & sic præscribitur forma substantialis, & aliter contractum redditur irritum.

ritum. Item ibi contrahentes redduntur omnino inhabiles, id est, sine ulla exceptione, ac dispensatione, *Sanch. cit. dif. 17. n. 4.* Aliud est de lege Ecclesiastica merè præceptiva, quæ inducit tantum solemnitatem extrinsecam, & accidentalem contrahenti, tunc enim non redditur invalidum matrimonium: & solum præceptum Ecclesiasticum, quod non inducit solemnitatem substantialem, non obligat tanto rigore, ut matrimonium reddat invalidum, *Sanch. cit. dif. 17. n. 5.*

Denique neque validum est matrimonium, si publicè celebretur, præsentè majore parte viciniorum, desit tamen parochus, quia forma substantialis nec per æquipollens impleri potest, sed specificè, ac propriè implenda est. Deinde cum matrimonium sit Sacramentum, ritè celebrari debet coram proprio Pastore, vel de ejus licentia coram alio, *Sanch. cit. l. n. 7.*

VIII. Cæterum quod dictum est matrimonium sine parochis, & testibus contractum esse invalidum, id limitandum est, nisi matrimonium semel in facie Ecclesiæ contractum fuerit, sed invalidè, ob occultum impedimentum dirimens: hoc enim postea sublato, non est necessarium, ut putatitij conjuges, iterum coram parochis, & testibus contrahant, sed sufficit, ut consensu prioris nullitatis, occultè renouent mutuum consensum, sive verbis, sive affectu conjugali habendo copulam, sive alio quovis signo erga se invicem eum exprimente, ut docet *Sanch. l. 2. de marr. dif. 37. n. 3.* Probat, quia ratio legis, sive Decreti Concilij Tridentini nunquam se extendit ad hunc casum, & per consequens neque lex ipsa: secundum mentem enim Concilij irritatur solum illud matrimonium clandestinum, quod non potest probari contractum esse in facie Ecclesiæ, & ex quo apta sunt sequi gravia incommoda. At istud matrimonium, de quo agimus, non est tale, ergo ex mente Concilij non est clandestinum, nec irritum. Id verò procedit, si impedimentum occultum fuerit: nam si in facie Ecclesiæ sit publicum, seu notorium impedimentum: vel si periculum sit, ne in facie Ecclesiæ, seu foro externo aliquando innotescat, necesse est, ut tales conjuges, sublato impedimento, iterum coram Parochis, & testibus matrimonium contrahant, quia cum tunc constet ipsis illud in foro Ecclesiæ esse nullum, non essent testes valoris, sed nullitatis matrimonij, *Sanch. cit. l. n. 10. & 11.* Apud quem plura de hoc videri possunt.

§. II.

An etiamnum in locis, ubi decretum hoc Concilij Tridentini non est receptum, aut promulgatum, matrimonia clandestina sive valida?

IX. ASSERTIO I. Si matrimonia clandestina etiamnum contrahantur ab incolis in ijs locis, sive Catholicorum, sive hæreticorum, in quibus dictum Decretum non est receptum, vel nunquam promulgatum, ea valida sunt, quia ipsum Conci-

lium *cit. sess. 24. c. 1. de reform. marr. in fine*, decernit, ut hujusmodi decretum robur non habeat in unaquaque parochia, nisi post XXX. dies à die primæ publicationis in eadem Ecclesia factæ, numerandos. Quid si legitime publicatum sit, lex non recepta, saltem per X. annos, non obligat: peccabunt tamen clam contrahentes, sicut etiam peccassent, si ante Concil. Trident. clam contraxissent, quia hujusmodi matrimonia semper fuerunt illicita, *Sanch. l. 3. de marr. dif. 18. n. 1.*

X. ASSERTIO 2. Peregrini transeuntes per locum, ubi servatur Decretum Concilij Tridentini, invalidè contrahunt matrimonium, sine parochis, ac testibus, quamvis in loco domicilij illud decretum non sit receptum, *Sanch. l. 3. cit. dif. 18. n. 26.* Ratio est; quia peregrini, saltem quod solemnitatem contractuum, tenentur ad leges eorum locorum, per quæ transeunt, cum ratione contractus sortiantur forum, & ult. de foro compet. *Sanch. cit. dif. 18. n. 10.* Nam ea est in unoquoque loco substantialis forma contractus, quæ pro illo præscribitur, si ergo in aliquo contractu non servetur forma eo loco præscripta, non subsistit contractus.

XI. ASSERTIO 3. Is, qui ex loco, ubi decretum Concilij est receptum, transfert se ad locum, in quo non est receptum, animo figendi illic domicilium, potest validè ibidem contrahere matrimonium, sine præsentia parochi, ac testium, sit enim illius loci incolæ, adeoque non attingitur amplius legibus prioris domicilij. Imò etiam validè probabile est, valere matrimonium, si quis ad tempus tantum se conferat ad locum, ubi decretum Tridentinum non est receptum, etiam si ex intentione clandestinè contrahendi matrimonium, id fiat, *Sanch. l. 3. dif. 18. n. 18. & 28. & seq.* Ratio est, quia talis non obligatur legibus sui territorij, si in eo non versetur. Et si in alijs contractibus (nisi lex aliqua particularis obstat) potest quis professus ex loco domicilij ad alium locum, cum intentione inveniendi contractum venditionis v. g. juxta formam ibidem requisitam: cur non possit etiam conferre se aliud, ex intentione contrahendi matrimonium, juxta formam ad ejus valorem in eo loco præscriptam, cum nulla etiam lex obstat. Neque verò fraudem committere dicendus est, qui jure suo utitur, *l. nullus 35. ff. de R. J.* Nam quamvis peccet in eo, quod discedat ex intentione contrahendi clandestinè matrimonium, cum hoc sit peccatum, etiam ubi Concilium Tridentinum non est receptum; non tamen peccat in eo, vel agit fraudulenter, quod intendat negligere formam Concilij Tridentini in eo loco, in quo non est necessaria ad valorem matrimonij.

XII. Ex dictis inferitur 1. etiam Christianos captivos apud Turcas, vel commercij causâ degeneres apud infideles, posse validè in illis terris contrahere matrimonium, non servatâ formâ Concilij Tridentini, etiam si hoc in loco domicilij sit promulgatum, & receptum, adeoque sine parochis, & testibus: non enim decretum illud obligat, nisi in loco, & parochia, in qua fuerat promulgatum, quæ conditio in talibus locis deficit, *Sanch. l. 3. de marr. dif. 18. n. 35.* ubi addit, id procedere, si ibi contrahentes sint permanentes, sive per modum transitus. Unde et-

iam si duo infideles ibi baptizarentur, possent contrahere matrimonium absq; parochis, & testibus, quia id decretum ibi non obligat. Infertur 2. In Clivitiis, & locis Germaniz, in quibus Catholici cum hæreticis permixti vivunt, & decretum Concilij non est promulgatum, v. g. in Saxonia, valide contrahere Catholicos matrimonium, sine parochis, & testibus. Imò etiam si prædictum decretum sit promulgatum in aliquo loco hæretico, si tamen nullus ad sit Sacerdos Catholicus, vel ignoretur, vel non sit tutus ad illum accessus, valide cum Prædicante, vel etiam sine Prædicante, matrimonium contrahi poterit, cum in his locis, ac tali rerum statu decretum Concilij Tridentini servari non possit. Sicut etiam in locis, ubi Concilium Trident. non est promulgatum, & hæretici cum Catholicis permixti vivunt, valida erunt matrimonia, sine vero pastore, celebrata, propter tacitam dispensationem S. Pontificis, quicquid ejusmodi matrimonia contrahi, non contradicit, nec irrita declarat: ideòque non est existimandum velle Pontificem, ut decretum Concilij Tridentini ad hujusmodi matrimonia clandestina se extendat, ne multa gravia incommoda inde oriantur, Laym. l. 1. tit. 10. p. 2. c. 4. h. 7. Tanner. cit. dif. 8. q. 3. dub. 6. n. 122.

Infertur 3. multò magis matrimonia infidelium degentium in Terris Christianorum, in quibus viget Decretum Concilij Tridentini, contrahenda, sine parochis, & testibus, valida esse, quia lex Concilij est merè Ecclesiastica, & ut talis recepta à Principibus Christianis: infideles autem, cum sint omnino extra Ecclesiam, non subijciuntur legibus Ecclesiasticis, juxta illud Apostoli 1. ad Corinth. Quid mihi est de his, qui foris sunt, judicare. Sanch. l. 3. dif. 17. num. 8.

§. III.

Virum necessarium sit ad valorem matrimonii, ut assistat proprius utriusque contrahentis parochus, & intra propriam parochiam, & qualis presentia parochi, ac testium requiratur?

XIII. ASSERTIO I. Quando sponsus, & sponsa sunt diversæ parochiæ, ad valorem matrimonij sufficit, si assistat illi proprius parochus alterutrius, sponsi scilicet, vel sponsæ, in cujus parochia nuptiæ celebrantur, ut si in parochia sponsi contrahatur matrimonium, sufficit, ut assistat parochus sponsi, & si in parochia sponsæ, parochus sponsæ. Sanch. l. 3. de matr. dif. 19. n. 4. Probatur, quia quamvis in alijs Sacramentis parochus unius contrahentis non sit parochus alterius contrahentis, tamen quantum ad matrimonium, parochus unius contrahentis est parochus utriusque, quia matrimonium non nisi inter duos potest consistere, & est unum Sacramentum, unumque contrahens individuus, ita ut ab uno, sine altero, initi non possit, ergo eo

ipso quòd quis est parochus constitutus, ad matrimonialiter conjungendum unum conjugem, est etiam constitutus ad conjungendum alterum parochiæ necessariam connexionem. Confirmatur, quia generaliter loquendo, re concessa, ea quoque concessa censentur, quæ ad illam obtinendam sunt necessaria, l. 2. ff. de jurisdict. Omn. Jud. ubi dicitur: Cui jurisdictio data est, ea quoque concessa videntur, sine quibus jurisdictio explicari non potuit, & c. præterea §. ibi: quia ex eo, quòd causa sibi committitur, super omnibus, quæ ad causam ipsam spectare noscuntur, plenariam recipit potestatem, de offic. & potest. Jud. deleg. Quando ergo committitur proprio parochis, ut matrimonio jungat suum parochianum, censetur etiam commissum, ut alienum, sive non subditum cum suo conjugat, quia hæc necessariò sunt connexa, Sanch. c. l. & alij Canonistæ, & Theologi communiter.

XIV. Porro prædictis addendum 1. Si parochus proprius alterutrius contrahentis assistat matrimonio, illud validum est, etiam si in parochia alterutrius sibi non subditi celebretur. Ut si v. g. parochus Petri contrahentis matrimonium cum cive Anna, ei assistat in parochia Annæ, cujus non est parochus, valet matrimonium, Sanch. cit. dif. 19. n. 11. Ratio est, quia Concil. Trident. solum exigit proprii parochi præsentiam, qui jurisdictionem voluntariam, qualis est assistere matrimonio, illudque approbare, etiam extra propriam parochiam, exercere potest, quia non exigit causæ cognitionem.

XV. Addendum 2. Validum est matrimonium, cui parochus alterius, vel utriusque contrahentis assistit, quamvis in neutrius parochia, sed in aliena parochia, vel etiam diocesi matrimonium celebretur, ut si v. g. civis Dilinganus cum cive Lavingana contrahat matrimonium Donavverde, vel etiam extra Diocesim Augustanam Ingolstadtij, præsentem tamen parochis Dilingano, vel Lavingano, validum est matrimonium, Sanch. cit. dif. 19. n. 14. Ratio est, quia Concilium Tridentinum tantum requirit proprii parochi præsentiam, sive sponsi, sive sponsæ: & cum hæc præsentia, sive assistentia non sit actus jurisdictionis saltem fori contentiosi, cum judiciali strepitu, & causæ cognitione, neque etiam sit solemnitas, quæ cum exteriore pompa, ac strepitu fiat, potest præstari, & adhiberi, saltem valide, respectu subditi, seu parochiani extra parochiam, vel etiam Diocesim: sicut etiam juxta probabilior sententiam, potest parochus, audire confessiones suorum parochianorum, extra parochiam, vel etiam Diocesim, quia est actus tantum jurisdictionis voluntariæ, non contentiosæ, ergo etiam potest illos matrimonio conjungere.

XVI. Sed jam hic ulterius queritur, an si proprius parochus assistat matrimonio, extra parochiam, absque licentia Ordinarij, vel parochi loci, peccet, & puniendus sit? Negat peccare, cessante scandalo, Sanch. c. l. n. 18. Quia assistere matrimonio est minus quid, quam actus jurisdictionis voluntariæ, qui in aliena parochia exerceri potest. Sed probabilior est, peccare, & puniri posse, si solemniter, & publicè assistat matrimonio in aliena parochia, sine licentia parochi, quia involat in alienum

nam officium publicum in re gravi. Unde nec benedicere potest parochus sponfos suos in aliena parochia, quod minus videtur, quam conjungere, *Sanch. c. l. n. 17.*

XVII. ASSERTIO. 2. Parochus validè assistit matrimonio, etsi Sacerdos non sit; non tamen potest alteri, quàm Sacerdoti, licentiam assistendi dare, *Sanch. l. 3. de matr. dis. 20. n. 3. & 10.* Probatur ex verbis Concilij Tridentini *cit. c. 1.* ubi non requiritur, ut parochus sit Sacerdos, sicut expressè requiritur in alio, qui de licentia parochi assistit matrimonio. Neque etiam ex fine Constitutionis, sive Decreti hujus id requiritur, cum parochus etiam non Sacerdos possit omnia exercere, quæ non dependent à potestate Ordinis, ut colligitur ex *c. Suffraganeis. 11. & c. Transmissam. 15. de Elect.* Adeoque potest etiam matrimonio assistere ad fidem faciendam de eo contracto. Sed quia exigitur testimonium fide dignum, ideo requisivit Concilium in assistente matrimonio dignitatem parochialem, ut tantò magis fides ei adhiberetur, quæ dignitas cum deficiat in non parcho, voluit eam supplere per dignitatem Sacerdotalem in substituto. Nec refert, quòd Concilium dicat: *Qui aliter, quàm præsentè parcho, vel alio Sacerdote, de ipsius parochi licentia &c.* Nam sensus est, quòd matrimonium contrahi debeat coram parcho, vel alio quodam potestatem habente ab Ordinario, vel parcho, dummodo Sacerdos sit. Nec inde sequitur, parochum quoque debere esse Sacerdotem: nam præterquam, quòd particula *Alius* non semper refert personam ejusdem qualitatis, ut patet ex illo *Luc. c. 23.* Ducebantur & alij duo nequam cum eo. Concilium tamen ita locutum fuit, quia communiter parochi Sacerdotes esse solent. Vox autem Sacerdos respicit solum substitutum, in quo requiritur qualitas Sacerdotij, ut per hoc suppleatur conditio, seu qualitas parochi, qui in eo deest. Similiter in *c. Omnis. 12. de penit. & remiss.* decernitur, neminem posse alteri Sacerdoti confiteri, sine licentia proprii Sacerdotis: & tamen DD. communiter aiunt, talem licentiam à quocunque parcho, vel proprio pastore dari posse, etsi Sacerdos non sit: ergo etiam parochus poterit dare alteri licentiam assistendi matrimonio, etsi ipse Sacerdos non sit, *Sanch. c. l. n. 3.*

Porro non potest parochus, sive Sacerdos sit, sive non, dare licentiam Clerico non Sacerdoti, etiam si Diaconus sit, vel Subdiaconus, assistendi matrimonio, quia verba secundum communem significationem, & usum verborum accipienda sunt; nomine autè Sacerdotis intelligitur verus Presbyter, *Sanch. cit. dis. 20. n. 10.* Ubi addit, quòd parochus potest concedere hanc licentiam simplici Sacerdoti etiam non approbato ab Ordinario, quia hanc approbationem requirit Concil. Trident. *sess. 23. c. 15. de reform.* solum pro Confessionibus audiendis.

XVIII. ASSERTIO 3. Parochus, etiam excommunicatus non toleratus, id est, nominatim denunciatus, vel notorius percussor Clerici, item suspensus ab officio, & beneficio, vel irregularis, vel administratione interdictus, validè assistit matrimonio, & alteri licentiam assistendi dare potest, modò aqualiter non sit depositus, sed titulum, & possessionem beneficii retineat, *Sanch. l. 3. de matr. dis. 23.*

n. 4. Ratio est, quia talis non definit esse parochus verus, quamdiu non privatur possessione beneficii, nam assistere matrimonio non est actus jurisdictionis, vel administrationis, cum etiam ab invito, & repugnante validè præstari possit, sed est actus testimonij ex Juris dispositione requisitus ad valorem matrimonij, *Laym. l. 5. tit. 10. p. 2. c. 4. n. 5.* Qui tamen putat, sicut & *Coning dis. 27. de Sacram. dub. 2. n. 25.* quòd excommunicatus, si toleratus non sit, non possit alteri Sacerdoti dare licentiam assistendi, nec validè, nec licitè, quia videtur esse actus jurisdictionis voluntarie dare alteri licentiam, per quam aliqui in inhabilis fiat idoneus ad actus valorem. Sed contrarium est probabilius, quòd docet *Sanch. c. l. n. 7.* quia dare alteri licentiam assistendi matrimonio, vel etiam ei assistere per se ipsum, non est actus jurisdictionis, quia non pertinet ad parochum, in quantum habet jurisdictionem, sed in quantum est legitimus testis matrimonij, habens facultatem substituendi alium, ubi *n. 8.* addit, quòd etiam licitè excommunicatus non toleratus, assistit matrimonio, vel alij det licentiam, & saltem mortaliter non peccet, quia nullam jurisdictionem exercet.

Illud hic addendum, quòd validè etiam assistat matrimonio parochus habens ritulum duntaxat coloratum, licet verè parochus non sit, ob occultum impedimentum, modò communiter, & vulgò credatur habere ritulum verum: quia tunc ob communem errorem, & publicum bonum Jus supplet defectum ipsius, *arg. l. Barbarius. 3. ff. de Offic. Prætor.* ita ut veram parochi in utroque foro jurisdictionem habeat: secus foret, si esset intrusus, seu positus in parochia, sine legitima Superioris auctoritate, quia talis non habet ritulum coloratum, *Sanch. cit. l. 3. dis. 22. n. 60.*

XIX. ASSERTIO 4. Probabile est, vagos, seu vagabundos (eos scilicet, qui nullibi fixam, seu constantem sedem, aut stabile domicilium habent) posse validè, ac licitè contrahere matrimonium, coram quolibet parcho, quem elegerint; probabilius tamen videtur, cum parochum debere interesse matrimonio vagorum, in cujus parochia, pro tempore, quo contrahunt, versantur. Prius docet *Sanch. l. 3. de matr. dis. 25. n. 11.* ubi hanc rationem dat, quia quisvis parochus potest vagorum confessiones audire, & Eucharistiam illis administrare, ergo & eorum matrimonio assistere. Posterius docet *Coning dis. 23. dub. 2. n. 20.* & alij, quia & probabilius est, quòd vagi non à quolibet parcho Sacramenta possint suscipere, sed solum à parcho loci, in quo pro tempore versantur, quia & illi necessarii habere debent propriam aliquem pastorem, à quo Sacramenta suscipiant, nec alius, quàm ille, congruè assignari potest.

Illud certum est, parochos non posse licitè vagabundos matrimonio conjungere, nisi factà prius diligenti inquisitione, de eorum statu, & habilitate ad contrahendum matrimonium, & obtentà Ordinarij licentià, prout præcipit Concil. Trident. *sess. 24. c. 7. de reform. matr.* Cum periculum sit, nè priore uxore alibi relicta, in loco, ubi modò sunt, aliam ducant, vel etiam plures, illà vivente. Quæ ratio etiam militat in peregrinis, seu alienigenis, qui alibi fixum domicilium habent, & contrahere volunt in loco,

loco, ubi ignoti sunt, cum quibus eadem observanda sunt, quæ cum vagis, *Sanch. cit. dif. 25. n. 8.* Quod certum est, saltem quoad diligenter inquisitionem de ijs faciendam, *Coning. c. l.* Porro illi alienigenæ, qui ad aliquem locum accedunt, non quidem animo perpetuo ibi permanendi, per plures tamen annos, vel saltem majorem anni partem ibi habitandi, ut Studiosi in Universitatibus, milites in prædijs, famuli, ac ancillæ operas annuas locantes heris, fortiuntur in eo loco quasi domicilium, & proprius eorum pastor est Parochus, in cujus parochia pro eo tempore habitant, adeoque etiam parochus loci eorum matrimonio assistere potest, *Sanch. l. 3. dif. 23. n. 12. & 13.*

XX. ASSERTIO 5. Præter Parochum, etiam proprius Episcopus in sua Diocesi, vel alius quasi Episcopali jurisdictione præditus proprium territorium habens assistere potest matrimonio, ut Abbas exemptus, Vicarius generalis Episcopi, etiam absque speciali commissione, Capitulum Cathedralis, Sede vacante, quia succedit in jurisdictione Episcopi. Item Legatus Sedis Apostolicæ in Provincia suæ legationis, ac denique S. Pontifex per totum orbem terrarum, potest fidelium matrimonio assistere, vel assistendi licentiam dare, quia hi omnes, nomine Ordinarii comprehenduntur, & sunt Parochi superiores, *Sanch. l. 3. de matr. dif. 28. n. 1. & seqq.* Archiepiscopus tamen nequit assistere matrimonio subditorum Suffraganeorum suorum, quia non est Ordinarius ipsorum, nec habet in eos jurisdictionem, nisi cum actu visitat, aut causa ad eum per appellationem est devoluta, *Sanch. c. l. n. 1.*

XXI. Illud hic addendum, Parochus Catholicus potest licite assistere matrimonio hæreticorum, qui in sua parochia degunt, ut frequenter contingit in pluribus locis Germaniæ, & docet *Laym. cit. c. 4. n. 8.* Quia id non est prohibitum ratione communicationis cum hæreticis, quia hi non sunt vitandi post Concilium Constantiense, neque in factis, neque in politicis rebus, nisi sint nominatim denunciati. Neque etiam propter irreverentiam, quæ infertur Sacramento, quod hæretici indignè suscipiant, quia parochus non est minister huius Sacramenti, sed tantum testis.

XXII. ASSERTIO 6. Parochus, & testes debent esse præsentibus matrimonio, non tantum physicè, sive corpore; sed etiam moraliter, sive animo, cum advertentia scilicet, & ulu rationis, ita ut intelligant, quid agatur, non enim censetur in Jure præsens, qui non adest more humano, intelligens, & advertens, quid agatur, *l. Coram Titio. 209. ff. de P. S.* Sufficit tamen, ut aliquo sensu advertat, quid fiat, sive visu, sive auditu, vel etiam si præsentibus intelligant per interpretem mutuum consensum, cum etiam ipsi sponsi possint per interpretem contrahere, *Sanch. libr. 3. dif. 39. n. 2. & 3.* ubi n. 4. ait, credendum esse in hoc casu dicto solius interpretis, quia non est testis, sed communi consensu contrahentium electus, ut declarat mutuum eorum consensum.

Ex dictis infertur, ea verba, *Ego vos in matrimonium conjungo &c.* Vel alia similia, quæ Concilium præcipit proferri in *cit. c. 1.* non esse de essentia matrimonij, quæ etsi parochus, vel sacerdos non

proferat, validum erit matrimonium, quia sacerdos non est minister huius Sacramenti, sed Concilium solum requirit illius præsentiam, neque ea verba sunt materia, & forma Sacramenti, *Sanch. l. 3. dif. 38. n. 4.* Sunt tamen ea verba de necessitate præcepti, quia parochus peccat ea omittens, cum Concilium utatur verbis præceptivis, & cum sit res gravis, erit peccatum mortale, Salzedo in *præf. Canon. c. 774. §. Secundo illud.* quamvis *Sanch. c. l. n. 7.* putet illa omittere esse solum culpam venialem.

XXIII. ASSERTIO 7. Non requiritur ad valorem matrimonij, ut parochus, alique testis ad id vocati, seu rogati sint; unde etiam casu interveniant, vel omnino inviti, & repugnantes inter sint, vi derenti, dummodo intelligant mutuos contrahentium consensum, validum est matrimonium. Ratio est, quia sive sponte, sive inviti inter sint, possunt æqualiter intelligere ac testari de ijs, quæ geruntur, ut colligitur ex *cit. l. Coram Titio* ibi: *Scire autem, non autem velle si debet, etiam etiam eo invito vellet sit. ff. de P. S.* Ergo dicitur aliquid coram aliquo fieri, quamvis invitatus distet, & servatur finis decreti Tridentini, cum jam Ecclesie constet de tali matrimonio, *Sanch. l. 3. dif. 39. n. 9.* Idemque est, si parochus, vel testes dolo ad aliud vocati, inter sint matrimonio, *Sanch. c. l. n. 12.*

XXIV. Præterea necessario requiritur, ut tres, vel duo saltem testes simul cum parochio inter sint matrimonio, quia Concilium Tridentinum copulativè exigit præsentiam parochi, ac testium, non tamen requirunt testes omni exceptione majores, sed sufficientes qualescunque, modo usu rationis præditi advertant, quid agatur; unde etiam impuberes, feminae, parentes, consanguinei, domestici, servi, Religiosi, excommunicati, infames, imò etiam infideles assistere matrimonio, ut testes, possunt, *Sanch. l. 3. dif. 41. n. 5.* Ratio est, quia decretum Concilij Tridentini quippe correctorium Juris antiqui, extendendum non est, præsertim cum sit irritans matrimonium, cujus causa est favorabilis, *c. Uli. de sent. & re judic.* Sicut etiam in favorem fidei ejusmodi testes admittuntur, *c. In fidei. §. de hæreticis* 6. Deinde quia testes, etsi aliquoquin inhabiles, validè tamen admittuntur ex communi contrahentium consensu. Imò etiam in alijs causis, & actibus judicialibus, validum est eorum testimonium, si à Judice, vel parte adversa non repellantur, ut colligitur ex *c. 1. de except. in 6.* Denique defectus aliorum testium supplet auctoritas Parochi, *Arg. c. Cum esset. 10. de Testam.* Ubi requiritur, ut præter Presbyterum, tres, vel duo testes legitimi, ac idonei adhibeantur in testamento: ergo cum in matrimonio contrahendo tantum requiratur præsentia parochi, & duorum, vel trium testium, & nulla alia in illis exprimat qualitas, signum est nullam aliam requiri, nisi quæ jure naturæ est necessaria ad ferendum testimonium, nempe ut usum rationis habeant, *Sanch. c. l. n. 5.* Præsentia verò, & auctoritas Parochi supplet defectum aliorum testium, si habeat librum, in quo conjugum, & testium nomina, diemque, & locum contracti matrimonij describat, prout præcipitur in Decreto Concilij Tridentini *cit. c. 1. de reform. matrim. sess. 24.* Sed tunc testes alii inhabiles sufficiunt ad plenam fidem faciendam,

faciendam, si postea lis oriatur in iudicio, an matrimonium sit validum, *Sanch. cit. disp. 41. n. 6. Laym. cit. c. 4. n. 6. in fine.*

§. IV.

An, & qua ratione denuntiationes publica precedere debeant, ante matrimonium?

XXV. De his agitur in c. cum inhibito. 3. & ult. h. t. in prin. Quod est desumptum ex Concilio generali lateranensi sub Innocentio III. ubi prohibetur matrimonium contrahi, intra quatuor contrahentium, & affinitatis gradum, juxta c. Non debet. 8. de consanguin. & affin. Licet olim fuerit prohibitum usque ad septimum gradum inclusivè, de quo infra cit. rit. 2. Inhibentur matrimonia clandestina, & prohibetur etiam, ne quis Sacerdos talibus interesse presumat. 3. generaliter statuitur, ut cum matrimonia fuerint contrahenda in Ecclesijs per Presbyteros, publicè proponantur Edicta, competenti termino præfinito, intra quem qui voluerit, & valuerit, legitimum impedimentum opponat: & ipsi Presbyteri etiam investigent, utrum aliquod impedimentum obstat. 4. Si autem aliquid rationabile obiectum fuerit contra matrimonium contrahendum, contractus interdicatur, donec quid fieri debeat, manifestè constiterit. Reliqua ad hoc cap. pertinentia infra explicabimus.

XXVI. Notandum 1. Denuntiationes, seu proclamationes sunt monitiones quædam, quæ præmittuntur matrimonio contrahendo, ut si quis impedimentum Canonicum novit inter sponsores, intra terminum competentem assignatum, illud aperiat: quamvis etiam ipse parochus debeat de tali impedimento inquirere, & indagare. Quod si probabilis conjectura afferatur de impedimento, interdicti debet matrimonium, donec de eo cognoscatur, quia ad impediendum matrimonium non requiritur plena probatio, sed sufficit verisimilis conjectura, seu presumptio, quia agitur de peccato vitando, si contraheretur matrimonium in casu prohibito, quamvis per solam conjecturam jam contractum non dissolveretur, *Hofstiens. h. v. Conjectura.*

Notandum 2. Jure antiquo, non erat præscriptum, quoties fieri debeat talis denuntiatio, ut patet ex hoc cap. Unde satis tunc fuit una denuntiatio, modo ea publicè in Ecclesijs per Presbyteros fieret, *Tanner. cit. disp. 3. q. 3. dub. 6. n. 125.* Quid verò hodie circa hoc sit statutum, infra dicitur. Restant nunc quæstiones de denuntiationibus matrimonij, quas hic proponemus, & resolvemus.

XXVII. Quæritur 1. An denuntiationes sine de essentia matrimonij, vel saltem de præcepto? Resp. Denuntiationes non sunt de essentia matrimonij, adeoque hoc validum est, etiam si nullæ denuntiationes præmittantur, vel fiant: peccant tamen lethaliter, tam parochus assistens matrimonio, quam ipsi contrahentes, si ea non sint factæ, *Sanch. l. 3. de matrim. disp. 5. n. 3.* Prior pars probatur, quia Concilium Tridentinum, c. 1. de reform. matr. sess. 24. agens

de denuntiationibus utitur solum verbis præceptivis, nec irritat matrimonium aliter factum, & infra, ubi præscribit condiciones essentialiter requisitas ad matrimonium, solius præsentia parochi, ac testium meminit. Posterior pars probatur, quia materia præcepti gravis est, sicut & finis, cum hæc denuntiationes præmittantur, ut resciri possint, an nullum inter sponsores impedimentum subit, propter quod matrimonium non subsisteret: nec refert, quamvis subinde constet nullum subesse impedimentum, quia lex non desinit obligare, etiam si ejus ratio in particulari hæc & nunc cesset, *Coning dis. 27. de Sacram. dub. 5. n. 51.* Quamvis non esset peccatum grave, si aliqua denuntiatio omitteretur, quando mortaliter certum est, nullum subesse impedimentum, *Sanch. c. l. n. 7. & Coning. c. l.*

XXVIII. Quæritur 2. Ubi quando, & quomodo fieri debeant denuntiationes? Resp. 1. Si sponsi ad diversas parochias spectent, denuntiationes in utriusque contrahentis parochia faciendæ sunt, quia Concilium dicit, à proprio contrahentibus Parocho faciendæ esse, vel de licentia ipsius ab alio, neque in vicinia sponsi possunt sciri impedimenta sponsæ, nec vice versa, *Sanch. disp. 6. n. 2. & 5.* Quamvis contraria consuetudo damnari non debeat, quæ in quibusdam locis denuntiationes istæ tantum fiunt in parochia unius sponsi, in quo celebrandæ sunt nuptiæ, *Laym. cit. c. 4. num. 10.* 2. Denuntiationes, secundum Concilium Tridentinum, debent fieri continuis tribus diebus festivis, inter quos scilicet non mediant alia festa, etsi intercedere possint, ac debeant aliquot dies proferri, quod obtrineatur finis Concilij Tridentini, qui est, ne sibi immediate succedant hæc denuntiationes, ita ut tempus non suppetat ad defendenda impedimenta; & ne tandiu etiam differantur, & interrumpantur, ac de se invicem distent, ut parochiani illorum obliviscantur, & nuptiæ nimis diu cogantur differri, *Sanch. c. l. num. 8. 3.* Debent fieri in Ecclesia inter Missarum solemnias juxta Tridentum, nihil tamen refert, etsi extra Ecclesiam, & die non festo, in quo tamen frequens sit populi concursus, hæc denuntiationes fiant, ut in prædicationibus, quia Concilium, dum præcipit eas fieri in Ecclesia, & diebus festivis, inter Missarum solemnias, solum spectare videtur frequentiam populi, ut scilicet ad multorum notitiam nuptiæ celebrandæ perveniant, quod facilius impedimenta detegantur, *Sanch. c. l. n. 9.* In qua re tamen observari potest ejusque Ecclesiæ consuetudo, *Laym. c. l. n. 10. in fine.*

XXIX. Quæritur 3. Quis possit dispensare, ut denuntiationes matrimonij omittantur, & ob quas causas? Resp. Episcopus, seu Ordinarius, ex justa causa, dispensare, & remittere potest denuntiationes, ut expressè habetur in cit. c. 1. sess. 24. de reform. matr. Etsi jure antiquo Episcopus in denuntiationibus dispensare non poterat, quia erant præceptæ in Concilio generali Lateranensi, in cuius lege Episcopus regulariter dispensare non potest, *Sanch. l. 3. disp. 7. n. 1.* Nomine autem Ordinarij hic venit etiam Vicarius generalis Episcopi, ita ut possit dispensare in denuntiationibus, etiam absque speciali delegatione Episcopi, cit. c. 1. *Sanch. c. l. n. 10.* Quamvis autem Concilium unam solam causam dispensandi recenscat, nempe quando probabilis est suspicio

matrimonium malitiosè impediri posse, si tot præcesserint denuntiationes, tunc vel una tantum denuntiatione fiat, vel saltem Parocho, & duobus, vel tribus testibus præsentibus, matrimonium celebretur: poterit tamen Ordinarius dispensare ex quavis alia causa, quæ juxta prudentem arbitrium, iusta videbitur, cum Concilium rem rotam illius prudentiæ, ac iudicio reliquerit. Tales autem causæ sunt sequentes. Veluti 1. Si denuntiationes fieri nequeant, quia contrahentes pudore suffunderentur, denuntiationibus factis, ob nimiam disparitatem, ut si valde senex ducat iuvenulam, vel prænobilis ignobilem, aut valde dives pauperem, vel è contra. 2. Si Magrates contrahant, quorum conjugia ignota esse non solent. 3. Si ex publicatione matrimonij probabiliter timeatur scandalum publicum infamiæ, damnum corporis, vel animi, ut si viventes in concubinato habeantur publicè conjuges, vel in articulo mortis constitutus ad legitimandam prolem velit ducere concubinam. 4. Quando matrimonium semel solemniter contractum postea repetitur nulum vel occultum impedimentum, ut omnes doceant. 5. Quando instat tempus Adventus, vel Quadragesimæ, quo prohibetur nuptiæ benedici, & simul periculum esset dissolutionis sponsalium aut fornicationis, si nuptiæ diutius differrentur, *Sanch. l. 3. disp. 9. n. 3. & pluribus seqq. Tanner. cit. disp. 8. q. 3. dub. 6. n. 129. & alij.* In his, & similibus casibus, si Ordinarius Diocesanus rogatus iustè neget dispensationem, vel procul absit, & periculum sit in mora, poterunt nuptiæ celebrari, omisissis denuntiationibus, *Sanch. cit. l. 3. disp. 10. n. 27. & 29.* Porro quamvis Parocho non comparat potestas dispensandi in denuntiationibus, nisi ex concessione Episcopi, ut ex communi docet *Sanch. cit. disp. 7. n. 17.* Poterit tamen in casu necessitatis per episcopiam interpretari, ac declarare, legem illam hic, & nunc non obligare, ut si in articulo mortis, concubinariis velit contrahere matrimonium cum concubina, *Tanner. cit. dub. 6. n. 132.*

XXX. Prædictis addendum 1. Si ob causam, vel per dispensationem Episcopi denuntiationes sint prætermisissæ, ante nuptias, non tamen omnino remissæ, tunc post nuptias, ante consummationem matrimonij, faciendæ sunt, ut si forè impedimentum dirimens subsistat, illud facilius detegatur: nisi Ordinarius ipse expedite judicaverit, ut prædictæ denuntiationes omnino remittantur, ut habetur in Concilio Trident. cit. c. 1. alioquin conjuges (saltem primà vice consummantes, peccabunt lethaliter, ut docet ex veriore sententia *Sanch. cit. l. 3. disp. 11. n. 3.* Ratio est, quia hi contrahentes renebantur præmittere denuntiationes, ante contractum matrimonium, sed si tunc omisissæ sunt, præmittere, ante illius consummationem, ne forè copula subsequens sit fornicaria: ergo sicut non præmittere denuntiationes, ante matrimonium, absque iusta dispensatione, est peccatum lethale, etiam si contrahentes adhibeant diligentiam, ad adit impedimentum aliquod dirimens: ita etiam erit mortale non præmittere denuntiationes, ante consummationem matrimonij, eadem adhibita diligentia, cum idem præceptum violetur. Idque procedit, non solum si primà vice consummatur matrimonium, ante denuntiationes, sed etiam si postea sæpius, quia eadem est ratio, imminet enim idem

fornicationis periculum, cum nondum adhibita sit diligentia ab Ecclesia præscripta, ut impedimentum, quæ forè latent, detegantur, *Sanch. cit. disp. 11. n. 5.*

XXXI. Addendum 2. Post factas denuntiationes, is, qui scit impedimentum etiam occultum, tenetur illud deserte, & revelare, nisi vel nihil se profuturum, vel bonâ fide contrahentibus obfuturum, aut scandalum secuturum existimet; parochus autem informatus de impedimento, debet quidem matrimonium interdicere, non tamen de impedimento potest cognoscere, sed ejus cognitio pertinet ad Ordinarium, juxta c. ult. h. t. & Concil. Trident. cit. c. 1. *Tanner. cit. dub. 6. n. 133.* Debent autem prius Conjuges secretò moneri, præsertim si impedimentum ortum habeat ex peccato oculo, ut propter tale impedimentum desistant à matrimonio contrahendo: & si non acquiescant, parocho, & per hunc, si opus sit, Ordinario impedimentum denuntiandum est, qui de eo cognoscet, *Sanch. cit. l. 3. disp. 13. n. 2. & 3. Tanner. cit. disp. 8. q. 3. dub. 6. n. 133.* Apud quos plura de denuntiationibus videri possunt. De his & matrimonijs clandestinis fusè agit *Barb. de Offic. Episcopi. alleg. 32.* An verò etiam necessariò præmittenda sit benedictio Conjugum, ante matrimonium, dicitur infra *Tit. ult. hoc. libro.*

§. VI.

De probatione matrimonii clandestini, & eius publicatione.

XXXII. De priore agitur in c. Si quis 1. h. t. quod est desumptum ex Concilio Arelatensi, ubi dicitur, quod alleganti matrimonium clandestinum incumbat onus probandi. Verba autem textus hæc sunt: si quis clam desponsaverit aliquam, & mulier, vel vir neget hujusmodi desponsationem, viro incumbit probatio. Ratio est, quia facta non præsumuntur regulariter, nisi probentur, c. Quoniam, 11. in fine de probation. ideo, dicentis seu asserenti incumbit probatio, l. 2. ff. eod. Videtur autem in hoc c. dici, quod, si vir neget desponsationem, si vel mulier, semper viro incumbat probatio, quia vir est Caput mulieris, *Gl. hic V. Viro.* Sed hoc non est verum, juxta cit. l. 2. ff. probat. Verus itaque sensus est hujus cap. si mulier negat desponsationem esse factam, vir verò affirmat, tunc viro incumbit probatio: si verò vir negat, & mulier è converso affirmat, hoc casu, mulieri probatio incumbit, quod quidem non est expressum in textu, sed subintelligendum, quia idem iudicium est quoad hoc de muliere, quod de viro, *Gl. hic V. Viro incumbit, in fine, ubi addit, & hoc verum est, & sic servatur, Abb. ibid. in casu, & alij DD. communiter.*

Verùm hodie inutilis est hæc controversia, cum ex decreto Concilij Trident. in cit. c. 1. de reformatione matr. matrimonia clandestina sint irrita, si quis dicit matrimonium clandestinum esse contractum, non debet compelli ad id probandum, quod probatum non relevat, l. Ad probationem 2. i. c. de probat. quia ideo in hoc c. admittitur probatio matrimonij clandestini, quia hoc olim erat validum, cum autem

nunc invalidum sit, inanis, & frustratoria esset talis probatio, *Fagnan. in cit. c. 1. n. 6. h. i.*

XXXIII. De posteriore, scilicet de publicatione matrimonii clandestini, agitur in *c. Quod nobis. 2. h. i.* ubi Papa Alexander III. rescribit: Si matrimonia ita occultè contrahantur, ut legitima probatio non appareat, sive haberi nequeat, contra hentes ab Ecclesia non sunt compellendi, ut simul mancant: Si tamen contrahentes ea velint publicare, recipienda sunt, & comprobanda ab Ecclesia, tanquam à principio in conspectu Ecclesie essent contracta: nisi rationabilis causa (puta iustum impedimentum consanguinitatis, vel affinitatis, vel aliud simile, *Gl. hic v. Rationabilis*) obstat. Ratio prioris partis est, quia Ecclesia, sive Ecclesiasticus Iudex non iudicat de occultis, quæ probati non possunt, *c. Erubescant. 11. dist. 32. Gl. hic v. Compellendi*, quin potius clam contrahentes ab invicem sunt separandi per Ecclesiam, eò quod Canones præsumant, nullum inter eos esse contractum legitimum matrimonium, sed potius adulterium, stuprum, vel fornicatio, juxta *c. 1. causi 30. q. 5.* Ratio posterioris partis, quod videlicet matrimonium clam contractum, si à contrahentibus postea publicetur, recipiatur, & approbetur ab Ecclesia, est, quia tunc constat Ecclesie inter eos matrimonium contractum, ideòque recipit, & approbat Ecclesia tale matrimonium, tanquam legitime probatum per confessionem partium contrahentium, *Canis. in cit. c. 2. n. 2. h. i.*

XXXIV. Pro maiore declaratione hujus c. notandum 1. Matrimonium duobus modis potest dici clandestinum, ut notat *Alexand. de Nevo hic n. 2.* Primum, quando ita est occultum, ut nullo modo probari possit. Secundò, quando est quidem occultum, ita tamen ut probari possit per testes; & hoc modo dicitur clandestinum, id est, non publicum, licet probari possit per testes, quia tot fuerunt presentes, quot sufficiunt ad probationem.

Notandum 2. Clam contrahentes matrimonium non sunt cogendi, ut simul cohabitent, & se tanquam conjuges tractent, si alter, vel uterque matrimonium neget, & alia probatio haberi non possit, *Gl. hic v. Compellendi*.

Notandum 3. Si contrahentes velint publicare matrimonium clam contractum, standum est simpliciter assertioni utriusque conjugis super matrimonio clam contracto, perinde ac si in facie Ecclesie contractum fuisset, adeò ut proles ante publicationem suscepta, pro legitima habenda sit, *Abb. hic not. 2. c. Alex. de Nevo n. 4. juxta c. Quod nobis. 9. infra. Qui filii sine legitimi*, de quo ibid. Excipi debet, nisi agatur de præjudicio alterius matrimonii publicè contracti, quia tunc non est credendum simpliciter assertioni contrahentium, nisi matrimonium clandestinum aliunde probetur, *Fagn. in cit. c. 2. n. 5. c. 7. h. i.*

Notandum 4. Publicatio matrimonii clandestini hunc effectum tribuit matrimonio, ac si ab initio in facie Ecclesie contractum fuisset, ut patet ex fine hujus cap. *Alex. de Nevo hic n. 7.* Quamvis autem spectato Jure antiquo, matrimonia clandestina sine valida, non tantum quoad DEVM, sed etiam quoad Ecclesiam, si de illis constet per confessionem

utriusque Conjugis, vel per alias legitimas probationes: hoc autem non procedit post Concil. Trident. secundum quod est invalidum, ut ex dictis patet, *Fagn. hic n. 21. c. 22.*

XXXV. Notandum 5. Illi, qui prius matrimonium clam contraxerunt, & postea cum alio, vel alia palam, sive publicè incedunt, non sunt cogendi ad prius matrimonium, sed posterius observandum, non quòd per posterius matrimonium, quod reipsa nullum est, prius fuerit dissolutum, quippe quod est validum: sed quia de priore matrimonio quippe clam inito non constat Ecclesie, propter defectum probationis, posterius verò est legitime probatum, & ideo, de qua re cognovit Iudex, de ea quoque pronuciare debet, *l. De qua re. 74. ff. de Iudic.* Unde etsi Iudex per sententiam excommunicationis velit talem coegere ad observandum posterius matrimonium invalidum, non debet ei contra conscientiam suam parere, sed potius humiliter excommunicationem sustinere, juxta *c. Inquisitioni 44. de sent. excomm.* & licet talis excommunicatus sit in foro externo, non tamen in foro interno, & coram DEO, *Canis. in cit. c. 2. n. 2. h. i.*

§. VII.

De penis matrimonii clandestini, & clam contrahentium, vel ei assistentium.

XXXVI. Quæritur 1. Quæ sint penæ ipsius matrimonii clandestini? Resp. duæ præcipuæ. Prima est, quamvis aliàs filii ex matrimonio invalido geniti, quando uterque parens, vel saltem alter bonà fide contraxit, ignorans impedimentum, sine legitimi, *c. Extensore. 14. Qui filii sine legitimi*; attamen si matrimonium illud nullum fuit clandestinum, quia omnis denunciationibus initum fuit, tum filii ex eo geniti erunt illegitimi, non obstante bonà fide parentum, ignorantium impedimentum, prout statuitur in *c. Cum inhibito. 3. c. ult. §. Siquis verò. h. e.* ubi dicitur: Siquis hujusmodi clandestina (scilicet, cet non præmissa denunciatione, publicè facta, *Gl. hic*) vel aliter interdicta conjugia inire præsumperit, in gradu prohibito, etiam ignoranter, proles sic suscepta prorsus illegitima censetur, nihil ei suffragante parentum ignorantia, cum illi raliter contrahendo, non expertes scientiæ, vel saltem affectores ignorantie videantur. Idemque est, si ambo parentes consensu impedimenti legitimi, in facie Ecclesie contra interdictum contrahere præsumant, erit enim similiter proles illegitima. Cujus ratio assignatur in textu; ideo enim geniti ex matrimonio putativo sunt legitimi, quia saltem alter patens fuit in probabili ignorantia impedimenti, ut tradunt communiter DD. *in cit. c. Extensore.* quæ ratio cessat, quando clam contrahitur matrimonium, ommissis denunciationibus, non enim est probabilis ignorantia, si omittantur ea, quæ requiruntur ad inquirendam veritatem, *Sanch. l. 3. de matr. dist. 42. n. 1.* Item ignorantia non excusatur, quia non adhibuit debitam diligentiam, inquirendo id, quod inquirere tenebatur, talis enim ignorantia

rancia est indirectè voluntaria, ut colligitur ex *cit. §. Siquis* verò, ibi: *Cum illi taliter contrahendo, affectatores ignorantie videantur, h. t.* quasi dicat, ignorantiam fuisse affectatam, & indirectè voluntariam, quia debita diligentia ad inquirendum impedimentum non est adhibita, *Sanch. cit. loc.*

Similiter si ambo parentes scient impedimentum matrimonii, licet contrahant in facie Ecclesiæ, filii ex iis geniti sunt illegitimi, *Gl. h. v. Si ambo*. quia cum isti scient, se non posse legitime contrahere, & tamen contrahant, sunt in mala fide, quia censentur publicè contrahere ad decipiendam Ecclesiam, ideo in odium ipsorum talis proles censetur illegitima, sicut si publicè contractum matrimonium non esset, *Vivian. in Ration. Iur. Pontif. h. c.*

XXXVII. Ubi præterea notandum, prædicta pœna matrimonii clandestini, ut proles sit illegitima, habet locum, non tantum, si matrimonium nullum sit, ob impedimentum consanguinitatis, vel affinitatis, sed etiam si ob aliud quodcunque impedimentum tale matrimonium sit irritum, quia in *cit. §. Siquis* verò, mentio fit de impedimento gradus prohibiti, solum exempli causâ: ratio verò ibi expressa, quod parentes affectatores ignorantie videantur, cum debitam diligentiam non adhibuerint ad inquirendum impedimentum, militat in quovis alio impedimento, *Sanch. cit. diff. 42. n. 4.* quod tamen limitandum est, ut locum habeat etiam in aliis impedimentis, saltem iis, quæ per denunciations, suapte naturâ, detegi, seu cognosci possunt: secus esse videtur de aliis, ut si v. g. matrimonium clandestinum irritum sit, propter occultum defectum consensus interni alterius contrahentis: tunc enim proles suscepta ex matrimonio clandestino putativo erit legitima, si alteruter conjux in bona fide fuit, quia tunc cessat omnino ratio *cit. §. Siquis* verò, cum hi contrahentes non possint dici affectasse ignorantiam impedimenti, quia omni diligentia adhibita, id scire non poterant, ut probabiliter docet *Sanch. cit. diff. 42. n. 5.* Sed contrarium tenet *Coning diff. 27. dub. 9. n. 77.* quia c. 2. *¶ c. pen. Qui filii sint legitimi*, privilegium legitimacionis expressè concedit illis solis, qui in facie Ecclesiæ matrimonium contraxerunt, non irem illis, qui clandestinè.

XXXVIII. Similiter non consentiunt DD. utrum matrimonium, quod coram Parocho, & testibus, non præmissis denunciationibus, initum fuit, censeri debeat clandestinè, & non in facie Ecclesiæ celebratum? *Sanch. l. 3. diff. 1. n. 7.* asserit esse clandestinum, quoad pœnas incurtendas, ut colligitur ex *cit. c. ult. §. Siquis* verò, *h. t.* ubi illud matrimonium appellatur clandestinum, cui denunciations non sunt præmissæ: à Jure autem veteri non est recedendum, nisi expressè per novum corrigatur. Sed neque hoc certum est, quod si matrimonium, temerè ommissis denunciationibus, initum, postea publicetur, & ab Ecclesia approbetur, proles ex eo nata sit legitima, ut docet *Sanch. l. 3. diff. 43. n. 4. Arg. e. Quod nobis. 9. Qui filii sint legitimi, ¶ c. 2. h. t.* Verùm in his Canonibus non agitur de matrimonio invalidè contracto, ob impedimentum dirimens. At verò in *c. ult. §. Siquis* verò, *h. t.* generaliter deciditur, & absque ulla exceptione, tales filios illegitimos esse, cum tamen illud cap. sit posteriùs conditum,

Coning cit. diff. 27. dub. 9. n. 79. Laym. l. 5. tract. 10. p. 2. c. 4. n. 16. Sed de hoc plura infra *Tit. 17.* ubi ex instituto de hoc agitur.

XXXIX. Altera pœna matrimonii clandestini est, si quis intra gradus prohibitos scienter matrimonium contrahere præsumpserit, separetur, & spe dispensationis consequendæ careat, prout decrevit Concil. Trident. *Seff. 24. c. 5. de reform. matr.* ubi etiam ratio redditur: *non enim dignus est, ut Ecclesiæ benignitatem experiatur faciliè, cuius salubria præcepta temerè contempsit.* Id verò intelligendum est, non solum quando consanguinei, vel affines scienter contrahunt matrimonium in gradu prohibito, sed etiam extendi debet ad quolibet alia impedimenta dirimentia, saltem ea, quæ per promulgationem matrimonii detegi possunt, quia quamvis hæc sit pœna, est tamen statutum in maximum animarum favorem, nempe ad vitanda matrimonia clandestina irrita, quæ passim spe dispensationis impetrandæ contraherantur, ideoque non restringenda, sed extendenda est, & quia eadem ratio supra allata militat in omni impedimento dirimente, *Sanch. l. 3. diff. 42. n. 7.*

XL. Quæritur 2. Quæ sint pœnæ contrahentium matrimonium clandestinum, & testium ei assistentium? Resp. Prima est, clandestinè contrahentes, sine Parocho, & testibus, redduntur inhabiles, non absolute ad matrimonium in eundem, sed ad sic contrahendum, id est, clandestinè, *Concil. Trident. c. 1. de reform. matr. Seff. 24. Sanch. l. 3. diff. 46. n. 2.* Secunda pœna est arbitraria, sunt enim graviter puniendi, arbitrio Episcopi, sicut præcipit Concil. Trident. *cit. c. 1. Sanch. c. l. n. 6.* Hæc autem pœna arbitraria non est imponenda contrahentibus, ommissis denunciationibus, sed tantum quando contrahitur matrimonium, sine Parocho, & absque debito testium numero, *Sanch. c. l. n. 8.* Testes verò assistentes matrimonio ab Ecclesiâ interdicti, ei auctoritatem præstando, cum peccent, condignâ pœnâ puniendi sunt, eaque arbitraria, pro culpæ qualitate, *Sanch. c. l. n. 8.*

XLI. Quæritur 3. Quæ sint pœnæ Parochi, vel alterius Sacerdotis assistentis matrimonio clandestino? De his agitur in *c. Cum inhibito. 3. ¶ ult. §. fin. h. t.* ubi ita statuitur: Si Parochus tales conjunctiones (seu matrimonia clandestina) prohibere noluerit, vel quicumq; alius Sacerdos, etiam regularis, illis interesse præsumpserit, per triennium ab officio suspendatur: gravius puniendus, si culpæ qualitas postulaverit. Iis verò, qui taliter præsumpserint copulari, etiam in gradu concessio, condigna pœnitentia iungatur. Siquis autem ad impediendum legitimum matrimonium impedimentum malitiosè objecerit, Canonice ultionem non effugiet.

XLII. Pro declaratione hujus §. notandum 1. hæc suspensio triennalis ab officio non est ipso jure lata, sed ferenda per Judicem, ut constet ex textu ibi: *suspendatur*, quod auctum, seu ministerium Judicis in futurum exigit, *Sacerdo in præf. Canon. §. Suspenditur. lib. 2. Sanch. l. 3. diff. 48. n. 2.*

Notandum 2. Præterea Concil. Trident. c. 1. §. *Nuper. Seff. 24. de reform. matr.* statuit, ut Parochus, vel alius Sacerdos, qui cum minore testium numero,

numero, quàm ibi statuto; & testes, qui sine Parocho, vel alio Sacerdote, de Ordinarii, seu Parochi licentia, his clandestinis matrimonii interfuerint, nec non ipsi contrahentes, graviter pro arbitrio Ordinarii puniantur. Unde hic jam queritur, an per hoc Decretum Concilii Tridentini sublata sit, & revocata suspensio illa triennalis? Negant plures apud *Sanch. cir. disp. 48. n. 3.* quia Tridentinum non derogat Juri antiquo, imò ait, se inhære vestigiis Concilii Lateranensis in *cir. e. ult. h. t. & in §. fin. ibid.* ultra suspensionem triennem decernit Parochum gravidum puniendum, si culpa qualitas postlaverit. Sed contrarium tenet *Sanch. ibid. n. 4.* ubi ait, cessare hodie suspensionem triennem per pœnam arbitriariam impositam à Tridentino, quia quando minor pœna imponitur novâ lege, ob idem delictum, pro quo gravior imponebatur lege antiquâ, tunc cessat pœna legis antiquæ; quod tamen nondum est sufficienter probatum. Limitat tamen id *Sanch. c. l. n. 5.* ubi ait, si propius Parochus, vel alius Sacerdos regularis, aut secularis, de ejus licentia, matrimonio valido, clandestino tamen, ob denunciations omittas, interfit, tunc habere adhuc locum pœnam suspensionis triennalis, quia Trident. Concilium de hoc nullam decrevit pœnam. Idemque statutum est in *cir. §. fin. de Parocho*, qui sciens hujusmodi matrimonium clandestinum impedire neglexerit. Aliud est, si alienus Parochus, vel quicumque alius Sacerdos, regularis, aut secularis, sine proprii Parochi licentia, interfit tali matrimonio, cum enim tale matrimonium nunc sit invalidum, ideo pœnæ olim impositæ tali matrimonio, quod erat tunc validum, non incuruntur, *Sanch. cir. disp. 48. n. 6.*

XLIII. Notandum 3. Suspendus ab officio, hoc est, ab exercitio, & officio Ordinis Clericalis, quia interfuit matrimonio clandestino, non est suspendus à beneficio, hoc est, à perceptione fructuum beneficii, quia in *cir. §. fin.* solum exprimitur, suspen-

dendum esse ab officio, hæc autem suspensiones sunt distinctæ, *Sanch. l. 3. disp. 1. n. 14.* ubi tamen addit, posse Judicem talem suspendere etiam à beneficio, si culpæ gravitas id exigeret, ut haberet etiam in *cir. §. fin.*

Notandum 4. Contrahentibus matrimonium, etsi in gradu aliis permisso, ac licito, omittis tamen denunciationibus, prout præcipitur in *cir. e. ult. h. t.* imponenda est pœnitentia, *cir. §. fin. versic. Sed hic.* Ratio est, quia quamvis hoc casu nullum addit impedimentum, ob quod tales conjungi prohibeantur, contrahunt tamen contra interdictum Ecclesiæ, & ideo puniendi sunt, quia Ecclesiæ præceptum contemplerunt contrahendo, omittis denunciationibus, *Gl. hic V. Pœnitentia.*

Notandum 5. Siquis impedimentum per calumniam, seu malitiam denunciaret, sive objiciat, ad impediendum legitimum matrimonium, is Canonice puniri debet, pro arbitrio Judicis, cum talis pœna Jure non sit expressa. Ipse tamen calumniosè denunciatus ab officio, & beneficio est suspendendus, donec se purgaverit, c. 2. de calumniator. *Gl. fin. hic.*

XLIV. Postremò illud hoc loco addendum, Episcopum non posse Parochum suspensum per triennium, quia interfuit matrimonio clandestino, absolvere, tum quia licet juxta communem opinionem, suspendus à Jure, cum hoc sibi non reservat absolutionem, possit ab Episcopo absolvi: id tamen procedit solum, quando quis à Jure suspenditur tantum indefinite, nullo designato certo termino; uti hic contingit, ubi suspensio fit per triennium, tunc enim cum Jure definitum sit tempus, Episcopus quippe inferior non potest talem suspensionem relaxare. Tum quia Constitutio *cir. e. ult. §. fin. h. t.* est desumpta ex Concilio Generali Lateranensi, in quo Episcopus, quippe inferior, dispensare non potest, *Sanch. l. 3. disp. 1. n. 2.*

T I T V L V S IV.

DE SPONSA DUORUM.

Quia interdu[m] sponsalia, sive de præsentì, sive de futuro, unus vir successivè cum duabus mulieribus contrahit, vel è contra, una mulier cum duobus viris, ideoque dubitatur, quanam præferri, vel prævalere debeant, de hoc agitur in hoc Titulo.

§. I.

Si aliqui bina sponsalia cum diversis contraxerunt, quanam sint servanda?

I.

Resp. Is, qui successivè contraxit sponsalia per verba de præsentì, sive matrimonium cum duabus, debet adhærere primæ; si verò prius contraxit sponsalia de futuro cum una, & postea per verba de præsentì cum altera, debet adhærere secundæ,

prout sumitur ex c. *Duobus. t. h. t.* ubi dicitur: Si quis dedit alicui mulieri fidem pactionis, non debet aliam ducere; si tamen aliam duxit, debet pœnitentiam agere de fide non servata, manere tamen cum illa, quam duxit (quia matrimonium tenet) non enim rescindi debet tantum Sacramentum. Si autem fecerit fidem consensûs, non licet ei aliam ducere, quòd si duxerit, dimittat illam, & adhærebit priori. Est autem fides pactionis, quando aliquis dat mulieri fidem, seu promittit, quòd eam ducet uxorem, si permiserit ipsum rem secum habere, vel etiam pro consensu. Fides autem consensûs est, quando etsi non stringit matrimonium (mulieris, ipsam subarrhando, *Hosios. hic*)

„ corde tamen, & ore consentit ducere, & mutuo se concedunt, ac suscipiunt. Idem habetur in c. ult. caus. 27. q. 2.

II. Notandum 1. Si bina sponsalia per verba de presenti inita sint cum duobus mulieribus, vel duobus viris, certum est priora esse valida, posteriora vero invalida, ut constat ex hoc c. & c. pen. *suprà de sponsal.* & ibi dictum, quia vir non poterat cum alia contrahere, & si de facto contraxit, separari debet ab altera, ne in adulterio persistat, & redire ad primam, quæ vera uxor est. Si verò quis prius contraxit sponsalia per verba de futuro cum una, & postea per verba de presenti cum alia, posteriora tenent, quia cum matrimonium sit fortius vinculum, per illud subsequens, si validè sit contractum, dissolvuntur priora sponsalia de futuro, c. *Sicut. 22. de sponsal.* Debet tamen ei, qui secundò contraxit matrimonium, pœnitentia injungi, ob fidem violatam cum priore, cum qua sponsalia de futuro prius inijs, c. 1. h. t. & cit. c. *Sicut.*

Notandum 2. Quæ sit differentia inter fidem pactionis, & fidem consensûs: nam fides pactionis significat sponsalia de futuro, sive promissionem de matrimonio contrahendo: fides consensûs significat sponsalia de presenti, hoc est, quando mutuo consensu matrimonialis utrinque intercedit, *Gl. hic V. Si permiserit. in fine. Alex. de Novo hic n. 3.* ubi ait, ad hoc quotidie allegari istum rextum. Et quidem, si quis post fidem pactionis datam, postea interponat fidem consensûs cum altera, matrimonium cum ea ineundo, non priori, sed posteriori adhærere debet, ut per se patet.

Notandum 3. In sponsalibus de futuro, si quis promittat, aliquam accipere in uxorem, hac conditione, si permiserit se rem, hoc est, carnalem copulam, secum habere: talis conditio, si intelligatur de fornicario coitu, seu copulâ, est turpis, & ideo debet haberi pro non adjectâ, ut docet *Gl. hic V. Si permiserit.* In dubio verò debet intelligi de coitu, seu copulâ licitâ, & legitimâ, & sic censetur tacitè infesse, & subintelligi, quia in dubio non præsumitur delictum, *Arg. c. ult. de presump. Alex. de Novo hic n. 9. & 10.*

Notandum 4. Quod in fine hujus cap. dicitur de consensu præstando corde, & ore, id non debet ita intelligi, quasi præter consensum, qui ad substantiam matrimonii requiritur c. ult. h. t. necessariò etiam debeant intervenire verba; nam sine verbis, sive ex parte viri, sive mulieris intervenientibus, etiam alijs signis, potest contrahi matrimonium, ut dictum Tir. 1. Unde si vir dicat mulieri, *volo te habere in meam uxorem*, & in signum consensûs osculeris me; & mulier ipsum osculetur, contractum est inter eos matrimonium, *Alex. de Novo hic n. 2.*

§. II.

An sponsalia de presenti dissolvantur per sequens matrimonium consummatum?

III. Resp. Sponsalia de presenti, sive matrimonium prius contractum, sed non consummatum

non dissolvitur per subsequens matrimonium, etiam si per carnalem copulam, sit consummatum, prout statuitur in c. *Licet. 3. h. t.* ubi Papa Alexander III. rescribit: Si inter virum, & mulierem legitimus consensus interveniat de presenti, & unus alterum mutuo consensu verbis consuevis expresso recipiat, utroque dicente: *Ego te accipio in meam*, & *ego te accipio in meum*, sive juramentum sit interpolitum, sive non, non licebit mulieri alteri nubere (adeoque neque viro aliam ducere, & quia quoad hoc uterque conjux pari jure censetur.) Et si nupserit, etiam si carnalis copula secuta fuerit, separari debet, & ut ad primum redeat, per Ecclesiasticam censuram compelli: quamvis aliter à quibuscumque Antecessoribus nostris sit aliquando judicatum. Ratio autem, cur matrimonium primum ratum prævaleat, & præferendum sit secundo, etiam per carnalem copulam consummato, est, quia cum vi primi matrimonii, dominium corporis ad potentiam copulæ, sive quoad carnalem copulam petendam sit translatum in uxorem, non potest vir, qui jam non est dominus sui corporis, illud transferre in aliam uxorem in ordine ad eandem copulam, *Fagn. in c. Si inter. 31. n. 7. de sponsalibus.* ubi addit, & sic non obstat regula tradita in l. *Quoniam. 15. C. de rei vindic.* ubi ille præfertur, quoad dominium, cui res prius est tradita, licet alteri prius sit vendita, vel alio titulo acquisita: nam hic traditio prius facta est per primum matrimonium.

IV. Sed hic jam quaeritur, quomodo intelligendum sit, quod in fine hujus cap. dicitur, *licet aliquando aliter à prædecessoribus nostris fuerit judicatum*, nempe posterius matrimonium carnali copulâ consummatum esse præferendum priori matrimonio non consummato, cujus contrarium decidit hic Alexander III. Verùm Romani illi Pontifices non ita judicârunt, generalem Canonem, seu legem de hac re condendo, ac proinde nihil definiverunt, sed tantum in particulari facto opinionem suam protulerunt, quæ vim legis universalis non obtinebat, ut notat Covarr. in libr. 4. *Decret. p. 2. c. 7. §. 3. num. 5. Sanch. l. 2. de matr. disp. 14. n. 4.*

V. Præterea huc pertinet, quod statutum habetur in c. *Tuas. 5. & ult. h. t.* ubi refertur, quodd olim in Ecclesiâ Mutinensi obtinuit consuetudo, ut si quis jurâisset se aliquam ducturum, & citra carnalis copulam illam sibi desponsâisset, & postea aliam etiam desponsâisset, eamque cognovisset, ut primò cognita ei adjudicaretur, non quæ prius erat desponsata. Consultus Pontifex Innocentius III. rescribit, observandum esse, quod S. Petri Sedes, & Metropolis illius Ecclesiæ sequitur, ac docet: videlicet postquam inter legitimas personas consensus de presenti intervenit (qui si solus defuerit, cætera etiam cum ipso coitu, frustra fiunt) si illæ personæ cum alijs postea de facto contrahant, quod prius de jure factum fuerat, non poterit irritari.

Hinc patet, qui duas per verba de presenti desponsavit, prius desponsatam, etiam nondum cognitam, habebit in uxorem, quamvis secundam prius carnaliter cognoverit, non obstante contrariâ consuetudine, quæ non valet, *Abb. hic n. 1.* Ratio prioris est, quia cum prima per legitimum consensum

sum fuit contractum indissolubile vinculum matrimonii, etiam sine carnali copula, nuptias enim non concubitus, sed consensus facit, l. 30. ff. de R. I. ideo non potuit primâ vivente, cum alia matrimonium contrahere, c. 1. de sponsal. etiam si secundam prius cognoverit, quia carnalis copula, sine legitimo consensu, non facit legitimum matrimonium, cit. c. 1. de sponsal. Vivian. in Ration. Jur. Pontif. hic. Ratio posterioris est, quia cum matrimonium lege naturali, & Divinâ sit introducum, & firmatum, dicente Christo, quod *DEVS conjunxit, homo non sepat*: Juris autem naturali, seu Divino nulla lex, aut consuetudo potest præjudicare, vel derogare, c. fin. de consuet. ideo nulla etiam consuetudo potest tollere primum matrimonium verum, & semel legitime initum, & inducere secundum, Hostiens. hic in princ. Sanch. l. 7. de matrim. dis. 4. n. 2. Addit tamen Hostiens. hic, quoddam consuetudine approbata per Papam potest inducere impedimentum Canonicum dirimens matrimonium, impediendo consensum contrahentis, & annullando contractum matrimoniale, de quo videri potest Sanch. cit. dis. 4. n. 11.

VI. Querunt hic DD. an Papa possit condere legem, ut matrimonium ratum, & non consummatum dirimatur per subsequens matrimonium carnali copulâ consummatum. Et verius videtur, non posse, quia primum conjugium, etiam ratum, & non consummatum, & Divinâ & naturali lege præfertur secundo etiam consummatum, nec per hoc illud dissolvi potest, Covarr. cit. c. 7. §. 3. n. 5. Sanch. l. 2. de matr. dis. 14. n. 4. Addit tamen Covarr. c. l. quoddam ratione hujusmodi consuetudinis, quæ vigeat ante Constitutionem c. ult. h. t. vi cuius matrimonia secunda carnali copulâ consummata præferbantur primis non consummatas, poterant eam secuti excusari à pœna in foro externo, & à peccato coram Deo, in foro conscientie, ob probabilem, & invincibilem ignorantiam.

VII. Illud hic addendum, si quis accepit illam in uxorem, quam alter sibi prius desponsaverat (per verba de presenti) debet illam dimittere, quia nunquam potest ipsi fieri legitima uxor. Et per XL. dies in pane, & aqua (quod Carenam vocant) ac septem annis sequentibus pœniteat, prout ut statutum fuit in c. Accepisti. 2. h. t.

VIII. Ubi notandum 1. Contrahens matrimonium cum desponsata alteri per verba de presenti, non potest illam unquam in uxorem habere, secus si fuisset sponsa de futuro, tunc enim valuisset matrimonium cum secunda contractum, Abb. hic n. 2. Ratio autem, cur non possit iste, post mortem primi viri, illam ducere in uxorem, est, quia daretur illi occasio machinandi mortem priori marito, ideo & in pœnam etiam proprii delicti, prohibetur, ne talis possit unquam illam ducere in uxorem, quam de factis ita temerariè, & contra jus ausus est ducere, Vivian. hic.

Verum ut contrahens matrimonium cum desponsata alteri per verba de presenti, omnino inhabilis fiat ad ducendam illam, etiam post mortem primi viri, duo requiruntur. Primum necesse est, ut sciat illam esse uxorem alterius, vel saltem alteri desponsatam per verba de presenti, aliâ non peccat, sed posset eam ducere post mortem primi viri, c. 1. de eo,

qui duxit in matrim. Secundò requiritur, ut ipsam cognoverit, vivente adhuc primo viro, c. ult. eod. Abb. hic in fine, & Alex. de Novo n. 3. & sic debet intelligi, quando hic dicitur: quod nunquam amplius eam habere possit in uxorem, etiam mortuo viro primo.

Notandum 2. Olim Ecclesia imposuit publicam pœnitentiam scienter ducenti uxorem alterius, & regulariter imposita fuit pœnitentia septem annorum pro quolibet gravi peccato publico, quamvis Sacerdos ex causa hoc tempus posset abbreviare, Abb. hic n. 3. & 4. Casena autem hic dicitur publica pœnitentia imposita pœnitentibus, ut per XL. dies singulis hebdomadis jejunarent in pane, & aqua, Feria II. IV. VI. & Sabbato, sic continuando per septem annos, Rodrig. tom. 2. qq. reg. q. 86. a. 3. Barb. in Collect. hic n. ult. Sed hæc jam sunt antiquata.

§. III.

An appellans in causa matrimoniali possit, lite pendente, aliud matrimonium contrahere?

IX. De hoc agitur in c. Tua fraternitas. 4. h. t. Nam cum quaesitum esset, si quis petat aliquam in uxorem, vel quædam aliquem in virum, quem dicit in eam consensisse, per desponsationem factam, seu mutuum consensum de presenti ille verò appellat ad Sedem Apostolicam, & appellatione pendente, ante causæ cognitionem, vel antequam sententiam, aliam duxit in uxorem, quid hoc casu faciendum? Respondet Papa, si quis duxerit in hoc casu appellandum, Judex, à quo appellatur, ei publice in Ecclesia interdicit, ne ante decisionem causæ, aliud matrimonium contrahat: & si contra hoc interdictum Ecclesiæ facere præsumperit, matrimonium cum tanta præsumptione contractum poterit ab Archiepiscopo, vel Episcopo irritari.

X. Ubi notandum 1. Pendente lite super matrimonio, sive appellatum fuerit, sive non, non potest aliud matrimonium contrahi cum alia, quia si lite pendente in causa matrimoniali, primum matrimonium pronuntiaretur validum, secundum matrimonium foret adulterium, & invalidum, idèque non debet, pendente lite super primo matrimonio, contrahi cum alia, sive lis pendeat post appellationem, ut in casu hujus cap. sive pendeat coram primo Judge, ante appellationem, ut in casu c. Cum in Apostolica. 18. de sponsal. Non enim licet contrahere cum alia, quamvis prius matrimonium prætendatur nullum, vel etiam postea per sententiam pronuncietur nullum, secundum verò teneat, Abb. hic n. 3. & si talis contraxerit cum alia, debet ab ea separari, quia præsumptio stat pro primo matrimonio, quoddam sit validum, propter mutuum consensum de presenti præstitum, adeoque quousque constet de impedimento, propter quod non potuit primum matrimonium valide iungi; matrimonium cum secunda contrahi non potest, ne contingat in peccato eos simul cohabitare, & permanere.

Notandum 2. Potest Judex, à quo est appellatum, interdicare, ne appellatione pendente, ante causæ

causæ decisionem, contrahatur matrimonium, ut pater ex hoc c. & sic jurisdictionis iudicis à quo, non suspenditur in totum, hoc casu, quin possit facere ea, quæ tendunt ad faciliorem exitum causæ appellationis, ut colligitur ex c. 2. de matr. contract. contr. interdict. Eccles. Alexand. de Novo hic n. 2. & 3.

Notandum 3. Quando in hoc c. dicitur, matrimonium initum contra interdictum iudicis Ecclesiastici, quo is interdixerat, ne pendente lite, & appellatione super priore matrimonio, partes interim aliud matrimonium contraherent, alioquin poterit

tale matrimonium irritari, id non ita absolute accipiendum est, quasi hoc posterius matrimonium omnino sit irritandum; sed ut usus secundi matrimonii tamdiu irritetur, si prohibeatur, donec prioris matrimonii lis, ac iudicium ab Ecclesia fuerit definitum, juxta c. ult. h. t. Ratio est, quia interdictum etiam S. Pontificis non est impedimentum dirimens matrimonium contractum, ergo per illud non potest matrimonium contractum dissolvi. Causa in Tit. de matrim. contract. contr. interd. Ecclesie, num. 4.

T I T V L V S V.

DE CONDITIONIBUS APPOSITIS IN DESPONSATIONE, VEL IN ALIIS CONTRACTIBUS.

Sponsalia, siue de futuro, siue de presenti, contrahuntur quandoque purè, seu absolute, de quibus supra, quandoque sub conditione, sicut & alii contractus, ideoque hic Titulus subiungitur.

§. I.

*Quid sit conditio, & quotuplex, quid
modus, causa, & demonstratio, quæ
matrimonio, aliisque contra-
ctibus apponuntur?*

I.



ASSERTIO I. Conditio propriè dicta, prout hic accipitur, est dispositio, id est, actus, vel contractus suspensio in futurum tempus, & eventum incertum, §. Sub conditione. Infiit. de V. O. quæ communiter explicatur per particulam *Si*, ut contraho tecum in matrimonium, si pater tuus consenserit, Abb. hic in Rubric. Silvest. in Summa V. Conditio. Sanch. l. 5. de matr. dif. 1. n. 2. Nam conditio concepta in tempus præsens, vel præteritum, non est propriè dicta conditio, sed vel tantum infirmat obligationem, si falsa sit: vel nullo modo differt, si vera sit, ut ex infra dicendis patebit. Modus est qualitas adjecta dispositioni, siue adjectio oneris, ad quod obligare volumus contrahentem, & communiter explicatur per conjunctionem *Ut*. V. g. duco te, ut divitias, vel honorem consequatur, Silvest. V. Conditio n. 3. Sanch. c. l. Causa apponitur, quando denotatur causa, ob quam contrahitur, & explicatur per dictionem *quia*, ut contraho tecum, quia dives, vel pulchra es. Demonstratio fit, quando exprimitur aliqua qualitas, per quam determinatur, & demonstratur persona, cum qua contrahitur, ut duco te, quæ es libera, vel virgo, vel filia hujus Principis &c. Silvest. hic n. 5. Sanch. c. l. An autem hæc videntur, vel suspendant contractum matrimoniale, infra dicetur.

II. ASSERTIO 2. Conditiones quædam sunt generales, sic appellatæ, quia cuilibet contractui ta-

cite insunt, etsi non exprimantur, ut si vixerimus: aliz sunt speciales, quarum quædam sunt intrinsecæ, quæ scilicet contractui necessariæ insunt, quia sine illis matrimonium subsistere nequit, ut contraho tecum, si non es mihi sanguine juncta, si non es nupta: aliz autem sunt extrinsecæ, sine quibus matrimonium esse potest. Rursus harum quædam sunt necessariæ eventuræ: ut contraho tecum, si cras soloriatur: aliz sunt omnino impossibiles, ut contraho tecum, si cælum digito tetigeris. Aliz sunt contingentes, & possibiles, & rursus harum quædam sunt honestæ, quædam turpes, quædam indifferentes, seu omnino impertinentes. Denique ex turpibus quædam sunt contra substantiam, & bona matrimonii, ut contraho tecum, si generationem prolem evitaveris, vel quousque pulchriorem, aut ditio-rem reperero: aliz sunt turpes, etsi non contra sub-stantiam, & bona matrimonii, ut contraho tecum, si mecum concubueris, ita Sanch. cit. dif. 1. n. 3.

§. II.

*An conditio contractui matrimo-
niali apposita illum viriet,
vel suspendat?*

III. ASSERTIO I. Matrimonium contra-ctum sub conditione telata in tempus præsens, vel præteritum, non suspenditur, nec vitatur, sed statim valet, si conditio est, vel fuit posita: non valet, si ea non existit, aut extitit. V. g. duco te, si es virgo, nobilis, dives: si pater tuus est mortuus, si Titius ex Italia venit &c. Sanch. l. 5. de matr. dif. 6. conclus. 1. Laym. l. 5. tract. 10. p. 2. c. 7. n. 1. & alii communi-ter. Idque sumitur ex l. Cum ad præsens. 37. ff. de reb. credit. l. Infiit. 10. §. Si quem. ibi: Cum nulla sit conditio, quæ in præteritum confertur, vel quæ in præsens, ff. de condit. Infiit. quia scilicet non suspendit actum, sed

sed facit, ut statim valeat, vel non valeat, §. *Conditiones Instituit. de V. O.* Ratio est, quia contractus ex voluntate, & conventionem contrahentium legem, & conditionem accipiunt: si ergo contrahentes ita voluerunt, & conveniunt, ut si talis conditio existat, matrimonium sit ratum, & validum: si non existat, matrimonium sit irritum: ita statim erit, prout inter se conveniunt. Confirmatur, quia idem etiam est in aliis contractibus, ut patet ex legibus citat. Idque procedit, etsi contrahentes ignorent positam esse conditionem, modò conditio vera sit, v. g. domo tibi hunc equum, si pater tuus adhuc vivit, quamvis hanc conditionem contrahentes ignorent, *cir. l. Cum ad præsens. Layman. cir. loc.*

IV. ASSERTIO 2. Matrimonium contractum sub conditione de futuro possibili, honesta, & contingente, v. g. dabo te, si pater tuus consenserit, si mille in dotem dederit &c. suspenditur, ita ut nullo modo valeat, aut obliget, donec conditio impleatur, *Saneb. cir. dis. 6. n. 2. Laym. cir. c. 7. n. 2. & alij communiter.* Ratio est, quia generatim loquendo, conditio propriè dicta, & de futuro contingenti, suapte naturâ, suspendit contractum, cui adjicitur, *l. Si ita stipulatus. 97. §. Si tibi. ff. de V. O.* ita ut contractus nec omnino sit nullus, cum uterque contrahens teneatur eventum conditionis expectare; nec omnino completus, quia à futura conditione pendet, ita ut eâ posita, sit validus, non posita, invalidus. Hoc autem intelligi debet de conditione apposita in ipso contractu matrimonii: non autem si ex intervallo: nam matrimonio semel perfecto, sive postquam semel effectum suum sortitum fuit, nec quidem communi utriusque consensu nova conditio a poni potest, cum mutuo consensu dissolvi nequeat, sicut ceteri contractus, *Saneb. cir. dis. 6. n. 3. & 4.*

V. Jam ergo hæc assertio, quòd matrimonium sub tali conditione contractum suspendatur, usque dum conditio impleatur, probatur ex c. *De illis. 3. h. t.* ubi Papa Alexander III. ita refertur: Si quis alicui mulieri sub hujusmodi verbis juraverit: *Teote in uxorem accipiam, si tantum mihi donaverit, ne teus perjurii non erit, si nolentem dare, quod sibi dari petijt, non accipiet in uxorem: nisi consensus de præsentì, aut carnalis copula sit subsequuta.*

VI. Ubi notandum 1. Sponsalia de futuro, etiam jurata, qualia sunt contracta in hoc cap. ut patet ex verbo, *accipiam*, quod est futuri temporis, possunt contrahi sub conditione: si tantum, v. g. decem dederis, neque prius obligant, quam decem data fuerint, quia pendente conditione, nulla oritur obligatio, sed tum demum, ubi venerit conditio, §. *Ex conditionalis Instituit. de V. O.* Neque etiam ex talibus sponsalibus conditionatis oritur impedimentum publicæ honestatis, conditione pendente, c. *un. §. fin. de sponsal. in 6. Abb. hic n. 2.*

Notandum 2. Excipiuntur duo casus in hoc cap. in quibus conditio apposita sponsalibus de futuro tollitur, & receditur à conditione, scilicet per consensum matrimoniale de præsentì purè, & absolute præstitum, per quem tollitur obligatio conditionis prius appositæ, vel per carnalem copulam subsequentem, per quam ex conditionalibus fiunt pura sponsalia, quia præsumitur conditio remitti, & si-

mul transeunt in matrimonium præsumptum, contra quod non admittitur probatio in contrarium, c. *Is, qui. 30. de sponsal. Gl. pen. C. ult. hic, Abbas n. 4. & 5.* Hodie verò eùm matrimonia præsumpta, cessaverint, quippe quæ non valent, nisi coram Parocho, & testibus sint contracta, juxta Decretum Concilii Tridenti. *Sess. 24. c. 1. de reform. matr.* ideo hujus textus dispositio, quoad posteriorem casum, non habet locum, *Barb. in Collect. in c. De illis. 3. h. t.*

VII. Sed contra decisionem hujus c. obstat videtur text. in l. *Si ita stipulatus. 97. §. Si tibi nupsero. ff. de V. O.* Ex qua colligitur, quòd si mulier à viro stipulatur centum sibi dari, si ipsi nupserit, non valet stipulatio, quippe inhoneſta, ac proinde talis conditio videtur improbatà Jure, tanquam turpis; cum per eam venalia quodammodo reddantur matrimonio, & propter libidinem tales contrahere videantur. Idemque est, si hoc pacto vir à muliere stipuletur sibi centum dari. Verùm respondetur, hujusmodi promissionem, vel conditionem de pecunia sibi danda, si fiat, vel adjiciatur ex justa causa, & honesta, veluti dotis, aut donationis propter nuptias, vel ob aliam justam causam, ut si mulier nobilis sit, & contrahat cum plebeo, & in compensationem suæ nobilitatis petat sibi dari pecuniam, talis stipulatio, aut venditio non foret inhonestà, tunc enim cessaret præsumptio libidinis. Unde in *cir. l. Si ita stipulatus. §. fin.* non reprobatùr absolute talis stipulatio; sed dicitur: *causâ cognitâ, actionem denegandam esse*, quia nimirum Juxta cognoscere debet, utrùm ex causa honesta, seu justa talis promissio, vel conditio facta, seu adjecta fuerit, vel non, *Barb. in cir. l. Si ita stipulatus. in fine. Abb. in cir. c. De illis. n. 3.* Itaque hujusmodi promissio, vel conditio etiam ex causa lucrativa adjecta valet, si ea honesta sit; non item si sit pecunialis, dum sponsus unus alteri promittit pecuniam, si impediatur, ne nuptiæ sequantur, c. *Gemma. 29. de sponsal. de quo ibid. Canis. in cir. c. De illis. h. t.*

VIII. Præterea in c. *Super eo. §. h. t.* eùm ex Urbano III. quaesitum fuisset, utrùm ille, qui in mulierem aliquam accipienda consensit, si pater ipsius suum præstatum assensum, compelli possit ad matrimonium consummandum? Respondet Pontifex, eùm consensus liber dici non possit, qui in alieno arbitrio est positus, seu reservatus, & conditionem hanc Canones non improbant, nisi voluntas patris postmodum intercedat, nequaquam cogendus est ad matrimonium contrahendum. Nam licet Alexander Papa (in *cir. c. De illis. h. t.*) responderet, sponsalia sub conditione contracta, ipsâ non impletâ, si consensus de præsentì intercedat, vel carnalis copula subsequatur, dissolvi non debere, sed firmiter servari: id tamen nequaquam huic definitioni est adversum: cum hujusmodi consensus non sit de præsentì habendus, quamvis per verba de præsentì exprimatùr, qui in alieno arbitrio non habito, sed habendo consistit.

IX. Notandum 1. Qui matrimonium contrahit per verba de præsentì sub conditione non improbatà ab Ecclesiâ, ut *contraheo remitti, si meus pater consenserit*, non debet compelli ad contrahendum matrimonium, & multò minùs ad illud consummandum, ante conditionis eventum, sive nisi acce-

dat postmodum voluntas, seu consensus patris, quia necdum intelligitur esse contractum, *Hofiens. hic V. Contrahendum*, prout sumitur ex hoc c. Ubi Papa consultus, an qui per verba de presenti contraxit, sub conditione, si pater ipse consenserit, sit cogendus matrimonium consummare, respondet, non teneri contrahere, nisi voluntas patris postmodum intercedat: ergo à contrario sensu, si voluntas huiusmodi, seu consensus patris intercesserit, cogendus est contrahere: id est, consummate matrimonium, ut sic responsio congruat interrogationi. Ratio est, quia dispositio conditionalis, adveniente, sive impleta conditione purificatur, & ex eo tempore perficitur, perinde ac si ab initio purè esset facta, l. *Potior. 1. r. §. 1. ibi: Cum enim semel conditio exitiis, perinde habetur, ac si eo tempore, quo stipulatio interposita est, sine conditione facta esset. ff. Qui potiores in pign. hab. matrimonium autem, quamvis per legem Evangelicam sit elevatum ad dignitatem Sacramenti, habet tamen rationem contractus civilis, idèque per eventum conditionis perficitur, sicut alij contractus conditionales, l. *Hec venditio. 7. in princ. ibi: Conditionales venditiones tunc perficiuntur, cum impleta fuerit conditio, ff. de contrah. empr. Fagn. in cit. c. Super eo. n. 2. & 3. h. 1. An autem matrimonium sub conditione initum statim sit perfectum, absque novo consensu, infra dicetur.**

Notandum 2. Matrimonium potest confecti in arbitrium alterius, non solum parentis, in cuius potestate est contrahens, & conditionem apponens, ut in casu hujus cap. sed etiam extranei; v. g. patris, c. *Per vias. 6. h. 1. quamvis testamentum non possit confecti in arbitrium alterius, l. Illa. 32. in princ. ff. de hered. instit. Abb. hic n. 3. & Alex. de Nevo n. 4.*

Notandum 3. Quamvis consensus in matrimonium exprimat de presenti, si tamen apponatur conditio, non habet effectum in presenti, sed suspenditur, donec impleatur conditio. Idèque est de quavis alia conditione, quæ non pendet ex arbitrio tertij, ut si quis dicat, *contraho tecum matrimonium, si dederis mihi centum*, *Abb. hic n. 5. & Alex. de Nevo num. 9.*

X. Cæterum hoc loco occurrit dubium, an ipsi matrimonio apponi possit conditio? Negativam sententiam tenent *Covarr. in l. 4. Decret. p. 2. c. 3. n. 3. Sanch. l. 5. de matr. dif. 1. n. 5.* & alij apud ipsos, nempe matrimonium ipsum conditionem non recipere, bene tamen ejus consensus, hoc est, consensus præfixus ad matrimonium contrahendum potest ex conditione pendere, at non ipsum matrimonium, quia quamdiu conditio pendet, non est matrimonium.

Alij vetò probabilius affirmant, matrimonio adijci posse conditionem, v. g. *contraho tecum, si pater meus consenserit*, quia huiusmodi conditionem nullibi improbant Canonica Instituta, ut patet ex cit. c. *Super eo. h. 1. quamvis ejus obligatio differatur in eventum conditionis, sicut fit in aliis contractibus conditionalibus, qui conditione eveniente, purificantur, l. Necessario. 8. §. Quod si pendente. ff. de perie. & comm. rei vendit. Canis. in Rubr. h. 1. n. 3. Zas. in comment. h. 1. n. 9. ubi in fine ait, non tam adijci conditionem matrimonio, ut est Sacramentum, quod non potest esse in pendenti, quam ut est contractus civi-*

lis, eatenus enim, ut reliqui contractus, conditionem admittit. Nec obstat *Reg. Jur. 50. in 6. & Reg. 77. ff. eod. Alius legitimi conditionem non recipiunt*, quia actus ibi enumerati non sunt contractus, sicut matrimonium, sed actus merè legitimi, id est, à Jure Civili introducti. *Hofiens. hic col. 2. §. Sed contra.* Neque etiam obstat, quòd matrimonium institutum sit ad mutua cohabitationem, & conjunctionem, non enim hinc sequitur, quòd conditio ei adijci non potest. Nam etiam emptio, & venditio instituta est, ut per illam res emptori acquiratur, & tamen sub conditione contrahi potest, §. *pen. Instit. de empr. & vendit.* sicut etiam alij Civiles contractus, l. *Obligatium. 44. ff. de act. & oblig. Canis. c. 1.*

Illud hic addendum, si pendente conditione, alter, vel uterque contrahentium aliud matrimonium inierit, posterius matrimonium valebit, etiam si conditio prioris matrimonii postea evenierit, c. *unic. §. fin. desponsal. in 6.* quia scilicet ex sponsalibus conditionalibus, ante conditionem extantem, nulla publicè honestatis justitia oritur, *Canis. c. 1. n. 4.*

§. III.

An conditio, de futuro necessaria, vel impossibilis, adiecta matrimonio illud vitiet, vel suspendat?

XI. **ASSERTIO 1.** Matrimonium contractum sub conditione de futuro necessaria, ut *contraho tecum, si sol eras oriatur*, non suspenditur, nec vitiat per conditionem adjectam, sed perinde est, ac si ea apposita non esset, adeoque absolutum, ac validum est tale matrimonium, *Covarr. in l. 4. p. 2. c. 3. §. 2. n. 10. Sanch. l. 5. de matr. dif. 2. n. 2. & alij apud ipsos.* Idèque probatur ex l. *Si pupillus. 9. §. 1. ff. de Novat.* ubi dicitur: *Qui sub conditione stipulatur, quæ omnino exitura est, purè videtur stipulari*, quia quod omnino exiturum est, non potest non contingere, idèque præsens esse videtur, & quia talis conditio necessariò futura jam determinata est in sua causa naturali, censetur præsens, & impleta, & perinde est, ac si apposita non esset. Quod tamen intelligendum est, si contrahentes sciant, conditionem esse necessariam, nam si putant, illam esse contingentem, sortitur effectum conditionis contingentis, & suspendit contractum usque ad eventum conditionis, *Sanch. c. 1. n. 3.* Idèque est, si ex circumstantiis facillè colligatur, talem conditionem non apponi tanquam conditionem, sed tanquam temporis præfinitionem, de quo casu loquitur *text. in l. Hæres. 79. ff. de condit. & demonstr.* & exemplum esse potest: Si quis dicat: *Contraham tecum, si pater meus morietur*, id est, quando pater meus obiit, *Sanch. c. 1. n. 6.*

XII. **ASSERTIO 2.** Matrimonium contractum sub conditione de futuro, quæ repugnat substantiæ, aut bonis matrimonij, ipso jure est irritum. Si verò in contractu matrimonij conditio impossibilis, vel turpis apponatur, quæ non est contra substantiam matrimonij, ea habetur pro non adjecta, & matrimonium tenet, prout statuitur in c. *Si conditio. nes. 7. & ult. h. 1.* ubi Papa Gregorius I X. ita re-

scribit:

scribit: si conditiones contra substantiam conjugij inferantur, puta si unus dicat alteri: contra hoc tecum, si generationem proles evites, vel do- nec inveniam aliam honoratorem, vel ditio- rem; aut si pro quæstio adulterandam te tradas, matrimonialis contractus, quantumcunque sit favorabilis, caret effectu, licet aliz conditiones (quæ non pugnant cum substantia matrimonij) si turpes, aut impossibiles fuerint, debeant pro- pter ejus favorem, pro non adiectis haberi.

XIII. Pro explicatione notandum 1. dux traduntur regulæ in hoc c. Prima in priore ejus parte, scilicet conditionem turpem, seu inhonestam, vel impossibilem adversus matrimonij substantiam, vel substantialem ejus proprietatem appositam irritare omnino contractum matrimonij, cujus tria exempla ponuntur in textu. Prima conditio est contra bonum prolis, ut si quis sub conditione contrahat, si uxor prolem vitaverit. Secunda est contra Sacramentum, ut contra hoc tecum, donec aliam ditio- rem, aut pulchriorem invenero, quod repugnat individo vitæ conjugialis vinculo, & illius lu- manæ societati. Tertia est, si adulterata fueris, quod est contra bonum fidei conjugalis, omnes hæc con- ditiones vitant matrimonium contractum, *Gl. hic* 1. 2. *c. 3. Abb. n. 2. Covarr. in 4. Decret. p. 2. c. 3. §. 1. n. 1. Sanch. l. 5. dif. 9. n. 3.* Quamvis autem in textu exprimantur tantum tres conditiones, tamen factum est exempli gratiâ, idem enim dicendum de omnibus alijs conditionibus, quæ substantiæ matrimonij adversantur, quia hæc ratio legis in textu expressa est generalis, *Abb. c. 1. c. Alex. de Novo hic n. 3.*

Ratio autem hujus constitutionis est, quia quamvis validè contrahatur matrimonium, cum intentione non servandi fidem, aut perpetuitatem conjugij, aut non procurandi generationem, & educationem prolis, sed potius impediendi, quia hæc quoad actum, seu executionem non pertinent ad substantiam matrimonij, adeoque non sunt contra substantiam ejusdem: non tamen validè contrahi- tur, si talia in pactum deducantur, quæ substantiali obligationi essentialiter in matrimonio incluse di- rectè adversantur, eamque elidunt, & infirmant, *Sanch. cit. dif. 9. n. 14. Laym. l. 5. tr. 10. p. 2. c. 7. n. 8.* quia matrimonij substantia consistit in plena traditione mutua corporum, sive in mutuo jure, ac potestate utendi corpore conjugis ad usum genera- tionis: hoc autem jus, seu potestas tollitur per pacta, seu conditiones, quibus obligatio carnalis con- junctionis, seu copulæ tollitur, ergo etiam ipsa sub- stantia matrimonij tollitur, & infirmatur: & cum dominium, seu jus, quod per matrimonij contra- ctum acquiritur, non sit aliud, quam prædictum jus utendi corpore conjugis, non potest dominium se- parari à jure utendi, vel fruendi matrimonio, sicuti in alijs quibusdam rebus accidit. Nec refert, quod salvæ essentia matrimonij, eoque illæso, possit tolli jus utendi, & reddendi debitum per votum castitatis perpetuæ communi consensu conjugum editum: nam quamvis matrimonio jam contracto, possit postea per novam pactiorem apponi conditio ali- qua ejus substantiæ repugnans: non tamen potest ab initio apponi, uti etiam in alijs contractibus ac-

cidit: quia quando à principio deducitur in pactum aliquid ejusmodi, impeditur postea translatio po- testatis corporum: secus quando jam matrimonium est contractum, tunc enim potestas illa semel tran- lata revocari non potest, & manet matrimonij vin- culum quoad alia v. g. mutuum cohabitationem, prolis educationem, fidem servandam, *Laym. c. 1.* ubi etiam addit, quamvis nunquam petere debitum non sit contra substantiam matrimonij, aut bonum prolis, est tamen obligare se ad nunquam peten- dum. Cæterum matrimonium absolute contractum censetur, etiam si annexas habeat conditiones ali- quas, quæ ipsi de jure insunt, ut nisi Religionem in- gredi velim, nisi adulterio fidem violaveris &c. *Laym. c. 1.* quia talis conditio, quæ de jure insit, non suspendit contractum, cui adijcitur, nec facit condi- tionalem, l. *Conditiones. 99. l. Aliquando. 107. ff. de Condit. c. Demonstr.*

XIV. Notandum 2. Quod dictum est condi- tiones turpes, & inhonestas adversus substantiam matrimonij appositas irritare contractum matrimo- nij, limitari debet 1. si uterque conjux appositioni conditionis consentiat, tunc enim nullus est con- sensus, & matrimonium non tenet. Secus est, si alter contradicat, quia tunc matrimonium est va- lidum, perinde, ac si conditio non fuisset apposita; vel etiam si taceat, quia tunc censetur contradicere, favore matrimonij, nam ex eo, quod alter non con- sentit, censetur à conditione recessum, *Covarr. in l. 4. Decret. p. 2. c. 3. §. 1. n. 11.* 2. limitatur, ut pro- cedat solum in proprijs, & veris conditionibus, scilicet in ijs, quæ à futuro eventu pendent: non autem in conditionibus de præsentis tempore, vel de præ- terito, quia veræ conditiones non sunt, nam tales conditiones non suspendunt actum, nec propriè sunt conditiones, *Covarr. cit. §. 1. n. 9.*

XV. Notandum 3. Sicut matrimonium contra- ctum sub conditione suspensiva, quæ est contra illius substantiam, non tenet: ita nec tenet, si fuerit contractum sub conditione resolutive, ut contra hoc tecum, si non invenero aliam ditio- rem, aut honoratorem, juxta hoc c. Unde inferitur quoddam quibus habens suspectam uxorem de incontinentia, matri- monium cum ea inierit, sub conditione, ut si adul- terium commiserit, liceat ipsi à matrimonio rescire, & aliam ducere, tale matrimonium non valeat, ut docet *Abb. hic n. 2.* quia licet talis conditio, primo intuitu videatur honesta, ut sic vitetur adulterium, tamen revera est turpis, quia in effectu perinde est, ac si dictum esset, contra hoc tecum ad tempus incertum, donec commiseris adulterium, atque ita ad- versatur bono Sacramenti, quod suapte naturâ est perpetuum, & indissolubile, *Fagn. in cit. c. Ul. n. 8. h. t.*

XVI. Notandum 4. Altera regula tradita in *c. Ul. h. t.* est, quod conditiones turpes, vel impos- sibilis, quæ matrimonij substantiæ, & illius bonis non adversantur, non irritant matrimonium, sed rejiciuntur, & pro non adiectis habentur, idque fa- vore matrimonij specialiter statutum est, *Abb. hic n. 3.* Exemplum de conditione turpi est, contra hoc tecum, si furtum feceris, vel si homicidium com- miseris. Item de conditione impossibili, ut si cæ- lum tetigeris digito, vel si Regnum dederis. Unde

etiam in testamentis, & ultimis voluntatibus, quia similiter sunt favorabiles, l. 1. c. de SS. Eccl'es. conditiones turpes, vel impossibiles rejiciuntur, & pro non adiectis habentur, §. Impossibilis Instit. de hered. instit. Gl. hic V. Impossibiles, sive sint impossibiles de facto, sive de jure, quia id possumus, quod de jure possumus, & impossibile dicitur, quod de jure fieri non potest l. Nepos. 12 §. ff. de V. S. Secus est, in alijs contractibus, in quibus conditio turpis, vel impossibilis viciat contractum, §. Si impossibilis Instit. de inuol. stipul. l. Non solum 31. ff. de oblig. & act. quia hi non sunt ita favorabiles, sicut matrimonium.

XVII. Notandum 5. Ut conditio impossibilis rejiciatur à contractu matrimonij, requiritur 1. ut reputetur impossibilis, alioquin non rejicitur, sed suum sortitur effectum in utroque foro, unde dispositio dicti c. fin. h. t. intelligitur, quando contrahentes sciebant conditionem esse possibilem, Sanch. l. 5. de marr. dif. 3. n. 8. Ubi addit, idem esse de conditione turpi, quæ non rejicitur, si reputetur honesta. 2. Ut conditio impossibilis habeatur pro non adiecta, requiritur etiam, ut contrahentes sint conscij constitutionis dicti cap. fin. adeoque ut sciant, conditionem adjectam esse impossibilem, & ius hujusmodi conditiones rejicere, & habere pro non adiectis, tunc enim censetur, secundum ius velle contrahere, nisi de contrario constet, Coning. dif. 29. de marr. dub. 3. n. 42. Nam constitutio non obligat ignorantes, c. 2. de Constit. in 6. Sanch. c. l. n. 1. Imò exigitur etiam, ut utrumque hoc notum sit ambobus contrahentibus, quia matrimonium constat ex utriusque consensu, conditio autem impossibilis ex se importat dissensum, Sanch. c. l. n. 12. 3. conditio impossibilis in dubio habetur pro non adiecta, adeoque si dubia sit contrahentium intentio, utrum seriò, & ex animo, non aliter talem conditionem apposuerint, an verò solum joco, in tali dubio præsumit Ecclesia, joco adiectam esse, & non animo suspendendi actum, & ita iudicat matrimonium esse validum, & purè contractum, perinde ac si conditio apposta non esset, idque in favorem matrimonij, pro cuius valore in dubio semper iudicandum est, c. Ult. de sent. & re judic. cum enim vertatur periculum animæ, ne forte separetur, qui legitime conjuncti sunt, & alijs coniungantur matrimonio, Ecclesia eligit in dubio, quod animæ tutius est, Sanch. cit. dif. 3. n. 15.

Idemque dicendum est de conditione turpi, quia nemo præsumitur in dubio velle peccare, adeoque seriò velle contrahere sub conditione turpi, quæ sine peccato, ad quod inclinat, impleri non potest, aut velle in re tam gravi, & sanctæ joci, & suum actum irritum redere, Sanch. l. 5. dif. 15. num. 4. & 6.

Notandum 6. Ex dictis patet, quæ sit vera exceptio cit. c. Ult. in fine h. t. videlicet omnes fideles, dum Sacramenta recipiunt, censentur ea recipere, juxta intentionem Ecclesiæ, adeoque dum matrimonium ineunt, & sciunt conditionem adjectam esse turpem, vel impossibilem, eamque ab Ecclesia rejici, & pro non adiecta haberi, præsumere Ecclesiam contrahentes purè, & absolute consensisse, tunc censentur etiam velle purè, & absolute contra-

here, juxta intentionem Ecclesiæ, & prout ipsa Ecclesia præsumit, ac iudicat, tale matrimonium irritum esse, nisi ipsi contrahentes aliter exprimerent suam intentionem, ita Sanch. cit. dif. 3. n. 18.

XVIII. Notandum 6. Si matrimonium contractum sit sub conditione turpi, vel impossibili, & is, qui conditionem adiecit, non aliter se obligare voluit, quam si conditio eveniat, in foro interno, id est, conscientia, non tenebitur, nec judicabitur matrimonium, propter defectum consensûs conjugalis, quem contrahens in eventum conditionis contulit. Idemque dicendum est in foro externo seu judiciali, judicabitur enim similiter matrimonium contractum, sub conditione turpi, vel impossibili nullum, si constet consensum conjugalem dedecisse, quia aliqui sic expresse contraxerunt, ut nullo pacto vellent consentire, nisi eveniente conditione, Covarr. in lib. 4. Decret. p. 2. c. 3. n. 4. & 5. Ratio est, quia conditiones turpes, vel impossibiles à matrimonio rejiciuntur, & habentur pro non adiectis, eò quod Canones in dubio præsumunt eas non seriò adjectas fuisse. At quando de mente contrahentium aliter constat, cessat hujusmodi præsumptio, cum in certis nullus sit præsumptio, seu conjectura locus, l. Continuas, 137. §. 2. in fine, junctâ Gl. V. Nullus ff. de P. O. Canis. in cit. c. Ult. h. t.

XIX. Præterea huc pertinet, quod statuitur in c. Quicumque 1. h. t. quod est desumptum ex Concilio Africano, ubi dicitur: Quicumque conditionis nomine aliquam desponsaverit (per verba de præsenri) frangatur conditio (id est, pro non adiecta habeatur, Gl. hic. V. eod.) & desponsatio irrefragabiliter teneatur, sive firmiter servetur matrimonium.

Ubi notandum, hoc cap. intelligitur primò de conditione turpi, quæ tamen non est contra substantiam matrimonij, ut exponit Gl. hic V. Frangatur, ut si quis dicat, contraham tecum, si furtum feceris, vel si homicidium commiseris, & tale matrimonium sub turpi conditione contractum, eà rejectâ, servandum est. Secundo intelligitur hoc c. quando præcessit copula, ante eventum, vel defectum conditionis, tunc enim censetur à conditione recessum, ideòque matrimonium tenet, rejectâ conditione, ut colligitur ex his verbis textûs, eam relinquere volueris, quæ videntur supponere cohabitationem, & matrimonium fuisse prius consummatum, Covarr. cit. c. 3. §. 1. n. 13. Aliam expositionem assert Alex. de Nevo hic n. 1. de qua agit Fagn. hic n. 2. Tertiò aliqui intelligunt de conditione resolutive, ut contraham tecum matrimonium, & si non dederis mihi centum, volo te relinquere, nam cum matrimonium ab initio fuerit validum, non poterit dissolvi ex futuro eventu, de quo videri potest Alex. de Nevo hic n. 1. & Fagnan. n. 2.

XX. Similis priori constitutio extat in c. Per tuas. 6. h. t. Nam cum quædam mulier P. nomine postulat N. in virum, asserens inter se mutuum consensum de præsenti, & carnalem copulam intervenisse, quod licet vir ille non negaret, assererat tamen se illam in uxorem ducere non teneri, quia sponsalia inter ipsos sub hac conditione fuerunt contracta, si pater ejus, & paterius in ea consenserint, qui tamen re intellectâ, statim contra-

„ dixerunt. Mulier verò replicabat, negando sibi
 „ à patre viri, vel patruo aliquando contradictum
 „ fuisse, & ante tempus contradictionis à testibus
 „ expressum, postea dicebat inter se carnalem co-
 „ pulam intervenisse. Consultus super hac re Pa-
 „ pa Innocentius III. responderet, cum liquidò con-
 „ fiter, post contracta sponsalia carnalem copulam
 „ inter eos esse subsecutam, pro matrimonio præ-
 „ sumendum esse: quia à conditione apposita re-
 „ cessisse videntur: etsi enim probatum sit, quòd
 „ postquam pater, & patruus viri sponsalibus con-
 „ tradixerunt, idem vir mulierem illam per carna-
 „ lem copulam cognoverit: non est tamen proba-
 „ tum, quòd antequam ipse eandem cognovisset,
 „ pater ejus, & patruus contradixerint. Ratio deci-
 „ sionis est, quia quamvis sponsalia conditionata,
 „ secundum Iuris subtilitatem, non videantur esse
 „ sponsalia, quia consensus conditionalis, ante con-
 „ ditionem extantem, est nullus, *l. Cedere dicim.* 213.
 „ ff. de V. S. si ergo nullus præcessit consensus, nulla etiam
 „ inita sunt sponsalia, adeoque nec matrimo-
 „ nium, quia sola copula carnalis, sine consensu, non
 „ facit matrimonium, *Gl. hic V. Presumendum.* Ver-
 „ rum favore matrimonij non attenditur ista juris
 „ subtilitas, sed magis verisimilis probabilitas, nam
 „ quia aderat consensus in sponsalibus, licet condi-
 „ tionatus, ideo præsumuntur contrahentes per car-
 „ nalem copulam subsecutam ab apposita conditione
 „ recessisse, & per novum consensum sponsalia de
 „ præsentì liberè contraxisse, idque favore matrimo-
 „ nij, *Hofstiens hic V. Quod videtur, & Vivian. in Ration. Jur. Pontif.* Si verò ante copulam carnalem ren-
 „ tiatisset sponsalibus, sive ijs contradictum fuisset
 „ à patre, & patruo, tunc per copulam superveni-
 „ entem non inductum fuisset matrimonium, quia
 „ dissoluta essent sponsalia, & carnalis copula non re-
 „ perisset, quod confirmare posset, *Hofstiens, hic in fine.*
 „ *Abb. n. 5.*

XXI. Ubi notandum insuper 1. Sponsalia de futuro, non tantum pura, & absoluta, juxta *c. Is qui 30. de sponsal. & marr.* sed etiam conditionalia per subsecutam carnalem copulam transeunt in matrimonium, *Abb. hic n. 3.* Unde si contrahentes matrimonium, vel sponsalia conditionata, ante conditionem impleant, se mutuò carnaliter cognoscant, tunc Ecclesia præsumit eos recessisse à conditione, & voluisse purè, & absolute contrahere, nec ullam probationem admittit in contrarium, juxta *c. Per tuas. 6. h. t. Coning dis. 29. de Sacram. dub. 1. n. 19.*

Notandum 2. Si duo contraxerunt sponsalia per verba de futuro, secutà carnali copulà: quamvis sponsus, præsentè, & consentiente sponsà, protestetur, se nolle per copulam consentire in matrimonium, nihilominus præsumitur contractum matrimonium, si sequatur carnalis copula, quia præsumitur propter copulam sponso ab hac protestatione recessisse, sicut & à conditione, ut patet ex *ci. c. Per tuas. h. t.* Ubi contracto matrimonio, sub conditione nondum impletà, & ita nondum existente perfectò consensu, dicitur recedi à conditione, & perfectum consensum effici, carnali copulà secutà. Ratio est, quia non debet inter sponso præsumi copula fornicaria, delictum enim præsumptio omnino vitanda

est, *l. Merito. 51. ff. Pro socio, Covarr. in 4. Decret. p. 1. c. 4. §. 1. n. 18. Sanch. l. 2. de marr. dis. 45. n. 21. Menoch. l. 2. de præsumpt. q. 35. n. 4. & §. 1. 3. præsumpt. 1. n. 15.*

XXII. Porro dubitatur de quibusdam conditionibus, an ex matrimonio adicæ (veluti contraham tecum, si te virginem invenero, vel si mecum concubueris) sint validæ, vel tanquam turpes rejci debeant? Quod ad priorem conditionem attinet, hæc conditio, Si te virginem invenero, si intelligatur de investigatione per aspectum oblectricum, vel alium legitimum modum, non debet rejci, quia non est turpis, sed honesta conditio, & suspendit actum. Si verò intelligatur de concubitu illicito, & non matrimoniali, est turpis, ac inhonesta conditio, eaque rejcienda valet, ut matrimonium purum, & absolutum, *Covarr. cit. p. 2. c. 3. §. 2. n. 12. Sanch. cit. l. 5. dis. 16. n. 7.* imò etiam teneat matrimonium, saltem in foro externo, etsi non esset Virgo, *Barb. in Collect. in cit. c. Per tuas. n. 6. h. t.* Quod verò ad posteriorem conditionem pertinet, si illa intelligatur de concubitu illicito ante matrimonium, est turpis, nec valet: Secus si de licito post contractum statim matrimonium, *Sanch. c. l. n. 8.*

§. IV.

Proponuntur, & resolvuntur alie nonnulla quæstiones circa sponsalia, vel matrimonia sub conditione contracta.

XXIII. Quæritur 1. An matrimonium contractum per verba de præsentì inter habiles, sub conditione honesta de futuro, & contingenti, ut contraho tecum, si pater tuus consenserit, vel si dorem dederit, adveniente conditione, fiat validum, & obliget, absque novo consensu utriusque contrahentis? Supponit autem hæc quæstio, consensum, prudente conditione, ex neutra parte contrahentium esse revocatum: alioquin posita conditione, non valeret matrimonium, ob defectum consensûs. Hoc posito.

Respondetur, valde probabile est, matrimonium statim perfici, impletà conditione, sine novo contrahentium consensu, *Sanch. l. 5. de marr. dis. 8. n. 5. Coning dis. 29. dub. 1. n. 11. Laym. l. 5. Theol. moral. tract. 10. p. 2. c. 7. n. 2.* & est communis Canonistarum. Ratio est, quia omnes ceteri contractus, etiam sponsalium, sub tali conditione celebrati, eà impletà, purificantur, ac perficiuntur, sine novo consensu, ac si ab initio fuissent purè, & sine conditione initi, ut patet ex *l. Porior. 11. ff. Qui potior. in pign. & l. Hac venditio. 7. ff. de contr. empt.* ergo etiam matrimonium, quia Christus illud elevando ad rationem Sacramenti, ejus naturam non mutavit. Idque confirmatur, quia sicut se habet consensus de futuro ad contractum sponsalium: ita consensus de præsentì se habet ad contractum matrimonij: atqui consensus de futuro conditionalis, v.g. ducam te in uxorem, si pater tuus consenserit, adveniente conditione, purificatur, & transit in sponsalia absoluta,

soluta, sine novo alio consensu, ut constat ex c. *Un. de Sponsal. in 6.* à contrariio sensu, ergo etiam consensus de præsenti conditionalis, v. g. duco te nunc in uxorem, si pater dotem dederit, efficit matrimonium purum, & absolutum, sine alio novo consensu, *Barb. cir. l. n. 5.*

Ubi etiam notandum est discrimen inter contractum matrimonialem, sub conditione de futuro, & inter contractum sub conditione de præsenti, duco te in uxorem, si pater tuus mille dederit in dotem, nam ex priore, impletâ conditione, oritur obligatio contrahendi matrimonium: juxta posteriorem verò contractus matrimonij est perfectus, & absolutus, *Laym. c. l.*

XXIV. Porro etsi consensus sub conditione relata in futurum, ante hujus positionem, seu eventum, non sit perfectus, sed quasi inchoatus, & suspensus, ac pendens à futuro eventu: posita tamen conditione, consensus ille, qui virtualiter, ac moraliter remanet, quamdiu non revocatur, omnino purus, & absolutus efficitur, secundum moralem rerum estimationem. Et licet ad Sacramentum matrimonij, ex Christi institutione, requiratur consensus perfectus, & absolutus, isque signo externo expressus, qualis non habetur, ante eventum conditionis: ipse tamen externus eventus conditionis, suapte naturâ est sufficiens signum purificati consensûs: siquidem ab initio conventum fuit inter contrahentes, ut quàm primum talis conditio eveniat, mox matrimonium ratum, & firmum esset, quæ conventio verbis expressa saltem moraliter manet, cùm prima voluntas non fuerit revocata à contrahentibus, ut supponitur. Neque verò requiritur, ut contrahentes sciant, conditionem evenisse, nam eo ipso quòd conditio evenit, purificatur matrimonium: sicut eo ipso, quòd Procurator contrahit matrimonium, & consentit nomine sui principalis, firmum est matrimonium, etsi ipse id ignoret: non tamen ipse contrahens licetè matrimonio uti potest, nisi sciat conditionem impletam esse, adeoque & matrimonium perfectum, *Sanch. cir. dif. 8. n. 6.* Neque verò ex eo, quòd in c. *Super eo, §. h. t.* dicitur, adolescentem illum, ante impletam conditionem, non esse cogendum ad contrahendum matrimonium, sequitur, eâ impletâ, esse cogendum, & consequenter opus esse novo consensu. Nam respondetur, hinc tantum sequi, ante eventum conditionis, talem contractum non habere vim matrimonij, nec sponsalium, cùm non adsit consensus de præsenti perfectus, & absolutus, sed tantum conditionalis, quia quamvis verba, quoad loquendi formam præsentem consensum impotent, v. g. duco te in uxorem, si pater tuus consensiat, revera tamen consensum conditionatum tantum habent, & consequenter talis non tenetur ad contrahendum matrimonium, ante impletam conditionem, nec potest etiam illud consummare, antequam contrahatur, *Coning cir. dif. 29. dub. 1. n. 14.* Autem, & quomodo postquam conditio evenit, talis compellendus sit, de hoc Papa nihil omnino in dicto cap. respondit. Denique etiam in proposito ipsum Sacramentum matrimonij suspenditur, materiâ, & formâ ipsius completè positis, cujus substantia ponitur, quando ponitur conditio.

XXV. Quæritur 2. An etiam post Concilium Trident. quo solemnitas parochi, & testium est inducta, requiratur ad valorem matrimonij, ut Parochus, & testes, non tantum contractui sub conditione de futuro celebrato, sed etiam impleti conditionis intersint. Affirmat valde probabiliter *Coning dif. 29. de matr. dub. 1. n. 15. Laym. cir. c. 7. n. 3.* quamvis sufficiat, si ipsi contrahentes coram parochis, & testibus postea allerant conditionem esse impletam: nam hoc ipso censentur purificare contractum. Ratio est, quia Parochus, & testes debent posse testificari in foro externo, non tantum de matrimonio verè, & substantialiter contracto, adeoque non solum de contractu inchoato, & pendente adhuc in futurum, & solubili, sed de absoluto, ac legitime perfecto ad vitanda multa incommoda: hoc autem non possunt, nisi intersint etiam impleti conditionis, cùm ante hanc contractus sit incompletus, & conditionalis, non absolutus, & perfectus. Idemque dicendum de conditione relata in tempus præteritum, vel præsens. Sufficit autem, si parochus, & testes intelligant, ac testari possint, marem, & feminam exterius legitime matrimonium contraxisse per verum consensum verbis, vel alijs signis manifestatum: neque opus est, ut etiam sciant, eos valide contraxisse, sive nullo occulto impedimento prohibito fuisse, id enim Concilium non requirit, ideòque etiam non requiritur, ut Parochus, ac testes litteras dispensationis inter consanguineos, & affines viderint, *Coning c. l. n. 16.* Est autem necessarium ad valorem matrimonij per Procuratorem contrahendi, ut parochus, ac testes ex litteris, vel sufficientibus indicij cognoscant mandatum Procuratoris, cùm alijs non intelligant, nec in foro externo testari possint, matrimonium inter conjuges initum esse, quia tale matrimonium non minus pendet à mandato procuratorio, quàm matrimonium conditionale ab eventu conditionis, ut docet *Coning dif. 24. de matr. dub. 9. n. 79. Laym. c. l.*

Porro talia matrimonia etsi sint valida, non tamen facile sunt permittenda, ut notat *Coning cir. dif. 29. de matr. dub. 1. n. 17.* tum quia minus deest dignitati Sacramenti, tum quia ex ijs facile lites, & difficultates oriri possunt, præsertim ob discrepantes DD. opiniones, ideòque tutius est, ut post impletam conditionem, consensus matrimonialis renovetur coram parochis, ac testibus, quia ante eventum conditionis matrimonium nondum est contractum, sed contrahendum, *cir. c. Super eo h. t. Covarr. in 4. Decret. p. 2. c. 3. n. 5. Tanner. tom. 4. dif. 8. q. 3. dub. 4. n. 83. & 84.* Ubi hanc rationem addit, quia in nullo alio Sacramento consensus conditionatus de futuro, seu in ministro, seu suscipiente sufficit ad valorem Sacramenti, ergo nec in matrimonio. Sed hoc non multum probat, quia nullum aliud Sacramentum est contractus, sicut matrimonium.

XXVI. Quæritur 3. An si jure impediti, & inhabiles ad matrimonium contrahendum, per verba de futuro promittant sibi invicem, vel etiam per verba de præsenti contrahant matrimonium, sub conditione dispensationis Papalis, obligationem contrahant, & qualem, ante, vel post dispensationem?

nem? Resp. 1. Si consanguinei, vel aliter impediti matrimonium spondeant sub conditione Papalis dispensationis (per se loquendo, & secluso scandalo, vel alio damno) non peccant, si matrimonium invicem promittant sub conditione, si Papa dispensaverit, dummodo sit impedimentum juris humani, in quo Papa dispensare potest, ac solet, quia talis promissio versatur circa objectum licitum, nempe contrahendum matrimonium inter consanguineos, vel aliter impeditos, post impetratam dispensationem, *Covarr. in 4. Decret. p. 2. c. 3. in princ. n. 7. Laym. cit. c. 7. n. 4.* Quin imò ex hujusmodi promissione oritur vera obligatio sponsaliorum sub conditione, ita ut sponsus expectare debeat usque ad eventum conditionis, & impetratā dispensatione; matrimonium contrahere teneatur, si etiam alter in fide data persistat, quia cum objectum hujus reciproce obligationis sit honestum, ac licitum, ut dictum, non est, cur non ex illa oriatur obligatio, *Laym. c. l.*

XXVII. Resp. 2. Probabile est matrimonium per verba de presenti, inter personas jure impeditas, seu inhábiles contractum, sub conditione relata in futuram dispensationem Papalem, eā impetratā, purificari, seu perfici, abque novo consensu contrahentium coram parochio, ac testibus expresso, *Sanch. l. 5. dis. 8. n. 10. Coning cit. dis. 29. n. 33.* Ratio est, quia talis conditio, si Pontifex dispensaverit, non est impossibilis, ut debeat haberi pro non adjecta: neque est contra jus, non enim tales contrahunt pro tunc, dum sunt inhábiles, sed pro tempore impletæ conditionis, quo sunt hábiles, cum natura conditionis sit, ut suspendat actum, & ejus obligationem in tempus impletæ conditionis. Et quamvis ante dispensationem partes contrahentes sint inhábiles ad ineundum matrimonium absolutum, non autem ad contrahendum sub conditione, ita ut consensus respiciat solum tempus hábile, nempe tempus impletæ conditionis, hoc est, impetratæ dispensationis, ante quod consensus non est perfectè præstitus: postea autem conditione, nihil obstat, quominus perficiatur matrimonium, sine novo consensu, sicut purificantur sponsalia de futuro inita sub eadem conditione, ut docet *Sanch. c. l.* ergo similiter perficitur matrimonium, sine novo consensu. Neque verò Pontifex dispensando facit, ut matrimonium prius invalidum fiat validum, sed per dispensationem, tanquam per eventum conditionis, solum fit, ut consensus conditionatus, & hætenus pendens purificetur, & perficiatur, & censeatur absolutus: adeoque dispensatio tollit impedimentum, & ponit in esse conditionem, ex qua pendebat consensus contrahentium, quo tempore potest absolute præstari: quare cum tunc perficiatur consensus, virtute illius perficitur etiam ipsum matrimonium, *Sanch. c. l. n. 11.*

Verum *Laym. l. 5. tit. 10. p. 2. c. 7. n. 5.* probabilis esse asserit, matrimonium sub conditione dispensationis Papalis initum, nunquam sine novo consensu coram Parochio, & testibus expresso, perfici, quia nunquam præsumitur esse mens Pontificis dispensantis, ut matrimonium, præterito tempore, ante dispensationem contractum fiat validum, sed solum ut post impetratam dispensationem in facie Ecclesiæ, præmissis denuntiationibus, contrahere

liceat, sicut ex Bullis Pontificiis colligitur, quod etiam ipsa praxi, & usu observatur. Neque obstat, quod promissio concepta sub conditione, si res sacra profanetur, vel liber homo servituti subijciatur; non obliget, nec valeat, quia censeretur impossibilis, vel bonis moribus repugnare. Nam responderetur, promissionem sub conditione dispensationis non esse talem, quippe quæ à Principe potest, ac solet fieri, *Laym. c. l. n. 5.*

XXVIII. Quæritur 4. Si quis sponsalia, vel matrimonium contraxit cum duabus, quænam, vel quod ex illis servandum sit, ac validum? Resp. 1. Si quis cum duabus contrahat sponsalia, sub conditione de futuro, etsi posteriorum sponsaliorum conditio prius impleatur, adhuc priora erunt valida, ita ut quandoque eorum conditio evenierit, ipsis standum sit, *Coning cit. dis. 29. dub. 1. n. 20. Laym. cit. c. 7. n. 6.* contra *Sanch. cit. dis. 8. n. 18.* Ratio est, quia talis neque licite, neque valide secunda sponsalia inire potuit, nisi priora sponsalia prius fuerint dissoluta. Quod enim semel placuit, amplius dupliciter non potest, *reg. 2. in 6.* Resp. 2. Si quis cum duabus contraxit matrimonium, sub conditione pendente in futurum, illud validum est, cujus conditio prius impletur, sive illud primò contractum sit, sive posterius, modò tamen contrahens utrumque; quantum potest, velit esse validum, & neutrum consensum revocare, *Coning c. l. n. 10. Laym. c. l. n. 7.* Ratio est, quia non quidem licite, tamen valide quis contrahit, etsi alteri sit obligatus: at matrimonium secundum eventum conditionis purificatur prævalere primo matrimonio, cujus conditio adhuc pender. Quod si conditiones utriusque matrimonij simul impleantur, neutrum validum erit, quia incertitudo vitiat matrimonium, *c. Ex litteris. 10. de sponsal.* atqui utrumque matrimonium esset incertum, quia in neutram mulierem esset determinatus consensus: eam enim conditio suspendat consensum in tempus impletæ conditionis, si conditiones utriusque matrimonij simul, & eodem tempore impleantur, periunde est, ac si simul, & eodem tempore cum duabus contraheretur matrimonium, nec esset ratio, cur magis censeretur consentire in unam, quam in alteram, *Coning c. l. Sanch. cit. dis. 8. n. 15.*

§. V.

An causa, demonstratio, vel modus adiectus contractui matrimoniali ipsum vitiet, vel suspendat?

XXIX. ASSERTIO I. Demonstratio, vel causa sive turpis sit, sive honesta, vel contraria substantiæ matrimonij, vera, vel falsa, per se nunquam suspendit, nec vitiat matrimonium, sed semper habetur pro non adjecta, & matrimonium valet, *Sanch. l. 5. de marr. dis. 19. n. 2.* & alij communiter. Ut accipio te in uxorem, quæ vel quia est sterilis, vel virgo &c. Ratio est, quia per adjectionem talis demonstrationis, vel causæ non tollitur consensus necessarius ad substantiam contractus, cum ea non se habeat,

habeat, ut objectum, vel pars objecti contractus, sed tantum declaret opinionem, quam habet contrahens circa tale objectum, vel causam, quæ eum ad contrahendum movet. Nec refert, quod non contraheret, si sciret, talem demonstrationem, vel causam non fuisse, quia voluntas illa habitualis non infuit, nec ponit aliquid in re, nam eam non obstante, modo actu, & absolute consentit: quamvis si sciret, non consentiret, sed voluntatem mutaret, quod tamen nihil operatur in ordine ad actum præsentem, error enim non vitiat matrimonium, nisi sit circa personam, vel conditionem libertatis, tunc enim nullum esset matrimonium, ut si quis dicat, contraho tecum matrimonium, quæ, vel quia es libera, vel primogenita filia Petri, tunc enim si non sit libera, vel filia primogenita, irritum est matrimonium, non ratione falsæ demonstrationis, vel causæ, sed propter errorem personæ, vel conditionis; nam etiam tali demonstratione, vel causâ non adjectâ, adhuc matrimonium ex tali errore contractum invalidum foret, *Sanch. c. l.*

XXX. ASSERTIO 2. Modus adjectus contractui matrimoniali non vitiat illum, nec suspendit, nisi sit contrarius substantiæ, aut bonis matrimonij, *Sanch. cit. dis. 19. n. 5.* Ratio prioris partis est, quia modus in hoc differt à conditione propriè dicta, quod hæc suspendit actum, cui apponitur, ita ut ante eam impletam non sit validus. At modus non suspendit actum, sed is statim valet, & vim suam habet, etsi nondum talis modus impletus sit. *Cum ab eo. 4. ff. de contrah. emp.* ita tamen ut alter contrahens obligatus maneat ad præstandum modum, cum quo contractus est initus. Veluti si quis dicat, dono tibi equum, ut hoc, vel illud facias, statim valet donatio, & tenetur donatarius implere modum, *Sanch. cit. dis. 19. n. 4.* Posterior pars probatur ex *c. fin. h. t.* Ubi habetur, quod conditio contraria substantiæ matrimonio adjecta vitiat matrimonium, ut *contraho tecum, ut generationem proles evites: vel donec inveniam aliam disorem: aut si pro quaestione alterandam te tradas.* Ubi notandum, siqui matrimonium contrahere intendant sub conditionibus expressis in *c. fin. & eo jam contracto*, velint adiacere obligationem, quæ omnino adversatur substantiæ matrimonij, tunc censentur non sub conditione propriè dicta, & suspensiva, sed potius sub conditione impropiè dicta, & non suspensiva, sive sub modo contraxisse, quem contrahentes, post contractum matrimonium observare velint, & ad eum servandum obligationem inducere, & tunc per adjectionem talis modi vitiatur matrimonium, *Covarr. in 4. Decret. p. 2. c. 3. §. 1. n. 7. Sanch. cit. dis. 19. n. 5. Molin. tr. 2. de iustit. dis. 208. n. 3.* Ubi ait, quod interdum nomine conditionis significatur modus. Ratio est, quia id generatim loquendo in omnibus contractibus obtinet, quod quando contrahens, dum actu contrahit, vult alterum obligari ad præstandum quippiam repugnans ipsi substantiæ contractus, satis significat, se non habere veram, & seriam voluntatem inveniendi talem contractum, sine vera voluntate autem, seu consensu, contractus non subsistit, *Laym. l. 5. tr. 20. p. 2. c. 7. n. 11. §. Porro.*

XXXI. ASSERTIO 3. Si modus adjectus matrimonio sit impossibilis, non tamen repugnat

substantiæ matrimonij, ut *contraho tecum eam lege, ut digito cælum tangeris*, ut montem aureum mihi des: vel turpis, & illicitus, ut patrem tuum interficias, tunc matrimonium valet, & modus pro non adjecto habetur ob favorem matrimonij, juxta *c. c. ult. h. t.* quia conditio impossibilis, vel turpis non vitiat matrimonium, nec illud suspendit, sed rejicitur, ac si appositâ non fuisset, ut supra dictum; ergo multo magis modus impossibilis, aut turpis, qui incitat ad peccandum, cum hic non suspendat contractum, sed adveniat contractui jam perfectio, *Sanch. cit. dis. 19. n. 7.* Confirmatur, quia in omnibus alijs contractibus, modus impossibilis, sive de facto, sive de jure, & secundum mores, sive moraliter, si adijciatur contractui, illum non vitiat, sed pro non adjecto habetur, v. g. dono tibi equum, ut cælum digito tangeris, vel ut inimicum meum interficias, quia modus dispositionem, cui adijciatur, non suspendit, sed validam esse supponit, *Molin. cit. dis. 208. n. 11. Sanch. c. l.*

XXXII. Prædictis addendum 1. ut cognosci possit, quando res aliqua donata fuit, v. g. *si hoc fiat*, vel *dummodo hoc fiat*, utrum donatio facta sit sub conditione propriè dictâ, sive suspensiva: an verò solum sub modo, seu conditione non suspensiva, attendendum est, utrum donator voluerit, donationem non ante validam esse, ac firmam, quam conditio sit impleta; & tunc præsumi debet, conditionem propriè dictam esse appositam, nec valere donationem, ante eventum conditionis, an verò donator voluerit, ut statim valida sit donatio, sed donatarius obligatus sit ad aliquid postea faciendum; & tunc censeri debet sub modo esse factam, *Laym. cit. c. 7. n. 11.*

Addendum 2. Tamen si in omnibus contractibus conditio non suspensiva, sive modus impossibilis, vel turpis, si non adversetur substantiæ contractus, debeat haberi pro non adjecto; specialiter tamen id obtinet in contractu matrimonij, ob illius favorem, qui in eo consistit, quod si dubium sit, num conditio impossibilis, aut turpis adjecta fuerit matrimonio, tanquam conditio propriè dicta, & suspensiva, an verò tanquam modus, sive conditio non suspensiva, tunc hoc posterius præsumi debet, ac proinde matrimonium statim validum erit, conditio verò pro non adjecta censetur. Nisi certè constet, aliquem nullo modo voluisse absolute contrahere matrimonium, sed solum sub conditione impossibili, tunc enim veritas prævalet præsumptioni, & hæc illi cedere debet, quia Ecclesia non potest supplere consensum ad substantiam matrimonij sequitum, *Laym. cit. c. 7. n. 12.*

§. VI.

De conditionibus apposis in alijs contractibus.

XXXIII. De his agitur in secunda parte hujus Rubricæ, & imprimis in *c. Cum sit 2. h. t.* ubi talis casus proponitur: Quidam Diaconus manumissus duo mancipia, sub hac conditione, seu modo, ut Monachi fierent, & in eo Monasterio, ubi ipse fuerat (scilicet Diaconus Clericus ministrans, non Monachus,

Monachus, *Hofstiens. hic P. Euerat*) permanent, ut si quis contra faceret, iterum serviti subijceretur. Cùm autem unus ex illis contemptam conditionem, Monasterium deseruisset, & Clericis (secularibus) se junxisset: consultus super hac re Papa Gregorius rescribit Episcopo Diocesano, ut si ita esse reperiret, sic exhibeat, ut nec Monasterium deserat, nec voluntas manumittentis prætereatur.

Ubi notandum 1. Servus potest manumitti, sub ea conditione, seu modo, ut fiat Monachus, vel Clericus, *Abb. hic n. 5.* 2. quando hic in fine dicitur, quod voluntas manumittentis non valeat præteriri, ut scilicet isti servituti iterum subijciantur, si in Monasterio non permanent, id intelligendum est, ante professionem, nam isti fuerunt manumissi sub conditione, seu modo, ut fierent Monachi, aliàs reincident in servitutem pristinam, quod referri debet ad tempus ante professionem, quia post professionem, non possunt transire ad Clericos seculariter, sed nolentes coguntur permanere in Monasterio, & hoc ipso obervant voluntatem manumittentis, *Abb. hic in fine.*

XXXIV. Præterea in c. *Verum* 4. h. t. statuitur, ut si alicui Ecclesie possessio v. g. prædium, sub aliqua conditione, id est, sub modo donetur, à donatore postea donum revocari non possit: nisi tali conditione, seu pacto sit collatum, quod eà cessante debeat revocari; tunc enim si non fiat, quod convenit, donatio revocatur, *Gl. hic in Casa.* Ratio decisionis est, quia modus adjectus donationi factæ Ecclesie, non est principalis causa finalis talis donationis, quippe quæ censetur principaliter facta in honorem DEI, & pro salute animæ suæ, aut remedio peccatorum suorum; & sic non potest agi ad revocationem donationis, sed solum ut impleatur, seu servetur modus appositus: nisi sit expressum, ut possit revocari, si modus non servetur, *Gl. fin. hic P. Abb. n. 2.* Nam quilibet in traditione rei suæ potest apponere pactum, & modum legibus non improbatum, l. *In traditionibus* 48. ff. de pact. l. 1. c. de donat. quæ sub modo &c. c. Cùm dilecti. 6. de donat.

XXXV. Pro declaratione hujus c. notandum 1. si in fundationibus Ecclesiarum, aut Ecclesiasticorum Collegiorum, vel beneficiorum, & similium, quæ pietatis, & Divini cultus causâ, instituta sunt, donationis modus adijciatur, statim valet donatio, et si modus non servetur, neque potest agi ad revocandam donationem, sed solum, ut modus impleatur, nisi id expressè in fundatione sit cautum. Si verò modus adjectus sit finalis, & principalis causa ipsius donationis, rectè agitur ad revocationem ejus, quod donatum est, etiamsi nulla adjecta sit clausula revocatoria donationis, l. Cùm ie 6. c. de

pact. inter empr. & vendit. l. 1. 2. & 3. c. de donat. quæ sub modo &c. c. l. fin. c. de revoc. don. quia cessante causâ, cessat effectus, c. Cùm cessante. 60. de appell. *Canis. in cit. c. Verum* n. 3. h. t. Itaque in donatione facta Ecclesie, ipsamet datio censetur causa finalis, nempe liberalitas in pium locum collatâ; modus verò, favore Ecclesie, præsumitur causa solùm impulsiva, *Covarr. libr. 1. var. resol. c. 14. n. 6.* Ubi ait, quando modus adjectus donationi inducit causam finalem, eo non servato, revocatur donatio, cit. l. Cùm te c. de pact. inter empr. & vendit. Secus verò, si impulsivam causam induxerit, tunc enim non revocatur donatio, sed agitur ad implendum modum, l. Eà conditione. 14. c. de rescind. vendit. & ibi Bald. in Summa. Non censetur autem modus causa finalis donationis, adeoque nec revocatur, nisi id sit expressum in ipsa donatione, cit. c. Verum in fine, *Alex. de Novo ibid. n. 9.*

Notandum 2. Quod dictum est donationem Ecclesie rem aliquam posse apponere modum, id intelligendum est, dummodo modus apponatur incontinenti, & in ipso contractu, nam postea, & ex intervallo non potest apponi, juxta l. Unic. §. Accedit, & notat *Gl. ibi P. Fecerit* c. de rei ux. act. *Alex. de Novo in cit. c. Verum* n. 3.

Notandum 3. Disposito hujus cap. intelligi debet de modo, & non de conditione strictè sumptâ, qui tamen aliquando accipitur etiam pro conditione laxius sumptâ, quia modus non suspendit actum, cui apponitur, neque viciat, seu annullat illum, nisi sit contrarius substantiæ illius, sed modificat, ut si donetur prædium Ecclesie, sub hac conditione, ne alienetur, tunc favore Ecclesie præsumitur esse modus, & non potest revocari donatio, sed solum datur facultas agendi ad observandum modum: nisi expressè sit additum, ut si cesset conditio, quia facta est alienatio, revocari possit donatio, tunc enim apparet conditionem strictè dictam appositam esse, quæ suspendit actum, ita ut conditio non posita sit nullus, vel revocari possit, *Gl. hic P. Conditione*, & *P. Debeat*, *Abb. num. 1.* & *Alex. de Novo num. 7.* & 8.

Notandum 4. In donatione facta Ecclesie ca lex, seu conditio apponi potest, ut non liceat Ecclesie rem donatam alienare, & si contra factum fuerit, possit illa à donante revocari: id verò non procedit, si alienatio facta sit à solo Prælato, quia delictum personæ non debet in detrimentum Ecclesie redundare, *Reg. Jur. 76. in 6.* potest autem revocari, si alienatio facta sit à Prælato; & Capitulo simul, quod procedit in rebus jam acquisitis Ecclesie, non in acquirendis, nam in his etiam factum solius Prælati præjudicare potest Ecclesie, *Abb. hic n. 3.*

& *Alex. de Novo* n. 20. & 21. Sed de hoc alibi actum:



T I T V L V S VI.

QUI CLERICI, VEL VOVENTES
MATRIMONIUM CONTRAHERE

POSSUNT?

Actum est in præcedentibus Titulis de matrimoniis puris, seu absolutis, & conditionalibus, quo modo contrahantur, & inter quos: nunc in hoc, & aliquot seqq. Titulis agitur de varijs impedimentis, ob quæ matrimonium inter aliquos contrahi non potest, & contractum non valet: & in hoc quidem Titulo de duobus impedimentis dirimentibus, uno ratione Sacri Ordinis suscepti, altero ratione voti continentiaæ emissi.

§. I.

Utrum Ordo Sacer dirimat matrimonium subsequens, & quo iure?

I.

ASSERTIO I. Per Ordinem Sacrum, videlicet Presbyteratum, Diaconatum, & Subdiaconatum, dirimitur matrimonium postea initum, prout novissimè definitum est in Concilio Tridentino *sess. 24. de Sacram. matr. can. 9.* Idque probatur *1. ex c. De Diacono 1. h. t.* Ubi de Diacono, qui in Sabbatho sancto vulneravit alium Diaconum, & uxorem duxit (de facto, quia de Jure non potuit, *Gl. hic V. eod.*) Consultus Papa Alexander III. respondit, si contritus ad Ecclesiam redire voluerit, dimissa illà, quam accepit in uxorem, & absolutione obtenta, debet ipsi, propter utrumque excessum, sive delictum, pœnitentia injungi, eaque peractà, poterit cum eo dispensari, ut Diaconatus Officium exerceat: & si perfectæ vitæ, & conversationis fuerit, etiam in Presbyterum ordinari. Subdiaconus quoque, sive homicidium fecerit, sive non, matrimonium contrahere non potest, secundum SS. Canonum Sanctiones, *c. 1. & c. De illo 4. dis. 32. & c. Cum in præterito. 3. dis. 84.* Ubi ratio redditur, quia concedat Sacros Antistites, & DEI Sacerdotes, nec non & Levitas, (seu Diaconos) & qui Sacramentis Divinis inserviunt (id est, Subdiaconi, *Gl. ibid. V. Inserviunt*) continentes esse in omnibus, quo possint simpliciter, quod à DEO postulant impetrare, ut quod Apostoli docuerunt, & ipsa servavit antiquitas, nos quoque custodiamus. Nam quia in Sacris Ordinibus constituti sacra vasa, & Sacramenta tractant, ac proinde decens sit, ut munditiâ corporalem per continentiam servant, ideoque Ecclesia sancivit, ut nec Diaconus, nec Subdiaconus matrimonium contrahere possint, nam quamvis in primitiva Ecclesia non prohiberentur Subdiaconi uxores ducere, ut patet *ex c. 1. dis. 31.* postea tamen statutum fuit, ut etiam ipsi matrimonium contrahere non possent, &

ut nullus Subdiaconus fieret, nisi qui se castè viturum promitteret, *cir. c. 1. & c. Subdiaconis. 9. dis. 32.*

II. Pro explicatione *cir. c. 1. h. t.* notandum, quod matrimonium, post susceptum Sacrum Ordinem, contractum est irritum, ut habetur hic, & docet *Sanch. l. 7. De matr. dis. 28. n. 2.* & alij communiter, quia talis est inhabilis ad contrahendum matrimonium. Excipitur 1. nisi quis fuerit promorus ad Ordinem Sacrum, per illatam vim, vel metum cadentem in constantem virum, tunc enim non tenetur servare continentiam Ordini Sacro annexam, quia hic non obligat ad castitatem ex natura rei, sed solum ratione voti, ex Ecclesiæ Constitutione Ordini Sacro annexi, votum autem sive expressum, sive tacitum, quale inest Ordini Sacro, est irritum, si ob metum cadentem in virum constantem fuerit emissum, adeoque non obligat, sed talis matrimonium contrahere potest, *c. 1. & c. Cum delictus 6. de his quæ vi met. caus. fiunt, Sanch. l. 7. dis. 29. n. 5.*

Excipitur 2. qui suscepit Ordinem Sacrum, sive ante, sive etiam post usum rationis, sed ante pubertatem, non obligatur ad votum continentiaæ servandum, nisi adeptus pubertatem illud ratificet, & consequenter matrimonium inire potest, ut ex probabiliori sententia docet *Sanch. cir. l. 7. dis. 30. n. 8.* & alij apud ipsum. Ratio est, quia quamvis aliqui impuberes simplici voto castitatis obligari possint, quia tamen facillimè vota illorum dissolvi possunt, & irritari à parentibus, & tutoribus, etiam sine aliqua causâ, non est credendum Ecclesiam vellem obligare puerum impuberem voto tanti momenti. Confirmatur, quia votum solemne expressum in Religione approbata emissum non obligat, nisi post pubertatem ratificetur, *c. Ad nostram. 8. de Regular. ex-go-nec votum solemne tacitum emissum in susceptione Sacri Ordinis, quia et si Pontifex in eo dispensare possit, sed non nisi difficillimè dispensabit, & propter causam valde gravem, & publicam, & per illud constituitur quis in statu Ecclesiastico incompatible cum matrimonio, Sanch. c. 1.*

Excipitur 3. qui invalidè est promorus ad Sacrum Ordinem, quia is irritus fuit, ob defectum substantialiter requisitum ad Ordinem, validè contrahit matrimonium, quia non obligatur ad votum

con-

continentiæ ej annexum, *Barb. in Collect. in cit. c. 1. h. s. n. 4. post Gutierrez.*

Notandum 2. Clericus in Sacris constitutus, si uxorem ducat, sit irregularis, ita ut nec in susceptis Ordinibus ministrare, nec ad superiores Ordines suscipiendi promoveri possit; potest tamen Episcopus in ea irregularitate dispensare, ut patet ex *cit. c. 1. h. s.* dummodo talis Clericus debeat de peccato suo, & pœnitentiam adjunctam peragat, absque scandalum aliorum, *Azor p. 1. Instit. mor. lib. 13. c. 3. q. 6. Sanch. cit. l. 7. dis. 86. n. 6.*

III. Præterea quòd Subdiaconus non possit contrahere matrimonium, statuitur etiam in *c. Ex litterarum 2. h. s.* Nam cum quidam Subdiaconus quendam sibi in conjugem copulasset, Episcopus lociem ut abiureret, fecit. Quare Pontifex consulus mandat, ut si is ad monasticum Ordinem (seu Religionem) transire voluerit, post laudabilem ipsius conversationem, possit ei concedere, ut ad altiores Ordines promoveatur. Si verò ad Religionem transire noluerit, eum neque in Subdiaconatu ministrare, neque ad altiores Ordines promoveri permittat: in minoribus tamen Ordinibus ministrare poterit.

IV. Notandum 1. Qui in minoribus Ordinibus, seu inferioribus Subdiaconatu sunt constituti, possunt contrahere matrimonium, ut colligitur ex hoc *c. quia illud non dirimunt Ordines minores, cum nullus extet textus, seu Canon id interdicens; imò hoc expresse conceditur in c. Si quis 7. dis. 32. & c. Si quis verò 3. eadem dist. & c. 1. de Cleric. conjug. & dictum lib. 3. Tit. 3. n. 5. Ratio est, quia Ordo, sumpsit naturam, non repugnat matrimonio, sed solum ratione voti, quod Ecclesia suo præcepto ei annexuit: ac Ecclesia solis Ordinibus Sacris, seu Majoribus votum castitatis annexuit, *c. 1. & c. Diaconi. 8. dis. 28.* Imò Ecclesia non habet potestatem præcipiendi ijs, qui jam Ordinibus minoribus sunt initiati, ut continentiam perpetuam servant, *c. De ijs 5. cit. dis. 28.* qui est desumptus ex Concilio Tolet. *Azor p. 1. lib. 13. c. 13. q. 4. Sanch. l. 7. dis. 31. n. 4. ubi. 5. addit, quòd etiam ille, qui Ordines minores recipit, credens illis annexum esse solemne votum tacitum continentie, non teneatur ad illius observantiam, quia talis non intendebat per se, & principaliter votum castitatis emittere, sed solum quatenus illud annexum putabat Ordinibus Minoribus, cum ergo non sit annexum, nullo voto obligatus erit. Nec obstat, quòd juxta *Can. 25.* Apostolorum, Lectores, & Cantores tantum, si velint, nuptias contrahere possint, ergo Archidiaconi non poterant. Idemque habetur in *c. Lectores. 8. dis. 32.* Sed respondetur, in ijs Canonibus, lectorum, & cantorum appellatione contineri omnes Clericos minores, seu inferiores Subdiacono, *Azor c. l. q. 4. in fine,* neque excludi duos alios minores Ordines, sed includi, quia in illis est eadem omnino ratio; & dictio taxativa tantum ita excludit extraneas, & dissimilia, ut includat omnes casus similes, in quibus est eadem ratio, ut ex Everhardo tradit *Sanch. cit. dis. 31. n. 6.***

V. Notandum 2. Quando hic dicitur, quòd Episcopus potest dispensare cum Clerico in Sacris constituto contrahente matrimonium, id intelligi debet, si cum unica, eaque virgine contraxerit; seu

eius, si cum vidua, aut corrupta, vel quando Clericus in Sacris binas nuptias contraxit, juxta *c. Nuper 4. & c. ult. de bigamis non ordin.* Nam quamvis *c. Sanè 4. de Cleric. conjug. & c. 1. & 2. h. s.* non expriment, quando cum virgine, & unica est initum matrimonium; tamen ita necessariò intelligenda sunt, ne advenirent duobus capp. suprà citatis, in quibus negatur in his casibus dispensari posse, *Sanch. l. 7. de matr. dis. 86. n. 20. Barb. in Collect. in c. 2. n. 4. h. s.* Nec obstat, quòd in *cit. c. 2. h. s.* solum conceditur Episcopis facultas dispensandi cum his Clericis, quando verè pœnitentes sunt, ac Ordinem Religiosum ingrediuntur: quia id intelligi debet de consilio, non ex præcepto, nam jure suo Episcopus potest dispensare cum talibus Clericis, juxta *c. Sanè 4. de Cleric. conjug. & c. 1. h. s. Gl. in cit. c. 2. V. In subdiaconatu h. s. & Alex. de Nevo ibid. in fine, Sanch. c. l. n. 20.*

VI. ASSERTIO 2. Multò probabilis, ac verius est, solo jure Ecclesiastico, seu Constitutione Ecclesiæ per susceptionem Ordinis Sacri dirimi matrimonium subsequens, non jure naturali, vel Divino, ut docet *Sanch. l. 7. dis. 28. n. 11. & alij apud ipsum.* Idque probatur 1. quia Ecclesia Sacris initiatis Sacris Ordinibus reddit inhabiles ad matrimonium, sicut consanguineos in secundo, & ulterioribus gradibus, cum tale præceptum nullibi reperitur: idque ex eo patet, quia per Ordinem Sacrum non fit totalis traditio hominis ipsi DEO, sed ad cultum DEI, & divinum Officium, cui non repugnat matrimonium jure Divino, nec jure naturali, cum per se licitus sit usus matrimonij, & permixtus Sacerdotibus Græcis, quando matrimonium est ante Ordines Sacros initum: si Sacet Ordo repugnaret matrimonio, dirimeret matrimonium ratum præcedens, sicut professio solemnisi, quod dici non potest, ut extrinsecè dicendis patebit. Sed neque Ius Divinum, nec Apostolicum præceptum extrahens prohibens, nec ad Sacros Ordines assumuntur, nisi illi, qui nullo ante matrimonio fuerint conjuncti, quia Paulus 1. ad Tim. 3. & ad Tit. 1. scribit, *Oporet Episcopum esse unius uxoris virum,* quamvis usus conjugij Sacrosacerdotibus sit interdixus in *Epist. Clementis 2. Sanch. cit. l. 7. dis. 27. n. 5. & 6.* Deinde idem probatur, quia votum continentie perpetuè annexum Ordini Sacro non est per se, ac ex naturâ suâ solemne, sicut votum professionis Religiosæ, sed per accidens solum, & extrinsecè, quoad effectum dirimendi matrimonium, quia solo statuto Ecclesiæ reddit personas inhabiles ad matrimonium, juxta *c. Un. de voto in 6.* Neque enim Sacro Ordine initiatu offerit se ad castitatem servandam, per se, ac principaliter, sed ad Ministerium Sacrorum Ordinum, *Sanch. cit. dis. 27. n. 17.* Porro in *c. Un. de voto in 6.* æquiparantur solemne votum Ordinis Sacri, & Professionis, quoad hoc, quòd utrumque matrimonium subsequens dissolvat, non autem quoad jus, quod ad competere, five est inducitur: & quia solum per accidens, & extrinsecè votum Sacri Ordinis est solemne, ideo non habet ex se, ut dirimat matrimonium, sicut votum professionis, sed solum ex constitutione Ecclesiæ, *Sanch. cit. dis. 28. n. ult.*

VII. Cæterum quod dictum est per Ordinem Sacrum diſtincti matrimonium poſtea ſubſequens, non autem prius contractum, etiamſi carnis copulã non ſit conſummatum, ſtatuitur in *c. Antiqua. unic. in Extrav. Ioann. XXII. De voto*, de quo dictum ſuprà lib. 3. Tit. 32. §. 12. n. 60. Sed quia ea Conſtitutio Extravagans poſita in Titulo XXXIV. De voto, propriè ad hunc Titulum pertinet, ideo illam hoc loco magis declarabimus, & quæ in illa continentur, proponemus.

Et inprimis quòd per ſuſceptionem Sacri Ordinis impediatur matrimonium contrahendum, ita ut valde contrahi non poſſit, probatur ex eo, quia eo ipſo, quòd quis Ordinem Sacrum ſuſcipit, etiamſi verbò tenus id non exprimitur, cenſetur votum caſtitaſis emiſiſſe, quia ex Conſtitutione Eccleſiaſtica illud eſt Sacris Ordinibus annexum, id è quod in habilis redditur ad matrimonium contrahendum, *cir. Extrav. un. c. Un. de voto. in 6.* Non tamen per ſuſceptionem Sacri Ordinis irritatur matrimonium præcedens, etiam non conſummatum, quia nec Jure Canonico, nec Jure Divino id reperitur ſtatutum, *cir. Extrav. unic. c. ibi Gl. V. Contrahendum*: & ideo quamvis matrimonium per carnis copulam non conſummatum, per ingreſſum Religionis alterius conjugum diſſolvatur, non tamen diſſolvitur per Ordinem Sacrum à remanente in ſæculo ſuſceptum, quia ingreſſus in Religionem eſt mors ſpiritualis, quò ingrediens ſæculo moritur, & vivit DEO: qualis mors non eſt ſuſceptio Sacri Ordinis, neque etiam totalis traditio ſui, ut ſuprà dictum, *Hoſtians. in ſumma Tit. de conſerv. Conjug. §. Et Uirum. Vivian. in cit. Extrav. Antiqua de voto.*

VIII. 2. Statuitur in *cir. Extravag. Antiqua*, ut nullus, durante matrimonio, etiam nondum conſummatum, præſumat recipere aliquem de Sacris Ordinibus, niſi prout SS. Canonibus convenit (nempe de licentia uxoris Religionem ingrediens, veletiam in ſæculo remanens, & votum caſtitaſis emittens, ſi non ſit ſuſcepta de incontinentia, *Gl. hic V. Noveris convenire* (alioquin diſſoluto etiam matrimonio, nec in illo miniſtrare, nec ad Superiores Ordines aſcendere poterit, niſi aliquam ex Religionibus approbatis ingrediatur, & ejus Regulam expreſſè, vel tacitè profiteatur, *Saneh. l. 7. diſ. 49. n. 2. c. alij apud ipſum. Ratio eſt, quia cum talis ſit coniugatus, adeoque teneatur reddere debitum coniugale uxori, non poteſt licitè ſuſcipere Ordinem Sacrum, ubi teneatur ſervare caſtitaſem, *c. Lex continentia 10. diſ. 31.* Sed neque talis coniugatus ad beneficium, vel Officium Eccleſiaſticum etiam modicum promoveri poteſt, *cir. Extrav. un. c. ibi Gl. V. Nec ad aliquod.* Idque procedit, ſive diſſolvatur matrimonium per mortem, ſive per ingreſſum in Religionem alterius conjugis, ante conſummationem, quia textus iuſtinctè, & generaliter loquitur, *Gl. hic V. Nec matrimonio ſoluto.**

IX. An autem Ordines minores recipere poſſit talis coniugatus, dubitatur? Affirmant nonnulli, quia his Ordinibus non eſt annexa continentia: ſed contrarium eſt probabilius, quia quamvis *cir. Extrav. loquatur ſolum de Sacris Ordinibus*: tamen regulariter prohibetur coniugatus promoveri etiam ad Ordines minores, *c. fin. de temp. Ordin. in 6.* Nam quamvis Ordinibus minoribus non ſit annexa conti-

nentia, & ideo ex hac parte, non repugnet eos recipere poſt coniugium: repugnat tamen propter ſpecialem Juris prohibitionem, *Saneh. l. 7. diſ. 38. n. 10.* Nec argumentum à contrario ſenſu vim habet, quando inde alterius juris correctio reſultat, *Barboſ. incir. Extrav. unic. n. 5.*

X. Præterea ſiquis poſt matrimonium ratum, & non conſummatum, initiatus Ordinibus Sacris, unam ex Religionibus approbatis Canonice ingrediatur, ejusque Regulam expreſſè, vel tacitè promiſſus fuerit, hoc caſu, Episcopus Diœceſanus cum eo diſpenſare poterit (ſcilicet ut in iam ſuſcepto Ordine miniſtrare, & ad altiores Ordines aſcendere, & ad beneficium, & Officium Eccleſiaſticum promoveri poſſit) *cir. Extravag. unic. c. ibi Gl. V. Diœceſanus, c. V. Singulis præmiſſorum, niſi aliud Canonice.* Impedimentum obſiſtat, nempe irregularitas, vel delictum, *Gl. hic V. Quod obſiſtat.*

XI. 3. Additur in *cir. Extrav. un. in fine*, quòd talis coniugatus ſic ordinatus (ſcilicet, initiatus aliquo ex Sacris Ordinibus) inſtanter monendus eſt per Episcopum Diœceſanum, & inducendus eſt per Episcopum Diœceſanum, ſi matrimonium nondum ſit conſummatum (quia per ingreſſum Religionis diſſolvitur matrimonium nondum conſummatum, *c. 2. De conſerv. Conjug.*) Ex quo ſequitur, quòd vir, abſque expreſſa, & ſpontanea licentia uxoris, ad Sacros Ordines promotus, ſi matrimonium nondum eſt conſummatum, non tenetur Religionem ingredi, cum Pontifex in dicta Extrav. tantum hortetur ad ingrediendum, & non præcipiat, *Saneh. l. 7. diſ. 38. n. 18.* Quòd ſi renuerit ingredi ipſe, & ſponſa ejus inſiſterit, ut ingrediatur, per cenſuram Eccleſiaſticam, (ſuſpenſionis, excommunicationis, vel interdicti) compellendus erit contrarium matrimonium conſummare, nempe per copulam carnalem. Et ita patet ſic ordinatum poſſe renuere, *Saneh. cit. loc. n. 18.* quia non poteſt abſolute cogi ad ingreſſum Religionis, voluntarium enim militem ſibi eligit DEUS, non coactum, *c. Non eſt 10. cauſ. 1. §. q. 1. Gl. hic V. Rennerit.*

XII. Prædictis addendum, nunquam permiſſum fuiſſe, non ſolum in Eccleſia Latina, & Occidentali, ſed neque in Eccleſia Græca & Orientali Sacro Ordine initiatis matrimonium inire, nam in *c. Si quis 7. diſ. 32. de Eccleſia Græca* dicitur: *Si quis eorum, qui ad Clerum accedunt, voluerit nuptiali jure mulieri copulari, hoc ante Ordinem Subdiaconatus facias.* Idemque habetur in *c. Erubescant 11. diſ. ead. Silveſt. in ſumma V. Matrimonium 3. q. 12. Perſic. Sexum, Acor. p. 1. Inſtit. lib. 13. c. 13. q. 5. Saneh. l. 7. diſ. 28. n. 3.* Et de Eccleſia Latina conſtat ex *c. Presbyteris 8. diſ. 27. c. Decernimus 2. diſ. 28. Acor cit. lib. 13. c. 12. q. 3. Saneh. c. l. Porro hoc eſt diſtinctum inter Græcos, & Latinos in Sacris Ordinibus conſtitutos, quòd illis licuit, poſt matrimonium iniri, Sacros Ordines ſuſcipere, & uti matrimonio antea contracto, quòd Latinis eſt interdicitum, ut conſtat ex *c. Cum olim. 6. de Cleric. Conjug. c. diſum ſuprà lib. 3. Tit. 3. §. 2. n. 9.* Et Græcis quidem conceſſus fuit uſus matrimonij, ante ſuſceptum Sacrum Ordinem initi, extra illud tempus, quo Miniſterio Altaris deſervire debent ex lege, vel ex conſuetudine, ut tradit *Acor cit. l. 13. c. 13. q. 1. Saneh. cit. diſ. 28. num. 5.**

§. II.

An, & quo iure votum solemnne castitatis per professionem matrimonium postea initum dirimat, & an etiam votum simplex castitatis impediat matrimonium, idque dirimat?

XIII. ASSERTIO 1. Votum solemnne castitatis per professionem in Religione approbata emissum dirimit, seu irritum reddit matrimonium subsequens, seu postea initum, prout definitur Concil. Trident. sess. 24. de Sacram. matr. can. 9. ubi dicitur: *Si quis dixerit, Clericos in Sacris Ordinibus constitutos, vel Regulares castitatem solemniter professos posse matrimonium contrahere, contractumque validum esse, non obstante lege Ecclesiastica, aut voto, anathema sit.* Idque sumitur etiam ex c. *Meminimus*. 3. h. t. Ubi Papa Alexander III. ita refertur: si quis se Religioni devotus, & habitu suscepto, professionem fecit, sed postea aliquam sibi matrimonium copulavit, compellendus est eam deserere, & ad Monasterium redire: si verò nec habitum suscepit (maximè, quia solus habitus Monachum non facit, *Gl. hic V. Nec habitum*) nec professionem fecit, sed solum votum edidit ingrediendi Religionem, licet postea matrimonium contraxerit, non est cogendus ad Religionem transire, & matrimonium rescindere.

XIV. Ex quo patet, quod votum solemnne Religionis per professionem expressam, vel tacitam emissum impedit, & dirimit matrimonium postea contractum: simplex verò votum (quale est votum transeundi ad Religionem, ut in casu huius cap.) impedit quidem matrimonium contrahendum, factique, ut sit illicitum, quia violatur votum contra illud *Psal. 75. Vovetes, & reddite Domino DEO vestro.* Sed non irritum reddit matrimonium contractum, quia multa facta tenent, quæ fieri prohibentur, c. *Quemadmodum*. 25. de *jureiur.* Quare licet vovens le ingressum Religionem debeat compelli ad intrandum, c. *Porrectum*. 13. de *Regular.* si tamen, antequam ingrederetur, contraxit matrimonium, non debet cogi ad dimittendam uxorem, quia per vinculum matrimonij superveniens, quod est fortius, tollitur prius votum simplex ingrediendi Religionem, *Abb. hic n. 2.* Ratio autem, cur votum solemnne castitatis editum per professionem Religionis reddat irritum matrimonium subsequens, est, quia cum per tale votum Religiosus se, suumque corpus DEO in Religionem publicè, & solemniter offerat, & tradat, æquum fuit, ut Ecclesia tale impedimentum dissimilem professioni adijceret, ne Religiosi possent prohibito ex statu perfectiore, in quo se stabiliter DEO obligaverunt ad statum imperfectiorem descendere, & ne scandala publica orirentur, si prior fides DEO data violaretur, *Sanch. l. 7. de matr. disp. 26. n. 1.* Aliud est de voto simplici, ut infra dicitur.

XV. ASSERTIO 2. Votum solemnne castitatis editum in Religione, non jure Divino, & naturali, sed solo jure Ecclesiastico matrimonium sub-

sequens irritum reddit, ut ex probabiliore sententia docet *Sanch. l. 7. disp. 26. n. 4. in fine, Coning. disp. 31. de Sacram. dub. 6. n. 67. & alij.* Ratio est, quia votum solemnne castitatis non irritat matrimonium subsequens, quatenus votum est, aliàs omne votum etiam simplex irritaret, quod falsum est, ergo irritat tantum, quatenus solemnne est, atqui solemnitas voti est tantum jure Ecclesiastico inducenda, c. *Un. de voto, in 6. Sanch. c. l. ubi alias plures rationes adfert.*

XVI. Præterea quod votum solemnne castitatis etiam per professionem tacitam emissum impediatur, ac dirimat matrimonium postea contractum, probatur ex c. *Influante* 7. *Uti. h. t.* Nam cum quidam Curiales Regis Legionensis eidem supplicasset, ut J. Nobilis mulier cuidam viro, auctoritate regiæ, matrimonio copularetur: sed eam ipsa nubere noller, ex consilio quorundam, votum castitatis emisit in manibus cujusdam ex Fratribus S. Augustini, eo tenore, ut in domo propria, cum omni substantia sua, ac bonis, remaneret: & sic in habitu ejusdem Ordinis postea per biennium permaneret, asserens se non tam metu regio, quam parentum, invitam, ac coactam id fecisse. Tandem considerans, quod invita votum emisisset, de posito habitu, matrimonium cum P. de parentum consilio, publicè contraxit: ex quo quatuor filios, procedente tempore, sustulit. Consulens Pontifex Innocentius III. rescriptis, cum in emissionem voti, quod præcessit, nulla, vel modica coactio intervenierit, quam etiam penitentia, & permanentia sequentis temporis penitus profugavit: quin potius sequens conjunctio, seu copulatio iniqua fuit, & violentè extorta: ideo mandat, ut si hæc ita sint, prædictam mulierem monent ad reassumendum habitum Religionis illicitè dimissum, & ad servandum, quod voverit, inducant, & si opus fuerit, per censuram Ecclesiasticam compellant.

XVII. Pro declaratione huius cap. notandum r. non est petenda uxor à Principe, porrigendo ei supplicationem pro accipienda uxore, c. *Nullus*. 6. *causa* 36. q. 2. quia matrimonia debent esse libera, c. *Cum locum*. 14. de *sponsal.* & in hoc c. narratur solum factum, sed non approbatum. Unde in Concil. Trident. sess. 24. c. 9. de *reform. matr.* prohibetur, sub pena excommunicationis ipso facto incurrenda; ne Domini, & Magistratus cogant directè, vel indirectè, minis, & pœnis subditos ad certa matrimonia contrahenda cum certis personis, eam maximè nefarium sit matrimonij libertatem violare, *Fagn. hic n. 4.*

Notandum 2. Per metum proveniente ex imperio Principis non irritatur votum, vel matrimonium, quia hic coactio hujusmodi dicitur modica, vel levis; autem metus non impedit libertatem consensu, c. *Cum dilectus*. 6. de *ijs que vi met. fiunt*, sicut nec imperium parentum, ut patet etiam ex hoc c. *Gl. hic V. Metu Regio: nisi Rex consuevisset tyrannicè tractare non obtemperantes suis præceptis, aut precibus, vel nisi accesserint minæ, vel parentum verbera, Fagn. hien. 8. & 9.*

XVIII. Notandum 3. Votum solius continentia: seu castitatis, & sic unius tantum ex substantiis, si emittatur in ordine ad certam regulam approbatam, & in manibus habentis potestatem incorporandi Religioni, sive in illam admittendi, solemniter

zatur, seu fit solemne, & veram professionem inducit, adeo ut obliget ad omnia substantialia regulæ, ut notat *Gl. hic V. Quod in manibus, Abb. not. 2. & Alexand. de Nevo not. 5.* Ubi tamen ulterius distinguendum est cum Fagnano *hic n. 11. & aliquot seqq.* Interdum vovens castitatem assumit habitum certæ regulæ, animo profitendi, & servandi omnia substantialia; & tunc valet ingressus in Religionem, & votum fit solemne quoad omnia, etiam alia duo vota Religionis, dummodo vovens, post susceptum habitum Religionis, per annum in probatione steterit, post *Concil. Trident. sess. 25. c. 15. de Regular.* Interdum vovens castitatem intendit, & protestatur, se velle obligare se ad solam continentiam, non autem ad alia substantialia regulæ, videlicet ad paupertatem, & obedientiam, & tunc si intendit esse membrum Congregationis, seu Monasterij, non valet talis protestatio, & tenet ingressus. Sin autem non intendat esse de Congregatione, seu Collegio Monachorum, seu Regularium, sed seorsim habitare velit, tunc obligatur voto castitatis, sed bona retinet quoad proprietatem, quia hoc casu votum castitatis non est solemnizatum, seu solemne, nec alia vota, ita ut dirimat matrimonium postea contractum, quia ad hoc requiritur professio expressa, vel tacita, quæ necessarii includit tria vota substantialia Religionis, juxta *c. Un. de voto in 6.* Si verò dubitetur de mente voventis castitatem, an se voluerit obligare ad reliqua vota substantialia; tunc si votum castitatis emittat in claustris: & post assumptum habitum Religionis, censetur omnia emisisse, & solemnizatum est votum castitatis, etiam quoad reliqua, modo annus probationis præcesserit, juxta Decretum *Trident. c. l.* Quod si votum castitatis emittatur, extra Monasterium, seu Religionem, & habitum non suscepto, quamvis in ordine ad certam regulam habentem tria substantialia vota, talis obligatur tantum ad votum continentie, quod non est solemne sed simplex, nec dirimat matrimonium postea contractum, *c. Consultuit. 4. h. t.* Denique si quis, post votum castitatis emissum, quoad certam regulam approbatam, etiam extra claustrum, ac in domo propria, habitum professionis assumat à potestate habente, censetur professionem emittere, & obligatur ad omnia substantialia, juxta hanc Decretalem, *Fagnan. hic n. 15. & 16.*

XIX. Notandum 4. Professio fieri potest, etiam in manibus privati Religiosi alicuius Monasterij, dummodo is habuerit ad hoc speciale mandatum à Superiore, & Conventu, vel Abbas, & Conventus potest id ratum habuerit, ut patet ex hoc *c. ibi: In manibus ejusdem Fratris S. Augustini, Abb. ibid. not. 1. & Alex. de Nevo not. 3.*

Notandum 5. Per professionem tacitam dirimitur matrimonium postea contractum, etiam si plures ex eo filij sint progeniti, ut patet ex hoc *c. ibi: de quo filios sustulit*, quia proles, & numerus liberorum non confirmat, nec validum reddit matrimonium aliàs nullum, licet quandoque det causam justam dispensandi, *Petr. Ancharan. apud Fagn. hic num. 19.*

Notandum 6. Metus illatus, tempore emissionis voti, purgatur postea per patientiam, & perseverantiam in delatione habitus regularis, quia præsumitur novus consensus, ut colligitur ex verbis illis, pe-

nitus profugavit *Alex. de Nevo hic num. 5.*

XX. Notandum 7. & ultimò, potest Religiosus licet retinere bona sua, quoad usumfructum, vel usum, seu administrationem, cum licentia Superioris, & dependenter ab ejus voluntate, prout intelligit, & expendit *Gl. hic V. Ut in domo in 2. expositione & Abb. n. 5.* illa verba hujus cap. emisit votum, eo adjecto renore, ut in domo propria, cum omni substantia sua, remaneret. Atque ita intelligi debet pactum illud retinendi res suas in propria domo, quod fecit mulier illa, de qua fit mentio in *c. fin. h. 1.* nempe quod usum solum sibi reservavit, pro suis necessitatibus, cum licentia Superioris, & ad ejus nutum revocabilem, nam talis professio valet, nec conditio, seu pactum tale rejicitur. Secus est, si quis profiteretur, sub ea conditione, vel pacto, ut sibi liceret acquirere, vel retinere bona immobilia, tanquam propria, & iudependenter à facultate Superioris, talis enim professio foret nulla, & irrita, quippe contra essentiam, & substantiam Religionis, & omnino repugnans voto paupertatis, *Sanch. l. 5. in præcepta Decalog. c. 5. n. 97. & l. 7. d. matrim. disp. 25. n. 21. & alij apud Barbos. in Collect. in cit. c. fin. n. 2. h. t.*

Neque verò hic dici potest, ideo valuisse professionem illius mulieris, quia in Ordinis habitu per biennium perseveravit, & ideo tacite fuit professæ, & voluit saltem tacite abdicare bonorum proprietatem, ut nonnulli explicant hunc locum: sed communiter reprobat, prout videre est apud Barbos. in *cit. c. ult. n. 3.* quia licet susceptio habitus Religionis, cum perseverantia in illa per biennium, metum illatum purgaverit, non tamen tacitus ille consensus prævalere potuit contra expresse de manendo in domo propria cum omni sua substantia. Itaque ideo solum valida fuit illa professio, quia mulier illa mansit extra claustrum, cum omni sua substantia, ex licentia Superioris, ita ut revocari ad claustrum potuerit ad nutum illius, ut dictum.

Atque hæc procedunt de jure antiquo, sed hodie jure novissimo *Concilij Trident. sess. 24. c. 2. de reform.* statutum fuit, ne deinceps liceat Superioribus bona stabilia alicui Regulari concedere, etiam ad usumfructum, vel usum, administrationem, aut commendam, *Barb. incit. c. ult.* Quamvis Navarr. in *Comment. de Regular. in c. Non dicatis. 11. caus. 12. q. 1. n. 47.* arbitretur, Concilium ibi non prohibuisse administrationem peculij concessam Regularibus, cum facultate disponendi in usus licitos ad nutum Superiorum, quod tamen fuisse refellit idem *Fagnan. in c. 2. de statu Monach. n. 2. & plurib. seqq.*

XXI. Sed jam hic occurrit alia quæstio, an, & quando susceptio habitus Regularis impediat matrimonium contrahendum? De hac re agitur in *c. Consultuit. 4. h. t.* Nam cum quædam nobilis mulier, mutato habitu, de manu Presbyteri velum accepisset, ita tamen ut nec renuntiasset proprijs, nec intraret claustrum, nec in manu alicujus Episcopi, vel Abbatis, aut Abbatissæ, vel super Altari professæ sit, vel obedientiam promiserit, postea verò elapso anno, abjecto Religionis habitu, alicui nobili viro nupsit, seu matrimonium cum eo contraxit. Unde quæsitum fuit, an matrimonium contractum teneat? Respondet Papa, quod sicut simplex votum impedit matrimonium contrahendum, sed non

dirimit

dirimit jam contractum: ita habitus sine professione susceptus impedit, ne matrimonium contrahatur, sed non dissolvit jam contractum.

XXII. Pro explicatione hujus cap. notandum 1. susceptio habitus professorum, sine professione, extra Monasterium, non dirimit matrimonium postea contractum, sed impedit contrahendum, quia susceptio habitus extra Congregationem continet in se votum simplex castitatis, & ideo impedit matrimonium contrahendum, sed non dirimit contractum, *Alex. de Nevo hic n. 6. not. 3.* Nam etsi susceptio habitus professorum in etate legitima inducat tacitam professionem, c. pen. de Regular. c. 1. in princ. eod. in 6. Id tamen intelligendum est, dummodo hujusmodi habitus assumatur, intra claustrum, seu Congregationem, si enim suscipiatur extra Monasterium, vel Religionem etiam de manu ejus, qui potestatem habet incorporandi, seu admittendi ad Religionem, per talem susceptionem habitus non inducitur tacita professio, nec votum solemnizatur, & consequenter nec dirimit matrimonium postea contractum, ut patet ex hoc cap. Nam ideo validum fuit matrimonium ab ista muliere nobili contractum, quia assumpsit habitum, nulla facta professione expressa, vel tacita; nec ejus votum fuit solemnizatum, quia velamen quidem professionis, & sic habitum professorum assumpsit, sed propriis non renunciavit, nec claustrum intravit, nec professsa est in manu alicujus, aut super Altare, nec obedientiam promissit, ut dicitur in textu. Nam quod habitus professionis susceptus, extra Monasterium, non faciat, seu constituat Monachum, constat ex c. Ut Clerici. 3. de Regular. quod non corrigitur, sed potius confirmatur per cit. c. Consultui. h. 1. & tradit *Fagn. hic n. 5.* Neque in hoc c. requiritur, vel attenditur, an tradens habitum habeat, vel non habeat potestatem incorporandi Religionem, sed hoc solum ponderatur, an ista mulier suscepit solum habitum, sine professione; an vero etiam promiserit aliquid ex substantialibus Religionis, ut obedientiam, vel aliud quid ad substantiam illius pertinens, *Alex. de Nevo hic n. 10.* Non obstat c. Vidua. 4. de Regular. quia in illo c. mulier illa immiscuit se actui, qui a solis professis exerceri consuevit, ideoque censebatur tacite profiteri, quia concurrerunt ea, quæ ad tacitam professionem requiruntur, de quo dictum supra l. 3. *Decret. Tit. 31. n. 112. & 2. seqq.* At vero in hoc cap. mulier illa solum suscepit habitum professorum extra Monasterium, neque exercuit actum aliquem, per quem videri posset tacite professsa. Non obstat etiam c. Porrexitum. 13. de Regular. ubi dicitur, quod valet professio facta sine susceptione habitus Religionis: quia illud loquitur, quando intervenit expressa professio. Nec denique obstat c. Sicut. 17. de Regular. quia illud c. præter habitum requirit professionem: & sic illa jura nil faciunt contra communem intellectum supra allatum hujus cap. *Alex. de Nevo hic n. 10.*

XXIII. Notandum 2. Quando assumitur habitus professorum, extra claustrum Monasterii, cum promissione alicujus ex substantialibus regulæ, tunc votum solemnizatur, seu fit votum solemnne, ita ut impediatur, & dirimat matrimonium postea contractum: quando vero suscipitur habitus professorum,

extra claustrum, sed non promittitur aliquod ex substantialibus regulæ, hoc casu, non inducitur tacita professio, quancunque tempore habitus deferatur, nec dirimit matrimonium postea contractum: sed inducitur tantum votum simplex, quod impedit matrimonium contrahendum, ut dicitur in hoc c. quia ex quo mulier, de qua fit ibi mentio, habitum professorum suscepit, quantum in se fuit, videtur voluisse vitam mutare, & observare continentiam, & ideo impeditur matrimonium contrahere. Et ista est communis expositio, teste *Alex. de Nevo hic n. 13. In casu 3. Fagn. hic n. 6.*

XXIV. ASSERTIO 3. Votum simplex castitatis impedit quidem, ne matrimonium licite iniiri possit, non tamen dirimit postea initum, sed tale matrimonium validum est, non obstante voto simplici castitatis, prout sumitur ex c. Rursus. 6. h. 1. Nam cum quidam votum castitatis (simplex) emisisset, postea juravit, se quandam in uxorem ducturum: unde questum fuit, utrum istorum esset servandum, votum, an juramentum? Respondet Papa Cælestinus III. quod cum simplex votum apud DEVM non minus obliget, quam solemne, ob id, quod temere juravit, penitentiam agat: & votum, quod DEO fecit, studeat observare. Si vero postquam juravit, motu proprio, matrimonium contraxit, illud tenet, ac valet, cum votum simplex impediatur matrimonium contrahendum, non tamen dirimat jam contractum. Prout etiam habetur in c. Consultui. 4. eod. & dictum supra. Ratio est, tum quia per votum simplex castitatis non fit traditio proprii corporis in alium, sed solum fit promissio de traditione faciendi: cum ergo dominum rei promissæ maneat penes voventem, si postea vovens per initum matrimonium corpus proprium tradat alteri, illicita quidem est talis traditio, quia contra fidem datam fit, est tamen valida, quippe facta à vero domino sui corporis. Tum quia, qui votum simplex castitatis emit, proprie non mutat statum, nec magis se subijcit Ecclesiæ, quam antea subiectus erat: & sæpe sine magna deliberatione, & privatum absque testibus hujusmodi vota fiunt, ideo non expediebat, ut Ecclesia hujusmodi matrimonia, post votum simplex castitatis inita irritaret, licet absolute potuisset, *Sanch. l. 7. de matrim. diff. 1. n. 4.*

XXV. Ubi pro explicatione hujus c. notandum 1. quod votum simplex, & solemne non differunt per se, & ex natura voti, vel Jure Divino specificè, & essentialiter, sed solum ex Ecclesiæ Constitutione accidentaliter, & extrinsecè, ut constat ex c. un. de voto in 6. & docet *Sanch. l. 7. de matrim. diff. 2. §. in princ. & in precepta Decal. libr. 5. c. 1. n. 7.* & dictum supra l. 3. Et hoc est, quod in cit. cap. dicitur, quod votum simplex non minus obliget quoad DEVM, quam solemne: quia scilicet secundum se, & seclusa Constitutione Ecclesiæ, æqualiter obligant: nam utrumque in perpetuum obligat, & utriusque violatio est peccatum mortale, quamvis violans votum solemne gravius peccet, *Gl. h. v. Apud DEVM.* Sicut etiam eandem vim habent, quoad impediendum matrimonium contrahendum: sed ex Constitutione Ecclesiæ votum solemne est fortius, quia non solum impedit, ne licite, sed etiam ne valide contrahatur: sed matrimonium postea contractum omnino dirimit,

mit, & invalidum reddit, *Abb. hic n. 6.* Simile est, cum dicitur, quod inter simplicem loquelam, & juramentum DEVS non facit differentiam, *c. Juramenti. 12. caus. 22. q. 5.* magis tamen peccat perjurus, & gravis punitur, quam qui simpliciter mentitur, *Gl. fin. ibid.*

Notandum 2. Contractus etiam juratus contra votum præcedens initus non tenet, & sic votum etiam simplex, (quale est castitatis servandæ, alio non interveniente) est fortius vinculum, quam juramentum; imò non valet juramentum contra votum editum, sed est temerarium, *Abb. hic num. 3.* & patet ex hoc c.

Notandum 3. Indubitatim dicitur, quod communis opinio DD. tenet, ut colligitur ex fine hujus cap. Ubi Papa dicit, nihil ambiguitatis illam questionem continere, quod votum simplex impediat matrimonium contrahendum, sed non dirimat contractum, quia est communis opinio, quam Jux in judicando sequi debet, *Alex. de Novo hic n. 6.*

XXVI. Porro Gregorius XIII. in nova Constitutione, quæ incipit, *Ascendens Domino*, edita anno 1584. in hoc Jux commune antiquum corripit, ac statuit, ut in Religione Societatis Jesu tria vota simplicia, post biennium probationis emissæ (adeoque etiam votum simplex castitatis) irritent matrimonium postea contractum, ita ut omnes ij, qui prædicta tria vota substantialia, tametsi simplicia emisissent, matrimonium contrahere nequeant, quin imò eos omnes ad contrahendum inhabiles facit, ac hujusmodi contractus nullos, & irritos esse declarat: quapropter hæc vota matrimonium antea contractum non dirimant, quia de hoc nulla ibi fit mentio, ac proinde illa quoad hoc manent sub dispositione Juris communis. Causa autem hujus novæ Constitutionis fuit, quia in his votis simplicibus omnino cessant rationes, ob quas votum castitatis simplex non irritat matrimonium in secularibus, de quibus supra n. 24. Nam hujusmodi vota simplicia in Societate emittantur cum magna deliberatione, nempe post biennium probationis: & per illa verè mutatur status secularis in regularem, & voventes possunt cogi ad permanendum in Religione, & servanda vota, ac puniri tanquam Apostata, si à proposito recedere velint, ipsique novæ obligatione, & novo statu Ecclesiæ subijciuntur, prout decidit in prædicta Constitutione Gregorii XIII. & rectè notavit *Sanch. cit. dist. 11. num. 5.*

§. III.

An per votum simplex castitatis dirimantur præcedentia sponsalia de futuro?

XXVII. De hac questione agit in c. *Veniens*, n. 5. h. t. Ubi habetur, quod quædam mulier promissit, se cum viro absenti nupturam, sed postea audiens plura de severitate illius noluit ei copulari, seu matrimonio jungi: cum verò timeret, ne cogeretur illi nubere, in manibus cujusdam Eremite, votum continentis (simplex) emisit: non tamen vestem, seu habitum, vel locum mutavit; quo audio, vir cum alia matrimonio contraxit,

Consultus Papa rescribit, tutius esse, ut prædicta mulier, post fidem datam, & simplex votum, matrimonium contrahat, quam fornicationis reatum, seu peccatum incurrat: idèque si in facto non sit ulterius processum, ipsi ob fidem mentitam, seu non servatam, & votum violatum, congrua satisfactio, seu penitentia imponatur, & licentia contrahendi matrimonium detur.

XXVIII. Jam ergo oritur questio supra proposita, an in casu hujus cap. per votum simplex castitatis editum à muliere, fuerint dissoluta sponsalia priora, per quæ hæc mulier promissit, se nupturam viro cuidam absenti? In qua re certum est 1. per votum ingrediendi Religionem priora sponsalia dissolvi, quia illud habet se respectu sponsalium, sicut votum solemne Religionis se habet respectu matrimonii rati: sicut ergo hoc dissolvit matrimonium ratum, ita illud sponsalia, *Sanch. libr. 1. de sponsal. dist. 46. n. 2.* 2. Certum est, per votum simplex castitatis perpetuæ præcedens sponsalia illa irritari, quia continent promissionem rei illicitæ, *Sanch. c. l. num. 3.* Certum est 3. quando unus ex sponsis castitatem vovit, alterum à sponsalibus servandis liberum esse, quia vovens censetur eo ipso sponsalibus renunciasse: accedit, quod res sint notabiliter mutatae, cum enim vovens non possit petere debitum conjugale, grave onus foret alteri impositum, si semper cogeretur petere, maxime si esset fornicaria, *Sanch. c. l. n. 5.*

XXIX. His suppositis, quando queritur, utrum post sponsalia inita, possit licitè emitti votum simplex castitatis, & servari, ita ut per illud dissolvantur sponsalia priora, etiam ex parte voventis, duplex est sententia. Prior asserit, sponsalia de futuro dissolvi per subsequens simplex votum perpetuæ continentis, edictum animo permanendi in seculo, ita ut vovens non possit matrimonium antea promissum inire, quam tenet *Tayner, tom. 4. dist. 8. q. 1. dub. 4. n. 54.* & alii apud ipsum. Qui eam extendunt etiam ad sponsalia jurata, & est sententia probabilis. Ratio est, quia simplex promissio sponsalium videtur cedere simplicis promissioni castitatis, utpote de meliøre bono incompatibili cum matrimonio: & voti vinculum videtur fortius, quam sponsalium, inducit enim obligationem fidelitatis erga DEVM, sponsalia verò solum erga hominem: neque etiam promissum infringit, qui in melius id commutat, c. *Pervenit. 3. de iurejur.* & quia votum hanc tacitam conditionem in se continet, nisi statum perfectiorem continentis elegero. Idque etiam probari videtur ex cit. c. *Veniens. h. r.* Ubi mulier, ut à sponsalibus liberaretur, castitatem vovit, & rogatus Pontifex, an nubere possit, non obstante voto, respondet, ob periculum fornicationis injungendum illi esse penitentiam de voto violato (id est animo violandi votum, quia petebat sibi dari licentiam nubendi, ut explicat *Gl. ibid. V. Voto*) quæ etiam data ei fuit: ergo votum castitatis prævalet sponsalibus, aliàs volens servare fidem sponsalium nubendo, non peccaret contra votum, quippe quo stante maneret obligatio ad nubendum. Et juxta hanc sententiam, si quis post votum castitatis editum, contrahat cum alia matrimonium, violabit quidem votum, non tamen fidem priorum sponsalium, quia ea jam omnino erant dissoluta per votum, *Sanch. cit. dist. 46. n. 8.*

XXX. Al-

XXX. Altera sententia, quam tenet *Silvest. P. Sponsalia. q. 7. Navarr. in Man. c. 22. n. 27. §. 10. Sanch. cit. dif. 9. Laym. l. 1. §. tr. 10. p. 1. c. 2. n. 6. & docent plures Canonistæ in c. Veniens. §. h. t. asserit, per votū etiam simplex castitatis editum post sponsalia prius contracta, illa non dissolvi. Idque colligitur ex cit. c. Veniens. ubi mulieri, quæ post sponsalia, seu promissum matrimonium, votum continentiz edidit, & sponsus ad alias nuptias transiit, continentia imponitur, tum propter fidem desponsationis violatam, & quia per ipsam stetit, ne promissum matrimonium contraheretur: tum propter votum, à quo cupiebat liberari, ut alteri nubere posset; ergo votum castitatis non dissolvit sponsalia præcedentia. Ratio est, quia DEVS non acceptat votum, seu promissionem rei prius alteri promissæ, & in ejus præjudicium: sicut si quis vovit, se promissit DEO dare equum, quem antea jam promiserat, vel donaverat Titio, non valet tale votum, quatenus cedit injuriam Titij. Ergo similiter DEVS non acceptat votum sponsi, quo promittit corpus suum DEO, quod jam promissum fuit alteri per sponsalia. Deinde nullo jure probatur, sponsalibus inesse hanc tacitam conditionem, nisi statum continentiz perfectiorem fuero amplexus. In c. Pervenit. 3. de Jurisjur. est sermo de voto, quod fit DEO, qui rem meliorem velle acceptare censetur: non autem de promissione homini facta, hanc enim non licet, propria auctoritate, in melius commutare, cum præjudicio alterius, *Sanch. c. l. n. 9. & Laym.* Neque etiam obstat, quod si duo vincula incompatibilia, & valida concurrunt, fortius prævalet, c. Si inter. 3. de sponsal. Sed vinculum voti perpetuæ castitatis est impossibile cum sponsalibus de futuro, & est fortius, quia inducit obligationem fidelitatis respectu DEI, sponsalia verò solum respectu hominis. Resp. majorem esse veram, quando utrumque vinculum est validum: at votum non est validum, quatenus cedit in præjudicium sponsæ, *Sanch. c. l. n. 11.**

XXXI. Notandum hic præterea 1. quia prior sententia asserens per votum simplex continentiz priora sponsalia dissolvi, saltem ob gravem DD. auctoritatem probabilis est, ideo potest quis à sponsalibus, præsertim clam iniis, animo eligendi statum perfectiorem continentiz, tui conscientia, resiliere: si verò palam sponsalia, & publice inita sunt, vix poterit vovens, propria auctoritate, sine infamia sponsæ, & multorum querelis, à sponsalibus, propria auctoritate, recedere. Et hinc in foro externo Judex Ecclesiasticus sponsum, qui asserit, se post sponsalia, votum continentiz edidisse, compellere solet, ut viam tutiorem eligat, nempe ut vel sponsalia servet, & impleat, vel ut intra præfixum ei tempus, Religionem ingreditur, vel saltem Ordinem sacrum suscipiat, *Laym. cit. c. 2. n. 7.*

Notandum 2. Is, qui post sponsalia contracta, simplex votum continentiz edidit, non tenetur Religionem ingredi, & profiteri, quia eam non vovit, continentiam autem, quam vovit, non obligatur tam difficili medio implere, unde ingredi quidem Religionem potest, si velit, vel debet sponsalia implete, & perficere, contrahendo matrimonium, quia sponsalia non sunt dissoluta, *Sanch. cit. dif. 46. n. 12. Laym. cit. c. 2. n. 8. ubi n. 9. addit, quod qui voto*

continentiz obstrictus licet, vel illicitè matrimonium contraxit, non potest petere debitum, donec dispensationem impetret.

Notandum 3. Cum votum continentiz editum, post sponsalia de futuro, illa non dissolvat, nec impedit, quin vovens possit matrimonium inire, juxta probabiliorē sententiam, est tamen tale votum validum, & obligat quoad se, & in ipsius voventis præjudicium, non autem in alterius, seu sponsæ præjudicium, ita ut non potuerit se obligare vovens ad non ducendam illam, cui fidem dedit, sive cum qua sponsalia contraxit: tenetur tamen vovens, si sponsa fidem datam temerit, vel ex justa causa sponsalia, aut matrimonium dissolvatur, servare castitatem, & contracto matrimonio, non potest petere debitum, etsi possit reddere. Idque probatur ex cit. c. Veniens. §. h. t. Ubi mulieri, quæ post sponsalia, continentiam perpetuam vovit, cum sponsus ad alias nuptias transiisset, licentia conceditur alteri nubendi, injuncta ei penitentia, ob animum, seu intentionem violandi votum, ergo votum fuit validum, *Sanch. cit. dif. 46. n. 15.*

Porro in cit. c. Veniens. mulier non petijt licentiam nubendi illi, cui desponsata fuit, & fidem dedit, is enim jam cum alia matrimonio iniit, ut ibidem dicitur, sed petijt licentiam nubendi alteri, ad quod requirebatur dispensatio, valet enim hoc votum respectu aliorum, ut supra dictum, *Sanch. c. l. n. 11.* Ex quo patet responsio ad argumentum allatum ex cit. c. Veniens. pro prima sententia.

XXXII. Notandum 4. ex cit. c. Veniens. aliqui DD. colligunt, quod etiam Episcopus possit dispensare in voto perpetuæ castitatis, quia hic Episcopus absolvit quandam feminam à voto, quo promiserat DEO perpetuam castitatem. Sed verius est, Episcopum jure ordinario id non posse, quia in hujusmodi votis relaxatio est reservata S. Pontifici, ut docet *Abb. hic in fine. & Aror p. 1. libr. 11. c. 19. §. 11.* Itaque Episcopus hic dispensavit, ex commissione Patris, ut patet ex illis verbis in fine, Et ei, cui vult, licentiam nubendi in Domino tribuere non postponas. Quamquam probabile sit, etiam Episcopum posse dispensare in voto castitatis perpetuæ, ob urgentem causam, seu gravem necessitatem, prout est probabile periculum incontinentiz, seu fornicationis, præsertim si interveniat simul moralis impotentia, seu grave impedimentum adeundi Pontificem, adeoque sit periculum in mora, *Sanch. l. 8. de matr. dif. 9. n. 22. & alii apud Barbos. in Collect. in cit. c. Veniens. n. 5.* Porro causæ, ob quas dispensatum fuit cum muliere, de qua fit mentio in hoc c. ut possit nubere alteri, erant, tum quia votum emisit, ex timore sævitiz viri, ne cogere tur illi nubere: tum propter majus periculum evitandum, quia erat juvenis, & suspecta de incontinentia, *Alex. de Navo*

num. 9.



T I T V L V S VII.

DE EO, QUI DUXIT IN MATRIMONIUM, QUAM POLLUIT PER ADULTERIUM.

Hic Titulus latiùs patet, quàm ejus Rubrica, seu inscriptio contineat, agitur enim in illo de impedimento criminis, non tantùm adulterii, per quod dirimitur matrimonium subsequens, sed etiam de crimine homicidii, sive machinationis mortis alterius Conjugis, per quod similiter dirimitur matrimonium, ideòque de utroque hoc loco agemus.

§. I.

An, & quando adulterium dirimat matrimonium subsequens?

I.

ASERTIO I. Adulterium dirimit matrimonium subsequens, si vir, vivente legitimâ uxore, cum alia per verba de præsentî matrimonium contraxerit (scilicet de factò, vel potiùs contrahere attemptaverit, cum nemo simul duas uxores habere possit.) Vel saltem de matrimonio, post mortem conjugis prioris, contrahendo promissionem fecerit, tum enim non potest vir, post mortem prioris uxoris, secundam retinere, vel de novo cum eadem matrimonium contrahere, quia matrimonium cum secunda initum est ipso jure nullum, & irritum, prout constat ex c. *Relatum*. 4. *caus.* 31. q. 1. Ratio autem hujus impedimenti est, ne ob promissionem, & spem matrimonii futuri, capteretur occasio occidendi priorem conjugem, *Sanch.* l. 7. de *matr. dif.* 79. n. 1. Sufficit autem, ut adulter cum adultera inear matrimonium clandestinum, nec enim potest inire validum, durante adhuc priore conjugio, *Sanch.* c. l. n. 8. & perinde est, si ve adulterium præcedat, si ve sequatur matrimonium cum adultera initum, vel promissionem cum illa ineundi, in utroque enim casu incurritur hoc impedimentum dirimens matrimonium, c. *ult. h. t.* quia in utroque præbetur ansa captandæ mortis conjugis, *Sanch.* c. l. n. 3.

II. ASERTIO 2. Si quis vivente legitimâ suâ uxore, cum alia contrahat matrimonium, ignorante primam uxorem ipsius adhuc vivere: is mortuâ primâ uxore, si petat à secunda separari, non debet ab illa separari, quamvis secunda possit à viro, si velit, discedere, prout rescripsit Papa Alexander III. in c. *Proposuit*. 1. h. t. Nam cum quidam uxorem habens aliam hujus rei ignaram sibi matrimonio copulâset, & primâ mortuâ, à secundâ vellet discedere (asserens, quòd uxore vivente, non licuit sibi eam ducere, ut haberetur in integra lectione hujus c.) Consultus Papa respondit: licet in Canonibus habeatur expressum, (c. 1. *caus.* 31. q. 1. s. *Ex litterarum*. 4. & seq. & c. *ult. in fine*. h. t.) ut nullus ducat in matrimonium, quam priùs pol-

luit adulterio, & maxime illam, cui fidem dedit, uxore suâ vivente, vel quæ machinata est in mortem illius: quia tamen prædicta mulier fuit infensa, quòd ille aliam uxorem viventem haberet: neque etiam æquum est, ut ille vir, qui contra Canones egerat, de dolo suo commodum reportet: ideo decernit idem Pontifex, ut nisi mulier illa divortium petat, non sint ab invicem separandi, scilicet de factò, nam de jure separari non poterant, cum matrimonium nunquam tenuerit, *Abb. hic in fine*.

III. Pro explicatione hujus cap. notandum 2. duo sunt casus, in quibus propter delictum adulterii prohibetur matrimonium iniri inter adulterum, & adulteram. Primus est, quando adulter dat fidem adulteræ, seu promittit se illam ducturum in uxorem, mortuâ suâ legitimâ uxore, vel si de factò contrahit matrimonium cum illa, uxore legitimâ adhuc vivente, c. *Cum haberet*. 5. & c. *ult. h. t.* de quo infra. Secundus casus est, quando intervenit machinatio in mortem alterius Conjugis, qualis autem machinatio requiratur, dicitur infra, *Alex. de Novo hic n. 2.*

Notandum 2. Delictum adulterii non cadit in ignorantem, quia adulterium sine dolo malo non committitur, l. pen. ff. ad leg. *Jul. de adult.* ignorans autem caret dolo, idque procedit, etiamsi sit crassa, & supina ignorantia, quia ubi lex requirit dolum, etiam lata culpa non æquiparatur dolo, *Alex. de Novo hic n. 3.* & ideo mulier illa in casu hujus cap. excusatur ab adulterio, quia non fuit in dolo, ignoravit enim, quòd vir ille uxorem adhuc viventem haberet. *Hosiens.* hic §. *Insciam hujus rei*.

Notandum 3. post mortem primæ uxoris, matrimonium cum secunda initum non est validum, nisi novus consensus interveniat, quia prior consensus nullus fuit: novus autem consensus intervenire potest, vel expressè verbis: vel tacitè, & factò, quia eo ipso, quòd uterque certior factus est de morte prioris conjugis, præsumitur, si carnalis copula subsequatur, tacitè consentire. Quòd si mulier secunda non vult consentire, ad ipsius instantiam, fit divortium, quia cum illa non fuit matrimonium, cum fuerit ducta, vivente primâ uxore. Si verò vir nolit consentire, per Ecclesiæ compelli debet ad consentiendum, *Hosiens.* hic in c. 1. Porro vir, ratione

lione fidei promissæ secundæ mulieri, non potest separationem petere: mulier verò non obligatur manere cum viro, quia ipsa decepta fuit, & ignata contraxit, putans illum non habere aliam uxorem: & matrimonium non potest claudicare, ut teneat ex parte unius contrahentis tantum, *Vivian. in Ration. incir. c.* Si tamen vir iste contraheret matrimonium cum alia tertia, post mortem primæ uxoris, illud teneat, *Gl. fin. incir. c. 1. h. t.*

Notandum 4. quamvis in pluribus Canonibus relatis *caus. 3. q. 1.* absolute, & sine addito statuatur, ut nullus ducat in matrimonium, quam prius polluit adulterio, idemque prohibeatur in *c. 1. h. t.* ex aliis tamen Canonibus, *c. Si quis. 5. & 2. seqq. cir. caus. 3. q. 2.* & pluribus capitulis hujus Tit. constat, solum adulterium non sufficere ad dirimendum subsequens matrimonium, sed insuper requiri, ut vir fidem dederit, seu promiserit matrimonium adulteræ, vel actu cum illa contraxerit, vel ut adultera in mortem uxoris prioris machinata fuerit, ut ex infra dicendis patet.

IV. Sed quomodo intelligenda sunt illa verba hujus cap. 1. ubi dicitur: ut nullus ducat in matrimonium, quam prius polluerat adulterio, *maximè illam, cui fidem dederat, uxore sua vivente* (vel si de facto eam duxit, *Gl. hic V. Fidem*) vel qua machinata est in mortem uxoris, nam sensus esse videtur, quod quis non possit ducere in uxorem illam, quam polluit per adulterium, etiamsi non dederit fidem adulteræ, neque hæc machinata fuerit in mortem uxoris illius, quia videtur innui, quoddam extra casus hic expressos prohibitum sit matrimonium cum adultera, etsi præcipuè isti prohibeantur, quod tamen falsum est, ut patet ex *c. Significasti. 6. h. t. Alex. de Novo in cir. c. 1. n. 6.* Unde Abb. & alii quidam DD. dictionem *maximè* exponunt pro *tantum*, vel *duntaxat*, id est, tantummodo inter his casibus matrimonium esse interdictionem inter adulterum, & adulteram, quando simul & contractus matrimonii, vel data fides contrahendi matrimonii inter eos intervenit, vel etiam machinatio in mortem uxoris. Verum quia hæc expositio non congruit Canonibus supra allegatis: ideo probabilior est interpretatio Gratiani in *c. Illud verò 3. §. Hic subaudiendum est caus. 3. q. 1.*

Nam in *cir. Can. Illud*, statutum fuit, ut si quis cum uxore alterius fuerit fornicatus, marito mortuo, is non possit matrimonialiter copulari cum ea, quam prius polluit per adulterium: ubi subintelligendum est, nisi prius peractâ pœnitentiâ, & si nihil in morte viri is machinatus fuerit, vel si vivente viro, fidem adulteræ non dedit, se ducturum eam in conjugem, si viro ejus superviveret. Quare in Canonibus supra allatis non prohibetur præcisè, ne adulter contrahat matrimonium cum adultera, defuncto marito adulteræ, sed ne contrahat, ante peractam ab eo pœnitentiâ, ob adulterium à se commissum, prout interpretatur *Gratian. ibid.* & confirmatur ex *c. Si quis vivente. 5. ead. caus. & q. ubi* habetur, quod si quis, vivente marito, conjugem illius adulteravit, possit post peractam pœnitentiâ, viduam ejus in conjugem ducere, quam viro vivente, per adulterium polluit: Et hanc interpretationem sequitur etiam *Henric. Canis. in Commentar. in hunc Titulum num. 7.*

Tomus IV.

V. *ASSERTIO 3.* Si quis contraxit per consensum de præfenti præstitum cum una, quam tamen carnaliter non cognovit, adeoque matrimonium non consummavit, sed postea cum alia scienter contrahat (quia scientes primam uxorem vivere, de facto simul contrahant matrimonium) eamque carnaliter cognoscat: hoc casu, si primum matrimonium non fuit validum, quia coactè contraxit, nec eam carnaliter cognovit, talis etiam mortuâ primâ uxore, non potest manere cum secunda, nec eam habere in uxorem. Si verò prius matrimonium fuit validum, licet prima uxor sit mortua, non potest habere secundam in uxorem, si scientes primam vivere matrimonium contraxerunt: secus, si ignoranter contraxit cum secunda, nesciens primam adhuc vivere, tunc enim aliam ducere poterit, prout sumitur ex *c. Significasti. 2. h. t.* Ubi talis casus proponitur: Quidam O. nomine Andegavensis vi, seu metu cadente in virum constantem coactus fuit mulierem A, accipere in uxorem: postea verò liberè aliam in uxorem duxit, sed compulsus fuit ab Archiepiscopo Eboracensi jurare se non accessurum ad illam, quam liberè duxit, donec lis inter ipsum, & dictam mulierem A. in Judicio Ecclesiastico fuerit terminata, prout habetur in integra lectione hujus cap. Causâ hæc delatâ ad Papam Alexandrum III. is refertur, & mandat, ut si constiterit, quod dicto O. tanta vis fuerit illata, ut coactus, & non sponte in primam consenserit, nec post præstitum juramentum, ipsam A. carnaliter cognoverit, ad illam, quam postea sponte accepit, revertendi libera facultas ipsi tribuatur: alioquin ne ad secundam revertatur, sub interminatione anathematis, sen excommunicationis illi inhibeatur, ita tamen ut aliam in uxorem ducendi licentia ipsi detur.

VI. Pro explicatione hujus cap. notandum 1. ut adulterium dirimat matrimonium subsequens, requiritur, ut matrimonium prius contractum sit validum, si enim esset revetâ invalidum, adulterium illud existimatum, cum futuri matrimonii promissione, non dirimeret sequens matrimonium contractum cum adultera, prout deciditur in *cir. c. 2. h. t.* ubi statuitur, quod matrimonium gravi metu injustè incusso contractum, adeoque ipso jure irritum, etsi solum sit ratum, & carnali copulâ non consummatum, non dirimat matrimonium postea initum cum adultera, modò prius matrimonium invalidum non fuerit postea expressè, vel tacitè ratificatum, *Sancti. l. 7. de matr. dif. 79. n. 30.* Ratio est, quia quando primum matrimonium non est verum, quia invalidum, tunc non committitur verum adulterium, ideoque per illud non debet impediri, aut dirimi secundum matrimonium validè contractum: non enim præstat impedimentum, quod de jure non sortitur effectum, *c. Illud. 8. de iure patron.*

Notandum 2. per copulam carnalem subsequens matrimonium gravi metu contractum, illud ratificatur, & validum redditur, quia per illam quasi purgatur metus, dummodo ea copula sit spontanea, & affectu maritali habita, non autem metu gravi extorta ad consummandum matrimonium, *Sancti. libr. 4. de matr. dif. 18. n. 15.*

Notandum 3. Matrimonium validum, etiam ante carnalem copulam, & nondum consummatum, inducit

inducit impedimentum dirimens perpetuum, ita ut non possit quis ducere, vel habere in uxorem illam, cum qua contraxit, & consummavit matrimonium, vivente primâ uxore, etsi non cognita: & sic ad constituendum hoc impedimentum non requiritur, ut primum matrimonium sit carnali copulâ consummatum, sed sufficit solus contractus matrimonii, etiam absque carnali copula, modò si sit validus, ut colligitur ex hoc cap. *Alex. de Novo. ibid. n. 5.*

Notandum 4. Per juramentum adjectum matrimonio gravi metu contracto, non efficitur hoc validum, ut probatur ex *cir. c. 2. h. r.* Ubi expressè habetur, cum qui post matrimonium metu contractum, & juramento firmatum, aliam duxit, debere permahere cum secunda, priusque matrimonium fuisse invalidum, ergo per juramentum non redditur validum matrimonium: & ratio est, quia matrimonium gravi metu contractum est irritum, ob defectum libeti, & spontanei consensûs substantialiter requisitis, *c. cum locum. 14. de sponsal. quia defectum juramentum non supplet, Sanch. cit. libr. 4. dis. 20. n. 12.* Quin imò tale juramentum adjectum matrimonio gravi metu extorto non obligat, nec relaxatione indiget, ut docet etiam *Sanch. cit. dis. 20. n. 15.* quia Ecclesia, non tantum irritat matrimonium metu initum, sed etiam juramentum tali matrimonio appositum, ut colligitur ex *cir. c. 2. h. r.* Ubi dicitur: Eum, qui post matrimonium metu contractum, & juratum cum una, aliam duxit, cum secunda validè contraxisse, & licitè posse cum illa permanere; alioquin si tale juramentum obligaret, additum fuisset, ut aliqua pœnitentia juranti imponeretur, ob violationem juramenti, sicut factum fuit in *c. Sicut. 22. de sponsal. de quo plura videri possunt apud Sanch. c. l. n. 15.*

VII. ASSERTIO 4. Si quis, vivente primâ uxore, à qua se ob adulterium ejus separavit, quoad torum, & quæ monialis facta est, contrahat cum secunda, quæ scivit, quod vir illè aliam habeat uxorem, is mortuâ primâ uxore, separari debet à secunda, ita tamen ut possit ducere in uxorem, non secundam, sed aliam tertiam, prout statuitur in *c. Ex litterarum. 4. h. r.* Nam cum quidam uxorem suam deprehensam in adulterio (& de eo convictam, *Gl. hic V. Deprehensam.*) cum consensu Episcopi, dimisisset, quæ postea assumpsit habitum Monachalem: sed maritus illè, ante mortem uxoris suæ aliam duxit, ex qua plures suscepit liberos, & tandem etiam legitimam ejus uxorem decessit. Consultus super hoc Papa Clemens III. respondit, virum illum separandum esse à secunda femina, quam superinduxit: posse tamen eundem virum, impositâ illi pœnitentiâ ob adulterium, aliam ducere in uxorem.

Hinc colligitur, etsi conjuges separantur, quoad torum propter adulterium ab uno commissum, vinculum matrimonii nihilominus manet, etiam si adultera ingressa sit Monasterium, quia matrimonium semel consummatum non dissolvitur, nisi morte naturali, *c. 1. & 2. caus. 32. q. 7.* Nam talis vir contrahendo cum secunda, vivente primâ, & illam carnaliter cognoscendo, commisit adulterium, & ideo in penam sic contrahentes sunt inhabiles, ut non possint contrahere matrimonium inter se,

quamvis mortuâ legitimâ uxore, adulter cum alia possit matrimonium contrahere, & è converso adultera cum alio, *Abb. hic. 2. & 3. & Alex. de Nov. n. 3. & 5.*

VIII. Porro quod dictum est, eum, qui vivente uxore legitimâ, cum secunda contrahit, & cum ea adulteratur, etiam primâ mortuâ, ab illa separandum esse, id procedit, etiam si longo tempore ei cohabitaverit, & filios ex ea suscepit, prout statuitur in *c. cum haberet. 5. h. r.* Nam cum quidam, Joannes nomine, habens legitimam uxorem cum altera Margarita nomine, adulterium perpetrasset, & ob hoc in jus vocatus adulteram abjurasset, postea juramento contempto, & vivente legitimâ uxore suâ, cum eadem matrimonium contrahere præsumpsit, eique diu cohabitavit, ac tandem mortuâ legitimâ uxore, per decennium adulterâ adhuc cohabitando, decem ex illa filios procreavit. Consultus super hoc Pontifex jussit illos separari, & injunctâ ipsis pœnitentiâ, perpetuam continentiam iisdem indici, quia tanto tempore publicè, & ex certa scientia in adulterio, & perjurio perduravit. Nam Leo Papa statuit (in *c. 1. caus. 31. q. 1.*) ut nullus ducat in matrimonium, quam adulterio polluit: sed hic plus processum fuit, quàm si fides tantum data fuisset adulteræ, ut defunctâ legitimâ uxore, eam duceret in uxorem, quia vivente etiam primâ legitimâ uxore, maritus mœchæ adhæsit, & juramentum suum temere violavit. Quale concubium, etsi juramentum non intercessisset, tam Gregorius Papa (ut putat *Hofstien. hic V. Gregorius.*) quàm Triburiensis Synodus detestatur, *c. Relatum. 4. & c. Si quis. 5. caus. 31. q. 1.* Cujus tamen quoad hoc decretum non reperitur positum in Corpore Decretorum, & tales præcipit publicæ pœnitentiæ subjici, ac perpetuò, sine ulla spe conjugii, permanere. Neque juvat quidquam, quod dicti Joannes & Margarita per decennium cohabitarent, ac decem filios suscepert, quia multiplicitas proli sic suscepit eorum crimen exaggerat, & diurnitas temporis peccatum non minuit, sed auget. Additur in fine, Episcopum curare debere, ut uterque adulter liberis suis, quatenus eis supponunt facultates, alimenta necessaria subministrer.

IX. Pro declaratione hujus cap. notandum 1. Judex Ecclesiasticus potest compellere adulterum, ut abjuret adulteram, hoc est, eam à se dimittat, cum juramento, quòd eam deinceps recipere nolit. Quare Judex Ecclesiasticus potest cognoscere, & judicare de adulterio, non solum cum agitur ad separationem matrimonii quoad torum: sed etiam ut reintegretur matrimonium, & desistatur à peccato adulterii, *Abb. hic. 2. & Alex. de Novo. n. 1. & 2.*

Notandum 2. In casu hujus cap. adulteris major pœna infligitur, scilicet perpetua continentia, quia plus est, hoc est, majus impedimentum est, de facto contrahere cum adultera matrimonium per verba de presenti, eamque cognoscere, quàm solum fidem dare per verba de futuro de matrimonio contrahendo, post mortem uxoris, tunc enim datur adultero licentia aliam ducendi, præter adulteram, ut in *c. 2. & 4. h. r.* quia ergo hic isti plus peccaverunt,

De eo, qui duxit in matrimonium, quam polluit per adulter. 95.

rant, ideo etiam plus puniuntur, *Gl. hic V. Perpetua continentia, & V. Et quod hic plus. Hostiens. ibid. V. Perpetua continentia, & V. Plus processum, Alex. de Navo hic n. 3.*

Notandum 3. Diuturnitas temporis non minuit peccatum in foro animæ, & quoad DEUM, sed potius augeat, & sit gravius, etiam si non sit iteratum, quia non penitendo videtur contempnissse Divinum iudicium, & præceptum Ecclesiæ, *Abb. hic n. 4. & Alex. n. 9.*

Notandum 4. Liberis, non solum legitimis, sed etiam spurcis, siue natis ex adulterio, vel alio iure damnato concubitu, præstanda sunt à parentibus alimenta necessaria, secundum proprias facultates, saltem ex æquitate Juris Canonici, ut habetur in fine hujus c. *junct. Gl. fin. quod in hoc correxit rigorem Juris Civilis in Auth. Ex complexu. C. de incest. nupt.* quia Jus naturale dicitur hominem à parentibus procreatum educari, conservari, & ali debere, ne pereat, quod jus commune est filiis legitimis, & illegitimis, *Covarr. in l. 4. Decret. p. 2. c. 8. §. 6. n. 1. & 2. Azor p. 1. lib. 5. c. 21. in princ.* Atque hac in te standum est Juri Canonico, etiam in foro Civili, & in Terris Imperii, maxime si liberi aliunde non habeant, unde alantur, ut tradit *Azor c. l.* Idque servandum esse in utroque foro secundum communem DD. sententiam testatur etiam *Gail lib. 2. obs. 88. n. 4.*

X. ASSERTIO 5. Si quis vivente primâ uxore, secundam in sciam criminis adulteri duxerit in uxorem, mortuâ primâ, licetè manere potest cum secunda, si novus consensus interveniat, prout sumitur ex c. *Veniens. 7. h. t.* Ubi talis casus proponitur: Laicus G. in civitate Lemovicensi, quandam sibi matrimonialiter copulavit, à qua postea recedens Messanam venit: ubi cum alia muliere M. in sciam, quod ipse jam aliam haberet uxorem, matrimonium solemniter contraxit. Verum penitentia ipsi injunctâ, jussus est redire ad primam legitimam uxorem, quam cum in patriam redisset, invenit jam mortuam, ideoque reversus Messanam, & prædictæ M. tanquam legitimæ uxori cohabitavit. Re delatâ ad Papam Innocentium III. is respondit: licetè vivente legitimâ uxore, ipse G. non potuerit prædictam M. in uxorem sibi copulare: eâ tamen defunctâ, novo solutus fuit à lege ipsius, in eandem potuit de novo matrimonialiter consentire: dummodo prius non præsterit fidem adulteræ, vel machinatoris fuerit in mortem uxoris. Quare mandat Pontifex Capitulo Messano, ut si ita est, eidem G. licentiam concedat, ut supradictæ M. affectu conjugali adhæreat.

XI. Ratiõ decisionis est, quia licet vir fuerit in mala fide, ideoque ei penitentia injuncta fuit, & jussus redire ad primam legitimam uxorem, mulier tamen secunda in bona fide fuit, nec commisit adulterium, quia ignoravit virum habere aliam uxorem, *Gl. fin. hic, & ideo etiam conceditur ei, ut post mortem primæ uxoris viri, cum eo licetè manere possit, & matrimonium de novo contrahere, quia primus consensus omnino nullus fuit, ac proinde de novo debet consentire in ipsum: Gl. hic in notat.* Quamvis non requiratur, ut per verba expressa con-

sentiat, sed sufficit consensus tacitus, & ipso facto per carnis copulam, *Hostiens. hic col. 3. V. de novo, & V. Adherebat.* Quare tale matrimonium secundum, post novum consensum, saltem tacitum, valet ex nunc, si mulier voluerit in eum consentire, quia ad id compelli non potest, quamvis vir possit, qui in culpa fuit, & dolo, *Gl. hic V. De novo.*

XII. ASSERTIO 6. Si quis, vivente uxore suâ legitimâ, fidem dedit alteri de ea ducenda, post mortem uxoris, vel cum ea de facto contraxit matrimonium, si nec ante fidem datam, nec post, vel nec ante contractum matrimonium de facto, nec post, cognovit eandem, superstitem suâ legitimâ uxore, non est tale matrimonium dirimendum, quod post mortem uxoris cum ea contraxit: quamvis utrique eorum penitentia sit injungenda, cõ quod in hoc graviter deliquerint. Sed si prius vel postea (id est, ante vel post fidem datam, vel contractum matrimonium) dum uxor ipsius vixit, eam cognovit, adeoque adulterio polluit, non debet tale matrimonium tollerari, prout statuit Gregorius IX. in c. *Si quis. 8. & ult. h. t.*

XIII. Pro declaratione hujus cap. notandum 1. Solus contractus matrimonii, vel sola datio fidei, seu promissio de eo contrahendo cum secunda, vivente primâ, non inducit impedimentum dirimens matrimonium, nec impedit, quominus quis, post mortem uxoris matrimonium cum illa, cui fidem dedit, vel cum qua tantum de facto contraxit, contrahere possit, nisi processum fuerit ad carnalem copulam. Nam ad hoc impedimentum inducendum duo conjunctim sunt necessaria, adulterium scilicet, siue carnalis copula, & matrimonium de facto contractum, vel data fides, seu promissio facta de eo contrahendo, aliâ si unum desit, matrimonium non dirimitur, *Hostiens. hic col. 2. V. Ceterum.* Et sic intelligenda sunt omnia Jura illa, quæ statuunt, ut nullus ducat in uxorem eam, cui dedit fidem, seu promissit se illam dñcturum, post mortem uxoris, vel cum qua de facto contraxit matrimonium, *Gl. in cit. c. fin. V. Cognovit eandem. h. t. Alex. de Navo. ibid. n. 1. & 6.* Ubi addit, rationem hujus esse posse, quia quando matrimonium non est consummatum, non sic inducitur quis ad machinandum mortem alterius, sicut si machinator facta sit in mortem secundæ. Porro ex adulterio consurgit hoc impedimentum, siue adulterium à conjugæ admisso præcedat dationem fidei, vel matrimonium de facto initum, siue sequatur, quia in utroque casu præbetur anfa captandæ mortis, *Alex. de Navo hic n. 4. Sanchez. l. 7. de matrim. disp. 79. n. 3.*

Notandum 2. Fidem dare alicui de matrimonio contrahendo, vel de facto contrahere cum illa, primâ uxore vivente, grave peccatum est, quia talis promissio, vel contractus matrimonii inducit votum captandæ mortis alterius, ideo sicut promissio beneficii vacaturi non valet, c. 2. de concess. præb. ita nec promissio futuri matrimonii carnalis, *Alex. de Navo hic n. 3. & hinc in cit. c. ult. h. t. præcipitur, ut talibus penitentia sit injungenda, cõ quod graviter in hoc deliquerint.*

§. II.

Quanam conditiones requirantur, ut adulterium dirimat matrimonium inter adulteros?

XIV. Plures conditiones requiruntur à DD. prout videre est apud *Sanch. l. 7. de matrim. totà disp. 79. Laym. l. 5. tr. 10. p. 4. c. 10. & alios*. Prima est, ut adulterium concurret cum promissione matrimonii futuri, vel cum matrimonio de facto inito, vivente legitimâ conjuge, ut jam supra dictum, ita ut non sufficiat matrimonium, nec promissio illius, sine adulterio, neque adulterium sine alterutro illorum, ut constat ex *c. ult. h. t.* Ubi hæc duo simul exiguntur. Altera conditio est, ut matrimonium de presenti attentatum, vel fides de eo data sit, & adulterium commissum sit, durante adhuc eodem legitimo conjugio, quia appetit requiritur in *c. ult. h. t.*, ut utrumque hoc fiat, superfluit legitimâ uxore. Unde si matrimonium initum, vel fides data sit sub priore conjugio: adulterium verò commissum sub altero conjugio posteriore, poterit adulter, mortuâ secundâ uxore, ducere adulteram, cui sub priore conjugio matrimonium promitterat, quia per posterius matrimonium adulter recessit à fide data, ac proinde solum adest adulterium, & spes matrimonii incundi extincta fuit per posterius matrimonium, quia si adulter secundò contrahat matrimonium cum alia, eo ipso recedit à promissione prius factâ, quod mortuâ primâ uxore velit ducere adulteram, *Sanch. cit. disp. 79. n. 5. Laym. cit. c. 10. n. 4.* Quod si è converso adulterium commissum sit sub priore conjugio, fides verò data, vel matrimonium initum sub posteriore, neque tunc hoc impedimentum incurritur, eò quod Canones exigere videntur simul adulterium, & promissionem, vel matrimonium, vivente eodem conjuge, ut eidem matrimonio injuria irrogetur, præbitâ occasione ejusdem conjugis occidendi, *Sanch. c. l. num. 6.*

Tertia conditio est, ut uterque adulterans sciat alterum conjugatum esse, nam altero istud ignorante, non habet locum impedimentum hoc, quia non est formaliter commissum adulterium ex parte utriusque, ut constat ex *c. 1. ibi: quia mulier erat infcia, quod ille aliam haberet uxorem viventem, & c. pen. h. t. Sanch. cit. disp. 79. n. 31. Laym. c. l.*

Quarta conditio est, ut promissio matrimonii non sit ficta, sed seria, cum alioquin non censetur promissio, secundum probabilem sententiam: quamvis aliqui non minus probabiliter putent, etiam ex fictâ promissione oriri hoc impedimentum, eò quod etiam per talem promissionem datur occasio insidandi vitæ alterius conjugis, ut matrimonium possit perfici, quod Ecclesia præcipue intendit vitare, statuendo hoc impedimentum, *Sanch. cit. disp. n. 10.*

XV. Quinta conditio est, ut promissio ab una parte facta, sit ab altera parte acceptata: alioquin non habebit rationem pacti, seu promissionis, quæ exigit duorum in idem consensum, sed erit mera pollicitatio, *Sanch. c. l. n. 22.* An autem requiratur etiam mutua, seu reciproca promissio, non consentiunt DD. Probabile est requiri, quia cum ad hoc

impedimentum requiratur Jura, ut matrimonium de facto contrahatur cum altera, vivente conjuge, vel saltem fides derur de eo contrahendo, ista autem fides est desponsatio de futuro, adeoque mutua promissio, *Silvest. V. Matrimonium. 8. q. 9. dicto 4.* quamvis contrarium tenent *Sanch. c. l. n. 20. & alii: quia in c. Significasti. 6. h. t.* indicatur sufficere, si vit, vivente uxore, si dem dederit alteri de matrimonio contrahendo. Verum ibi sermo est de data fide sponsaliorum, quæ mutuam promissionem important, *Laym. c. l. §. Quinta conditio.*

Sexta conditio esse videtur, ut promissio sit pura, & absoluta, vel saltem ut ante mortem conjugis fuerit purificata, quia promissio conditionalis à quamdiu adhuc suspensa est, & pendet à futuro eventum, non habet rationem veræ promissionis, ut probabiliter docet *Coning disp. 31. de Sacram. dub. 5. n. 59.* Contrarium tamen tenet *Sanch. cit. disp. 79. n. 11.* nempe etiam ex promissione conditionalis oriri hoc impedimentum, si conditio non deficiat, ante commissum adulterium, quia tunc etiam concipitur spes futuri matrimonii, adeoque datur ansa machinandi mortem conjugis. Si verò conditio deficeret, ante patratum adulterium, tunc deficeret etiam promissio (sub conditione facta, nam solum adulterium superveniens non posset inducere hoc impedimentum, *Sanch. c. l.* Verum cum conditio, sub qua promissio facta est, sit contingens, ita ut æque evenire possit, & non possit, non poterit ex ea tam certa spes incundi matrimonii concipi, ut præbeatur occasio machinandi mortem conjugis, ob quod statutum est hoc impedimentum ctiminis. Deinde verba legis pœnalis strictè sunt interpretanda, salvâ proprietate verborum, nec debent extendi, etiam si similis ratio subesset. Cum ergo hæc verba: *Si fides de matrimonio contrahendo data sit*, servatâ verborum proprietate, rectè intelligi possint de fide, seu promissione pura & absoluta, non debent ob similitudinem rationis extendi ad promissionem conditionalem, *Laym. cit. c. 10. n. 4. §. Sexta conditio.*

Septima conditio est, ut copula carnalis sit perfecta, cum immisione seminis inera vas; Jura enim requirunt adulterium, quod de vero, & consummato accipi debet, cum versetur in materia pœnali, *Sanch. cit. disp. 79. n. 44.*

Octava est, ut prius matrimonium fuerit validum, aliàs non committeretur verum adulterium, quamvis non sit consummatum, & dissolutum quoad torum per divortium, *Sanch. c. l. & dictum supra num. 6.*

§. III.

An, & quando crimen homicidii, seu machinationis mortis alterius Conjugis dirimat matrimonium subsequens?

Alterum crimen dirimens matrimonium subsequens est homicidium, seu machinatio facta in mortem unius Conjugis, cum proposito contrahendi postea matrimonium cum altero Conjuge superstitite, *c. Si quis. 5. caus. 31. q. 1. & c. 1. de convers. Conjug.* de quo etiam agitur in hoc Tit.

XVI. **ASSERTIO I.** Si quis matrimonium de facto cum aliqua contraxit, vivente primâ uxore, eamque cognovit, non potest si, post mortem uxoris primæ, illam ducere in uxorem, si ista adultera machinata fuit in mortem primæ uxoris, vel si vir fidem adulteræ dedit, quod primâ defunctâ, illam ducturus sit, prout statuitur in *c. Super hoc. 3. h. t.*

» Nam cum quæsitum fuisset, an liceat alicui contrahere cum ea matrimonium, quam (facti con-

» sciam, *Hofstiens. hic*) vivente uxore suâ, de facto si-

» bi copulavit matrimonio (& illam cognovit, aliâs

» non esset adultera, *Hofstiens. hic*.) Respondet Pa-

» pa Alexander III. si adultera in mortem uxoris a-

» liquid est machinata, sive fidem illi dedit, quod

» post mortem uxoris eam ducturus sit, sive non

» (quæ tamen verba desunt in omnibus exemplari-

» bus manuscriptis, ut notat *Gl. margin. hic*) non

» potest illam habere in uxorem, secundum Cano-

» nes, in perpetuum.

XVII. Pro explicatione hujus cap. notandum

1. solum adulterium commissum cum muliere non inducit perpetuum impedimentum, quominus quis, mortuâ legitimâ conjuge, possit adulteram in uxorem ducere, ut patet ex hoc cap. Nam hæc mulier præsumitur fuisse carnaliter cognita ab isto viro, & tamen hic non prohibetur matrimonium contrahere cum adultera, nisi illa fuerit machinata in mortem prioris conjugis, vel vir ei fidem dederit de illa ducenda, *Abb. n. 2. ubi n. 3.* addit, quod quando intervenit adulterium, sufficit sola machinatio in mortem alterius conjugis ad dirimendum matrimonium subsequens, de quo mox plura.

Notandum 2. Prohibitio hujus cap. est perpetua, quia per illam non tantum impeditur matrimonium contrahendum, sed etiam dirimitur jam contractum, *Abb. hic n. 4. Alex. de Novo n. 2.*

XVIII. **ASSERTIO II.** Similiter si quis vivente legitimâ uxore, habeat copulam cum altera, mortuâ uxore, potest illam ducere, & matrimonium cum illa initum tenet, nisi ea vivente, fidem illi dederit, vel alter eorum mortem uxoris defunctæ fuerit machinatus, prout statuitur in *c. Significasti. 6. h. t.* Nam

» cum P. Civis Spoletanus quendam mulierem le-

» gitimè in uxorem duxisset, ea relicta, cuidam me-

» retatrici adhæsit (& quia monitus eandem dimitte-

» re noluit, fuit excommunicatus, ut habetur in in-

» tegra lectione hujus c.) Verum cum uxor ipsius

» mortua esset, meretricem, cui adhæserat, sibi per

» verba de præfenti responsavit. Consultus Ponti-

» fex Innocentius III. respondit, nisi alter eorum in

» mortem defunctæ uxoris fuerit machinatus: vel

» eâ vivente, meretrici fidem dederit de matrimo-

» nio cum ea contrahendo, (vel nisi de facto eam in

» uxorem duxerit, *Gl. hic V. Fidem dederit*) tale ma-

» trimonium legitimum esse censendum: & excom-

» municatio absolutionem (si petierit) juxta for-

» mam Ecclesiæ, esse impendendam.

XIX. Hinc colligitur 1. quod solum adulterium non reddit matrimonium postea initum invalidum, ne quidem inter personas contractum, à quibus illud commissum fuit, nisi cum adulterio concurrat machinatio in mortem alterius conjugis, sive adulter, sive adultera, seu alter conjux machinatus fuerit in mortem suæ uxoris, tunc enim matrimo-

nium erit invalidum; nec requiritur ad hoc impedimentum inducendum, ut interveniat promissio futuri matrimonii, ut expressè etiam deciditur in *c. Super hoc. 3. h. t. Sanch. cit. dis. 78. n. 2.*

Colligitur 2. Conjugatus persistens in adulterio potest excommunicari, nisi ad uxorem redeat, ut patet ex hoc c. in quo Civis ille Spoletanus fuit excommunicatus, quia adhærebat meretrici. Item excommunicatus potest contrahere matrimonium, illudque tenet, ut probatur ex *c. Significasti. 6. h. t.* Nam tempore contractûs matrimonii, prædictus civis erat excommunicatus: quia durante prioris matrimonio adhæsit meretrici, relicta legitimâ uxore, eaque mortuâ duxit meretricem, autè obtentam absolutionem ab excommunicatione: & tamen Pontifex responderet, validum fuisse matrimonium, nisi tam adulterio concurreret machinatio in mortem alterius conjugis, vel promissio matrimonii contrahendi cum adultera. Non ergo obstat excommunicatio valori matrimonii, quamvis peccet excommunicatus matrimonium iniens; at nullus est textus Juris Canonici illud irritans: peccat tamen mortaliter, si excommunicatus ineat matrimonium, ante absolutionem ab illa obtentam, quia excommunicatio hæc privat perceptione Sacramentorum sub gravi peccato, *Sanch. l. 7. de matrim. dis. 9. n. 2. & 3.*

XX. Ceterum circa ea, quæ dicta sunt, quedam præterea notanda, & addenda. 1. ad impedimentum hoc dirimens contrahendum non requiritur physica cooperatio in mortem alterius conjugis, sed sufficit moralis. Quare satis est contrahere volentes matrimonium, mandato, vel consilio ad mortem alterius conjugis per alios cooperatos esse, modo sic ab aliis permoti mortem insulerint: secus si proprio motu, sine respectu ad eorum consilium, vel mandatum, occidissent, tunc enim eorum machinatio fuisset inefficax, nec verè causa mortis, *Coning cit. dis. 31. dub. 5. n. 50. Sanch. cit. dis. 78. n. 5.* & constat ex *c. 1. de convers. conjug.* ubi uxor fidelis non occidit virum, sed infidelis vir machinatione, & insidiis uxoris illum occidit, & tamen statuitur, illud esse impedimentum dirimens. Et in *c. 1. & c. Significasti. 6. h. t.* solum attenditur machinatio in mortem alterius conjugis, quæ non exigit propriis manibus mortem inferri alteri conjugi, sed qualicunque cooperatione.

XXI. Addendum 2. Sola ratihabitio necis alteri conjugi illata non sufficit ad inducendum hoc impedimentum. Quare si quis eadem conjugis suo nomine factam postea ratam habeat, impedimentum hoc non incurritur, *Sanch. cit. dis. 78. n. 6. Coning cit. dub. 5. n. 50.* quia etsi aliâs ratihabitio retrotrahatur ad tempus mandati, eis; comparatur etiam in delictis; attamen æquiparatur solum in iis rebus, quæ à nostra voluntate pendent, ut ratæ sint; postquam autem mors illata est, non potest intervenire machinatio ad mortem, adeoque non potest retrotrahi illa ratihabitio: neque etiam ratihabitio comparatur mandato, nisi quando id jure expressum est, ut in habente ratam percussione Clerici: nullo autem jure expressum est, hoc impedimentum incurri, etiam solâ ratihabitio. Cum ergo edictum de matrimonio non contrahendo sit prohibitorium, ut quicumque non prohibetur, per consequentiam admit-

tatur, c. Cum apud. 23. de sponsal. ad eum casum extendi non debet, Laym. l. 5. tr. 10. p. 4. c. 10. n. 1.

XXII. Addendum 3. Hoc impedimentum incurritur, non tantum si in uxoris, sed etiam si in mariti eadem conspiratio, seu machinatio facta sit, ut si uxor virum interficiat ad contrahendum matrimonium cum adultero, non enim potest inter eos matrimonium consistere, etsi occisio viri in praxi non sit tam frequens, sicut uxoricidium: nam licet in c. 1. & c. Super hoc, 3. & c. Significasti, 6. h. t. solum expresse sit sermo de uxoricidio, textus tamen in c. Si quis, 5. caus. 3. l. q. 1. & in c. 1. de convers. conjug. expresse loquuntur etiam de viricidio, siue de uxore, quæ operâ cujusdam infidelis suum virum interfecit. Nihil ergo refert, ad hoc impedimentum dirimens incurrendum, siue vir uxorem, siue uxor virum occidat, modò mors alteri conjugi inferatur non aliâ intentione, quàm contrahendi aliud matrimonium cum adultero, vel adultera, quia par est quoad hoc utriusque conjugis ratio, & conditio, Sanch. cir. dif. 78. n. 8. & alii apud ipsum.

XXIII. Addendum 4. Si uterque eorum, qui post mortem conjugis, contrahere inter se matrimonium desiderant, in eadem illius cooperentur, tunc aliud non requiritur ad impedimentum hoc incurrendum, nisi ut cædes, seu mors reipsâ sequatur, ut colligitur ex c. 1. h. t. Si verò alter tantum machinatus sit in mortem conjugis, v. g. maritus uxorem occidat, ignorante, vel contradicente muliere, cum qua matrimonium contrahere desiderat, tunc hoc impedimentum matrimonium dirimens inter eos non incurritur, nisi etiam adulterium inter venerit, ut colligitur ex c. 1. & c. Super eo, 3. h. t. Sanch. cir. dif. 78. n. 9. Coning cir. dub. 5. n. 53. Laym. cir. c. 10. num. 2.

XXIV. Postremò illud adhuc queritur, quænam præterea conditiones sint necessariæ, ut incuratur hoc impedimentum. Resp. plures requiri. Prima est, ut machinatio illa sit efficax, & cædes reipsâ sit secuta, cir. c. Si quis, 5. ibi: occidisse notetur, caus. 3. l. q. 1. Sanch. c. l. n. 7. Et quamvis quædam Jura hoc non exprimant, tamen ita intelligenda sunt, quia leges pœnales de crimine perfecto, & consummato intelligi debent, nisi aliud constet, Coning c. l. n. 50. & verba cum effectu accipienda sunt, c. Relatum, 4. de Cleric. non resid. Unde neque mandatum, vel consilium de occidendo altero conjugis, dirimit matrimonium, nisi mors inde reipsâ sequatur, ut supra dictum.

XXV. Secundò requiritur, ut machinatio mortis alterius conjugis facta sit, animo ineundi matrimonium cum conjugis superstitite, quia leges statuentes hanc pœnam intendunt impedire, ne aliqui propriam, vel alienam conjugem occidant, ex desiderio alieni matrimonii: hic autem finis cessat in iis, qui ex alia causa conjugem occidunt, ut committere docent plures Theologi, & Jurisperiti apud Sanch. c. l. n. 13. quamvis in foro externo, quando quis alterius conjugem interfecit, & cum conjugis superstite inire vult matrimonium, præsumatur id factum esse ex intentione futuri matrimonii, nisi vehementissimæ conjecturæ contrarium suadeant, Sanch. c. l. num. 19.

XXVI. Tertio requiritur, ut si unus tantum

machinetur mortem conjugis, matrimonium utriusque contractu sit notum, siue ut femina etiam sciat vigum, cum quo fornicata est, esse conjugatum, alioquin si vir conjugatus cum femina soluta ignara ipsum esse conjugatum, fornicetur, & propriam uxorem occidat, ut illam in matrimonium ducat, nullum inter illos erit impedimentum dirimens, quia adulterium illud à femina fuit ignoratum. Idque procedit, etiam si femina illa esset conjugata, adulterium enim cum illa commissum, quando solus adulter machinatur mortem propriæ uxoris, non dirimet matrimonium initum cum adultera illa, post dissolutionem utriusque conjugii, quia licet illa committeret adulterium contra fidem proprio viro debitam, non tamen respectu conjugis occisi, quia nesciebat illum esse conjugatum, Sanch. cir. dif. 78. num. 12.

XXVII. Quarto requiritur ad contrahendum hoc impedimentum, ut matrimonium prius cum uxore occisa initum fuerit verum, & legitimum, non tantum bonâ fide existimatum: alioquin occisio illius conjugis etiam cum adulterio commissio cum alia conjugis, non erit impedimentum dirimens, nec obstat, quominus matrimonium inter adulteros contrahi possit: Canones enim impedimentum hoc statuantes requirunt conjugis occisionem, & adulterium, quæ à parte rei non sunt, si matrimonium reipsâ sit invalidum, etsi putetur esse validum. Sacris tamen est, ut prius matrimonium sit verum, & legitimum, quamvis non sit consummatum, nec impedit, si divorcium factum sit, quia in utroque casu adhuc verum est matrimonium, Sanch. cir. dif. 78. n. 20.

XXVIII. Sed contra hoc impedimentum obijciunt Lutherus, & Philippus Melancthon exemplum Davidis, qui Berabeam uxorem Uriæ, eo occiso, in uxorem duxit, ut habetur 2. Reg. c. 11. Sed responderetur, hoc impedimentum matrimonii, tempore Veteris Testamenti, non existisse, sed postea primùm ab Ecclesia in Novo Testamento esse introductum, iustissima ex causa, quia atrocissimum factum est, insidias parare, & dare animum insidiandi vitæ alterius conjugis, cum conjugis arduissimo vinculo amoris, & amicitie inter se conjuncti esse debeant, Sanch. cir. dif. 78. n. 1. Accedit, quodd multa alia in veteri lege pernitebantur, quæ nunc per novam legem Evangelicam sunt abrogata, ut libellus repudij, polygamia, item quodd quis potuerit uxorem fratris sui sine liberis decedentes, ducere, Deut. c. 25. & alia similia, ut notat Henric. Canis. hic n. 12. Cum ergo duplex hoc impedimentum criminis Jure solum Ecclesiastico sit introductum, sequitur inter infideles illud non habere locum, non enim repugnat juri naturali hujusmodi matrimonium, Sanch. cir. dif. 78. n. 22. Neque etiam prædictum impedimentum adulteros, vel conspirantes in eadem conjugis simpliciter reddit inhabiles ad quodvis aliud matrimonium ineundum cum alius, sed solum ne inter se illud contrahant, quia textus Juris hoc impedimentum statuens solum irritant matrimonium inter machinantes mortem, & adulteros, Sanch. c. l. n. 21. & cir. dif. 79. n. 41.

Porro est & aliud crimen dirimens matrimonium Jure novo Ecclesiastico introductum, videlicet crimen raptus, quod tunc committitur, quando ali-

qua

qua femina, five ea soluta sit, five conjugata, aut vidua, ab uno loco in alium violenter abducitur, causâ libidinis exercendæ, vel matrimonii contra-

hendi. Verum de hoc crimine non agitur in hoc Tit. Sed infra libr. 4. Decret. Tit. 17. de Raptorib. ubi etiam nos de illo agemus.

T I T V L V S V I I I.

DE CONJUGIO LEPROSORUM.

Inter impedimenta matrimonii numeratur etiam lepra, de qua hoc Tit. agitur, & tractatur, an, & qua ratione impediatur sponsalia, vel matrimonium, five contrahendum, five contractum.

§. I.

An per lepram supervenientem præcedentia sponsalia de futuro dissolvantur, vel etiam matrimonium præcedens?

I.

ASSERTIO I. Per lepram supervenientem dissolvitur sponsalia de futuro prius contracta, ut constat ex c. *Litteras*, 3. & ult. h. t. Ubi consultus Pontifex Urbanus III. utrû si post sponsalia de futuro, legitimè contracta inter aliquas personas, ante celebratas nuptias, unus ex sponsis in lepram incidat, alter eorum sit compellendus ad contrahendum matrimonium? Respondet Papa, eum ad id cogi non debere, cum inter eos nondum sit matrimonium consummatum, id est, contractum, scilicet per verba de præsentibus. Dissolvuntur autem priora sponsalia de futuro per supervenientem lepram, non quidem ipso iure, sed si alter sponsus, qui immunis est à lepra, id petat, quia si nolit dissolvere sponsalia, sed alicui promittat matrimonium, quamvis sit esse leprosum, talia sponsalia obligant ad contrahendum matrimonium, nam hæc dissolutio sponsalium est introducta, non in favorem leprosi, sed ejus, qui sanus est; quod autem ob gratiam alicujus conceditur, non est in ejus odium retorquendum, Reg. Jur. 61. in 6. *Canis*, hic n. 2.

II. Id verò extenditur ad quemvis alium morbum contagiosum supervenientem uni ex sponsis, post sponsalia de futuro inita, ut est morbus gallicus, paralytis, epilepsia, vel alia infirmitas incurabilis, nam generaliter ob quamvis notabilem mutationem supervenientem post sponsalia, ea dissolvuntur, *Sanch.* l. 1. de sponsal. diff. 57. n. 2. quia per sponsalia de futuro nondum est contractum indissolubile vinculum matrimonii, sed solum est promissio facta de matrimonio contrahendo, c. 2. de sponsal. & patet ex suprâ dictis Tit. I. hoc Libro.

III. ASSERTIO 2. Per lepram supervenientem non dissolvitur matrimonium præcedens, ac proinde conjux leprosus non potest, nec debet propter lepram separari à sano, ut constat ex c. *Pervenit*, l. h. t. Nam cum relatum fuisset Alexandro III. quod in Provincia Cantuariensi ex generali consuetudine leprosi à communione hominum sepä-

rentur, ita ut nec uxores viros, nec viri uxores sequantur, respondet Pontifex, quoniam vir, & uxor una caro sunt, non debent alter, sine altero, diutius esse, & mandat, ut uxores viros, & viri uxores lepræ morbo laborantes sequantur, sibi que invicem conjugali affectione inserviant, & ut ad hæc Archiepiscopus, vel Episcopus sollicitè eos inducat. Si verò ad hoc induci non possint, eis injungat, ut uterque altero vivente, continentiam servet. Quod mandatum, si non servent, excommunicentur.

IV. Ubi notandum 1. leprosi, ex generali consuetudine, licitè separantur, & excluduntur à consortio, & cohabitatione cæterorum hominum, ne sani ab illis inficiantur, quæ consuetudo approbata est Jure Canonico in c. 2. de *Eccles. edific.* quia leprosi cum aliis habitare non debent, Gl. hic V. de consuetudine, & Abb. n. 2.

Notandum 2. Per lepram supervenientem non dissolvitur matrimonium antea contractum, nec ob id separari possunt conjuges, imò ob nullam aliam etiam infirmitatem, quantumvis gravem, conjugia solvi possunt, c. *Hi*, qui. 25. *caus.* 32. q. 7. neque uxor est dimittenda etiam quoad torum, c. 2. h. t. in princ. Sed neq; matrimonium dissolvitur propter lepram, vel aliam infirmitatem, etsi nondum sit carnis copulâ consummatum, quia vinculum matrimonii solo consensu contractum est indissolubile, nuptias enim non concubitus, sed consensus facit, l. 30. ff. de R. I. Nec obstat, quod in c. 3. h. t. in fine, videatur innui, matrimonium propter lepram dissolvi, si nondum fuerit consummatum: nam ibi verbum *consummatum* latè accipiendum est, pro consensu per verba de præsentibus, per quem matrimonium dicitur consummari, quoad sui essentiam, Abb. *ibid.* n. 3. in fine. Multò minùs autem dissolvi potest matrimonium, propter lepram, postquam consummatum fuit, quia cum tunc una caro facti sint conjuges, nõ debet unus esse sine altero, ut dicitur in c. 1. §. *Quoniam*, h. t. Cum autem additur, quod non debet unus conjux diutius esse sine altero, id arbitrio boni viri, seu Judicis relinquitur, quamdiu maritus ab uxore abesse possit, Gl. hic V. *Diutius*, & Abb. n. 7.

Notandum 3. Maritus, & uxor, non obstante leprâ, debent maritali affectione se invicem tractare, ut dicitur in in *cir.* c. 1. & nautica obsequia conjugalia sibi exhibere. Si verò ad hoc induci non possint, debet uterque, altero vivente, continentiam servare. Quod si mandatum hoc servare contempserint (& adulterium commiserint) excommunicandi sunt, N. *Hosienf.*

Hofiens. hic V. Contempserint. Ubi verbum *mandatum* refertur debet, vel ad continentiam servandam, de qua immediatè antè, vel ad cohabitationem, non ad continentiam, quia ea consuli potest, non præcipi, ergo ad cohabitationem, de qua paulò antè, *Sanch. l. 9. de matrim. disp. 24. n. 26.* ita ut si cohabitare contempserint, excommunicentur.

Notandum 4. Uxor tenetur sequi virum, & è converso, vir uxorem, ut præcipitur in *cir. c. 1. h. r.* est tamen quoad hoc differentia inter virum, & uxorem, quia vir tenetur uxorem sequi, si ea ex iusta causa discedat, aliàs potest vir ipsam potestate maritali prohibere, ne recedat. At verò uxor semper tenetur sequi virum, ex quacunque causa, c. *Unaqueque. 3. caus. 13. q. 2.* nisi vir illam trahere vellet ad infidelitatem, c. 2. de *divort.* vel nisi vir efficiatur vagabundus, *Gl. hic V. Sequantur.* & in c. *Si quis. 4. V. Eum sequi. caus. 34. q. 2.* quod tamen limitandum est, nisi tempore contracti matrimonii, ipsa scivisset, virum vagabundum esse, quia tunc censetur ejus mores approbasse, & sic tenetur eum sequi, *Gl. in cir. c. Si quis. V. Eum sequi. Alex. de Nevo in cir. c. 1. n. 7. h. r.*

§. II.

Alia nonnulla quæstiones circa conjugia leproforum proponuntur, & resolvuntur.

V. Quæritur 1. An propter lepram, vel aliam infirmitatem conjux à conjuge separandus sit, saltem quoad torum, & cohabitationem. 2. An leprosi possint contrahere matrimonium. 3. An conjuges leprosi teneantur sibi invicem reddere debitum conjugale? Ad has tres quæstiones respondetur in c. *Quoniam. 2. h. r.* Ad primam dicitur, cum nemi-
 » ni liceat (exceptà causâ fornicationis) uxorem
 » dimittere, constat, quòd si mulier leprâ percussa
 » sit, sive aliâ gravi infirmitate detineatur, propte-
 » rea non sit separanda, vel dimittenda.

VI. Ubi notandum, propter lepram, vel aliam gravem infirmitatem unus conjux alterum dimittere non potest, nec ab eo separari debet, ne quidem quoad torum, & cohabitationem, ut dicitur hic & in c. 1. eod. exceptà causâ fornicationis, seu adulterii, *Matth. 5. v. 32. & c. 19. v. 9.* Ubi cum Christus solam causam fornicationis exceperit, non videtur, quòd maritus possit in aliis casibus dimittere uxorem, vel ab ea separari, & è converso, uxor dimittere virum, quia exceptio firmat regulam in contrarium, sive in casibus non exceptis, c. *Dominus. 6. caus. 32. q. 7.* Verùm non ob solam causam fornicationis, sed propter alias etiam causas, separationem inter conjuges, quoad torum, & cohabitationem, ad certum, vel incertum tempus, fieri posse, decernit Concilium Tridentinum *Sess. 24. de reform. matrim. can. 8.* Quare tripliciter respondere solent DD. ad testimonium Christi dicentis, non licere dimittere uxorem, nisi ob fornicationem. Prima expositio est, exceptionem, seu dictionem exceptivam non firmare regulam in contrarium, quoad casus alibi exceptos in Jure, ut declarat *Everhard. in locis argumentorum legalibus, loco 9. ab exceptione ad regulam n. 5. un-*

de ex cit. testimonio Christi non convincitur, nullam aliam esse causam divortii, præter fornicationem, sed nullam aliam causam esse, præter illas, quæ in aliis Juris Canonici locis Jus Divinum explicantibus continentur, *Sanch. libr. 10. de divortio disp. 15. n. 2.* quas enumerat *ibid. n. 1.* Secunda responsio est, solam fornicationem causalem esse causam perpetuæ dimissionis, & absoluti divortii: de qua Christus loquebatur, non enim est verum divortium, nisi quòd sit animo constituendi perpetuam dissolutionem, seu separationem, ut dicitur in l. 3. ff. de *divort.* At propter alia crimina non est licita separatio, nisi quamdiu ea durant. Sic enim si divortium instituitur, v. g. propter scitum mariti, vel quia uxorem allicit, vel inducere vult ad peccandum, cessante scitum, vel periculo perversionis, cessat etiam separatio, seu divortium, & matrimonium instauratur.

VII. Tertiò & melior expositio est, quam tradit *Bellarmin. l. 1. c. 14. §. Dicendum est*, dupliciter posse intelligi dimitti, seu separari conjugem à conjuge: priore modo, quatenus conjux est, id est, ita ut causa dimissionis, seu separationis sit desumpta ex ipsa natura conjugii, tanquam ex propria, & peculiari ratione matrimonii: & sic sola fornicatio carnalis est causa divortii, de qua locutus est Christus, quia sola fornicatio carnalis, sive adulterium repugnat fidei conjugali, & substantiæ ipsius matrimonii. Posteriore modo intelligi potest fieri divortium, quia conjunctio conjugalis cedit in perniciem, & detrimentum personæ conjugis: sicut etiam posset contingere inter alias personas, quæ simul habitant. Et hoc modo potest etiam ob plures alias causas, Jure Divino, & naturali id permittente, divortium inter conjuges institui, ob incolumitatem corporis, vel animæ eorum, & unus ab altero separari, v. g. propter hæresin, vel aliud periculum. Vera igitur ratio, cur ob fornicationem, seu adulterium permittatur institui perpetuum divortium inter conjuges, est, quia in fornicatione, seu adulterio causa divortii oritur ex ipsa natura conjugii, eò quòd per fornicationem, seu adulterium violatur fides promissa data, quæ cum debeat esse perpetua, merito propter eam violatam conceditur divortium, seu separatio perpetua. At verò propter alias causas, quæ ex natura ipsius conjugii non oriuntur, adeoque non sunt perpetuæ, sed etiam inter alias personas, quæ simul cohabitant, non tamen sunt conjuges, locum habere possunt, ut est discordia, lepra, vel alius morbus contagiosus, vel periculum seditionis &c. conceditur divortium, sive separatio ad conservandam salutem mentis, & corporis ipsorum conjugum, non in perpetuum, sed ad tempus tantum, dum illæ causæ durant, *Sanch. cir. disp. 15. n. 2.* Quare ob solam fornicationem admittitur divortium, seu separatio perpetua inter conjuges, de qua locutus est Christus; ob alias verò plures causas admittit Ecclesia divortium ad tempus certum, vel incertum, de qua loquitur Concilium Tridentinum c. 1.

VIII. Ad secundum quæsitum respondetur in *cir. c. 2. h. r.* Leprosi, si continere nolunt, & aliam quam invenerint, quæ ipsis habere velit, liberum est eis, ad matrimonium transire. Ratio est, quia matrimonium non est eis prohibitum, cum edictum de matrimonio non contrahendo sit prohibi-

hibitorum, ita ut omnes, qui non prohibentur, matrimonium contrahere possint, c. Cum apud. 23. de sponsal. Gl. hic 1. Liberum.

IX. Ad tertium quæsitum respondetur in eod. c. in fine. Quod si vitium, vel uxorem leprosam fieri contingat, & infirmus à sano debitum conjugale exigat, iuxta generale præceptum Apostoli, quod exigitur, solvendum est, cum nulla in hoc casu exceptio invenitur.

Notandum 1. Ex præcepto Apostoli 1. ad Corinth. 7. V. 3. Uxori vir debitum reddat, & similiter uxor viro: tenetur etiam coniux leprosi ei reddere debitum carnale, quia præceptum hoc est generale, ideoque generaliter intelligendum, Gl. hic V. Generali præcepto, cum neque Christus, neque Apostolus, neque Pontifex hic ullam exceptionem addiderit de leprosis, sicut Christus excepit causam fornicationis, Id verò limitatur, nisi debiti redditio cedat coniugi sano reddenti in notabile damnum, ut si iudicio Medicorum, propter morbum lepræ imminet coniugi sano grave infectionis periculum, tunc enim potest coniux immunis à lepra separare se à coniuge leproso, quoad totum, & quæ debitum denegare, ut docet Sanch. l. 9. de debito conjugali dif. 24. num. 17. & alij Theologi communiter. Ratio est, quia nullus censetur se per matrimonii contractum obligare velle ad reddendum debitum, nisi salvâ individui incolumitate, quia ordo charitatis, quæ à se ipso incipit, postulat prius propriæ indemnitati consuli, quam alterius, Sanch. c. l. n. 2. Idemque dicendum, si alter coniux morbo gallico labore, vel alio contagioso, non enim tenetur coniux sanus debitum ei reddere, cum periculo notabilis infectionis, quia est eadem ratio, ac de lepra, Sanch. c. l. n. 18.

Notandum 2. Si lepra matrimonium præcessit, neque alter coniux illam ignoravit, tunc tenetur sanus leprolo debitum conjugale reddere, quia per contractum matrimonij antea se ad hoc obligavit, adeoque sibi tale periculum infectionis imputare debet, neque excusatur à reddendo debito, Sanch. cir. dif. 24. n. 22.

Notandum 3. Excusatur tamen etiam coniux sanus, quando periculum infectionis cessat, à debito reddendo, propter alium horrorem ortum ex accessu ad conjugem leprâ, vel alio morbo horrorem causante infectionem, quia nemo potest ad impossibile obligari, Reg. Iur. 6. in 6. Sanch. cir. dif. n. 27.

X. Sed jam ulterius quaeritur, utrum coniux sanus tenetur etiam cum leproso assidue cohabitare? Resp. si ex assidua cohabitatione sequitur probabile periculum notabilis infectionis, non tenetur cohabitare, ut ex dictis patet, aliâs verò tenetur, quia per contractum matrimonij obligantur Coniuges ad reddendum debitum, & cohabitandum, à qua obligatione eximuntur propter periculum gravis contagionis ortæ ex morbo alterius coniugis, ergo quando periculum hoc non subest, manet obligatio ad cohabitandum, Sanch. cir. dif. 24. n. 29. Ex quo inferri, quod nunquam coniux sanus cohabitare tenetur coniugi leproso, faciendo in eodem lecto, quia ex eo semper sequitur periculum infectionis: an autem saltem cohabitare debeat in eadem domo, id iudicio Medicorum relinquendum est, utrum ex ea cohabitatione periculum gravis infectionis, spe & tatis circumstantijs, sequatur, an non?

T I T V L V S IX.

DE CONJUGIO SERVORVM.

1.



Liud impedimentum matrimonij est error servilis conditionis, de quo agitur in hoc Tit. An, & quatenus illud impediat? Est autem hic sermo non de servis adscriptitijs, qui glebz, seu prædio colendo perpetuò sunt addicti, ita ut inde recedere non possint, & insuper omnes redditus prædiorum, dempsit tantum expensis, & necessario victu, dominis suis reddere debent, & quanvis ad certas operas, seu servitia dominis prædiorum præstanda teneantur, sunt tamen verè liberi, adeoque validè, & licitè matrimonium contrahere possunt, etiam sine consensu Domini, & nati ab adscriptitijs huiusmodi appellantur Originatij, ut docet Abb. in c. 2. de Iudeis. Verum in hoc ut agitur de mancipijs, seu servis propriè dictis, qui non sunt liberi, & quos dominus vendere potest,

Sanch. libr. 7. dif. 19.

num. 1.



Tomus IV.

§. I.

An servus possit licitè, & validè contrahere matrimonium, invito, vel ignorante domino, & quæ ratione error status, seu conditionis servilis dirimat matrimonium, & quo iure?

II. ASSERTIO I. Servus etiam invito, & contradicente domino licitè matrimonium contrahere potest, illudque tenet, quanvis nihilominus debita, & consueta servitia domino exhiberi debeant, ut constat ex c. Dignum. 1. h. t. Ubi Pontifex Hadrianus super hac re consultus rescribit: Sicut iuxta Apostolum (ad Galatas. 3.) in Christo JESU, neque liber, neque servus à Sacramentis Ecclesiæ est removendus: ita nec inter servos (nec etiam inter liberum, & ancillam, si scienter contrahere voluerint, Gl. hic V. Inter servos,) debent matrimonia

N 2

monia prohiberi, quæ si dominis contradicentibus, & invidis contrahenda fuerint, nullâ ratione sunt promerenda dissolvenda: debita tamen, & consuetæ servituti debent nihilominus proprijs dominis exhiberi. Ratio hujus Constitutionis est, quia matrimonium jure naturæ, & divino concessum est homini in remedium concupiscentiæ, ut vitarentur fornicationes, & alia flagitia carnis, & ob bonum publicum ad propagationem naturæ humanæ, hoc autem jus non potest à dominis servis auferri, quia jus hominis ad contrahendum matrimonium est jus potius ipsius naturæ humanæ ad suam propagationem, & conservationem, quam jus privatum cujuslibet individui, ergo non potest servis auferri à dominis: unde dicitur in hoc cap. nullatenus inter servos prohibenda esse matrimonia, ne sine consensu domini ineanant, quin imò graviter peccant domini contra iustitiam, impediendo positivè servos, ne matrimonium ineanant, quia faciunt contra jus illis concessum à natura, cum enim servi sint in hoc sui juris, nec domino subdantur, injustè dominus interdiceret eis, ne suo jure utantur, *Sanch. l. 7. de matr. dif. 21. n. 3. § 5. ubi n. 6. addit, non posse dominum, tutâ conscientiâ, punire servum, quod matrimonium, eo invito, inierit, cum usus sit jure suo, & nihil deliquerit. Neque verò etiam per Jus civile potuit abrogari jus naturale, & Divinum, quo matrimonium est institutum in officium naturæ, & sobolis procreationem, & ad mutuam viri, & femine societatem, *Azor. p. 2. Instit. l. 2. c. 38. q. 4.**

III. Ubi præterea notandum. Servus Christianus, qui scilicet baptizatus est, potest omnia Sacramenta suscipere, quæ suscipientis causâ conferuntur, ut est Baptismus, Eucharistia, Pœnitentia, & alia Sacramenta, etiam matrimonium, quia cum Edictum de matrimonio non contrahendo sit prohibitivum, nullus ab eo excludi debet. Ratio redditur in textu, quia in Christo, id est, in fide Christi suscipienda apud DEUM, nulla est differentia generis, conditionis, aut sexûs, sed omnes, sive Judæi, sive Græci, sive masculi, sive femine, unum sunt Corpus Mysticum, scilicet Ecclesiæ, cujus Caput est Christus, prout hunc locum explicat *Menoch. in c. 3. ad Gal. Vers. 28.* & ideo nullus Christianus excludi debet à Sacramentis Ecclesiæ, quæ sunt omnibus Christianis communia: non tamen servi eximuntur à potestate dominica, sed ad debita, & consuetâ servituti præstanda dominis compelli debent, *Gl. h. v. A Sacramentis*: excepto tamen Ordine, quia nullus servus debet ordinari, sine domini consensu *c. Consuluit. §. de serv. non ordin. & alibi dictum.* Verum de servis, qui nondum baptizati sunt, nihil potest disponere Ecclesia, vel Jus Canonicum, & ideo illi sub sunt dispositioni Juris Civilis, secundum quod servis interdictum est matrimonium, *l. 3. C. De incest. nupt. & Instit. de nupt. in princ.* quia pro mortuis civiliter habentur: hoc tamen per Jus Canonicum quoad servos Christianos, est correctum, quod in hac re prævalet, & servandum est, quia leges Civiles nihil possunt disponere circa matrimonium, *Alciac. de Novo hien. 7. Azor. c. l.*

IV. ASSERTIO 2. Error conditionis servilis, quando scilicet homo liber contrahit matrimonium cum ancilla, quam ignorat esse ancillam, vel liberam cum servo, quem nescit esse servum, reddit

irritum matrimonium, prout colligitur ex *c. Propositus. 2. h. t.* Nam cum quidam vir mulieri M. cum qua diu cohabitavit, notam servilis conditionis obieceret, asserens illam esse ancillam, quam liberam esse putabat, quando eam in uxorem duxit: ideo re delatâ ad Papam Alexandrum. III. is mandavit, ut si constiterit, quod idem vir prædictam mulierem, postquam audivit illam esse ancillam, carnaliter cognovit, ipsum, monitione præmissâ, compellar, ut eam, sicut uxorem maritali affectione tractet; si verò aliter fuerit, & sententia divortij profertur, mulieri pecuniam restituat, quam illa pro dote viro concessit.

Ratio autem, cur hoc impedimentum servilis conditionis, sive servitutis dirimens matrimonium sit inducendum, est, quia is error valde repugnat bonis matrimonijs: & imprimis quidem adversatur bono Sacramenti, & individui societati, & cohabitationi conjugum, quia servus debet servire domino, id est, que habitare in domo ipsius, qui potest illum mittere ad partes remotas, ibique vendere: deinde adversatur bono fidei conjugalis, quia non potest pro libero reddere debitum conjugii, sed nonnulli quando ei vacaverit, & postquam satisfecit obsequijs, ad quæ domino est obstrictus: denique adversatur etiam bono prolis, quia non poterit eam commodè alere, nam omnia, quæ laboribus, seu lucris acquirit, domino acquirit, nec poterit etiam prolem bene educare, & ideo merito Ecclesiæ irritat talia matrimonia, *Sanch. libr. 7. de matr. dif. 19. n. 2. ubi n. 3. id extendit, quod etiam si libertas, non sit perpetua, sed ad certum solum tempus v. g. ad biennium concessa, ita ut eo elapso, servus in pristinum servitutum redigatur: matrimonium tamen cum ignorantia servitutis contrahendum sit nullum, quia talis revera manet servilis conditionis, & quidquid interim agit, id agit ut servus, nec potest liberè tradere potestatem sui corporis alteri, nec ad Ordines promoveri.*

V. Porro pro explanatione *cir. c. 2.* Notandum 1. si quærat, an & quando, ratione conditionis servilis, vitietur matrimonium, tum distinguendum est. Vel enim contrahit quis matrimonium cum ancilla, ignorans illam esse talem, sed putans esse liberam; & tunc matrimonium non tenet, *c. 2. h. t. & ibi Gl. v. Liberam*: idque propter errorem, qui consensum excludit, *l. Si per errorem. 1. §. ff. de jurisdict. ubi dicitur, Cum non consentiant, qui errant, quid enim tam contrarium est consensui, quam error, qui imperitiam delegat? nili sequatur rathabitio expressa per novum consensum matrimoniale ejus, qui ignorabat alterius servitutum; vel saltem rathabitio tacita, quia carnaliter servam postea cognovit, tunc enim matrimonium, quod antea nullum erat, reconvalet, *cir. c. 2. & 4. h. t. Canis. in c. 2. n. 3.* Vel quia sciens alterum esse servum, vel ancillam, cum eodem, vel eadem contrahit matrimonium, & tunc illud tenet, juxta *cir. c. 2. h. t.* quia Jus Canonicum irritat solum matrimonium, si liber contrahat cum ancilla, vel libera cum servo, & liber ignoret alterum esse servum, ut constat ex *c. 2. & 4. h. t.* Ratio autem, ob quam hoc statuit Ecclesia, ea est, ut refutaret gravem injuriam illam liberis ignorantibus conditionem servilem alterius, & ob magnam contractûs inæqualitatem, quæ ratio non habet locum, quando liber scit alterum esse servum, cum*

omni quo contrahit, tunc enim cessat error, & contrahens non decipitur, & remittit ius suum, c. Si quis. 2. c. seq. c. Si famina 5. caus. 29. q. 2.

Notandum 2. Et si error servitutis, si quis contrahat matrimonium cum ancilla, quam ignorat esse servam, vitiat matrimonium, ut dictum: non tamen error circa qualitatem personæ, ut si quis contrahat cum ea, quam per errorem existimavit esse nobilem, vel virginem, vel divitem, vel bonam, cum non esset, dirimit, vel irritum reddit matrimonium, caus. 29. q. 1. tot. ubi dicitur: Error fortunæ, & qualitas conjugii consensum non excludit error, verò personæ (quando quis putatur esse Virgilius, & ipse est Plato) vel conditionis (quando putatur esse liber, qui est servus) conjugii consensum non admittit, Covarr. in 4. Decret. p. 2. c. 3. §. 7. n. 1. in fine, & dictum supra Tr. 1. hoc libro, sec. 6. §. 3. n. 160. c. seq. Ratio diversitatis est, quia error conditionis servilis contingit circa ea, quæ sunt de essentia matrimonij, & ad illius substantiam pertinent, nempe circa ipsam mutuum, & liberam corporum traditionem, servus enim, vel ancilla non habet potestatem corporis sui, cum sit subiectus, vel subiecta potestati domini sui, & ideo non potest liberum usum corporis sui alteri tradere; quod non est in errore aliarum qualitatum, cujuscumque sunt, quod sit nobilis, dives, virgo &c. Nam etsi servitus per se substantiæ matrimonij non repugnet, obstat tamen ejus causæ, nempe libertati consensus, Covarr. c. 1.

Notandum 3. Matrimonium, quod liber contraxit cum ancilla, ignorans illam esse servam, sit validum, si post scientiam servitutis, carnalem copulam cum illa habeat, ut constat ex hoc c. Verum quia hoc die post Concilium Trident. Sess. 24. de ref. matrim. c. 1. non sufficit ad matrimonium contrahendum præsumptus consensus, qualis habetur per subsequentem copulam, nisi post sublatum impedimentum, novus consensus, coram Parocho, ac testibus, interveniat, ideo quoad hanc partem, nunc non habet locum dispositio hujus cap. in locis, ubi Concilium Trident. est promulgatum, & receptum, ac proinde vir, qui liberè contraxit matrimonium cum ancilla, ignorans illam esse ancillam, etiamsi postquam hoc scivit, eandem carnaliter cognoscat, non potest compelli, ut eam tanquam uxorem maritali affectione tractet, Barbos. inc. c. 2. n. 5. & alij apud ipsum.

Notandum 4. Judex Ecclesiasticus potest judicare inter laicos, super dote restituenda, quia dote est accessorium matrimonij, de quo judicare est Ecclesiæ, Abb. hic. c. & Alex. de Novo n. 5. Porro dos restituenda est ancillæ, vel pecunia pro dote, seu loco dotis data, si matrimonium dissolvatur per sententiam divortij, Gl. fin. hic, quia ubi non est matrimonium, non est propriè dos, Hostiens. hic in fine.

VI. ASSERTIO 3. Non omnis error servilis conditionis reddit matrimonium invalidum, sed quando talis est error, ut fiat deterior conditio errantis: scilicet, si constitutur in digniore, vel pari conditione. Quando igitur per conditionem servilem redditur deterior conditio errantis, ut quia creditur, mulierem, cum qua contraxit matrimonium, esse liberam, cum esset ancilla, tunc error vitiat matrimonium, & irritum erit, juxta c. 2. h. t. Quidam verò

est error conditionis melioris, ut cum liber contrahit matrimonium cum libera, quam putavit esse ancillam, nam talis erat quidem, quia unam pro alia putat: non tamen ob hujusmodi errorem matrimonium redditur nullum, quia etsi scivisset illam esse liberam, verisimilius cum illa contraxisset, cum per hoc conditio errantis fiat melior, nec respectu suæ conditionis, possit dici decipus, cum liber duxerit liberam. Similiter si servus contrahat matrimonium cum ancilla, quam putabat esse liberam, valet matrimonium, nam conditio servi contrahentis non fit deterior, cum contraxerit cum æquali suæ conditionis, nec respectu suæ conditionis fuit decipus, Sanch. cit. diff. 19. n. 23. & alij apud ipsum.

VII. Sed jam ulterius quaeritur, utrum error conditionis servilis dirimat matrimonium jure naturali, an verò solum jure Ecclesiastico? Duplex est sententia. Prima est, quamvis servitus non præstet naturale impedimentum matrimonio inchoando, sicut naturalis impotentia ad copulam conjugalem, adeoque validum sit matrimonium servorum inter se, & matrimonium liberi cum ancilla, vel liberæ cum servo, si non ignoretur servilis conditio, sed cognita sit, ut supra dictum: Attamen error servitutis ita obstat matrimonio, ut jure naturali illud reddat irritum, quam sententiam tenet Silvest. l. Matrimonium. 6. q. 1. & alij apud Sanch. cit. diff. 19. n. 15, quia hoc impedimentum non videtur à SS. Canonibus de novo introductum esse, sed solum approbatur, quod antea semper receptum erat, ac proinde verisimile est, per errorem servilis conditionis matrimonium jure gentium irritum esse, cui sententia videtur etiam favere Laym. l. 5. r. 10. p. 4. c. 2. n. 3. & est sententia probabilis.

VIII. Verum contraria sententia, quod error servilis conditionis, solo jure Ecclesiastico, quamvis antiquissimo, irritat matrimonium, est communiter magis recepta inter DD. apud Sanch. cit. diff. 19. n. 16. Ratio est, quia non videtur irritum jure naturæ, cum non sit contra substantiam matrimonij, nam servitus non tollit, vel impedit absolute, & simpliciter liberum usum matrimonij, sed solum pro eo tempore, quo dominus justè, & rationabiliter servum occupat in suis servitiis, & ministerijs, quod non adversatur substantiæ matrimonij, prout hoc à natura institutum est, quia adhuc habet servus absolutam potestatem tradendi suum corpus alteri, & est obligatus ad reddendum debitum, si legitimum impedimentum non obstat. Idque confirmatur 1. quia Ecclesia matrimonium à libero scienter contractum cum servo, vel serva, non irritat, sed solum cum contrahitur ignoranter, & per errorem, ut patet ex c. 2. c. 4. h. t. Si autem servitus jure naturali dirimeret matrimonium, æquè dirimeret, non solum, si ignoranter, sed etiam si scienter contraheretur, quia non magis repugnaret matrimonio servitus ignorata, quam cognita: sed hæc non repugnat, ergo nec illa: quia matrimonium secundum se solum exigit traditionem sui corporis ad usum generationis, qui spectato cujusque statu commodè haberi potest. Confirmatur 2. quia quamvis qui interveniente errore servitutis, contrahit matrimonium, aliquo modo, & secundum quid involuntariè contrahat, in quantum si conditionem

servitutis præficeret, non contraheret; simpliciter tamen, & absolute talis contractus est voluntarius, quia simpliciter in hanc determinatam personam consensit, adeoque est verus, & validus contractus, spectato solo jure naturæ. *Sanch. c. l. n. 16.* Quamvis igitur juri naturali valde sit conforme, ut talis error matrimonium dirimat, non est tamen hoc jure irritum.

IX. Hinc sequitur, secundum posteriorem sententiam, matrimonium inter infideles initum, cum errore servitutis, esse validum, nisi per legem specialem illorum irritetur, quia leges Ecclesiasticæ non possunt tale matrimonium irritare, quibus infideles non subjiuntur: at verò secundum priorem sententiam, quæ etiam probabilis est, non valebit tale matrimonium, quia jure naturæ est irritum, cui etiam infideles subjiuntur, *Sanch. c. l. n. 17.*

X. Prædictis addendum, si dominus proprium servum, vel ancillam tradat in matrimonium personæ liberæ ignaræ servitutis, nec eam detegat, vel sciens eos contrahere, cum tali errore, studio taceat, eo ipso talis persona servituti subiecta libertatem consequitur, sive masculus sit, sive femina, ut constat ex *Auth. Ad hoc. C. de Lat. libert.* quia hoc ipso talis servus, vel serva manu mittitur ad domino, & sit liber, vel libera, favore matrimonii, & illud consistit, *Sanch. l. 7. de matr. disp. 26. n. 1. & §. 1. n. 14.* de quo plura videri possunt apud eundem.

XI. ASSENTIO 4. Quia error servilis conditionis dirimit matrimonium contractum, ideo si liber contraxit cum ancilla, quam ignoravit esse ancillam, & postquam id scivit, in illam, nec expressè, nec tacite consensit, sepatandum est matrimonium, & talis cum alia contrahere poterit, prout statuitur in c. *Ad nostram. 4. & ult. h. t.* Nam cum quidam miles contraxisset matrimonium cum quadam muliere, postea opposuit illi, coram Legato Sedis Apostolicæ, quod esset ancilla, ideò quæ Legatus eos propter errorem conditionis servilis ab invicem sepatavit. Relatum hoc fuit ad Papam Innocentium III. qui mandavit, ut si constiterit, quod miles ignoranter contraxerit cum ancilla, & postquam illius conditionem rescivit, nec factò (carnaliter illam cognoscendo, *Gl. hic v. rod.*) nec verbo, in eandem consenserit, & propterea per Legatum fuerit ab ejus consortio sepatatus, liberam illi cum alia contrahendi, Auditoris Apostolicæ, facultatem concedat.

XII. Ubi notandum 1. rectè in casu hujus Cardinalis Legatus separatavit hoc matrimonium, quia illud fuit irritum, ob defectum legitimi consensûs, ex parte viri, errantis enim nullus est consensus. Quod si liber matrimonium ignoranter contraxit cum ancilla, sed nihilominus eam vult pro uxore habere, illa cogenda est ab Ecclesia stare matrimonio, si nondum alteri legitime nupsit, *Navarr. in man. Prælat. c. 22. n. 33. Fagn. hic n. 7.*

Notandum 2. Ad ratificationem actûs nulli necessarii requiritur, ut ratificans sciat illi nullum, non enim potest haberi ratum, quod ignoratur, l. *Mater. 19. ff. de inoffic. testam. junct. Gl. margin. lit. A.* Ubi ait, renunciare nemo videtur juri, quod ignorat, & colligitur ex hoc cap. ibi: *Postquam intellexit conditionem illius, h. t.* quod procedit,

si nullitas cognita verisimiliter retraxisset ratum habentem ab actu gerendo, eò quod alioquin fieret deterior conditio errantis, aliis secus. Sicut subreptio non inducit, si taceantur ea, quæ etsi Princeps cognovisset, eum non retraxissent à gratia concedenda, *Fagn. hic n. 12. & 2. seqq.*

XIII. Notandum 3. Matrimonium ab initio nullum, ob errorem conditionis servilis, postquam constat de illius nullitate, ratificatur per supervenientem consensum verbis expressum, vel factò, id est, per copulam subsequentem, nam ipso factò consentit, qui contraxit matrimonium cum aliqua, etsi invalide, si postea illam carnaliter cognoscit, quamvis nullum verbum proferat, *Gl. hic v. Nec factò.* Requiritur tamen, ut tractatus de matrimonio, vel sponsalia de futuro præcesserint, alioquin ex sola carnali copula non probatur conjugal consensus, est enim signum æquivocum, cum possit fieri affectus maritali, vel fornicario, quamvis Ecclesiastica præsumat affectu maritali factam esse copulam, ad excludendum delictum, *Hosienf. hic v. Consenserit, & Joann. Andr. n. 7. Covarr. in 4. Decret. p. 1. c. 4. §. 1. n. 1.* Verum hæc procedunt de jure antiquo Decretalium, non autem hodie, post Concilium Tridentinum, habet locum, quod irritavit matrimonia præsumpta, & clandestina *Sess. 24. c. 1. de reform. matr.* ac proinde hodie per copulam carnalem subsequentem non confirmatur matrimonium ab initio nullum, ut alias dictum.

Notandum 4. Si conjux libet perat dissolvi matrimonium, ob conditionem servilem alterius conjugis à se ignoratam, quia duxit ancillam, quam putavit esse liberam, runc onus probandi illam ignorantiam non incumbit conjugi alleganti ignorantiam servitutis, sed conjugi servilis conditionis incumbit onus probandi scientiam suæ conditionis in altero, sive quod alter sciverit se esse servum, vel servam, ignorantia enim liberti præsumitur, dum contrarium non probatur, & sic probatur ignorantia, eo ipso, quod non probatur scientia, quia in alieno factò non præsumitur scientia, sed ignorantia juxta *Reg. Jur. 47. in 6. præsumitur ignorantia, ubi scientia non probatur, Hosienf. in c. ult. hic n. 3. Joann. Andr. n. 7. Abb. n. 6. Alex. de Navon. §. Sanch. l. 7. de matr. cit. disp. 19. n. 8.* quod tamen limitandum est, nisi conditio servilis alterius, tempore contracti matrimonii, esset communiter nota in eo loco, quia præsumitur quisvis scire ea, quæ aliis ibi communiter innotuerunt, *Abb. c. l. & Sanch.*

§. II.

An, & quando proles, quoad libertatem, & servitutem, sequitur conditionem, non matris, sed patris?

XIV. De hoc agitur in c. *Licet. 3. h. t.* Ubi talis casus proponitur: quædam mulier contraxit matrimonium cum aliquo, de quo dicebatur, quod esset servus cujusdam Monasterii, à quo mulier petebat separari, eò quod ignorabat eum esse servum Monasterii, tempore contracti matrimonii.

trimonii. Sed vir replicabat, quod secundum legem, seu consuetudinem Provincie, conditionem patris sequi debeat, qui tempore mortis pro libero se gerebat, & jam elapso decennio, nec suus, nec patris nomine, status controversiam unquam passus fuerit. Consultus Papa Urbanus III. respondet, ratione temporis, & favore libertatis, pro parte viri, securius iudicandum esse, & sic mulier remanebit cum viro, cum quo, tanquam libero matrimonium contraxit.

XV. Pro explicatione hujus cap. notandum 1. quavis de Jure communi partus sequatur conditionem matris, quoad libertatem, & servitutem, ita ut si mater sit libera, vel serva, partus quoque censendus sit liber, vel servus, licet pater sit liber, *c. fin. de serv. non ordin.* & *Instit. de Jure person. §. Servi autem.* Veruntamen valet statutum, vel consuetudo legitime præscripta, ut proles sequatur conditionem, non matris, sed patris, ita ut si solus pater liber sit, vel servus, etiam liberi sint libertatis conditionis, vel servilis, non attentâ conditione matris, an hæc libera sit, vel serva, ut constat ex hoc *c. Abb. hic n. 2.* Ubi ait, hanc consuetudinem in multis locis vigere, quia cum hæc res descendat ex Jure humano, potest ei derogare consuetudo, *c. fin. de consuet. Sanch. libr. 7. de matr. dis. 24. n. 9.*

Notandum 2. Valet matrimonium liberi initum cum ancilla, ignoratâ conditione servili illius, si elapsum sit decennium, ex quo ancilla illa est in possessione libertatis, ut colligitur ex hoc cap. quam-

vis non requiratur decennium, sed sufficiat quinquennium, ut tradit *Gl. hic V. Decennium*, per *l. 1. c. l. Si pater. 7. C. Ne de statu defunctor.* Nam quod hic dicitur de decennio, ad factum pertinet, quia de facto decennium excurrebat post mortem defuncti, non quod quinquennium non sufficeret, *Gl. hic V. Decennium.* Quod si ante matrimonium initum cum ancilla, illa jam legitime præceptisset libertatem, matrimonium esset legitimum, idque verissimum esse ait *Sanch. l. 7. dis. 19. n. 6.* quod esset matrimonium liberi cum libertâ, id est, cum eâ, quæ ancilla fuit, jam tamen libertatē gaudet, tale enim matrimonium valet, quia cum non sit initum cum errore conditionis servilis præsentis, is error non obstat valoti matrimonii, *Sanch. cit. dis. 19. n. 16.*

Notandum 3. Favore libertatis in dubio iudicandum est pro libertatē, quia ejus favor est maximus, *c. fin. de re judic.* Cum ergo in casu hujus cap. vir iste per decennium se pro libero gesserit, nemine quidquam contra illum opponente, merito liber iudicatus fuit. Quod si pater ipsius gessit se pro libero, tempore mortis, & quinquennium postea elapsum sit, intra quod nec ex persona patris, nec ex propria ipsius filii, ipsi mota fuit questio status, censendus est liber, quia intra illud tempus præscriptum fuit contra servitutem, idque in favorem defuncti, & præcipue libertatis statutum est, *Abb. hic in fine*, multa enim statuta sunt favore libertatis contra juris rigorem, ut notat *Gl. fin. hic.*

T I T V L V S X.

DE NATIS EX LIBERO
VENTRE.

Quia error servilis conditionis viciat matrimonium, ut patet ex dictis Titulo præcedente, indeque sæpe fit, ut dubitetur, utrum natus ex libero ventre, seu matre censendus sit servus, an liber, ideo hic Titulus subjungitur, in quo de hoc agitur.

1.

Quoniam iste Titulus *unic. cap.* quod incipit *Indecens*, in quo deciditur quod natus ex libera matre, vel liberta sit liber, ubi talis casus proponitur: Cum quædam Ecclesia manumississet ancillam suam, quæ postea liberos susceperat, Ecclesia illa volebat eos revocare in servitutem: sed ancilla conquesta de hoc apud Papam, ostendit illi instrumentum manumissionis suæ. Quia verò indecens est, ut filii progeniti ex libera, vel liberta ad servitium Ecclesiæ retractantur, ideo præcipit Pontifex Gregorius I. ut si ex parte Ecclesiæ, nulla producantur documenta, per quæ instrumentum manumissionis ab Ecclesia concessæ rehellatur, Episcopus loci Ecclesiam illam à molestatione mulieris, sine aliqua retractatione, compescat: durum enim est, ut si alii pro mercede (id est, pro remuneratione, *Hosienf. hic*) tribuant li-

berties, ex ab Ecclesia, à qua tueri, seu defendi debent, revocentur.

II. Notandum 1. Filiis seu liberi legitime nati quoad familiam, nobilitatem, & dignitatem, seu honores, sequuntur conditionem patris, non matris, *l. Cum legitime. 19. & ibi Gl. ff. de statu homin.* Ratio est, quia proles esse recipit à patre, tanquam à causa efficiente principali, & nobiliori principio suæ substantiæ, & ideo quoad ea, quæ ad esse, & familiam pertinent, & quæ ei annexa sunt, sequitur patrem, *Sanch. l. 7. de matrim. dis. 24. n. 1.* Ubi addit, quod verè nobilis sit, qui ex viroque parente nobili descendit. Verum quoad statum libertatis, vel servitutis liberi conditionem matris sequuntur, ita ut natus ex ancilla sit servus, etsi pater liber sit, vel liber, si mater sit liberta, etsi pater sit servus, quia partus ancillæ matris conditionem sequitur, non statim patris, *l. Parium. 7. C. de rei vindic. Abb. hic n. 3. Sanch. cit. dis. 24. n. 8.* Sufficit autem, si mater,

matrē, tempore conceptionis, aut natiuitatis, vel medio tempore fuerit libera, ut proles libertate gaudeat, *Instit. de Ingen. in princ.* Ut si ancilla pręgnans manumittatur, sed ante partum in servitutem redigatur, proles nata erit libera, quia mater libera fuit, medio illo tempore, quo scilicet pręgnans erat, §. *Ex his Instit. de Ingen.* quia calamitas matris non debet nocere proli in utero existenti, ut ibidem dicitur. Unde ad hoc ut proles libera sit, sufficit matrem brevissimo tempore inter conceptionem & natiuitatem fuisse liberam, *Sanch. c. l. n. 10.* Quod si tamen mater iure belli capta sit, scetus quoque sit mancipium, etsi mater libera fuerit tempore conceptionis, non quidem vi natalium, sed quia unā cum matre captus fuit in bello iusto, & sic beneficium matris capta servatus fuit in vita, *Sanch. c. l. n. 14.* Sed & filii ex legitimo matrimonio progenti sequuntur quoad libertatem, & servitutem, conditionem matris, *l. Et servorum, §. §. Ingeni, l.*

Cum legimus, 19. ff. De statu hom. & Sanch. c. l. num. 7.

III. Notandum 2. Filii libertæ, hoc est, progenti ex ancilla, quæ ex servitute manumissa est, & liberti, sive libertini appellantur, sunt liberi, etsi pater servus fuerit, nec possunt à domino in servitutem revocari, prout sumitur ex hoc cap. Ubi dicitur: indecens esse, ut filii nati ex liberta in servitutem Ecclesię retrahantur, *Abb. hic n. 4. & Alex. de Novo n. 4.* durum est enim, quod Ecclesia libertatem revocet, quam debet defendere, neque debet quis impugnare eum, quem debet defendere, *Gl. hic in notat. & V. Aquatueri.* Nam si alii domini defendunt libertatem suam, multo magis hoc facere debet Ecclesia, adeoque non debet à se ipsa manumissos, & libertate donatos revocare in servitutem, *Hosienf. hic V. Ab Ecclesia:* Quamvis propter ingratitude[m] libertus retrahi possit in servitutem, *c. Libert, 61. caus. 12. q. 2. Abb. hic in fine.*

T I T V L V S XI.

DE COGNATIONE SPIRITUALI.

Triplex est cognatio, spiritualis, legalis, & naturalis, sive carnalis, de quibus hoc, & aliquot sequentibus Titulis agitur, & quidem primo loco de cognatione spirituali, tanquam de digniore. Extat hic Titulus etiam in Sexto.

§. I.

Quid sit cognatio spiritualis, unde oriatur, & inter quas personas contrahatur?

I.

ASSERTIO I. Cognatio spiritualis est propinquitas quædam personarum, quæ ex statuto Ecclesię oritur ex administratione, seu collatione, & susceptione quorundam Sacramentorum, nempe Baptismi, & Confirmationis, prout definitur communiter à Doctores apud *Sanch. l. 7. de matr. dif. § 4. n. 1. Tann. tom. 4. dif. 8. de matr. q. 4. dub. 4. n. 64. Laym. l. 5. Theol. Mor. tract. 10. p. 4. c. 8. in princ.* & alios. Sicut enim per carnalem generationem homo nascitur, & acquirit esse naturale, postea verò corporaliter roboratur: ita per Baptismum homo regeneratur spiritualiter, & per Confirmationem confortatur spiritualiter: cum ergo baptizanti, aut confirmanti, & Patrinis magna reverentia debeatur, tanquam parentibus spiritualibus, ideo Ecclesia statuit, ut hæc cognatio spiritualis, non minus, quàm carnalis, esset impedimentum dirimens matrimonium, *Sanch. cir. dif. § 4. n. 2.*

II. Hinc infertur 1. quod cognatio spiritualis non habeat ortum ex Jure naturali, quia hæc Sacramenta nullum habent in jure naturali fundamentum, sed ex sola Christi institutione acceperunt neque etiam ex jure Divino positivo orta est hæc co-

gnatio, quia nullus in S. Scriptura locus invenitur, in quo de ea fiat mentio, quamvis in illa fundamentum aliquod habeat, quia 1. *Petri 1.* appellatur Baptismus regeneratio per Christum facta. Itaque ex solo jure Ecclesiastico, seu institutione Ecclesię hæc cognatio introducta est, *Sanch. cir. loc. num. 2.*

Infertur 2. Ex aliis Sacramentis, præter Baptismum, & Confirmationem, non oritur cognatio spiritualis, ut expressè deciditur in *c. Quamvis. 3. & ult. h. t. in 6. in fine*: ubi dicitur: Ex datione verò aliorum Sacramentorum cognatio spiritualis nequaquam oritur, quæ matrimonium impedit, vel dissolvat: imò neque ex Sacramento Pœnitentiz inter Confessarium, & filiam confessionis oritur aliqua cognatio. Rationem autem dat *D. Thom. apud Sanch. c. l. n. 6.* Quia reliqua Sacramenta conferunt supernaturalem gratiam, non per modum regenerationis spiritualis, sed per modum refectionis spiritualis, ut Eucharistia, vel sanationis, seu reconciliationis, ut Pœnitentia. Quamvis talis Confessio Sacramentalis sit speciale sacrilegium, si assumatur ut medium ad peccatum luxurię perpetrandum, *Tanner. tract. 4. dif. 8. q. 4. dub. 4. n. 64. & alii.*

Infertur 3. Hoc impedimentum spiritualis cognationis est perpetuum, ita ut etiam post mortem personæ, quæ mediante, contracta est cognatio, duret, sicut etiam fit in aliis impedimentis dirimentibus, *Sanch. c. l. n. 8.*

III. ASSERTIO 2. Cognationis spiritualis, quæ impediēbat, & dirimebat matrimonium, Jure anti-

antiquo Decretalium, triplex erat species, videlicet Paternitas, Compaternitas, & fraternitas. Paternitas erat inter baptizantem, vel confirmantem ex una, & inter baptizatum, & confirmatum ex altera parte: similiter inter patrinum baptizati, & confirmati ex una, & baptizatum, vel confirmatum ex altera parte. Altera species erat compaternitas: quæ est inter baptizantem, vel confirmantem, vel patrinum ex una parte; & inter parentes baptizati, vel confirmati ex altera parte: atque ita parentes baptizati, vel confirmati erant compadres baptizantis, vel confirmantis, & patrinorum: & duplex hæc cognatio transfundebatur à viro in uxorem, ita ut si vir conjugatus aliquam personam baptizaret, vel confirmaret, vel patrinus illius esset, uxor ejus similem cognationem compaternitatis cum eisdem personis, videlicet baptizato, vel confirmato, & parentibus eorum contraheret, eò quod uxor una caro cum marito suo reputetur. Tertia species erat fraternitas: videlicet inter filios carnales baptizantis, vel confirmantis, vel patrinorum ex una parte: & ipsum baptizatum, vel confirmatum, ex altera parte: itaque baptizatus, vel confirmatus erat confrater filiorum baptizantis, vel confirmantis, & filiorum ipsius patris, vel matris, *Sanch. cit. dist. 34. n. 9. Laym. cit. c. 8. n. 1.* quæ omnia ex Juribus infra allegandis probabuntur, & declarabuntur.

§. II.

Quanam circa cognationem spiritualem, sive paternitatis, sive compaternitatis, sive fraternitatis, Jure antiquo Decretalium statuta sint, & inter quas personas ea impediatur matrimonium contrahendum, vel dirimat iam contractum?

IV. De his agit in pluribus Capitulis hujus Tituli, quæ hoc loco explicabimus. Et in primis in c. *Primum. l. h. t.* consultus fuit Papa Alexander III. utrum filii (scilicet duorum compatrium) aut filii, ante, vel post compaternitatem geniti, possint matrimonio jungi, cum Canones, secundum consuetudines diversorum locorum, repugnant contrarii. Nam primus Canon (qui habetur in c. *Post susceptum. 3. caus. 30. q. 3.*) prohibet, ne nati post compaternitatem matrimonio conjugantur: alter vero Canon (qui est posterioris editus, juxta *Gl. hic V. Posterioris*, & est Urbani II. & habetur in c. *Super quibus. 4. ead. caus. 30. q. 1.*) videtur corrigere primum (quia posteriora Jura corrigunt priora, *Hosienf. hic V. Corrigen.*) per quem statuitur, ut si nati, sive post compaternitatem, geniti sunt, simul possint conjugari, excepta illa persona tantum, per quam ad compaternitatem venit, sive per quam compadres sunt effecti. Unde concludit Papa Alexander III. in hoc c. observandum videri, quod posterior Ca-

non (in c. *Super quibus*, qui tamen priore loco, ordine scripturæ, est positus in Decreto Gratiani) statuit, nisi consuetudo Ecclesiæ, quæ scandalum generet, aliter se habeat, sive aliud ob-
servet.

V. Notandum 1. Filii duorum compatrium, per quorum neutrum est deventum ad compaternitatem, possunt matrimonium inire, quia isti filii non reperiuntur prohibiti, nam licet prius erant prohibiti simul contrahere, per c. *Post susceptum. 5. cit. caus. 30. q. 3.* ille tamen Canon fuit postea revocatus per alium Canonem posteriorem, nempe per c. *Super quibus. ead. caus. 30. q. 3.* & sic servandum est jus posterioris corrigens, & non prius jus correctum, *Præian. in Rurion. in c. 1. hic*, nisi consuetudo Ecclesiæ, quæ scandalum generet, aliter se habeat: hoc est, nisi consuetudo iusta, & legitime præscripta, ex cuius transgressione merito scandalum oriri possit, aliter se habeat, prout hunc textum explicat *Sanch. libr. 7. de matr. dist. 4. n. 11.*

Notandum 2. Persona illa, per quam est deventum ad compaternitatem, videlicet persona baptizata, vel suscepta ex baptismo, non potest contrahere matrimonium Jure antiquo cum aliquo ex filiis baptizantis, vel patris levantis ex baptismo, sive sint geniti ante compaternitatem, sive post illam, quia isti ad invicem sunt fratres spirituales. Aliud est de baptizante, vel suscipiente ex Baptismo, nam baptizans laicus, vel suscipiens ex baptismo potest contrahere matrimonium cum sorore baptizati, vel levati ex baptismo, *Abb. hic n. 4. & Alex. de Novo n. 4.* Item pater potest contrahere matrimonium cum filia spirituali filii sui, quia cognatio spiritualis à patre descendit in filium, sed non à filio ad patrem ascendit, ideo filius non potest ducere filiam spiritualem patris: potest tamen ducere patris filiam spiritualem filii: ut notatur in c. *fin. caus. 30. q. 3.* & in c. *1. h. t. in 6. Abb. hic n. 4.*

VI. Secundò in c. *Si vir. 2. h. t.* cum quæstioni fuisset ex Papa, an si duo conjuges vir, vel mulier scienter, vel ignoranter filium unum de fratre fonte susceperint, propterea separari debeant? Respondet idem Alexander III. quod quamvis generaliter statutum sit, (in c. *1. & 2. caus. 30. q. 1.*) quod debeant separari: aliter tamen etiam statutum reperitur (in c. *Distum. 4. & c. Ad limitum. 7. ead. caus. 30. q. 1.*) Unde videtur, quod si ex ignorantia, sive ex malicia, id fecerint, non sunt ab invicem separandi, nec alteri conjugii debitum negare debet, nisi ad continentiam servandam possint induci, quia si ex ignorantia id fecerint, (probabili, aliis non excusaret à peccato, *Gl. hic V. eod.*) illos ea excusaret: si ex malicia, eis sua fraus, vel dolus non debet patrocinari.

VII. Pro explanatione hujus cap. notandum 1. parentes carnales non debent proprios filios baptizare, nec in Baptismo, vel Confirmatione, tanquam patris, suscipere, quia alius debet esse pater carnalis, alius pater spiritualis: instante tamen necessitate, licet possint baptizare filios, nec inter eos oritur impedimentum cognationis spiritualis, seu paternitatis, ut constat ex c. *Ad limitum. 7. caus. 30. q. 1. Abb. hic n. 2. Alex. de Novo n. 2.*

Notandum 2. Si conjux, extra necessitate, baptizatur, vel tanquam patrinus suscipit in Baptismo, vel Confirmatione, communem filium, vel solius alterius conjugis, non sunt ab invicem separandi, quia matrimonium non dissolvitur, sive ignoranter, sive scienter hoc fecerint: nam si scienter, tunc non potest quidem unus conjux alteri debitum negare, sed tenetur reddere petenti, ipse tamen privatur potestate illud exigendi, ut iuxta probabiliorum expositionem sumitur ex *cit. c. 2. h. e.* & tradit *Gl. in c. Nosse. 3. V. Non fraudentur. cit. caus. 30. q. 1. Hostiens. hic V. Patrocinari. Abb. n. 5. Alex. de Nervo n. 8. Sanch. l. 9. de matr. dif. 26. n. 7.* Nam in hoc cap. dicitur: quod hoc conjugium sustinetur, ne fraus sua dolo patrocinetur, si debitum reddere non teneretur, & illud petere posset, tunc enim illi potius obest sua fraus, ergo Papa cum potestate petendi debitum privare voluit, aliàs ratio allata nihil probaret: unde *Sanch. c. l. addit.* hanc sententiam in rigore nullo textu Juris efficaciter probari posse, atque hanc sententiam ipsum sequi, quia est communis Jurisperitorum, & ferè etiam Theologorum Neoteritorum, & antiquorum. Idque extendit idem *Sanch. c. l. n. 8.* quod quando conjux, non solum ex certa scientia, sed etiam ex malitia, & in fraudem matrimonii baptizatur, vel suscipit ex baptismo communem filium, vel alterius conjugis tantum, tenetur reddere debitum, etsi non possit petere, ex ratione subjuncta in *cit. c. 2. quia fraus sua non debet illi patrocinari*, cum ergo impedimentum hoc, & privatio petendi debitum statuatur in peccatum delicti admissi à conjuge scienter, multò magis privatur potestate petendi debitum ille conjux, qui ex malitia hoc facit, adeoque majoris delicti est reus. Porro quamvis Pontifex in hoc c. videatur eodem modo loqui de eo, qui scienter, vel ignoranter baptizat filium, vel suscipit ex baptismo: revera autem assignat diversas rationes, quia quando loquitur de ignorante, ait eum excusari ob ignorantiam: cum verò loquitur de sciente, dicit fraudem ei non debere patrocinari. Ex quo colligitur, illum privari jure petendi debitum, at teneri reddere, sic enim efficitur, ut fraus sua ei non patrocinetur. *Sanch. c. l. n. 12.* Ex quo patet, quod detur medium inter scientiam, & ignorantiam, scilicet scientia, non malitiosa, ut si pater instante necessitate baptizaret filium in articulo mortis constitutum, *Alex. de Nervo hic n. 7.* scientia verò malitiosa est dolus, de quo in fine hujus cap.

VIII. Notandum 3. Quod dictum est, quando pater carnalis, instante necessitate, proprium filium tenet in Sacramento Baptismi, vel Confirmationis, non oriri inter eos aliquod impedimentum cognitionis spiritualis, id intelligendum est de legitimis conjugibus, juxta *e. Ad limina. 7. cit. caus. 30. q. 1.* Nam cum in casu necessitatis extremae, pater ex justitia teneatur proprium filium baptizare, iniquum foret, si ob eam causam privaretur jure exigendi debitum à legitima uxore, ac proinde contrahitur quidem etiam eo casu, inter tales conjuges aliqua cognatio spiritualis, sed non talis, quæ ullum præjudicium afferat matrimonio jam rite contracto. Aliud est in concubina, ut si Petrus laicus baptizavit filium Annæ, ac deinde copulam carnalem

fornicariam cum illa habuit, Anna verò filium postea ex Petro susceptum, in extrema necessitate, baptizatum tenuit: nam Petrus pater in utroque hoc casu, suscipiendo proprium filium, spirituales cognitionem cum Anna concubina contraxit, quæ impedit matrimonium contrahendum, & dirimit postea contractum, quia Petrus nullum jus habet debitum, seu carnis copulam à concubina petendi, ut rectè tradit *Eagnanus in cit. c. 2. num. 5.* & aliquot *segg. h. t.* Idque procedit, non solum de Jure communi, sed etiam post Concilium Trident. *Seff. 24. s. 2. de reform. matr.* juxta quod contrahitur cognatio spiritualis inter baptizantem, & baptizatum, & hujus patrem, & matrem, per quam impeditur matrimonium contrahendum, & dirimitur contractum. Et habet hoc locum etiam in laico, qui baptizavit in extremo mortis articulo, ut docet *Hostiens. in Summa §. Et an aliquis. n. 8. h. t. Silvest. V. Matrimonium. 8. q. 7. dif. 7. Covarr. in 4. Decret. c. 6. §. 4. n. 4.*

Notandum 4. Ad contrahendam cognitionem spirituales requiritur scientia, & intentio illam contrahendi, prout sumitur ex hoc cap. Unde si quis per errorem levavit ex baptismo filium Petri, existimans esse Filium Pauli, revera non contrahit cum filio Pauli cognitionem, nec efficitur pater spiritualis illius, saltem ad dirimendum matrimonium post contractum, quia revera non intendit exercere actionem veri patris erga illum, quem levavit, *Abb. hic n. 4. & Alex. de Nervo n. 6. Sanch. l. 7. de matr. dif. §. 8. n. 7.*

IX. Tertiò in *c. Super eo. 3. h. t.* Statuitur, ut si filii duorum compatrum tales sint, per quorum alterum, vel utrumque parentes ad compatriatam pervenerint, conjungi non possunt, & si conjuncti fuerint, separari debent, (quia contra Canones conjuncti sunt: quod autem contra leges sit, dissolvi debet, *c. Vider. 10. dif. 10.*) si verò per neutrum illorum filiorum compatriatas contracta fuit, tunc confusio Ecclesiæ Metropolitanæ, vel aliarum vicinarum Ecclesiarum servari debet, ita ut si secundum hanc, conjugium non teneat inter tales, etiam Episcopus in sua Ecclesia illud non approbet, nec permittat: si verò secundum consuetudinem, talia matrimonia permittantur, Episcopus in sua Ecclesia dissimulare poterit, ita ut nec contradicere, nec assentiri videatur, quia sicut grave est antiquam consuetudinem vicinarum Ecclesiarum contemnere: ita gravius videtur, si propter eam hujusmodi conjugis Episcopus præstet assensum, cum posset hoc in exemplum assumi, nempe ab aliis, quia talia conjugia non contrahunt, adeoque illam consuetudinem non observant, *Gl. fin. hic.*

X. Verùm decisioni hujus cap. ob stare videtur *c. Quod super his. §. in fine de consang. & affin.* Ubi deciditur: quòd in gradibus prohibitis non possit contrahi matrimonium, etiam si hoc observet consuetudo. At verò in *cit. c. Super eo. h. t.* deciditur, quòd ubi viget consuetudo impediens, ac dirimens matrimonia contracta inter filios duorum compatrum, per quorum neutrum contracta est compatrietas, quæ jure communi licitè, & valide contrahuntur, propter consuetudinem loci sint servanda. Sed respondetur, per consuetudinem non posse induci impe-

impedimentum dirimens matrimonium, nisi fuerit per S. Pontificem approbata, & de hoc loquitur *cir. c. Super eo. h. r. Fagn. ibid. n. 1.* Quod ut melius intelligatur, notandum, etsi consuetudo possit impedire matrimonium contrahendum, & prohibere; ne contrahatur: non tamen potest dirimere perpetuum matrimonium postea contractum, *c. 1. de sponsal. & matrim.* Quare cum in *cir. c. Super eo*, statuitur, quod licet filii duorum compatrum, per quorum neutrum contracta est compaternitas, licet inter se contrahant matrimonium; si tamen sub sit consuetudo impediens, ac dirimens tale matrimonium, servanda sit loci consuetudo, id intelligi debet, si talis consuetudo per S. Pontificem fuerit approbata, prout expressè illam approbavit Alexander III. in *cir. c. Super eo*, ne scilicet matrimonium contrahatur, & ut contractum separetur, tunc enim per talem consuetudinem inducitur impedimentum, non tantum prohibens matrimonium contrahendum, sed etiam dirimens contractum, quia approbatio Papæ habet vim Constitutionis Apostolicæ, seu Canonice; sicut ergo per hanc potest induci impedimentum dirimens matrimonium; ita etiam per consuetudinem approbatam à Papa: quod si consuetudo non sit approbata à Papa, nec reprobata, tunc ad evitandum scandalum, impedit quidem, sed non dirimit matrimonium, *Silvest. l. Matrimonium. 2. n. 3. q. 3. Fagn. in c. 1. n. 8. & 9. h. r.* Alii verò censent, tunc demum valere consuetudinem, ac dirimere matrimonium, si cum illa concurret Jus vetus, & insuper etiam scandalum, juxta *c. 1. h. r.* Contrarium tamen tenet *Sanch. l. 7. dist. 4. n. 11.* videlicet consuetudinem habere vim inducendi novum impedimentum dirimens matrimonium, licet à Papa non sit specialiter approbata, nec cum illa concurret Jus vetus, nec scandalum generetur: sed communis sententia DD. est tenenda.

XI. Nec obstat text. in *c. ult. de consuet.* Ubi generaliter dicitur, longævam consuetudinem derogare juri positivo, si sit rationalis, & legitime præscripta: nam consuetudo, quæ reddit fideles inhabiles ad contrahendum matrimonium sine consensu, & approbatione Pontificis, non est rationalis, quia à jure specialiter reprobatur in *c. 1. de sponsal. & matrim.* Ubi quidam Gallus, qui uxorem dimiserat, & aliam duxerat, existimans primum matrimonium esse nullum, ed quod in eo contrahendo non servâret legem, id est, consuetudinem patris, cogitur redire ad primam uxorem, & penitentiam agere, tanquam transgressor legis Evangelicæ, ut ex illo cap. deducunt *Hofstien. ibid. l. Superinduxit. & Abb. n. 3.* Deinde cum consuetudo sit Juris positivi, non potest dirimere matrimonium, quippe quod ortum habet à Jure Divino, ideòque tanquam irrationabilis non valet, *Fagn. incir. c. 1. n. 13. & 14.* Sed neque talis consuetudo potest dici legitime præscripta, quia cum sit contra Jus Divinum, nullo unquam tempore potest præscribi, ideòque etiam nulla consuetudo vim legis obtinere potest contra legem Divinam, sed potius talis consuetudo censenda est corruptela, *c. Quod super his. 5. in fine de consanguin. & affin. Fagn. c. l. n. 16.*

XII. Quod in *c. Tus nos. 7. h. r.* Consultus à Papa Innocentius III. an natus ante compaterni-

tatem filiam (spiritualem) compatris sui (per quam compaternitas est contracta) vel commatris sibi possit matrimonialiter copulare, & si contraxerint, an debeant separari: & an consensu talis matrimonii teneantur illud accusare. Respondet, quod hujusmodi personæ non possint contrahere inter se matrimonium, & si contraxerint, debeant ab invicem separari: & qui contractum sciverint, debent illud Ecclesie nuntiare.

XIII. Notandum 1. Inter baptizatum, & filios levantis è baptismo, etiam antea genitos, contrahitur cognatio spiritualis, quæ non tantum impedit, sed etiam dirimit matrimonium de Jure antiquo, *Abb. hien. 2.* Ratio est, quia spiritualis cognatio transit à patre in filium, ita ut inter filium susceptum è baptismo, & filios suscipientes, dicatur esse spiritualis fraternitas: sicut ergo inter fratres carnales, & eorum sorores non potest esse matrimonium: ita nec inter fratres, & sorores spirituales. *Vivian. in Ration. hic.*

Notandum 2. Quilibet de populo tenetur ad manifestandum, & denuntiandum impedimentum existens inter contrahere volentes matrimonium, nam quisvis, quantum potest, tenetur impedire peccatum futurum, ne committatur, *c. Si peccaverit. 19. caus. 2. q. 1.*

XIV. Porro hodie post *Concil. Trid. Sess. 24. c. 1. de ref. matr.* antequam matrimonium contrahatur, publicè denuntiari debent ipsi, inter quos matrimonium est contrahendum, ut si quis sciat aliquod impedimentum inter eos esse, illud proferat: & ita qui novit aliquod impedimentum esse inter volentes contrahere, tenetur illud sub peccato lethali denunciare, & detegere, etsi occultum sit, & probare illud non possit, ut docet *Sanch. l. 3. de matr. dist. 13. n. 2.* quia quisvis tenetur, saltem Superiore præcipiente, detegere peccatum inferens tertio grave damnum, neque sit hæc denuntiatio ad puniendum crimen admissum, sed ad vitandum peccatum, ut diligenter inquiratur de impedimento. Nisi tamen impedimentum ortum habeat ex peccato occulto, tunc enim debet præcedere admonitio secreta, antequam denuntiatio fiat: vel nisi impedimenti consensu probabiliter timeat grave scandalum secutum ex denuntiatione impediendi: vel nisi impedimentum cognoverit sub secreto, ad quod servandum jus naturæ obligat, *Sanch. c. l. n. 3. q. 4. & 5.* Vel sit adeo occultum, ut ipse solus id noverit, præsertim si ortum sit ex infamia aut peccato, ut plures docent apud *Barbof. in Collect. in c. 4. n. 2. h. r.* de quo plura *Sanch. cit. loc.*

XV. Quintò in *c. Martinus. 4.* talis casus proponitur: Martinus duxit in uxorem Bertham, & Lotharius Tebergam, qui Martini, & Berthæ filium ex facto fonte suscepit: postea verò L. & B. mortui sunt, & M. cum dicta T. matrimonium contraxit. Consultus Pontifex Clemens III. respondet: Cùm vir, & mulier per concubitum (carnali copulâ consummatum) efficiantur una caro, liquidum esse, quod Tebergam non possit matrimonialiter copulari Martino, qui compater ejus fuit, (scilicet Lotharii, qui Martini filium de baptismo suscepit) cum quo (Lothario) Tebergam una caro extitit.

XVI. Ubi notandum, si post matrimonium carnali copulâ consummatum, alter conjugum suscipiat filium alterius de sacro fonte, ut in casu hujus cap. Lotharius filium Martini, tunc ambo conjuges efficiuntur compadres parentibus baptizati: & ita si vir suscipiat filium alterius de sacro fonte, uxor fit, mediante viro, commater parentibus baptizati, & levati, & mater spiritualis ipsius, & de converso, c. *Sciscitatur*. 1. c. *Si quis*. 3. *caus.* 30. q. 4. *Gl. hic V. Cum quo*. Ratio est, quia cum per connubium, seu copulam carnalem vir, & mulier fiant una caro, ideo cognatio spiritualis, quæ est in marito, est etiam in uxore, cum qua vir una caro est. Unde sicut carnalis cognatio dirimit matrimonium inter maritum, & uxorem; ita etiam cognatio spiritualis, *Vivian, in Ration. hic*. Si verò paternitas præcessit matrimonium, sive carnalem copulam, ut in casu hujus cap. Si Lotharius, vel alius suscepit filium Martini, & Berthæ de sacro fonte, & postea contraxit matrimonium cum Teberga, & eam cognovit: vel licet contraxerit, nondum tamen carnaliter eam cognovit, quamvis illam postea cognoscat: tum uxor non efficitur commater parentibus illius baptizati, & suscepti ex baptismo, quia vir nondum erat effectus una caro cum eadem, *Gl. hic V. Cum quo Pers. Si verò*. Atque hinc colligitur, quod cognatio spiritualis contracta per maritum extenditur ad uxorem prius carnaliter cognitam, non autem si non erat cognita, *Abb. hic n. 6.*

XVII. Sexto in c. *Veniens*. 6. h. t. habetur, quod quidam C. nomine, matrimonium contraxit cum muliere H. quæ prius susceperat de sacro fonte filium dicti C. viri sui, unde quesitum fuit, an ab eo debeat separari? Respondet Papa Innocentius III. si constiterit, mulierem H. dicti viri sui filium de sacro fonte, seu baptismum levâsse (idem est de Confirmatione, *Gl. hic V. De sacro fonte*), antequam eum sibi desponsâset, divorcium inter eos (appellatione postpositâ) instituerunt. Ratio est, quia inter patrem baptizati, & levantem, seu susipientem de baptismo filium hujus patris à muliere illa contracta est cognatio spiritualis, quæ impedit, ac dirimit matrimonium inter eos post contractum, ut habetur in Summa hujus cap. Atque hoc procedit, si prædicta mulier filium viri sui C. levavit de Baptismo, ante matrimonium cum eo contractum: si enim post contractum matrimonium de presenti eum levâset, non propterea dirimeretur matrimonium ante contractum, c. 2. h. t. & c. *Ad limina*, 7. *caus.* 30. q. 1. *Gl. fin. hic & Hostiens. V. Antequam*. Atque hoc impedimentum cognationis spiritualis inter compadres, nempe patrem spirituale, & carnalem, etiamnum hodie durat, & innovatum est per Concilium Trident. *Sess.* 24. c. 2. de *reform. matrim.* de quo infra.

XVIII. Septimò in c. *Ex litteris*. 8. & ult. h. t. refertur, cum mulier M. coram Officiali Cantuariensi Alanum peteret in virum, seu maritum, & se ab eo affidatam, & carnaliter cognitam per testes idoneos probâset: publicatis eorum attestamentis, Alanus excepit, quod eam habere non possit in uxorem, ed quod pater illius mulieris, qui Sacerdos extitit, ipsum baptizâset: sed hæc

exceptione rejectâ, Officialis tulit sententiam definitivam pro matrimonio contra ipsum Alanum, à qua idem ad Sedem Apostolicam appellavit. Unde Pontifex Gregorius IX. mandavit, ut si ita est, prædictus Alanus ab impetitione mulieris absolvatur, eidemque perpetuum silentium imponatur.

XIX. Notandum 1. Si quis etiam laicus in extrema necessitate baptizet aliquem contrahit cognationem spiritualem dirimentem subsequens matrimonium cum baptizato, ejusdemque parentibus, ut docet *Covarr. in 4. Decret. p. 2. c. 6. §. 4. n. 4. & Sanch. l. 7. de matr. disp. 62. n. 10.* Nec obstat, quod in hoc cap. ponderatur, baptizantem fuisse Sacerdotem, ut cognatio spiritualis contrahatur, ergo laicus in necessitate baptizans non solemniter non contrahit cognationem spiritualem. Nam hic narratur solum factum, nec visponitur in sacerdotio Ministri baptizantis ad contrahendam cognationem spiritualem, *Sanch. c. l. n. 10.*

Notandum 2. Filius, vel filia spiritualis Sacerdotis baptizantis non potest matrimonio copulari filio, vel filiz carnali ipsius Sacerdotis, ut patet ex hoc cap. & tradit *Gl. ibid. in notat.* Nam pater mulieris M. erat Sacerdos, qui baptizavit Alanum, & ita hic fuit spiritualis filius ipsius Sacerdotis, ergo etiam filia carnalis illius, scilicet mulier M. effecta est soror spiritualis ipsius Alani, ac proinde hic non poterat illam ducere in uxorem, quia pater carnalis mulieris M. qui fuit Sacerdos, baptizavit Alanum, & erat pater spiritualis ejusdem, adeoque inter ipsam mulierem M. & Alanum baptizatum à patre ipsius, intercedebat cognatio spiritualis fraternitatis, quæ de jure antiquo impendebat, ac dirimebat matrimonium inter baptizantem, & filium, vel filiam baptizantis contrahendum, *Gl. hic V. Baptizavit, & Abb. n. 2.*

Notandum 3. Prædicta cognatio spiritualis inter baptizatum, & filios baptizantis impediens, ac dirimens matrimonium inter eos contrahendum, extenditur etiam ad filios spurios, ac illegitimos baptizantis: nam ista mulier, ut communiter DD. intelligunt, erat filia spuria Sacerdotis, qui baptizavit Alanum, & tamen inter eam, & ipsum Alanum fuit orta cognatio spiritualis, quæ appellatur fraternitas, erant enim frater, & soror spiritualis, ut supra dictum: quamvis etiam posset intelligi hoc cap. de filia legitima nata ante Sacerdotium, sed communiter intelligitur de filia illegitima genita post Sacerdotium, *Abb. hic n. 3. & Alex. de Nevo n. 4.*

XX. Octavo denique in c. *Nedum*. 1. h. t. in 6. rescribit Pontifex Bonifacius VIII. non solum inter baptizatum, & illum, qui eum suscepit de baptismo: ac inter eundem baptizatum, & suscipientis filios, & uxorem, ante susceptionem carnaliter cognitam ab eodem: imò etiam inter susipientem (supple, & uxorem ejus prius carnaliter cognitam) patræque baptizati, & matrem, cognationem spiritualem in baptismo de jure contrahi, quæ & matrimonium contrahendum impedit, ac dirimit post contractum. Quæ eadem procedunt in baptizante: nempe ut si baptizans, & baptizatus, vel baptizatus, & filii baptizantis: vel baptizatus, & uxor baptizan-

ris prius cognita: vel baptizans, & parentes baptizati matrimonium inter se contraxerint, illud non teneat, *Gl. h. c. V. Nedom.*

» Additur in fine hujus cap. Ex Confirmatione quoque, seu frontis Chrismatione spiritualis cognatio, matrimonia contrahenda similiter impediens, & postea contrahenda dirimens, eisdem modis contrahitur, scilicet inter confirmatum, & suscipientem in Confirmatione: & inter confirmatum, & filios suscipientis, seu tenentis: & inter confirmatum, & uxorem suscipientis prius cognitam. Item inter ipsum confirmantem, & confirmatum: & inter confirmatum, & filios confirmantis, & ejus uxorem prius cognitam, ac denique inter ipsum confirmantem, & parentes confirmati, *Gl. h. c. V. Eisdem modis.* Contrahitur autem cognatio spiritualis ex Sacramento Confirmationis, sicut ex Baptismo, quia hic assimilatur nativitati corporali hominis in utero, Confirmatio vero nativitati carnali hominis ex utero, ut ex S. Thom. notat *Vivian. in Ration. hic.*

XXI. Illud hic notandum, ut spiritualis cognatio contrahatur inter baptizatum, & uxorem suscipientis & baptismo, requiritur, ut ante susceptionem sit carnaliter cognita à viro: secus si post susceptionem fiat uxor, vel si prius erat uxor, post susceptionem, & non ante sit cognita carnaliter, tunc enim non contrahitur spiritualis cognatio, *Gl. h. c. V. Cognitam.* Nam quia matrimonium nondum consummatum potest dissolvi per ingressum Religionis, aut dispensationem S. Pontificis, ideo non videtur spiritualis cognatio contrahi ante matrimonium consummatum.

§. III.

An per Catechismum præcedentem Baptismum, contrahatur cognatio spiritualis impediens, ac dirimens matrimonium?

XXII. De hoc agitur in primis in *c. Contracto. §. h. i.* Ubi talis casus proponitur. Quidam Petrus nomine, contraxit matrimonium cum muliere Agatha nomine, cujus consanguinei contra matrimonium objecerunt ipsi, quod non poterat esse uxor Petri, quia in primo sacri sacris pabulo, filium quandam concubine ipsius Petri tenuit. Ad quod Papa Clemens III. respondet, etsi hæc vera esse constaret, non ideo matrimonium contrahendum dissolvi debere, cum hæc res vix præstaret impedimentum matrimonio contrahendo: idcirco mandat dicto Petro, auctoritate sua, injungi, ut ipsam Agatham, sicut uxorem maritali affectione tractet, & debitum carnale ab ea liberè exigat, & persolvat: sive ante matrimonium contrahendum cum Petro, sive postea filium concubine ipsius Petri tenuerit. Si tamen in fraudem, causâ matrimonii separandi hoc fecit, poenitentia ei imponenda est, matrimonio in sua firmitate durante.

XXIII. Præterea in *c. Per Catechismum. 2. h. i. in 6.* Rescribit Pontifex Bonifacius VIII. quod

per Catechismum, (qui præcedere debet Baptismum, & januam) spiritualis cognatio contrahitur, quæ impedit matrimonium contrahendum, (ut evidenter colligitur ex Decretali Clementis III. in *c. Contracto supra. eod.*) dicendo enim, quod talis res vix matrimonio contrahendo impedimentum afferret, velle videtur, quod afferat inam quod uix sit, fieri tamen dubium non est. Veruntamen per illam cognitionem matrimonium postea contrahendum non separatur.

XXIV. Pro declaratione horum duorum capitulorum, notandum 1. per pabulum sacri sacris in prior cap. *Contracto. h. i.* intelligitur Catechismus, sive instructio Catechumenorum ad fidem ante Baptismum, quâ durante, talis benedictus ori baptizandi imponeretur, per quem significatur celestis sapientia, seu doctrina Christiana, *c. Sal celestis. 65. dis. 4. de consec. & notat Gl. Margin. in cit. c. Contracto. lit. A.*

Notandum 2. Is, qui tenet puerum in Catechismo, contrahit cognitionem spiritualem imperfectam, quæ impedit quidem matrimonium contrahendum, sed non dirimit postea contrahendum, ut expressè dicitur in utroque *c. cit. Sanch. l. 7. de matrim. dis. 10. n. 2.* quia Catechismus est quidam futuri baptismi professio, ejusque initium, & quædam imperfecta regeneratio per fidem, quam proficitur patris, loco parvuli, idcirco etiam quædam imperfecta cognatio spiritualis ex eo oritur, sicut ex sponsalibus de futuro. Ut autem hanc cognitionem patris contrahat, debet durante toto Catechismo, infantem tenere, & insuper ad fidei interrogata respondere, dum Sacerdos interrogat, an credat? *Sanch. c. l. n. 3. & 4.* Contrahitur autem hæc cognatio, non solum si Catechismus, sive instructio fidei præcedat baptismum, sed etiam si instruat puer, postquam jam est baptizatus, quia Catechismus, si apte naturâ, præcedit baptismum, & est quoddam initium regenerationis spiritualis, & dispositio ad illam, quamvis peccatiens ob occurrentem necessitatem, aliquando post baptismum fiat. Nec obstat, quod in *c. 2. h. i.* dicitur: quod Catechismus præcedit baptismum, nam id dicitur, quia frequentius, & communiter, ac servato recto ordine, præcedit, *Sanch. c. l. n. 7.* Neque verò Catechismus ex eo est impedimentum dirimens matrimonium postea contrahendum, quia in *c. Si quis. 3. caus. 30. q. 4. & in c. In Catechismo. 100. dis. 4. de consec.* hæc tria Baptismus, Confirmatio, & Catechismus æquiparantur: nam sicut consanguinitas non oritur, nisi ex generatione naturali: ita nec filiatio, seu cognatio spiritualis nascitur, nisi per generationem spiritualem: sed hæc non fit, nisi per Sacramentum Baptismi, per quem homo in utero Ecclesiæ quasi concipitur, & formatur: vel per Sacramentum Confirmationis, per quod homo extra uterum Ecclesiæ posuit, in fide roboratur, ut publicè Christianam vitam proficiatur, & defendat. At verò Catechismus nullo modo est Sacramentum, & ideo per illum, propriè, ac strictè loquendo, nulla contrahitur spiritualis cognatio, quæ matrimonium dirimat: neque etiam in supra allegatis iuribus æquiparatur illa tria: Baptismus, Confirmatio, &

Catechismus, in significatione univoca, & propria, quasi ex Catechismo oriatur Canonicum impedimentum matrimonii ejusdem rationis, & efficaciz ad dirimendum illud jam contractum, sicut oritur ex Baptismo, & Confirmatione, ut rectè notavit Beja apud Barbof. in Collect. in cit. c. Contracto. §. h. t. contra Gl. ibid. V. Vix contrahendo in fine.

Norandum 3. Illud vix fieri dicitur, quod fieri potest, licet cum difficultate, ut colligitur ex cit. c. §. ibi: vix contrahendo, h. t. & clariùs ex c. 2. ibi: quod vix fit, fieri tamen dubium non est: eodem in 6. aliquando tamen dictio vix significat impossibilitatem, sed in significatione impropria, Abb. in cit. c. §. num. 3. & Alex. num. 4.

Notandum 4. Quamvis Catechismus impediat matrimonium contrahendum, non tamen contraveniens prohibetur, exigere, & reddere debitum conjugale, ut constat ex cit. c. §. ibi: & carnale debitum ab ea licenter exigit, & perfolvat: ubi in fine etiam penitentia imponitur ob solam intentionem delinquendi, posito quòd delictum non habuerit effectum, Alex. de Nervo, l. n. 8. & 9.

XXV. An autem hoc impedimentum Catechismi hodie sit sublatum per Concilium Tridentinum Sess. 24. c. 2. de reform. dubitatur? Et quidem certum est hoc impedimentum ibi esse restrictum ad primum gradum cognationis, sicut ibi restringitur cognatio orta ex Baptismo ad primum gradum, etgo multò magis erit restricta cognatio orta ex Catechismo, qui est initium aliquod Baptismi, ac dispositio ad illum, adeoque per illum metienda est, & non ultra eundem primum gradum extendenda, Sanch. cit. l. 7. dif. 10. n. 6. Quin imò etiam verius est, prædictum impedimentum ortum ex Catechismo jam omnino sublatum esse, ut colligitur ex Concil. Trid. cit. c. 2. ex illis verbis in fine: Omnibus inter alias personas hujus spiritualis cognationis impedimentis omnino sublatis. Cum ergo Concilium Trident. omnino sustulerit cognationem ortam ex Baptismo, præterquam inter tenentes in ipso Baptismo, censeri debet etiam esse sublata cognatio tenentium in solo Catechismo, quæ primam originem trahit ab illo, etsi de Catechismo ibi non fiat expressa mentio, Sanch. cit. dif. 10. n. 12. & alii apud ipsum.

§. IV.

An plures possint intervenire patrinis, seu susceptores in Baptismo, & Confirmatione, de Jure antiquo, & an inter omnes, si plures sint patrinis, contrahatur spiritualis cognatio?

XXVI. De hoc agitur in c. Quamvis. 3. & ult. h. t. in 6. Ubi Pontifex Bonifacius VIII. ita refertur: Ubi: Quamvis non plures, quam unus vir, vel una mulier, suscipere debeat de Baptismo infantis, juxta SS. Canones, si tamen plures susceperint, spiritualis cognatio inde contrahitur, (scilicet licet cum omnibus, Gl. hic V. Contrahitur.) & im-

solvens post contracta. Idemque dicendum de Confirmatione. (scilicet ut plures tenere non debeant confirmandum, si tamen teneant, omnes sint compates, vel compatrini.) Additur in fine: Ex datione verò aliorum Sacramentorum (præter Baptismum, & Confirmationem) cognatio spiritualis non oritur, quæ matrimonium impedit, aut dissolvat, de quo jam dictum supra, §. 1. num. 2. h. t.

XXVII. Hinc colligitur 1. De Jure antiquo prohibitum erat, ut plures Patrini in Baptismo, vel Confirmatione adhererentur, sed unus solus, sive vir, sive femina, ut constat ex c. Non plures. 101. dif. 4. de consecr. & ex hoc cap. Sanch. l. 7. dif. §. 7. n. 1. Nec potest Episcopus dispensare, ut plures Patrini adhibeantur, quia nec potest Episcopus dispensare in Jure communi Canonico, vel Decreto Concilii generalis, nisi talis facultas reperiatur ipsi specialiter esse concessa, Sanch. c. l. n. 2. & 7.

Colligitur 2. Secundum Jus antiquum Canonicum, si plures unum baptizatum, vel confirmatum simul suscipiant, vel teneant, omnes contrahunt cognationem spirituales impediendam, ac dirimentem matrimonium, quamvis hujus legis transgressores sint, ut expressè habetur in cit. c. ult. h. t. in 6. Sanch. c. l. n. 3. Nam quamvis aliàs actus contra legem factus regulariter non valeat, l. Non dubium. §. C. De legibus, in hoc tamen casu lex non tollit actum, sed imponit pœnam Parochi admittenti plures, quam unum, vel duos Patrones, & valor actus non pertinet ad favorem Parochi, sed suscepti ex Baptismo, & sic actus valet, Fagolin. de Offic. Episc. c. 25. §. 1. n. 5.

XXVIII. Verùm Concilium Tridentinum Sess. 24. de reform. matrimon. c. 2. Antiquum Jus non nihil immutavit, & statuit, ut unus tantum, sive vir, sive mulier (hoc est, mas, si puer baptizandus, & femina, si puella baptizanda sit) juxta SS. Canonum statuta in c. Non plures. 101. dif. 4. de consecr. & c. §. h. t. Vel ad summum unus, & una (scilicet mas, & femina, sive puer, sive puella baptizetur) de Baptismo suscipiant. Ubi in Declarationibus Cardinal. Concil. apud Joann. Gallemart n. 4. dicitur, Episcopum posse dispensare, ut duo viri, loco viri, & mulieris, aliquem baptizatum de Baptismo suscipiant.

XXIX. Præterea S. Synodus paulò infra in eodem c. subjungit hæc verba: Parochus antequam ad Baptismum conferendum accedat, diligenter ab iis, ad quos spectabit, sciscitetur, quem, vel quos elegerint, ut baptizatum de sacro fonte suscipiant: & cum, vel eos tantum ad illum suscipiendum admittat, & in libro eorum nomina describat, doceatque eos, quam cognationem contraxerint, ne ignorantia ullà excusari valeant. Quod si alii, ultra designatos, baptizatum tetigerint, cognationem spirituales nullo modo contrahant, Constitutionibus in contrarium facientibus (scilicet c. ult. h. t. in 6.) non obstantibus.

XXX. Ubi notandum 1. Ad parentes pertinet Paternos designare, vel si illi non designant, ad Parochos. Si verò nullus sit specialiter designatus Patrinus, ex negligentia, aut oblivione parentum, vel Parochi, & multi simul tenendo tangerent baptizandum.

dum, vel de sacro fonte aquę suscipiant, omnes contrahunt spiritualem cum eo cognationem, ut deciditur in *cir. c. 2. §. ult. h. t. in 6.* & docet *Navarra. in Man. c. 22. n. 39. Tanner. tom. 4. dis. 8. q. 4. dubi. 4. n. 69.* Ubi ait, id expressę etiam declarasse S. Congregationem Cardinalium, cui standum est, quia à Jure antiquo non est recedendum, quando aliud non statuitur Jure novo. Concilium verò Tridentin. videtur loqui, quando designantur plures Patrini. Contrarium tamen docet *Sanch. l. 7. dis. 57. num. 12.* videlicet quòd si nulli designentur Patrini, nullus contrahat hanc cognationem spiritualem, etiam si plures tangerent, vel suscipiant baptizatum à sacro fonte, quia Concilium intendit vitare, ne impedimentum hujus cognationis spiritualis Patrinorum nimium multiplicaretur, & ut certi essent illud contrahentes, & ideo tanquam conditionem necessariam requisivit, ut essent veri Patrini suscipientes baptizatum, eos designari ab eis, quibus id incumbit, ergo si deficiat hæc conditio designationis, non sunt veri Patrini, & consequenter neque cognationis spiritualis participes. Idque confirmatur ex eo, quòd in fine *cir. c. 2.* dicitur: *Omnibus inter alias personas hujus spiritualis cognationis impediens omnino sublati.* Cum ergo personę ibi contentę, quę hujus cognationis spiritualis sunt capaces, ibidem dicantur esse Patrini, qui designati sunt ad id munus obeundum, omnes illę personę, quę non sunt designatę, non erunt illius capaces. Et hæc sententia est valde probabilis. Videri possunt, quę hac de re tradit *Sanch. c. l. n. 12.* Ubi etiam plures alias difficultates hujusmodi proponit, & resolvit usque ad finem *dis. illius 57.*

Notandum 2. Etsi de Jure antiquo Canonico non plures, quàm unus vir, vel una mulier possint esse susceptores in Baptismo, & Confirmatione, c. *Quamvis. §. §. ult. h. t. in 6.* juxta Concilium Tridentin. autem c. l. ut summum duo, unus videlicet, & una in Baptismo, & in Confirmatione unus, vel una tantum possint esse suscipientes, seu Patrini, quia de Confirmatione id non est expressum, sicut de Baptismo in *cir. Decreto Concilii Trident. Sess. 24. c. 2. de reform. matrim.*

§. V.

Inter quosnam contrahatur cognatio spiritualis in Baptismo, & Confirmatione, de Jure novo Concilii Tridentini?

XXXI. De hac re ita statuitur in c. 2. *Sess. 24. de reform. matrim.* Inter quos (scilicet suscipientes, seu Paternos) ac baptizatum ipsum, & illius patrem, ac matrem: nec non inter baptizantem, ac baptizatum, baptizatiq; patrem, ac matrem tantum spiritualis cognatio contrahatur. Et in fine additur: Ea quoque cognatio, quę ex Confirmatione contrahitur, confirmantem, & confirmatum, illiusq; patrem, & matrem, ac tenentem non egrediatur, omnibus inter alias personas hujus spiritualis cognationis impediens omnino sublati.

XXXII. Circa quę verba Concilii notandum 1. Jure novo Concilii Tridentini duę tantum sunt species cognationis spiritualis orę ex Baptismo, & Confirmatione, ac dirimentis matrimonium postea contractum. Prima est, paternitas, quę inter baptizantem; aut confirmantem, & Paternos, seu susceptores, ex una parte: & inter baptizatum, vel confirmatum, ex altera parte contrahitur. Secundam compaternitas, quę est inter baptizantem, vel confirmantem, ac Paternos, seu susceptores, ex una parte: & inter patrem, ac matrem baptizati, vel confirmati ex altera parte, earumque neutra ad uxores transfunditur, etsi olim cognatio etiam contraheretur inter uxorem Patrini, seu suscipientis, & uxorem baptizantis, aut confirmantis, si conjugatus esset, & inter baptizatum, ejusq; parentes. Item inter liberos carnales Patrinorum, & baptizantis, ex una parte; & inter baptizatum ex altera parte, quę dicebatur fraternitas, ut patet ex c. 1. §. §. ult. h. t. & jam etiam est abrogata, *Sanch. l. 7. de matr. dis. 54. n. 10.*

Notandum 2. Inter ipsos Paternos, etiam Jure antiquo, non contrahabatur cognatio spiritualis, quare non prohibetur maritus, & uxor simul eandem prolem alienam à Baptismo, vel Confirmatione suscipere, c. *Quod autem. ult. caus. 30. q. 4.* Nec propterea privatur jure exigendi debitum conjugale, quia nullam inter se contrahunt cognationem, *Sanch. cir. dis. 54. n. 13.* Cum autem in *cir. c. 2.* dicitur: *Inter quos (suscipientes) ac baptizatum ipsam &c. spiritualis cognatio contrahatur,* non est sensus, quòd inter illos Paternos inter se hæc cognatio contrahatur, sed inter illos, & alias personas ibi enumeratas, nimirum baptizatum, & ipsius parentes, *Sanch. c. l. n. 10.* Item possunt etiam duo ad invicem esse Patrini, ita ut possit quis suscipere à sacro fonte prolem ejus, qui ipsius filium prius suscepit, quia hoc nullo Jure est interdictum; & tunc duplex oritur inter parentes compaternitas, ratione utriusque filii, *Sanch. c. l. n. 17.*

Porro per parentes baptizati, vel confirmati, in ordine ad contrahendam cognationem spiritualem, intelligendi sunt parentes naturales, seu carnales, sive legitimi sint, sive illegitimi, quia ante Concilium Tridentin. hanc cognationem cum parentibus contrahabant, quam ipsum Concilium nullatenus restrinxit, *Sanch. c. l. n. 16.*

§. VI.

Quę conditiones requirantur ad contrahendam cognationem spiritualem in Baptismo, & Confirmatione?

XXXIII. Ad primum quęsitum respondetur. Patrus dicitur quasi spiritualis pater, ac pædagogus hominis baptizandi, qui eum in Christiana vita instruere, & præsertim Symbolum Apostolorum, & Orationem Dominicam edocere debet c. *Vos autem. 105. dis. 4. de consecr.* quamvis hodie ab hac obligatione

tione instruendi sit liberatus, cum pueri à parentibus, & Ludimagistris instrui soleant, *Laym. l. 7. tr. 2. de Sacram. Bapt. c. 9. n. 1.*

XXXIV. Ad hoc autem munus requiritur 1. ut quis rationis usum sit assecutus, alioquin Patrinus esse nequit, quamvis, præter hoc, ætate non sit præscripta, neque necessarium est, ut ætate excedat baptizandum, *Sanch. l. 7. dif. 61. n. 3.* 2. Debet esse baptizatus, quia non baptizatus non potest aliquem suscipere de baptismo, sicut non Confirmatus non potest esse Patrinus in Confirmatione, *c. In baptismo. 102. dif. 4. de consecr. nec contrahit cognationem spiritualem, Sanch. libr. 7. dif. 60. n. 20.* 3. Ut intentionem habeat obeundi munus spiritualis Patris, seu Patrini, nempe exercendi actum illum ab Ecclesia institutum, *Sanch. l. 7. dif. 58. n. 4.*

Præterea quædam personæ sunt, quæ Patrini munus obire non possunt, ut hæretici, & Apostatæ. Item Monachis prohibitum est, ne in Sacramento Baptismi, vel Confirmationis, sive Patrini, seu susceptores, *c. Placuit. 8. caus. 16. q. 1. c. Non licet. 103. & c. seq. dif. 4. de consecr.* Nomine autem Monachorum hic intelliguntur, non solum ij, qui solitudinem incolunt, sed etiam omnes alii Religiosi, saltem Clausuales, ita ut illis prohibitum sit suscipere munus patrini in Baptismo, & Confirmatione, *Sanch. l. 6. Mor. c. 6. n. 24. Laym. cir. c. 9. n. 3.* quia in omnibus Religiosis eadem ratio prohibitionis locum habet, ne scilicet ob cognationem spiritualem contrahant, nimiam etiam familiaritatem cum secularibus, præsertim fœminis, contrahant. Excipitur Religiosus Episcopus factus, is enim licet potest fieri Patrinus, & comparari in Baptismo, quia in Episcopo non subest tale periculum nimis familiaritatis, & incontinentiæ, *Sanch. cir. c. 6. num. 24. Laym. c. 1.*

XXXV. Ad posterius quæsitum responderetur, ad contrahendam cognationem spirituales plures etiam conditiones requiruntur. Veluti 1. ut baptizans, vel suscipiens ex Baptismo sit fidelis, seu baptizatus, alioquin non erit capax contrahendæ cognationis spiritualis ab Ecclesia inducæ, *Sanch. l. 7. de matrim. dif. 60. n. 7. & 8. Laym. l. 7. tr. 10. p. 4. c. 8. n. 2.* Ratio est, tum quia non baptizatus, et si Catechumenus sit, Ecclesiæ, ejusque legibus non est subiectus: tum quia qui in Christo non est per Baptismum spiritualiter regeneratus, spirituales cognationem contrahere non potest.

Hinc infertur 1. Si infidelis baptizet filium Anæ v. g. fidelis, etiam si postea ad fidem Christianam convertatur, neque cum filia, neque cum matre cognationem contrahet spirituales, neque impellitur, quominus illam puellam, vel etiam matrem in uxorem ducere possit, *Sanch. cir. dif. 60. num. 11. Coning dif. 31. de Sacram. dub. 2. n. 25. Laym. c. 1. Ratio est, quia ex baptismo, dum conferebatur, non poterat oriri cognatio, quia baptizans tunc non erat capax ejusdem: neque postea, quia non amplius exitit. Infertur 2. Si è converso fidelis baptizet, vel suscipiat è baptismo filium hominis infidelis, nulla etiam cum ipso contrahitur cognatio, quia cum cognatio spiritualis sit quædam relatio inter duos terminos capaces hujus relationis, non potest ab altero contrahi, quin ab utroque contrahatur:*

cum igitur non baptizatus non possit esse cognatus spiritualiter, neque etiam fidelis filium ejus baptizans, vel suscipiens ei cognatus esse potest, *Sanch. c. l. n. 14. Layman cit. loc.*

XXXVI. Secundo ad cognationem spirituales contrahendam requiritur, ut Sacramentum Baptismi, vel Confirmationis valide conferatur, quando enim principale non subsistit, nec accessorium validum esse potest: susceptio autem è Baptismo, & cognatio inde subsequens sunt accessoria ipsi Sacramento, *Coning cir. dub. 2. n. 31.* Er hinc si infans jam privatim domi baptizatus sit, & postea in Templo suppleantur cæremoniz, & solemnitates prætermisæ, adhibitis etiam Patrinis, nulla prorsus ex tali reiteratione oritur cognatio, nec in rebaptizante, sive adhibente cæremonias, nec in Patrinis, saltem dirimens matrimonium subsequens, etsi forte impediens tantum, de quo infra: *Sanch. l. 7. dif. 62. n. 5. qui n. 14. ait, suscipiendæ puerum ex Baptismo privatim collato, non contrahere cognationem spirituales, eò quod munus Patrini non obeatur, nisi in Baptismo solemniter.* Sed contrarium probabilius videtur, modò suscipiens animum habeat faciendi, quod Patrini faciunt, *Tanner. cir. dub. 4. n. 67.*

XXXVII. Tertiò videtur Jura passim requirere ad cognationem hanc spirituales contrahendam, ut Patrinus teneat, vel tangat baptizatum, vel confirmatum, dum hæc Sacramenta conferuntur: aut ut immediate illum è manibus baptizantis, vel confirmantis suscipiat, idque faciat, animo obeundi munus Patrini, *Sanch. l. 7. dif. 56. n. 1. & 5. & dif. 58. n. 7.* Ex quo infertur, si quis per alium, tanquam Procuratorem, vel Legatum suum, aliquem suscipiat è Baptismo, vel Confirmatione, tum non contrahere cognationem ipsum Legatum, vel Procuratorem, cum non suo, sed alieno nomine suscipiat, aut teneat, nec inrendat proprio nomine tenere, vel suscipere baptizatum, nec esse verum Patrinum, sed hoc munus nomine ipsum constituentis exercet, de quo non est dubium, & docet etiam *Sanch. l. 7. dif. 59. n. 12.* Sed neque ipsum Principalem, seu mandantem constituentem Procuratorem suscipiendi è Baptismo contrahere cognationem spirituales, tradit *Sanch. cir. dif. 59. n. 4.* eò quod Jura passim ad cognationem hanc spirituales contrahendam exigant contactum personalem ipsius Patrini, quæ sententia saltem ob auctoritatem DD. probabilis est. Opposita tamen sententia, quam sequitur *Coning cit. dub. 2. n. 40. Tanner. cir. dub. 4. n. 70. Laym. cir. c. 8. n. 4. & 5.* est probabilior, nempe quod ipse Principalis, qui Legatum mittit, cognationem spirituales solum contrahat. Idque probatur, tum quia quod quis per alium facit, perinde est, ac si faciat per se ipsum, *Reg. Juris. 72. in 6.* Et omnis actus per Procuratorem exerceri potest, nisi expresse prohibeatur, *l. 1. §. Usus. ff. De Procurator.* & ibi notant DD. Tum quia videmus passim Magnates per Legatos hoc munus obire: atqui Ecclesia non permitteret Baptismum sine vero Patrio conferri: si autem is, qui per alium suscipit, suo nomine, ut verus patrinus, & pro tali communi fidelium persuasione habetur, sequitur, quod cognatio spiritualis à talibus Patrinis contrahatur, cum Jura id genericum asserant. Neque tescit, quod Jura, seu Canones videantur require-

quirere, ut Patrinus per se hoc munus obeat, *caus. 30. tit. 9. 1.* quia id non præcipiunt, sed describunt tantum munus susceptionis è Baptismo, quod ordinariè exerceri solet, & fortè olim non erat ita usitatum per alium hoc munus Patris obire, *Laym. tit. 1. 8. n. 5.* Idque confirmatur, quia per consuetudinem potest induci, ut contrahatur spiritualis hæc cognatio, etiam si quis non per se ipsum, sed per Procuratorem, aut nuntium teneat, seu suscipiat prolem alterius è Baptismo, ut faceret ipse *Sanch. cit. dif. 59. n. 6.* quia quod potest per legem induci, potest etiam per consuetudinem legitime præscriptam, sicut etiam possunt per eandem impedimenta dirimentia matrimonium induci. Ergo consuetudo Principum, & Magnatum exercendi munus Patris per Legatum, seu Procuratorem est valida, & consequenter etiam ab illis contrahitur cognatio spiritualis, ut notat *Tanner. c. l. n. 70.*

§. VII.

Proponuntur, & resolvuntur alia nonnulla questiones circa cognationem spirituales ortam ex Baptismo, & Confirmatione.

XXXVIII. Quæritur 1. An suscipiens prolem in necessitate, quia nullus alius adest, contrahat cognationem impediens matrimonium, vel ejus usum? Resp. si quis suscipiat infantem in privato Baptismo ex necessitate collato, ita ut ex proposito Patris munus obeat, verus Patrinus fieri censetur, adeoque spirituales cognationem contrahit; quia etsi in tali Baptismo privato, tempore necessitatis, collato, nullum extet præceptum Ecclesiæ, ut adhibeatur Patrinus, quia plerumque in tali necessitate Patrinus haberi non potest, non tamen prohibetur etiam adhiberi: & hic adhibetur in Baptismo, non tantum propter ejus solemnitatem, sed multò magis etiam propter obligationem instruendi baptizatum, *Laym. l. 5. tract. 2. c. 9. n. 5.* licet contrarium teneat *Sanch. l. 7. dif. 62. n. 15.*

XXXIX. Quæritur 2. An si Christianus in extremo necessitatis articulo baptizet aliquem, contrahat cognationem spirituales? Resp. contrahet etiam laicum cognationem spirituales dirimentem matrimonium subsequens cum baptizato, ejusque parentibus, *Sanch. l. 7. dif. 62. n. 10.* quia Jure expressum est, ex vero Baptismo oriri cognationem spirituales. Excipitur solum, si conjux baptizet prolem conjugis suæ, vel communem filium, ob urgentem necessitatem, ut Patrinus, tum enim nullum impedimentum contrahitur, prout sumitur ex *c. Ad limina. 7. caus. 30. q. 1.* Ubi ratio redditur: *Quia inculpabile judicandum, ad quod necessitas impulit, idemque dicendum, si patens prolem conjugis suæ, vel communem filium in Sacramento Baptismi, vel Confirmationis, tanquam Patrinus, suscipiat, si alius haberi nequeat, tum enim nullum etiam impedimentum contrahit, quia impedimentum non petendi debitum Jure Canonico statutum est in pœnam delicti, patens autem hoc casu, nil deliquit, et si Patrinus filii existat, quando alius haberi nequit,*

& nemo sine culpa jure suo privari debet, c. Discretionem. 6. De eo, qui cognovit, &c. Sanch. l. 9. de matr. dif. 26. n. 3. Laym. l. 5. tit. 10. p. 4. c. 8. num. 7. Sed neque patens baptizans, vel suscipiens è Baptismo proprium filium, in necessitate, vel etiam extra necessitatem, sed per probabilem ignorantiam Juris, aut facti, contrahit hoc impedimentum cognationis spiritualis cum propria uxore, quoad illum effectum, ac proinde debitum conjugale licitè non solum reddere, sed etiam petere potest, *Sanch. l. 7. dif. 62. n. 10. Tanner. cit. dub. 4. n. 7. Laym. cit. loc. n. 8. 5.* Illud verò. Cum enim id solo Jure Ecclesiastico prohibetur sit, ideo, qui hoc jus ignorat probabiliter, sicut excusatur à culpâ, ita etiam ab annexa pœna. Si verò patens, extra casum necessitatis, prolem ex propria uxore genitum baptizet, vel è sacro fonte, vel in Confirmatione suscipiat temerè, aut malitiosè, non tantum graviter peccat, sed etiam propter spirituales cognationem cum uxore contrahendam, debitum petere non potest, licet conjugii innocenti reddere teneatur, ut colligitur ex *c. Si vir. 2. h. 1. & ex communi docet Sanch. l. 9. cit. dif. 26. n. 7. Tanner. c. l. & Laym. c. l.* quamvis hoc quoad impedimentum petendi debiti, nullo Juris textu satis expresso probari possit, sed solo consensu DD. nititur. Unde aliqui putant, nullum hodie conjugalis usus impedimentum oriri, & colligi videtur ex *c. De eo. 5. caus. 30. q. 1.* quam sententiam probabiliter etiam censet *Laym. c. l.*

Porro si sponsus de futuro, etiam in necessitate, baptizet prolem suæ sponsæ, vel eam è Baptismo suscipiat scienter, (nam secus videtur, si ignoret esse prolem suæ sponsæ) contrahit impedimentum cognationis spiritualis, ita ut cum illa matrimonium, sine dispensatione, inire non possit, de quo videri potest *Laym. c. l. n. 7. 5. Si causam.*

XL. Quæritur 3. An hæreticus sit capax hujus spiritualis cognationis? Respondetur, si hæreticus baptizet, vel in Baptismo, vel in Confirmatione suscipiat prolem Catholicæ, is contrahit cognationem spirituales cum persona baptizata, vel suscepta, & ejus parentibus, quia Character Baptismi est insignitus, ac proinde est capax cognationis spiritualis, & legibus Ecclesiæ subijcitur; nam nullibi in Jure incapax efficitur gerendi munus suscipiendi è Baptismo, vel in Confirmatione, adeoque verus est Patrinus, *Sanch. l. 7. de matr. dif. 60. n. 2.* Ubi ait, hoc omnes facere. Aliud est, si infidelis, sive non baptizatus baptizet filium fidelis, vel suscipiat in Baptismo, vel Confirmatione, is enim est incapax hujus spiritualis cognationis contrahendæ, quia cum hæc cognatio sit ex Ecclesiæ statuto introducta, nequit ab infidelibus contrahi, quippe qui Ecclesiæ legibus non subduntur, *Sanch. c. l. n. 7. & alii apud ipsum.*

XLI. Sed jam ulterius quæritur hic, utrum Catholicus licitè possit prolem Catholicæ, quæ à Ministro hæretico baptizatur, rogatus è sacro fonte suscipere? Resp. improbari non potest consuetudo illa, quæ in quibusdam Germaniæ locis viget, secundum quam Catholicæ, ut Patris existunt, quando baptizantur filii hæreticorum, modò Baptismus conferatur in nomine, & forma SS. Trinitatis, ut docet *Laym. l. 5. tit. 2. c. 2. n. 6.* Ratio est, quia Patrinus

trinus Catholicus, dum suscipit baptizatum à ministro hæretico, nullo modo cooperatur ad indebitam ministratorem Baptismi, nam ut supponitur, quoad substantiam administratur ritu Catholico, etiam à Prædicante, & Catholicus Patrinus impedit, ut talis Baptismus, qui indebitè, seu non servatis accidentalibus Ecclesiæ cæremoniis, à Prædicante ministratur, minus malè, & incompletè administretur, dum expressè, vel tacitè, & ipso facto protestatur, se hunc baptizatum in vera fide, quantum sibi possibile erit, instructurum. Nec obstat, quòd communicatio in sacris cum hæreticis Catholicis sit interdicta: quia post Extravag. Concilii Constantiensis communicatio cum hæreticis, aliisque nominatim non denunciatis, non est fidelibus interdicta, nec in sacris, neque in politicis rebus, modo non fiat in exercitio hæretico, quale hic non fit, quia Patrinus Catholicus non in alia re communicat, quàm quòd puerum jam Ecclesiæ Catholicæ filium effectum per Baptismum, nomine ejus in suam curam suscipiat. Neque etiam obstat, quòd spiritualis cognatio contrahatur à Patrino Catholico cum baptizato filio hæretici, & parentibus ejus: quia illa ex Ecclesiæ statuto sequitur ex Baptismo, non quatenus malè, sed rectè, ac validè etiam à ministro hæretico confertur, *Laym. cit. loc.*

XLII. Ubi præterea etiam quaeritur, an permitti possit, ut vice versà, cùm proles Catholica à Sacerdote Catholico baptizatur, admittatur Patri-

nus hæreticus, v.g. Lutheranus. In qua re rectum est, id ordinariè, & sine gravi causa, ac necessitate, illicitum esse, quia hæreticus non est idoneus Patrinus ad instruendum baptizandum in fide Catholica: ex gravi tamen causa potest hoc permitti in locis, ubi Catholici permixti vivunt cum A Catholicis, ad vitanda alia gravia incommoda, quia aliàs vel infantes privatim ab obstrictibus baptizari deberent, vel extra Parochiam ad hæreticum ministerium deferri: vel à Sacerdote Catholico baptizari deberent, nullo adhibito Patrino, contra Universalis Ecclesiæ consuetudinem, & cum non parvo scandalo, & multorum querela, *Laym. c. l. num. 7.* Ubi addit, quòd Sacerdos baptizans palam edicere deberet, hunc infantem in fide Catholica baptizari, & instruendum fore, nec parentes id impedire deberent. Ratio autem est, quia hæreticus est absolute capax obeundi munus Patrinis ita ut ex eo cognationem spirituales contrahat, cùm sit baptizatus, ut supra dictum. Admittendus tamen est hoc casu Patrinus hæreticus, sine ulla ejus promissione. Neque verò obstat, quòd hæretici Patrinus non sint idonei ad instruendum baptizatum in fide Catholica, quia hoc officium nunc feruè non incumbit Patrinis, etiam apud Catholicos, cùm hodie pueri vix unquam à Patrinis suis, sed à Ludimagistris, vel Parochis instruantur in fide, ut notat *Laym.*

c. l. apud quem plura de hoc videri possunt.

T I T V L V S XII.

DE COGNATIONE LEGALI.

Quia cognatio legalis est effectus adoptionis, ex eaque oritur, ideo de illa quædam scitu necessaria sunt præmittenda.

§. I.

Quid, & quotuplex sit adoptio?

I.



ASSERTIO I. Adoptio est extraneæ personæ in filium, vel filiam, nepotem, vel deinceps, legitima assumptio, prout communiter definitur apud *Silvest. V. Adoptio.*
 n. 1. Per extraneam personam intelligitur ea, quæ non est in potestate adoptantis, seu ex descendentibus illius, sive alioquin sit ejus consanguinea, sive non. Sub masculino autem continetur fœmininum, sub filio filia, sub nepote neptis. Dicitur legitima assumptio, sive electio, quia legibus Civilibus statuta, & Canonicis approbata fuit, adeoque in ea forma à Jure præscripta servanda est, videlicet ut adoptans sit sui juris, & masculus, nam fœmina adoptare non potest, §. *Famine. x. Instit. de adoption.* Item ut sit major XXV. annis ad generandos filios naturaliter non impotens, & ut major sit XVIII. annis adoptato, adeoque ut possit esse ejus pater naturalis, etiam ratione ætatis, quia hæc adoptio liberorum, ad similitudinem carnalis generationis, est introducta. Denique requiritur, ut adoptatus sit præsens

adoptanti, cùm adoptatur, & in adoptionem consentiat, quæ omnia habentur *tor. tit. ff. C. De adoption. & Instit. eod. & tradit Sanch. l. 7. de manum. disp. 63. n. 3.* Aliter definitur adoptio apud *Silvest. c. l.* Est actus legitimus, per quem pro filio, vel nepote habetur, qui non est penè naturam imitans.

II. ASSERTIO 2. Duplex est adoptio, una perfecta, quæ arrogatio dicitur, per quam adoptatus sui juris existens, Principis Rescripto, transit in potestatem adoptantis, sique hæres necessarius illius ex testamento in quarta honorum parte, ut filius naturalis. Altera est adoptio imperfecta, seu simplex, ac specialis, per quam adoptatus non transit in adoptantis potestatem, adeoque nec egreditur naturalis patris sui, aut avi potestatem, nec fit adoptantis hæres necessarius ex testamento, sed tantum ei succedere potest ab intestato. Si verò pater naturalis non extraneo, sed avo filii sui materno, vel etiam avo paterno, si ipse pater naturalis fuerit emancipatus, filium suum dederit in adoptionem, tum adoptatus transit in potestatem patris adoptivi, quia hoc casu in unam personam convenerunt naturalia cognationis, & Civilia adoptionis jura, §. *Sed hodie Instit. de adopt.* Potest autem hæc adoptio imperfecta fieri etiam per Magistratum Principe imperfecto-

rem.

rem, non item arrogatio, §. 1. *Instit. eod. Sanch. c. 1. num. 2.*

§. II.

Quid sit cognatio legalis, & quot eius species, & ex qua adoptione oriatur impedimentum hoc dirimens matrimonium subsequens?

III. ASSERTIO I. Cognatio legalis est propinquitatis personarum Jure Ecclesiastico, approbante Jus Civile, ex adoptione proveniens, in quo distinguitur à cognatione naturali, quæ oritur ex consanguinitate, vel affinitate naturali, *Sanch. cit. dif. 63. n. 5.* Est autem triplex cognationis legalis species: prima in linea recta, inter adoptantem, & adoptatum, & descendentes adoptati, si in ejus potestate existant. Secunda est lateralis, sive in linea transversa, inter adoptatum, & filios, ac nepotes, aliòque descendentes adoptantis, saltem legitimos. Tertia est, per modum affinitatis cujusdam inter adoptantem, & uxorem adoptati, & è converso inter adoptatum, & uxorem adoptantis, *Silvest. V. Matrimonium. 8. q. 8. dicto 2. Sanch. cit. dif. 63. n. 6. Laym. l. 5. tract. 10. p. 41. c. 7. n. 3.*

IV. ASSERTIO 2. Sicut certum est, cognationem legalem dirimentem matrimonium oriri ex adoptione perfecta, quæ est arrogatio: ita valde probabile est, non oriri ex imperfecta, sive simplici adoptione. Priorem partem omnes admittunt, & sumitur ex l. *Adoptivus. 14. in princ. & l. seq. ff. de ritu nupt. & c. 1. c. Per adoptionem. 6. caus. 30. q. 3. & c. un. h. t.* Posterior partem tenet *Silvest. V. Matrimonium. 8. q. 8. dicto 4. Sanch. cit. dif. 63. n. 9. Tanner. cit. dif. 8. q. 4. dub. 4. n. 74. Laym. cit. c. 7. n. 3. §. Dubium verò.* Ratio est, tum quia simplex, sive imperfecta adoptio non est simpliciter, & omnino propriè dicta adoptio (nisi adoptans sit avus paternus, vel maternus, tunc enim transit adoptatus in avi potestatem, & censetur perfecta adoptio, ut supra dictum) ergo cum impedimenta matrimonii, velut odiosa, restringi debeant, leges statucentes hoc impedimentum non sunt extendendæ ad imperfectam adoptionem. Tum quia impedimentum cognationis legalis tale est, ut dirimat matrimonium inter adoptatum, & liberos legitimos adoptantis, quod non convenit adoptioni imperfectæ, per quam adoptivus non transit in potestatem adoptantis. Tum denique quia impedimentum hujus cognationis inducitur est ad vitandam fornicationem, quæ facili fieri potest inter personas in eadem domo commorantes, quæ ratio cessat in simplici adoptione, cum per eam adoptatus non traducatur in domum, & potestatem adoptantis. Porro non obstat, quòd Jus Canonicum non distinguit inter arrogatam, & simpliciter adoptatum, (sed indistinctè loquitur: nam satis est, quòd ratio Juris distinguat, quæ est cohabitatio,

Silvest. c. l.



§. III.

An omnes tres species cognationis legalis impediunt, ac dirimant matrimonium, & inter quas personas?

V. ASSERTIO I. Prima species est quasi ascendens, & descendens inter patrem adoptantem, & filium, vel filiam, nepotem, vel neptem adoptati. Nam adoptato patre, adoptantur etiam filii, & nepotes, qui sunt in potestate adoptati: hæc, inquam, species indistinctè, & in perpetuum impedit, ac dirimit matrimonium, etiam solutà adoptione per mortem adoptantis, vel emancipationem adoptati, quia adoptans non potest contrahere matrimonium cum adoptati filia, aut nepte, §. *Ergo non omnes Instit. de nupt. c. Ita diligere. 1. caus. 30. q. 3. Silvest. V. Matrimonium. 8. q. 8. dicto 2. Sanch. l. 7. de matrim. dif. 63. n. 12.* Et est communis sententia.

VI. Secunda species lineæ transversæ inter naturales, & adoptivos filios adoptantis, & adoptatum, dirimit matrimonium, non in perpetuum, sed solum quamdiu durat adoptio, quia sunt veluti fratres, & sorores inter se, prout sumitur ex c. *Signa. unic. h. t.* Ubi dicitur: Siquæ per adoptionem alii cui soror esse cæpit, non possunt inter illum, & ipsam hupitæ consistere, quamdiu durat adoptio. Ex quo colligitur, quòd per adoptionem legitime factam, oritur propinquitatis, seu cognatio legalis, non solum inter adoptantem, & illum, qui est adoptatus in filium, sed etiam inter adoptatum, & filium, vel filiam naturalem adoptantis, quæ tamen cognatio finitur, cessante adoptione, v. g. per emancipationem. Unde si pater filiam suam adoptivam emancipat, poterit illam filio suo naturali, & legitimo tradere in uxorem, *Alex. de Nervo hic n. 2.* Hinc colligitur, quòd inter adoptatum, & liberos naturales, ac legitimos adoptantis, in linea transversa, non potest matrimonium consistere, quamdiu adoptatus manet in potestate adoptantis, ut constat ex l. *Per adoptionem. 17. ff. de ritu nupt. §. Inter eas Instit. de nupt. & c. unic. h. t.*

VII. Tertia species legalis affinitatis inter adoptatum, & uxorem adoptantis, ex una parte, & inter adoptantem, & uxorem adoptati ex altera, dirimit perpetuò matrimonium, etiam solutà adoptione per mortem adoptantis, vel emancipationem adoptati, ut constat ex l. *Adoptivus. 14. in princ. & l. Quin etiam, §. ff. de ritu nupt. Laym. cit. c. 7. num. 3.* Quamvis autem de illa tertia specie in Jure Canonico expressa mentio non fiat: quia tamen Rubrica hujus Tituli est generalis, nimirum de cognatione legali, & eadem etiam est ratio de hac specie, censendum est, eam quoque approbatam esse, sicut priores. Accedit, quòd omnes tres illæ species cognationis legalis generali consuetudine Ecclesiasticâ sint receptæ, & approbatæ, adeque inde hoc impedimentum vim habet, *Sanch. cit. dif. 63. n. 17.* & alij apud ipsum.

VIII. Porro ratio, cur in prima, & tertia specie cognationis legalis prohibetur, ac dirimitur matrimonium

monium subsequens in perpetuum: in secunda verò solum ad tempus, quamdiu durat adoptio, vel arrogatio: ratio, inquam, diversitatis est: quia in prima, ac tertia specie prohibitum est matrimonium, propter reverentiam, quam debet adoptatus, cum sua uxore, exhibere adoptanti, & uxori ejus: & cum hæc perpetuo duret, etiam perpetua esse debet prohibitio matrimonij in utraque illa: In secunda verò specie reverentia est debita, ob interpretativam filiationem provenientem ex adoptione, & ideo hac durante, durat prohibitio matrimonij, eâ cessante, cessat, *Sanch. cit. dif. 63. n. 24.* apud quem plura de hac re videri possunt.

IX. Ex dictis infertur 1. Inter adoptantem, & patentes filij adoptivi potest consistere matrimonium, quia nulla inter eos contrahitur cognatio, cum id nullo jure cautum reperiatur, *Sanch. c. l. n. 26.*

Infertur 2. potest filius adoptivus ducere in uxorem filiam legitimam carnalem adoptantis, post hujus obitum, quia tunc jam cessavit adoptio, & patria potestas. Sed etsi pater adoptans adhuc superstes sit, licetè initur matrimonium inter eos, si vel ipse filius adoptivus, vel filia legitima carnalis adoptantis jam sint emancipati, vel alio modo cesset adoptio, & patria potestas, quia cognatio legalis in linea transversa inter hos jam est soluta, *Sanch. c. l. n. 27.*

Infertur 3. Ipsi fratres adoptivi, id est, adoptati ab eodem parente, possunt inter se matrimonium contrahere, quia nulla inter eos jure statuta est cognatio legalis: nam in *c. Unie. h. r.* agitur de vera filia patris adoptantis, quæ per adoptionem incipit esse soror adoptiva filij adoptivi tui legitimi patris, neque hæc impedimenta ob solam rationis similitudinem inducenda sunt, *Sanch. c. l. n. 27.* Multò magis filius, & filia duorum fratrum adoptivorum inter se possunt matrimonium inter se, cum nullo cognationis vinculo sint conjuncti, *Sanch. c. l. n. 29.*

Infertur 4. filius illegitimus carnalis adoptantis potest in uxorem ducere filiam adoptivam ejusdem adoptantis: & vicissim filia illegitima carnalis adoptantis potest nubere filio ejusdem adoptivo, quia illegitimi non censentur esse in potestate patris sui, §. *Si adversus Instir. de nupr.* idèoque non contrahitur cum illis cognatio legalis, *Navarr. in man. c. 22. n. 45. Sanch. cit. dif. 63. n. 30. Loym. cit. c. 3. n. 7.*

Porro quousque, & ad quod gradus extendatur impedimentum cognationis legalis inter adoptantem, & adoptatum, ac hujus descendentes, utrum in infinitum, an solum usque ad quartum gradum, non conveniunt DD. & nihil certi ex Jure haberi potest, De quo fusè agit *Sanch. cit. dif. 63. n. 31. & seqq.*

T I T V L V S XIII.

DE EO, QUI COGNOVIT CONSANGUINEAM UXORIS SUÆ (VEL SPONSÆ)

Postquam dictum est de cognatione spiritali, & legali, nunc agendum est de cognatione carnali; sed quia ex copula habita cum consanguinea uxoris, vel etiam sponsæ, oritur cognatio affinitatis, de qua dubitari potest, utrum impediatur, vel dirimat matrimonium, vel sponsalia; ideo subjicitur hic Titulus, in quo agitur de impedimento affinitatis contracto per copulam etiam illicitam cum consanguinea uxoris, vel sponsæ: sed in Titulo sequente de impedimento contracto per copulam licitam, & conjugalem.

§. I.

An incestus, sive copula carnalis habita cum consanguinea uxoris sua impediatur, vel dirimat matrimonium?

I.

Respondetur, impedire quidem matrimonium contrahendum, sed non dirimere contractum, ut constat ex *c. Si quis 1. h. r.* quod est desumptum ex Concilio apud Meriam, ubi sic statuitur: Si quis cum filiastra sua scienter (scilicet signoranter, *c. In incestum. 6. caus. 34. q. 2.*) fornicatus fuerit, nec à matre filiastræ, sive uxore suâ debitum petere

(quamvis reddere teneatur, *Gl. hic V. Exactus*) nec filiam unquam habere potest in uxorem: nec filiastra, nec ille (qui fornicatus fuit) ullo unquam tempore, poterunt (post mortem uxoris) cum alia matrimonium contrahere, scilicet propter incestum commissum.

Porro per filiastram intelligitur privigna, hoc est, filia uxoris ex alio viro suscepta, quæ appellatur privigna respectu parentis vitrici, Hostiens. *hic V. Filiastra, & Canis. n. 2.*

II. Notandum 1. Incestus commissus à marito cum consanguinea suæ uxoris, intra gradus jure prohibitos, impedit matrimonium, ne aliud contrahatur, sed non dirimit contractum post mortem uxoris, ut patet ex hoc cap. in quo dicitur potius intelligitur viro committere incestum cum consanguinea suæ uxoris; una, quia privatur facultate petendi debitum à propria

Propria uxore, in pœnam sui delicti, & ob affinitatem contractam cum illa: quamvis ipsa uxor possit debitum exigere, quia non debet privari jure suo, sine culpa sua, idèque ipse vir tenetur debitum reddere petenti, non obstante affinitate iniquè ex post facto contractâ, *Gl. hic V. Petere*. Neque verò refert, siue incestus occultè sit commissus, siue publicè innouerit, quia utroque casu affinitas contrahitur cum conjugè, ob quam solam incestuosus prohibetur à petitione debiti, *Leym. l. 5. tr. 10. p. 4. c. 5. n. 3. §. Nihil refert*.

Altera pœna est, quia vir privatur etiam facultate contrahendi matrimonium, mortuâ uxore suâ, non solum cum filia sua, sed etiam cum quavis alia muliere in perpetuum, idèque punitur in ipso matrimonio, contra quod deliquit, committendo incestum. Si tamen vir contra prohibitionem hujus Canonis, aliud matrimonium, post mortem uxoris suæ, ineat cum alia, illud erit validum, quia hic solum interdicitur tali incestuoso aliud matrimonium, sed non contra prohibitionem initum irritatur, & idcirco impedimentum hoc numeratur solum inter impedientia, quia nullus textus Juris reperitur, qui illud diceret esse dirimens, *Sanch. l. 7. de matrim. dif. 15. num. 1*.

Notandum 2. Similiter si è converso uxor incestum committat cum consanguineis viri, nec debitum petere potest à viro, nec illo mortuo, contrahere aliud matrimonium, quia etsi omnes textus hujus Tituli, ubi hoc impedimentum statuitur, loquantur de solo viro cognoscente consanguineam uxoris suæ, non autem de uxore committente incestum cum consanguineis viri, dicendum tamen est, etiam ab uxore incestuosa contrahi hoc impedimentum, quia vir, & uxor sunt correlativa, & militat eadem propositio ratio in utroque conjugè, nempe gravis injuria matrimonio illata propter affinitatem contractam, & ideo eadem etiam dispositio Juris locum habere debet, profertim quia crimen incestus æquè frequens est in utroque conjugè, *Sanch. c. l. n. 2. Confirmatur, quia in cap. Si quis viduam. 20. caus. 32. q. 7. & c. Si quis cum matre. 9. caus. 34. q. 2.* dum statuitur hoc impedimentum, expressè etiam est sermò de fœmina, quæ incestum commisit cum consanguineis viri, *Sanch. c. l. num. 2*.

III. Notandum 3. Non tantum ipsi Conjuges, qui incestum commiserunt, prohibentur, post mortem alterius conjugis, inire aliud matrimonium: sed etiam illi consanguinei coniugis, cum quibus alter conjux incestum commisit, ut constat ex illis verbis hujus cap. *Nec ille, nec filiastra, ullo unquam tempore, se poterunt matrimonio copulare*. Ratio est, quia & illi gravem injuriam irrogant matrimonio, non solum ratione adulterij, quod committunt, sed etiam ratione contractæ affinitatis inter conjuges, ob quam impeditur usus matrimonij, *Sanch. c. l. n. 3*.

Notandum 4. Ut incestus cum consanguinea conjugis impediatur matrimonium cum alijs, requiritur, ut scienter sit commissus, ut patet ex hoc c. ibi: *scienter*. Nam cum ignorantia (probabilis) excuset à culpa, excusabit etiam ab illius pœna. Unde si quis per ignorantiam habeat copulam cum sorore alterius conjugis, vel aliâ consanguineâ, quam putabat esse suam uxorem, non incurrit hoc impedimentum,

Sanch. c. l. n. 9. & sic licet ignorantia excuset ab incestu, affinitas tamen ex illo consurgit, *Alex. de Navo hic n. 2*.

IV. Prædictis addendum 1. Nihil referre, siue vivo, siue mortuo conjugè, incestus cum consanguinea alterius conjugis fuerit admissus; utroque enim casu, hoc impedimentum incurritur, ut aliud matrimonium incestuosus contrahere non possit, etiam quando defunctâ uxore, incestus est commissus, prout expressè deciditur in c. *Transmisit* 4. h. t. Nam cum quidam uxore suâ defunctâ, filiam ejus, & privignam suam carnaliter cognovisset, postea aliam accepit in uxorem, & nihilominus cum privignâ publicè deliquit. Consultus super hoc Cælestinus III. responder, ipsum legitimæ uxori cohabitare, & eique necessaria ad vitam sustentandam subministrare; non tamen eam cognoscere debere, quamdiu vixerit, nisi ab eâ fuerit requisitus. Et tunc propter incestum, & adulterium, donec cum eâ permanferit, pœnitentiam agat, juxta arbitrium Episcopi imponendam: & si uxori suæ supervixerit, perpetuò sine spe coniugij permaneat.

V. Ubi notandum 1. Incestus cum consanguineâ conjugis mortuæ inducit hoc impedimentum, ita ut matrimonium cum alia contrahere non debeat, sed si contrahat, tenet; non tamen debitum exigere potest ab uxore, quam duxit post mortem primæ, etsi possit petenti illud reddere, *Sanch. cit. dif. 15. n. 12. Covarr. in 4. Decret. p. 2. c. 7. §. 2. n. 5.* & jam dictum. Addunt aliqui apud *Sanch. cit. dif. 15. n. 13.* hoc impedimentum non contrahi, si crimen incestus sit occultum, qui tamen id refellit, quia nullo jure probari videtur, & quia, cum incestus, suapte naturâ, semper occultè committatur, raro foret locus huic impedimento.

Notandum 2. Licet maritus privetur facultate exigendi debitum ab uxore, non ramen ideo liberatur ab onere ministrandi ejus necessaria; propterea enim lucratur sanctus dotis, *Abb. hic n. 2. & Alex. de Navo hic n. 2*.

Notandum 3. Dux quandoque delicti species oriuntur ex eodem facto, quæ ambæ puniri possunt, ut in casu hujus c. Is qui, post contractum matrimonium, copulam habuit cum privigna, commisit incestum, quia cognovit affinem, & adulterium quoque, quia fuit conjugatus, & de utroque potest accusari, & puniri, *Abb. hic n. 4. & Alex. de Navo num. eod.*

VI. Addendum. 2. Si fœmina à consanguineo mariti per vim sit carnaliter cognita, non incurrit impedimentum non contrahendi matrimonium cum alio, nec pœnas illius, quia cum sit experta omnis culpæ, erit etiam experta omnis pœnæ, c. *Discretionem*. 6. h. t. at verò consanguineus mariti, qui illam violenter cognovit, incurrit impedimentum, ad contrahendum matrimonium, cum sit reus veri incestus, & affinitatis contractæ inter maritum, & uxorem, *Sanch. lib. 7. de matrim. dif. 15. n. 10*.

VII. Addendum 3. Incestus cum proprijs consanguineis non impedit, seu dirimit matrimonium contrahendum, juxta probabiliorē sententiam, quam tenet *Covarr. in 4. Decret. p. 2. c. 6. in princ. n. 4. Sanch. cit. dif. 15. n. 16.* & alij apud ipsum cum *S. Thom.* quia cum hoc sit pœna, restringi debet, & non extendi. At verò textus statuens hoc impedi-

mentum non loquuntur expressè de incestu cum consanguineis propriis, sed de incestu cum conjugis consanguineis, ergo ab his ad illos non debet extendi. Nec obstat, quòd incestus cum propriis consanguineis sit gravior, & peior: nam non ita offendit matrimonium, quia ex illo non oritur affinitas, nec impeditur matrimonii usus inter conjuges; & quamvis hic incestus sit peior, non tamè product hoc impedimentum matrimonii: quia non tam est impedimentum ratione culpæ, quàm ratione affinitatis ex ipso ortæ, quæ ex solo incestu cum consanguineis contrahitur. Et licet majus peccatum sit cognoscere consanguineam propriam, quàm cognoscere consanguineam uxoris: non tamen tantam injuriam infert maritus uxori per incestum cum propriis consanguineis, quàm per incestum cum consanguineis conjugis, per quem contrahit affinitatem cum uxore, & privatur jure petendi debitum, non autem per incestum cum propriis consanguineis. Turrecremata in Decreto p. 2. caus. 32. q. 7. §. Quadam. 29. n. 2. in solut. ad 2. & 3. objectionem.

§. II.

Utrum affinitas superveniens matrimonio contracto inter coniuges, etiam per copulam illicitam, dissolvat priora sponsalia de futuro, vel etiam sponsalia de presenti, si ve matrimonium nondum consummatum?

VIII. Ad primum quæsitum respondetur. Et si per affinitatem supervenientem non dissolvatur matrimonium: dissolvuntur tamen, ipso jure, priora sponsalia de futuro, etiam per copulam illicitam, prout sumitur ex c. Veniens. 2. h. t. Nam cum quidam, ut refert Gl. in casu, contraxisset sponsalia de futuro cum aliqua, cujus pater matrem sponsæ accepit in uxorem, & postea eandem carnaliter cognovit: sed filius sponsus cum suâ sponsâ matrimonium consummare nolit, Consultus super hoc Papa Alexander III. respondit, si sponsus hic matrem suâ sponsæ (de futuro) carnaliter cognovit, non autem ipsam sponsam (postquam cognovit matrem) tunc imponendam ei esse maiorem penitentiam, quàm pro adulterio: quâ peractâ, vel ejus parte, posse illum ex dispensatione cum alia matrimonio contrahere. Si vero sponsam cognovit, antequam matrem, vel postea: nunquam eam (scilicet matrem) vel aliam (post mortem ipsius) potest accipere in uxorem.

IX. Pro declaratione hujus cap. notandum 1. affinitas superveniens etiam ex concubitu fornicario, majorem vim habet, quàm sponsalia de futuro; nam hæc propter affinitatem dissolvuntur. Ratio est, quia sponsalia de futuro nihil aliud sunt, quàm futurarum nuptiarum promissio, c. Nostres. 3. caus. 30. q. 5. & l. 1. ff. De sponsal. sed affinitas superveniens impedit, ne possit adimpleri illa promissio, cum inter affines non possit consistere matri-

monium, c. Non debet. 8. iii. seq. Abb. hic num. 1. & Alex. de Novo n. 2.

Notandum 2. Cognoscens consanguineam sponsæ sit inhabilis ad contrahendum matrimonium etiam cum aliâ, juxta c. 1. h. t. potest tamen cum eo facillè dispensari quoad hanc inhabilitatem; nam cum in hoc c. Papa sibi non reservet dispensationem, videtur tacite concedere Episcopo potestatem dispensandi, juxta doctrinam Innocentii in c. Dilectus, 18. n. 2. de temp. ordin. Abb. hic n. 3. & Alex. de Navonum. 3.

Notandum 3. Gravius peccat, qui carnaliter cognoscit consanguineam uxoris, quàm consanguineam sponsæ, quia in primo casu non conceditur dispensatio, vel saltem non nisi difficulter: in secundo verò casu ea datur, Gl. hic v. Ex dispensatione. Ratio diversitatis est, quia cognoscens consanguineam uxoris propriæ committit crimen incestus; nam ex copula habitâ cum propriâ uxore, contracta fuit affinitas inter illam, & consanguineos uxoris: sed ex sponsalibus de futuro cum sponsâ non cognita, non est orta affinitas cum consanguineis sponsæ, sed solum quædam publica honestas, & quasi incestus, quia violavit publicæ honestatis justitiam ortam inter se, & matrem sponsæ: & ideo hic imponitur penitentia paulò major, quàm pro adulterio, quia crimen incestus est gravior, quàm adulterium. Si vero in casu hujus cap. sponsus commisisset verum crimen incestus, quia cognovit consanguineam uxoris: tunc multò major ei penitentia imponenda foret, quàm pro adulterio; quia adulterium non facit inhabilem ad matrimonium contrahendum, c. Ex litterarum. 4. De eo, qui duxit &c. sicut facit verum crimen incestus, Abbas hic n. 5.

X. Notandum 4. hoc cap. intelligi debet de sponsa per verba de futuro; si enim loqueretur de sponsa per verba de presenti, sponsus non posset cum aliâ contrahere matrimonium, nisi ex dispensatione Episcopi. Sed quia solum erat sponsa de futuro, & sponsalia jam fuerant dissoluta, ob affinitatem contractam cum sponsa, quæ orta fuit ex copula habitâ à sponso cum matre sponsæ; ideo datur facultas cum aliâ contrahendi matrimonium, ex dispensatione tamen Episcopi, & ita intelligunt hunc textum Abbas Panormit. & alii apud Sanchez. l. 7. de matr. disp. 18. n. 5. Inductum est autem hoc impedimentum, ob violatam publicam honestatem ortam ex sponsalibus, postquam sponsus cognovit consanguineam sponsæ.

Utrum autem hoc impedimentum sit perpetuum, an verò solum temporale, dubitatur? Verius est, esse temporale, neipe dum vivit complex peccati, cum quo incestus ille fuit commissus, contra publicam honestatem, ut colligitur ex c. Duo pueri. 12. siq. de despons. impub. ibi: Neutri vivente altero, dabitur licentia contrahendi: quia nec complex, vivente sponso, nec sponsus, vivente complice, poterunt quodcunque matrimonium contrahere: altero verò mortuo, cessat impedimentum, ac liberè poterit superstes aliud matrimonium inire, quia in cit. c. solum negatur, matrimonium posse contrahi, altero superstite. Ratio autem, cur interdictum aliud matrimonium, dum alter adhuc vivit, est, ne delictum maneat impunitum, & quia non est tantum deli-

delictum, nec propriè incestus, quia ex sponsalibus non est orta affinitas inter sponsum, & consanguineos sponsæ, & è converso, sicut est copula carnalis, habita cum consanguineâ, vel affine, quod est verè crimen incestus, ideo & mitius puniuntur, quàm illud, & inducitur solum impedimentum temporale, non perpetuum, *Alex. de Novo in cit. c. Duo pueri, n. 9. de spons. impub. Sanch. cit. dif. 15. num. 5. circa finem.*

XI. Notandum 5. Quomodo intelligenda sint verba ultima cit. c. 2. h. r. Si sponsam cognovit, antequam matrem, vel post, nunquam eam, vel aliam potest accipere in uxorem: Nam cum per concubitu sponsum cum sponsâ transeat sponsalia in matrimonium, si ante matrem, eam cognovit, c. Is qui. 36. de sponsal. & matrimonium teneat, quia per affinitatem supervenientem non dissolvitur, c. l. h. r. quomodo ergo sponsum non potest sponsam accipere in uxorem, id est, retinere, cum matrimonio, saltem præsumptum, cum eâ contraxerit, illudque consummaverit, & subsistat? Sed respondetur, sensum esse, ut si quis filiam, cum quâ sponsalia de futuro iniit, cognovit prius, quàm matrem illius, non possit in uxorem accipere matrem, propter affinitatem cum ipsa contractam ex concubitu cum filia: neque etiam possit in uxore accipere eandem filiam, quod attinet ad exactionem debiti conjugal, quia illâ privatus est sponsum cognoscendo matrem; adeoque illud petere non potest, sed reddere debet: interim matrimonium inter ipsos prius contractum consistit, & tenetur uxorem ductam retinere. Si verò cognovit sponsam, postquam cognovit matrem; tunc nec sponsam, nec aliam potest ducere in uxorem: non sponsam, propter affinitatem contractam cum illâ ex concubitu cum matre: nec aliam, propter incestum cum filia commissum, de cuius hæc est pœna, ut incestuosus non possit etiam cum aliâ imposterum contrahere matrimonium, *Abb. hic num. 6. Canis. ibid.*

XII. Ad posteriorem quæstionem respondetur. Affinitas superveniens etiam per copulam illicitam non dissolvit sponsalia iniata per verba de præsent, sive matrimonium prius contractum, etsi nondum consummatum, prout sumitur ex c. Discretionem. 6. h. r. Ubi talis casus proponitur: Quidam cum aliâ quâ muliere legitime matrimonium per verba de præsent contraxit, eamque postmodum à se in cognitam, ac renitentem cuidam consanguineo suo in uxorem tradidit, & ille eam accepit, licet in vitam: sed mulier, quàmprimùm libertati redacta fuit, postulavit, se priori viro restitui. Quæsitum igitur fuit, an deberet ei restitui? Consultus Pontifex Innocentius III. respondit, viro, ob tam turpe facinus, gravem pœnitentiam esse injungendam: mulierem verò propter publicam honestatem, monendam esse, ut nec priorem virum repetat, à cuius consanguineo, licet invitata, cognita fuerat: nec ad secundum redeat, cui non potest propter adulterium commissum, committere: sed continenter vivat, donec primus vir fuerit mortuus. Quod si ad id induci non poterit, vir prior cogatur ad ipsam redire, & maritali affectione eam tractare, cum adulterium non possit ei obijcere, quam adulterandam tradidit, præfer-

tim invitam. Nam etsi secundum Evangelium, „propter fornicationem vir possit dimittere uxorem, & hæc virum; non tamen semper propter eandem causam vir potest dimittere uxorem, vel hæc illum: cum possit per exceptionem repelli, vel replicationem (ut in proposito casu, quod ipse vir tradidit eam invitam alteri, vel quia ipse vir similiter fornicatus fuit.) Sed nec affinitas, quæ post matrimonium legitime contractum, inter virum, & uxorem; iniquè contrahitur, ei debet obesse, quæ iniquitatis particeps non extitit, cum iure suo non debeat sine sua culpa privari. Etsi verò quidam ex Pontificibus antecessoribus distinxerint, utrum incestus, vel adulterium fuerit manifestum, an occultum: alii tamen asseruerunt, inter gradum proximum, & remotum potius esse distinguendum.

XIII. Notandum 1. Si scæmina à consanguineo mariti sit violenter cognita, nullius est rea culpa, nullamque pœnam incurrit, prout constat ex hoc cap. At verò mariti consanguineus, qui violentè cognovit ejus uxorem, incurrit impedimentum contrahendi matrimonium cum aliâ, quia est reus veri incestus, *Sanch. libr. 7. dif. 15. n. 10. & dictum supra.*

Notandum 2. Potest alter conjugum, etiam ante consummatum matrimonium, petere restitutionem alterius, si fuit in quasi possessione illius, ut patet ex hoc cap. Ubi mulier petiit restitui priori viro, tum quia per verba de præsent matrimonium legitime contraxerat, *Abb. hic n. 2. & Alex. de Novo num. 3.*

Notandum 3. Maritus non potest uxori obijcere adulterium, & petere ab eâ separationem, si ipse auctor fuit adulterii uxoris, quia ab eo invita, & renitens fuit prostituta, ut in casu hujus cap. Sed etsi uxor etiam nolens committat adulterium, consentiente tamen marito; non potest ob id à viro dimitti, ut colligitur ex hoc cap. ibi: præsertim invitam. Ubi dictio præsertim non debet accipi pro tantum, ut vult *Gl. ibid.* quia est impropria significatio, sed in propria significatione, pro maxime. Quare dictio præsertim hic denotat idem esse in casu contrario, ita ut sensus sit, quod mulier in casu hujus cap. excusetur ab adulterio commissio cum viro, cui tradita est, scilicet quoad maritum, præsertim si fuit invitata; quia idem est, si non fuisset invitata, sed volens. Ratio est: tum quia, cum uxor ex beneplacito viri adulteratur; tunc etiam ipse est reus adulterii: tum quia injuria illata viro ob adulterium est causa, ac fundamentum divortii, quæ cessat, ipso consentiente in adulterium uxoris: nam scienti, & consentienti non fit injuria, *Reg. Jur. 27. in 6.* Unde quando maritus tradit uxorem suam consanguineo suo, etsi solum desponsatur ipsi per verba de præsent, nondum consummato matrimonio, sit particeps adulterii, sive ipsa sit nolens, & renitens, sive volens, & sic non potest eam repellere exceptione adulterii: sed mulier excusatur ab adulterio quoad maritum, sed non quoad Deum, si consentit, *Abb. in cit. c. 6. h. t. n. 9. & Alex. de Novo n. 9. Sanch. libr. 10. de matrim. dif. 5. n. 4. & alii apud ipsum.*

XIV. Notandum 4. Affinitas superveniens non dissolvit sponsalia de præsent, sive matrimonium ratum,

rarum, & non consummatum, quia & hoc est indissolubile quoad vinculum ordinariæ, id eo quod si quis cognoscat uxorem alterius per verba de præfenti desponsatam, etiam virginem, & à viro suo non cognitam, adulterium committit, *Hofstiens. hic V. Cùm adulterium*. Veruntamen impedit talis affinitas, ex parte conjugis, qui commisit incestum, ex actionem debiti: non autem ex parte alterius conjugis, qui non fuit participis iniquitatis illius, quia affinitas iniquè contracta per copulam, scilicet illicitam, seu fornicariam, non officit ei conjugii, qui particeps iniquitatis illius non fuit, cùm is suo jure privari non debeat, sine suâ culpâ, ut habetur in hoc c. ubi etiam dicitur licet honestum sit, ac decens, ut etiam mulier illa, quæ iniquitatis non fuit particeps, quia invitata, & reinitens fuit tradita consanguineo sui primi mariti, non petat ab illo debitum conjugale, id quod propter publicam honestatem, id est, propter affinitatem inter ipsum, & primum virum per copulam carnalem consanguinei sui contractam, *Hofstiens. hic V. eod. ideòque ad hoc sit monenda, non tamen est cogenda, ut hic deciditur*. Ex quo patet, quòd etiam per illicitum, seu fornicarium concubitum inducitur affinitas, quantum ad impedimentum matrimoniale Canonice inducendum. *Gl. hic V. Nec affinitas, Hofstiens. hic V. Iniquè contrahitur*.

§. III.

An impedimentum affinitatis dirimens matrimonium contractum probetur per assertionem unius, vel confessionem utriusque conjugis?

XV. De hoc agitur in primis in *De illo 3. h. 1.* Ubi habetur, quòd quidam assererebat, se cognovisse uxorem fratris sui, antequam ejus matrimonio jungeretur. Ad hoc respondit Pontifex Alex. III. non debere permitti, ut hac occasione matrimonium illud impetatur: nisi hoc publicum, & notorium fuerit, aut idoneis testibus comprobatur. Ratio est, quia simplici assertioni unius non est credendum: sed probatione opus est, *Gl. hic in casu*.

Ubi notandum 1. Si unus solùm impedimentum dirimens subesse asserat, matrimonium separari non debet. At verò ad impediendum matrimonium contrahendum plene probat unus testis, eique creditur alleganti impedimentum dirimens, *Gl. fin. hic. & DD. communiter*; quia tunc de vitando peccato agitur, ne impediti, & inhabiles contra Ecclesiæ prohibitionem contrahendo peccent, *Sanch. libr. 1. de sponsal. disp. 71. n. 1.*

Notandum 2. Fornicatio potest dici notoria, sine aliâ probatione, ut si Clericus publice teneat in domo concubinam, vel feminam suspectam, *Hofstiens. hic V. Notorium, & Abb. n. 3. & Alexand. de Novo n. 4.*

XVI. Similiter in *a. Super eo. 5. h. 1.* Cùm quæsitum fuisset ex Papa Celestino III. utrum conjugatus, qui ante matrimonium contractum, uxoris suæ consanguineam carnaliter cognoverat, utro-

que, tam ipso viro, quam uxore id fatente, idem, quæ parte aliqua vicinæ clamante, sit ab uxore iudicio Ecclesiæ separandus? Rescribit Papa, quòd propter eorum confessionem tantum, vel rumorem vicinæ, non sunt separandi, cùm aliquando nonnulli inter se contra matrimonium colludant, & ad confessionem incestus facillè proflitent, si per eorum confessionem crederent se separandos. Rumor autem vicinæ non est tam validus, ut possit bene contractum matrimonium irritari, vel separari: nisi rationabiles, & fide dignæ probationes accedant.

XVII. Notandum 1. Ad dirimendum matrimonium jam contractum non sufficit sola confessio conjugum, etiam si ambo confiteantur contra matrimonium, ut in casu hujus cap. & licet ambo conjuges dicant affinitatem inter illos contractam esse, ante matrimonium, hoc non separatur, vel dirimitur, quia non creditur viro, vel uxori, si confiteantur in præjudicium matrimonij; statum autem confessioni eorum, si confiteantur pro matrimonio, *Gl. hic V. Confessionem*. Ratio autem, cur stetur confessioni conjugum asserendum matrimonium esse contractum, juxta cap. *Attestationes 10. & ibi Gl. V. Evassisse, de despons. impub.* non autem stetur confessioni eorum contra matrimonium, ad illud dissolvendum, vel separandum; ratio, inquam, est, quia assertio conjugum, qui deponunt pro matrimonio, est valde favorabilis, & ipsis contentibus, & toti Reipubl. cujus interest, matrimonium, ejusque valorem defendi, ut liberis hominibus civitates repleantur, l. 1. ff. *Solut. matrim.* At verò confessio adversus valorem matrimonij est valde odiosa, tum ob præsumptionem collusionis conjugum, ut habetur in textu; tum quia confitentur in eâ re, in qua contrahentes sibi præjudicare nequeunt, cùm matrimonij dissolutio non dependeat à potestate conjugum, quippe quod ratione Sacramenti est indissolubile; tum denique quia ejusmodi confessio præjudicat proli, & alijs bonis matrimonij, *Molin. Jurista apud Barbo. in Collect. in hoc c. n. 3.*

Notandum 2. Etiam si ambo conjuges confiteantur, & asserant, affinitatem ex copulâ habitâ cum consanguinea alterius inter ipsos contractam esse, ante matrimonium, non dissolvitur, nec separari potest matrimonium postea contractum, quia periculum est, ne forte conjuges inter se colludant contra matrimonium, ut dicitur in textu, & hac ratione via aperiatur ad dissolvendum matrimonium legitime contractum, sicut & aliâ collusio prohibetur, *101. tit. de collus. dereg. Alex. de Novo hic n. 6.* Non obstat, quòd post confessionem in Jure, seu Iudicio factam nihil queratur amplius: sed confessio pro judicatis habeatur. l. *Post rem 56. ff. de resudic. junct. l. Unic. C. de Confessi.* Nam hoc verum est in ijs, quæ ex confessione partium pendunt, ac in libera eorum potestate sunt. At verò dissolutio matrimonij non dependet ab hominibus, sed à DEO, quia quos DEUS conjunxit, homo separare non potest, c. *Pen. caus. 33. q. 2. Abb. hic n. 2.*

XVIII. Notandum 3. Sed neque ex hujusmodi confessione amborum conjugum dissolvi debet matrimonium, etiam si rumor vicinæ id ipsum confirmet. Dicitur autem rumor vicinæ, quando pars aliqua,

aliqua, nempe tertia, vel quarta aliquid affirmar, in quo differt à famâ publicâ, quæ propriè est, quando tota civitas, vel vicinia, aut major ejus pars aliquid vulgat, *Abb. hic n. 3.* Rumor autem est minus quid, quàm fama, & non est sufficiens probatio, sine testibus, *Gl. hic V. Confessione in fine.*

Notandum 4. Confessioni conjugum, etiam amorum, non creditur, si fiat ea confessio adversus aliud matrimonium, quod cum altero eorum priùs initum asseritur, quia eorum testimonio in sui commodum, & in propriâ causâ crederetur, & in alterius detrimentum, quod nullo jure est concessum, *Abb. in cit. c. Super eo. n. 5. in fine h. t. Menoch. de arbit. Judic. casu 103. n. 6.*

Notandum 5. Cùm non de dissolvendo matrimonio, quoad vinculum, agitur, sed solum de separatione illius quoad torum; tunc creditur etiam uniùs tantùm conjugis assertioni contra seipsum, ut si mulier fateatur, se commississe adulterium; tunc creditur ejus confessioni contra ipsam, ut à viro separaretur quoad torum, *Abbas cit. loc. & Menoch. c. l. num. 7.*

§. IV.

Utrum prædictum impedimentum affinitatis oriatur etiam ex copulâ carnali attentatâ cum puellâ impubere, & an etiam ex incestu cum cognatâ legali, aut spiritali, ac denique ad quem gradum extendatur hoc impedimentum affinitatis ortum ex illicitâ copulâ habitâ cum consanguinea alterius coniugis?

XIX. De primâ quæstione agitur in c. *Fraternitatis 7. h. t.* Ubi Papa Innocentius III. approbat sententiam divortii à quodam Archiepiscopo Canonice promulgatam in eum, qui quandam mulierem, cujus antea foretorem adhuc septennem, contra dis sponsalibus, extraordinariâ libidine polluerat, postea sibi copulate præsumpsit. Ratio est, quia licet ex tali copula solum attentata, sive extraordinariâ pollutione facta cum puellâ septenni, vel minore septennio, non oriatur affinitas cum consanguineis puellæ, quæ non nisi ex perfectâ, & consummatâ copulâ carnali contrahitur, per quam vir, & femina fiunt una caro, c. *Lex. 18. caus. 27. q. 2. & c. Extraordinaria. 11. junct. Gl. V. Eodem caus. 35. q. 2.* Oritur tamen ex tali copulâ attentatâ impedimentum dirimens matrimonium, postea cum consanguineâ contrahendum, propter publicam honestatem provenientem ex sponsalibus de futuro, quæ ibi præcesserunt, c. *unic. de sponsal. in 6. Sanch. libr. 7. de matrim. dis. 64. n. 19.* Itaque ex sponsalibus contrahis cum puellâ septenni, quæ nondum complevit septennium, si interveniat etiam copula attentata, oritur publica honestas impediens, ac dirimens matrimonium contrahendum cum consanguineâ sponsæ, ergo à contrario sensu sola sponsalia

absque attentatione, seu conatu ad copulam cum puella minore septennio, vel sola attentatio, seu nusus ad copulam, absque sponsalibus, non inducit publicam honestatem, quæ est prima expositio hujus cap. quod alii sic exponunt: copula carnalis habitâ cum puellâ septenni, inducit affinitatem, quæ impedit, ac dirimit matrimonium postea contrahendum cum consanguineâ sponsæ, *Abb. hic, & Alex. de Novo num. 2. & 3.* sed prior intellectus videtur melior.

XX. Ad secundam quæstionem respondetur. Ex incestu, cum cognatâ spiritali, vel legali, non oritur impedimentum dirimens matrimonium, nec impediens aliud matrimonium contrahere, quia copula inter cognatos spirituales tantum, non est verè incestus, qui est consanguineorum, & affinium conjunctio: At verò cognatâ spiritalis non est dicenda consanguinitas, sed potius habenda spiritalis proximitas, ut dicitur in c. *1. caus. 30. q. 3.* & nullo jure probari potest, per talem copulam induci impedimentum ad contrahendum matrimonium, *Navar. consil. libr. 4. cons. 8. h. t. n. 6. & 8.*

XXI. Ad tertiam quæstionem dicendum est; Jure antiquo Canonico orta fuit affinitas ex copulâ illicitâ cum consanguineis alterius conjugis, sicut ex licitâ, c. *Discretionem. 6. h. t.* Ubi fit mentio copulæ cum consanguinea conjugis, non distinguendo gradum, ideòque DD. communiter apud *Sanch. libr. 7. de matrim. dis. 67. n. 3.* metiuntur gradum affinitatis ortæ ex copulâ illicitâ, juxta gradum ortæ ex licitâ copulâ, & utramque affinitatem, ad eundem gradum, scilicet quartum, extendunt, juxta c. *Non debet. 8. de consang. & affinis.* Ubi ex causâ affinitatis, non distinguendo inter ortam ex copulâ licitâ, vel illicitâ, statuitur impedimentum usque ad quartum gradum inclusivè.

Verùm hodie ex Decreto Concilii Tridentini *Sess. 24. c. 4. de reform. matrim.* restrictam est hoc impedimentum affinitatis ex fornicatione cum consanguineis ad secundum gradum his verbis: *S. Synodus impedimentum, quod propter affinitatem ex fornicatione contraham inducitur, ad eos tantum, qui primo, & secundo gradu conjunguntur, restringit: in ulterioribus verò gradibus statuit hujusmodi affinitatem matrimonium postea contrahendum non dirimere. Quare Concilium omnino sustulit tertium, & quartum gradum affinitatis ortæ ex fornicatione, ita ut hodie ex copula fornicaria habitâ cum consanguinea conjugis, ultra gradum secundum non oriatur affinitas, nec committatur incestus, sed simplex fornicatio, si quis accedat ad consanguineam intra tertium gradum ejus, qui priùs cum illa fornicatus fuit, *Sanch. cit. dis. 67. n. 7. & 8.* V. g. si Titius fornicatus sit cum Caja, potest validè inire matrimonium cum ejusdem consanguinea in tertio gradu: imò etiam licet, quia hæc affinitas ultra secundum gradum, nec dirimit, nec impedit, seu illicitum reddit matrimonium, ut declaravit Pius V. in Motu proprio edito anno 1566. qui incipit, *Ad Romanum, Sanch. c. l. n. 4.* Sed neque affinitas orta ex fornicatione dirimit, aut impedit sponsalia de futuro subsequenter, vel præcedentia, ultra secundum gradum, quia ob eandem rationem,*

tionem, ob quam impedit matrimonium, impedit etiam sponsalia, *Sanch. c. l. n. 4.*

XXII. Porro nomine fornicationis in hoc Decreto Tridentino intelligitur, non solum simplex fornicatio, sed genericè omnis illicitus concubitus, ut adulterium, stuprum, aut quivis alius, quia ratio, ob quam Concilium restrinxit hoc impedimentum, habet locum in omni fornicatione, seu luxuriz specie, quia scilicet ex ea non oritur aliquod amicitiz vinculum inter affines, & sapissime ignoratur, quia occultè contrahitur, ac proinde multa damna ex eo impedimento consequuntur, nisi restringatur, *Sanch. c. l. n. 6.* Et hinc etiam affinitas orta ex matrimonio non est restricta solum ad secundum gradum per Concilium Trident. sed etiam hodie dirimit matrimonium usque ad quartum gradum inclusivè, *c. Non debet. 8. tit. seq.* quia hæc restrictio ad secundum gradum in Decreto Concilii solum est expressa de affinitate orta ex fornicatione, ergo non debet extendi ad affinitatem contractam ex copula conjugali, quia cum vinculum matrimonii sit fortius, non sequitur, quod restrictio affinitate ex fornicatione, censeatur etiam debeat restricta affinitas ex copula conjugali, *Sanch. c. l. n. 5.*

§. V.

Proponuntur, & explicantur reliqua Capitula huius Tituli.

In his capitulis repetuntur quædam, quæ jam antea in hoc Titulo dicta sunt: nam quia Papa propositi sunt plures diversi casus, sed similes; ideo de illis idem respondit: de connexis enim, ac similibus idem est iudicium habendum, & eadem est Juris dispositio, & quod statutum est de uno, censetur etiam statutum de altero, *c. 3.* & ibi *Gl.* communiter recepta *V. Quod de uno, supr. de Constit.* ut mox ostendetur.

XXIII. Itaque in primis in *c. Ex litteris. 8. h. t.* deciditur, quod affinitas orta ex copula illicita dissolvit sponsalia præcedentia, & privat facultate contrahendi aliud matrimonium, ut habetur in Summa » hujus cap. in quo talis casus proponitur. Cum » quidam G. nomine matrem cuiusdam puellæ, » quam sibi infra nubiles annos desponsaverat in » uxorem, (futuram scilicet, seu sponsam de futuro) carnaliter sæpe cognovisset, sicut & postea » ipsam puellam jam adultam: re hac delatâ ad Innocentium III. is mandat eidem viro injungi penitentiam, ob incestum commissum, & eosque » (nempe virum, & puellam jam adultam) ab invicem separari (si ita esse confiteritur) ac prohibet, ne » mulier alteri viro nubat, si postquam scivit viri, » & matris delictum, ei carnaliter fuit commixta. » Insuper prohibet Papa, ne vir ille, & mater mulieris unquam ad alias nuptias transeant, sed semper » continentiam servare teneantur, & enorme delictum deessere, præsertim si circa personas hujusmodi nullum sit periculum lapsus carnis, seu fornicationis; tunc enim cum eis dispensaretur, *Gl. fin. hic.*

XXIV. Pro explicatione hujus cap. notandum i. hic textus dupliciter potest intelligi, ut no-

tat *Abb. hic n. 2. & 3.* primò, quod iste vir sibi desponsavit dictam puellam per verba de futuro, sive sponsalia propriè dicta, quæ dissoluta fuerunt propter affinitatem supervenientem per fornicationem commissam cum matre puellæ, & ita intelligit *Gl. hic.* Secundò potest intelligi, quod vir iste desponsavit puellam in uxorem, id est, matrimonium contraxit cum illa per verba de presenti: & tunc non potuit esse matrimonium inter eos, quia puella nondum erat nubilus, sed solum erant sponsalia de futuro, ex interpretatione Juris, juxta *cap. unic. de sponsal. in 6.* & antequam puella perveniret ad legitimam ætatem, vir ille cognovit matrem illius; ideoque sponsalia fuerunt dissoluta propter supervenientem affinitatem ex fornicatione commissâ cum matre puellæ, *c. 2. h. t.* nec promissio matrimonii poterat adimpleri.

Notandum 2. hinc jam patet, quod in casu hujus cap. dictus vir, & mater puellæ non poruerint amplius contrahere matrimonium inter se: nam cum matre puellæ non potuit vir iste inire matrimonium, tum propter publicam honestatem ortam ex sponsalibus initis cum puella: tum maxime propter affinitatem contractam ex copula habita cum puella: sed neque potuit vir iste contrahere matrimonium cum puella, propter affinitatem contractam ab eo ob copulam habitam cum matre ejusdem puellæ: hæc verò potuit contrahere matrimonium cum alio extraneo, si non fuit particeps iniquitatis, quia ignoranter fornicata est cum isto viro, nesciens, quod prius carnaliter cognoverit matrem suam: secus autem, si id scivit, ut habetur in textu, *Alex. de Novo hic n. 6.* Sed neque vir iste, & mater puellæ poterant amplius contrahere matrimonium cum alio extraneo, vel alia, propter commissum crimen incestus: si tamen de facto contraherent matrimonium cum extraneis, hoc teneret, juxta *c. Transmissæ. 4. h. t.* Ut in casu hujus cap. vir iste commisit crimen incestus, quia prius cognovit matrem, & postea ejus filiam, quam desponsaverat, *Abb. hic in fine, & Alex. de Novo n. 5.*

Notandum 3. Et si incestuosus privetur facultate contrahendi aliud matrimonium; si tamen timeatur de incontinentia, seu lapsu carnis, ut quia juvenis est, potest cum eo dispensare Episcopus, ut possit contrahere matrimonium, ut habetur in fine hinc, *c. In adolescentia. 14. caus. 33. q. 2. Alex. de Novo hinc num. 3.*

XXV. Præterea is, qui sponsalia de futuro contraxit cum aliqua, & postea foretorem illius carnaliter cognovisset, utraque abstinere debet, prout statuitur in *c. Veniens. 9. h. t.* ubi talis casus proponitur. Quidam F. nomine, tempore infantiz, quandam puellam se ducturum in uxorem juravit, quam primò illa ad legitimam ætatem perveniret: quem pater puellæ recepit in domum suam, & nutritivè simul cum puella, consideratione, seu promissione fidejussorum hinc inde præstitit: is postea forori puellæ se carnaliter conjunxit, & ab amicis persuasus, eam, quam juraverat (scilicet foretorem illius, quam jam cognoverat) in uxorem accepit (de facto, quia de jure non potuit. *Gl. hic V. cod.*) & postea opportunitate oblata, cognovit utramque (addens iniquitatem iniquitati, *Gl. hic V. Piram-*

» *V. Viranque.*) Verùm de hoc convinci non potuit
 » (per testes) nec suum voluit confiteri delictum.
 » Tandem cum in se revertsus salutis consilium quæ-
 » reret, (in foro pœnitentiali) consultus Pontifex
 » mandat Episcopo, ut quia non solum à malo, sed
 » etiã ab omni specie mali, juxta præceptum Apo-
 » stoli, est abstinendum, injuncta ei competenti
 » pœnitentiã, moneat illum, & inducat, ut de cæ-
 » tero ab utraque abstineat.

XXVI. Pro intellectu hujus cap. notandum 1.
 Habens copulam carnalem cum duabus sororibus,
 neutram habere, & retinere potest, ut patet ex hoc
 cap. Non primam, cum qua contraxit prius (spon-
 salia, propter affinitatem supervenientem ex copu-
 la habita cum illius sorore, quæ dissolvit sponsalia,
 c. *Prox.* Neque secundam, cum quã non contraxit
 sponsalia, & quæ non habetur loco uxoris, propter
 impedimentum publicæ honestatis ortum ex spon-
 salibus contractis cum prima, *Hofstiens. hic V. Carnaliter.*

Notandum 2. Dispositio hujus cap. ut ad neu-
 tram forem accedat, procedit in judicio animæ,
 seu foro pœnitentiali: nam iste verè fuit confessus
 crimen in foro pœnitentiali, unde Papa non man-
 davit eum puniri, sed mandavit Episcopo, ut ei im-
 poneret pœnitentiam in foro animæ, & moneret
 eum, ut deinceps abstineret ab utraque sorore: at
 verò in judicio, seu foro externo Ecclesiæ, si impe-
 dimentum sit occultum, matrimonium in facie Ec-
 clesiæ, seu publicè contractum separari non potest,
 nisi aliter probetur: & præcipitur ei, ut debitum
 reddat: quamvis in foro animæ reddere non possit,
 sed potius excommunicationem sustinere debeat,
 quàm ut reddat contra conscientiam suam, c. *Inqui-
 sitioni. 44. de sent. excomm. Gl. hic in casu, & V. Con-
 sulas, & Alex. de Novo ibid. n. 5. & 9.*

Notandum 3. Quod hic dicitur in *prime*, aliquem,
 tempore infantie sibi desponsasse puellã, id intelligi
 debet de puerili ætate, quæ incipit post septennium
 completum, in qua fuerunt contracta sponsalia cum
 illa puella, *Hofstiens. hic V. Infantie.* vel proptèr
 de tempore infantie, quo sponsalia hæc fuerunt con-
 tracta ante septennium: & tunc dici debet, quod li-
 cèt ab initio non tenuerint, tamen postea tractu tem-
 potis, & adveniente majore ætate fuerint ratificata,
 cum iste habitaret in donio sponsæ, *Abb. hic in fine,
 & Alex. de Novo ibid. n. 8.*

XXVII. Similiter in c. *Tue. 10. h. 1.* statuitur,
 per affinitatem supervenientem non dissolvi matri-
 monium prius contractum, impediri tamen petiti-
 » nem debiti conjugalis. Nam cum quidam con-
 » traxisset cum aliqua matrimonio, & post illud
 » contractum, & consummatum, fornicatus esset
 » eam sorore legitimæ suæ conjugis, quæritum fuit
 » ex Papa Innocentio III. utrùm ille postea suæ uxori
 » cohabitare, & exigere debitum possit, ac redde-
 » re requisitus? Respondet Papa, uxorem monen-
 » dam esse, ut à commixtione viri abstineat, pro-
 » pter publicam honestatem, & in continentia vi-
 » vat, ac maneat, donec vir mortuus fuerit. Si ve-
 » rò communioni huic parere recuset, & talis sit,
 » ut de lapsu ipsius (mulieris, vel etiam viri) ti-
 » neatur: poterit ipse vir, ac debebit ei debitum
 » conjugale petenti reddere (sed non exigere ab eâ-

dem, *Gl. hic V. Solvere.*) quia affinitas post matri-
 » monium iniquè contracta (per casualem copu-
 » lam habitam cum sorore suæ uxoris) non debet
 » illi nocere, quæ iniquitatis particeps non existit.
 » Concordat c. *Discretionem. 61.* quod explicatum est
 supra n. 12. & *segg. h. 1.*

XXVIII. Notandum 1. Coniux propter in-
 cestum commissum cum consanguineo, vel consan-
 guinea alterius conjugis, modò copula fuerit con-
 summata, ac perfectã, non potest exigere debitum;
 tenetur tamen reddere, ut docet *Sanch. l. 9. de matr.
 disp. 27. n. 1.* & multi alii apud ipsum. Ratio est;
 quia affinitas superveniens inter virum, & uxorem,
 post matrimonium contractum, etsi illud non dis-
 solvat: quia quod legitime factum est, non irrita-
 tur, licet res deveniat à eum casum, quò non po-
 tuit incipere, *Gl. in c. Discretionem. 6. V. Officere. h. 1.*
 privat tamen jure exigendi debitum alterum conju-
 gem, qui in culpa fuit; attamen non liberatur ab
 obligatione reddendi debitum: quia innocens non
 debet privari jure suo, sine culpa: consultum tamen
 est, ut de cætero uterque abstineat à consortio alter-
 rius, & contineat, *Ab. hic n. 2. & Alex. de Novo n. 2.*
 Ex quo infert *Sanch. cit. disp. 27. n. 9.* quod peccet
 mortaliter huiusmodi incestuosus, si absque dispen-
 satione exigat debitum à conjuge infante, quia vio-
 lat præceptum in re gravi.

Notandum 2. Quamvis in c. *Discretionem. 6. &
 in c. Tue. 10. h. 1.* impedimentum, quod consurgit
 ex copula carnali illicita, appelletur publica honestas,
 ut patet ex illis verbis ibi *abstineat propter
 publicam honestatem* 3. idè quod plures DD. asserunt,
 ex copula illicita naturali non oriri affinitatem, sed
 solum ex copula licita, & conjugali: verius tamen
 est, etiam ex copula illicita, & incestuosa oriri affi-
 nitatem, ut constat ex *Concil. Trident. Sess. 24. de re-
 form. matrim. c. 4.* & ex hoc c. ubi hoc impedimen-
 tum appellatur publica honestas, id est, ut explicat
Gl. ibi V. Eodem. affinitas, adeoque nomine publi-
 cæ honestatis hic intelligitur affinitas orta ex illicita
 copula cum consanguineo, vel consanguinea uxoris
 suæ, ut explicatur statim in ipso textu hujus c. in fi-
 ne, & docet *Sanch. l. 7. de matrim. disp. 64. n. 16.*

Notandum 3. Quamvis ex illicita copula viri
 habitæ cum sorore, vel alia consanguinea uxoris,
 non oriatur impedimentum publicæ honestatis, ut
 dictum, sed affinitatis: nam publica honestas
 propriè oritur ex contractu sponsaliorum, vel matri-
 monii, c. *unic. de sponsal. in 6.* honestum tamen est, id
 est, honestas postulat, ut uxor non conjugatur car-
 naliter nec commisceatur cum viro, qui sororem
 suam turpiter cognovit: & sic etiam potest explicari,
 quod hic de dicitur publica honestate, ut notat *Abb.
 hic n. 3.*

XXIX. Sed jam hic dubitatur, quoto gradu,
 sive intra quæm gradum consanguinitatis, debeat
 persona carnaliter cognita à conjuge esse conjuncta
 alteri conjugi, ut coniux, qui incestum commisit,
 prohibeatur debitum exigere à conjuge. In qua rō
 omnes conveniunt, hoc impedimentum, spectato
 Jurè antiquo Canonico, extendi usque ad quartum
 gradum consanguinitatis: quia fundamentum hu-
 jus impedimenti est affinitas iniquè contracta ex eo
 incestu cum altero conjuge, c. *Discretionem. 6. & c.*

pen. h. i. ibi: cùm affinitas post matrimonium iniquè contracta illi nocere non debeat: ac proinde ad eum consanguinitatis gradum extendi debet, & non ultrà, ex quo oriens affinitas per copulam contracta, videlicet usque ad quartum gradum inclusivè, juxta c. Non debet. 8. tit. seq. Sanch. l. 9. de matrim. dif. 27. n. 12.

Verùm post Decretum Concilii Tridentini Sess. 24. de reform. matr. probabilius est, copulam habitam cum consanguineis alterius conjugis non impedire petitionem debiti conjugalis, ultra secundum gradum: sed quoad hoc etiam Jus antiquum correctum esse: quia impedimentum hoc, non tam ex incestu, quàm ex affinitate inde contracta oritur: certum autem est, eum, qui incestum commisit cum propriis consanguineis, non prohiberi petere debitum à propria conjuge, idque non ob aliam rationem, quàm quia ex tali incestu non oritur affinitas, & consequenter cessat etiam prohibitio petendi debitum, Sanch. c. l. n. 14. Ubi addit, ita etiam declarasse S. Congregat. Concilii Decretum illud, quam declarationem ibidem refert.

XXX. Postremò similis prior casus proponitur in c. Jordane. 1. & ult. h. 1. Nam laicus quidam Joannes nomine, cum quadam puella, Jordana nomine, necdum decenni, per verba de futuro contraxit (sponsalia) eàque intra eundem annum carnaliter cognitâ, postea matrem ipsius sibi matrimonialiter copulavit, & carnaliter eandem cognovit. Quare Jordana Pontifici Gregorio IX. supplicavit, ut cùm continere nequeat, salubriter sibi super hoc providere dignetur, ne jure suo, sine propria sua culpa, fraudetur. Ad hoc responder Pontifex, & mandar Episcopo Diocesis, ut si ita res habeat, utrumque ad petitiuam continentiam vovendam moneat, & inducat. Si verò induci nequeant, injunctâ Joanni competente penitentia propter commissum incestum, eum per Ecclesiasticam Censuram compellat, ut eidem Jordanz cohabitaret, & conjugale debitum reddat, si exactum fuerit.

XXXI. Notandum 1. Sicut per affinitatem supervenientem non dissolvitur matrimonium verum prius contractum, ut ex suprâ allatis Canonibus patet: ita nec dissolvitur matrimonium præsumptum: nam ista puella contraxit sponsalia de futuro cum Joanne, quæ postea ab eodem carnaliter fuit cognita, & sic sponsalia illa per copulam postea habitam cum sponso Jure antiquo transferuntur ex præsumptione Juris in verum matrimonium, juxta c. Is qui. 30. de sponsalib. Abb. hien. 1. & Alex. de Navo n. 1. de quo dictum suprâ Tit. 1.

Notandum 2. Ex copula carnali habita cum puella minore, seu impubere potest præsumi pubertas, & consequenter etiam matrimonium de præsentico contractum, præsertim si similitudo suppleat ætatem, ut in casu hujus cap. quia puella, quæ nondum decimum ætatis suæ annum compleverat, carnaliter fuerat cognita à sponso; ideo præsumitur, ipsam jam maturam esse, & habilem ad contrahendum matrimonium, Abb. hien. 2. Alex. de Navo n. 2.

Notandum 3. In casu hujus cap. vir privatur jure exigendi debitum ab uxore sua, propter incestum commissum cum matre puellæ, quamvis reddere teneatur conjugii petenti. Quin imò honestum est, ac decens, ut ipsa etiam uxor non exigit debitum, propter affinitatem contractam cum marito; idèoque ambo conjuges ad perpetuam continentiam servandam induci debent: & si recitent; tunc viro imponenda est penitentia, propter incestum commissum, & quidem major, quam propter adulterium, quia incestus est gravior delictum, Gl. hic P. Penitentia, & compelli debet, ut uxori cohabitaret, & debitum reddat, ut habetur in fine hujus cap. sed exigere ipse non potest, Gl. fin. hic, Alex. de Navo hic n. 4. At verò uxor, cùm non fuerit particeps illius iniquitatis monenda est ad talem continentiam, & inducenda, sed non cogenda, quia non debet privari jure suo, sine culpa sua, ut dicitur in c. pen. h. 1.

TITULUS XIV.

DE CONSANGUINITATE, ET AFFINITATE.

Actum est in superioribus Titulis de cognatione spirituali, & legali, ac de affinitate contracta ex copula illicita; sequitur nunc, ut agatur de cognatione naturali, seu carnali; idèoque subjungitur hic Titulus de consanguinitate, & affinitate licita, qui extat etiam in Clementinis.

SECTIO I. DE CONSANGUINITATE.

§. I.

Quid sit consanguinitas, & quid linea, & gradus consanguinitatis, & quomodo sint computandi?

I.

ASSERTIO I. Consanguinitas communiter definitur à Theologis, & Jurisperitis: Vinculum

personarum, quæ ab eodem stirpe, seu progenitore, eoque propinquo, per carnalem propagationem descendunt: unde & propinquitas sanguinis appellatur. Dicitur autem consanguinitas, quasi sanguinis unitas, quia de communi sanguine descendunt, prout habetur caus. 35. q. 3. in declarat. Arboris consanguinitatis, quæ fundatur in naturali ejusdem sanguinis communicatione, ita ut qui eo inter se conjunguntur, consanguinei dicantur, Sanch. l. 7. de matrim. dif. 50. n. 1. Requiritur autem ad consanguinitatem, ut ab eodem stirpe propinquo descendant: nam qui ab eodem communi stirpe, seu progenitore remo-

10 de-

to descendunt, consanguinei vocari non solent: quamvis enim virtus generativa primi parentis Adami in omnibus descendens, secundum similitudinem specificam, seu humanam perseveret; non tamen secundum similitudinem individuaalem, juxta quam parentes generant prolem sibi similem, quæ eorum imaginem, & complexionis, ac morum effigiem refert: quæ virtus, quod magis à communi stipite, seu generante per succedentes generationes progreditur, eò magis similitudo, seu proportio sanguinis minuitur, ac deficit: alioquin omnes homines inter se consanguinei forent, quippe ab eodem parente Adamo descendentes, *Sanch. c. l. Laym. l. 5. tract. 10. p. 4. c. 4. n. 1.* Durat igitur cognatio inter eos omnes, qui secundum commune hominum iudicium, eundem sanguinem participant: quæ participatio ob diversam commixtionem, & distantiam à primo stipite deficit, *Coning dis. 32. de Sacram. dub. 1. n. 1.* Additur in definitione, per carnalem propagationem: alioquin Adam, & Eva fuissent consanguinei, quia Eva ex costa Adami forinata fuit, *Covarr. in 4. Decret. p. 2. c. 6. §. 6. n. 3.* At inter Christum, & B. Virginem ejus Matrem vera fuit consanguinitas, quia ex sanguine Mariæ conceptum fuit, & formatum Corpus Christi, quæ subministravit conceptioni Christi totum illud, quod vera matres naturales subministrant, *Sanch. cit. dis. 50. n. 1.*

Obijcit contra hanc definitionem, filios Adami verò fuisse ipsius consanguineos, licet ab uno communi stipite per carnalem generationem non descendunt. Resp. propter hanc rationem quidam addiderunt huic definitioni hæc verba: *vel quarum (personarum) una ab altera descendit*: ut comprehendantur etiam filii Adami: quamvis dici possit, hic definiri à Doctoribus consanguinitatem, prout hodie in usu est, *Laym. c. l.*

II. Ubi præterea notandum, quòd consanguinitas dupliciter in Jure accipitur. 1. Strictè, & civiliter, prout comprehendit tantum fratres ex eodem patre genitos, vel eos tantum, qui per masculinam lineam, seu per virilis sexus cognationem sunt conjuncti, & Agnati vocantur, sive mares sint, sive fœminæ, videlicet Titius, & filii, ac filix ejus, & germani fratres, fratrumque filii, ac filix agnati dicuntur. 2. Accipitur consanguinitas latè, ac naturaliter, non tantum pro iis, qui ex patre patris, sive per masculinam lineam sunt conjuncti, sed etiam pro iis, qui ex matre matris, sive per maternam lineam conjunguntur, & cognati dicuntur, ita ut tam agnati, quàm cognati, & omnes descendentes, sive à maribus, sive à fœminis comprehendantur, quæ est naturalis, ac propria significatio hujus loci, & in Jure Canonico usurpata, de quibus videri potest l. 10. ff. *De gradibus.* *Covarr. c. l. n. 2. Barbosa, in Collect. h. i. in princ. num. 7.*

III. ASSERTIO 2. *Linea consanguinitatis est ordinata series, seu connexio personarum sanguine junctarum, quæ ab eodem stipite descendunt, gradus continens, & cognationes distinguens.* Dicitur autem stipes illa persona, à qua omnes personæ, de quarum conjunctione quæritur, descendunt, & originem ducunt. Est autem triplex Linea, una ascendens, sive superior, in qua continentur omnes illæ personæ, à quibus alix originem ducunt, ut pater, avus, pro-

avus, & alix personæ ascendentes in infinitum. Altera est linea descendens, quæ etiam inferior appellatur, in qua continentur illæ personæ, quæ ab ascendentibus originem duxerunt, ut sunt filii, nepotes, pronepotes, & omnes cæteri descendentes in infinitum, & hæc duæ lineæ vocantur lineæ rectæ. Tertia est linea ex transverso, sive collateralis, quæ complectitur illas personas, quæ à latere sunt conjunctæ, quarum scilicet neutra, vel nulla ab altera, sed utraque, aut omnes ab uno alio principio originem ducunt, sive ab uno stipite progenitæ sunt, ut fratres, ac sorores, eorumque filii, patruus, & amita, patruelus, & consobrini, & reliqui transversales, *Laym. cit. c. 4. n. 3.* Et hæc linea transversalis rursus dividitur in æqualem, & inæqualem. Linea æqualis dicitur, quando illi, de quorum consanguinitate quæritur, æquali, seu pari gradu distant à communi stipite: veluti duo fratres; uterque enim pariter distat à communi stipite, scilicet à patre, uno gradu. Linea inæqualis dicitur, quando personæ, de quarum consanguinitate quæritur, non pariter distant à communi stipite, sed una persona aliam gradu præcedit: sic frater, & filius fratris distant à communi stipite, scilicet patre inæqualiter, frater quidem uno gradu: filius verò fratris est patri conjunctus in secundo gradu; adeoque sunt in linea inæquali, *Schneider. v. Instit. de nupt. de arbore consanguinitatis. §. Quotuplex est linea?*

Gradus consanguinitatis definitur, distantia unius persone ab altera in eadem linea consanguinitatis, qua cognoscitur, quæ persona sit stipiti proprius. Et dicti sunt gradus ad similitudinem scalarum, quas ita ingredimur, ut à gradu ad gradum proximum transcamus, *Laym. c. l. num. 3. Schneider. v. c. l. §. Quid est gradus?*

IV. ASSERTIO 3. Ad computandos, & dignoscendos consanguinitatis gradus tres communiter assignari solent regulæ. Prima est, pro linea recta ascendendum, & descendendum, quæ tam Jure Canonico, quàm Civili est recepta: *Tot sunt gradus in linea recta descendente, vel ascendente, quot sunt persone, una dempra: nempe communi stipite, à quo prima origo ducitur.* Unde pater, & filius in primo gradu juncti sunt, avus, & nepos in secundo gradu, proavus, & pronepos in tertio, abavus, & abnepos in quarto gradu, & sic deinceps. Ratio hujus regulæ est, quia pater, secundum se, non constituit gradum, sed in ordine ad filium, qui ab ipso descendit; ergo pater cum filio constituit primum gradum: & præterea ipse filius cum filio à se genito constituit alterum gradum. Quare inter has tres personas, videlicet avum, patrem, & nepotem dantur duo tantum gradus, & consequenter in hac linea computandi sunt tot gradus, quot sunt personæ, quæ à se invicem procedunt, una dempra, *Sanch. cit. dis. 50. n. 4.*

V. Secunda regula pro linea transversa æquali, in qua personæ junctæ æqualiter distant à communi stipite, est, quot gradibus personæ singule distant à communi stipite, totidem distant inter se. Quare quia duo fratres, vel sorores uno solum gradu, in linea recta, distant à communi stipite, ideo etiam ipsi inter se uno tantum gradu distant in linea transversa: patruus verò, & consobrini, hoc est, duorum fratrum, vel sororum filii, vel filix, quia in recta linea, à com-

muni stipite, hoc est, avo, & avia, duobus gradibus distant: ideo sunt in secundo gradu lineæ transversæ. Similiter filii, & filia patrui, & consobrinorum sunt in tertio gradu juncti in linea transversa, quia in linea recta tribus gradibus distant à communi ipsorum stipite, nempe proavo, & proavia. Nepotes verò eorum sunt in quarto gradu inter se juncti, quia in linea recta quatuor gradibus distant à communi suo stipite, nempe abavo, & abavia, & sic deinceps in reliquis descenditibus. Ratio autem est, quia cum tota, & adæquata ratio conjunctionis horum sit unio cum stipite communi, jure merito computantur gradus, juxta distantiam ab illo, nec possunt magis, vel minus distare inter se, quàm à stipite, *Sanch. cit. dif. 50. n. 5.* quæ regula traditur in *c. Ad Sedem. 2.* qui est Papæ Alexandri II. & *c. Parentele. 4.* qui est Papæ Zachariæ, *caus. 35. q. 5.*

VI. Tertia regula pro linea transversa inæquali, inter personas, quæ inæqualiter distant à communi stipite, hæc jure Canonico est recepta: quor gradibus persona, quæ remotior est, distat à communi stipite, totidem gradibus quoque, sive eodem gradu distant inter se: idque sumitur ex *c. ult. h. t.* Unde patruus, vel amita, id est, frater, vel soror patris sunt in secundo gradu consanguinitatis cum liberis fratris sui: & avunculus, vel matertera, hoc est, frater, vel soror matris in secundo gradu cum liberis sororis suæ: nam quia nepotès hi ex fratre, vel sorore distant in linea recta duobus gradibus à communi stipite, nempe ab avo suo, cujus filius fuit eorum patruus, vel filia eorum amita: vel ab avia, cujus filius fuit avunculus, vel filia matertera; ideo ipsi non minùs, quàm duobus gradibus distant à patruo, vel amita, avunculo, vel matertera.

VII. Cæterùm hæc procedunt secundùm Jus Canonicum: at verò secundùm Jus Civile, in linea collateralali æquali, & inæquali, tot censentur esse gradus, quot sunt personæ, stipite dempto, sive quot sunt personæ collaterales: quia ratione duo fratres sunt in secundo gradu, quia sunt duæ personæ collaterales: nam pater, qui est in linea recta, & communis stipites utriusque, non computatur: patruus, & filius fratris sunt in tertio gradu, quia sunt tres personæ collaterales, nimirum duo fratres, & filius fratris: filii verò fratrum sunt in quarto gradu, quia sunt quatuor personæ collaterales, scilicet duo fratres, & duo patruus, prout habetur in *c. Ad Sedem. 2. caus. 35. q. 5.* Est autem computatio graduum Juris Canonici servanda, quoad matrimonium, de quibus Jus Civile nihil disponere potest: quoad hæreditarias verò successiones servari debet computatio Juris Civilis, tam in foro sæculari, quàm Ecclesiastico, cujus est de hæreditariis disponere, & de hac computatione graduum dictum est suprà lib. 3. Tit. 27. sec. 1. §. 1. Sed in aliis contractibus, aliisque actibus similibus, quælibet computatio servanda est in suo foro, Civilis in foro sæculari, Canonica in foro Ecclesiastico, *Sanch. cit. dif.*

§ 0. num. 8.

003)0(30

§. II.

Quinam gradus consanguinitatis, & quo jure matrimonium dirimant?

VIII. ASSERTIO I. Matrimonium in primo gradu lineæ rectæ, scilicet inter patrem, & filiam, matrem, & filium jure naturæ irritum est, & per consequens etiam indispensabile ab Ecclesia. Est communis omnium DD. sententia apud *Sanch. l. 7. de matr. dif. 31. n. 7.* Ratio est: quia carnaliter commisceri parentes cum liberis, secundùm se, & ex rei natura scdum est, ac illicitum: ergo matrimonium, per quod jus, & potestas raditur talis copulæ carnalis, jure naturæ non solum illicitum, sed etiam nullum est, ac invalidum; adeoque DEVM ejus contrahendi potestatem concessisse censi non potest. Antecedens pater, tum ex naturali instinctu non solum omnium gentium, quæ bene institutæ sunt: sed etiam quorundam animalium, quæ à tali concubitu abhorrent. Tum quodd nimia familiaritas, paritas, & turpitudine, quæ reperitur in actu conjugali, naturaliter repugnat reverentia, & submisioni à filiis parentibus debita. Conseq. prob. quia nemo potest, nec valide quidem se obligare, & tradere divisionem corporis sui ad id, quod ex natura rei est turpe, ac illicitum, & peccato obnoxium. Est tamen probabilè, hoc non esse ita intrinsecè malum, & naturæ repugnare, quin saltem in unico casu publicæ necessitatis conservandi generis humanum, deficientibus omnibus aliis hominibus, si superesset solus pater, & filia; vel filius, & mater, cohonestari posset tale matrimonium; adeoque & DEVS in eo dispensare posset, reddendo in ordine ad actum conjugalem tantùm filiam patri æqualem, ob bonum publicum, & commune, cui merito jus reverentia patri debitum, quippe privatum cederet, *Sanch. cit. dif. 51. n. 10. Laym. l. 5. tr. 10. p. 4. c. 6. n. 1.* Nec obstat, quod obligatus simpliciter voto castitatis illicitè contrahit matrimonium, sed validè. Nam tale matrimonium ideo est validum, quia copula carnalis inter tales personas non est secundùm se turpis, & illicita, sed solum per accidens ratione voti: copula autem inter consanguineos primi gradus est secundùm se semper turpis, & illicita, præter casum suprà allatum, *Laym. c. 1. contra Coning dif. 32. de Sacram. dub. 1. num. 5.*

IX. ASSERTIO 2. Probabilius est, matrimonium, etiam in secundo, imò etiam quovis ulteriores gradu in linea recta, esse ipso jure naturali irritum, ac proinde matrimonium inter ascendentes, & descendentes, in linea recta, non tantùm usque ad quartum gradum, sed in infinitum esse invalidum, videlicet avi cum nepte sua, proavi cum pronepte, item aviz cum nepote, proaviz cum pronepote, & sic deinceps, *Coning cit. dif. 32. n. 16. Laym. cit. c. 6. n. 21.* & alii apud *Sanch. cit. dif. 51. n. 12.* Ex quo inferunt, si hodie Adam resurgeret, non posset ullam in uxorem ducere, quippe cum sit communis totius generis humani parens: licet contrarium teneant *Sanch. & Tanner.* Sed probatur, quia ita expresse deciditur in *l. Nuptia. §. 3. ff. de ritu nupr.* ubi dicitur: nuptia consistere

listere non possunt inter eas personas, quæ in numero parcatum, liberorumve sunt, sive proximi, sive ultiores sint. Et *l. ult. ff. eodem*, Jure gentium incestum committit, qui ex gradu ascendendum, vel descendendum uxorem duxerit. *¶ §. Ergo non omnes Insit. eod.* quæ leges cum per Jus Canonicum non sint correctæ (Nam *cap. Non debet. 8. h. t.* non loquitur de gradibus linearum rectarum, sed transversarum solum) merito servandæ sunt etiam in foro Ecclesiastico. Ratio est: quia omnes ascendentes sunt, & dicuntur vere parentes, & majores, à quibus descendentes, non tantum per accidens, sed per se dependunt, tanquam à principiis generationis suæ, cum causa causæ sit etiam causa causati: & non minùs, naturaliter loquendo, impossibile est, aliquem esse sine generatione avi, quàm sine generatione patris: consequenter nepotes avis suis, aliisque Majoribus ascendentibus, naturali jure, debent non minorem reverentiam, & submissionem, quàm parentibus suis: huic autem adversatur turpitudine repta in copula conjugali, ut suprà dictum. Hinc etiam apud omnes gentes bene moratas, & instituta talia matrimonia fuerunt abominanda. Nec refert, quòd participatio sanguinis communicata à virtute generante communis stipitis, sit minor in remotioribus descendentibus, ac tandem omnino exingatur, & desinant esse consanguinei. Nam hic non tantum spectatur major, vel minor participatio sanguinis (sicut fit in linea transversa) quàm ratio principii, cui per se reverentia debetur: omnes autem ascendentes naturaliter, & per se sunt principium necessarium descendendum, *Coning c. l. n. 18.*

X. ASSERTIO 3. Probabilius est, etiam in primo gradu consanguinitatis linearum transversarum, videlicet inter fratres, & sorores matrimonium jure naturæ esse irritum, quamvis etiam opposita sententia sit probabilis. Prior sententia est communior, quam tenet *Sanch. l. 7. de matrim. disp. 52. n. 11.* & alii apud ipsum. Probatur 1. quia in *c. Gaudemus. 8. de divort.* videtur innui, infideles ad fidem conversos separandos esse, si conjuncti in primo gradu consanguinitatis etiam linearum transversarum, tempore infidelitatis, matrimonium inierunt, quia ibi dicitur, non esse separandos, quando sunt conjuncti in secundo, vel aliis ulterioribus gradibus consanguinitatis: ergo à contrario sensu, quando sunt conjuncti in primo gradu: sunt separandi, quia is gradus jure naturali matrimonium irritat: quamvis hoc argumentum, quippe desumptum ab auctoritate negativa, non convincat. Probatur 2. quia pleræque etiam gentes tale matrimonium sunt detestæ, teste Aristotele *l. 2. Politic. c. 2.* & quæ illud permittebant, graviter fuerint reprehensæ, & notatæ tanquam barbaræ, ut refert S. Augustinus *l. 22. contra Faust. c. 35.* Ratio est, quia inter fratres, & sorores est naturalis quidam pudor, ac reverentia, cui valde repugnat actus conjugalis, per quem turpitudine alterius revelatur. Unde *Gen. c. 26.* ex eo, quòd Sara dicta est soror Abrahami, Pharao putavit non esse uxorem ipsius: & quia tunc nulla adhuc existeret lex positiva, quæ prohiberet tale matrimonium, sequitur ipso lumine naturali tunc notum fuisse, inter fratrem, & sororem non posse matrimonium consistere: ideoque etiam Abraham ad amolendam à se suspicionem con-

jugalit apud Ægyptios, putavit satis esse, si diceret, Saram esse sororem suam, *Exod. c. 12.* Confirmatur: quia cum fratres, & sorores ab incunabilis simul habitent, valde inflammarentur ad concubitum, nisi persuasum haberent, conjugia sibi prohibita esse ab Auctore naturæ. Excipitur tamen casus necessitatis, qualis fuit inter filios, & filias Adæ in exordio mundi ad propagandum genus humanum. Et quamvis sibi invicem fratres, & sorores non debeant tantam reverentiam, quantam patri, & matri, inde tamen non sequitur, posse inter illos matrimonium subsistere: sed solum non ita strictè inter illos jure naturæ prohibitum esse matrimonium, sicut inter parentes, & liberos. Denique Ecclesia nunquam in hoc gradu dispensavit, etsi aliquando fuerit petatum à Pontifice, *Sanch. c. l.*

XI. Opposita tamen sententia est etiam probabilis, nempe quamvis matrimonium ejusmodi inter fratres, & sorores initum ex se sit illicitum, & indecens, ac proinde jure naturæ prohibitum: non tamen ita, ut etiam eodem jure sit irritum, in quam magis inclinat *Coning cit. disp. 32. n. 19.* Ratio est: tum quia fratres, & sorores non habent immediatam inter se conjunctionem sanguinis, & reverentiam, sed tantum ratione parentum, quæ non ita videtur repugnare matrimonio, ut illud irritet: tum quia videtur credibile, DEVM talia matrimonia tanquam valida permisisse: præsertim cum facile fieri potuerit, ut cum in exordio mundi, ob necessitatem humani generis propagandi, fratres, & sorores inter se matrimonium contraherent, etiam postea eodem propagato, talis consuetudo apud gentes quasdam permaneret. Addit tamen *Coning c. l.* apud omnes ferè gentes hoc matrimonium semper jure positivo fuisse irritum.

XII. ASSERTIO 4. In secundo gradu consanguinitatis linearum transversarum, & multò magis in reliquis ulterioribus gradibus matrimonium non est jure naturali irritum, *Sanch. cit. disp. 52. n. 11.* & alii ex communiori sententia. Probatur, quia in *c. Gaudemus. 8. de divort.* deciditur, infideles ad fidem conversos, si in secundo, vel ulterioribus gradibus linearum oblique matrimonium contraxerint, separandos non esse, cum Constitutionibus Canonicis non ardentur: at separandi essent, si matrimonium in his gradibus esset contra Jus naturæ, cui infideles subjiciuntur. Constat etiam, sanctos viros in Veteri Testamento in his gradibus matrimonium inisse; sic enim Abraham duxit in uxorem Saram filiam fratris sui *Abraham, Gen. c. 11.* & Isaac Rebeccam consobrinam suam. Denique videmus, S. Pontificem passim dispensare in gradibus linearum oblique æqualis, & inæqualis, quia inter consanguineos in ulterioribus gradibus non est tanta familiaritas, & reverentia.

XIII. ASSERTIO 5. Etsi olim Jure Ecclesiastico matrimonium inter consanguineos in linea transversa irritum fuit usque ad septimum consanguinitatis gradum inclusivè, ut constat ex *c. Ad Sedem. 2. caus. 35. q. 5. c. Nullum. 7. c. De consanguinitate. 17. c. Nulli. 19. caus. 35. q. 3.* Postmodum autem in Concilio Generali Lateranensi sub Innocentio III. restricta fuit prohibitio graduum consanguinitatis, & affinitatis usque ad quartum gradum inclusivè,

clusivè, ut constat ex *c. Non debet. 8. h. t.* Ubi idem Pontifex inprimis ait : Cum non debeat reprehensibile iudicari, secundum varietatem temporum, statuta humana quandoque variari, si utgens necessitas, vel evidens utilitas id exposcat, quia ipse DEVS, quæ in Veteri Testamento statuerat, postea nonnulla mutavit in Novo : ideo idem Papa prohibitiones de conjugio in secundo, & tertio genere affinitatis minimè contrahendo, & ne soboles ex fecundis nuptiis suscepta copuletur cum consanguineis prioris viri, & Constitutiones super his editas, sacro approbante Concilio, revocavit, quia difficultatem frequenter inducebant, & pericula animarum parabant : & decernit, ut sic contrahentes de cætero liberè copulerentur, cum cessante prohibitione, cesset effectus. Deinde statuit, ne prohibitio copule conjugalis ultra quartum consanguinitatis, aut affinitatis gradum deinceps excedat, quia in ulterioribus gradibus, jam non potest huiusmodi prohibitio, absque gravi dispendio, generaliter observari : quaternarius enim numerus bene convenit prohibitioni corporalis conjugii, cum vir non habeat potestatem sui corporis, sed mulier, & de converso ; quia quatuor humores sunt in corpore humano, quod constat ex quatuor elementis, *cir. c. Non debet. §. Prohibitio.* Denique in fine præcipitur, ut hæc prohibitio gradum usque ad quartum gradum sit perpetua, ita ut si quis contra illam præsumpserit copulari, nulla unquam annorum longinquitate defendatur ; cum diuturnitas temporis peccatum non minuatur, sed augeatur, non obstantibus quoque quibuscumque Constitutionibus contrariis.

XIV. Pro declaratione huius celeberrimi cap. notandum 1. Leges humanæ, ob causam publicæ necessitatis, vel utilitatis, rectè mutari possunt, quia fieri potest, ut lex, quæ nunc est iusta, mutato rerum statu, fiat iniqua, quippe quæ præsentis Reipubl. statui minimè conveniat, imò perniciofa, & gravis sit ; lex enim temporis conveniens esse debet, *c. Erit autem. 2. dif. 4. Covarr. in c. Alma p. 2. in princ. n. 2. Sayrus in Clavi Regia l. 3. c. 10. n. ult.*

Notandum 2. Olim erant tria genera affinitatis, primum, secundum, & tertium, quorum duo posteriora jam sunt sublata per hoc cap. de quibus infra. Similiter sublata est in hoc cap. prohibitio, ut nullus ex consanguineis viri præmortui posset matrimonium contrahere cum prole ex secundo viro per mulierem suscepta : & de converso, nullus ex consanguineis uxoris præmortuæ posset matrimonium inire cum prole suscepta ex fecundis nuptiis. Ratio est : quia huiusmodi prohibitiones erant inducæ magis propter publicæ honestatis iustitiam, quam propter affinitatem ; quia vera affinitas in his deficit, *Gl. hic v. Secundis nuptiis.*

XV. Notandum 3. Prohibitio matrimonii inter consanguineos, quæ olim extendebatur ad septimum gradum in linea transversali æquali, vel inæquali, postea restricta fuit ad quartum usque gradum consanguinitatis, & affinitatis inclusivè, *cir. c. Non debet. §. Prohibitio quoque.* Ratio autem, cur Ecclesiæ matrimonium inter consanguineos, & affines, ad certum usque gradum prohiberetur, sumitur, tum ex reverentia, quam cognati sibi invicem debent ob

sanguinis communionem, & originem tractam ab eodem stipite, seu progenitore, cui reverentia valde detrahatur actus conjugalis, quia turpitudinem quandam continet ipsi contrariam, quam rationem tradit *S. Thom. 2. 2. q. 154. art. 9. in Corp.* Tum quia huiusmodi prohibitio facit ad dilatandam amicitiam in genere humano, dum inveniuntur matrimonia cum extraneis : indèque Communitas Reipubl. & Societas hominum magis coalescit. Tum denique, quia cum inter consanguineos, & affines magna intercedat familiaritas, frequenter inter eos periclitaretur pudicitia, si licitum esset iis matrimonium inter se contrahere, *Coning diff. 2. de Sacram. n. 3. Sanch. l. 7. de matrim. dif. 53. n. 3.*

XVI. Merito autem Ecclesiæ prohibitionem illam matrimonii inter consanguineos, & affines restinxit ad quartum gradum, secundum computationem Canonicam, quia, ut dicitur in *cir. c. Non debet*, in ulterioribus gradibus jam non poterat absque gravi dispendio, huiusmodi prohibitio generaliter observari, cum sæpe difficulter possit fieri, quinam quinto, sexto, aut septimo gradu juncti sint, eod quod tam remotam cognitionem homines non soleant ita computare, imò etiam vix æstimare ; ideòque faciliè incognita maneant. Accedit, quod etiam ipsa realis participatio, seu communicatio ejusdem sanguinis ex primo communi stipite tracta, vix ultra quartam generationem perdurat, ob perpetuam humani corporis resolutionem, & commixtionem cum alio sanguine, *Tanner. tom. 4. dif. 8. de matrim. q. 4. dub. 4. n. 52.* Neque verò ratio posita in *cir. c. Non debet*, ob quam restrictio ista ad quartum gradum facta est, quia scilicet Corpus humanum ex quatuor humoribus, & Elementis constat, est puerilis, & ridicula, ut nugantur hæretici. Nam præterquam quod illa ratio non sit præcipua, nec principalis illius restrictionis graduum, sed solum quædam ratio congruentior : non tam enim est inepta, aut ridicula, sed planè physica : quia cum corpus humanum ex quatuor elementis, adeoque etiam ex quatuor humoribus, calore, & siccitate, frigore, & humiditate constet, colligitur probabiliter, ob continuum eorum inter se confictum, vim ejusdem sanguinis à primo stipite tracti, ultra quartum gradum deficere, ut bene explicat *Sanch. cit. dif. 53. n. 6.*

XVII. Ex dictis inferretur, si duo consanguinei inæqualiter distent à communi stipite, ita ut unus distet ultra quartum gradum, alter verò intra illum ; tunc possunt inter se matrimonium contrahere, prout expressè habetur in *c. Vir, qui. 9. §. ult. h. t.* Ubi Gregorius IX. ita describit : Vir, qui à stipite distat quarto gradu (scilicet ex uno latere) & mulier, quæ ex alio latere distat à stipite quinto gradu, secundum regulam approbatam, quæ dicitur : *quoto gradu remotior distat à stipite, & à quolibet per aliam lineam descendentiæ ab eodem, licitè hic matrimonium contrahant.* Ratio est : quia hic attenditur gradus consanguinitatis penes distantiam remotioris à stipite, sive computatio fit à remotiore : cum ergo remotior à stipite distet ultra quartum gradum, sive in quinto gradu, sequitur nullam esse prohibitionem matrimonii inter illos, juxta *c. Non debet. 8. h. t. Sanch. cit. dif. 53. n. 4.*

Id verò procedit, etiam si alter consanguineus distet à

fit in prima, vel ulteriore gradu à communi stipite, quia nihilominus cum distante in quinto, vel ulteriore gradu valide contrahet matrimonium, licet aliqui contrarium dicant; vera tamen est hæc opinio, quam tenet *Sanch. cit. dif. 53. n. 5.* & alii apud ipsum. Er est communissima sententia. V. g. abnepos, sive quattuor nepos distat ab atavo, sive quarto avo in quinto consanguinitatis gradu; istamen poterit matrimonium inire cum filia atavi, sive quarti avi, quum ipsi conjuncta est in primo gradu, quia ultra quartum consanguinitatis gradum, nimirum in quinto sunt conjuncti. Porro personæ existentes in gradu æquali lineæ collateralis dicuntur existere in eodem gradu, non autem distare. *Alex. de Nevo hic in fine.*

XVIII. ASSERTIO 6. Falsum est, & erroneum, omnes gradus consanguinitatis, aut affinitatis expressos c. 18. *Levit.* esse prohibitos lege naturali, & Divinâ, ita ut in nullo eorum Pontifex dispensare possit, ut definitur *Concil. Trident. Sess. 24. can. 3. de matrim.* contra Novatores hujus temporis, & ratio est: quia Leges Mosaicæ cæremoniales, & judiciales per Christum sunt abrogatæ, & Christianos per se non obligant, *Tanner. tom. 4. dif. 8. q. 4. dub. 4. n. 48. & 49.*

XIX. Prædictis addendum, quod circa computationem graduum consanguinitatis statuitur in c. *Tua nos. 7. h. t.* Nam cum quaesitum fuisset ex Papa Innocentio III. utrum ad dirimendum matrimonium, propter consanguinitatem, sufficiat illorum testimonium, qui gradus consanguinitatis incipiunt computare ab avunculo, & nepote, videlicet fratris filio, vel fororis? Respondet Pontifex, cum matrimonium sit valde favorabile, testes ad celebrandum divortium producti, debent incipere computationem graduum consanguinitatis à stipite, id est, à parentibus, vel germanis fratribus: & sic per ordinem distinguere gradus, nominibus propriis, vel æquipollentibus indicibus, designando personas ex utroque latere: quia cum sæpe peribeamus testimonium de auditu, illudque sit minus validum, non est in hoc articulo nimium laxanda facultas: quia quia ratione incipiunt computare à secundo (vel secunda, scilicet persona, ut legitur in antiquis Codicibus, *Gl. marg. hic*) eadem ratione inchoarent ab ulterioribus.

XX. Notandum 1. Licet aliàs nepos propriè dicatur filius generis ex filio, vel filia, l. *ICrus. 10. §. Nepos quoque, ff. de gradibus*; appellatio tamen nepotis venit etiam fratris, vel sororis filius, juxta communem usum loquendi, ut patet ex hoc c. *Abb. hic n. 2.* ubi addit, etiam in Statutis nomine nepotis venire fratris filium.

Notandum 2. Non valet testimonium super consanguinitate probanda ad dirimendum matrimonium, nisi testes incipiant gradus computare à communi parente, vel germanis fratribus, à quibus descenderunt illi, de quorum consanguinitate quaeritur, *Abb. hic n. 3.*

Notandum 3. Patia sunt, sive aliqui exprimatur proprio nomine, sive per circumstantias, aut signa æquipollentia, ut patet etiam ex hoc cap.

Notandum 4. Testimonium de auditu, scilicet alieno, est minus validum, & regulariter non valet; & sic speciale est, quod admittatur tale testimonium

in probatione consanguinitatis, *Abb. hic in fine. & Alex. de Nevo n. 7.* modò alia adminicula, & conjectura concurrant, de quibus in c. *Licet. 47. de testib. & dictum libr. 2. Decret. Tit. 20. n. 136. & seqq.*

SECTIO II.

DE AFFINITATE, QUÆ EST altera pars Rubricæ hujus Tituli.

§. I.

Quid sit affinitas, & qua ratione contrahatur, & inter quas personas?

XXI. ASSERTIO I. Affinitas est propinquitatis personarum ex carnali copula proveniens, prout communiter definitur à Theologis, & utriusque Juris peritis apud *Sanch. libr. 7. de matr. dif. 64. n. 1.* Cum enim duo, vir & mulier se invicem carnaliter cognoscunt, fiunt veluti una caro, & consanguinei unius trahuntur ad fines alterius, seu fiunt ei affines. Oritur autem affinitas non solum ex copula carnali, seu concubitu legitimo, & conjugali, juxta illud *Matth. 5. Erant duo in carne una:* sed etiam ex fornicario, vel alio illicito concubitu, juxta illud 1. ad *Corinth. 6. Qui adheret meretrici, unum corpus efficiuntur:* de qua affinitate actum toro Tit. præcedente.

XXII. ASSERTIO 2. Ad affinitatem contrahendam requiritur copula carnalis perfecta, seu consummata; adeoque non sufficit claustrum virginis refectio, seu penetratio valis fœminei, sed requiritur etiam seminatio, saltem viri, seu ut semen virile intra vas naturale fœminæ, quacunque tandem ratione, sit receptum, *Sanch. cit. dif. 64. n. 8.* Ratio est: quia ad affinitatem requiritur talis copula, per quam vir, & fœmina fiunt una caro, ut colligitur ex c. *Fraternitatis. 1. §. Si una caro sunt. caus. 35. q. 10.* ac non fiunt una caro, nisi per copulam perfectam, & sufficientem ad prolis generationem, qualis est sola illa, in qua semen vitile recipitur intra vas fœmineum, ut constat ex c. *Lex divina. 18. caus. 27. q. 2. & c. Extraordinaria. 11. junct. Gl. V. Eodem caus. 35. q. 3.*

Porro quia secundum communior sententiam Medicorum, sola seminatio viri requiritur, & sufficit ad generationem prolis; ideo si sola fœmina feminet, affinitas non contrahitur, *Sanch. cit. dif. 64. n. 22.* quia tamen secundum probabilem sententiam aliorum, etiam semen fœmineum ad prolis generationem requiritur; ideo probabile est, etiam seminationem fœminæ requiri ad contrahendam affinitatem.

XXIII. Hinc infertur 1. Ex copula sodomitica habita in vase præpostero, & contra naturam, non contrahi affinitatem, cum ex ea non possit sequi generatio prolis. Idemque est de quacunque pollutione extra vas debitum. 2. Oriti affinitatem ex copula habita cum fœminea dormiente, ignorante, coactâ, ebriâ, insauâ, seu amente, vel ex copula occulta, quia ea sufficiens est ad generationem, non autem cum mortua, *Sanch. c. l. n. 12. 13. 17. & 18.* 3. Ex

mattimonio rato nondum consummato non oriri affinitatem verè, ac propriè dictam, sed solum initium quoddam affinitatis, & vinculum, seu impedimentum publicæ honestatis, ætius tamen, quàm ex sponfalibus, *Sanch. c. l. n. 2. §.* Et si plures contrarium teneant apud *Sanch. c. l. n. 2. §.* nempe ex matrimonio rato oriri affinitatem quandam saltem incitiè, & latè, *Silv. V. Matrimonium, §. q. 14. dicto 2.* quia licet ante matrimonium consummatum, vir, & femina non sint una caro per commixtionem sanguinis, possunt tamen dici una caro, quia unus habet dominium in corpus alterius in ordine ad generationem.

XXIV. **ASERTIO 3.** Affinitas hæc contrahitur inter consanguineos uxoris ex una parte, & inter maritum ejus ex altera; & rursum inter consanguineos mariti, ex una parte, & uxorem ejus ex altera: non autem mutuo inter consanguineos viri, & mulieris, ut constat ex c. *Non debet. §. h. t.* Numerantur autem gradus affinitatis eodem modo, quod in consanguinitate, & traditur hæc regula: *In quo gradu aliquis est consanguineus mariti, in eodem gradu sit affinis uxoris: & de converso, in quo gradu aliqua est consanguinea uxoris, in eodem sit affinis mariti.* Unde consanguinei viri in primo gradu, sunt affines uxoris in primo etiam gradu: & consanguinei viri in secundo gradu sunt affines item uxoris in secundo, & sic de reliquis. Idemque est de consanguineis uxoris, qui sunt affines mariti in eodem gradu, in quo sunt consanguinei uxoris, *Tanner. cit. dis. §. q. 4. dub. 7. n. 118. ex communi.*

XXV. Atque hinc inferitur, quod consanguinei mariti possunt licitè, ac validè contrahere matrimonium cum consanguineis uxoris: & hi vicissim cum illis, prout sumitur ex c. *Quod super his. §. h. t.* „ Ubi consultus Papa Innocentius III. an si pater, „ & filius cum matre, & filia, & duo cognati cum „ duabus cognatis: item avunculus, & nepos cum „ duabus fororibus contrahant matrimonia, ea sint „ licita, & valida? Respondet Pontifex, licet omnes „ consanguinei viri sint affines uxoris: & omnes „ consanguinei uxoris sint affines viri: nulla tamen „ prorsus ex eorundem (scilicet viri, & uxoris) „ conjugio affinitas est contracta, propter quam inter eos matrimonium impediatur.

Ex quo patet, quod affinitas contracta inter uxorem, & consanguineos viri, non transeat ad consanguineos uxoris; & de converso affinitas contracta inter virum, & consanguineos uxoris non transeat ad consanguineos viri; ideoque possunt legitime inter se matrimonio copulari, juxta decisionem hujus cap. *Gl. hic V. Impediti.* Ratio est: quia affinitas non causatur affinitatem; affinitas enim dicitur illa propinquitas, quæ est inter uxorem, & consanguineos viri; & rursum inter virum, & consanguineos uxoris, eo quod duæ cognationes, quæ inter se diversæ sunt, per nuptias copulantur, & altera ad alterius cognationis finem accedit, ut dicitur in l. *Non facillè. §. Affines. ff. De gradib.* vir autem, & uxor non sunt affines, aliàs non posset inter eos esse matrimonium: sed sunt principium, & causa affinitatis; quia affinitas non est, nec contrahitur, nisi mediante aliâ quâdam personâ; conjuges verò immediate sunt sibi conjuncti matrimonialiter, l. *Non ideo. §. junct.*

Gl. V. Affinis. C. De hered. instir. & inter vitum, & uxorem non est affinitas, nec propinquitas, sive consanguinitas, Alex. de Novo in cir. c. Quod super. n. 4. h. t. Quia ergo vir, & uxor per matrimonium sunt una caro, inde fit, ut omnes consanguinei mariti sint affines uxoris, & vice versâ, consanguinei uxoris sint affines mariti, & abstinendum sit utrique conjugi à consanguineis alterius, sicut à propriis, c. *ult. caus. §. §. q. 3.* Itaque propriè loquendo, affinitas solum contrahitur inter maritum, & consanguineos uxoris, & de converso; inter uxorem, & consanguineos mariti, ut dictum: non autem inter consanguineos mariti, & consanguineos uxoris, quamvis isti, latè loquendo, etiam affines appellentur: vel etiam dici potest, quod inter eos contrahitur affinitas, sed non talis, quæ impedit, vel dirimat matrimonium inter eosdem, *Alex. de Novo c. l. num. 5.* Appellatione autem propinquorum, sive consanguineorum non comprehenduntur affines. *Alex. de Novo c. l. n. 4.*

XXVI. Additur in fine cit. c. *Quod super.* prohibitio, ne aliquis gradus prohibitos matrimonium contrahatur, alioquin contrarium præsumentes Ecclesiastica districtione puniri debent, non obstante consuetudine, quæ potius dicenda est corruptela. Ex quo colligitur, quod consuetudo etiam immemorialis non potest tollere, nec inducere impedimenta dirimentia matrimonium in gradibus consanguinitatis, vel affinitatis jure prohibitis, cum hic dicatur, talem consuetudinem esse potius dicendam corruptelam: quotiescunque autem Lex damnat consuetudinem, ut iniquam, & irrationabilem; tunc censetur damnata, & reprobata consuetudo etiam immemorialis: quia diurnitas temporis non minuit, sed aggravat delictam, c. *Non debet. §. in fine h. t. Fagn. hic num. 7. & 9.* Cui tamen obstat videretur cap. *Super eo. §. de cognat. spiritis.* de quo actum supra Tit. 18. de cognat. spiritis. n. 9. & 10.

Aliam responsionem non improbabilem dat *Barb. hic n. 3. in Collect.* nempe præsens cap. & c. *Non debet.* esse Innocentii III. adeoque poterat tunc illa consuetudo esse valida, & rationalis: quæ tamen postea mutatis circumstantiis, & propter varias difficultates inde exurgentes, tanquam irrationabilis fuerit reprobata in c. præsentis. Denique fortè etiam responderi posset, quod in præsentis cap. reproberetur solum talis consuetudo in consanguinitatè, & affinitatè carnali, quod non debet extendi ad cognationem spirituales, in quæ est minor ratio, *Barb. c. l.*

XXVII. **ASERTIO 4.** Triplex est genus affinitatis, primum inter consanguineos mulieris, ex una parte, & virum ex altera: & rursum inter consanguineos viri, & mulierem ex altera, non autem inter consanguineos viri, & mulieris mutuo. Verum olim tum inter consanguineos viri, ac mulieris mutuo, tum ex ipsa quoque affinitate oriebantur alia necessitudinum, sive affinitatum genera. Ut si v. g. uxor fratris tui, eo mortuo, nupit Titio, tunc etiam ipse Titius fiebat affinis tibi, secundo quodam affinitatis genere: & rursum si idem Titius, mortuâ uxore, alteram duxit, etiam ista fiebat tibi affinis tertio quodam affinitatis genere, quæ tamen duo posteriora affinitatum genera jam sunt sublata per cit. c. *Non debet. h. t. Tanner. tom. 4. dis. §. q. 4. dub. 7. n.*

117. Itaque uxor fratris tui est tibi affinis in primo affinitatis genere; mortuo fratre, si ipsa alteri viro nubat, ille erit tibi affinis in secundo genere affinitatis, de quo fit mentio in c. *De propinquis*. 3. *caus.* 35. q. 3. Si vero uxor fratris tui mortuæ, ejus maritus alteram uxorem ducat, hæc uxor erit tibi affinis in tertio affinitatis genere, quia tibi jungitur per eum, qui secundo affinitatis genere tibi junctus est, *Gl. hic V. In secundo & tertio*. Et de hoc fit mentio in c. *ult. cit. caus.* 35. q. 3. Primum genus affinitatis dicitur, quia per primam carnis copulam, sive mediante una personâ contrahitur: secundum, quia per secundam copulam, sive mediantibus duabus personis: tertium, quia per tertiam copulam, sive mediantibus tribus personis contrahitur, *Gl. in cit. c. Non debet. V. In secundo. Hostiens. ibid. num. 4.* V. g. uxor fratris tui mutat genus, quia frater tuus est conjunctus tibi consanguinitate, ipsa vero affinitate, & est tibi affinis in primo genere, & in eodem gradu affinitatis est tibi, & aliis consanguineis tuis conjuncta, quo gradu consanguinitatis est tibi, & consanguineis tuis conjunctus frater tuus. Si vero secunda persona tibi aliunde non affinis, nec consanguinea, conjungatur per copulam cum dicta uxore fratris tui, fit tibi, & consanguineis tuis affinis in secundo genere. Si denique tertia persona aliunde nec consanguinea, nec affinis, adjungatur per copulam dictæ secundæ personæ, est tibi, & consanguineis tuis affinis in tertio genere, *Silvest. in Summa V. Matrimonium. 8. q. 15. dicto 3.*

XXVIII. Cæterum sublatò jam secundo, & tertio genere affinitatis, quia nulla jam amplius contrahitur affinitas, inter consanguineos mariti, & uxoris, possunt plures casus ejusmodi affinitatis occurrere, per quod matrimonium nullum impedimentum præstat. Unde possunt duo fratres contrahere matrimonium cum duabus sororibus, quia nulla est affinitas inter fratrem mariti, & sororem uxoris. 1. Potest pater, & filius contrahere matrimonium cum matre, & filia alterius familiæ, v. g. filius Petri ex prima uxore potest ducere filiam ejusdem Petri ex alio marito genitam. 3. Potest pater sponsi ducere matrem, & filiam sponsæ. 4. Potest quis ducere matrem, vel filiam vitrici sui, vel novercæ, quia inter istos nulla est respectivè affinitas. 5. Si frater, & soror contrahant matrimonium, possunt, iis mortuis, viduus superstes, & vidua inter se contrahere matrimonium, nisi forsan obset consanguinitas, vel aliud impedimentum. 6. Potest quis successivè plures sorores ducere, quarum marituerant fratres germani. V. g. Anna, & Barbara nupserunt duobus fratribus, poterit Petrus ducere Annam viduam factam, eaque mortuâ, accipere in uxorem alteram viduam, nempe Barbaram. Plura hujusmodi exempla videri possunt apud *Tanner. cit. dist. 8. q. 4. dub. 7. n. 118. & Laym. l. 5. tr. 10. p. 4. c. 5. n. 4.* Ubi pro cognoscendis pluribus hujusmodi casibus affinitatis peraccidens, hanc regulam tradit ex *Navarro consil. libr. 4. consil. 3.* quando neque vir cognovit carnaliter consanguineam mulierem, cum qua ille matrimonium inire cupit: neque mulier carnaliter cognovit consanguineum virum: tunc si qua inter eos est affinitas, ea tantum est peraccidens, ita ut ma-

trimonium postea contractum non impediatur, nec dirimat.

§. II.

Quousque, & quo iure affinitas dirimat matrimonium?

XXIX. ASSERTIO I. Sicut consanguinitas, ita etiam affinitas orta ex copula legitima, & conjugali, impedit matrimonium contrahendum, ac dirimit contractum, in linea transversali usque ad quartum gradum inclusive, ut patet ex c. *Non debet. 8. h. 1.* sicut olim etiam dirimebat usque ad septimum gradum, c. 1. c. *Nullum. 7. c. Aequaliter. 13. caus. 35. q. 3.* & est communis DD. apud *Tanner. cit. dub. 4. n. 51.* Rationes hujusmodi prohibitionis jam supra sunt allatæ. At vero affinitas orta ex copula illicita, seu fornicaria, jure novo *Concilii Trident. Sess. 24. c. 5. de reform. matr.* dirimit matrimonium tantum usque ad secundum gradum inclusive, ut dictum *Tit. præced. n. 21.*

XXX. Porro si matrimonium intra quartum affinitatis gradum contractum fuerit, illud dissolvi debere, & sic contrahentes ab invicem separandos esse, ne in peccato persistant, statuitur quoque in c. *Ex litteris. 1. h. 1.* Nam cum aliquis viduam quandam secretò subtrahisset per annuli immisionem, & eam carnaliter cognovisset, & postea vellent, in conspectu Ecclesiæ, cum illa contrahere matrimonium: duo proposuerunt, quòd eam habere non possit in uxorem, eò quòd priorem virum contingat quarto gradu consanguinitatis, unusque ex illis juravit, se ita audivisse: alter vero id juramento confirmare noluit: & sic publicè contraxerunt. Postmodum alii duo venerunt, & jurarunt, quòd primus vir isti supersititi fuit quinto consanguinitatis gradu conjunctus. Con-sultus Papa Alexander III. mandavit Abbati Cassensi, ut utramque partem vocet, & testes jurare faciat coram se. Et si per testes idoneos, & omni exceptione majores constiterit, quòd primus vir viro supersititi quarto gradu consanguinitatis fuerit conjunctus, illos debeat per sententiam divortii ab invicem separare, quia (ut Canones dicunt locis supra allegatis) æque abstinendum est à consanguineis uxoris, ut à propriis. Additur in fine, quòd causæ matrimoniales non sunt tractandæ per quoslibet, sed per Judices discretos (eosque Ecclesiasticos, juxta *Concil. Trident. Sess. 24. Can. 12. de Sacram. matr.*) qui potestatem habeant judicandi, & statuta Canonum sciant.

XXXI. Notandum 1. Et si ad impediendum matrimonium contrahendum ad plenam probationem sufficiat unicus testis, c. *Super eo. 22. de testib. & c. Præterea. 12. de sponsal.* quia agitur de peccato vitando; at vero ad dissolvendum matrimonium contractum, duo testes requiruntur, quia est causa gravissima, in eaque de magno præjudicio agitur; admittuntur tamen in testes etiam parentes, & consanguinei, si agatur de dissolvendo matrimonio ob consanguinitatem, quia hi melius adiciunt parentellam, *Saneh. l. 2. dist. 45. n. 30. & 31.* Sed de hoc plura infra *Tit. 18.*

Notandum 2. Impedimentum etiam ad matrimonium non contrahendum non probatur sufficienter per unum testem de auditu, & alterum non juratum, quia majorem fidem facit sola fama, vel unus testis juratus, quam duo testes, quorum unus deponit de auditu, & alter, sine juramento, ad impedendum matrimonium contrahendum, *Abb. hic. n. 3.* Item testes in causa matrimoniali debent esse jurati, etiamsi agatur ad matrimonium solum impedendum, & omni exceptione majores, ut dicitur in hoc cap. quales dicuntur, qui non possunt repelli per exceptionem aliquam, *Gl. hic V. Majores, Abb. hic. n. 4. & 5.* Quin etiam quando agitur ad impedendum, vel dirimendum matrimonium, iidem possunt esse simul accusatores, & testes, idque ratione peccati; & quia non agitur de commodo accusatoris, vel incommodo accusati, tunc enim prohibentur iidem esse accusatores simul, & testes, c. *Nullus, 2. caus. 4. q. 4. c. In omni. 4. de testib. Abb. hic. n. 6.*

Notandum 3. Qui vult cognoscere, & definire causas matrimoniales, debet habere potestatem judicandi, & non ignorare Canones, ut habetur in textu. Unde *Hosienf. hic V. Discretos*, arguit quosdam Theologos, qui dicunt, quod Ecclesia DEI possit regi per solam, & puram Theologiam.

XXXII. ASSERTIO 2. Probabilius est, matrimonium in primo gradu affinitatis lineæ rectæ, esse jure naturæ irritum, nempe inter vitricum, & privignam, novercam, & privignum: focerum & nurum: locrum, & generum, *Silvest. V. Matrimonium. 8. dicto 6. Covarr. in 4. Decret. p. 2. c. 6. §. 10. n. 8.* ubi id tradit de noverca, *Coning. dif. 32. de Sacram. dub. 4. n. 53. Tanner. tom. 4. dif. 8. q. 4. dub. 7. n. 123. Laym. l. 5. tr. 10. p. 4. c. 6. n. 5.* licet *Sanch. l. 7. de matr. dif. 66. n. 7.* contrariam sententiam teneat tanquam probabiliotem. Sed prior probatur 1. quia *Gen. 49.* Jacob, etiam ante legem Moisaicam, maledixit Ruben primogenito suo, eo quod violasset torum paternum, dormiendi cum uxore patris sui, idque non ob solam injuriam illatam patri, ut putat *Sanch. c. l. n. 9.* sed etiam ob incestum. 2. *Amos c. 2.* graviter exprobratur Israël, quod filius, & pater ejus iuvenerint ad puellam, nempe eandem, ut violarent nomen Sanctum DEI, reddendo scilicet illud detestabile; qui enim sic peccant, exponunt nomen Domini infamiae, & ludibrio gentium, quæ talem libidinem abominantur, ut explicant ibi Interpretes. 3. Apostolus 1. ad Cor. 5. ait: *Audistis inter vos fornicatio, & talis fornicatio, qualis nec inter gentes, ita ut uxorem patris sui aliquis habeat.* Neque verò ibi loquitur Apostolus de uxore patris adhuc viventis, cum magis id factum exaggerare videatur, propter extraordinariæ libidinis turpitudinem, ut notat *Coning. c. l. num. 51.* Similiter *Gen. c. 18.* prohibetur concubitus cum uxore patris sui, & c. 20. eod. fornicatio cum noverca sua, numeratur inter gravissima scelera, & jubetur morte puniri, quæ talis naturæ repugnans. Unde etiam omnes gentes bene institutæ talia matrimonia semper sunt detestatur, ut colligitur ex l. *Liberi. 4. C. de nupt. & l. ult. §. Noverca. ff. De condiç. sine caus.* ubi *Gl. ait*, quod tale matrimonium prohibeatur Jure naturali, & Civili. Ratio est, quia vir, & uxor per copulam conjugalem fiunt veluti una caro, unde vitricus est quasi pater privi-

gnæ, & noverca quasi mater privigni; Ideoque eis pariter reverentia debetur à privignis, quæ debetur naturalibus parentibus. Eademque est ratio foceti, & foceræ, respectu quorum gener & nurus quasi filiorum loco censentur, ut de nuru habetur in c. *Si viri 15. caus. 35. q. 3.* Idque confirmatur, quia Ecclesia nunquam solet in primo gradu affinitatis lineæ rectæ dispensare. Neque obstat, quod privignus non acceperit esse naturale per generationem à noverca, nec privigna à vitrico, in qua sola fundatur reverentia debita à filiis parentibus, ut arguit *Sanch. cit. dif. 66. n. 7.* quia satis est, quod noverca facta est per copulam conjugalem una caro cum ejus patre, à quo accepit esse naturale privignus per generationem. Vel quod privignus, respectu vitrici, genitus sit ab illa, quæ est una caro facta cum vitrico.

Porro quod dicitur esse matrimonium in primo gradu lineæ rectæ, ob affinitatem, jure naturæ esse irritum, id limitari debet, nisi tale matrimonium esset necessarium ad propagandum, & conservandum genus humanum, *Laym. c. l.*

XXXIII. Autem, spectato jure naturali, oriatur affinitas ex copula etiam fornicaria, non conveniunt DD. Affirmat *Coning. cit. dif. 32. dub. 4. n. 49.* quia indecens videtur, etiam seculo Jure Ecclesiastico, concubinam patris sui ducere in uxorem, quod etiam prohibitum reperitur in l. *Liberi. 4. C. de nupt.* quia tota ratio, ab quam contrahitur affinitas inter aliquos, est, quia per copulam carnalem fiunt una caro: hoc autem etiam verè, & propriè efficitur per copulam fornicariam, juxta illud *Apost. 1. Cor. 6. Qui adheret meretrici* (scilicet per fornicationem, de qua ibi est sermo) *unum corpus efficitur cum ea, & erunt duo in carne una*, ut ibi additur; ergo etiam hæc copula naturaliter inducit affinitatem, licet id negent *Navarr. l. 4. consil. 12. n. 3. h. 1. & Sanch. l. 7. de matr. dif. 65. n. 9.* nempe ex copula fornicaria, ullam affinitatem contrahi, spectato jure naturæ, & seculo Jure Canonico, & consequenter si quis tempore infidelitatis fornicatus fuit cum Titia, & postea fuit baptizatus, non prohibetur ducere in uxorem filiam, vel sororem ejusdem Titiz, cum nulla affinitas fuerit contracta ante Baptismum.

Verum in hac re dicendum videtur, quod spectato jure naturali, ac gentium, ex copula illicita oriatur quidem aliqua affinitas etiam ante Baptismum, sed non tam perfecta, sicut ex copula conjugali, neque tam efficax, ut impediatur matrimonium, quominus validè contrahi possit. Quare gentilis, ante Baptismum susceptum, validè contrahere potest, & ob causam justam etiam licitè cum filia, vel sorore mulieris, cum qua est fornicatus, neque postea baptizatus separari ab ea debet, quia ante Baptismum gentiles non sunt subiecti Ecclesiæ legibus, & matrimonium semel validè contractum, per Baptismum non dissolvitur, *Coning. cit. dif. 32. dub. 4. n. 57. Laym. cit. c. 6. n. 6.* Addit tamen *Coning. quod affinitas contracta à gentili, ante Baptismum, etiam ex copula fornicaria, pertineat post Baptismum susceptum, & impediatur, ne jam baptizatus matrimonium cum tali contrahere possit, ac si post Baptismum contracta fuisset, quia gentilis, post Baptismum, jam legibus Ecclesiæ est subiectus.*

XXXIV. ASSERTIO 3. Quamvis matrimo-

nium

nium in primo gradu affinitatis lineæ transverse naturalium aliquam indecentiam præferat, ut si quis ducat uxorem fratris defuncti, vel sororem uxoris mortuæ: non tamen tantam, ut etiam irritum sit iure naturali matrimonium contractum, ita ut ex iusta causa cohonestari non possit, præsertim accedente publicâ auctoritate Superioris. Est communis sententia apud Covarr. in 4. Decret. p. 2. c. 6. §. 10. n. 7. & segg. & Sanch. l. 7. de matr. dis. 66. n. 11. Prior pars colligitur ex c. Levitici. 18. ubi dicitur: turpitudinem uxoris fratris tui non revelabis, quia turpius fratri tui est, quasi dicat, indecens est carnaliter coniungi cum uxore fratris, propter conjunctionem, & reverentiam erga fratrem. Altera pars probatur exemplis S. Scripturæ, quia in Veteri Testamento Patriarcha Jacob accepit duas forores in uxores, Rachel & Liam, Gen. 29. Et Judas dedit eidem mulieri Thamar uxorem primogeniti sui filium Onan in vicem defuncti, sine liberis, Gen. 38. quæ tamen in S. Scriptura non reprehenduntur, & Deuteronomio. c. 25. præcipitur univertim, ut frater ducat uxorem fratris sui defuncti sine liberis, & suscitet semen fratris sui. Idque etiam probatur ex c. ult. de divorci, ubi permittitur, ut infideles, qui in infidelitate contraxerant cum relictis uxoribus fratris, ad fidem conversi, in eo matrimonio permaneant, cum tamen separandi forent, si tale matrimonium iure naturæ esset invalidum.

Idque probatur etiam auctoritate Ecclesiæ, quæ in eodem gradu primo lineæ transverse sæpius dispensavit. Nam Alexander VI. dispensavit cum Rege Lusitanie: Julius II. cum Catharina vidua Regis Angliæ, ut nuberet ejus fratri Henrico VIII. quam dispensationem fuisse legitimam, consultis celeberrimis Universitatibus, & accuratissimâ deliberatione prius habita, declaravit postea Clemens VII. in speciali Bulla. Unde ortum est infelicitissimum illud schisma, per quod Regnum Angliæ ab Ecclesia Romana, & Catholica desivit. Item Clemens VIII. dispensavit cum Rege Poloniæ, ut duceret sororem uxoris suæ defunctæ. Ratio est, quia non est tanta necessitudo, & conjunctio tam arcta inter tales affines, ut iure naturali matrimonium irritare debeat: neque etiam subest propinquum periculum fornicationis inter illas personas, cum simul cohabitare non soleant, tanquam ab eisdem parentibus educandi, sed cum uxoribus domicilium paternum mutant. Nec obstat, quod D. Joan. Baptista Math. c. 14. & Marti. 6. reprehendit Herodem ab uxore Herodiadem uxorem fratris sui: quia is adhuc vivebat, ut testatur D. Thom. in eum locum. Vel si jam fuit mortuus, adhuc non licuit Herodi uxorem fratris sui ducere, ob legem Judaicam, cui subditus erat Herodes, quippe filius Judæ, id prohibentem, ut constat ex c. 18. Levit. nisi quando frater suscitaverat semen fratris mortui: nam lex Judaica nondum expiraverat, ante mortem Christi Cap. verò penult. de divorci. loquitur de gradibus consanguinitatis, Sanch. cit. dis. 66.

num. 12.



§. III.

Utrum affinitas superveniens dissolvat sponsalia de futuro, & an infideles coniuncti in gradu iure Canonico prohibito, post Baptismum, debeat separari?

XXXV. De prioræ quæstione agitur in c. Super eo. 2. h. 1. Nam cum quidam juvenis puellam quandam nondum nubilem, fide interpositâ, desponsasset, ea nubilus facta, eum repetiit: sed ille excepit, dicens, se non posse illam ducere, eò quod, postquam eandem puellam desponsavit (per verba de futuro, Gl. hic V. Affidavit.) carnaliter propinquam ejusdem cognovit. Respondet Papa Urbanus III. si manifestum sit, juvenem illum cognovisse consanguineam prædictæ: vel si non sit manifestum, fama tamen loci id habeat, cum esset sponsa de futuro, dictum juvenem ab ejus impetitione debere absolvi.

XXXVI. Notandum 1. Sponsa potest repetere sponsum, & compellere ad contrahendum matrimonium, & implendam promissionem suam, & vicissim sponsum sponsam, uti sumitur ex hoc cap. Abb. hic n. 2.

Notandum 2. Sola fama facit plenam probationem ad impediendum matrimonium contrahendum, sine alia probatione impedimenti, Covarr. in Decret. p. 2. c. 6. §. 10. n. 20. Et quanvis in hoc capitulum sit sermo de impedimento affinitatis, idem tamen dicendum est de omni alio impedimento, quia eadem ratio: nam tunc agitur de modico præjudicio, cum sponsa possit matrimonium contrahere cum aliis, maxime quando agitur de periculo animarum vitando, ne forte peccatam incurrat contrahendo cum affine, vel aliis impedito: tunc enim fama habetur pro sufficiente probatione, Secus est, si ageretur de magno præjudicio, nempe de matrimonio jam contracto dissolvendo: tunc enim sola fama non sufficit ad probationem c. Si duo. 4. caus. 35. q. 6. Abb. hic n. 4.

Notandum 3. Sola fama de impedimento v. g. affinitatis, impedit matrimonium contrahendum, & dissolvit sponsalia prædicta, quamvis iuramento sint confirmata, quia in hoc cap. dicitur, famam impedire matrimonium contrahendum, fide datâ, ubi Gl. V. Fide datâ, ait, id est, iuramento. Nec obstat, quod in c. Cum in tua. 27. de sponsal. ultra personam fide dignam requiritur fama, quia sponsalia jurata erant: nam ibi requiritur fama, quia testis ille non deponebat in forma testimonii, sed tantum denuntiavit impedimentum, & sic non fuit testis omnino integer, Abb. hic n. 7. & Alex. de Novo n. 9. Sanch. l. 1. de spons. dis. 71. n. 14. & videri possunt, quæ de hoc dicta sunt supra Tit. 1. n. 155. & seg.

Notandum 4. Manifestum hic non accipitur pro notorio, ut putat Gl. hic V. Manifestum, quasi non sufficiat manifestum esse impedimentum, sed plura se continet manifestum, quam fama, si ergo hæc sola per se sufficit ad probationem impedimenti, ergo etiam manifestum, Abb. hic n. 6.

XXXVII. De posteriore questione agitur in
 « c. De infidelibus. 4. h. t. Ubi consultus Pontifex
 « Innocentius III. de infidelibus, aut Judæis ad fi-
 « dem conversis, utrum si contraxerunt matrimo-
 « nium, secundum Veteris Legis statuta, in gradu
 « consanguinitatis (vel affinitatis) à Jure Canonico
 « prohibitis, post susceptum Baptismum, debeant
 « separari? Respondet Papa, matrimonium sic con-
 « tractum non esse separandum, quia Dominus à
 « Judæis requisitus, an liceret ipsis uxorem ex qua-
 « cunque causa dimittere, respondit: *quid Deus con-*
 « *junxit, homo non separat*: per hoc innuens esse ma-
 « trimonium inter eos.

XXXVIII. Notandum 1. Matrimonium Ju-
 dæorum, vel aliorum infidelium, etiamsi contra-
 ctum sit in gradu prohibito Jure Canonico, est vali-
 dum, quia infideles, sicut & Judæi, non ligantur Ca-
 nonicis Sanctionibus; cum sint extra Ecclesiam.
 Quare si alter conjux, vel uterque postea Baptis-
 mum suscipiat, non ob id dissolvitur matrimonium
 prius legitime contractum, quia per Sacramentum
 Baptismi non dissolvuntur conjugia, sed crimina
 dimittuntur, *Abb. hic n. 2. & 3.*

Notandum 2. Matrimonium infidelium est ve-
 rum, ac legitimum matrimonium: nam etsi inter
 eos non possit consistere matrimonium, quatenus
 est Sacramentum, quia cum non sint baptizati, non
 sunt capaces Sacramenti: potest tamen inter eos con-
 sistere matrimonium, quatenus est contractus natu-
 ralis, & civilis, instar aliorum contractuum: non
 est tamen ita perfectum matrimonium, sicut inter
 fideles; quia matrimonium inter hos contractum
 est Sacramentum Novæ Legis, gratiamque confert,
 & si sit consummatum, nunquam dissolvi potest,
 quoad vinculum, nisi per conversionem alterius
 conjugis ad fidem, de quo plura infra *Tit. 19.* Tunc
 autem infidelium matrimonium est validum, quan-
 do inter ipsos conjuges nullum est impedimentum
 juris naturalis, *Sanct. l. 7. dis. 73. n. 2. & 3.*

XXXIX. Porro contra hoc, quod in fine huius
 cap. dicitur esse matrimonium inter Judæos, ob-
 jicit *Gl. fin. hic.* Matrimonium est maris, ac femi-
 næ conjunctio, individuum vitæ consuetudinem re-
 tinentes, *caus. 27. q. 2. in princ. c. Illud. 11. de præ-*
sumpt. sed Judæi, si contrahunt matrimonium, pos-
 sunt ab invicem separari, dato libello repudii, ergo
 non est inter illos matrimonium. Et respondet, si
 Judæus matrimonium contrahat cum Judæa, eo pa-
 cto expresse adjecto, ut dare ei liceat libellum repu-
 dii, secundum ritum Judæorum, tale matrimonium
 est invalidum, quia continet pactum contra substan-
 tiam matrimonii, nempe quod possit dissolvi vincu-
 lum matrimonii, nec jure iure, cum jam extra con-
 troversiam sit, eam legem non excusare à culpa, nec
 dare licentiam contrahendi aliud matrimonium,
 prout ipse Christus declaravit *Matth. c. 19. & Marc.*
10. Covarr. in 4. Decret. p. 2. c. 3. §. 1. n. 5. Sanct. l. 5.
de matr. dis. 12. n. 3. ubi addit, idem dicendum esse
 de aliis infidelibus, quibus nunquam licuit dare li-
 bellum repudii: quamvis *Abb. hic n. 6.* & alii qui-
 dam Canonistæ dicant, matrimonium tali pa-
 cto initum valere, sed prius est tenendum.

§. IV.

Qua pœna sit contrahentium matri-
monium in gradu consanguinita-
tis, vel affinitatis pro-
hibito?

XL. De hoc agitur in *Clement. Eos, qui unic. h. t.*
 ubi statuitur: Eos, qui scienter in gradibus con-
 sanguinitatis, & affinitatis Constitutione Cano-
 nica interdictis cum Monialibus contrahere non
 verentur (ubi comprehenduntur ambo contra-
 hentes) nec non Religiosos, ac Clericos in Sacris
 Ordinibus constitutos matrimonia contrahentes,
 excommunicationis sententia, ipso facto, subja-
 cere: & præcipitur in super Ecclesiasticum Prælati,
 ut illos, quos constituerit sic contraxisse, excom-
 municatos publicè denuntient, vel à suis subditis
 faciant denuntiari, ut evitentur, & separentur
 ab invicem, donec suum agnoscentes errorem ab-
 solutionem obtineant: aliis pœnis contra sic con-
 trahentes Jure decretis in suo robore perman-
 furis.

XLI. Pro declaratione hujus Constitutionis
 notandum 1. Tria personarum genera excommuni-
 cantur in hac Clement. Primò, qui scienter matri-
 monium contrahunt prohibito Jure Canonico,
 scilicet in quarto gradu, vel ceteriore consanguini-
 tatis, vel affinitatis, juxta c. *Non debet. 8. h. t.* Ex-
 communicantur autem non solum masculi, sed
 etiam feminae, quia genus masculinum femininum
 sexum comprehendit, etiam in pœnalibus, quan-
 do quoad utrumque eadem viget prohibitionis ra-
 tio, ut probatur ex *l. si quis. 7. ff. de juri d. omni. iud.*
Barb. in Collect. hic n. 3. Secundò excommunican-
 tur Religiosi, & Moniales contrahentes matrimo-
 nium sacrilegum. Tertio Clerici in Sacris Ordini-
 bus constituti sacrilegè matrimonium contrahen-
 tes, *Sanct. l. 7. de matr. dis. 48. n. 1.*

XLII. Notandum 2. Excommunicationem
 quoque incurrunt in cit. *Clement. un. §. Nec non*, non
 tantum Religiosi expressè, vel tacitè professi, qui
 matrimonium contrahunt: sed etiam alii veti, &
 propriè dicti Religiosi, ut qui in Societate Jesu tria
 vota substantialia Religionis emiserunt, licet sim-
 plicia tantum, adeoque professi non sint, si post
 biennium Novitiatus, ante legitimam absolutio-
 nem à votis, matrimonium contrahant, juxta Bul-
 lam Gregorii XIII. quæ incipit, *Ascendente Domino*,
Sanct. libr. 7. de matr. dis. 48. n. 17. Item Moniales
 professæ incurrunt hanc excommunicationem, cui-
 cunque nubant, sicut & illi, qui illas sacrilegè acci-
 piunt in uxores. Si verò alia femina non Monia-
 lis nubat professo, vel Clerico in Sacris Ordinibus
 constituto, hi soli excommunicationem incurrunt:
 nam in cit. *Clement. unic.* excommunicantur in pri-
 mis Moniales, & cum eis contrahentes: at verò post-
 ea quando est sermo de matrimonio inito à professo, vel
 Clerico in Sacris Ordinibus constituto, soli hi
 excommunicantur, nulla facta mentione de mulie-
 ribus ab eis ductis, *Sanct. cit. dis. 48. n. 2.* & alii apud
 ipsum.

XLIII. Notandum 3. Mandantes verò, vel consulentes, aut adjuvantes ad huiusmodi sacrilegum matrimonium ineundum, non ligantur excommunicatione decretâ in *Clement. unic. c. 1. s. quia in hac soli ineuntes matrimonium excommunicantur*, tunc autem non comprehenduntur, qui mandant, vel consilium, auxilium, aut favorem præstant, ex communiore, & veriore sententia apud *Sanch. c. l. n. 3.* Quare nec Procurator, per quem contrahitur matrimonium, nec parentes, qui nomine filiorum consensum in matrimonium exprimunt, excommunicantur, quia hi omnes non verè contrahunt matrimonium, sed solum sunt instrumentum eorum, qui verè contrahunt: neque etiam incurrunt excommunicationem decretam in *c. Nuper. 29. & c. Si consuebinæ. §. 1. de sent. excomm.* latam in omnes participantes in crimine, ob quod alter excommunicatur, ut bene offendit *Sanch. c. l. n. 3.* Imò neque Patochus, qui auctoritatem præstat, assistendo matrimonio, & coniungendo illud ineuntes, ob rationem jam datam, quia in dictâ Clem. soli ineuntes matrimonium excommunicantur, *Sanch. c. l. n. 4. Suar. cit. dif. 23. scilicet. §. n. 23.*

XLIV. Notandum 4. Ad incurrendam hanc excommunicationem, requiritur 1. ut matrimonium sit contractum, licet non sit consummatum, quia in *cir. Clement.* non ponitur copula incestuosa, sed solum contractus matrimonii, qui quoad essentiam suam perfectus est, etiam si per copulam non sit consummatum, quia nuptias non concubitus, sed consensus facit, *Reg. Iur. 30. in ff. Gl. hic V. Contrahere, Sanch. c. l. n. 5. & 6.* Unde neque incurritur hæc excommunicatio per sponsalia de futuro tantum contracta, quia etsi interdictum matrimonio, censetur quoque interdicta sponsalia, *l. Oratio. 16. ff. De sponsal. At pœna imposita contrahentibus matrimonium non extenditur ad contrahentes solum sponsalia, cum pœnæ non sint extendendæ, Gl. hic V. Contrahere.* Excipitur, nisi post sponsalia secuta fuerit copula affectu conjugali: tunc enim illa de iure antiquo transibant in matrimonium, *c. 15. qui. 30. supr. de sponsal.* quod tamen post Concilium Tridentinum *sess. 24. c. 1. de reform. matr.* non amplius habet locum, & consequenter hæc excommunicatio jam non incurritur, quia sponsalia talia manent nuda sponsalia etiam post copulam, *Sanch. cit. libr. 7. dif. 48. n. 7.* apud quem plura de hac re videri possunt.

XLV. Secunda conditio requisita est, ut contrahatur matrimonium cum impedimento consanguinitatis, vel affinitatis in gradibus Lege Canonica interdictis, ut habetur in *cir. Clement. unic.* Hinc inferitur 1. non incurrere hanc excommunicationem, si ineat matrimonium cum infideli, cognati legali, vel spirituali, vel cum impedimento publicæ honestatis, vel quocunque alio dirimente, sed solum in impedimentis hic expressis, videlicet consanguinitatis, & affinitatis, solemnisi voti professionis in Religione, aut Sacri Ordinis, de quibus solis in *cir. Clement. un.* sit mentio, quæ cum sit penalis, non est extendenda, *Sanch. c. l. n. 14.* Inferitur 2. Matrimonium contrahentes per metum cadentem in virum constantem in casibus hic prohibitis, non ineidunt in excommunicationem, quia matrimonium est nullum, tum ob defectum plenè liberi consensûs, *c. Cum*

locum. 14. de sponsal. & matr. tum etiam quia Ecclesiæ non punit tam gravi censurâ gravi metu compulsam ad contrahendum matrimonium, *Abb. hic n. 5. Sanch. cit. dif. 48. n. 12.* Inferitur 3. Non incurrere, si cum legitima dispensatione, adeoque licite sit initum matrimonium inter consanguineos, & affines, quia tunc cessat culpa, ergo & pœna, *Gl. hic V. Eos, qui. Sanch. c. l. n. 16.* Inferitur 4. Si quis putans falsò subesse impedimentum consanguinitatis, vel affinitatis, vel solemnisi professionis, ineat matrimonium, quod tamen revera non subest, non incurrit excommunicationem, quia revera non contrahit cum tali impedimento, neque in *cir. Clement.* puniuntur prava voluntas, opere non subsecuto, sicut si quis percussit Petrum falsò putans illum esse Clericum, non ligatur excommunicatione, *Sanch. c. l. n. 18.*

Porro si quis contrahat matrimonium cum consanguinea in gradu Lege Divinâ, & naturali prohibito, incurritur excommunicatio, quia etsi id non exprimitur in *cir. Clement. unic.* Constitutio tamen pœnalis comprehendit casum omnino similem, in quo eadem, imò major est ratio prohibitionis, qualis hic est, si matrimonium sit contractum cum impedimento consanguinitatis, vel affinitatis lege naturali interdicto, ut cum matre, vel sorore, *Gl. hic V. Canonica.* quamvis etiam dici possit, quòd lex Canonica prohibens inter consanguineos matrimonium usque ad quartum gradum linearum transverſæ, *c. Non debet. 8. h. 1.* comprehendit etiam primum gradum, qui lege naturali est vetitus, ut inter fratrem, & sororem, utpote qui intra quartum gradum continetur, adeoque etiam ille verè est Lege Canonica interdictus, *Sanch. cit. dif. 48. n. 15.*

XLVI. Tertia conditio requisita ad incurrendam hanc excommunicationem in *cir. Clement. unic.* est, ut scienter tale matrimonium ineat: unde si ignoranter sit initum cum prædictis impedimentis, ea non incurritur, quia in *cir. Clement.* expresse exigitur, ut matrimonium scienter contrahatur cum impedimento consanguinitatis, & affinitatis, vel cum Moniali.

Circa quam conditionem dubitatur 1. Qualis ignorantia excuset ab hac excommunicatione incurrenda? Plures dicunt excusare probabilem ignorantiam facti, sed non juris, quia hæc non excusatur, juxta *Reg. Iur. 13. in 6.* Sed verius est excusare ignorantiam etiam culpabilem, non solum facti, sed etiam juris, imò & crassam, dummodò non sit affectata, quia hæc æquiparatur scientiæ, qualem habent illi, qui scire nolunt, quod scire deberent, ut liberior peccent, juxta illud *Pl. 35. Noluit intelligere, et bene ageret.* Ratio est, quia in *cir. Clement. unic.* exigitur, ut scienter ineat in matrimonium: & quociescunque scientia requiritur ad incurrendam aliquam pœnam, exigitur dolus, & mala fides, *l. Sed etsi. 25. §. Scire. ff. de petit. hered.* ubi expresse dicitur, non solum, qui factum nescit, sed etiam qui in jure erravit, contrare dolo, idèbque non omnino scienter fecisse, *Nauvarr. in Man. c. 27. n. 141. Covarr. in Epit. l. 4. Decret. p. 2. c. 6. n. 21. Sanch. cit. dif. 48. n. 19. Suar. cit. dif. 23. de cens. sec. §. n. 13. & 14. & alii apud eisdem.* Quod si alter ex consanguineis, vel affinis, vel Monialis scivit impedimentum, alter verò contrahens ignoravit, v. g. in tali gradu interdictum esse matri-

matrimonium, incurreret excommunicationem sciens, non item ignorans, quia in sciente reperiuntur omnes conditiones requisitæ ad illam incurrendam, *Gl. hic V. Et Moniales, Sanch. c. l. n. 19. Suar. cit. sec. 5. num. 16.*

XLVII. Dubitatur 2. An si quis ignorans, & bonâ fide contraxit matrimonium cum consanguinea, vel affine, & postea conscius impedimenti nihilominus ei cohabitaret, & utatur conjugio, hanc excommunicationem incurrat? Resp. non incurrere, *Gl. hic V. Scienter. Vers. Sed quid si.* Ratio est, quia in *cit. Clement. unic.* non punitur omnis incestus, vel incestuosa cohabitatio, sed solus contractus matrimonii, hic autem non fit novus contractus, & per priorem non fuit incurta excommunicationis, excusante ab illa ignorantia, *Suar. cit. dif. 23. sec. 5. n. 11. Sanch. cit. dif. 48. n. 20.* Sed neque incurrunt excommunicationem, etiamsi postea inter ambas copula sit habita affectu maritali, quia licet ante Concilium Tridentinum per talem copulam contractum fuerit, & perfectum matrimonium: non tamen nunc post Concilium, quia id jam cessavit, ac proinde hodie per talem cohabitacionem, vel copulam etiam maritali affectu habitam, non perficitur matrimonium prius ignoranter contractum, adeoque nec incurritur hæc excommunicatio, *Sanch. c. l. n. 20.*

XLVIII. Dubitatur 3. An non solum in primis tribus casibus positis in *princip. cit. Clement. unic.* excommunicati sint ipso jure, qui scienter cum consanguinea, vel affine, vel Moniali matrimonium contrahunt: sed etiam in posterioribus tribus casibus, si Religiosi, Moniales, vel Clerici in Sacris Ordinibus constituti scienter matrimonium contrahunt, similiter sint excommunicati? Ratio dubitandi est, quia in primis tribus casibus solum apponitur particula *scienter*, quæ tamen in posterioribus tribus casibus non repetitur. Sed ratio diversitas est, quia licet quis possit ignorare an cum consanguinea, vel affine, vel Moniali contrahat matrimonium, quia impedimentum provenit ex conditione alterius personæ, cum qua contrahitur matrimonium. In aliis verò posterioribus casibus non habet locum talis ignorantia; nequit enim quis ignorare proprium statum, quia tunc impedimentum consistit in conditione ipsiusmet contrahentis, scilicet quod sit Religiosus, vel Monialis, vel Clericus in Sacris Ordinibus constitutus, & ipse est, qui excommunicatur, si matrimonium contrahat, *Gl. in cit. Clem. un. V. Contrahentes, Sanch. cit. dif. 48. n. ult. Suar. cit. dif. 23. sec. 5. n. 15.* ubi ait, hanc esse communem sententiam. Verùm si adesset in hoc casu probabilis ignorantia, ut si quis initiatus fuisset Sacris Ordinibus in amentia, vel dormiens, excusaretur ab excommunicatione talis contrahens matrimonium, ut addit *Gl. cit.*

Postremo prædictis addendum, quod absolutio ab hac excommunicatione sit reservata Episcopo, ut habetur hic in fine *junct. Gl. V. Obtinere.* Deinde per prædicta aliis iuribus, quæ sic contrahentibus alias penas imponunt, minimè derogatur, quæ allegantur à *Gl. hic V. Juribus* in fine.

SECTIO III.

DE DISPENSATIONE IN IMPEDIMENTIS CONSANGUINITATIS, & AFFINITATIS DIRIMENTIBUS MATRIMONIUM, & DE IMPEDIMENTO PUBLICÆ HONESTATIS.

§. I.

Quousque S. Pontifex dispensare possit in gradibus consanguinitatis, & affinitatis?

XLIX. Generalim loquendo, potest Summus Pontifex dispensare in omnibus gradibus consanguinitatis, vel affinitatis jure Ecclesiastico, seu Canonico solum prohibitis, & dirimentibus matrimonium, ut patet ex dictis supra *Tit. 1. hoc libro n. 169.* Hinc inferitur 1. quod possit Pontifex dispensare in omnibus gradibus consanguinitatis lineæ transversæ etiam in secundo, solo primo excepto, inter fratres, & sorores. Neque verò obstat, quod aliqui gradus consanguinitatis, vel affinitatis etiam lineæ transversæ, sint Divinâ Lege prohibiti, ut colligitur ex *Levir. c. 18.* ubi generaliter dicitur: *omnis homo ad proximam sanguinis sui non accedat, & revelet turpitudinem ejus:* at verò in gradibus Divinâ Lege prohibitis dispensari non potest, ut habetur in *c. Litteras. 13. §. Opinioni. de restit. sponsat.* Nam hoc non debet intelligi de gradibus prohibitis antiquâ Lege Mosaicâ, quæ jam est abolita, sed de gradibus Divinâ Lege naturalis prohibitis, juxta *Gl. ibid. V. Divinâ Lege*, videlicet inter patrem & filium, matrem & filium, & secundum probabiliorem sententiam, inter fratres, & sorores, eisi enim certum non sit, an hoc matrimonium irritum sit jure naturali: quia tamen id est valde probabile; ideo Ecclesia non solet unquam in illo dispensare, *Laym. cit. c. 6. n. 4. in fine.*

Porro quamvis Concilium Trident. *Sess. 24. c. 5. de reform. matr. in fine* decernat, ut in secundo gradu nunquam dispenseretur, nisi inter magnos Principes, & ob publicam causam, ibi tamen nomine magnorum Principum, secundum *Sanch. l. 8. dif. 19. n. 2.* intelliguntur etiam, & comprehenduntur Magnates, sive magni Domini Titulares, vel magni Nobiles, qui degunt in aliquo potentatu, seu Baronia, & *Laym. l. 5. tr. 10. p. 4. c. 6. n. 8.* Quia etiam solet S. Pontifex ex benignitate dispensare interdum cum personis inferioris conditionis ob causam urgentem etiam privatam, cum Concilii Trident. Decretum ipsum Pontificem non possit astringere, *Sanch. c. l. n. 4.* Ubi alias etiam causas recenset, ut quia jam matrimonium contractum fuit inter aliquos ignorantes tam rigida prohibitionem, vel proles jam fuscipere fuit, vel ob scandalum, quod ex separatione oriretur, vel ob pauperatam puellæ, quam patruelis vult ducere, & honestè dotare &c.

L. Inferitur 2. Potest etiam S. Pontifex dispensare in omnibus gradibus affinitatis lineæ transversæ, v. g. ut quis ducat sororem, vel consobrinam, vel materteram uxoris defunctæ. In affinitate verò or-

ta ex copula fornicatia, probabile est, dispensari posse etiam in primo gradu lineæ rectæ, ut si quis ob urgentem causam ducat filiam mulieris, cum qua fornicatus est, ut ex Rebello docet *Loym. c. l.*

Inferitur 3. Difficilius dispensatur super impedimento consanguinitatis, quam super impedimento affinitatis in simili gradu, *Sanch. l. 8. dis. 19. n. 7. & Loym. cit. c. 6. n. 10.* Ratio est, quia major est cōjunctio inter consanguineos, quam inter affines: nam cōjunctio consanguinitatis est prior, & magis per se, & veluti mensura affinitatis; hæc enim oritur ex eo, quodd vir, & mulier per copulam carnalem fiunt veluti una caro, ideoque omnes consanguinei unius conjugis, v. g. viri, fiunt affines alterius conjugis, sive mulieris in eodem gradu, in quo sunt consanguinei viri, ac proinde affinitas contrahitur ex consanguinitate velur priore, & radice illius. Neque obstat, quodd in *c. Equaliter. 13. caus. 35. q. 3. & c. 1. b. t.* dicitur, quodd æquè abstinendum sit à consanguineis uxoris, sicut à propriis. Nam id intelligendum est, non de omnimoda æqualitate, sed de similitudinaria, quia sicut prohibitum est contrahere matrimonium viro cum propriis consanguineis, intra certos gradus, ita similiter cum consanguineis uxoris, etsi magis cum propriis, & vice versâ. Denique quodd propinquior est gradus consanguinitatis, vel affinitatis, eod urgentior causa exigitur ad dispensandum, quia est strictius impedimentum, & vinculum, & major causa requiritur, ut dispensetur in linea recta, quam in transversa, *Sanch. c. l. n. 7.*

§. II.

An in dispensatione aliquibus concessa in linea collateralis inæquali, attendendus sit, & exprimendus gradus consanguinitatis, vel affinitatis remotior, an verò propinquior?

LL. De hac re agitur in *c. Quod dilecto. 3. h. t.* Ubi consultus fuit Clemens III. utrum vir, qui à communi stipite per lineam descendente[m] sexto, vel septimo gradu distat, possit mulieri, quæ ex altera parte per lineam descendente[m] ab eodem stipite, secundo, vel tertio gradu distat, matrimonio copulari, quia Legatus Sedis Apostolicæ permisit hominibus illius Terræ, ut in sexto gradu possint matrimonialiter conjungi (*c. fin. h. t.*). Idque videtur fieri posse, secundum regulam illam: *Quoro gradu quis distat à stipite, tanto distat à quolibet per aliam lineam descendente[m] ab eodem stipite.* Etsi in colore illius Terræ ex consuetudine recepta (propter eum, qui est in proximior gradu à stipite, *Gl. hic v. Proximior*) sic conjunctos separent, & volentes copulari prohibeant. Rescribit Pontifex, indulgentiam illam Legati sic intelligendam esse, quodd uterque eorum, qui conjungendi sunt, distet à stipite sexto gradu: si verò alter sexto, vel septimo gradu distet à stipite, alter autem secundo, vel tertio, conjungi non debent: ideoque con-

sultius esse, ut hæc in parte multitudini, & observatz hæcenus consuetudini deferatur, quam ut aliud, cum scandalo populi, & quadam novitate statuetur.

LLI. Pro explicatione hujus cap. notandum 1. Si dispensatio concedatur duobus consanguineis, ut contrahere possint matrimonium in sexto gradu aliis prohibito; tunc spectato Jure communi Canonico, si existunt in linea collateralis inæquali, & unus distat à communi stipite, seu parente in sexto, vel septimo gradu; alter verò in secundo, vel tertio gradu, ut in casu hujus cap. (idemque esset hodierno jure, si unus in tertio, vel quarto, alter verò in secundo, vel tertio gradu esset) tum computatio graduum fieri debet à remotiore; & attendi, ac exprimi debet gradus remotior, juxta *c. ult. h. t.* nisi aliud sit consuetudine introductum: tunc enim computatio fieri debet à propinquiore, & attendi, ac exprimi debet gradus propinquior stipiti, juxta præfens cap. ubi ita dictum fuit, ratione consuetudinis, quæ in eo loco vigeat, ex cujus violatione scandalum in populo oriebatur, vel timebatur, *Gl. hic v. Uterque. Covarr. im 4. Decret. p. 2. c. 6. §. 10. n. 12. Sanch. l. 8. de matrim. dis. 1. n. 33.* & alij apud ipsam. Quare remotâ hæc consuetudine, verisimiliter S. Pontifex respondisset, secundum regulam expressam in hoc cap. 3. & *c. fin. eod.* videlicet quodd quando dispensatur cum duobus consanguineis, ad contrahendum matrimonium, quorum unus est in remotiore gradu, alter in propinquiore, tunc remotior gradu, favore matrimonij trahit ad se proximior gradus: & quo gradu remotior distat à communi stipite, eodem distat à cognato, qui est propinquior communi stipiti, & illum in eodem secum gradu collocat: & ita satis esse videtur, ut remotioris tantum gradus mentio fiat, *Covarr. c. l. n. 12.*

LLII. Notandum 2. Antiqua consuetudo, quæ non est reprobata à Jure, si sit contraria Juri communi, vel indulgentiæ, aut dispensationi Principis, & ex ejus transgressione generaret scandalum populi, servanda est: sicut enim consuetudo interpretatur legem, *c. Cum dilectus. 8. de consuet.* ita etiam interpretatur indulgentiam, seu privilegium Principis, *Gl. hic v. Observata, & Abb. n. 3. præsertim* ne scandalum generetur.

Notandum 3. Quando in hoc cap. fit mentio de sexto, vel septimo gradu, id intelligi debet, secundum antiquos Canones, quibus interdictum erat matrimonium usque ad septimum gradum, *c. 1. c. De consanguinitate. 17. & c. Nulli. 19. caus. 35. q. 3.* non verò secundum Jus recentius, quo tres posteriores sunt sublati per *c. Non debet. 8. h. t.* nihilominus tamen hodie adhuc locum habet dispositio hujus cap. ita ut ex dispensatione Papæ distantes in tertio, & quarto gradu, possint inter se matrimonium contrahere, *Abb. hic in fine.*

Notandum 4. Legatus Papæ, etiam de latere, non potest dispensare in gradibus consanguinitatis, vel affinitatis Jure Canonico prohibitis, sicut nec in aliis impedimentis matrimonialibus, quia circa dispensationes, ea solum potest in Provincia sibi commissâ, quæ potest Episcopus in sua Diocesi: nam cum Legatus, etiam de latere, sit inferior Papâ, nec generaliter, nec specialiter potest in his impedimen-

tis dispensare, nisi in speciali casu, ob causam urgentem, si non esset recursus ad Papam, & impedimentum sit occultum, *Sanch. l. 8. de matr. disp. 6. n. 15. & alij apud ipsum.* Unde dispensatio in hoc cap. facta est à Legato ex speciali commissione Papæ, aliàs non tenuisset, *Gl. hic V. Indulgentiam.*

LIV. Ex dictis colligitur 1. quamvis vi consuetudinis, non possint matrimonium inter se contrahere, quos lex Pontificia prohibet matrimonio copulari, c. *Quod super. §. h. t. in fine*: potest tamen vi consuetudinis, à laicis, vel laicis, inducitur prohiberi, ne inter aliquas personas contrahatur matrimonium, ob evitandum scandalum, quamvis illi aliàs ad matrimonium habiles, & legiimi fotent, juxta c. 3. *h. t.* non ex eo, quòd consuetudo prohibere possit matrimonium inter eos, quibus id Canones permittunt: sed quia cum scandalo Canones contrahere matrimonium non sinunt, *Covarr. cit. c. 6. §. 10. n. 18.*

Colligitur 2. Quando duo distant in diverso gradu consanguinitatis, vel affinitatis à communi stipite, in linea transversa inæquali, & propinquior distet in primo gradu ab eodem stipite, tunc exprimenda est talis propinquitas, aliàs dispensatio erit subreptitia. Ut si vir velit ducere filiam avi, aut proavi sui, vel defunctæ uxoris suæ: vel mulier nubere velit filio avi, aut proavi sui, vel defuncti mariti sui, quia Pius V. in Bulla, quæ incipit, *Ascendens per quamdam* anno 1566. die 26. Augusti, edita, declarat, non esse mentem Pontificis in ejusmodi gradibus dispensare, nisi exprimat, quia hæc matrimonia continent singularem indecentiam, ob reverentiam, quæ hujusmodi personis debetur, sedè similiter, ac parentibus, *Coning. disp. 33. de Sacram. dub. 6. n. 72. Laym. cit. c. 6. n. 9.* In aliis verò gradibus remotioribus, attenditur gradus remotior, & trahit ad se propinquiorem, juxta cit. Bullam Pij V. idè quod sufficit exprimere remotiorem, obtentis tamen postea super propinquiore gradu litteris declaratoriis, *Fagn. in c. ult. n. 4. §. h. t. ubi n. 8.* addit, quòd gradus primus, non autem remotior attenditur, quoad obtinendam dispensationem matrimonialem; non autem quoad inducendum impedimentum consanguinitatis, vel affinitatis, aut publicæ honestatis; tunc enim non attenditur primus gradus, sed remotior, ut suprà dictum.

LV. Ubi præterea addendum, si graduum inæqualitas oriatur ex eo, quòd femina, quæ in uxorem ducenda est, sit stipiti propinquior, id quoque exprimendum est, aliàs dispensatio est subreptitia, ut si sit amita, vel matertera viri, quia tunc rursus videtur contrahi matrimonium, si femina, cui consobrinus, seu nepos ex fratre, vel sorore reverentiam deberet, ratione matrimonii inter eos initi, eidem nepoti subiecta esse deberet, *Sanch. lib. 8. disp. 24. n. 12.* ubi tamen n. 13. ait, in affinitate, aut publicâ honestate, hanc propinquitatem cum stipite non esse necessariam exprimere, sed satis esse inæqualitatem gradus exprimi, *Laym. c. l.*

**



§. III.

An dispensatio obtenta à Papa contrahendi matrimonium inter consanguineos, in gradu prohibito, valeat, si in ea falsa causa sit expressa?

LVI. De hac re agitur in c. *Quia circa. 6. h. t.* Ubi talis casus proponitur secundum unum intellectum, seu expositionem. Cum quidam Nobilis contraxisset matrimonium cum quadam muliere, quæ ipsum contingerat quinto gradu consanguinitatis, de qua filiam unicam suscepit, sed postea ipsa filia mortua est: post cujus mortem, Nobilis ille supplicabat Papæ Innocentio III. ut favore filiz, quam de illa muliere suscepit, simul remanere, & cohabitare possint, quod Papa concessit, & sic allegatâ causâ falsâ, Papa dispensavit, cum tamen jam ante dispensationem obtentam, unica filia ex illis genita fuerit mortua. Consultus ab Episcopo loci, quid hoc casu sit faciendum? Responder Papa, dictos conjuges non esse separandos, sed posse Episcopum dissimulare, ut remaneant, & cohabitent simul in tali matrimonio, non obstante, quòd falsa causa fuerit allegata, cum ex separatione talis matrimonii grave scandalum imminere videatur.

LVII. Duplex est intellectus, sive expositio hujus cap. apud Interpretes circa verba illa Pontificis: *dissimulare poteris, ut remaneant in copula sic contracta, cum ex separatione, sicut asseris, grave videas scandalum imminere.* Prior est eorum, qui ita intelligunt, ut per dissimulationem illam Pontificis dispensatio inducatur, ratione cujus conjuges illi simul manere possunt in priore matrimonio, quod invalidum erat, sed fuit cum illis dispensatum. Nec obstat. Cum jam dudum. 18. de præbend. ex quo constat, dissimulationem Principis non inducere dispensationem: nam hoc verù est, quando Princeps de facto tantum aliquid toletat, non puniendo illud; tunc enim per talem tolerantiam non inducitur dispensatio, ut in cit. c. *Cum jam dudum*: aliud est, si verbis exprimat Princeps, se hoc, vel illud tolerare, tunc enim dispensat, juxta cit. c. *Quia circa.* Et ita exponit hoc cap. *Gloss. hic V. Falsa nobis causa, Abb. hic n. 5. & alii communiter.* Sed hæc expositio non videtur bona, quia hic solum dicitur, Episcopum dissimulare posse, ut tales remaneant in tali matrimonio per dispensationem subreptitiam contracto, si ex separatione grave imminet scandalum; ergo Papa non dispensat. Deinde etiam dissimulatio illa vim dispensationis habuisset, ut conjuges illi licetè permanerent in tali matrimonio, debuissent aliud matrimonium per novum consensum utriusque inter se inire, quia ad ratificandum matrimonium invalidum, ob impedimentum dirimens, si impetretur impedimenti dispensatio, requiritur, ut novus utriusque contrahentis consensus accedat: quia cum prior consensus fuerit ex parte utriusque contrahentis invalidus, & illegitimus, quippe præstitus super materia inhabili, de-

uno uterque renovandus erat, ut docet *Sanch. l. 2. de matr. dis. 35. n. 2. & dis. 38. n. 12.*

L VIII. Altera expositio hujus cap. est, quod conjuges, bonâ fide, existimabant, se legitime matrimonio conjunctos esse, & ex veritate detectâ timebatur grave scandalum: quare Pontifex ait, tacendum, & dissimulandum esse: illôque in matrimonio illo putativo, & ob invincibilem ignorantiam excusato permittendos esse, *Covarr. in 4. Decret. p. 2. c. 6. §. 10. n. 13. Sanch. cit. dis. 38. n. 12.* quæ expositio videtur magis congruere litteræ ipsius textûs, in quo de dispensatione nihil agitur, vel exprimitur, sed tantum dissimulandum esse dicitur, ut illi peritaneant in priore matrimonio.

L IX. Verum quia prior expositio est communior, nempe non valere dispensationem obtentam à Papa super matrimonio inter consanguineos contracto, si in ea falsa causa sit expressa, nisi Papa eam confirmet, prout communiter sumatur hoc capideò secundum hanc expositionem, notandum 1. Veritas narratorum considerata est, secundum tempus datæ, & impetratæ dispensationis: non enim sufficit, narrata prius fuisse vera, vel post impetrationem ratificari, *Abb. hic n. 4. & Alex. de Nevo n. 4.* nam iste impetrans habuerat filium, sed non habebat eam, tempore impetratæ dispensationis, quia tunc jam mortua erat, & ideo dispensatio fuit inbrepticia, & nullas posito ergo, quod verba illa *disimulare poteris*, habeant vim dispensationis: dispensatio autem ob expressam falsam causam, & matrimonium inde contractum non valet, stolidum foret dicere, ut manerent in adulterio, *Innoc. hic in fine.* Unde verba illa *disimulare poteris*, quæ habent vim dispensationis, sic exponenda sunt: ex certa scientia, & de nostra licentia, quam auctoritate presentium damus, & sic quod nullum eras, roboramus: nam cum inbreptio, cum expressione causæ falsæ, vitiet dispensationem ipso facto, c. 2. de fals. *Presby. ubi* dicitur, dispensationem impetratam per subreptionem commissam in tacendo verum, esse ipso jure nullam, multo magis erit nulla, si fuerit nulla dispensatio, per subreptionem commissam, exprimendo falsum, quia detestabilius esse falsum exprimere, quam verum tacere, *Abb. hic n. 4. Fagn. hic n. 2. 3. & 4.*

Notandum 2. Dux sunt causæ dispensandi in matrimonio contracto in gradu Jure Canonico prohibito. Prima est, si ex matrimonio sic contracto proles sit superstes; tunc enim in tali matrimonio favore filiorum, dispensatur. Altera causa est, propter scandalum vitandum, & ob hanc causam dispensatur, non tantum super matrimonio jam contracto, sed etiam super eo contrahendo, quia propter scandalum receditur à dispositione Jutis positivi. Item propter bonum pacis futurum quotidie dispensat Papa inter consanguineos, vel affines, *Abb. in cit. c. Quia circa, num. 2. Alex. de Nevo num. 2.*

§. IV.

De impedimento publicæ honestatis orto ex matrimonio rato, & nondum consummato.

Duplex est impedimentum publicæ honestatis, *TOMAS IV.*

unum, quod provenit ex sponsalibus de futuro, de quo actum suprâ *Tit. 1. sec. 1. §. 6. n. 31.* & pluribus seqq. Alterum est impedimentum publicæ honestatis, quod est quædam quasi affinitas, & oritur ex matrimonio rato, & non consummato, & de hoc agitur in præsentî.

L X. ASSERTIO 1. Ex matrimonio rato, & nondum consummato oritur impedimentum publicæ honestatis dirimens, etiam hodie post Concilium Tridentinum, matrimonium cum alterius conjugis consanguineis, usque ad quartum gradum inclusivè, *Sanch. l. 7. de matr. dis. 70. n. 1.* quia Concilium in hoc Juri antiquo nihil derogavit, ut expressè declaravit Pius V. in Bulla, quæ incipit, *Ad Romanum*, edita anno 1568, die 21. Julii. Et quamvis in Jure Canonico non sit textus expressus hæc de re, colligitur tamen ex illo argumento deducto à fortiori, seu à majore, si enim ex sponsalibus oritur impedimentum publicæ honestatis, multo magis oriatur ex matrimonio rato, quod est fortius vinculum, & majorem conjunctionem, ac necessitudinem importat, cum vera, & propriè dicta affinitas consurgere non possit, quippe quæ non contrahitur, nisi per copulam carnalem, eamque consummaram, & perfectam, ut suprâ dictum, *Sanch. cit. dis. 70. n. 1.* Verum *Coning dis. 32. de Sacram. dub. 5. n. 58.* putat, esse expressum Jus, quo probetur, hoc impedimentum nasci ex matrimonio rato, eò quod c. *Si quis uxorem. 14. & c. Si quis de sponserit. 15. caus. 27. q. 2.* loquantur tam de desponsante, per verba scilicet de præsentî, quàm de subarrhante contrahendo sponsalia, quæ duo ibi apertè distinguuntur.

L XI. ASSERTIO 2. Hoc impedimentum publicæ honestatis etiam hodie oritur ex matrimonio rato, & nondum consummato, usque ad quartum gradum inclusivè, etiamsi illud irritum fuerit ex quacunque causa: quia etsi Concilium Tridentinum *Sess. 24. c. 3. de reform. matr.* correxisset quoad hoc Jus antiquum in sponsalibus de futuro: non autem in matrimonio sic, ut præsertur, contracto: sed in eodur ad hæc impedimentum hoc in omnibus illis casibus, & gradibus, quibus de Jure Veteti, antè prædictum Decretum Concilii, introductum erat, ut expressè constat ex Motu proprio Pij V. suprâ citato, & habetur apud *Sanch. l. 7. dis. 70. n. 5.* ac proinde à sponsalibus de futuro ad matrimonium ratum extendi non debet ejus correctio. Idque declaravit etiâ S. Congregatio Cardinalium apud *So. Gallenart in cit. c. 3. Concil. Trident. ubi n. 1.* ait: hoc impedimentum intelligitur etiam in sponsalibus de futuro: scilicet est, si matrimonium fuisset contractum per verba de præsentî, ut declaravit Pius V. & n. 3. in fine ait: *Ex matrimonio contracto per verba de præsentî etiam non consummato oritur affinitas, vel impedimentum justitiæ publicæ honestatis, estque fortius, & majus vinculum, quàm impedimentum justitiæ publicæ honestatis ex sponsalibus de futuro.*

L XII. Hinc inferitur 1. Quamvis *Navar. in man. c. 22. n. 58. & Covarr. in 4. Decret. p. 2. c. 6. §. 2. n. 2.* asserant, ob paritatem rationis etiam correctionem Concilii Tridentini à sponsalibus irritis extendi ad matrimonium irritum, ita ut hodie non contrahatur impedimentum publicæ honestatis ex matrimonio invalido ex alia causa, quàm ex defe-

Et consensus, quam sententiam probabilem censet *Tanner. tom. 4. dis. 8. q. 4. dub. 6. n. 112.* quia cum hoc sit correctum per Concilium in sponalibus irritis, videtur quoque in matrimonio rato irritum id esse correctum; quandoquidem & olim impedimentum illud in hoc casu non nisi ex eo colligebatur, quod de sponalibus in simili erat constitutum in *c. un. de spon. sal. in 6.* Veruntamen certissimum est, ut ait *Sanch. l. 7. de matr. dis. 70. n. 5.* id non esse correctum, adeoque ex matrimonio rato irritum ex quacunque causa, præterquam ob defectum consensus oriri hoc impedimentum, ut constat ex Bulla Pij V. *supr. cit.* & hinc non oritur hoc impedimentum, si matrimonium sit irritum ob metum cadentem in virum constantem, adeoque ob defectum liberi consensus: vel ob errorem personæ, quia etiam est nullum ex defectu consensus, *Sanch. c. l. n. 9. & 10.*

Inferitur 2. Nec oritur hoc impedimentum, quando matrimonium est clandestinum, quia deest præsentia Parochi, & duplicis testis; nam tale matrimonium non habet formam, & figuram matrimonii, quæ post Concilium Tridentinum est consensus præstitus coram Parocho, & testibus, & secundum probabiliorem sententiam, nec vim sponsalium habet, *Sanch. cit. loc. n. 13.*

Inferitur 3. Si Titius inuit sponalia cum Caja, cum qua postea Sempronius frater Titii matrimonio de præsentì contraxit, non tamen consummavit, matrimonium hoc posterius Caje cum Sempronio est irritum, ob impedimentum publicæ honestatis, ex prioribus sponalibus cum Titio fratre ortum. Ex quamvis matrimonium irritum inducat impedimentum matrimonii validè contrahendi

ex patte utriusque conjugis, intra quattuor gradus non tamen inducit impedimentum publicæ honestatis cum sponso, cui prius fides data est, adeoque Titius poterit adhuc Cajam ducere (quamvis non teneatur, cum hæc fidem sponsalium frigerit) licet alius consanguineus Sempronii eam ducere non posset: quia posterior desponsatio de præsentì non habet vim quasi reciprocæ irritandi præcedentia sponsalia, per quæ infirmatum fuit posterius matrimonium, *Sanch. l. 7. dis. 68. n. ult.* Quod si Sempronius frater Titii postea cum Caja matrimonium consummasset, cum neutra posset illud validè contrahere: non cum priore, ob impedimentum affinitatis consurgens ex copulâ cum sorore habitâ: non cum posteriore, ob impedimentum publicæ honestatis ex sponalibus validè contractis cum ejus sorore, *Sanch. cit. dis. 68. n. 24. Tanner. cit. dub. 6. n. ult.*

Inferitur 4. Si Petrus absolute sibi desponsavit Annam, & postea carnaliter cognoscat sororem ejus Barbaram, neutram potest ducere in uxorem; non primam, ob impedimentum publicæ honestatis: non secundam, propter impedimentum contractæ affinitatis cum Barbara. Similiter si Titius fornicatus est cum Caja, & postea sponsalia contraxit cum Seja sorore ejus, neutram habere potest, ob prædicta utraque impedimenta. An autem ex matrimonio rato inito sub conditione de futuro honesta, & contingenti, oriatur hoc impedimentum, tradit *Sanch. libr. 7. de matr. dis. 70. n. 20.* Porro utrumque impedimentum publicæ honestatis ortum, sive ex sponalibus, sive ex matrimonio rato, & non consummato Jure solum humano est introductum.

T I T V L V S XV.

DE FRIGIDIS, ET MALEFICIATIS, ET IMPOTENTIA COEUNDI.

I.

Ro explicatione Rubricæ hujus Tituli notandum 1. impotentia alia est ad proles generationem, quæ si sola sit, matrimonium non impedit, nec dirimit. Alia verò est impotentia ad copulam carnalem perfectam, per quam scilicet cum penetratione vas fœminæ, intra illud semen immittitur: sive ea impotentia proveniat ex causa naturali, & intrinseca, ut frigidity in viro, aut etiam nimia caliditate (ob quam, vel omnino seminare non possit, vel non possit penetrare vas fœmineum, & in illud semen immittere: vel nimis propter e-mittat semen, extra vas muliebre) vel id ex ætitudine fœminæ proveniat, ob quam non possit semen intra vas recipere: sive impotentia talis proveniat ex causa extrinseca, & accidentaria, v. g. morbo: vel proveniat ex maleficio diabolico, quod utrique sexui commune esse potest, aut ex castratione, quæ viris est peculiaris, *Sanch. l. 7. de matrim. dis. 91. num. 1.*

Notandum 2. Impotentia hæc ad copulam carnalem, alia est perpetua, alia temporalis. Perpe-

tua dicitur, quæ arte medicâ, aut sine miraculo, vel per consuetos Ecclesiæ Exorcismos, vel sine peccato, ut per illicitam incantationem, vel sine gravi periculo vitæ, aut etiam sine damno corporis alterius, tolli non potest, adeoque censetur curari non posse. Temporalis impotentia est, quæ sine peccato, aut gravi periculo, seu damno corporis, per licita, & ordinaria remedia, naturalia, vel spiritalia tolli potest, ut colligitur ex *c. Fraternitatis. 6. ibi: præter divinum miraculum, per opus humanum, absque corporis periculo removeri potest. h. t.* Rursus impotentia perpetua, alia est absoluta, quæ respectu cujusvis personæ impedit copulam carnalem: alia respectiva, quæ tantum respectu certæ personæ impedit, qualis communiter est in maleficiatis, vel respectu hujus, aut illius tantum, vel aliquorum similium, *Sanch. c. l.* Denique alia impotentia ad copulam præcedit matrimonium, alia sequitur, & super-venit.

§. I.

Quinam sint impotentes ad matrimonium contrahendum, vel non?

II. De his agit in t. *Quod Sedem. 2. h. 1. Ubi* generatim dicitur: sicut puer, qui non potest reddere debitum (conjugale) non est aptus conjugio: sic qui impotentes sunt (ad copulam carnalem) minimè apti sunt ad contrahendum matrimonium. Ubi notandum 1. Varii sunt modi impotentiae ad copulam, tam ex parte viri, quam mulieris. Nam primò quædam est simpliciter talis, ut notat *Tanner. tom. 4. dif. 8. q. 4. dub. 8. n. 133.* rum ex parte viri, quando intra vas naturale mulieris seminare non potest, licet forè id perenniter valeat, ut sit quandoque in spadonibus, & Evnu-
chis; vel etiam extra illud, sine penetratione semen emittere: tum etiam ex parte mulieris, si tam arcta sit, ut semen virile nullo modo possit recipere. Alia est impotentia secundùm quid, quando vir ob debilitatem non potest penetrare vas naturale feminae, licet post apertum claustrum virgine, in eo possit seminare: ex parte feminae verò, quando seminare non valet, vel ob ejus arctitudinem à viro deflorari non potest, licet ea alioquin apta sit ad concubitum cum viro. Aliqui tamen aliter hanc utramque impotentiam explicant.

Notandum 2. Impotentia ex parte causæ, ex qua oritur, est triplex, quædam oritur ex naturali constitutione, seu complexionem, quæ in viris propriè dicitur frigidas, & in feminis arctitudo: quædam provenit ex accidente extrinseco, nempe per sectionem, vel abscissionem membrorum genitalium, vel ex maleficio Diabolico, *Tanner. c. l. num. 135.*

III. Hinc sequitur 1. Evnuchos, seu spadones, qui à natura carent utroque testiculo, & castrati, qui ex accidente habent hoc vitium, non posse validè contrahere matrimonium, quia non possunt emittere verum semen, pro quo citatur propria Bulla Sixti V. anno 1587. edita, apud *Sanch. l. 7. de matr. dif. 92. n. 17.* Neque etiam satisfacere possunt finis secundario matrimonii, qui est remedium concupiscentiæ, quia hoc est finis matrimonii habitum non per quamvis copulam, sed per copulam suapte naturâ aptam ad generationem.

Sequitur 2. Hermaphroditos validè contrahere posse matrimonium, ita ut in quibus prævaleat sexus virilis, cum feminis: in quibus sexus femineus, tum viris contrahere possint, quia sunt verè potentes ad usum matrimonii, & matrimonium, juxta alium sexum, contrahunt jure naturæ irritum foret, quia inter personas ejusdem sexus initum esset; si enim prævaleat sexus femineus, reputatur femina, & tamen ducit feminam, ac si vir esset: & si prævaleat sexus virilis, reputatur vir, & tamen instat feminae nubit viro, *Sanch. l. 7. dif. 106. n. 4. & 5.* Quod si uterque sexus in hermaphrodito est æqualis; tunc talis æquè vir, ac mulier est judicandus, cum nulla ratio urgeat, ob quam magis hujus, quam illius sexus esse censetur. Quare tunc eligere por-

est, juxta qualem sexum matrimonio jungi velit, num tanquam vir, an tanquam femina, quæ electione semel factâ, non potest postea altero sexu uti, *Sanch. c. l. n. 1.* Judicium verò, quis sexus prævaleat, est penes Matronas peritas, vel Medicos, *Sanch. c. l. num. 2.*

IV. Sequitur 3. Senes etiam decrepitos posse inire matrimonium, si nullo alio impedimento, præter senectutem, laborent, tum quia possunt exercere perfectum actum conjugalem, & verum semen emittere intra vas, etsi per accidens impeditum, & infecundum: tum quia defectus caloris potest arte medicâ in iis subinde restaurari, ita ut etiam prolem interdum suscipiant: tum denique quia id satis usus probat Ecclesiæ admittentis senes passim ad matrimonia ineunda, idque in humanitatis solatium, c. *Nuptiarum. 41. caus. 27. q. 1. Sanch. l. 7. dif. 92. n. 19.* ubi tamen n. 24. id limitat, nisi senes sint adeo exhausti, ut omnino impotentes sint ad habendam copulam, nec judicio Medicorum juvari possint, cum nihil referat, siue ex natura, siue ex accidente, impotentia perpetua confurgat, tales enim non possunt ad copulam sibi impossibilem obligari.

Sequitur 4. Steriles quoque validè contrahere matrimonium, ut probat etiam usus Ecclesiæ in senibus, quorum semen est ut plurimum sterile. Ratio est, quia licet tale matrimonium frustretur fine primario, qui est prolis generatio, adhuc ramen obtinet finem secundarium, qui est remedium concupiscentiæ, interveniente verâ copulâ, *Sanch. c. l. num. 26.*

V. Sequitur 5. Mulieres, quæ non possunt parere, sine vitæ periculo, vel nonnisi sætorem, tum, validè contrahere matrimonium, si aliâ aptæ sint ad copulam, quia adest obligatio, & traditio potestatis corporum ad copulam perfectam, adeoque tota essentia matrimonii. Et quamvis mulieri scienti hunc defectum in patiendo illicitum sit nubere, ob vitæ periculum, quod vitare tenetur, si commode potest (nisi graves pateretur tentationes carnis, præsertim cum periculo iis succumbendi, *Coning. dif. 31. de Sacram. dub. 7. n. 86.*) non tamen ideo irritum est matrimonium, quia satis est, copulam secundùm se, & suapte naturâ esse licitam, tametsi ex aliquo accidente fiat illicita, ut pater in eo, qui voto castitatis ligatus contrahit matrimonium, *Sanch. cit. dif. 92. n. 28.* ubi tamen etiam oppositam sententiam fatetur probabilem. Neque tali casu sit injuria proli, quæ mortua edenda putatur, quia hoc est præter intentionem conjugum, quæ jure suo utuntur, *Coning. c. l. n. 85.*

VI. Sequitur 6. Etiam in articulo mortis constitutum posse contrahere matrimonium, quia potentia generandi adhuc perseverat, etsi sit pro hoc tempore per accidens impedita, ut in actum deduci non possit. Idque confirmatur ex usu Ecclesiæ, quæ permittit, ut quis in hoc articulo ducat concubinam: & quia propositum evitandæ generationem, & debitum non reddendi non irritat matrimonium, si in pactum non deducatur, *Sanch. l. 7. dif. 105. n. 3.*

§. II.

An, & qualis impotentia cōeundi dirimat matrimonium?

VII. **ASSERTIO I.** Impotentia perpetua ad copulam, & generalis respectu omnium, quæ arte medicâ, sine miraculo, aut peccato, aut gravi corporis periculo, vel damno, tolli non potest, sive ex natura, sive ex alia extrinseca causa oriatur, si præcedat matrimonium, ditimit illud jure naturæ, *Sanch. l. 7. de matr. dis. 92. n. 2. & dis. 98. n. 2.* Ratio est, quia de intrinseca ratione, & essentia matrimonii est obligatio, seu traditio potestatis corporis ad usum, seu copulam conjugalem, at qui absolute, & perpetuo impotens est ad copulam, non potest se obligare ad dandum, vel tradendum corpus potens ad copulam, impossibile enim nulla est obligatio, *Reg. 185. ff. de R. Jur. & nemo potest alteri tradere potestatem ejus rei, quam nullo modo habet, Reg. Jur. 80. in 6.* quæ ratio etiam probat, per hujusmodi impotentiam ad copulam, jure naturali dirimi matrimonium.

VIII. Potro quod dictum est, impotentiam perpetuam ad copulam conjugalem dirimere matrimonium subsequens, id extenditur, ut procedat, sive ea perpetua impotentia in contrahentibus cognita fuerit, sive ignorata, ita ut in utroque casu matrimonium sit irritum, quia ea conjunctio repugnat mutux corporum traditioni ad usum conjugalem, in quo essentia matrimonii consistit, cum enim usus ille sit impossibilis, non potest dari obligatio ad illum, ex vetustissima sententia apud *Sanch. l. 7. de matr. dis. 97. n. 2.* Et hinc si quis scienter contrahat matrimonium cum muliere arcta, vel aliâ impotente ad copulam, separari quidem non debent, matrimonium tamen irritum est, prout statuitur in *c. Consultationi. 4. h. t.* Ubi cum Lucius III. consultus fuisset, utrum si fœminæ clausæ, sive impotentes, ut commiseri maritis nequeant, possint matrimonium contrahere? Respondet Papa, quod licet videatur incredibile, quod aliquis cum talibus contrahat matrimonium, Ecclesia tamen Romana consuevit in similibus judicare, ut si non possint eas habere ut uxores, habeant ut sorores.

IX. Notandum I. Impotentia perpetua utriusque conjugis nota dirimit matrimonium cum omnino impotente ad copulam, quia non potest consistere validum matrimonium, quando cessat causa institutionis matrimonii, eò quod nec propter spem proliis, nec ad evitandam fornicationem, potest dici tale matrimonium contrahi; idèoque si potens, qui prius scienter cum impotente contraxit matrimonium, postea contrahat cum alia, hoc cum secunda initium tenet, quia prius ipso jure nullum fuit, non obstante obligatione ad cohabitandum cum prima, tanquam cum sorore: sicut qui contraxit sponsalia cum minore septennio, licet sit obligatus expectare, donec pervenerit ad majorem ætatem, seu pubertatem, si tamen cum aliâ matrimonium init, hoc tenet, *c. De illis. 7. de despons. impub.* Præterea tenetur is, qui scienter contraxit matrimonium cum impotente, semper illam alere. Quod si

periculum sit fornicationis, ex parte potentis, potest Ecclesia illi date licentiam cum alia contrahendi matrimonium, cum prius matrimonium non fuerit validum, ita tamen ut obligatus sit subministrare priori impotenti necessaria alimenta, *Abb. hic n. 2. Alex. de Nevo n. 2. & 3.*

Notandum 2. Quando in hoc cap. dicitur, ut tales, quas non possunt habere tanquam uxores, habeant ut sorores; id ita intelligendum est, quod castè vivere debent simul commorando, tanquam frater, & soror, abstinere ab omni carnali commercio, seu opere, sicut veri conjuges possunt promittere continentiam, & sic simul commorari, quod verum est, quando quis scienter contrahit cum impotente: sed si ignoranter, quia tunc non tenetur illam habere sororis loco, sed licet potest petere separationem matrimonii, saltem quoad totum, ut docent communiter DD. apud *Alex. de Nevo hic n. 2. & 3.*

X. **ASSERTIO 2.** Impotentia perpetua, sed respectiva tantum ditimit matrimonium cum iis, respectu quorum est, non autem respectu aliorum, *Sanch. l. 7. de matr. dis. 93. n. 3.* Ratio est, quia matrimonium respicit individuum, & determinatam personam, cum qua matrimonium in eundem est: si ergo quis respectu hujus, vel illius personæ sit impotens, respectu aliarum verò potens, non erit possibilibus obligatio ad copulam cum hac, vel illâ certâ personâ, erit verò possibilibus cum aliis; ergo non poterit contrahere matrimonium cum illâ certâ personâ, poterit verò cum aliis, respectu quorum nulla est ratio dirimendi illud.

XI. **ASSERTIO 3.** Temporalis impotentia, quæ per licita, & ordinata media, sive spiritualia, sive naturalia, tolli potest, non ditimit matrimonium subsequens, *c. Fraternitatis. 6. Vers. Quamvis igitur. h. t. Tann. cit. dis. 8. q. 4. dub. 8. n. 140.* Ratio est, quia tales non sunt absolute impotentes ad actum conjugalem, ad quem se mediâ obligant, sed tantum ad tempus, ergo possunt in ordine ad illum actum, potestatem sui corporis tradere: & quamvis omnino, ac perpetuo inhabilis ad solvendum, sit etiam inhabilis ad promittendum: potest tamen, qui in præsentî solvendo non est, ad solvendum se obligare, si spes sit fore in futuro solvendo.

XII. **ASSERTIO 4.** Si mulier, quæ cum perpetua impotentia contraxit matrimonium, postea per miraculum sanetur, matrimonium prius nihilominus est irritum, nisi per novum consensum cum illâ denuo contrahat. Aliud est, si mulier per maleficiû sit reddita impotens, & per ordinarios Ecclesiæ Exorcismos, postea sanctur: nam hoc ipso tunc apparet, temporalem tantum fuisse impotentiam, & matrimonium ab initio fuisse validum, *Laym. l. 5. tit. 10. p. 4. c. 11. n. 2.*

§. III.

Referuntur, & explicantur varii casus in specie, in quibus propter impotentiam cōeundi, matrimonium dissolvitur, vel separatur, aut non separatur.

XIII. De his agit in pluribus capitulis hujus Tituli.

Tituli. Et in primis in c. *Accepisti*. l. h. t. refertur, quòd cum quidam accepisset aliquam in uxorem, eique per mensem, vel per tres, vel etiam per annum cohabitasset, asseruit, se frigiditate naturæ impediri, quominus possit illam, vel aliam mulierem cognoscere, ideòque petebat se ab illa separari. Unde hic statuitur, quòd si ipsa mulier idem affirmat, idque probari potest per rectum, & verum iudicium (quod quale sit, infra dicitur) statim à se invicem separari debent, ita tamen ut si vir aliam postea in uxorem duxerit, reus sit perjurii (quia vinculum matrimonii Jure Divino est indissolubile, *Matth. c. 19.*) & ad priorem uxorem, post peractam pœnitentiam, redire debeat. Si verò ipsa prior uxor post annum, & dimidium, ad Episcopum, vel ejus Missum, sive Officiale provocavit, dicens, quòd eam vir suus non cognoscere potuit: hic verò id neget, & contrarium asserat, ei credendum est, cum sit Caput mulieris, cur enim ipsa tamdiu tacuit, cum facile, & intra breve tempus, scire potuerit, an sit aptus ad copulam. Porro si prior uxor ab initio post mensem, vel duos, proclamavit ad Episcopum, dicens virum esse frigidum, seu impotentem, idque probari possit per rectum iudicium, separari potest, ipsæque si velit, alteri nubere.

XIV. Pro declaratione hujus cap. notandum 1. Vir potest proclamare, & petere separationem matrimonii, propter impedimentum impotentie, etiam ex sua persona proveniens, interest enim sui, ut separatur, si non est verum matrimonium inter eos, ne teneatur ad onera matrimonii, *Alex. de Novo hic num. 1.*

Notandum 2. Si mulier fateatur impedimentum impotentie, & vir neget, nec illa ab initio proclamavit contra mulierem, non est audienda, sed fides habenda viro asserenti, se consummâsse matrimonium, prout sumitur ex hoc cap. ubi duplex ratio redditur, quia tunc duæ præsumptiones concurrunt contra mulierem, una, èd quòd tardè proclamavit: altera, quia vir, qui ejus caput est, affirmat, se illam cognovisse, ideòque ipsi potiùs credendum, *Abb. hic n. 5. & Alex. de Novo n. 7. in fine, Sanch. l. 7. de matr. dif. 109. n. 2.*

Notandum 3. Si mulier, quæ tempore matrimonii virgo erat, statim, id est, post mensem, vel bimestre, reclamet, allegando impotentiam viri, audiri debet, quamvis vir illum neget, & si illa probetur per rectum iudicium, dissolvitur matrimonium, prout expressè habetur in *cir. c. 1. h. t. Sanch. c. l. n. 16.* quæ ex infra dicendis magis patebunt.

Notandum 4. Soli confessioni mariti, & uxoris asserenti impotentiam non statim, nec creditur contra matrimonium, sed alia probatio requiritur, ut possit fieri separatio, *Alex. de Novo hic n. 3.* de quo infra. Ratio est, quia dissolutio matrimonii semel contracti non pendet ex voluntate contrahentium: creditur autem viro, & mulieri, si stent, seu confiteantur pro matrimonio inter se contracto, c. 2. de clandest. despons.

Neque verò obstat, quod in c. *Laudabilem*. §. h. t. ad cognoscendam frigiditatem requiritur triennium cohabitationis inter conjuges, quo transacto, per justum iudicium separatur matrimonium: in hoc au-

tem c. separatio fieri potest, vel statim, vel non multò post. Nam prius cap. loquitur de casu, quo nulla extant signa urgentia frigiditatis in viro; tunc enim opus est triennii cohabitationis inter conjuges; at verò quando præter confessionem conjugum, ad sunt urgentia indicia frigiditatis, tunc possunt conjuges statim, ante lapsum triennii, à se invicem separari, dummodo juramento suo, & propinquorum id confirmet, *Abb. hic num. 5.* prout mox magis declarabitur.

XV. Secundò in *cir. c. Laudabilem*. §. h. t. cum quæsitum fuisset ex Cælestino II. quantum tempus dandum sit frigidis ad experiendum copulam conjugalem, is respondit, ut à tempore celebrati conjugii, si frigiditas priùs probari non possit, cohabitent per triennium, dando operam carnali copulæ: quo elapso, si simul cohabitare noluerint, juxta Decretum Gregorii (ad Joannem Ravenatensem Episcopum, & habetur in c. *Quod autem*. l. 1. *caus. 33. q. 1.*) & mulier per justum iudicium (id est, per testes, vel aspectum corporis, *Gl. hic V. Iustum*) de viro probare potuerit, quòd cum ea coire non possit, nubat alijs: quòd si ipse accepit aliam, separantur (propter naturalem frigiditatem, secus si propter maleficium, c. ult. *cir. caus. 33. q. 1. Gl. hic V. Separantur*) Si verò ambo simul esse se consentiant, vir eam, etsi non ut uxorem, saltem ut sororem habeat. Sin autem ambo confitentur, quòd nunquam se invicem cognoverint, cum septima manu propinquorum (c. 2. *cir. caus. 3. q. 1.*) vel vicinorum bonæ famæ, si propinqui deficiant, tactis SS. Evangelijs, uterque juret, quòd nunquam una caro per copulam carnalem effecti fuerint: & tunc mulier potest ad secundas nuptias transire. Verùm si vir aliam duxerit, tunc hi, qui jurârunt (scilicet vir & uxor) rei perjurii tenentur, & peractâ pœnitentiâ, cogendi sunt redire ad prius connubium, si propter frigiditatem sunt separati, *Gl. fin. hic.*

XVI. Pro explicatione hujus cap. notandum 1. quando non constat de impedimento frigiditatis, vel alterius similis impotentie, & statim per signa urgentia, & certa probari non potest; tunc requiritur triennialis cohabitatio conjugum, quamvis uterque conjux fateatur se impotentem, juxta *cir. c. Laudabilem*. ubi Pontifex generaliter declarat, quantum temporis spatium concedendum sit conjugibus ad veritatem frigiditatis dubiæ cognoscendam, ut patet ex questione Pontifici ibi propositâ: nam ex confessione etiam utriusque conjugis non verè potest constare, an sit naturalis, & perpetua, an verò solum accidentalis, & temporanea impotentia, adeoque expectari debet per triennium, ut ex temporis cursu veritas appareat, *Sanch. l. 7. de matr. dif. 108. n. 5.* At verò si de impedimento frigiditatis, vel alterius impotentie clarè constet, ut quia verè habet membrum aridum, vel sectum; tunc non est opus, ut conjuges cohabitent per triennium, sed statim possunt separari, & declarari matrimonium nullum, juxta c. 1. h. t. & ita huic non contradicit *cir. c. Laudabilem*.

Notandum 2. In impedimento frigiditatis triennium hoc computatur à die copulæ attentatæ; nam quamvis in ipso textu dicatur, à tempore celebrati conjugii cohabitent per triennium, ibi tamen supplendum,

¶ Copula attentata, quia conceditur ad explorandam conjugis potentiam, *Sanch. l. 7. dis. 110. n. 1. & 4.* non autem requiritur, ut hoc tempus triennii sit ita continuum, ut præsumpti conjuges die, nocteque cohabitent, sed sufficit, si majore anni parte, quia id moraliter, & civiliter accipi debet, prout subiecta materia postulat, *Sanch. cit. l. 7. dis. 111. n. 2.*

XVII. Notandum 3. Ultra triennium illud, & juramentum utriusque conjugis fatentis impedimentum, requiritur, ut septima manus propinquorum juret, vel vicinorum bonæ famæ, si propinqui defuerint; nam hujusmodi juramentum exigitur, quia posset esse collusio inter conjuges, & ut adhibita cautiore diligentia matrimonium dissolvatur, *Sanch. l. 7. dis. 108. n. 7.* Debent autem, si uterque conjux fateatur impedimentum impotentie, cujuslibet conjugis septem consanguinei jurate, vel in defectum eorum, septem vicini, adeoque XIV. *Alex. de Novo in cit. c. Laudabilem, n. 6. Sanch. c. l. n. 11. ubi n. 12.* addit, si tot testes haberi nequeunt, sufficere pauciores, arbitrio Judicis, & si desint consanguinei & vicini, assumi debent alii testes bonæ famæ, & omni exceptione majores. Requiritur etiam, ut uterque conjux, tacitis SS. Evangelij, juret, quod nunquam per carnis copulam una caro sint effecti, ut habetur in fine *cit. c. Laudabilem.* quamvis de consuetudine hoc juramentum super Cruce præstetur, *Sanch. c. l. in fine.*

Notandum 4. Dictum juramentum diversimodè debet præstari ab ipsis conjugibus, & à propinquis; nam conjuges debent emitte juramentum de certa scientia, nempe quòd bonâ fide, & absque dolo per triennium operam dederint copulæ, nec consummare potuerint. At Consanguinei de sola credulitate jurare debent, nempe quòd verifimiliter existiment, conjuges verum dicere. Ratio diversitatis est, quia ipsis conjugibus constare potest, se non potuisse consummare matrimonium, non item consanguineis, *Gl. communiter recepta in cit. c. Laudabilem. V. Uterque, Sanch. cit. dis. 108. n. 15.* Quamvis autem postea vir ille reperiat non esse frigidus, seu impotens, non tamen consanguinei censendi sunt perjurii rei, quia non de certa scientia, sed de sola credulitate jurarunt. Unde cùm in *cit. c. Laudabilem.* indefinitè dicitur, eos, qui jurarunt, reos esse perjurii, id intelligi debet de solis conjugibus, viro, & uxore: non autem de consanguineis Compurgatoribus, si bonâ fide jurarunt, *Gl. ibid. V. Hi qui, Sanch. c. l. n. 17.*

XVIII. Notandum 5. Si vir reputatus frigidus aliud inear matrimonium, ipsi conjuges rei sunt perjurii, ut expressè deciditur in *cit. c. Laudabilem.* in fine, quia vir non solum jurare debet, se id matrimonium non potuisse consummare cum hac femina, sed neque cum alia, & esse simpliciter impotentem. Idque etiam constat ex *c. 1. h. t. in princ. ex illis verbis: Et nunc primum dixisti, te esse frigidæ naturæ, ita ut non potuisses coire cum illa, nec cum aliqua alia.* Ideoque merito postea, cognita potentia viri, post initium cum alia matrimonium, rei perjurii arguntur. Et hæc est præsumptio juris, & de jure, contra quam non admittitur probatio in contrarium; sed censetur ex odio, ac mala fide negata esse potentia ad coi-

tum, ad dissolvendum prius matrimonium, eo ipso, quòd conjux reputatus frigidus aliud matrimonium iniit, ut docet *Gl. in c. Requisisti. 2. V. Patet. caus. 33. q. 1. Sanch. dis. 108. n. 16. & 18.*

XIX. Notandum 6. Si ob frigiditatem viri sit dissolutum matrimonium, & is ad aliud transeat, statim hoc posterius matrimonium dissolvendum est, absque alia probatione. Ratio est: tum quia contra vir ille per sententiam Ecclesiæ sit declaratus frigidus, præsumptio inhabilitatis ad matrimonium stat contra illum. Tum quia si ve verè frigidus, si ve non, posterius matrimonium est nullum: nam si verè est frigidus, illud est invalidum propter impedimentum frigiditatis; si autem non est frigidus, obstabit prius matrimonium, quod per falsam probationem frigiditatis dissolutum fuit, *Alex. de Novo in cit. c. Laudabilem. n. 15. & 16. h. t. Sanch. l. 7. dis. 99. n. 6.* ubi addit, si tempore, quo frigidus iste ad alias nuptias transiit, prior uxor obierat: nihilominus tamen statim separandus est à posteriore matrimonio, donec probet, se potentem esse, & Ecclesiæ fuisse deceptam, quia interim præsumptio impotentie stat contra ipsum. Ut autem restitueretur prius frigidum matrimonium tanquam validum, non sufficit, nec requiritur frigidum ad alias nuptias transiisse, sed legitime probari debet, eum posterius matrimonium consummasse, aut aliàs fornicatum fuisse, *Sanch. c. l. n. 7.* Ex quo infert *n. 8.* prius illud matrimonium non esse instaurandum, donec legitime probetur posterioris consummatio, vel alia copula fornicatio, apud quem plura de hoc videri possunt.

XX. Notandum 7. Si puer XIV. anno completo, vel femina XII. adhuc sint impotentes ad copulam, expectandum est, non per triennium, sed usque ad plenam pubertatem, quæ in fœminis contingit XIV. ætatis anno, & in viris XVIII. *l. Arrogato. 40. §. 1. ff. de adop. & §. Minorem, Instit. eod. Nec refert, quòd in cit. c. Laudabilem, triennium experientie generaliter præscribitur.* Nam id procedit, quando ex frigiditate, aut alio impedimento conjectari potest, impotentiam otiri; tunc enim merito ex cohabitatione triennii Ecclesiæ præsumit tale impedimentum esse perpetuum. At verò quando potest præsumi impotentiam provenire ex imbecillitate ætatis, tunc æquitas suadet, eam ætatem esse expectandam, in qua perfectum robur comparat natura, *Sanch. l. 7. dis. 104. n. 18.*

§. IV.

Continuatur eadem materia.

XXI. Præterea in *c. Ex litteris. 3. h. t.* talis casus proponitur. Cùm quidam XVI. annorum, quondam XIII. annorum in uxorem duxisset, isque debuit reddere non posset; mulier tam gravem contraxit infirmitatem, ut omnino viro sit facta inutilis, ita ut vir eam cognoscere non posset. Consultus Pontifex Alexander III. respondit, si vitium illud mulier à natura contraxit, nec ope Medicorum ei subveniri possit, viro danda est facultas aliam accipiendi.

Hinc aliqui probare volunt, per impotentiam, quæ

quæ supervenit matrimonio rato, & nondum consummato, illud dirimi, quia Alexander III. in hoc cap. fecit facultatem cuidam ineundi aliud matrimonium, ejus uxor, ante consummationem, reddita fuit inepta ad copulam. Verum hic est sermo de impotentia, quæ præcessit matrimonium, ut constat ex illis verbis: *si mulier vitium illud à natura contraxit, quia d. g. arcta erat, Gl. hic V. Contraxit. & V. Anatura, Sanch. l. 7. dif. 102. n. 4.* Idque probatur ex c. *Hic qui. 25. caus. 32. q. 7.* ubi generaliter dicitur, ob nullam infirmitatem, vel aliam impotentiam supervenientem conjugia solvi posse, & in c. *Si uxorem. 18. caus. 32. q. 7.* dicitur, retinendam esse uxorem antea ductam, sterilem, surdam, vel deformem corpore, cæcam, claudam, vel si quid aliud cogitari potest horribile &c. si ergo retinenda est uxor, non obstante quocunque corporis incommodo superveniente, ergo etiam superveniente impotentia ad copulam, cum ita universaliter textus ille loquatur, *Sanch. cit. dif. n. 3.* Idque confirmatur, quia ex receptissima sententia, matrimonium ratum fidelium per solam Professionem Religiosam certò dissolvitur, & probabiliter etiam per dispensationem S. Pontificis, *Sanch. c. l. & alij apud ipsum.* Non obstat c. *Quod proposuit. 18. caus. 32. q. 7.* ubi Gregorius III. concessit cuidam licentiam transeundi ad aliud matrimonium, propter impotentiam perpetuam supervenientem priori uxori. Nam prior non fuit legitima uxor ob impedimentum perpetuum, idque solùm declaravit ibi Pontifex, *Sanch. l. 7. dif. 80. n. ult. in respons. ad 5.*

XXII. Porro si de impotentia superveniente matrimonio certò constat, cum esse perpetuam, illi citra est conjugibus talibus copula conjugalis, quamvis tactus ipsi sint liciti, absque periculo tamen pollutionis, *Sanch. l. 9. de matr. dif. 17. n. 20. & 21.* Ratio prioris est, quia copula conjugibus post matrimonium contractum solùm licita est intra vas legitimum, ergo si hæc sit impossibilis, quia scimina ita arcta est, ut semen recipere non possit, non erit licita. Ratio posterioris est, quia cum tales sint veri conjuges, tactus mutui, citra pollutionis periculum, non sunt illis prohibiti, etsi enim hujusmodi tactus referri non possunt ad copulam, tanquam illis incompossibilem: possunt tamen fieri ad concupiscentiam carnis sedandam, & ad exhibenda mutui amoris signa, *Sanch. c. l. n. 20.* Quòd si de impotentia superveniente matrimonio sit dubium, an sit perpetua, an verò solùm temporalis, licitum est conjugibus conari ad copulam, quamdiu probabilis spes est seminandi intra vas, quamvis peracens, & præter intentionem, extra vas semen effundatur, *Sanch. c. l. n. 22.* Ratio est, quia tales conjuges dant operam rei licitæ, procurando copulam sibi possibilem, & permittunt: & si id licitum est, si impotentia præcedat matrimonium, adeoque dubius sit matrimonii valor: multò magis id licebit, quando impotentia subsequitur matrimonium, & hujus valor certus est. Sed quid dicendum, si dubitetur, utrùm impotentia præcesserit matrimonium, adeoque hoc sit nullum; an verò subsoluta sit, & matrimonium sit validum. Valde probabilis est, præsumi posse, quòd antecesserit, si nunquam copula haberi potuit, nec aliunde constaret de impotentia, nec probari possit, quo tempore sit contracta, *Laym. l. 5. tit. 10. p. 4. c. 11. n. 3. in fine.*

Tomus IV.

Sanch. tamen l. 7. de matr. dif. 103. n. 4. & 5. distinguunt inter impotentiam naturalem & accidentalem, nempe ex maleficio, & in priore quidem, in dubio præsumi, quòd præcesserit: de posteriore verò, quòd secuta sit matrimonium.

XXIII. Quattò in c. *Fraternitatis. 6. h. r. refertur*, quòd quædam mulier contraxit matrimonium cum quodam viro, & cum eo per multos annos habitavit, nec potuit ab eo carnaliter cognosci. Archipresbyter Altissiodorensis causam devulit ad Episcopum suum, qui volens super eo negotio veritatem inquirere, quasdam matrones suæ Parochiæ, providas, & honestas ad se vocavit, districtè (per juramentum, *Gl. hic V. Districtè*) illis injungens, sub periculo animarum, ut ipsam mulierem inspicerent, utrùm esset idonea ad copulam conjugalem, quæ tandem eâ inspectâ dixerunt, quòd nunquam poterit esse mater, aut conjux, & ideo divortium inter ipsam, & virum promulgavit, mulierem inducens, ut Religionem intraret, perpetuam continentiam servatura: viro autem licentiam dedit aliud matrimonium ineundi, qui cum alia contraxit. Sed postmodum illa mulier fuit ab alio carnaliter cognita, rejectâ continentia, quam promissit, & cuidam G. nomine nupsit: Episcopus verò Altissiodorensis negotium hoc significavit Innocentio III. Rescribit Papa eidem, quòd se implenè ei expressit, quòmodo dicta mulier promissit, se continentiam servaturam, utrùm simpliciter verbo, an per vorum solemne, & utrùm transierit ad Religionem, sicut promissit, an non: nec dixit etiam, qualiter cognita fuerit, utrùm arte Medici, seu concubitu viri, vel alio modo. Unde Papa considerans, quòd impedimentum illud non erat perpetuum, quòd præter Divinum miraculum, humanâ ope, absque corporali periculo temotum fuerit, sententiam divortij per errorem licet probabilem, latam fuisse invenit, quia ex postea apparet, quòd mulier illa cognosci potuit à viro illo (scilicet primo, à quo fuerat separata) cujus similiter potuit commisceri, & ideo inter ipsam, & primum virum matrimonium extitisse pronuntiavit: inter eandem verò mulierem, & dictum G. matrimonium non fuisse, sed eos ab invicem separari præcepit. Quòd si verò prædicta mulier ad Religionem transiit, primus vir, qui eandem non cognovit, cum illa remaneat, cum qua postea auctoritate Ecclesiæ contraxit: alioquin (id est si non transiit actu) eâ dimissâ, ad illam redire debet, cum qua primò contraxit: nisi se voto (solemni scilicet) obstrinxerit, quia propter hoc intelligitur fornicata fuisse cum prædicto G. (cum ipsa matrimonium contrahere non poterit post votum solemne, *Gl. hic V. Se voto*) vel nisi fornicata fuerit cum alio, & sic prætextu fornicationis, primus vir eam repellat. Si verò simpliciter voto promissit servare continentiam, & postea in facie Ecclesiæ nupsit prædicto G. quamdiu de hoc articulo dubitari poterat, non debet præsumi, quòd fuerit fornicata cum illo: sed amodò (scilicet revelatâ veritate, quòd fuerit uxor primi) non debet cum illo remanere.

Præterea alia questio est, utrùm ea, quæ ita arcta est, ut nulli possit carnaliter commisceri, nisi per

T

„ per incisionem, vel alio simili modo violentia ei
 „ inferatur tam gravis, ut ex ea mortis periculum
 „ timeatur: quæritur, inquam, an talis sit apta ad
 „ matrimonium contrahendum. Et dicebimus est;
 „ quod non, argumento sumpto à contrario sensu
 „ ex illis verbis præcedentibus eiusdem cap. *absque corporali periculo*, nam ubi grave periculi timeretur, non
 „ est matrimonium, sed ubi leve solum periculum fo-
 „ ret, debet illud pati. *Gl. hic V. Corporali periculo:*

„ Similiter solvitur ex dictis alia quæstio: si ali-
 „ qua nupit viro cuidam, respectu cuius ita arcta
 „ est, ut non possit ab eo deslorari: eaque postea per
 „ iudicium Ecclesiæ separata, nubat alteri, cui non
 „ sit arcta, & per frequentem usum secundi redda-
 „ tur etiam apta primo viro, quæritur, inquam, u-
 „ trum talis debeat redire ad virum, cum quo prius
 „ matrimonium contraxit. Et dicendum est, quod
 „ non, secundum distinctionem supra datam, *absque corporali periculo*, *Gl. hic in casu*. Additur in fine: De
 „ talibus tamen non est facile iudicandum, cum si-
 „ nale iudicium pendeat ex futuro, quia nescitur,
 „ an sit apta primo viro, *Gl. hic V. Non est facile*.

XXIV. Pro explicatione huius cap. notanda
 sunt sequentiâ. 1. Propter impedimentum mulie-
 ris arctæ, si appareat, quod præter Divinum miracu-
 lum, & ope humanâ, sine periculo vitæ, vel gravi
 corporis, tolli non potest, matrimonium separati
 potest. Ratio est, quia talis arctitudo censetur impe-
 dimentum perpetuum, ad mulierem illam carnaliter
 cognoscendam, sicut frigidas viri, adeoque debet
 matrimonium tale declarari invalidum, & conjuges
 illi præsumpti separandi sunt, *Vivian. in Reliõh. hic*.
 Resintegrari tamen debet, si postea appareat, Ec-
 clesiæ sin errore informationis deceptam fuisse, ita
 ut si mulier separata à viro alteri nupit, relicto se-
 cundo viro, redire debeat ad primum virum, quia é-
 rat inter eos verum matrimonium, *Abb. hic n. 1. & Alex. de Nevo n. 1. Barbos. in Collect. hic n. 1.* 2.
 notandum. Impotentia alterius conjugis potest al-
 legari, post multos annos, ut patet ex illis verbis hu-
 jus cap. *per multos annos morata*, & ex c. *fin. h. t.* ubi
 mulier post octo annos allegavit impotentiam viri:
 nam matrimonium invalidum non firmatur tractu
 temporis, *Alex. de Nevo hic n. 1.* 3. notandum,
 Iudex ex officio, allegato impedimento impotentie,
 potest iubere mulierem inspicere per matronas, vel ob-
 stetrices honestas, & providas, seu peritas, quæ de-
 bent esse de Parochia mulieris, quia præsumitur eas
 habere maiorem notitiam, *Alex. hic n. 5.* & debent
 vocari, ut compareant coram Iudice, & jurare de-
 bent sub periculo animæ suæ, quia facti testes, idem
 n. 6. & 9. quamvis aliqui putent, hoc esse magis tes-
 timonium credulitatis, quàm scientiæ, *Gl. hic V. Ma-
 tronæ, junct. Gl. marg. lit. A.* ubi sit, quod hæc ma-
 tronæ non debeant jurare de veritate, seu scientia, sed
 solum de credulitate, scilicet credere mulierem esse aptam,
 vel non: quia potest dari in his certa scientia,
 nam sæpe manus fallitur, & oculus obstetricum, c.
pen. de probation. 4. notandum. Iudex quando sepa-
 rat matrimonium, propter impotentiam alterius
 conjugis, debet, quantum potest, inducere impo-
 tentem ad ingrediendam Religionem, & servandam
 perpetuam continentiam, ut constat ex c. c. *Frater-
 nitatis in princ. Alex. ibid. n. 8.* quia facti monii vin-

culum, siquid forte subest, eo ipso dissolvitur, & sic
 nullum periculum immittit alteri conjugi, si aliud
 matrimonium ineat, *Canis. hic n. 2.*

XXV. Præterea circa ea, quæ traduntur in c.
c. Fraternitatis, notandum 1. votum potest esse, &
 dicitur solemnne ad impediendum, & dirimendum
 matrimonium postea contractum, citra Religionis
 ingressum, prout sumitur ex hoc cap. 5. *Quamvis*:
 verum hodie nullum est votum solemnne quod diri-
 mendum matrimonium postea contractum, nisi per
 professionem in aliqua ex Religionibus approbati-
 missam, vel per susceptionem Sacri Ordinis; adeo-
 que votum, quo quis se obligat sine professione, non
 est solemnne, juxta c. *unic. de voto in 6.*

Notandum 2. Omne impedimentum impoten-
 tiæ viri, vel mulieris, quod operâ humanâ, sine gravi
 corporis periculo, tolli non potest, reddit inhabi-
 lem ad contrahendum matrimonium: secus si factò
 humano potest removeri, absque gravi periculo cor-
 poris, *Abb. hic n. 6. & Alex. de Nevo n. 2.* Et hinc
 quando non potest impotentia subveniri sine vitæ
 periculo, quamvis mulier parata sit illud subire,
 ut apta reddatur viro: non tamen tenetur vir id ex-
 spectare, sed potest petere dissolutionem matrimo-
 nii, & aliud inire, quia tunc constat, impedimentum
 id esse perpetuum, utpote quod tolli nequit, sine vitæ
 periculo, *Sanch. l. 7. dis. 93. n. 20.*

XXVI. Notandum 3. Si mulier sit cognita ab
 uno viro, præsumitur, quod cognosci possit etiam ab
 alio, nisi contrarium probetur, *Abb. hic n. 7. Alex. n. 3.* ubi tamen inspicendum est, an uterque vir si-
 milis sit, ætatis, robore, ac thembro virili; nam tunc
 præsumitur potiusse quoque cognosci à primo viro;
 idèòque matrimonium prius validum fuisse; secus
 si sint dissimiles, quia prior vir erat senex, vel debi-
 lis, aut alium defectum in virili membro patiebatur:
 posterior autem erat juvenis, vel robustior, vel eo de-
 fectu carebat, *Sanch. l. 7. de matr. dis. 93. n. 12.* Idque
 probatur ex c. c. *Fraternitatis*, ubi non dicitur abso-
 lutè, cognoscibilem à posteriore viro, esse quoque
 cognoscibilem à priore, sed quando posterior vir est
 priori similis, ut patet ex illis verbis: *cujus simili com-
 misceat*: quæ verba intelligenda sunt, non de simili-
 tudine naturæ, sed ætatis, roboris, & instrumenti ge-
 nerationis; nam ex his præsumitur, ut sicut mulier
 cognosci potuit à viro posteriore, ita & à priore. Et
 quia hæc præsumptio non est præsumptio juris, & de
 jure, sed juris tantum; ideo admittit probationem
 in contrarium, ob utriusque viri dissimilitudinem.
 Quare non restauratur prius matrimonium, ratione
 impotentie mulieris, dissolutum, si per concubitum
 proprii prioris viri non potest reddi apta ad copulam
 cum illo, quamvis per concubitum cum altero sic
 apta reddita, *Sanch. c. l.*

XXVII. Notandum 4. Propter impotentiam
 provenientem ex maleficio potest matrimonium sepa-
 rari, nec restaurari, etsi vir, post mortem illius,
 aliam ducat in uxorem, & illam cognoscat; ex quo
 enim vir, & mulier cohabitârunt per triennium, &
 dederunt operam copulæ carnali, nec potuerunt
 confirmare matrimonium, præsumitur perpetuum
 impedimentum, & possunt separari, & transire
 ad aliud matrimonium, c. *Si per sortiarias. q. 4. ult.*
caus. 33. q. 1. Nam potest quis maleficiatus esse re-

spectu

specu unius, & non alterius: idque intelligendum est de maleficio, quod præcessit matrimonium: nam si superveniat impedimentum, post matrimonium contractum, non debent separari, *c. Hic, 25. caus. 9. q. 7.* Si verò post separationem vir eam cognosceret, matrimonium debet redintegrari, quia impedimentum non erat perpetuum, *Gl. hic V. Divinum miraculum. Versic. Vel potest dici.*

Porro ratio, quare separatur matrimonium propter frigiditatem viri, vel arctitudinem mulieris, & si postea contrahat cum alio, vel alia, & appareat ex postfacto esse potens ad copulam, restatutur primum matrimonium: & tamen si separaretur matrimonium propter maleficium, non cogatur vir, si contraxit cum alia, eamque cognovit, redire ad primam. Ratio, inquam, disparitatis est, quia frigiditas, & arctitudo est impedimentum non restrictum ad certam personam; idèque si vir postea cognovit aliam, vel mulier fuit cognita ab alio, præsumitur Ecclesiam fuisse deceptam, quia vir eodem modo potuisset cognoscere primam, vel mulier cognosci à primo. At verò maleficium, quod fit instigante diabolo, restringitur ad certam personam, ita ut vir omnes possit cognoscere, præter personam uxoris; idèque si post separationem matrimonii, vir contrahat cum alia, eamque cognoscat, ex eo non apparet, Ecclesiam fuisse deceptam; idèque non debet secundum matrimonium separari, & restaurari primum, juxta *c. ult. caus. 33. q. 1. Alex. de Novo in cit. c. Fraternitatis. n. 6. h. i.*

XXVIII. Notandum 5. Error, sive ignorantia juris non est probabilis, nec excusat, si tamen sit probabilis, ut si dubitetur in facto, excusat, *Gl. in c. un. V. Probabiliter. de Postul. Prælat. in 6. ut in casu cit. c. Fraternitatis*, error probabilis intervenit in aspectu corporis, in quo matronæ deceptæ fuerunt, quia manus, & oculus obstrictum sæpe fallitur, & sic sententia divortij per errorem lata; à qua non est appellatum, revocatur, si error probabilis postea detegatur, *Gl. hic V. Per errorem.* ubi addit, quòd sententia per errorem lata contra matrimonium non transit in rem judicatum, quominus possit revocari, quandoque apparuerit Ecclesiam fuisse deceptam.

Notandum 6. Si mulier probabiliter putans, se esse solutam, sive non conjugatam, alteri nubat, non committit adulterium, licet postea reperiatur conjugata, quia adulterium non committitur sine dolo, *l. pen. ff. Ad leg. Jul. de adul. Alex. in cit. c. Fraternitatis. §. Quamvis. not. ult.*

Notandum 7. Si quis, post matrimonium contractum, per maleficium fiat impotens, non dissolvitur matrimonium, quia nullum impedimentum contingens post matrimonium, dissolvit illud, *Alex. in cu. c. Fraternitatis. n. 7.*

XXIX. Notandum 8. Si mulier transivit ad Religionem, & professionem emisit; tunc matrimonium postea contractum per primum virum cum secunda muliere tenet, & debet cum illa remanere, quia per professionem statim dissolutum fuit prius matrimonium non consummatum: secus si ingressa fuit causâ solum probationis, quia si tunc ad læculum redeat, compellitur redire ad primum virum, *Gl. hic V. Remaneat. Alex. in cit. c. Fraternitatis. n. 18. §. Primus est.*

Tomus II.

Notandum 9. Dissoluto matrimonio ratione maleficii, sive utriusque, sive alterius conjugis, si maleficius alium matrimonium ineat, & eandem uxorem, à qua ratione maleficii separatus fuit, fornicariè cognoscat, tunc instaurandum est matrimonium cum illa, quia apparet, Ecclesiam deceptam fuisse, dum impotentiam illam judicavit esse perpetuam, *Sancti. l. 7. dist. 99. n. 25.*

Notandum 10. In causis matrimonialibus non est facile præcipienda sententia, quia nescitur, an mulier, quæ est apta ad copulam quoad virum, qui transiit ad secundum matrimonium, sit etiam apta quoad primum virum, *Gl. hic V. Non est facile.* & quandoque finale judicium, id est, certum pendet ex futuro eventu, quia dubium est, an sit matrimonium validum initum cum primo viro; neque intelligas, quòd tunc primum incipiat esse matrimonium cum primo viro initum, quando mulier incipit esse apta ad copulam quoad primum virum, sed quia tunc primum declaratur, prius matrimonium fuisse validum, *Gl. fin. hic.*

§. V.

Proponitur, & explicatur cap. ultimum huius Tituli.

XXX. In cap. *Linere. 7. & fin. h. r.* talis facti species proponitur. Quædam causa matrimonialis vertebatur inter mulierem M. & virum ejus A. quæ per Sedem Apostolicam commissâ fuit quibusdam Judicibus, coram quibus ex parte mulieris propositum fuit, quòd cum jam ante octo annos fuisset dicto viro A. matrimonialiter copulata, cisdemque diu cohabitasset, adhuc integra remanebat, & virgo, eò quòd vir ejus destitutus esset potentia coeundi, idèque petebat se ab eo separari per sententiam divorij. Ad quod respondit vir A. & fatebatur, quòd illam nunquam cognoverat, dicebat tamen se habere potentiam coeundi, & alias mulieres cognoscendi. Judices delegati timentes, ne id fortè confiterentur in fraudem, colludentibus inter se, viro & muliere, jusserunt illam inspicere per matronas bonæ existimationis, ac fide dignas, & expertas in re matrimoniali, quæ testatæ sunt, mulierem adhuc virginem, & incorruptam esse. Deinde mandavunt inquiri per Patrochum loci, utrum vir aliquando aliam mulierem cognovisset: sed hujus rei notitia haberi non potuit. Cum verò mulier instanter peteret divorcium: vir autem se subiceret judicio Ecclesiæ, sive Judicum Ecclesiasticorum: hi injunxerunt utrique viro & mulieri, ut penitentiam agerent de delictis commissis (quia infemias corporalis frequentiter provenit ex peccato, & sic cessante causâ, cessat effectus, *Gl. hic V. De commissis.*) ut sic fortè DEO placato, matrimonium consummare possent. Tandem ureque, vir, & mulier ad Judices reversi simul confessi sunt, quòd invicem carnaliter commisceri non possint. Re delatâ ad Papam Honorium III. is mandavit, ut si ita est, & constiterit, prædictum virum & mulierem, intra octo annos, per continuum triennium cohabitasse, & neque carnaliter commisceri potuisse, ipsis hoc

in iuramento suo testandus, cum septima propinquorum manu, sententia divortii inter eos inproferatur.

XXXI. Notandum 1. Tribus modis intelligunt Interpretes hunc textum, quidam de frigidity aliis de maleficiis: tertii de quolibet impotente ad copulam, cum scilicet uxor dicat, virum non habere potentiam secum coeundi, non expressa causa, & sic pertinet ad tertiam partem Rubricæ, ut notatur in *Gl. in princ. hujus cap.* Sed verior, & communior interpretatio est, quod in hoc cap. agatur de maleficio respectivo, cum agatur de viro non simpliciter impotente, quoad omnes mulieres, sed tantum quoad mulierem, quam in uxorem duxit: quod est indicium maleficii, non frigidity, quæ est impedimentum generale impotentie quoad omnes mulieres, *Henric. Canis. in c. ult. h. t. n. 2.*

Notandum 2. Conjug quocunque tempore allegare potest alterius conjugis impotentiam, quia temporis tractu non firmatur matrimonium irritum: idque probatur ex *c. fin. h. t.* Ubi auditur mulier post octo annos reclamans, & allegans impotentiam mariti, & in *c. Fraternitatis* præcedente, post multos annos auditur, *Abb. in cit. c. ult. n. 2.* quod intelligendum est, modò triennium experientie jam transierit, & quando uterque fatetur impedimentum, vel adfunt evidentes probationes. At verò *cap. 1. h. t.* negans, mulierem audiendam esse, quando non statim proclamat, intelligendum est, donec triennium transactum sit, sed post triennium cohabitationis audienda est, *Sanch. l. 7. disp. 109. n. 11. & 14.*

Notandum 3. Et si in hoc cap. dicatur, mulierem consistentem, unâ cum viro, impotentiam, post lapsos octo cohabitationis annos fuisse inspectam per matronas, & obsterices: id tamen non est necessarium, quia in *c. Laudabilem. §. h. t.* ubi de hoc agitur, id non requiritur, sed ad abundantiorē cautelam hoc factum est, *Sanch. libr. 7. disp. 108. num. 6.*

XXXII. Notandum 4. In maleficii impedimento computatur triennium à die copulæ attentæ, sicut in impedimento frigidity, & ideo in *cir. c. fin.* dirimendum est inter huiusmodi conjuges matrimonium, si intra illos octo annos per triennium cohabitarint continuò: neque semper impedimentum maleficii ex peccato confurgit, nec oportet ante huiusmodi triennium pœnitentiam esse peractam, quia in *cir. c. fin.* factum solum narratur, nec ius statuitur: sed solum exigitur totò illo annorum tempore, ex quo initum erat matrimonium, conjuges triennio continuò cohabitasse, *Sanch. l. 7. disp. 110. n. 5.* Quamvis aliqui apud *Barb. in Collect. hic n. 7.* teneant, hoc triennium currere à die cohabitationis, vel à tempore assignationis per Iudicem factæ.

Notandum 5. Quando non potest constare, num perpetuum sit, an temporale malefium, præsumitur esse perpetuum, ac dissolvitur matrimonium, postquam triennio conjuges dederunt operam carnali copulæ, nec eam petere potuerunt, juxta *c. fin. h. t. Sanch. l. 7. disp. 94. n. 12.* & alii apud ipsam.

XXXIII. Notandum 6. Si impotentia confurgens ex maleficio sit perpetua, dirimit subsequens matrimonium, ut constat ex *c. fin. h. t.* quod ferè omnes Interpretes de impedimento maleficii intelligunt: nam matrimonium, quod semel ratum fuit, etsi nondum consummatum, per nullam supervenientem impotentiam dirimitur. *c. Hi qui. 2. caus. 32. q. 7. & dictum supra.* Tum quia vir ille in *cir. c. fin.* petens separari matrimonium, allegavit, se quoad omnes feminas esse potentem, præterquam ad propriam uxorem, quod repugnat frigidity, in qua vir est impotens quoad omnes feminas. Tum etiam quia ibi utrique conjugum injunctum fuit, ut pœnitentiam de peccatis agerent: at per pœnitentiam non tolluntur impedimenta naturalia, sed solum quæ in stigmate diaboli proveniunt. Ratio est, quia si impotentia illa sit perpetua, non potest quis tradere potestatem sui corporis alteri, obligando se ad actum conjugalem, quippe qui etsi ipsi ob maleficiū perpetuum impossibilis. Denique quia falsum est nullum maleficiū esse perpetuum: nam si demon semel, vel sæpius potest impedire copulam carnalem, permittente DEO, cur non semper, cum per voluntatem operetur: & falsum est maleficiū temper posse tolli à suo auctore, *Sanch. l. 7. disp. 94. n. 8.* & alii apud ipsam.

Notandum 7. Quamvis non exigatur necessarius aspectus matronarum ad sententiam divortii matrimonii propter maleficii impedimentum: requiritur tamen iuramentum septimæ manû propinquorum, juxta *cir. c. fin. h. t.* ubi Papa formam dissolvendi matrimonium, ratione impotentie, assignat tanquam prærequisitum hoc iuramentum, & cum sit forma probationis Inre præscripta, propter ejus omissionem vitiatur sententia: ubi tamen est sermo de impedimento maleficii, ut supra dictum, quamvis idem sit de frigidity, in qua idem iuramentum exigitur, *c. Laudabilem. §. h. t.* de quo supra, *Sanch. l. 7. disp. 108. n. 9.*

Notandum 8. Si post dissolutionem, seu divortium factum matrimonii propter maleficiū, aliud matrimonium maleficiatus iniat cum alia muliere, eamque cognoverit, non ideo restaurari debet primum matrimonium, quoad primam uxorem, quia maleficiū sæpe ad unam personam restringitur, nempe ad uxorem, ita ut hanc vir non possit cognoscere, etsi possit alias mulieres, licet aliud sit quoad frigidity, *Abb. in c. 1. in fine h. t.* Quod si tamen vir cum priore conjugē, à qua ob maleficiū separatus fuit, privatim eam carnaliter cognoscat, matrimonium prius restitui debet, sicut de frigido supra dictum, *Henric. Canis. in cit. c. ault. n. 7. h. t.* Atque hæc sufficiunt pro explicatione capitulorum hujus Tituli: nam reliqua, quæ huc pertinent, prosequi non est nostri instituti, & nimis prolixum foret, de quibus videri potest *Sanch. l. 7. de matr.* ubi de impedimento impotentie agitur *disp. 92.*

Itaque ad finem illius
Libri.

T I T V L V S XVI.

DE MATRIMONIO CONTRACTO
CONTRA INTERDICTUM
ECCLESIAE.

Actum est in superioribus Titulis de variis impedimentis dirimentibus matrimonio, nunc sequitur, ut agatur de impedimentis, quae impediencia tantum appellantur, eo quod matrimonium licite contrahi impediunt, at contractum cum illis est firmum, & validum. Quale est in primis matrimonium contractum contra Interdictum Ecclesiae, de quo in hoc Titulo agitur.

§. I.

An, & quâ ratione matrimonium contractum contra Interdictum Ecclesiae dirimatur, vel impediat?

I.

Quæritur 1. Quod dicatur Interdictum Ecclesiae, & quibus modis fiat? Resp. Interdictum Ecclesiae circa matrimonium, fieri potest tribus modis, ut notat Barboſ. in Collect. super Rubr. h. t. scilicet per Canonem, seu legem Ecclesiasticam, quæ certis temporibus nuptias celebrari prohibet, de quibus in c. Non oportet. 10. caus. 33. q. 4. c. Capellanus. 4. de feriis, quæ tempora restricta sunt per Concilium Trident. Sess. 24. c. 10. de reform. matr. quibus tamen temporibus, non ipsa matrimonia, sed solemnitates nuptiarum, & traductio sponte in domum mariti prohibentur; ut dictum supra libr. 2. tit. 9. n. 1. & 4. Secundo modo fit interdictum matrimonii, per Iudicem Ecclesiasticum, qui ob legitimam causam interdicat ad tempus matrimonium iniri inter aliquos, vel quia alter eorum antea cum alia tertia persona sponsalia contraxit, quæ non debent violari, sine gravi causa: vel quia Ecclesiasticus Iudex inter contrahentes subesse impedimentum consanguinitatis, vel aliud putat; ideoque interdicat matrimonium ad tempus, donec veritas sit cognita. Et hoc Interdictum impedit matrimonium licite contrahi, non autem dirimit contractum, Sanchez. l. 7. de matr. dis. 6. n. 6. Tertio modo fit interdictum matrimonii per Parochum, quia licet is non possit causas matrimoniales cognoscere, seu pertractare, quippe quæ judicalem indaginem ac jurisdictionem requirunt, & ad Iudicem Ecclesiasticum pertinent, c. 1. de consang. potest tamen Parochus matrimonium impedire, & interdicere ad tempus, ut si opponatur matrimonio contrahendo impedimentum Canonicum, vel timeantur orituræ magnæ rixæ, si matrimonium permittatur statim celebrari, ut colligitur ex c. ult. de clandest. desponsat. in fine princ. ibi: contrahi interdicatur, ubi agitur de Parocho, & clarius §. fin. ibi: Sanè si Parochialis Sacerdos tales conclusiones prohibere contempserit, ergo supponitur Pa-

rochi esse matrimonia ad tempus prohibere, Sanchez. l. 3. de matr. dis. 15. n. 3. & l. 7. dis. 6. n. 6.

II. Quæritur 2. Quanam præerea statuta sunt Jure Canonico circa matrimonium contractum contra Interdictum Ecclesiae, vel Iudicis? Resp. De hoc agitur imprimis c. Littera. t. h. t. Nam cum quidam jurasset, se eundem daturum sororem suam jam nubilem uxorem (futura scilicet per sponsalia) eâ præsentem, & consentientem (expressè, Gl. hic v. Præsentem.) & illa munera, ac dona, secundum morem Regionis, ab illo recepisset, ipsum tanquam proprium virum (sic est, sponsum, ipse futuri matrimonii, Gl. hic v. Tanquam.) sæpe fuit amplexata. Tandem mortuo suo fratre, à proprio viro sui, id est, sponsi fratre permisit se desponsari, quod facere non debuit, quia non potest quis habere sponsam fratris sui, c. Ad audientiam. 4. & c. Sponsam. 8. supr. de sponsal. & quod ab eo cognita fuisset, mendaciter asseruit. Cum autem Episcopus loci ei prohibuisset, ne alicui illorum, aut alteri se copularet, ipsa spreto mandato Episcopi, alii (scilicet tertio) nupsit. Sed ad domum matris ab Episcopo tendere iussa, ipsa ad Sedem Apostolicam appellavit. Quare mandat Papa Alexander III. ut si ita est, Episcopo prædictam mulierem ad domum matris redire compellat, ne mandatum ipsius contemptibile videatur; & imposita eidem mulieri condignâ penitentia, ob tantum excessum, seu delictum (quia scilicet fidem violavit priori sponso, & se desponsari permisit à proprio fratre sponsi sui, & quia mandatum Ecclesie contempsit, Gl. fin. hic) positquam in domo matris per mensem stetit, ad tertium virum reverti permittat.

III. Pro explicatione hujus cap. notandum 1. matrimonium contra Interdictum Ecclesiae, vel Iudicis contractum, non ideo dirimitur; separantur tamen sic contrahentes, non quoad vinculum matrimonii, quia hujusmodi matrimonium non est irritum, sed tenet, nisi aliud Canonicum impedimentum obhsit: sed separantur solum quoad torum, donec causa Interdicti cognoscatur: & imponitur eis penitentia ob contemptum mandati Ecclesiae, seu Iudicis, Abb. hic nam. 1. & Alex. de Novonum. 1.

Notandum 2. Sponsalia de futuro non transeunt in matrimonium de presenti, per receptionem munerum, oscula, & amplexus, quia nec nusus, seu co-

natus ad copulam ad hoc sufficit, sed requiritur, ut mulier plenè cognoscatur, c. *Is qui*. 30. c. ult. *supr. de sponsal.* Secus est de sponsalibus contrahendis per verba de presenti ab impuberibus, quæ propter defectum ætatis contrahentium, Juris interpretatione, finguntur de futuro, quia hæc, perfectâ ætate, transiunt in matrimonium per receptionem nuptiarum, oscula, et amplexus, aut alia hujusmodi signa, quod contrahentes ab initio intendebant, juxta *cir. c. 1. h. r. Alex. de Nevo hic n. 3. Covarr. in 4. Decret. p. 1. c. 4. §. 1. n. 2. c. 3.* Porro hæc procedunt, spectato Jure antiquo Canonico; sed cum hodie ex Decreto Concilii Trident. *sess. 24. c. 1. de refor. matr.* matrimonia aliter contracta, quam præsentè Parocho, vel alio Sacerdote de ipsius Parochi, aut Ordinarii licentia, sint irrita, Sponsalia sive de presenti, sive de futuro non transeunt ampliùs in matrimonium, nec per ipsam copulam; imò nec per consensum expressum, sed oportet iterum contrahere matrimonium, servatâ formâ à Concilio præscriptâ, ut sæpius respondit S. Congregatio Concilii apud *Fagnan. in cit. c. 1. n. 4. h. r.* ubi addit, quòd ubi Decretum Concilii non esset receptum in Parochia, servanda esset prædicta distinctio.

IV. Notandum 3. Matrimonium dissolvit præcedentia sponsalia, etiam si præcesserit interdictum Ecclesiæ, vel Judicis factum sponso de futuro, ne contrahat matrimonium cum alia; ac proinde matrimonium vincit sponsalia, & interdictum, etiam simul conjuncta, imò & jurata, *Abb. hien. 4. c. Alex. 5. 6.* quia interdictum non dissolvit sponsalia, nec dirimit matrimonium contra illud contractum, reddit tamen obnoxium pœnæ, ut patet ex textu, ubi in pœnam prohibetur, ne mulier ista possit contrahere cum viro, cui fuerat desponsata, neque cum illius fratre, propter violatam mandatum Episcopi: permittitur tamen permanere cum tertio, cui se postremo copulavit, non obstante ullo impedimento ex prioribus desponsationibus, ut habetur in fine hujus cap.

Notandum 4. Est tamen hic, ne interdictum Judicis impunè contemnatur, aut elusorium sit, distinguendum: vel enim agitur de impedimento perpetuo, quale v. g. est impedimentum consanguinitatis, vel affinitatis & similium; & tunc matrimonium, quoad mutua cohabitationem, interim separatur, donec de impedimento constiterit: quo probato, matrimonium omnino dissolvitur, vel potius declaratur, nullum inter eos contractum fuisse matrimonium. Vel agitur de impedimento solum temporali, ut de sponsalibus, quæ perpetuam causam non habent, sed pluribus modis sæpe dissolvuntur, præsertim per matrimonium subsequens; & tunc contrahentes non debent quidem à se invicem sepatari, sed continentia illis imponitur, pro arbitrio Judicis, vel etiam ad tempus à mutua cohabitatione sejunguntur, *Henric. Canis. h. r. n. 3.* Quo sensu autem intelligendum sit *c. pen. de sponsa duorum*, in quo dicitur, matrimonium contractum contra interdictum Judicis Ecclesiastici, irritari posse, dictum est *suprà eod. Tit. 4. n. 10. in fine*, ubi sermo erat de iis, qui pendente appellatione super prioris matrimonii valore, ad aliud transierunt. Videri potest *Sanch. l. 7. disp. 2.*

NUM. 1.

V. Notandum 5. probabilis est, speciale est in parentibus, ut si pro filiis contrahant sponsalia, vel matrimonium, sufficiat eorum taciturnitas, & præsentia: non item si extraneus pro extraneo; tunc enim requiritur aliud signum consensum internum exprimens, ut valeant sponsalia, vel matrimonium: tum quia in *c. unic. §. fin. de despons. inpub. in 6.* tanquam quid speciale, hoc statuitur de parentibus: tum quia quamvis matrimonium sit per se appetibile, & favorabile, idèque præsumi posse videatur, si quis etiam extraneus pro aliquo præsentè, & tacente, sponsalia, vel matrimonium contrahat, eum tacite consentire: at rectius id negatur, quia contrahero cum certa persona, viro, vel muliere, potest esse noxium, vel molestum: quare cum parentum velut officium sit filios in matrimonio collocare, idque propter magnum animum, & affectum erga illos, præsumuntur optimo, quo fieri potest, modo, id facturi; ideo merito judicatur; si pater pro filio præsentè, & tacente, sponsalia, vel matrimonium contrahat, eum tacite consentire: quæ ratio non habet locum in aliis extraneis, ut in calu hujus cap. ubi sponsalia de futuro contracta sunt à fratre pro sorore sua, tacite solum consentiente, qui consensum colligebatur ex præcedentibus muneribus, & frequentibus amplexibus: sed tunc requiritur ratificatio saltem tacita per signum aliquod, *Sanch. l. 1. de sponsal. disp. 23. n. 7. c. 8.* ubi *n. 9.* ait, idem esse de matre, quia in *cir. c. unica* de parentibus est sermo, sub quo nomine uterque parens comprehenditur, & innuitur non patris potestati, sed amoris paterni, qui in matre est ardentior.

Notandum 6. Quamvis causa interdicens matrimonium sit temporalis, & matrimonium contra prohibitionem initum sit validum; at quando prohibitio Judicis fuit legitima, ipsi conjuges ad tempus separari debent, in pœnam delicti, ne scilicet ob impunitatem delicti, justum mandatum Judicis contemnere audeant, ut habetur in *c. 1. h. r. in fine. Sanch. l. 7. disp. 2. n. 14.* ubi addit, etsi in eo cap. assignetur unus mensis, per quem separari debent; est tamen hoc tempus arbitrium, & ponitur ille mensis solum exempli gratiâ, non autem ad restringendam Judicis facultatem. Nec obstat *c. 2. h. r.* quia id loquitur de perpetua separatione, ut notat *Sanch. c. l.*

VI. Præterea in *c. Ex litteris. 2. h. r.* talis casus proponitur: Cum G. filiam suam M. abentem (quæ postea consensit, aliàs non tenuissent sponsalia, *Gl. hic p. Absentem*) cuidam R. nomine desponsâisset (per verba de futuro) & suspicio esset orta, illum velle aliam ducere in uxorem, Archiepiscopus Cantuariensis sub interminatione, seu comminatione anathematis, prohibuit, ne antequam de ipsa causa constaret, dictus R. aliam in uxorem acciperet. Sed ipse, contemnens illâ prohibitionem, aliam quandam solemniter sibi matrimonio copulavit. Verùm cum Archiepiscopus vellet de primo matrimonio, seu desponsatione cognoscere, dicta M. ad Sedem Apostolicam appellavit: cuius appellationi Archiepiscopus defrens, interdixit eidem mulieri, sub pœna excommunicationis, ne alicui nuberet, donec causa illa finem debitum sortiretur; ipsa tamen de appellatione

tione

tionem confusa, cuiusdam alii V. nomine nupsit. Re delata ad Papam, is mandavit, ut si nihil præcessisset constituerit inter prædictos R. & M. quod impediatur, præter consensum de futuro, qui dicitur inter eos intervenisse, secundum matrimonium inviolabiliter observandum iudicet, non obstantem appellatione; licet enim prædicta mulier ad secunda vota, seu nuptias, contra interdictum Ecclesiæ, transire non debuerit: non tamen matrimonium debet ob id solum dissolvi: pœnitentia tamen eis debet imponi, quia contra prohibitionem Ecclesiæ hoc fecerunt.

VII. Notandum 1. Solum interdictum Ecclesiæ factum propter impedimentum non perpetuum, sed temporale solum; non dirimit matrimonium postea contractum, prout sumitur ex hoc c. ubi expressè dicitur, non esse dissolvendum matrimonium; eod quod contra Ecclesiæ prohibitionem est initum; & est ibi sermo de iis; quibus interdictum fuit à Papa, ne transirent ad alias nuptias, donec de priorum sponsalium veritate cognosceretur; *Abb. hic n. 3. Alex. de Novo n. 2. Sanch. l. 7. de matr. disp. 2. n. 1.* Ideo autem in hoc c. interdictum Ecclesiæ non dissolvit matrimonium subsequens, quia causa prohibitionis non fuit perpetuum impedimentum, sed temporale solum; tunc enim valet matrimonium; *Sanch. c. l. num. 4.*

Notandum 2. Iudex Ecclesiasticus potest præcipere sponsæ, ne matrimonium cum alio contrahat, etiam si sponsalia non sint jurata, quia sponsalia, etiam sine iuramento; efficaciter obligant, *Abb. hic n. 2. & Alex. n. 1.*

Notandum 3. Is, qui contra prohibitionem à Superiore Ecclesiastico, ex iusta causa, factam, contrahit matrimonium, graviter peccat; & ideo pœnitentia illi imponi debet, ut habetur in fine hujus cap. nisi certò constet, nullum fuisse impedimentum, ut ex Reginaldo tradit *Barb. in Collect. hic n. 3.*

Notandum 4. Quamvis Iudex deferat appellationem, potest tamen appellanti interdicere, ne attente id, propter quod appellavit, ut pater ex hoc cap. ubi Episcopus interdixit, ne appellantes ad Sedem Apostolicam contraherent matrimonium, ante causam terminatam, & sic appellatio non tuerit appellante, ut possit id facere, propter quod appellavit, & Iudex à quo potest facere omnia ea, quæ tendunt ad facilitatem exitum causæ appellationis, *Abb. hic n. 4. & Alex. n. 3. & 5.*

Notandum 5. Quando Iudex, seu Superior aliquid præcipit, vel prohibet sub pœna excommunicationis, ut in casu hujus cap. non fect excommunicationem in contrasacientem, ipso facto, si ulterius non procedat, sed solum comminatur pœnam, *Gl. hic V. Interminatione, & Abb. n. 5.*

VIII. Postremò in c. De muliere. 3. & ult. h. t. statuitur, illos, qui propter consanguinitatem prohibentur matrimonio conjungi, si postea contra interdictum Ecclesiæ, ne contrahant, matrimonium jungantur, excommunicari debent, & ab invicem separari, quousque legitimè cognoscatur, an de iure possint, ac debeant simul remanere, & matrimonium eorum jure subsistat.

IX. Ubi notandum 1. Iudex debet interdiceret matrimonium, si adsit vehementis suspicio de im-

pedimento consanguinitatis inter contrahentes, vel alio simili: quod si interdictum sit factum propter suspicionem perpetui impedimenti, sed postea non probetur, vel reperitur non fuisse, valet matrimonium contractum contra interdictum, *Abb. hic n. 2. & 3. & Alex.* Hodie verò consanguinei contrahentes scienter in gradu prohibito sunt ipso jure excommunicati, *Clem. unic. de consang. & affinis. de quo supra.*

Notandum 2. Sitales suspecti de consanguinitate contra interdictum ineant matrimonium, sunt separandi, & per excommunicationem compellendi, ut maneant separati, donec causa cognoscatur: separantur autem, non per sententiam definitivam, cum nondum cognitum sit de causa, sed per præceptum, ut stent separati, donec appareat, & declaretur, matrimonium esse validum, & derur illis licentia simul tanquam legitimis conjugibus cohabitandi, *Alex. de Novo hic n. 3. & 4. Vivian. in Ration. hic.*

§ II.

De aliis impedimentis, quæ non dirimunt, sed impediunt tantum matrimonium contrahendum.

X. Impedimenta, quæ matrimonium subsequens non irritant, sed impediunt tantum, siue illicitum reddunt, numerantur sequentia. Primum est interdictum, siue prohibitio Ecclesiæ, vel Judicis Ecclesiastici, de quo dictum §. præced. Secundum est tempus feriarum, quibus prohibentur nuptie publicæ, & solemniter celebrari, quamvis id non sit interdictum, si absque magna solemnitate, & pompa fiat, ut probat *Sanch. l. 7. de matr. disp. 7. n. 12.* de quo dictum suo loco. Tertium est, sponsalia cum aliqua prius valide contracta, quæ antequam legitimè dissolvuntur, obstant, quominus licitè incurrat matrimonium cum alia, ut patet etiam ex alibi dictis. Quartum est, cognatio spiritualis, quæ contrahitur ab eo, qui pro baptizando, siue adulto, siue parvulo, Sacerdoti interroganti respondet in Catechismo, qui præmitti solet: quod tamen impedimentum hodie omnino sublatum esse dictum supra, *Sanch. l. 7. disp. 10. num. 12.* Quintum impedimentum est votum simplex castitatis perpetuæ, vel ingrediendi Religionem, vel suscipiendi Ordines Sacros, vel matrimonii non ineundi, quia hujusmodi vota è diametro adversantur statui matrimonii, ac proinde illud impediunt, non tamen dirimant, de quo videri potest *Sanch. cit. l. 7. disp. 11. n. 4. & seqq. Laym. l. 5. tit. 10. p. 4. c. 15. in fine.*

XI. Sextum impedimentum sunt crimina quædam, ob quæ quasi pœnitentia loco, jure antiquo decreta erat abstinentia à conjugio. Primum est, levitatio, seu susceptio propriæ proles de facto fonte, in fraudem debiti conjugalibus facta, ne possit alter conjux petere debitum: quo casu, etiam non licet susceptor petere debitum, etsi reddere possit, ac debeat: & talis susceptio impedit, ne si matrimonium dissolutum fuerit, aliud iniri possit; si tamen sic levans aliud inierit, validum erit, ut constat ex c. De eo. 5. caus.

caus. 30. q. 1. quod est defumptrum ex Concilio Moguntino, ubi in fine dicitur, *si conjuges legitimi, unus vel ambo ex industria fecerint, ut filium suum de fame suscipiant, si pravarior consensu supervixerit, sine spe conjugii maneat.* Idemque est, si alter conjux fuit Patrinus filii tenens eum in Confirmatione, animo insidiandi matrimonio. *Sanch. l. 7. dis. 6. n. 8.* 2. interfectio injusta Sacerdotis etiam impedit matrimonium, non tamen dirimit, *c. 2. de penit. & remiss.* Ratio est, quia cum Sacerdos interesse debeat Sacramento matrimonii, æquum est, ut interfectus Sacerdotis hoc Sacramento privetur, dummodo sit convictus in Judicio contentioso de eo crimine. *Sanch. cit. dis. 6. n. 9.* 3. solemnitas & publica penitentia impedit matrimonium, sed non dirimit, ut constat ex *c. De his. 12. & c. fin. caus. 33. q. 2.* sed nonnulli quamdiu durat illa penitentia, cum enim illud tempus sit destinatum luctui, & penitentia, dedecet tunc nuptias. *Sanch. cit. dis. 6. n. 10.* ubi tamen addit, cum jam penitentia solemnitas non sit in usu, cessare hoc impedimentum. 4. quis scienter, & sacrilegè contraxit matrimonium cum Moniali, prohibetur matrimonium contrahere cum alia, *c. Hi ergo. 13. caus. 27. q. 1.* quia delinquens in Sponsam Christi indignus est matrimonio, contractum tamen tenet. *Sanch. c. l. n. 11.* 5. uxoricidium impedit quoque, ne vir aliam ducere possit, non tamen dirimit matrimonium postea initum, ut constat ex *c. Interfectores. 5. & c. Quicunque. 7. caus. 33. q. 2.* nisi in adulterio ea deprehensa fuisset, *c. Admonere. 8. ead. caus. & q.* At verò viricidium non est impedimentum ad matrimonium ineundum, ut probabiliter censet *Sanch. l. 7. dis. 16. n. 6.* quia Canones hoc impedimentum statuentes loquuntur de solo uxoricidio: nec est eadem ratio de viricidio, quia hoc est rarissimum, vitique sunt audaciores, & procliviores ad uxores occidendas, quàm vice versà. 6. Raptus alienæ sponsæ dirimit matrimonium cum rapta, quamdiu hæc est in potestate raptoris, de quo alibi: sed impedit tantum matrimonium cum quacunq; alia, *c. Statutu. 34. caus. 27. q. 2.* quod est defumptrum ex Concilio Tolet. 7. incestus cum consanguineis uxoris suæ, saltem adhuc viventis, intra secundum gradum impedit, sed non dirimit matrimonium, ut

constat ex *c. 1. & c. Transmissæ. 4. de eo, qui cognovit consang.* & c. quia nullus reperitur textus, qui id esse dirimens diceret. *Sanch. l. 7. dis. 15. n. 1.* non autem impedit matrimonium contrahendum incestus cum propriis consanguineis, quia textus, qui id impedimentum statuunt, non loquuntur expressè de incestu cum consanguineis uxoris, & hic incestus non ita repugnat matrimonio impediens ejus usum. *Sanch. cit. dis. 15. n. 16.* quæ ratio cum cesset, si uxor sit defuncta, ideo probabile est, incestum commissum cum consanguineis uxoris, eâ defunctâ, non esse impedimentum matrimonii. *Laym. c. l. n. 2. §. Quartum locum,* contra *Sanch. cit. dis. 15. n. 10.* qui pro se habet text. in *cit. c. Transmissæ.* sed is loquitur, quando uxore defunctâ incestus commissus est. Denique si quis cum matre, aut filia fornicatus fuerit, ad conjugio deinceps abstinerere debet, ut statutum videtur in *c. Si quis cum matre. 9. caus. 34. q. 2. Sanch. cit. dis. 15. n. 7. Laym. c. l.*

XII. Ceterum omnia hæc impedimenta Jure Ecclesiastico inducta (præter sponsalia, & votum, quæ Jure Divino, & naturali obligant, & impediunt matrimonium, & præter interdictum speciale Superioris) omnino hodie sublata sunt per diuturnam consuetudinem, secundum quàm, sic impediti, nullâ petita dispensatione, consensu, & videntibus Prælati, passim ineunt matrimonium, ut testatur ex Navarro *Sanch. l. 7. dis. 17. n. 8.* Quod si aliquando in hujusmodi impedimentis non dirimentibus, majoris securitatis causâ, petatur dispensatio, poterit in iis dispensare etiam Episcopus, quia licet id nullo Jure exprimat, nisi de incestu improprie dicto commissio cum consanguineis sponsæ nondum cognita, juxta *c. 2. De eo, qui cognovit consang.* in quo poterit dispensare Episcopus, quia cum ibi in hoc casu concedatur, ex dispensatione iniri posse matrimonium, eaque non reservetur Papæ, censetur commissa Episcopo, juxta regulam communiter traditam à Doctoribus apud *Sanch. disp. 17. n. 10.* at consuetudo interpretatur ex similitudine rationis id extendi quoque ad alia impedimenta. *Sanch. cit. dis. 17.*

num. 15. Tanner. cit. q. 4. dub. 2.

num. 30.

TITVLVS XVII.

QUI FILII SINT LEGITIMI?

Post varia impedimenta in superioribus Titulis explicata, agitur nunc de filiis legitimis, qui nonnisi ex legitimo matrimonio nascuntur. Filii autem hæc proprie dicuntur, qui sunt nati ex viro, & muliere justis nuptiis, seu legitimo matrimonio junctis: & solet hoc nomen usurpari, prout à nepotibus distinguuntur, & aliis ulterioribus descendantibus, Barbof. hæc in princ. n. 5. Sub nomine verò filiorum hæc comprehenduntur, non solum filii, sed etiam filia, quia generaliter receptum est, masculinum concipere, sive continere fœmininum, quamvis aliqui apud Barbof. hæc n. 10. dicant, filii appellatione in numero singulari non contineri fœminam ex vi verbi, sed per interpretationem extensivam: filiorum tamen nomine in plurali comprehendi etiam filias, saltem ex commu-

communi modo loquendi, Barb. c. l. n. 11. Porro etſi in Rubrica, ſeu inſcriptione hujus Tituli ſolùm fit mentio de filiis legitimis, agitur tamen etiam in eo de filiis illegitimis. De quibus & nos agemus.

§. I.

De filiis legitimis, & illegitimis in genere.

I.



ASSERTIO I. Filij quidam ſunt legitimi, quidam illegitimi. Legitimi vel ſunt legitimi tantùm, quales ſunt filij adoptivi, qui non à natura, ſed à ſola lege filij ſunt facti. Vel ſunt legitimi, & naturales ſimul, qui ex legitimo matrimonio nati ſunt, lege, & naturà matrimonium approbantibus, id eſt, qui ex juſtis nuptiis veris, vel putativis ſunt procreati, *Inſtit. de patr. poteſt. in princ. l. Filium. 6. ff. De hiis, qui ſui, vel alieni &c. Molin. tom. 1. tract. 2. diſ. 169. n. 1. Suar. diſ. 50. de cenſur. ſec. 1. n. 1. Gregor. Thoſ. ſynagm. jur. univerſ. p. 2. libr. 10. c. 3. n. 6.*

II. ASSERTIO 2. Filij illegitimi ſunt, qui non ex juſtis nuptiis verè, vel putativè nati ſunt, ſed extra matrimonium, *Auth. Quibus modis natur. effec. ſui. 9. Quod verò.* Et hi alii ſunt naturales, alij non naturales, qui etiam ſpurij vocantur. Filij naturales tantùm de Jure Canonico dicuntur illi, qui nati ſunt à parentibus, inter quos matrimonium tempore conceptionis (vel ſaltem nativitatis, ſecundùm probabilem ſententiam) abſque impedimento dicimur conſiſtere poterat. Non naturales verò, & ſpurij Jure Canonico dicuntur, qui nati ſunt ex his parentibus, qui matrimonium contrahere non poterant, nec tempore nativitatis, nec tempore conceptionis: quare ijdem ex damnato coitu nati dicuntur, *Laym. l. 5. tit. 10. p. 3. c. 5. n. 3.* Sed Jure Civili, ſeu Cæſareo filij illegitimi, alij ſunt naturales, alij non naturales. Naturales cenſebantur ij ſoli, qui ex ſoluto concubitu, ſive unicà uxoris loco domi retentà nati fuerunt, cum qua matrimonium contrahere potuiſſet. Non naturales verò cenſebantur nati ex damnato coitu, ſi cum eorum matre matrimonium contrahi non potuit: reliqui autem nothi dicebantur, qui in eo differunt à naturalibus, ſeu ex concubina domi habità natis, quòd iſti naturales cenſentur habere patrem certum, donec contrarium probetur: Nothi verò incertum, niſi certus demonſtretur, quare iſti ſpurij, ſeu vulgò concepti appellari ſolent, *Laym. c. l. num. 3.*

III. Porro hodie multi DD. apud *Barboſ. hic in princ. num. 16. & 17.* negant, quoad hoc eſſe differentiam faciendam inter utrumque Jus, ac proinde raros eſſe, vel nullos filios naturales; cum enim concubina lege Canonica ſit reprobata, ideo filij illegitimi naturales, qui ſcilicet ex concubina domi retentà ſunt geniti, vix, vel rarò reperiuntur: ſpurij verò ſunt omnes ex illis geniti, qui matrimonium inter ſe contrahere non poterunt, juxta *l. Fulgò. 23. ff. De hiis, qui ſui, vel alieni &c.* ubi dicitur, vulgò concepti dicuntur, qui patrem demonſtrare non poſſunt: vel qui poſſunt quidem, ſed cum habent, quem ha-

TITULUS IV.

bere non licet, qui & ſpurij appellantur. Ubi Jctus diſtinguit inter duplicis generis ſpurios: nam alij ſunt, qui non habent certum patrem, ut ſunt nati ex meretricibus, vel aliis, qui cum multis fornicantur. Alij verò ſunt ſpurij, qui certum patrem habent, ſed talem, quem leges habere prohibent, ut ſunt nati ex ijs parentibus, inter quos matrimonium contrahere lex vetat, quales ſunt conſanguinei, conjugati, vel voto ſolemnè obſtricti. Rurſum hi, vel ſunt ſpurij ſimpliciter, qui naſcuntur ex conjunctione, quam leges humanæ nullà exteriori ponnà aſſiciunt, ut eſt filius natus ex conjugato, & ſoluta; nullà enim ponnà huiſmodi coitus panitur, *l. 1. C. Ad leg. Jul. de adul. Vel ſunt ſpurij ex damnato coitu, cujuſmodi ſunt nati ex conſanguinea, vel coningata, vel Moniali, de quibus agitur in *Auth. Quib. modis nat. filij effec. legit. & ſui. 9. ult. collat. 6. Covarr. in 4. Decret. p. 2. c. 8. §. 5. n. 16. Barboſ. in princ. n. 17.**

§. II.

Quinam in ſpecie iudicandi ſint filij legitimi?

IV. De hiis agitur inprimis in *c. Cum inter. 2. h. t.* ubi talis caſus proponitur: Joannes cum Teberga contraxit matrimonium in facie Eccleſiæ, de qua filios concepit: cum autem facta eſſet gravis da, accuſatum fuit matrimonium de conſanguinitate; ideòque canonicè lata fuit inter eos ſententia divortij: unde dubitatum fuit, an filij nati ante ſententiam eſſent legitimi? Conſultus Papa Alexander III. reſpondet, quòd filij exinde non debent ſuſtinere jacturam, cum parentes eorum publicè, & ſine contradictione in facie Eccleſiæ matrimonium contraxerint. Quare ſtatuit Papa, ut filij eorum, quos ſuſceperunt ante divortium, & qui concepti fuerunt, ante latam ſententiam, legitimi habeantur, & in bona paterna hæreditario jure ſuccedant, & de parentum facultatibus alantur.

V. Pro explicatione hujus cap. notandum r. filij concepti, ante ſententiam divortij, à parentibus, qui publicè, & ſine contradictione, ac bonà fide utriusque, vel ſaltem alterius parentis, matrimonium contraxerunt, habentur pro natis, quando de eorum commodo agitur, quia ſunt verè, & propriè legitimi filij, licet inter tales parentes exiſtat latens impedimentum Canonicum, v. g. conſanguinitatis, vel aſſinitatis, propter quod poſtea tale matrimonium judicio Eccleſiæ fuit ſeparatum, quippe invalidum, ut habetur hic. *Abb. hic n. 1. Alex. de Novo n. 2. & 7. Covarr. in 4. Decret. p. 2. cap. 8. §. 1. n. 1. & 2. & alij.* Ratio eſt, quia quando parentes in facie Eccleſiæ publicè, & bonà fide matrimonium contraxerunt, ignorantes impedimentum ſubſiſſe, tunc excuſantur à peccato, etiam ſi poſtea impedimentum detegatur, quia tunc potiùs in favorem prolis ſuſceptæ, judicandum eſt illud eſſe legitimum, quàm ut ſententia di-

V

Fortij

vortij postea lata illi debeat nocere, prout habetur in textu hic. Ut autem filij ex tali putativo matrimonio suscepti habeantur legitimi, duo copulativè requiruntur, nempe quoddam matrimonium publicè, & in facie Ecclesiæ sit celebratum, & quoddam bonâ fide; si enim intrumque, vel alterum tantum desit, non erunt filii legitimi, *Covarr. c. l. e. 8. §. 1. n. 2.* Quod si unus parentum sciat impedimentum, adeoque sit in mala fide: alter verò ignoret, & sit in bona fide: nihilominus filij ex tali matrimonio nati legitimi habentur, non solum quoad parentem habentem bonam fidem, sed etiam quoad habentem malam fidem, dummodo in facie Ecclesiæ matrimonium sit contractum, idque in favorem liberorum statutum fuit, *c. fin. §. Si quis. de clandest. despons. & ibi Gl. V. Si ambo parentes*: quia esset monstrum, si quis esset partim legitimus, & partim illegitimus, sicut si quis esset partim liber, partim servus. *l. Duobus. 30. ff. de liber. caus. Sanch. l. 8. de marr. dif. 34. n. 46.* ubi tamen id limitat, quoddam hoc verum sit, respectu filij, & in ejus favorem, & respectu parentis, qui in bona fide fuit: non verò respectu parentis, qui malam fidem habuit, hic enim non gaudet jure legitimi parentis: neque verò monstrum censeri debet, si filius sit legitimus respectu patris sui; non autem vicissim pater habeat legitima jura patris, respectu filij. Ratio disparitatis est, quia proles, quæ nihil mali fecit, jure merito ratione bonæ fidei alterius parentis, reputatur plenè legitima, juræque omnia legitimæ prolis habet. At verò parens in mala fide constitutus, qui scienter cum impedimento contraxit matrimonium, adeoque; culpæ reus fuit, merito jure legitimi parentis privatur, ne ex suo delicto commodum reportet; & ideo jus in prolis favorem concessum ad hujusmodi parentem extendi non debet, *Sanch. c. l.*

VI. Notandum 2. Si matrimonium contrahatur non præmissis denunciationibus, dicitur clandestinum, quoad penas incurrendas clandestinis matrimoniis appositæ, etiam si fiat coram Parocho, ac testibus; unde filij suscepti à parentibus clandestinè contrahentibus, non præmissis denunciationibus, illegitimi censentur, quia in iis scientia, & mala fides semper præsumitur, *Sanch. l. 3. de marr. dif. 42. n. 6. Barbosa. de Offic. Episc. alleg. 32. n. 8.* ubi præterea observandum, etsi matrimonium contractum coram Parocho, & testibus sit validum, licet denunciationes sint omisse, ut tamen licitè, & justè contrahatur, requiritur insuper, ut denunciationes præmittantur, alioquin matrimonium clandestinum censeri debet, quia in *cir. c. ult. in princ. de clandest. despons.* solemnitas denunciationum præscribitur, *Avila de censur. p. 7. dif. 3. dub. 6. Barbosa. in c. 2. h. t. n. 20.*

Notandum 3. Ex eo, quod filij concepti, ante sententiam divortij, à parentibus, qui publicè, & bonâ fide contraxerunt matrimonium, (sunt verè, & propriè legitimi, sequitur, eos ad Ordines Sacros, & dignitates Ecclesiasticas admittendos esse, *Barbos. in Collect. in c. 2. n. 5. h. t.* Item admittuntur tales filij legitimi ad successionem hæreditatis paternæ, etiam in feudis, & Majoratibus, *Covarr. c. l. §. 1. n. 3. Barbosa. c. l. n. 7.* saltem si Majoratus sit simpliciter institutus, *Barb. c. l.*

VII. Notandum 4. Filij nati, post litem contestatam, super matrimonio publicè contracto, quod

per sententiam divortij postea invalidum declaratum fuit, sunt legitimi, non minus, quàm si ante litem essent concepti: quia lite etiam contestatâ, præsumitur bona fides in matrimonio: nam lite pendente super matrimonio, permittitur carnale commercium inter conjuges, *c. 2. Vt lite pendente &c.* quod non permitteretur ab Ecclesiâ, si mala fides præsumeretur, neque facili debet præsumi delictum, *l. Merito. § 1. ff. Pro Socio. Abb. hic n. 6. & Alex. de Nevo n. 5. Covarr. c. l. n. 5.* cum ergo ulus matrimonij, pendente lite, non sit interdictus, non debet ex eo, quod legitime factum est, ulla pœna sequi, neque filij, pendente lite, concepti propterea illegitimi censeri. Similiter, pendente appellatione à sententia lata contra matrimonium, filij concepti sunt legitimi, *Covarr. c. l. n. 7.*

Notandum 5. Quo jura debentur filiis legitimis, ut habetur in *cir. c. 2. h. t.* scilicet hæreditas paterna, & jus petendi alimenta: si verò sint illegitimi, debetur illis jus tantum petendi alimenta, *Alex. de Nevo hic n. 6.*

VIII. Secundò in *c. Perlatum. 8. h. t.* refertur, quoddam quidam H. nomine habens uxorem l. ad parres Constantinopolitanas se contulisset, ibique per decem annos, & amplius moratus, ad uxorem suam non rediisset, ipsa coram Diececlano Episcopo adversus eum querelam deposuit, & quoddam diutius expellatè non posset, allegavit. Episcopus mandavit parentibus viri (& amicis, *Gl. hic V. Parentibus*) ut ipsum ad propria revocarent. Cum ergo diutius expellatè fuisset, nec rediret, Episcopus, auditis rationibus mulieris (id est, probationibus, *Hofiens. hic V. eod.*) inter eos sententiam divortij promulgavit (probato impedimento perpetuo, *Gl. hic V. Promulgavit*) & mulieri alium virum ducendi facultatem concessit. Consultus Papa Alexander III. mandat quibusdam, ut si confiterit, quoddam Episcopus iuxta eos sententiam divortij tulerit, filios, quos ex alio, ad cujus copulam auctoritate Ecclesiæ transivit, fustulit, legitimos judicet, eòque hæc occasione ab hæreditate paterna excludi non patiantur. Ratio hujus decisionis est, quia ista mulier, bonâ fide, in facie Ecclesiæ contraxit, tam cum primo, quàm cum secundo viro; ideo filij ex quolibet eorum geniti censeri debent legitimi, quævis unum ex illis matrimoniis postea nullum declaretur: potius enim in favorem prolis sic susceptæ judicandum est, eam esse legitimam, quàm attendenda sententia divortij super nullitate matrimonij postea lata, *Vivian. in Ration. hic.*

IX. Notandum præterea 1. Si mulier per judicium Ecclesiæ sit separata à primo viro, & vivente illo, de licencia Ecclesiæ, contrahat matrimonium cum alio, proles suscepta ex secundo viro legitima erit, & capax hæreditatis, prout sumitur ex hoc cap., & tradunt communiter DD. hic.

Notandum 2. Absentia conjugis, quantumvis diuturna, non est per se sola sufficiens causa legitima separandi matrimonium, etiam si uxor alleget incontinentiam, unde dici debet, quoddam mulier in casu hujus cap. allegabat impedimentum perpetuum, v. g. consanguinitatis, vel maritum esse mortuum, *Abb. hic n. 2. & Alex. de Nevo n. 2.*

Notandum 3. Ecclesia, seu Iudex Ecclesiasticus, postquam cognovit de legitimacione, potest, & debet se interponere, & curare, ut eis, quem pronuntiavit legitimum, ab hereditate excludatur, & sic immiscere se etiam temporalibus negotiis, quando veniunt accessorie ad spirituale, *Abb. hic n. 4. & Alex. de Nevo n. 4.*

X. Sed hic gravis occurrit difficultas, cum ex hoc cap. constet, sententiam divortii fuisse nullam propter Ordinem iudicarium non servatum; processit enim Iudex contra primum maritum absentem, nec personaliter citatum, & lite non contestata, sed debuisset expectari, donec verisimilis presumptio haberetur de ipsius obitu; ideoque sententia divortii nulla fuit, nec prodesse debebat ad excusandam malam fidem mulieris, quæ non certa de morte prioris conjugis cum secundo contraxit. Verum Pontifex non attendit, utrum sententia divortii, ejusque processus validus fuerint, an vitiosus: sed in favorem prolis statuit, prole ex secundo matrimonio susceptam esse legitimam, quod ejus auctoritate parentes publice in conspectu Ecclesie contraxerunt, de qua res solum Pontifex interrogabatur, *Covarr. cit. c. 8. §. 1. n. 10. & alii apud Barbos. in Collect. hic n. 2. & 3.* Accedit, quod hujusmodi matrimonium publice fuit contractum: ex eo autem, quod aliquid publice factum fuit, probatur, & presumitur bona fides, *Barbos. c. l. in fine.*

XI. Tertio in c. *Quod nobis. 9. h. t.* dicitur, quod geniti ex clandestino matrimonio, sed postea ab Ecclesia approbato, legitimi filii, & hæredes sunt indicandi. Idque procedit, etiam si postea matrimonium iusta ex causa separatur, ut addit *Gl. hic V. Fuerint.* Ratio decisionis est, quia approbatio Ecclesie postea superveniens retrotrahitur, & censetur in favorem matrimonii ab initio adfuisse, & perinde est, ac si ab initio matrimonium in conspectu Ecclesie fuisset contractum, c. 2. & ibi *Gl. in fine de clandest. despons.* & ideò, licet filii illi non fuissent legitimi, si matrimonium postea per Ecclesiam non fuisset approbatum, per subsequentem tamen approbationem Ecclesie legitimi sunt effecti, *Privat. in Ration. in hoc c.*

XII. Ubi præterea notandum 1. quando matrimonium clandestinum, quod tevera fuit nullum ob impedimentum bonæ fide ignoratum, approbatum fuit ab Ecclesia tanquam validum, sed postea impedimentum detectum fuit; tunc filii geniti post approbationem matrimonii, antequam impedimentum deregeretur, sunt legitimi, in quo conveniunt DD. teste *Sanch. l. 3. de matr. disp. 43. n. 1.* quia tunc cessat ratio *cit. c. ult. §. Si quis verò de despons. clandest.* habent enim parentes iuram causam ignorandi impedimentum. An verò etiam filii nati ante Ecclesie approbationem, sint legitimi, dubitatur, nec conveniunt DD. Probabilis est, filios conceptos, ante detectum impedimentum, licet ante approbationem Ecclesie nati sint, esse legitimos, si matrimonium publicum fuerit, & tanquam validum auctoritate Ecclesie approbatum, etsi postea impedimentum deregatur, *Sanch. cit. disp. 43. n. 4. & constat ex cit. c. Quod nobis. h. t.* cujus sensus est, si qui ex matrimonio clandestino generari fuerint, illòque postmodum ab Ecclesia approbetur, tunc filii sunt legitimi.

Idque probatur 1. ex c. 2. de clandest. despons. ubi

Tomus IV.

habetur, quod approbatio clandestini matrimonii hoc operatur, tanquam si à principio in conspectu Ecclesie esset contractum; sed tunc filii essent legitimi, licet post detectum impedimentum, matrimonium separaretur, c. pen. h. t. ergo quavis ab initio clam contractum sit, approbatio tamen Ecclesie subsequens efficit, ut omnes filii ante geniti sint legitimi. Confirmatur, quia per Ecclesie approbationem purgatur omne vitium matrimonii clandestini, sicut per matrimonium sequens purgatur turpitudinis filiorum, qui ex fornicario concubitu sunt geniti, & tollitur presumptio scientiæ, seu affectatæ ignorantie, quæ fuit motivum, cur proles ex tali conjunctione genita censetur illegitima, ut expressè dicitur in *cit. c. ult. §. Si quis verò de clandest. despons.* ergo filii efficiuntur legitimi, *Sanch. cit. disp. 43. n. 4.* Probatur 2. Quia constat natos ex clandestino matrimonio valido esse verè legitimos, prout habetur in c. 2. de clandest. despons. ubi dicitur: si matrimonium ita occultè contrahantur, quod exinde legitima probatio non appareat: & paulò post: si persone contrahentium hæc voluerint publicare (nisi rationabilis causa præpediat) ab Ecclesia recipienda sunt, & comprobanda, tanquam à principio in Ecclesie conspectu contracta. Sed hoc posteriore casu filii inde nati essent legitimi, ergo etiam tunc, quando sunt nati ex clandestino matrimonio valido, *Sanch. l. 3. disp. 42. n. 8.* & plures alii apud ipsum.

Notandum 2. Iudex Ecclesiasticus, qui pronuntiat aliquem esse legitime natum, potest simul etiam pronuntiare esse hæredem, prout sumitur ex fine hujus cap. quia filius presumitur hæres, juxta illud Apostoli, ad Galat. 4. Si filius, ergo hæres, quod tamen intelligi debet, si velit esse hæres, quia hodie habet beneficium abstinendi ab hereditate paterna, unde ut filius conveniri possit tanquam hæres, probati debet, quod se immiscuerit hereditati paternæ, *Abb. hic n. 3. & 4. Alex. de Nevo ibid. n. 4.*

XIII. Quattò in c. *Ex tenore. 14. h. t.* Quædam vidua G. nomine, petebat hereditatem R. quondam mariti sui sibi, & pupillo filio suo restitui (quia nutrix erat, *Gl. hic V. Restitui.*) sed pars adversa petitionem ejus nitebatur repellere, quia R. maritum istius viduæ ex adulterio genitum esse assererat, & quod pater dicti R. vivente legitima uxore, aliam quandam M. nomine superinduxit, ex qua dictum R. maritum ejusdem viduæ suscepit: sed pars adversa, vidua scilicet dicebat, quod ipsa nesciens patrem dicti R. aliam habere uxorem, cum eo in facie Ecclesie matrimonium contraxit: unde dictus filius ipsius legitimus debeatur reputari, cum illegitimi dici non debeant, qui ex adultera conscia non nascuntur, prout habetur in integra lectione hujus cap. ut testetur *Gl. hic in casu.* Consultus super hac re Papa respondit: cum pater prædicti R. matrem ejus in facie Ecclesie ignarum, quod ipse sibi aliam matrimonialiter copulasset, duxerit in uxorem, & dum legitima putaretur uxor, ipsum R. ex eadem suscepit, ideo in favorem prolis, se dictum R. legitimum judicare.

XIV. Notandum 1. Si conjugatus, vivente primâ uxore, in facie Ecclesie ducat aliam, quæ probabiliter ignorat illum esse conjugatum, proles inde

V 2

inde nata indicatur legitima, etiam si subsit occultum impedimentum dirimens, propter quod matrimonium postea declaretur nullum, ut in casu hujus cap. in quo vir duxit secundam uxorem, vivente adhuc primâ: imò quod plus est, etiam si ex parte alterius conjugis committatur adulterium, quia alter habet conjugem, *Alex. de Novo hic n. 4.* Ratio est, quia cum legitimatio filiorum sit favorabilis, attendenda est potius in favore proli bona fides utriusque, vel saltem alterius parentis impedimentum inter eos ad contrahendum matrimonium ignorantis, quam mala fides alterius conjugis scienter contra legem contrahentis, ut habetur in fine hujus cap. *Viñan. in Ration.*

Notandum 2. Ignorantia impedimenti dirimentis matrimonium ad legitimandam prolem non sufficit, si adit tempore contractus matrimonii, sed requiritur, ut subsit tempore conceptionis, sive conceptionis proli, vel nativitatis. Unde si ambo parentes, vel alter eorum, tempore conceptionis filii, ignorabant impedimentum, filius nascitur legitimus, quia bona fides attenditur tempore conceptionis filii: nam is, qui est in utero, pro nato habetur, quando agitur de commodo ipsius, *l. Qui in utero. ff. De statu hom. & dictum supra, Alex. de Novo hic n. 5.*

Notandum 3. Ad legitimandam prolem propter bonam fidem parentum, vel saltem alterius tantum, requiritur, ut matrimonium inter eos in facie Ecclesie sit contractum, prout constat ex hoc cap. nam cum matrimonium, de quo hic agitur, sit nullum, quippe à conjugato, vivente primâ ejus uxore, contractum, & ut illi filii nati censentur legitimi, fundatse textus in eo, quod non sit clandestinum, sed publicè in facie Ecclesie contractum, cum ignorantia impedimenti, saltem ab altero conjugis: nam si præter impedimentum ligaminis, sive vinculum prioris matrimonii fuisset quoque matrimonium clandestinum, tum filii geniti ex tali matrimonio inter prohibitos contracto non essent legitimi, juxta c. ult. §. Si quis verò de clandest. de spons. quia ex matrimonio clam, & occultè contracto præsumitur scientia impedimenti, & dolosè matrimonium contractum. Unde quando dicitur, ex matrimonio putativo genitos filios non effici legitimos, nisi publicè in facie Ecclesie fuerit contractum, id intelligendum est, quando ob aliquod impedimentum dirimens matrimonium est nullum, tamen si illos conjugibus non fuerit notum, *Covarr. in 4. Decret. p. 2. c. 6. in princ. n. 12. Barb. in Collect. hic n. 3.* Et quamvis Canon ille in c. ult. §. 1. sit pœnalis, non tamen ideo restringi debet, cum favore animæ sit conditus, adeoque ampliari, *Abb. hic n. 6. & Covarr. c. l.*

XV. Quintò in c. Gaudemus. 15. & ult. h. i. statuitur: filii, qui ex infidelium (scilicet paganorum, vel Judæorum conjunctionibus, seu conjugis) geniti sunt, si illorum parentes in secundo, vel tertio, vel ulteriore gradu secundum opinionem eorum, matrimonium contraxerunt, post fidem receptam (id est, postquam ad fidem sunt conversi) utilitate publicâ suadente, legitimi sunt censendi.

XVI. Notandum 1. Intet infideles verum, &

legitimum matrimonium potest consistere, quia matrimonium, non tantum est Sacramentum, sed etiam contractus naturalis: quamvis ergo matrimonium non possit consistere inter infideles, quatenus est Sacramentum; cum enim non sint baptizati, Sacramenti capaces non sunt: potest tamen, quatenus est contractus naturalis, instar aliorum contractuum, *Sanch. l. 7. de matr. dist. 73. n. 2.*

Notandum 2. Matrimonium infidelium est validum, in quo non adest impedimentum jure naturali, vel Divino dirimens matrimonium, quamvis jure Canonico dirimat, quia lex Canonica non astringit infideles, *Sanch. cit. dist. 73. n. 3.* idèoque si tales contraxerunt matrimonium in gradu non prohibito lege Divinâ, vel naturali, filii ex eo nati sunt legitimi, licet parentes contraxerint matrimonium in gradu prohibito à Legge Canonica, c. De infidelibus. 4. de consang. Viñan. in Ration. hic.

XVII. Notandum 3. Filii convertorum ad fidem Christianam ab Ecclesia reputantur legitimi, idque in favorem fidei, & suadente publicâ utilitate, quia eis sic favendo, alii facilius convertentur, *Gl. fin. hic.* Idque confirmatur, quia matrimonium, quod ab infidelibus contractum est in gradibus solâ lege Canonica prohibitis (de quo communiter intelligitur hoc cap.) post eorum conversionem, remanet indissolubile, & perfectam Sacramenti rationem sortitur, c. De infidelibus. 4. de consang. & affin. Et consequenter cum matrimonium tale a principio fuerit validum, & post conversionem conjugum infidelium validum maneat, nihil obstat, cur possit, vel debeat dubitari, filios inde natos esse legitimos; *Barbos. in cit. fin. n. ult. h. i.*

Notandum 4. Aliâ expofitio hujus cap. est, quod loquatur de prole suscepta ex secundo matrimonio, repudiata primâ conjugis, & tale matrimonium initum cum secunda, vivente primâ, non valet, quia subest impedimentum juris Divini, cum Christus expresse prohibuerit, vivente primâ uxore, ducere aliam, si duas simul habere uxores, c. pen. de divor. idèoque quando infideles, repudiata primâ uxore, contrahunt cum secunda, matrimonium tale non tenet, tamen si convertantur ad fidem, quia ignorantia juris Divini non excusat sic contrahentes matrimonium à peccato: ob favorem tamen dilatationis fidei, & quia contrahentes fuerunt in bona fide; contraxerunt enim infideles secundum legem suam, si postea convertantur ad fidem Christianam, filii eorum sunt legitimi, auctoritate hujus Canonis, *Alex. de Novo hic n. 4. & 5.* Nec videtur dissentire Abbas hic in fine. Plura de his infra Tu. 19.

§. III.

Quinam in specie reputandi sint filii illegitimi?

XVIII. Imprimis matrimonium contractum contra publicâ honestatis justitiam non tener, & filii ex eo nati sunt illegitimi, & ab hereditate paternâ excludendi, prout asinitur ex c. Referente. 16. h. i. Nam cum quidam, ut refert Gloss. ibi in casu, sponsalia de futuro cum aliqua contraxisset, illa postea, mutata voluntate, per verba de presenti

con-

„ contractum matrimonium cum alio, & sic soluta
 „ fuerunt priora sponsalia: ille verò, qui sponsalia
 „ cum ea contraxerat, matrimonium iniiit cum qua-
 „ dam illius consanguinea, ex certa scientia utrius-
 „ que, ex quo nati sunt filii, quosrum fuit, an hi es-
 „ sent legitimi? Respondet Papa Cælestinus III.
 „ quòd matrimonium inter eos contrahi non po-
 „ tuit, prohibente id publicæ honestatis iustitiâ, &
 „ contractum debuit separari: filios verò, cum nec
 „ per Ecclesiæ permissionem (id est, dispensatio-
 „ nem, quia Ecclesia cum eis non dispensavit, adeo-
 „ que tale matrimonium non approbavit, *Gl. hic V.
 „ Permissionem.*) nec per paternam ignorantiam ex-
 „ cusentur (hæc enim utriusque parentis, vel alteri-
 „ us tantum excusant filios, & legitimis reddit, *Gl.
 „ hic V. Ignorantiam.*) ad successionem bonorum
 „ paternorum non esse admittendos.

XIX. Notandum 1. Impedimentum publicæ honestatis, non tantum impedit matrimonium contrahendum, sed etiam dirimit contractum contra publicam honestatem, & invalidum reddit, & filii ex tali matrimonio nati sunt illegitimi, nec succedunt in bonis parentum, *Abb. hic n. 3. & Alex. hum. i.*

Notandum 2. Ecclesia potest dispensare in impedimento publicæ honestatis, quia illud non est à Jure Divino, sed positivo inductum; dispensando autem super matrimonio, per consequens etiam dispensat super legitimitate filiorum, etiam quoad hæreditatem, *Abb. hic n. 3. & 4. & Alex.*

Notandum 3. Si post sponsalia de futuro cum certa persona inita contrahat sponsus matrimonium de presenti cum ejus sorore, sed nondum consummavit, obligatur ad servandam priori fidem, & citiusque recipere debet; quia matrimonium cum secuta da propter impedimentum iustitiæ publicæ honestatis fuit nullum. Quòd si matrimonium cum postea consummasset, cum neutra posset illud validè contrahere: non cum priore, propter impedimentum affinitatis confusgens ex copula cum sorore habita. Non cum posteriore, propter impedimentum publicæ honestatis ortum ex sponsalibus validè contractis cum ejus sorore, *Navarr. in Man. Prel. c. 22. n. 57. Sanch. l. 7. disp. 68. h. 2. 4.*

XX. Præterea si mulier aliqua, vivente marito, alteri viro matrimonialiter de facto conjungatur, proles ex tali matrimonio nata illegitima censeri debet, prout decernitur in *c. Causam, quæ. 4. h. 1.*
 „ Nam quia, ut refert *Gl. ibi* in casu, dicebatur,
 „ quòd Agatha, de cujus hæreditate agebatur, non
 „ esset ex legitimo matrimonio nata, mandat Papa
 „ de hoc inquiri: & si constiterit, quòd Agatha na-
 „ ta fuit ex Anelina, eo tempore, quo illa cum Ala-
 „ no viro suo morabatur, non esse Agatham legiti-
 „ mam ejus filiam censendam, vel si Rudolphus pa-
 „ ter dictæ Agathæ Anelinam virum habentem pub-
 „ licè tenebat (tanquam uxorem) & eo tempore
 „ nata fuit Agatha, eam non fuisse legitimam ejus-
 „ dem Rudolphi filiam judicandam: quia non po-
 „ tuit esse uxor, quæ viti sui (scilicet Alani) torum
 „ maculans, alii (nempe Rudolpho scienti, quòd
 „ illa (Anelina) habebat alium virum (Alanum)
 „ *Gl. hic V. Alii.*) dum ille viveret, copulari præ-
 „ sumpsi. Ratio decisiva pater, quia cum Aga-

tha nata fuerit ex adulterio, non potuit esse legiti-
 „ ma proles.

XXI. Notandum 1. Si constet, quòd uxor concepit filium, eo tempore, quo ejus maritus non poterat habere copulam cum illa, non debet censeri filius mariti, sed alterius, prout sumitur ex hoc cap. & l. *Filium. 6. ff. De his, qui sui, vel alieni iur. sunt.* sive talis filius moretur, & habitet apud maritum, sive apud virum adulterum; non enim inferitur ex habitatione, quòd ille sit filius mariti, ut hic & cit. l. *Filium.* Sitamen dubitetur, an natus ex uxore, quæ rem habuit cum alio viro, possit esse filius mariti, præsumitur potius filius legitimus mariti, quam ex adulterio natus, quia cum talis possit esse filius utriusque, potius in favorem matrimonii præsumi debet esse legitimus. Potest tamen quis probari esse filius illegitimus natus ex adulterio, etiam si mater habitet cum marito, dummodo probari possit, quòd maritus tempore conceptionis non haberet commercium carnale cum uxore sua; *Abb. hic n. 2. Alex. de Nervo n. 3.*

Notandum 2. Excluso ab hæreditate ascendente, v. g. avo tanquam illegitimo, excluduntur etiam descendentes, etsi sint legitimi, ut in casu hujus cap. non Agatha, sed filius ejus. ut colligitur ex *c. Causam. 7. h. 1.* litigavit, cum enim si peteret hæreditatem avi ex persona matris Agathæ, disputabatur hic de legitimatione Agathæ, an fuerit legitima, *Abb. hic n. 3.* Ex quo infer, licet filius sit legitimus, si tamen pater fuit illegitimus; non debet admitti ad hæreditatem avi, & aliorum ascendentium: nam ex prole illegitima non potest nasci proles legitima quoad ascendentes, quia omnes descendentes ex patre non legitimo oriuntur ex radice infecta, & sic et ipsi sint legitimi; excluduntur tamen ab hæreditate illorum, quibus pater illegitimus non potest succedere, quò facit text. in l. *fin. C. De natural. liber. Abb. hic in fine. & Alex. de Nervo n. 4. & 5.*

XXII. Cæterum huc pertinet alia similis Constitutio, quæ habetur in *c. Causam, quæ. 7. h. 1.* & olim fuit pars Decretalis *causam, quæ. 4.* iuprà allatæ, & explicatæ. In posteriore verò *c. Causam, quæ.* quod debet præcedere cap. *Causam. 4.* ut cenlet *Abb. idem* casus positus in priore cap. *Causam*, plenius proponitur, & declaratur his verbis. R. & F. erant duo fratres. R. iste suscepit Agatham ex Anelina uxore „ Alani: Agatha verò ex legitimo matrimonio suscepit istum R. de quo hic mentio, & sic Rudolphus fuit avus istius R. qui profectus est ultra mare, & reliquit istum R. de quo hic habetur, & Agatham matrem Rudolphi in possessione omnium bonorum ipsius; postquam audivit, quòd Rudolphus mortuus esset ultra mare. Sed F. iste statim spoliatum ipsum R. possessione omnium bonorum Rudolphi avi sui, in quorum possessione manebat, quando ivit ultra mare, quia dicebat, Agatham neptem suam matrem istius Rudolphi non fuisse natam ex legitimo matrimonio (*c. Causam, quæ. 4. sup.*) & sic nec ipsa, nec R. ejus filius debebat succedere Rudolpho fratri ejusdem F. sed ipse F. Unde iste R. sic spoliatum ab F. avunculo suo impetravit litteras ad Episcopos Exoniensem, Londonensem, & Vigoriensem, ut cognoscant super eo, quòd mater ipsius R. dicebatur ex „

„ matrimonio non legitimo nata, ita tamen ut ante
 „ ingressum, seu exordium principalis causæ, de-
 „ beant ei restituere hæreditatem avi sui. Sed quia
 „ Rex Angliæ turbatus fuit, quod Papa Judicium
 „ possessorum commiserat dictis tribus Episcopis,
 „ revocavit iudicium istud de restitutione, quod ad
 „ Regem pertinet: & mandat, ut procedat super
 „ quæstione natiuitatis ipsius Agathæ, an scilicet
 „ nata sit ex legitimo matrimonio; licet incongru-
 „ um videatur, ut matrimonium, ex quo nata fuit
 „ Agatha genitrix dicti R. impetratur, quod eâ vi-
 „ vente (ut dicitur) non fuit inspectum (quia cri-
 „ mina morte extinguuntur, l. 1. §. 2. C. *Sireus*,
 „ vel *accus. mort. fuer. Gl. hic V. Incongruum*.) Sed quia
 „ Iudices isti fortè non procedebant in causa, iste
 „ R. impetravit eandem causam committi prædictis
 „ tribus Episcopis: quia verò F. Episcopum Lon-
 „ donensem suspectum habuit, fecit illum remove-
 „ ri, & loco illius substitui Abbatem Hertforden-
 „ sem. Ita refertur à *Gloss. & Abbate in casu cit. c.*
 „ *Causam. 7. h. t.*

XXIII. Ubi notandum 1. Summus Pontifex,
 vel alius Iudex Ecclesiasticus non cognoscit de cau-
 sa civili, seu temporali inter laicos, nisi sint paupe-
 res, vel alie personæ miserales: quia in causis
 temporalibus inter laicos, extra dominium tempo-
 rale Ecclesiæ, regulariter eorum cognitio spectat ad
 Potestatem sæcularem, *Gl. hic V. Ad Regem, & Abb.*
n. 2. Cognoscit tamen Ecclesiæ, seu Iudex Ecclesi-
 asticus, an quis natus sit ex matrimonio legitimo,
 quia matrimonium, & causa legitimittatis accessio-
 riè ab illa dependens, sunt causæ spirituales; ideo
 illarum cognitio spectat ad Iudicem Ecclesiasticum,
 & sæcularis non potest de illis cognoscere, *Pivian. in*
Ration. hic, de quo plura infra.

Notandum 2. Ad Reges spectat cognoscere de
 omnibus causis ad Regnum pertinentibus, & sic Rex
 habet jure communi fundatam jurisdictionem per
 totum suum Regnum, nisi quis ostendat, se habere
 jurisdictionem in aliquo Castro, vel Civitate sita in
 Regno per speciale privilegium, vel præscriptio-
 nem, *Abb. hic n. 3. & Alex. de Nevo n. 5.*

§. IV.

*Coram quo Iudice, sæculari, an Ec-
 clesiastico tractari debeat, vel possit
 quæstio natiuitatis, seu na-
 talem?*

XXIV. De hac quæstione agit in c. *Lator. §.*
h. t. Ubi talis casus proponitur: Quidam R. no-
 „ mine accedens ad Papam, coram ipso proposuit,
 „ avum suum duas habuisse uxores, de quarum una
 „ patrem ipsius (scilicet R.) de altera H. patrum
 „ suum suscepit, qui hæreditatem avi sui totam si-
 „ bi retinebat, nec partem debitam voluit ipsi R.
 „ exhibere. Unde cum ipse R. patrum suum H. su-
 „ per parte hæreditatis paternæ coram Iudice sæcu-
 „ lari convenisset, idem patruus ei objecit, quod pa-
 „ ter ipsius ex legitimo matrimonio non fuerit na-
 „ tus: & ideo de hæreditate ipsius nihil posset hæ-
 „ reditario jure sibi vindicare. Postea cum super

quæstione natalium coram Episcopo Norwicensi
 „ fuisset actum, tandem ad Papam fuit appellatum:
 „ quare Pontifex mandavit Iudicibus à se delega-
 „ tis, ut quæstionem natiuitatis, seu natalium patris
 „ ejusdem R. intra duos menses, remotâ appella-
 „ tione, terminent. Si verò intra hoc tempus, præ-
 „ dictus Hugo, quod objecit, legitime non proba-
 „ verit, ex tunc sæculari Iudici, coram quo hære-
 „ ditatis causa vertitur, eam debeant intimare, ut
 „ propter quæstionem natiuitatis non omittat cau-
 „ sam hæreditatis audire, & decidere.

XXV. Pro explicatione hujus cap. notandum
 1. quæstio natalium opposita petenti hæreditatem
 coram Iudice sæculari, remittenda est ad Iudicem
 Ecclesiasticum ab eo cognoscenda, etiamsi de illa
 non principaliter, sed incidenter agatur, ut in casu
 hujus cap. incidere quæstio super legitimittate, quia
 petenti partem hæreditatis avi obiectum fuit, quod
 pater ejus non esset ex legitimo matrimonio natus:
 & tamen Pontifex mandat, ut hæc quæstio nata-
 lium coram Iudice Ecclesiastico prius terminetur:
 & intetum superledeatur in causa principali hæredi-
 tatis agitata coram Iudice sæculari, ita ut pendente
 causâ natalium, Iudex sæcularis non possit in causa
 principali hæreditatis procedere. Ratio est, quia
 causa natalium est merè spiritualis, cum sit accessio-
 riè annexa ipsi matrimonio, quod est spirituale, id-
 eoque Iudex sæcularis nec principaliter, nec inci-
 denter potest de illa cognoscere, c. *Causam. 7. h. t.* sic
 ut nec de annexo spirituali, c. *Quanto. 3. de Iudic.*
Abb. hic n. 3. & Alex. de Nevo num. 3. Concordat
 textus in c. *Tuam. 3. de Ord. cognit. de quo dictum su-
 præ lib. 2. Decret. Tit. 10. §. 3.*

XXVI. Verutamen plerique hoc intelligunt,
 quod procedat, quando causa legitimittatis, seu na-
 talium pendet ex aliqua quæstione juris, veluti ut-
 rum matrimonium sit legitime contractum, & vali-
 dum, necne: non item si versetur circa factum
 tantum, quia dubitatur, an matrimonium de facto
 fuerit contractum inter personas habiles ad contra-
 hendum; tunc enim Iudex laicus non prohibetur
 de quæstione natalium incidenter cognoscere. Sed
 hanc Decretalem procedere ajunt, in priore casu,
 quia H. obiect defectum natalium provenientem
 ex invaliditate matrimonii, & sic erat incidens quæ-
 stio juris, & non facti, quia dubitabatur, an matri-
 monium validum esset initum inter avum istius a-
 thoris, & aviam maternam, *Abb. hic n. 2. & Alex.*
n. 3. Covarr. in 4. Decret. p. 2. c. 8. §. 12. n. 3. quam-
 vis aliqui hanc distinctionem non admittant.

Sed obstat videretur, quod quæstio status, v.g.
 an quis filius sit, vel servus, si incidat in petiti-
 onem hæreditatis, coram Iudice sæculari, apud eun-
 dem Iudicem deciditur, etiamsi principaliter Iudex
 de quæstione status cognoscere non possit. Nam
 quæstio status non est causa spiritualis, seu Ecclesi-
 astica, sed civilis; idèque etiam Iudex sæcularis
 potest de ea cognoscere. Unde si civilis causa inci-
 dat in spirituale, rectè etiam illa tractatur coram
 eodem Iudice Ecclesiastico, quia hic est capax etiam
 jurisdictionis civilis, seu sæcularis, & potest cogno-
 scere, & decidere causas civiles: non autem laicus
 est capax jurisdictionis Ecclesiasticæ, *Henric. Canis.*
hic n. 2.

Notandum 2. Si nepos petat hæreditatem avi sui defuncti, sed patruus, seu frater patris (ut in casu hujus c.) contra eum excipiat, quod pater ejusdem non erat ex legitimo matrimonio genitus, adeoque incapax successione; tunc nepos quippe legitimus est capax hæreditatis avi sui, quia nepos legitimus ex filio naturali tantum, non succedit avo ex persona patris sui, qui cum sit illegitimus, excluditur ab hæreditate patris sui, extantibus legitimis liberis, tanquam veniens ex radice infecta: ipse vero filius legitime natus ex patre naturali tantum succedit avo paterno, non ex persona patris sui, sed ex sua persona, *Abb. hic n. 2. & Glossar. ejuslit. B.* Et hæc questio natalium prius cognosci, & decidi debet, cum sit præjudicialis ad causam hæreditatis, quippe quæ ex legitimis natalibus pendet, prout deciditur in hoc cap.

XXVII. Notandum 3. Si questio intentata coram Judice sæculati sit temporalis, & profana, qualis est questio hæreditatis; tunc illa non debet per Judicem Ecclesiasticum, ad quem delata est causa incidens natalium, cognosci, & terminari: sed potest, ac debet Judex Ecclesiasticus opponenti exceptionem nativitatis, seu illegitimitatis natalium, præfigere terminum peremptorium, intra quem probare debet illam exceptionem, ita ut eo elapso, non amplius audiat; idque facere debet Judex Ecclesiasticus, quando vehementer præsumitur de calumnia excipientis, *Abb. hic n. 4. & Alex. n. 4.*

Notandum 4. Quando questio principaliter fuit intentata coram Judice sæculari, non potest Judex Ecclesiasticus, qui cognovit de questione incidente, postea cognoscere de principali, sed debet partes remittere ad Judicem sæcularem, quia cum causa principalis jam fuerit inchoata coram Judice sæculari, non potest Judex Ecclesiasticus accessorie cognoscere de causa incidente. Si vero nulla questio mota sit coram Judice sæculari, sed principaliter esset questio inota de legitimitate natalium coram Judice Ecclesiastico; tunc incidenter etiam posset Judex Ecclesiasticus de causa principali hæreditatis cognoscere, *Abb. hic n. 5. Alex. de Nevo. n. 8.*

Notandum 5. Existens in quasi possessione legitimæ nativitatis, in petitione hæreditatis, relevatur ab onere probandi, se esse legitime natum, & onus probandi defectum natalium incumbit ei, qui eum opponit, ut notat Gl. hic V. *Probare legitime*, quia in cin. c. *Lator*, pater actoris erat in possessione legitimæ filiationis; habebatur enim pro filio legitimo, & possidebat bona paterna, & fuerat natus ex ea, quæ credebatur uxor, ideo opponens questionem natalium tenebatur probare defectum eorum, quamvis non omnia hæc tria requirantur ad constituendum in quasi possessione legitimatis, sed quodlibet ex illis disjunctivè sufficit, *Fagnan. hic n. 4.*

§. V.

De legitimatione prolis illegitima per subsequens matrimonium.

XXVIII. De hac agitur in primis in c. *Conquerens*. 1. h. 1. Nam cum quidam Henricus nomine, quandoque in uxorem duxisset, patruus ejusdem

mulieris voluit eam exheredare (id est, ab hæreditate paternâ excludere) eo quod nata fuisset antequam pater illius matrem ejus accepisset in uxorem; ideoque pretendit eam illegitimam esse, & consequenter incapacem hæreditatis paternæ. Relatâ ad S. Pontificem Alexandrum III. is mandavit, ut si ita est, ea legitima filia patris sui judicaretur, patricioque inhiberetur, ne occasione paternæ hæreditatis, ei molestia inferatur, sub pœna excommunicationis inferendæ, si contrâ fecerit.

XXIX. Ubi notandum 1. filius naturalis tantum natus ex soluto, & soluta, inter quos tempore generationis non erat impedimentum dirimens conjugium, legitimatur per subsequens matrimonium, *Abb. & Canonistæ hic communiter in summa*, quia tales filii ex juris fictione, seu dispositione reputantur, ac si ex legitimo matrimonio nati essent. 2. Judex Ecclesiasticus potest cognoscere inter laicos de legitimatione, quando venit accessorie ad causam matrimonialem; nam cum ad aliquem spectat cognitio causæ principalis, spectat etiam cognitio accessorii, vel à principali dependentis; legitimatio autem pendet à matrimonio rato, & valido, *Abb. hic & Alex. n. 2.* 3. Filius geniens, ante matrimonium contractum, legitimatur per matrimonium subsequens etiam quoad successionem in hæreditate temporali, ita ut talis filius præferatur patruo in hæreditate paterna; si enim filius est, ergo & hæres, *Abb. hic n. 3. & Alex. n. 4.* Sed de his mox plura.

XXX. Præterea in c. *Tanta*. 6. h. 2. idem Pontifex ita rescribit: Tanta est vis (id est, virtus, & potentia) matrimonii, ut qui antea sunt geniti, post contractum matrimonium, legitimi habeantur. Si autem vir, uxore suâ vivente, aliam cognoverit (scilicet conciam adulteri, secus si ignovissent Gl. hic V. *Aliam*), & ex ea prolem susceperit: licet post mortem uxoris, eandem duxerit: nihilominus spurius erit filius, & ab hæreditate repellendus: præteritum si in mortem prioris uxoris alteruter eorum aliquid fuerit machinatus.

XXXI. Ubi notandum 1. Quod tanta sit vis, & potentia matrimonii, ut antea illegitimi fiant legitimi per subsequens matrimonium inter eosdem parentes contractum. Ratio est, quia matrimonium subsequens purgat omnia præcedentia, adeoque etiam præcedens vitium turpitudinis tollit, *Gl. hic V. Legitimi*. ita ut non solum habeantur, ut in textu dicitur: sed etiam verè, ac propriè sint legitimi, quia quando aliqui auctoritate Juris fiunt legitimi ab habente potestatem legitimandi; tunc paria sunt dicere, sint legitimi, & habeantur pro legitimis, *Abb. hic n. 4. & Alex. de Nevo. n. 4. & 5. Azor p. 2. Instit. l. 2. c. 13. q. 6.* Et quamvis secundum leges Civiles, matrimonium non sufficiat ad legitimandos filios ante genitos, nisi interveniat instrumentum dotale, *§. fin. Instit. de nupt. de Jure* tamen Canonico id non est necessarium, quia istud cap. se fundat super virtute, & potentia matrimonii, ad cuius essentiam non requiritur instrumentum dotale, *Abb. hic n. 2. & alii. Covarr. in 4. Decret. p. 2. c. 8. §. 2. n. 8.*

Notandum 2. Legitimatio, quæ fit per subsequens matrimonium, juris fictione retrotrahitur ad tem-

ad tempus conceptionis, vel etiam secundum alios, ad tempus generationis, seu natiuitatis, ita ut qui antea illegitimi concepti, vel etiam nati sunt, per matrimonium postea subsecutum, non tantum ex tunc legitimi fiant, sed ante; & à tempore conceptionis, vel natiuitatis, habeantur, & sint legitimi, Covarr. in 4. Decret. p. 2. t. 8. §. 2. n. 2. & 7.

XXXII. Notandum 3. Non omnes filii ex iisdem parentibus, ante matrimonium, nati, per subsequens matrimonium legitimantur, sed filii naturales tantum, qui scilicet sunt orti ex personis, inter quas poterat consistere matrimonium, saltem eo tempore, quo proles concepta est, ita ut parentes tunc fuerint habiles ad contrahendum matrimonium inter se, seu nullo Canonico impedimento obstricti fuerint, alioquin proles per subsequens matrimonium non legitimabitur, Covarr. cit. c. 8. §. 2. n. 2. Azor cit. c. 13. q. 2. Sanch. l. 8. dif. 7. num. 19. Laym. libr. 5. tit. 10. p. 3. c. 5. n. 2. Spurius verò, siue natus ex adulterio, non legitimatur per subsequens matrimonium; tum quia parentes peccarunt contra matrimonium; & ideo non debet eis in proli legitimatione subveniri; tum quia in illis matrimonium non retrahitur ad tempus conceptionis, vel generationis, ita ut Jus fingat, inter tales fuisse matrimonium, eo tempore, quia cum talis fidei iuris habeat principium prohibitum, & vitiosum, non fingitur retrahendum tale matrimonium ad tempus conceptionis, Alex. de Nevo n. 7. sed de hoc plura infra.

Notandum 4. Legitimus per subsequens matrimonium, non debet repelli ab hæreditate, sed in ea succedere, sicut ij, qui ab initio fuerunt legitime nati. Spurius autem, seu natus ex adulterino coitu, debent repelli ab hæreditate, præsertim si aliter sit machinatus in mortem prioris uxoris, id est, maxime, quia idem est hoc casu, etiam si non fuerit machinatus; non enim legitimatur per subsequens matrimonium filius conceptus, vel natus ex adulterio, datò etiam quòd matrimonium teneat inter adulterum, & adulteram, mortuà legitimà uxore: multò magis talis spurius non posset legitimari, si matrimonium non teneat: quòd si inter adulterum, & adulteram intervenisset machinatio mortis, non posset inter eos matrimonium esse, c. ult. de eo, qui duxit in matr. Alex. de Nevo hic n. 8.

XXXIII. Porro pro maiore declaratione huius famosi cap. proponemus plures quæstiones occurrentes circa legitimationem per subsequens matrimonium, quæ tractari hic solent ab Interpretibus.

Quæritur 1. Quo tempore parentes debeant esse habiles ad contrahendum matrimonium, ut proles ab eis nata legitimetur per subsequens matrimonium, utrùm tempore conceptæ proli, vel natæ? In qua re certum est, ut legitimetur liberi suscepti ex parentibus solutis, faris esse, quòd inter eos saltem tempore conceptionis, nullum erat impedimentum contrahendi matrimonii, etsi fortè tempore natiuitatis tale impedimentum existat, quia talis proles non est suscepta ex coitu damnabili: Jura autem solum statuunt, prolem per subsequens matrimonium non legitimari, si ex coitu damnabili inter personas inhabiles, seu contrahere impeditas suscepta sit,

Unde si proles suscepta sit ex parentibus solutis: tempore verò natiuitatis mater nupta sit alii viro, & post huius mortem, secundum matrimonium inerat cum illo viro, ex quo proles olim concepta erat, ea legitima erit, non obstante matrimonio intermedio, Abb. in cit. c. Tania. n. 3. h. t. Covarr. cit. c. 8. n. 1. §. Suar. dif. 50. de censur. sec. 1. num. 4. Laym. cit. c. 5. num. 2.

XXXIV. An verò sufficiat ad legitimandam prolem per subsequens matrimonium; si vice versà, hoc consistere poterit inter parentes, tempore natæ proli, etsi tempore conceptionis inhabiles fuerint ad contrahendum, dubitatur? Ut si quis ex conjugata conceptus fuit, natus autem post mortem mariti: vel si conceptus ex Clerico in Sacris constituto, natus verò, postquam cum eo dispensatum fuit à S. Pontifice. Affirmant Covarr. in 4. Decret. p. 2. c. 8. §. 2. n. 2. Molin. tom. 1. tract. 2. dif. 172. n. 2. Azor p. 2. l. 2. c. 13. q. 3. Fachin. l. 3. contr. c. 50. videlicet sufficere, si tempore conceptæ, vel natæ proli matrimonium inter parentes contrahi potuisset, quæ sententia favorabilis est, & ob auctoritatem DD. probabilis, quia Jure statutum est in l. Qui in utero, 7. ff. De statu hom. ut qui in utero est, habeatur pro nato, in sui commodum. Contrarium tenent Silvest. V. Filii. q. 8. n. 10. Suar. cit. dif. 50. sec. 1. n. 3. Laym. cit. c. 5. n. 2. nempe si contingat tale impedimentum inter parentes existere, tempore copulæ, seu conceptionis; tempore autem natiuitatis filii jam sit ablatum per dispensationem, filium non fieri legitimum per subsequens matrimonium, ut colligitur ex cit. c. Tania. h. t. in quo solum requiritur, ut copula intervenierit existente impedimento, quia ibi solum videtur haberi ratio copulæ; ita ut si illa habita sit inter personas impeditas, seu inhabiles ad contrahendum, proles non legitimetur per subsequens matrimonium, quia lex non respexit ad natiuitatem filii, in qua non intervenit culpa, sed ad copulam ita turpem, ut noluerit illam purgari per subsequens matrimonium, ad quod patrum refert, quòd impedimentum sublatum sit tempore natiuitatis. Secus verò est, si è contrario, tempore conceptionis non adfuit impedimentum; tempore autem natiuitatis existat; nam hoc non obstante, proles legitima efficitur, Suar. c. l. n. 4. quæ sententia juri conformior videtur. Textus autem in cit. l. Qui in utero, intelligendus est de filio legitime concepto, vel saltem ex concubina, cum quia poterat consistere matrimonium, Canis. hic num. 13. Atque hinc ulterius colligitur, quando tempore conceptionis impedimentum existit inter parentes, dirimens matrimonium, etiam si ab altero eorum ignoretur, prolem tamen inde natam non fieri legitimam, propter matrimonium subsequens, ablatò impedimento, quia in cit. c. Tania. generaliter dicitur, si vir, vivente uxore, aliam cognoverit, & ex ea prolem susceperit, siue mulier sciverit, virum, cui copulata est, esse conjugatum, siue ignoraverit, filium inde natum semper esse spurium, neque per sequens matrimonium legitimari, quia illa limitatio in nullo Jure est fundata, Suar. cit. dif. 50. sec. 1. n. 5. Laym. c. l.

XXXV. Quæritur 2. An filii illegitimi omnino legitimorum jura assequantur, subsecuro matrimonio? Resp. consequi omnia jura, tum spiritualia,

tualia & Ecclesiastica, cum civilia, & profana, ita ut in omnibus habeantur, & sint legitimi, perinde ac si ab initio ex legitimo matrimonio concepti fuissent, & suis Majoribus, seu ascendentibus, & cognatis collateralibus succedere possint, ex testamento, & ab intestato, *Gl. in cit. c. Tanta V. Legitimi*, ubi ait, quod sunt legitimi quoad omnia, quia matrimonium omnia præcedentia purgat, & *Abb. ibid. n. 7. Azor p. 2. libr. 2. c. 13. q. 14. Covarr. in 4. Decret. p. 2. c. 8. §. 2. n. 21.* & est communis sententia.

Hinc inferitur 1. Legitimatos per subsequens matrimonium succedere etiam in feudis, *Covarr. in cit. c. 8. §. 2. n. 27. Azor cit. c. 13. q. 14. Gabriel in Concl. commun. lib. 6. de legitimatione concl. 1. n. 22.* quamvis aliqui ad limitent, nisi secundum concederetur pro filiis legitimè natis ex matrimonio, *Gabr. c. l. n. 23. §. 27.* Succedunt etiam in Majoratibus, ita ut præferendi sint secundis filiis, qui nati sunt ex eisdem parentibus legitimo matrimonio jam conjunctis, ut docent plures apud *Barbos. in cit. c. Tanta n. 22.* Tertiò succedit legitimatus per subsequens matrimonium in Emphyteusi Ecclesiastica, quam pater habuerat, *Covarr. cit. §. 2. n. 23. Gabr. c. l. n. 29.* Quartò filij legitimati per subsequens matrimonium, abique alia dispensatione, possunt promoveri ad Sacros Ordines, & dignitates Ecclesiasticas, & in Episcopos eligi, *Covarr. c. l. n. 24. Azor cit. c. 13. q. 14. §. Præterea*, non autem possunt promoveri ad Cardinalatum, prout statuit Sixtus V. in Constitutione edità anno 1590. quæ incipit: *Postquam*, ut ex Sayro refert *Barbos. in Collect. in cit. c. Tanta h. n. 24.* Quintò in Fideicommissio filius legitimatus per subsequens matrimonium excludit substitutum sub illa conditione, si absque liberis legitimis, & naturalibus, vel absque liberis ex legitimo conjugio susceptis, decesserit, *Covarr. c. l. n. 30. Azor cit. c. 13. q. ult. Gabr. cit. concl. 1. num. 32.* Sextò gaudent parentum nobilitate, *Barbos. in cit. c. Tanta n. 28.*

XXXVI. Quæritur 3. Quibusnam præterea casibus filij legitimantur per subsequens matrimonium? Resp. illegitimi, seu extra matrimonium nati, per subsequens matrimonium sunt legitimi, etiam si tale matrimonium non sit verum, sed tantum putativum, ut si quis ex consanguinea fornicario concubitu suscipiat filium, & postea ignarus consanguinitatis, cum ea contrahat matrimonium, filius hic erit legitimus, ratione matrimonij, *Arg. c. pen. h. t. Covarr. in 4. Decret. p. 2. c. 8. §. 2. Gabriel in commun. concl. l. 6. de legitimo, concl. 1. n. 4. §. 5.* de quo dictum suprà. Secundò per ealem legitimationem censentur legitimi filij antea nati, etiam si tempore matrimonij, extent filij legitimi, & naturales, *Gabriel c. l. n. 7.* Tertiò etiam contrahentes matrimonium sine inæquali conditionis, ut quia vir est nobilis, & honestus, femina autem vilis conditionis, aut meretrix, non enim Jure Cæsareo, nec Pontificio, matrimonium inter personas nobiles, & ignobiles est invalidum, *Covarr. c. l. n. 9.* & alij apud *Barbos. in cit. c. Tanta n. 3.* Quartò per subsequens matrimonium clandestinum legitimatur proles antea concepta, modo fuerit validum, *Sanch. l. 3. dis. 44. n. 2.* ut est in locis, ubi Concilium Tridentinum non est receptum.

Quintò, matrimonium contractum primùm in articulo mortis, vel à senè decrepito habet vim legi-

Tomus IV.

timandi filios antea genitos, quia in *cit. c. Tanta* generaliter ea vis vero matrimonio tribuitur, *Covarr. cit. c. 8. §. 2. n. 10. Sanch. l. 7. dis. 105. n. 5. §. 6. Azor cit. c. 13. q. 11.* Sextò, etiam si matrimonium non fuerit consummatum, sed solum ratum, nihilominus illegitimus fit legitimus, ut docent plures apud *Barbos. in cit. c. Tanta, n. 10.* Septimò, filij extra matrimonium nati per subsequens matrimonium legitimi fiunt, non obstantibus intermedijs parentum nuptijs, ut si is, qui suscepit filios ex concubina, contrahat matrimonium cum alia femina, eaque mortuà, in uxorem ducat concubinam, filij antea ex ea suscepti fiunt legitimi per subsequens matrimonium cum concubina contractum, non obstante matrimonio cum alià femina inchoato, antequam proles nasceretur, *Covarr. cit. §. 2. n. 15. Azor cit. c. 13. q. 5.*

XXXVII. Quæritur 4. Quinam præterea sint effectus hujus legitimationis per subsequens matrimonium? Resp. talis legitimatus per subsequens matrimonium patris, perinde, ac si natus esset post testamentum. Secundò filio sic legitimo debetur legitima, sicut filio legitimè nato ex matrimonio. Tertiò ob filios naturales legitimatos per subsequens matrimonium revocatur donatio omnium, vel majoris partis bonorum, sicut per supervenientiam liberorum. Quartò si ingressus Monasterium suscipiat filium intra annum probationis, is legitimus efficitur, *Gabr. cit. concl. 1.*

XXXVIII. Quæritur 5. Quinam liberi per subsequens matrimonium non legitimantur? Resp. filius ex adulterio natus, qui à viro, vivente uxore sua, ex alia muliere est susceptus, non legitimatur, uxore mortuà, per matrimonium initum postea cum adultera, sed manet spurius, & illegitimus, ut constat ex *cit. c. Tanta*, & suprà etiam dictum fuit. Similiter si mulier, vivente adhuc marito suo, filium ex alio suscipit, hic filius per matrimonium cum adultero initum non legitimatur. Quod tamen communiter limitant, ut procedat, quando filius, sciente utroque parente, susceptus est ex adulterio; non autem si unus ex parentibus scivit, alter ignoravit: tunc enim bona fides alterius parentis ignorantis adulterium facit, ut filius ille legitimus fiat, subsecuto inter eosdem parentes matrimonio, ut constat etiam ex suprà dictis. Si verò utroque parente sciente, filius ex adulterio susceptus sit, ille non legitimatur per subsequens matrimonium, quia matrimonium inter eos tempore conceptionis consistere non potuit, *Canis. in cit. c. Tanta num. 9.* Plura de his videri possunt apud *AA. cit.*

§. VI.

De legitimatione illegitimorum facta per privilegium, seu concessionem Papa.

Alius modus legitimandi est, qui fit per Rescriptum, seu privilegium Principis (supremam potestatem habentis, per quam non solum naturales filii, sed etiam spurij, & ex damnato coitu geniti, ut ex adulterio, incestu, vel sacrilego concubitu cum Moniali, legitimis natalibus restituantur; nam cum inhabilitas, seu defectus natalium, solo jure humano fit

fit introductus, non Divino, aut naturali, decreto, seu voluntate Principis supremi tolli potest, *Azor p. 2. Instit. libr. 2. c. 14. Molin. tom. 1. de justit. tr. 2. in princ.*

XXXIX. Quæritur nunc 1. Quid sit legitimitas in genere, & quomodo à dispensatione, seu relaxatione differat? Resp. in eo differre, quod per legitimationem, seu restitutionem natalium consequitur quis omnia jura legitimorum, ita ut non tantum ex parte, sed ex toto sit legitimus; at per relaxationem, sive dispensationem non fit quis habilis ad omnia jura, quæ legitimis competunt, sed solum ad unum aliquem actum, vel ad certa quadam jura, ut ex communis docet *Covarr. in 4. Decret. p. 2. c. 8. §. 8. n. 1. Azor cit. c. 14. q. 2.* Unde filius per privilegium Principis legitimus factus habetur pro legitimo, ita ut transeat in patriam potestatem, & habeat jus dicendi testamentum patris nullum, vel inofficiosum, & jus succedendi parentibus ab intestato, & ei debita sit legitima portio ex bonis parentum, sicut filijs ex legitimo matrimonio natis: secus est de eo, qui per dispensationem est effectus legitimus, ut succedat v. g. patri in certa portione hæreditatis; is enim non succedit patri ab intestato, ut legitimus, *Covarr. c. l. num. 3.*

XL. Quæritur 2. Qualis potestas legitimandi filios illegitimos competat Romano Pontifici? Resp. de hac agitur in c. *Per venerabilem. 13. h. t.* ubi talis casus proponitur: Quidam nobilis vir in Gallijs, dimissa sua legitima uxore, aliam mulierem sibi alciuit, ex qua cum filios suscepisset, petijt à S. Pontifice, ut filios suos legitimaret, ne ipso mortuo, natalium defectus dictis filijs suis objiceretur, & illi ab hæreditate sua repellerentur. Quod autem cum ijs dispensari possit, ostendit Pontifex pluribus rationibus. Et primò quidem, quod Apostolica Sedes aliquando dispensaverit, non solum cum naturalibus, sed etiam cum adulterinis liberis, quoad actus spirituales, ut possent in Episcopos promoveri: veritè ergo multò magis dispensare posse videbatur, & eos legitimare ad actus sæculares v. g. ad hæreditariam successionem, eos præsertim, qui præter Romanum Pontificem, alium Superiorem inter homines non recognoscunt; quod enim in majori conceditur, licitum etiam esse videtur in minori. Secundò idem probat à simili, quia per Episcopalem dignitatem liberatur filius à patris potestate (Auth. *Constitutio, qua dignitatibus &c. §. Palam coll. 6. nov. 81.*) Item si Episcopos scienter servum alterius ordinet in Presbyterum, is liber efficitur, licet Ordinator satisfacere Domino teneatur, c. *Si servus 19. dist. 54.* nam monstruosum videretur, ut qui ad actus spirituales legitimus fieret, quoad actus sæculares illegitimus remaneret. Unde eo ipso quod in spiritualibus dispensatur, consequenter intelligitur etiam in temporalibus dispensatum; quod fit, ut si ad Ordines liberi legitimentur, censeantur quoque legitimati quoad successionem patris sui. Id autem in Patrimonio D. Petri Sedes Apostolica liberè facere potest, in quo & Summi Pontificis, & summi Principis exercet potestatem. Tertio quia Rex Franciæ Regnam Francorum uxorem suam dimisit, & aliam superinduxit, ex qua liberos, puerum, & puellam

suscipit: sicut ergo cum filijs Regis ejusdem Papa dispensavit, ita etiam cum filijs Nobilis illius, post dimissam legitimam uxorem susceptis videbatur ex benignitate Sedis Apostolicæ esse dispensandum. Ad hæc respondet Papa, exemplum Regis Francorum esse valde dissimile; Rex enim Franciæ à Legato Sedis Apostolicæ per sententiam (cui standum erat, donec contrarium probaretur, *Gl. hic v. Per sententiam.*) fuit separatus. Sed iste Nobilis, temeritate propriâ, uxorem suam à se ablegavit (quod facere non debuit, etsi causa fuisset manifesta, cum talis separatio sit pœna, quæ non nisi per Judicem inferri debet, *Gl. hic v. Separasti.*) & Rex Franciæ, antequam ad eum prohibito perveniret de non contrahendo cum secunda, aliam superinduxit, ex qua geminam prolem suscepit: sed iste Nobilis in contemptum Ecclesiæ aliam superinduxit. Præterea Rex Franciæ contra matrimonium impedimentum affinitatis obiecit, & coram Legato Pontificio testes induxit, qui sententiam tulit, quæ reprobata fuit solum propter judicium Ordinem non servatum: at verò Nobilis iste nihil obiecit, propter quod divortium ab uxore fieri, sive ab ea separari deberet: nam etsi fides tori unum sit ex tribus bonis conjugij: non tamen ipsius violatio conjugale vinculum dissolvit, quia in nullo casu dissolvitur matrimonium per carnalem copulam consummatum, de quibus infra *Tit. 19. Gl. hic v. Violasset.* Et utrum filij Regis ex alia muliere suscepti legitimi fuerint, vel illegitimi, non immerito dubitari potest; quamvis pender questio affinitatis opposita: quia si affinitas opposita fuerit probata, apparebit, quod quæ prior dimissa fuit, non erat legitima uxor Regis, & per consequens apparebit, alteram superinductam esse legitimam uxorem, & filios ex ea susceptos esse legitimus. Præterea cum Rex Superiorem in temporalibus nullum recognoscit, poterat se sine injuria alicujus Sedi Apostolicæ subijcere (*l. Est receptum 14. ff. de jurysdict.*) in quo videri possit aliquibus, quod per se ipsum, non tanquam pater cum filijs, sed tanquam Princeps cum subditis posset dispensare: iste verò Nobilis alijs est subiectus.

His igitur rationibus permotus Papa dispensavit cum filijs Regis Franciæ, occasione etiam sumptâ, tam ex Veteri, quam Novo Testamento, quia Papa non solum in patrimonio Ecclesiæ, in quo plenam habet potestatem in temporalibus, sed etiam in alijs Regionibus, certis causis inspectis, casualiter temporalem jurisdictionem exercet; non tamen vult præjudicare alieno juri, & hoc ostendit per legem Veteris Testamenti Deuteronomio. c. 17. *Verf. 5. & pluribus seqq.* Et tandem exponit auctoritatem illius loci Deuteronomij, quid per illud sit intelligendum. Quia verò per Deuteronomium lex secunda, seu nova significatur ex vi verborum (quia lex nova interpretatur antiquam, *Gl. hic v. Ex vi vocabuli.*) quod ibi decernitur, etiam in novo Testamento debet observari: Locus autem judicij, quem elegit Dominus, Apostolica Sedes est (quæ nunc est Roma) Unde fugiens Petrus jussus est dire à Christo ei apparente ad Vicarij Christi judicium, qui habet alios Sacerdotes officij sui Coadiutores. Subiungitur postea, tria esse in-

« dicia distinguenda, primum inter sanguinem, & sanguinem (per quod denotatur causa criminalis fori civilis) & inter lepram, & lepram, per quæ verba denotatur causa criminalis fori Ecclesiastici (ut existimat *Abb. hic n. ult.*) medium autem inter causam, & causam, quod ad utrumque referendum, tam Ecclesiasticum, quam seculare forum, in quibus si quid fuerit difficile, vel ambiguum, ad iudicium Sedis Apostolicæ est recurrendum, cui qui contempserit obedire, mori debet (id est, per sententiam excommunicationis, velut mortuus à communione fidelium separari) « Huc pertinet illud Pauli 1. Cor. 6, *Nescitis, quoniam Angelos iudicabitis, quantum magis secularia, ubi huius potestatis plenitudinem exponit.*

« Denique concludit Papa Innocentius III. licet cum filiis dicti Regis, de quibus, an legitimi fuerint, ab initio dubitabatur, duxerit dispensandum: quia tamen tam lex Moysæ, quam Canonica (locis à *Gl. hic allegatis V. Canonica.*) sobolem ex adulterio susceptam detestatur (nisi cum ea fuerit dispensatum, *Gl. hic V. Detestatur.*) dicente Domino, quod Manfres, & spurii usque ad decimam generationem, non intrabunt Ecclesiam, & Canon veniat tales ad Sacros Ordines promovendi (*Sc. Cum in cunctis. 7. de Elect.*) seculares verò leges, non solum repellunt eos à successione paterna, sed etiam negant ipsis alimenta (*Auth. licet patri C. de natur. liber. & Auth. Ex Complexu. C. De incest. nupt.*) ideo Papa petitioni istius nobilis non duxit annuendum, scilicet ut dispensaret cum illius filiis illegitimis, eosque legitimaret.

« XLI. Pro intellectu huius prolixæ, & difficilis, ac famosi cap. notandum 1. S. Pontifex habet potestatem legitimandi quoscunque illegitimos, non solum quoad Ordines Ecclesiasticos, aliæque spiritualia, ubique terrarum: sed etiam quoad successionem hereditatis in bonis temporalibus, in terris temporalibus suæ jurisdictioni subiectis; idque probatur ex eo, quia S. Pontifex in subiectos sibi temporaliter, Supremi Principis auctoritate exercet, ut habetur in hoc cap. §. *Id autem in patrimonio*: Supremum autem Principem, qui in temporalibus Superiorem non agnoscit, posse supplere defectum natalium certum est, ut infra dicitur.

« Notandum 2. Causæ difficiles, & ambiguae, seu dubiæ ad iudicium Sedis Apostolicæ, cui Romanus Pontifex præest, deferendæ sunt, ut auctoritate *Deuter. c. 17.* probatur in hoc cap. præsertim verò quando agitur de vero sensu, & interpretatione SS. Scripturarum, ut definitur Concilium Tridentinum *Sess. 4. de editione & usu SS. Librorum §. Præterea.*

« XLII. Sed jam hic ultetudis quaeritur 3. an Pontifex dispensando in radice matrimonii, id est, ab initio irriti, ob impedimentum Jure solum Canonico inductum, possit illegitimam prolem legitimare, etiam quoad officia secularia, & successionem bonorum temporalium, & in locis Papæ temporaliter non subiectis: id est, an possit efficere, ut legitimatio illa retrotrahatur ad tempus, quo id matrimonium invalidè contractum fuit, ita ut censetur, quasi à principio validè initum fuisset, mediante illa dispensatione. Plures negant, sed communior,

ac verior sententia habet, Pontificem id posse, non quidem directè, sed indirectè, ut docet *Abb. in cit. c. Per venerabilem. n. 22. Alex. de Navo ibid. num. 18. Sanch. l. 8. de matr. dif. 7. num. 4. & alii apud ipsum.* Ratio est, quia radix, & origo, ex qua oritur, ut proles sit illegitima, adeoque incurrat damna illegitimitatis, sive Ecclesiastica, sive civilia, est lex Ecclesiastica, quæ statuit impedimentum dirimens matrimonium inter consanguineos, & affines intra quartum gradum, quo sublato, matrimonium fuisset validum, & proles legitima. At verò Papa potest suam legem irritare, & revocare, non tantum quoad posteriorem secutos effectus, ne incurrantur, sed etiam quoad secutos, eosdem abolendo, ac si lex edita non fuisset, ut constat ex *Clem. Quoniam un. de immunit. Eccles.* ubi Clemens V. revocat quasdam Constitutiones Antecessorum, etiam quoad effectus antea productos, ibi: *quicquid eis secutum est, vel ob eas, penitus revocamus, & eas haberi volumus profectis.* Similiter ergo si Pontifex dispensationem tollat, & revocet impedimentum dirimens matrimonium, abrogando legem Ecclesiasticam statuendum tale impedimentum, facit ut dispensatio retrotrahatur ad initium matrimonii, ac si ab initio fuisset validum, nullo impedimento dirimente existente, tunc verò proles esset verè legitima quoad omnia. Quare non dicimus, Pontificem posse efficere, ut matrimonium ab initio invalidum, ex tunc fuerit validum, vel nunc incipiat valere, absque novo contrahentium consensu; vel ut ex eo non sint secuti effectus Jure Civili statuti in illegitimis, sed id solum dicimus, posse Pontificem, dispensando in impedimento matrimonii à se inducto, revocare, & tollere omnia damna jure humano illata ob illegitimitatem, ac in eum statum prolem restituere, quem haberet, si ex matrimonio valido nata fuisset. Durante enim Legis Ecclesiasticæ valore, qui tanquam fundamentum illegitimitatis, & cætera damna innitebantur, illa omnia corrunt. Quamvis ergo non possit Pontifex directè dispensare in effectibus illegitimitatis ex jure Civili provenientes: potest tamen indirectè & per quandam consequentiam, tollendo legem suam Ecclesiasticam per dispensationem, ex qua tanquam fundamento illa omnia pendebant. *Sanch. c. l. n. 4.*

« XLIII. Hinc inferitur 1. si proles suscepta fuit, nullo præcedente matrimonio inito, ex copulâ manifestè fornicatâ, non potest Pontifex eam, ne indirectè quidem, legitimare quoad secularia, & temporalia extra loca suæ temporalis jurisdictioni subiecta: quia cum nulla adsit radix matrimonii, in qua directè dispensando, indirectè, & per consequentiam legitimer prolem, reipsâ directè legitimaretur, & temporalia: quia sicut Princeps secularis nequit legitimare, quoad Ecclesiastica, cum careat jurisdictione Ecclesiastica: ita nec Pontifex directè, quoad bona temporalia, cum non habeat jurisdictionem temporalem, extra loca suæ jurisdictioni subiecta, nisi indirectè, ad suppleendam negligentiam Principum secularium, quando id exigit bonum spirituale, *Sanch. l. 8. de matr. dif. 7. n. 1. & 7.* Inferitur 2. neque potest Pontifex indirectè legitimare, quoad temporalia, & secularia, quando tale matrimonium initum fuerat ob impedimentum juris Divini,

& naturalis, quia illud nequit Pontifex dispensando tollere, *Sanch. c. l. n. 8.*

Porto posse Papam legitimare illegitimos, etiam in Terris Imperii, vel ex eo patet, quia legitimare est actus jurisdictionis voluntatis, qui exerceri potest, etiam in non subditum, & extra proprium Territorium, *Abb. in cit. c. Per venerabilem. num. 22. h. t.* Addit tamen *Azor cit. c. 14. q. 6. §. 9. Meo iudicio*, etsi Romanus Pontifex habeat absolute, & simpliciter potestatem legitimandi quosunque illegitimos, etiam quoad successionem in hereditate, ac bonis parentum, & in Terris alienis, non tamen solere id facere in locis extra Patrimonium B. Petri, quia non vult temporalibus, & civilibus se ingerere, & immiscere.

§. VII.

De potestate legitimandi illegitimos, qua competit secularibus Principibus.

XLIV. Quæritur 1. Penes quem sit potestas restituendi aliquem legitimis natalibus? Resp. 1. Imperator, & alii Principes, qui in temporalibus Superiorem non habent, possunt quosvis illegitimè natos legitimis facere, idque eis concessum est in signum specialis privilegii, *Auth. Quib. modis natur. efficitur. c. §. Illud, Abb. in cit. c. Per venerabilem. n. 23. h. t.* Alii verò Principes inferiores non possunt legitimare eos, qui sunt extra matrimonium nati: quamvis eos possint ad certa quædam jura, & bona habiles facere, v. g. Episcopus ad Ordines minores eos promovere, & ad simplicia beneficia, *Azor p. 2. l. 2. c. 14. q. 5.*

Resp. 2. Etsi Imperator, Rex, vel alius Princeps supremam in temporalibus potestatem habens possit restituere legitimis natalibus, & facere habilem filium naturalem, vel spurium ad dignitates, honores, munera, & officia publica secularia: non tamen, nec indistinctè quidem, potest legitimare prolem susceptam ex irrito matrimonio, quoad spiritualia, ut capax sit Ordinum, aut bonorum Ecclesiasticorum, *Azor c. l. q. 7. Tanner. tom. 4. dis. 8. q. 6. dub. 4. num. 87.* Nam quia Princeps secularis non habet jurisdictionem spirituales, nec potest impedimenta dicimonia matrimonium constituere, saltem inter Christianos, ut supra dictum; non potest in eis dispensando ea tollere, ut matrimonium irritum reddatur validum, & proles ex eo suscepta legitimitur.

XLV. Quæritur 2. Quænam exprimenda sint in petitione legitimisationis, ne impetratio judicetur subrepticia? Resp. exprimi debere omne id, quod impedit, quominus Princeps naturalem, vel spurium restitueret natalibus: vel saltem impediret, ne citò, & facillè restitueret. Unde exprimi debet qualitas, & conditio filii naturalis, vel spurii, an natus sit ex adulterio, incestu, vel sacrilegio: item an ex adulterio duplici, seu geminato, videlicet ex patre conjugato, & matre uxore aliena, *Covarr. in 4. Decret. p. 2. c. 8. §. 9. n. 1. & seqq.* Item si ex incestu, an natus sit ex sorore, vel filio, ex nuru, matre,

vel uxore fratris, *Azor c. l. q. 8.* apud quem plura de his videri possunt.

XLVI. Quæritur 3. An in petitione legitimisationis sint Agnati, & cognati ipsius parentis vocandi? Resp. ad legitimisationem filii, quæ fit, patre vivente, non sunt necessariò vocandi agnati, & cognati ipsius, modò ipse pater consentiat, quia hic potest liberè de bonis suis disponere. At verò filius naturalis tantum non potest legitimari à Principe, nisi filii naturales, & legitimi vocentur, quia id cederet in magnum eorum præjudicium, ex eo quòd legitima portio eis debita diminueretur; mortuo verò patre, non potest filius illegitimus legitimari, nisi vocentur ipsius successores ab intestato, quibus jus succedendi in bonis ipsius quæsitum est, *Covarr. cit. c. 8. §. 9. n. 7. & 9. Azor c. l. q. 10.* Imò etiam vivente, & annuente patre, non potest filius naturalis, vel spurius legitimari, auctoritate Principis, nisi filii naturales, & legitimi ipsius patris consenserint, quia legitima portio eis debita minueretur, absque eorum consensu, *Covarr. c. l. Azor c. l. q. 11.*

XLVII. Quæritur 4. An cum Princeps aliquem legitimum facit, vocandus sitis, qui est substitutus sub illa conditione, si absque liberis pater hæres institutus dedecisset? Resp. vocandum esse, *Covarr. c. l. n. 8. Azor cit. l. 2. c. 15. q. 1.* quia non censetur Princeps tale privilegium concedere, cum damno substituti. Præterea si filii legitimi, & naturales extant, censetur Princeps filium naturalem, vel spurium legitimum reddere, etiam si ex eo minuat legitima eorum portio, dummodo dum petitur à Principe legitimatio, facta sit mentio filiorum naturalium, & legitimorum, quia pater, dum vivit, potest ob iustas causas id petere, ac proinde potest id Princeps concedere; secus si non fiat illorum filiorum mentio, *Covarr. c. l. Azor cit. c. 15. q. 4.* Plura de his videri possunt apud *DD. cit.*

XLVIII. Illud postremò hic addendum, quòd filii illegitimi dicuntur legitimari, & fieri legitimi, non quòd, postquam fuerunt ex illegitimo coitu nati, fiant nati ex legitimo coitu, cum ad præteritum non detur potentia, & factum infectum fieri nequeat: sed dicuntur legitimari, quatenus, damna, quæ filii illegitimi incurrunt, per legis dispositionem, vel Superioris habentis auctoritatem legis tolluntur, *Tanner. c. l. n. 81.*

§. VIII.

De probatione legitimatatis naturalium.

XLIX. De hac igitur in primis in *c. Transmissa. §. 3. h. n.* ubi talis casus proponitur: Cum N. quendam puerum usque ad juventutem nutritum, cohabitante sibi M. quam sibi postea in uxorem desponsavit, & filios ex eadem suscepit: his paternam hereditatem petentibus, prædictus juvenis contradixit, getens se pro filio, & hærede: quamvis à vicinia filius eorum spurius crederetur (id est, non legitimus, vel naturalis, quia fortè susceptus fuit ex alia muliere, ante matrimonium, vel eo durante, & sic propriè spurius erat,

Gl. hic *P. Spurius*) Verum prædicti, vir, & mulier juvenem illum esse suum (putium, aut legitimum) filium negarunt, sed dicebant, quod eum, intuitu pietatis, nutritivum. Quæstio igitur ad Archiepiscopum Rothomagensis fuit delata, qui dicentem juvenem, eod quod juri stare eorum se nolu- bat, excommunicationis vinculo obstrinxit. Con- sultus Pontifex respondit, quod in hoc casu stan- dum sit verbo viri, & mulieris, nisi certis iudiciis, & testibus constiterit, dictum juvenem esse filium eorum.

L. Notandum 1. Ex eo, quod aliquis sit nutri- turus in domo alicujus, non probatur esse filius, nec tenetur ille, in cujus domo est nutritus, & educatus, instituere eum heredem, ut filium; nam sæpe nutri- untur, & educantur in domo, qui non sunt filii, sed pietatis causa, vel ob aliam; *Abb. hic n. 2.* Si verò e- ducatio, & alimenta præstentur alicui tanquam fi- lio; tunc filiatio ex eo rectè probatur, *Barbosi in Col- lect. hic n. 3.*

Notandum 2. Etsi in probanda filiatione mul- tum valet communis fama vicinæ, non tamen solâ sufficit, siue aliis adminiculis, & presumptionibus, quia fama semiplenam solum probationem facit, non plenam, *Covarr. in 4. Decret. p. 2. c. 8. §. 3. n. 9.* Unde etsi fama vicinæ itet pro filiatione, si tamen dictum, seu testimonium parentum sit in contrari- um, statuer assertioni eorum, ut patet ex hoc cap. & ibi tradit *Abb. n. 3.* quamvis ex sola negatione pa- rentum non debeat, qui est in possessione filiationis, privari jure filiationis, nec excludi ab heredi- tate paterna, *Abb. ibid. n. 4. Alex. de Novo m. 6.*

Notandum 3. Si parentes negent, aliquem esse filium suum, illis credendum est, quia non est veri- simile, quod parentes negabunt, aliquem esse pro- prium filium, cum nullus affectus vincat paternum, l. Cum furiosus. 7. post princ. C. de curat. furios. nisi ex iudiciis, & testibus expressè probetur contrarium: non tamen filius tenetur credere parentibus negan- tibus ipsum esse filium, si sit in possessione filiationis, & prius tractatus fuerit ut filius, *Vivian. in Ration. hic.*

Notandum 4. Filiatio ex tribus plenè probatur, 1. Si ex viro, & uxore, vel concubina domi retentâ sit natus. 2. Si pater eum filium nominavit, & pro- tali agnovit, & tractavit. 3. Si ex communi vicini- æ fama semper pro filio fuit habitus, *Barb. in Col- lect. hic n. 2.*

Notandum 5. Ex confessione, & nominatione parentum verè principaliter, & propter se facta, con- currentibus aliis iudiciis, plenè probatur filiatio, *Covarr. in 4. Decret. p. 2. c. 8. §. 3. n. 7. Barbosi. hic in Col- lect. n. 4.* Videri possunt, quæ de probatione filiationis dicta sunt lib. 2. Decret. Tit. 19. §. 7. in c. Per tuas. 10. de probatione.

LI. Præterea in c. Pervenit. 11. h. t. refertur, quod quidam, post mortem parentum Lucie vi- duæ, nitebantur eam ab hereditate paterna ex- cludere, eod quod non fuisset ex legitimo matri- monio nata: ipsa verò dicebat, quod inter G. pa- trem suum, & A. matrem suam, matrimonium legitime fuit celebratum, & quamdiu vixerunt, quierè simul permanerunt, sine reclamazione; & ideo legitima debeat judicari. Re delatâ ad Cæ- lestinum III. is mandavit quibusdam, ut si ita est,

dictam viduam legitimam pronunciet, *Gl. hic in casu.*

LI. Ubi notandum, ut aliquis habeatur ille- gitimus, non satis est, ut probeatur matrimonium in- ter parentes, fuisse in validum, sed necesse est, ut pro- beatur, parentes, malâ fide, contraxisse matrimoni- um, seu convenisse, prout sumitur ex hoc cap. & do- cet *Suar. disp. 50. de censur. sec. 4. n. 10.* Ratio est, quia bona fides parentum, & auctoritas, seu appro- batio Ecclesiæ, in cujus conspectu publicè fuit contra- ctum matrimonium, hoc operantur, ut quamvis postea impedimentum ditimens in tali matrimonio detegatur, ac proinde illud invalidum fuerit, debeat tamen in favorem prolis susceptæ, ea legitima judi- cari, ob bonam fidem parentum, & quia tale matri- monium in facie Ecclesiæ validum existimatum fuit. Secus est, si parentes malâ fide in facie Ecclesiæ con- traxissent; tunc enim proles illegitima censetur; præsumitur autem bona fides, eo ipso, quod in facie Ecclesiæ patentes contraxerunt, nullo contradicen- te, nec Ecclesiâ inhibente, nisi mala fides probeatur, *Hosliensis hic P. Legitimè, Vivian. hic in Ration.*

LI. Porro ulterius quaeritur, quibus modis possit probari legitimitas natalium? Resp. Est fi- liatio quoad patrem difficulter probari possit, quia is non est certus; potest tamen, ac debet, qui asserit, se legitimum filium esse, id probare. 1. Si doceat, parentes suos contraxisse publicè, & in facie Eccle- siæ. 2. Si probeat, quod communi opinione vicini- æ, habebantur, quod erant maritus, & uxori. 3. Si probeat, quod parentes tractabant, ut maritus, & uxori; sola autem fama, seu communis opinio vicini- æ non sufficit ad probandum matrimonium legiti- mum, nisi constet, vel probeatur, quod parentes etiam tractabant se invicem ut conjuges; quamvis aliqui putent sufficere probare solam famam, sine tractatu, saltem mortuâ parentibus, *Alex. de Novo hic n. 8. 9.* apud quem plura de hoc videri possunt, & alios DD.

LIV. Postremò in c. Per tuas. 12. h. t. alius ca- sus huc pertinet proponitur: Nam cum qui- dam R. nomine, ex quadam muliere, quam ma- jor pars vicinæ credebatur esse ipsius concubinam, prolem suscepisset, & quandam post, eaque defun- ctâ, aliam in uxorem duxisset, & illa concubina alium in maritum accepisset; progressu temporis, idem R. in præsentia multorum, proprio jura- mento firmavit, quod eam, quam habere videba- tur pro concubina prius affidaverat (id est, fidem ei dederat, quod eam ducturus sit in uxorem, *Gl. hic P. Affidaverat*) & post fidem datam prolem ex ea suscepit. Tandem cum in extremis ageret, il- lum, quem ex ea susceperat, legitimum filium ap- pellans, in testamento heredem instituit. Sed cum dubitaretur, an filius sic susceptus esset legitimus hæres ipsius R. & ad ejus hereditatem admitten- dus, commissum est euidam Judici (vel Episcopo) ut de hoc cognosceret. Ille verò præter id, quod ex quadam Decretali Alexandri III. habetur (in c. Transmissa, 3. h. t. ubi dicitur, standum esse ver- bo viri, & mulieris) testes recepit à filio prædicti R. productos, per quos legitime comprobavit, di- ctum R. matrem ipsius affidasse (antequam illum ex ea suscepisset, *Gl. hic P. Affidasse*) & ita illum pronun-

pronunciavit legitimum heredem ipsius R. Con-
sultus Papa Innocentius III. & considerans, quod
plus sit, quod in veritate agitur, quam quod si-
mulatè concipitur, respondet: licet dictus R. vi-
deatur, quod cum dimissa eâ, quam ut concubi-
nam habuerat, ad alias nuptias transiit, ipso fa-
cto denegaverit matrimonium, quod inter eos
initum fuerat, quia tamen desponsatio per legiti-
mos testes probata fuit, sive fuerit facta per verba
de presenti, sive per verba de futuro, carnali co-
pula subsecuta: idem Papa innitens, non tam De-
cretali Alexandri, quæ in casu simili loquitur,
quam productis probationibus, Judicem illum le-
gitimè processisse pronunciat, ejusque sententiam
auctoritate Apostolicâ confirmat.

LV. Hinc patet, quod statum dicto testium pro-
bantium aliquem esse legitimum, quamvis fama vi-
cinæ, & tractatus parentum habeant contrarium,
Abb. hic in Summa, & alii Canonistæ communiter.
Ratio est, quia quando duæ præsumptiones contra-
riæ hinc inde concurrunt, standum est fortiori, & il-
li in dubio, quæ favorabilior est. At verò probatio
per testes est fortior, quia est plena, & sufficiens, c.
Cum causam. 37. de testib. Fama verò vicinæ non
probat plenè, & sufficienter, c. *Tam literis*. 33. eod.
imò etiam depositio testium præfertur tractatui pa-
rentum, quia per testes fit vera probatio: ex tractatu
autem parentum resultat solum probatio præsum-
ptiva, *Alex. de Novo hic n. 3.* & ille potest esse ficti-
tius; & tunc non debet prævalere contrariæ proba-
tioni, quia plus est, quod in veritate agitur, quam
quod simulatè concipitur, ut hic dicitur. Item cau-
sa legitimitatis filiorum est favorabilis, c. *pen. h. n.* &
deoque plus credendum est depositioni testium in

favorem legitimitatis, quam famæ vicinæ, & tra-
ctatui parentum contra prolis legitimitatem, *Wivian.*
in Ration. hic.

LVI. Ubi præterea notandum 1. Ad proban-
dum aliquem esse legitimum, satis est probare, quod
fama, seu opinio vicinæ, vel majoris illius partis,
habebat parentes illius fuisse legitimo matrimonio
conjunctos: sicut & è contrario, ad probandam il-
legitimitatem alicujus sufficit probare, secundum
opinionem vicinæ, parentes illius fuisse concubina-
rios, *Abb. hic n. 2. & Alex. n. 2.*

Notandum 2. Dicto parentum super filiatione
non statum, etiam cum juramento, si tractatus eorum
præcedens, & fama vicinæ sit in contrarium, idque
etiam si fiat in extremis, ut si quis in infirmitate in-
stituât filium heredem, & ipsam nominet filium,
Abb. hic n. 3. Alex. n. 4.

Notandum 3. Eo ipso, quod quis filium natura-
lem in ultima voluntate filium nominat, & heredem
instituit, censetur eum legitimasse, *Auth. Item si quis.*
C. De natural. liber. si alios legitimos filios non ha-
beat, *Gl. hic v. Filium.*

Notandum 4. Casus, de quo agitur in c. *Trans-*
missæ. 3. h. 2. quod est Alexandri III. est dissimilis ca-
sui hujus cap. Nam ibi parentes testimonium fere-
bant contra illum, qui dicebat, se esse eorum filium:
hic verò pro ipso filio, cui multum prodest dictum
parentum: deinde ibi negabatur filiatio, hic qualitas
legitimationis. Item hic factum contradicebat
verbo, non autem ibi. Denique hic assertio viri tan-
tum, ibi viri, & mulieris, *Gl. fin. hic junctâ Gl. Mar-*
gin, lit. C. Joann. Andr. ibid. in fine, & ideo meritò non
debet stari dicto patris, *Abb. hic in fine.*

TITULUS XVIII.

QUI MATRIMONIUM ACCUSARE POSSUNT, VEL CONTRA ILLUD

TESTIFICARI.

Quia in præcedentibus dictum est, qualiter matrimonium contrahatur, & quali-
ter impediatur, nunc agendum est, qualiter separetur, ac dissolvatur, adeo-
que de matrimonii separatione, sive divortio. Sed quia ad divortia perve-
nitur per accusationes, & testimonia, ideo ante tractatum de divortijs præ-
mittitur iste Titulus de illis, qui matrimonium accusare possunt, & contra
illud testificari. Continet autem duas partes, nempe qui sint idonei ac-
cusatores matrimonii, & qui idonei testes contra illud, *Abb. in Rubrica*
hujus Tituli.

§. I.

*Quinam admittantur ad accusan-
dum matrimonium, vel testifi-
candum contra illud?*

ASSERTIO I. Si accusetur matrimonium, sive
contra illud agatur, tanquam illegitimè contra-

ctum, vel agitur ad separationem tori, v. g. propter
adulterium; & tunc admittitur ad accusandum solum
conjux innocens, quia hujus tantum interest,
non autem alterius. Vel agitur ad separationem
vinculi matrimonialis: & hoc casu, si accusator ma-
trimonium, propter impedimentum consanguini-
tatis, primò omnium admittuntur parentes, & his
deficientibus, proximiores consanguinei, cum agi-
tur de impedimento consanguinitatis. Post cognita

ros autem admittuntur ad accusandum extranei, & inter hos præferuntur maturiores, & antiquiores è vicinia, quibus consanguinitas nota est, c. 1. & 2. *caus. 35. q. 6.* nisi suble tale impedimentum dirimens, cui contrahentes possunt renunciare, ut est impedimentum erroris circa conditionem, seu statum, ut quia liber ignorans contraxit cum ancilla, vel è contra libera cum servo; nam hoc casu nullus, præter liberum, & liberam, ad accusandum admittitur, cum hunc errorem sibi invicem remittere possint, & de novo in matrimonium consensire, c. 2. *de conj. servor.* Item si matrimonium accusetur, propter impotentiam, ut quia alter conjux est impotens ad exercendum actum conjugalem, ratione frigidi-
tatis, vel maleficii, vel alterius impotentiz; tunc enim nullus alius ad accusandum matrimonium admittitur, quàm ipsi conjuges, quia horum tantum interest dissolvere tale matrimonium, & ipsi invicem cohabitare possunt, si non ut veri conjuges, saltem ut frater, & soror. c. *Consultationi. 4. de frigidi. & malef. Abb. in Rubric. h. t. Henric. Canis. ibid. in princ.*

II. ASSERTIO 2. Omnes, qui sunt idonei, & admittuntur ad accusandum matrimonium, admittuntur etiam ad ferendum testimonium contra illud, vel pro illo, dummodò aliis testibus idoneis ad testificandum, Innoc. hic in princ. n. 1. & Abb. in Rubr. Unde si agatur de matrimonio conjungendo, si-
ve dissolvendo, parentes, & consanguinei sunt idonei testes super consanguinitate, prout sumitur ex c. *Vi-
detur. 3. h. t.* ubi Papa Clemens III. refertur, pa-
rentes, fratres, & cognatos utriusque sexus, in tes-
timonium suorum ad matrimonium conjungen-
dum, vel dirimendum admitti debere, tam secundum
antiquas consuetudines, quàm leges (Canonicas,
Gl. hic *P. Legibus*) Ideo enim maximè parentes, &
si hi defuerint, proximiores cognati admittuntur,
quia unusquisque suam genealogiam, cum testi-
bus, & chartis, tum etiam ex recitatione Majorum
scire laborat: illi enim recipi debent in testes, qui
melius sciunt consanguinitatem scilicet) & quo-
rum interest, ita ut si non interfuerint, & consen-
sum non præstiterint, secundum leges (Civiles,
l. 2. ff. *de ritu nupr.*) nullum sit matrimonium (se-
cus secundum Canones, ut supra dictum) Quod
verò dicitur, patrem non recipi (in testem) in cau-
sa filij, nec filium in causa patris, illud verum est in
criminalibus causis, & contractibus: sed in mat-
rimonio conjungendo, vel disjungendo, ob ejus
prærogativam, & favorem, in testes admittuntur.

III. Notandum 1. In causa matrimoniali, si-
ve agatur de conjungendo, si-ve separando matrimo-
nio, parentes, & consanguinei utriusque sexus, &
utriusque conjugis, sunt idonei testes: imò aliis præ-
feruntur, quia præsumitur illos habere plenam noti-
tiam, tam consanguinitatis, quàm contractus mat-
rimonii; nam utrumque scire magis ad eos spectat,
quàm ad extraneos; Idque procedit, non solum si a-
gatur de probanda consanguinitate, sed etiam de
probando contractu matrimonii, ut communiter
intelligunt DD. Abb. hic num. 2. & Alex. de Novo

num. 2.

Notandum 2. Ille, cujus interest scire, præsumitur
melius informatus de re, & talis testis præfe-

rendus est alii extraneo, & præ cæteris, examinari
debet.

Notandum 3. Pater non est regulariter idoneus
testis in causa filii, c. *Si testes. 3. Testis idoneus caus. 4. q. 3. l. Testis. 9. ff. de testib.* quia ejus testimonium est
suspectum, & vice versa; quod est verum in causis
criminalibus, & contractibus; pater tamen potest
esse testis in matrimonio: nisi sponsus sponfam di-
vitiis, aut nobilitate multum superaret, & multo
magis si sponsus sponsa; tunc enim testimonium
parentum esset suspectum, si-ve quæretur de consan-
guinitate, si-ve an matrimonium fuerit contractum,
Abb. hic n. 6. ubi in fine addit, quòd non potest dari
certa regula, an & quando credendum sit testimonio
parentum in causa matrimoniali, sed id relinquen-
dum esse arbitrio judicantis, ut ex circumstantiis de-
prehendat, an eorum testimonium sit suspectum, l. 3.
ff. *de testib.*

Similiter si quæretur, an admittantur parentes
ad testimonium ferendum super matrimonio, nulla
sit distinctio, si-ve procedatur super consanguinitate,
si-ve alio impedimento, in quo militat eadem ratio,
Alex. de Novo hic n. 11.

Notandum 4. In causa matrimoniali idem potest
esse accusator, & testis, c. *Si duo. 4. c. De parentela. 5. & c. Episcopus. 7. caus. 35. q. 6.* Idque intelligitur ve-
rum, cum quæritur de consanguinitate conjugu-
m, Innoc. hic in princ. n. 2. Quod tamen Abb. in Rubrica
hujus Tituli tunc procedere ait, si quis non tanquam
accusator, sed denunciator impedimentum detulit
ad Judicium: tunc enim si Judex ex Officio inquirat,
etiam is, qui denunciavit, simul potest esse tes-
tis, c. *Cum in tua. 27. de sponsalib. c. In omni. 4. de testib.*

§. II.

Quinam ab accusatione matrimonii sunt repellendi?

IV. Inprimis qui matrimonium accusat, pro-
pter quæstum, repelli debet, prout sumitur ex c. *Signi-
ficante. 5. h. t.* Nam cum M. duxisset legitimè (id
est, in facie Ecclesiæ, & bonâ fide, ac nemine contra-
dicente, Gl. hic *P. eod.*) in uxorem S. & mater ipsius
niteretur matrimonium accusare (allegando im-
pedimentum consanguinitatis, vel affinitatis, vel
aliud inter ipsos conjuges) ut ab eo (sponsus) pe-
cuniam extorqueret: & licet voluntati suæ non
posset prava opera respondere (quia non potuit
probare, quòd intenderet, Hostiens. hic *V. Opera*) ni-
hilominus voluit habere pecuniam, ut ab accusa-
tione desisteret. Quare mandavit Pontifex Judi-
cibus delegatis, ut si ita est, dictam mulierem ab
accusatione matrimonii repellant, & ei super hoc
silentium imponant, quia malitias hominum non
est indulgendum.

V. Hinc patet, quòd repellitur accusator mat-
rimonii, propter turpem quæstum. Idque procedit
etiam in omni alio accusatore, Gl. hic *P. Repellentes*,
quin imò Judex ex Officio potest, non tantum accu-
satores matrimonii, ut in casu hujus cap. propter pe-
riculum animarum, sed etiam alios accusatores re-
pellere, parte non opposente, Abb. hic n. 4. Porro
quòd ista mulier instituerit accusationem mat-
rimonii

monii, quæstus causa, probari potuit, tum per mediatores, per quos curabat tractari, ut sibi daretur pecunia, & ipsa desisteret ab accusatione: tum per testes, quos ipsa corrumpere conabatur, ob dictam causam, *Hofiens. hic §. Sed quomodo. & Abb. n. 5.*

VI. Præterea repellitur ab accusatione matrimonii contracti, qui tempore præmissæ denunciationis, sciens, impedimentum dirimens tacuit, & illud non manifestavit, nisi denunciationem probabiliter ignorârit, vel inret, se postea primum in ejus notitiam devenisse, & quoddam malitiosè obijciat contra matrimonium, prout constat ex c. *Cum in tua. 6. & ult. h. t.* ubi Papa Clemens III. ita refcribit:

„ Si post contractum matrimonium, appareat ali-
„ quis accusator, qui non prodijt in publicis, quan-
„ do banna, seu denunciations, secundum consue-
„ tudinem, in Ecclesia edebantur: tempore autem
„ denunciationis ipse extra Diocesim existerat: vel
„ ea ad illius notitiam pervenire non potuit, ut quia
„ gravi infirmitate tunc laborabat: vel quia tunc sa-
„ nis mentis non erat: vel in tali erat ætate, ut ad ta-
„ lia comprehendenda ejus ætas non sufficeret, vel
„ ex alia legitima causa impeditus fuerat: tunc enim
„ accusator debet admitti: alioquin tanquam suspe-
„ ctus debet repelli, quia præsumptio est contra i-
„ plum, quoddam denunciationem publicè factam,
„ dum in Diocesi existerat, non ignoraverit: nisi
„ proprio juramento firmaverit, se postea ea, quæ
„ obijcit, didicisse, & ad hoc ex malitia non proces-
„ sisse: & tunc, etiamsi didicisset ab illis, qui tempo-
„ re denunciationis siluerunt, non debet ei claudi,
„ seu negari aditus ad accensandum, quia etsi illi
„ accusationem repellendi forent, propter culpam si-
„ lentii: iste tamen repelli non debet, cum culpabi-
„ lis non existeret.

VII. Pro declaratione hujus cap. notandum 1. banna, seu denunciations debent fieri in Ecclesiis, antequam contrahatur matrimonium, nempe ut scientes impedimentum Canonicum matrimonii inter contrahentes, illud intra tempus præfixum deferant, *Alex. de Novo hic n. 3.* idèque si quis, post tempus denunciationi præfixum, accuset matrimonium, rejicitur ab accusando, quia suspectus habetur, quoddam rem in tempus contracti matrimonii malitiosè differendo, velut impedire matrimonium postea contractum, *Henric. Canif. hic n. 1.*

Notandum 2. Existens in Diocesi præsumitur habere notitiam eorum, quæ publicè fiunt in civitate, & banna, seu Edicta, quæ fiunt publicè in civitate, afficiunt omnes existentes in Diocesi, ita ut omnes præsumantur ea scire, *Abb. hic num. 2. & Alex. num. 4.*

Notandum 3. Tres sunt casus, in quibus regulariter præsumitur ignorantia eorum, quæ palam fiunt in civitate. Primus est, si quis existerat tunc temporis, extra Diocesim. Secundus est, si quis tunc erat in tenera adhuc ætate, ita ut non posset gesta intellectu comprehendere. Tertius, si ex infirmitate patiebatur defectum usus rationis. Idemque dicendum de alia causa legitima, ut quia erat excommunicatus, tempore denunciationis, & sic non fuisset admissus ad accusationem matrimonii: nisi tamen fuisset in mora petendi absolutionem, *Abb. hic n. 3. & Alex. n. 5.*

Notandum 4. Facilius admittitur accusans matrimonium contrahendum, quam jam contractum: quia facilius impeditur matrimonium, quam dicitur, c. *Præterea. 12. & c. Cum in tua. 27. de sponsal.* nec propriè dicitur matrimonium contrahendum accusari, sed denunciari, c. *Ad dissolvendum. 13. de despons. impub.* idèque ante contractum matrimonium, etiam post lapsum termini, admittitur quis ad accusandum, *Alex. hic n. 2.*

VIII. Notandum 5. Impedimentum matrimonii potest per proprium juramentum probari, ut constat ex hoc cap. ibi: *nisi proprio firmaverit juramento, ubi Gl. V. Juramento. ait, quoddam plus valet juramentum, quam præsumptio juris, quia hæc per juramentum eliditur.* Cui tamen obstat cap. *Ex litteris. 4. de integ. restitut. & c. Cupientes. 16. §. Quod super 20. dies de Elect. in 6.* Nam quando fit publicè denuntiatio, seu proclamatio impedimenti, præsumptio juris est, quoddam quis illam fecit; & tamen admittitur juramentum ejus, qui asserit, se illam ignorâsse. Quare hoc cap. ultimum procedit, quando præsumptio illa orta ex publica denunciatione, seu proclamatione, est debiliore, quæ oritur ex juramento, vel quando impedimentum non potest verisimiliter probari, quam per juramentum: at verò textus in contrarium allegati habent locum, quando impedimentum potest verisimiliter probari per testes, vel alias legitimas probationes, juxta *Gl. in cit. c. Cupientes. §. Quod si per 20. dies. V. Fidem.* quia tunc non admittitur juramentum partis, ne recedatur à regula juris in c. *Licet. 47. de testib. Menoch. l. 1. de præsumpt. præsumpt. 77. n. 10. & 11. Barbos. hic in Collect. n. 7.* Addit *Abb. in cit. c. ult. n. 9. h. t.* Judicem secundum qualitatem præsumptionis debere arbitrari, an juramentum sit sufficiens: nam præsumptio quandoque est ita levis, ut per juramentum excludatur: quandoque verò præsumptio est ita urgens, ac vehemens, ut juramentum proprium non sufficiat ad eam excludendam.

Notandum 6. Differentia in hoc est inter accusatorem, & testem, quoddam accusator admittitur ad accusandum matrimonium, etiamsi ejus auctor, à quo audivit impedimentum matrimonii, admitti non possit. Aliud est in teste, hic enim repellitur à ferendo testimonio, si ejus auctor repellatur, c. *in cit. Licet. 47. de testib.* Ratio diversitatis est, quia accusator fundat suam intentionem, non in nuda accusatione, sed in testibus, vel aliis probationibus; idèque culpa auctoris sui non debet ipsi nocere, qui non fuit in culpa. At verò testis, qui deponit de auditu, fidem testimonii sui fundat, & collocat in persona alterius, à qua audivit: quare si auctor repellatur, tanquam inhabilis ad testimonium, debet similiter & testis repelli, *Abb. in cit. c. ult. n. 10. h. t. Henric. Canif. ibid. n. 2.*



§. III.

Proponuntur, & resolvuntur nonnulla quaestiones occurrentes circa reliqua tria Capitula huius Tituli.

IX. Quæritur 1. An & quando in causa matrimoniali, etiam lite non contestatâ, testes recipi possunt; & sententia ferri, alterâ parte absente? De hac re agitur in c. *Relatum*. 1. h. t. Nam cum quidam filiam suam cuidam civi Parisiensi in uxorem dedisset, post aliquot annos, quibus cum eadem permanisset, propter homicidium commissum auferat fugit, timore mortis: postea verò dicebatur, posse probari, quod pater puellæ illum de sacro fonte levavit: quare Episcopus loci curavit per litteras eum quærî, sed per quinquennium quæsitus non potuit inveniri. Itaque hac de re consultus S. Pontifex Alexander III. respondet, si manifestum sit, seu notorium, quod asseritur (nempe quod inter eos sit cognatio spiritualis) aut legitimæ accusatores, & testes appareant, & juvenis ille cum omni diligentia requisitus non potuit inveniri; tunc poterunt testes recipi, & iudicium Canonicè terminari, ac decidi.

X. Ubi notandum 1. Si agatur de ipso fœdere, seu valore matrimonii, possunt super impedimento matrimonii, contra reum contumaciter absentem testes recipi, etiam lite non contestatâ, dummodo aliâs sint legitimi testes, & juxta eorum depositionem sententia ferri debet; quia licet regulariter non possint recipi testes super principali, lite non contestatâ, c. *Quoniam*. §. *Vi lite non contestatâ* &c. in causa tamen matrimoniali, ut peccatum impediatur, & ne alteri conjugi, sive viro, sive mulieri fornicationis occasio præbeatur, permittitur, imò debent super impedimento matrimonii testes recipi contra reum, qui se malitiosè occultat, seu impedit, ne ad eum citatio perveniat, quamvis lis contra eum prius non sit contestata, *Vivian. in Ration. hic*, de quo dictum supra l. 2. *Decret. Tit. 6. §. 1. n. 2. & seqq.*

Notandum 2. Si maritus, suâ culpâ, sit absens, & diligenter quæsitus, convenienti tempore (nam quod hic dicitur de quinquennio, est tantum narratio facti, non terminus à jure requisitus) non repetiatur, potest contra ipsum procedi ad definitivam sententiam, quia in culpa fuit, non mittendo Procuratorem, & delictum ipsius dedit causam absentiae, ut in proposito commissum homicidium: secus est, quando ex causa justa, & non malitiosè, seu culpâ suâ, maritus se absentavit. In dubio verò præsumendum est, quod vir in fraudem uxoris se absentavit, cum teneatur ei cohabitare, *Abb. hic n. 3. & 6.*

Notandum 3. Inter liberos suscipientes, & susceptum è Baptismo contrahitur spiritualis cognatio, non solum impediens, sed etiam dirimens matrimonium contractum, c. 1. de cognat. spirit. in 6. sed hodie per Concilium Tridentinum *Sess. 24. c. 2. de reform. matr.* hæc cognatio spiritualis restricta est ad personas principales, neque ampliùs inter liberos baptizati, & suscipientes è Baptismo contrahitur.

XI. Quæritur 2. An accusatio, vel testimonium in causa matrimoniali fieri possit per litteras, seu scripturam, absente accusatore, vel testibus? Resp. negativè, prout sumitur ex c. *A nobis*. 2. h. t. ubi » Papa Clemens III. consultus, utrum aliqui super » accusatione matrimonii, nihil voce propriâ » promentes debeant per solam chartulam, seu scripturam admitti? Respondet, quòd in talibus, » nisi quantum ad præsumptionem, nullius momenti est conscriptio (sive accusationis, sive testimonii) quoad sententiam proferendam; nisi alia » legitima adminicula suffragentur. Ratio est, quia » in causa matrimoniali Judex diligenter advertere debet, ne per aliquis calumniam, vel falsum testimonium, aliqui in matrimonio invalido in peccato conjuncti permaneant, & ne legitime conjuncti contra præceptum DEI separentur, c. *Licet*. 47. in fine de testib. Et quia accusatores faciliùs possunt calumniari, si absentes possent accusare per scripturam, c. *ult. caus. 2. q. 8.* ubi dicitur, per scripta nullius accusatio suscipitur, sed propriâ voce, præterea eo, quem accusare desiderat, quia nullus absens, aut accusare potest, aut accusari. Idemque est de testibus, c. *Testes*. 15. caus. 3. q. 9. cum non sit testimonium, sed testibus credendum, c. *Tua nos*. 8. de cohabit. Cleric. & mulier. Gl. hic *V. Accusatione*. Quare ad evitandum calumniam accusatoris, & falsam depositionem testimonii, statutum est, ut in causa matrimoniali personaliter, & propriâ, ac vivâ voce debeat fieri accusatio, & testes deponere, non autem per litteras in absentia, *Abb. hic n. 3. & Vivian. in Ration.* Etsi verò scriptura ex talibus accusationibus, vel testimoniis non sufficit ad ferendam sententiam, sine aliis adminiculis, parit tamen aliquam præsumptionem, ut patet ex hoc cap.

XII. Porro plures alii DD. apud *Barbof. in Collect. hic n. 2.* existimant, attestaciones testimonii in scripta receptas, & Judici missas valere, & sustineri, saltem ex privilegio, & longâ consuetudine; nam ut testatur *Gail obs. libr. 1. obs. 101. n. 13. & 14.* in Bohemia, Austria, & aliis locis ex speciali privilegio, & longa observantia receptum est, ut illustres, & nobiles personæ non cogantur personaliter accedere Judicem, ad perhibendum testimonium, sed satis est, quòd per scripturam, sub fide sua, absque corporali juramento, deponant, & depositionem propriâ manu subscriptâ, & obsignatam Judici examinis transmittant, quia in istis personis cessat præsumptio fraudis, & subornationis, aut perjurii, eorumque sigilla, & propriæ manus subscriptio sunt loco juramenti.

XIII. Similiter etiam Confessio Sacramentalis non potest fieri in scriptis, sive per litteras, aut per internuncium, Confessario absenti, obtentiâ ab eodem absolutione, ex declaratione Clementis VIII. quæ extat apud *Quarantam in Summa Bullarum, V. Confessio Sacramentalis*. ubi contraria opinio, tanquam falsa, temeraria, & scandalosa damnata est; tum quia sigillum confessionis periclitatur; tum quia confitentis & rubescencia tollitur, si propria peccata confitentis scripta tradantur, vel mittantur Confessario, *Covarr. l. 2. var. resol. c. 13. n. 6.* ubi addit, mutum, etsi sciat scribere, non teneri ad confitendum propria peccata per scripturam; potest tamen facere, si ita sibi visum fuerit: tenetur autem

mutuus confiteri per signa, quibus ejus peccata percipiantur.

XIV. Quæritur 3. An puella innubilis, quæ invita contraxit matrimonium cum aliquo, sed postea sponte ab eodem fuit cognita, audiri debeat, si reclamet contra matrimonium? Resp. negativè, prout statuitur in c. *Infuper. 4. h. r.* Nam cum aliquis contraxisset matrimonium tum puella quædam infraabilem ætatem constitutâ, quæ nubilis facta, & sæpius ab eo carnaliter cognita, contra matrimonium proclamavit, asserens se ab initio semper dissensisse: idque per testes probare intendit, famâ, & conversatione præclaros. Consultus Papa Clemens III, respondit, quod non debet audiri adversus matrimonium, quia antequam cognosceretur à viro, jam nubilis facta, seu legitimam ætatem attingens, cum potuit, non reclamavit: sicut enim ante legitimum consensum, qui in XII. anno spectatur (in muliere) potuit dissentire: sic postquam adveniente legitimo tempore, semel etiam in copulam carnalem consensit, non potuit reclamare, quia ex ratihabitione sequenti sibi super hoc silentium indixit. Ratio decisionis est: nam licet per vim, seu metum gravem illatum excludatur consensus; ubi autem non est consensus, non potest esse validum matrimonium: quia tamen per carnis copulam sponte subsecutam sublata est omnis violentia; ideo matrimonium per vim, seu metum ab initio contractum, incipit valere ex tunc, postquam puella nubilis facta in copulam liberè consensit; idèque de vi sibi illata postea contra valorem matrimonii nihil opponere potest, & ita ratihabitione confirmat, sive validum facit, quod ab initio non valebat, *Gl. fin. hic, & Vivian. in Ration. hic.*

XV. Notandum 1. Matrimonium nullum, ob defectum ætatis, vel metum, convalidatur per intervenientem spontaneam cohabitationem, post ætatem legitimam, maxime si intercessit copula carnalis, juxta c. *Ad id quod. 21. & c. Consultationi. 28. de Sponsal. de quo dictum supra tit. 1. hoc libro. Abb. hic n. 2. & Alex. n. 2.* Requiritur autem, ut copula sit sponte affectu maritali habita: nam si copula fuisset metu gravi extorta, per eam non ratificaretur matrimonium metu initum, *Sanch. l. 4. de marr. dif. 18. n. 15. & 18. & dictum supra Tit. 1.*

Notandum 2. Si mulier ducta in uxorem, ante ætatem legitimam, non vult ratificare matrimonium, debet statim contradicere, adveniente ætate legitimâ, aliàs si cohabitavit cum viro, non contradicendo, ratificatur matrimonium, maxime si copula carnalis intervenit: quin in id etiam si non intervenit, ut probatur ex hoc cap. ubi dicitur, antequam puella cognita fuit, debet reclamare, cum attingit ætatem legitimam, & clariùs probatur ex c. *unic. de despons. impub. in 6. Alex. hic n. 3.*

Notandum 3. Testes requisiti in causa matrimoniali debent esse omni exceptione majores, c. *Licet. 47. de testib. id est, tales, qui repelli non possunt aliquâ exceptione, juxta Gl. in c. 1. V. Majores de consang. & affin. Alex. de Novo hic num. 4.*

§. IV.

Quis sit Judex competens causarum matrimonialium?

Quoniam egimus de accusationibus, & testibus, qui adhiberi possunt in causis matrimonialibus, pauca quædam etiam de Judice addenda hoc loco sunt.

XVI. ASSERTIO 1. Judex competens in causis matrimonialibus est Episcopus, c. *Accedentibus. 12. de excess. Prel.* Ex justa tamen causa etiam Prælati inferioribus delegari potest cognitio causarum matrimonialium, *Covarr. in 4. Decret. p. 2. c. 8. §. 12. n. 1.* Item ex privilegio, vel consuetudine legitime præscripta potest competere aliis, quam Episcopis, causarum matrimonialium cognitio, ac definitio, *Covarr. cit. l.* Idque definitum est in Concilio Tridentino contra hujus temporis novatores, *Seff. 24. c. 12.* ubi dicitur: *Si quis dixerit, causas matrimoniales non spectare ad Judices Ecclesiasticos, anathema sit.* Ratio est: quia matrimonium, cum sit Sacramentum novæ legis, est res spiritualis, non temporalis, ac profana, adeoque Judici Ecclesiastico, non seculari, seu profano subjecta, *Tanner. tom. 4. dif. 8. q. 4. dnb. 9. n. 164. & seq.*

XVII. ASSERTIO 2. Judex secularis non potest causam matrimonii cognoscere, etiam si non tractetur de valore matrimonii, sed solum de separatione quoad torum, & cohabitationem; & etiam si conjugalis causa incidat in judicium hæreditarie successionis, *Covarr. c. l. n. 3.* In illis tamen causis, quæ ad dorem, hæreditates, & successiones pertinent, etiam Judex secularis est competens Judex. Item in questionibus facti, ut si agatur de punitione adulterii, incestus, aliorumque criminum, quæ sunt contra sanctitatem matrimonii, Judex esse potest etiam secularis, quia ejusmodi delicta sunt mixti fori, quæ proinde Judex, qui prævenit, sive Ecclesiasticus, sive secularis puniet, quia hæc est questio facti, non juris, nec oportet ad ea puniendi prius cognoscere de valore matrimonii, aut Canonum sensu, *Sanch. l. 3. de marr. dif. 54. n. 3. & 6.* Itaque si questio sit, an matrimonium sit de facto contractum, vel an sit contractum in facie Ecclesiæ, vel claim, ut ita constet, an filius sit legitimus ob bonam parentum fidem, de ea potest cognoscere etiam Judex secularis: nisi talis questio facti resolvatur in questionem juris, ita ut controversia sit de sensu Canonis, seu legis Ecclesiasticæ, quid sit matrimonium clandestinum, *Tanner. c. l.*

XVIII. Illud hoc loco addendum, ut ex Belarmino tradit *Tanner. c. l. n. 166.* triplices esse causas matrimoniales, quædam sunt omnino politice, seu civiles, ut de dotalibus, hæreditariis, & successione; & hæc ad secularem Judicem, seu Magistratum spectant: quædam sunt simpliciter spirituales, ut de partibus Sacramenti, de benedictione Sacerdotali; & hæc ad solam Ecclesiam, & Ecclesiasticum Judicem pertinent: quædam sunt partim civiles, seu seculares, partim spirituales, ut de gradibus cognationis, divortii, & impedimentis; & hæc possunt quidem ad secularem Magistratum pertinere, sed cum subordinatione ad Ecclesiasticum, ut definitum est in Concilio Tridentino loc. *supr. cit.*

TITVLVS XIX. DE DIVORTIIS.

L.

Visum est in præcedentibus Titulis, qualiter matrimonia conjungantur, & ac-
cuscantur, nunc videndum est, qualiter
dissolvantur, seu separentur. Fit au-
tem divortium dupliciter. 1. Quo-
ad vinculum substantiale matrimonii, quando scilicet
separatur matrimonium, propter perpetuum im-
pedimentum dirimens inter contrahentes: quamvis
tunc non dissolvatur ipsum vinculum matrimonii
quoad substantiam, quippe cum nullum fuerit inter
prætenso conjugum contractum, sed quia per Ju-
dicem Ecclesiasticum declaratur matrimonium in-
ter eos fuisse nullum, & omnino separantur ab in-
vicem, sive volentes, sive nolentes. 2. Fit divor-
tium quoad torum, & cohabitationem, ac mutua
obsequia, ut propter adulterium alterius conjugis;
ex concessione Christi *Math. c. 5. v. 19.* manente
tamen vinculo conjugii inter eos, ita ut neutri li-
ceat, nec viro, nec mulieri aliud matrimonium
inire, vivente altero, ut infra magis declarabitur.

Porro in hoc Titulo agitur potissimum de divor-
tio quoad torum, & cohabitationem; nam per mor-
tem naturalem unius conjugis dissolvitur matrimo-
nium, etiam quoad vinculum, ita ut alter superstes
ad aliud matrimonium transire possit, quia mors om-
nia solvit, imò si mortuus resurgeret, non esset
obligatus priore matrimonio, ad *Rom. 7.* nisi de no-
vo cum superstite conjugē contraheret: tum quia
obligatio semel extincta non reviviscit: tum quia
Sacramentum matrimonii non imprimi Characterem,
qui est indelebilis, *Silvest. in Summa V. Divor-
tium. q. 2. n. 5.*

§. I.

*An, & quâ ratione licitum sit con-
iungi instituere divortium ob alte-
rius adulterium?*

II. **ASSERTIO 1.** Coniux innocens, sive vir
sit, sive mulier, potest dimittere à viro toro, & coha-
bitatione conjugem adulterum, vel adulteram, ut
constat ex *c. 5. Mar. V. 32.* ubi dicit Christus: *Omnia,
qui dimiserit uxorem suam, exceptâ fornicationis causâ,
faciem mœcham:* quia si alteri nubat, aut fornice-
ret, adultera erit, cum vinculum matrimonii rema-
neat: qui verò ob fornicationem uxorem dimittit,
non facit eam mœcham, quia utitur jure suo, & si
ipsa alteri nubat, aut fornicetur, culpa hujus pec-
cati non potest imputari marito, *Menoch. ibid. V. 32.*
Ratio est, quia cum adulterium per se, ac directè fi-
dei conjugali repugnet, ex ipsa natura contractus
matrimonii oritur, ut liceat innocenti discedere ab
adultero, idque jure naturæ distans, quod fran-
genti fidem fides servanda non sit, *Sanch. l. 10. de
matr. disp. 3. n. 4.* Neque verò dubium est, conjuges

Tomus IV.

in hoc jure divortii instituendi ob adulterium alte-
rius, esse æquales, ac proinde sicut vir innocens
potest discedere ab adultera: ita & contra uxor à vi-
ro adultero, ut constat ex *1. ad Corinth. 7. His, qui
matrimonio juncti sunt, præcipio, non ego, sed Dominus,
uxorem à viro non discedere: quod si uxor discesserit (ita
dimittendo virum, ob ejus fornicationem) manere
innuptam, aut viro suo reconciliari.* Ratio est, quia
ex violatione fidei conjugalis oritur jus divortii, ad
quam conjuges æquali jure obligantur: licet aliàs
gravius peccatum sit adulterium uxoris, quippe
quod majorem matrimonio injuriam irrogat: quia
satis est, quòd in utroque delicto sufficiens causa in-
stigendæ pœnæ reperiatur, sicut omnia homicidia
pœnâ capitis plectuntur, *Sanch. c. 1. n. 6.*

III. Porro quod dictum est, licitum esse viro,
vel uxori instituere divortium quoad torum, & co-
habitationem, ob adulterium alterius conjugis, ita-
tuitur etiam imprimis in *c. Significasti. 4. h. t.* Nam
cum quidam uxorem suam, sine judicio Ecclesiæ,
dimisisset, quia ei dictum fuit, ipsam incestum
cum quodam consanguineo suo commississe; ideò
que is excommunicatus fuisset; mulier verò illa,
sobole ex alio viro susceptâ, nihilominus postula-
ret viro suo restitui, eò quòd ab ipso injustè di-
missa fuisset, & ipse ei materiam, seu occasionem
adulterandi dedisset. Consulens super hoc Papa
Alexander III. respondet, quòd si notorium sit,
mulierem illam adulterium commississe, ad eam
recipiendam prædictum virum cogi non debere:
nisi constaret, ipsum cum alia adulterium com-
mississe.

IV. Notandum 1. Maritus potest per Eccle-
siam excommunicari, si sine justa causa dimittat u-
xorem, nec creditur ipsi asserenti, uxorem fuisse
adulteram, *Abb. hic n. 2.* neque potest, propriâ au-
thoritate, expellere uxorem propter adulterium, si-
ne judicio Ecclesiæ, *Covarr. in 4. Decret. p. 2. c. 7. §.
5. num. 8.*

Notandum 2. Neque tamen uxor, etsi sine justa
causa dimissa à marito, excusatur ab adulterio, quòd
sic relicta commisit, quia non debuit, præteriti pau-
peratatis, tantum scelus patrare, *Abb. hic n. 3. Alex.
de Nevo n. 4. not. 4.*

Notandum 3. Adulterium uxoris esse notorium
potest probari, vel per confessionem ipsius, vel quia
peperit filium, postquam recessit à marito XI. men-
se 3 tunc enim dicitur notoriè commississe adu-
lterium, quia præsumitur natus ex adulterio, *Alex. de
Nevo hic n. 4. not. 3.*

Notandum 4. Conjugi petenti restitutionem
obstat exceptio notorii adulterii, quia hoc non dis-
solvit matrimonium quoad vinculum, sed conjuges
solum debent separari quoad torum, & cohabitationem,
propter adulterium alterius. Sive autem aga-
tur judicio petitorio, sive possessorio, justè denegatur
restitutio conjugi, si adulterium sit notorium,
ita ut negari non possit, nempe quia supersunt unus,

Y 2

vel

vel plures filij nati ex adulterio, & hoc dicitur notorium adulterium facti permanentis, *Alex. de Nervo hic n. 5.*

Notandum 5. Si uterque conjux adulterium commisit, neuter potest contra alterum excipere de adulterio, quia tunc fit mutua delictorum compensatio, ut constat ex hoc c. in fine, *Sanch. l. 10. dif. 5. n. 2. de quopura infra libr. 5. Tit. 16. sec. 1. §. 6.*

Notandum 6. Si uxor sine causa expulsa à viro perat cum sibi restitui, sed vir excipiat contra illam de notorio uxoris adulterio, non debet ei restitui: & è contra, si uxor, quæ sine iusta causa à suo marito aufugit, contra virum petentem illam sibi restitui excipiat de notorio viri adulterio, non debet etiam fieri restitutio, prout sumitur ex hoc cap. *Farin. in praxi crim. p. 5. q. 143. n. 53.* & alii communiter.

V. ASSERTIO 3. Non tantùm ob adulterium jus divortij competit conjugi innocenti, sed etiam propter quemlibet alium illicitum concubitum consummatum alterius conjugis, cum emissione scilicet seminis cum alia persona, qualis etiam est sodomia, seu activa, seu passiva, & bestialitas completa, non item incompleta, sine feminis effusione: neque peccatum molliæ, aut pollutio etiam cum alia tertia persona perpetrata, sine copula: multò minùs amplexus, & tactus impudici, etiam animo adulterandi habitati divortium sufficiunt. *Sanch. l. 10. de matrim. dif. 4. n. 3. & seqq.* & alii communiter. Ratio est, quia justum divortium oritur ex eo, quòd conjux carnem suam in aliam carnem dividat, contra fidem matrimonialem explicatam *Gen. 2. Erunt duo in carne una:* & sic gravis injuria infertur matrimonio: talis autem divisio carnis fit per fornicationem, sodomiam, & bestialitatem completam, quia verè caro conjugis dividitur in aliam, nempe in carnem bestiz, cui copulatur, nihil enim refert, an misceatur cum carne ejusdem, aut diversæ naturæ, *Sanch. c. l. n. 14.* Non autem fit divortium propter peccatum molliæ, live viri, live uxoris, quia non dividitur caro conjugis in aliam per concubitum, & sic non integrè, & consummatè læditur matrimonium, quæ divisio est radix divortij, *Sanch. c. l. n. 9. & 10.* & alii communiter.

Et hinc ulterius infertur, sodomiam viri completam cum propriâ uxore, etiam invitâ, non præbere justam perpetui divortij causam, nisi ad tempus, dum vir à scelere illo desisteret renuit, quia vir per talem copulam non dividit carnem suam in aliam, *Sanch. c. l. n. 8.* Quamvis alii probabiliter putent, eo casu loco cum habere divortium, eò quòd fit gravis abusus dominij corporis uxoris sibi concessi, & talis actus etiam circa propriam uxorem graviter repugnat fidei conjugali.

VI. ASSERTIO 3. Matrimonium separatum quoad torum, & cohabitationem propter adulterium mulieris, redintegratur, si vir postea etiam fornicetur, sive adulterium committat, ita ut ad priorem uxorem redire debeat, eique cohabitare, prout statuitur in c. *Ex litteris. §. h. t.* ubi talis casus proponitur: Quidam V. nomine duxit quandam in uxorem, sed non multò post ortâ inter eos discordiâ, dixit, quòd illam per violentiam, ac metum sibi illatum duxisset: tandem convenit eandem super crimine fornicationis, eaque publicè confessa est,

quòd cum vir ei negaret de necessariis providere, se id crimen compulsum fuisse incurere. Cùmque Episcopus eam admoneret, ne tam turpe facinus contra se proponeret, ipsa illud manifestius assererat. Quare Episcopus, cum consilio Capituli sui, utrique conjugi privatim injunxit, ut continentiam observarent, eosque ab invicem segregavit. Sed cum dictus V. cum alia furum, ac temerè sponsalia, & nuptias celebrasset, & Episcopo inquitur rei seriem explicasset, ipse V. ad Pontificem appellavit. Qui mandavit Episcopo, ut si res ita processit, prædictum virum ad legitimam uxorem redire compellat. Ratio decisionis est, quia paria delicta mutua compensatione tolluntur, c. *pen. de adul. Gl. hic in notat.* quod autem hic dicitur de uxore, intelligi etiam debet de marito, c. *Præcept. 19. caus. 32. q. 5.* ubi dicitur, neque enim adultera uxor dimittenda est, & vir mœchus retinendus.

VII. Ubi præterea notandum 1. statut confessioni alterius conjugum, quando agitur ad separationem tori, ut patet ex hoc c. non autem si agatur ad separationem vinculi matrimonialis; tunc enim non tenet confessio contra matrimonium, c. *Super eo. §. de eo, qui duxit consang. uxor. &c.* Ratio diversitatis est, quia priore casu agitur de solo præjudicio contentis, non postiorie, *Abb. hic n. 2. & Alex. de Nervo n. 2.* Nec obstat illa regula Juris communiter recepta apud Clarum in *pract. crimin. §. fin. q. 55. n. 10.* quòd si non constet aliter de crimine, quam per confessionem ipsius Rei, non debetur ex sola confessione sua condemnari. Nam quando delictum confessum non est permanens, sed factum transiens, ut adulterium, furum &c. tunc potest reus ex eo condemnari, si cum confessione unius concurrat querela alterius partis, ut in proposito, *Clarus c. l. num. 11.* Cùm igitur in casu hujus cap. maritus prius uxorem convenerit de adulterio, & postea eadem illud fuerit confessa, potuit Judex ex illius confessione ad separationem tori procedere, *Barbosa in Collect. hic n. 2.*

Notandum 2. Maritus potest accusare uxorem de adulterio, licet tempore commissi adulterij renuerit ipsi providere de necessariis; non enim propterea excusatur mulier, sed debuisse agere contra virum, & ab eo petere alimenta, *Abb. hic n. 4. & Alex. de Nervo n. 5.*

Notandum 3. Propter crimen adulterij non separatur matrimonium quoad vinculum, sed solum quoad torum, & mutuam cohabitationem, ut patet ex hoc c. *Abb. hic n. 5.*

Notandum 4. Uxor ab adulterij pena non excusatur, propter sævitiam mariti, nec propter famis necessitatem, nec propter pauperatatem, debebat enim potius omne malum pati, quam adulterium patrare, *Clarus §. Adulterium, n. 75. & 2. seqq. Farin. in praxi crim. q. 141. n. 60.*

Notandum 5. Si post factam separationem quoad torum, propter adulterium mulieris, vir fornicetur cum alia muliere, debet matrimonium redintegrari, mulierque virum sibi restitui petere potest, *Covarr. in 4. Decret. p. 2. c. 7. §. 6. n. 5. Sanch. l. 10. de matrim. dif. 9. n. 30.* Ubi ait, in hoc casu nullam competere conjugi adultero actionem ad repetendum innocentem, qui potest sententiam divortij in sui favorem latam adulteratus fuit; posse tamen Judicem ex officio

officio suo conjuges illos ad evitandum fornicationis periculum reconciliare, & ad simul cohabitandum cogere.

§. II.

An, & in quibus casibus non liceat divortium instituire, propter coniugis adulterium?

VIII. ASSERTIO I. Septem communiter numerantur à Doctöribus, qui tamen ad tria capita revocari possunt. Primum est, quia uterque coniux est ejusdem criminis participes, sive reus adulterii; tunc enim neutri coniugi permissum est divortium celebrare. Secundum est, si adulterium culpa vacet, quia non est formaliter injuriosum alteri coniugi. Tertium, si coniux innocens injuriam adulterii expressè, vel tacite remittat, *Sanch. l. 10. de matr. dif. 5. n. 1.* Primum constat ex c. *Significasti. 4. h. t. c. Intelleximus. 7. & c. ult. de adulter. ubi ratio redditur, quia patia crimina mutuâ compensatione delectur. Nec refert, quod unus prius altero adulterium commisit, vel unus scopus, quam alter, Sanch. l. 10. de matr. dif. 6. n. 1. 6. & 8.* ubi rationem dat, quia cum uterque fidem fregit, delicta censentur paria; nam jura magis habent rationem fractionis fidei conjugalis, quam numeri. Et quamvis etiam unius conjugis adulterium sit occultum, solique Deo cognitum, alterius verò publicum; nequit tamen adulter occultus divortium petere, sed adhuc in foro conscientie compensare tenetur adulteria, quia in hoc foro non requiritur probatio per testes, sed sola veritatis cognitio: in foro tamen externo, seu contentioso adulter publicus contra occultum non compensatur, & causâ cadit propter defectum probationis, *Sanch. c. l. n. 9.* Nec obstat, quod adulterium mulieris sit gravius, quam viri adulterium; & adeoque non videatur compensari posse cum illo; ad quod requiritur, ut delicta sint paria: nam factis est, quod per utriusque adulterium verè violetur fides conjugalis, adeoque quoddam sint paria hæc delicta quoad violationem fidei conjugalis, etiam si ex aliis capitibus, & circumstantiis unum sit gravius altero, quia Jura hæc in parte tantum considerant violationem fidei conjugalis, & divortium conceditur soli innocenti. Neque verò gravitas fornicationis, quoad divortium, consideranda est in se, cum odium Dei, & blasphemia longè graviora peccata sint adulterio, & tamen ad divortium non sufficiunt: sed attendendum est, an magis repugnet fidei matrimonii, illudque lædat, *Sanch. cit. dif. 6. n. 5. & dif. 4. n. 3.*

IX. ASSERTIO 2. Quando adulterium vacat culpâ, quia non est formaliter injuriosum alteri coniugi, non potest ob illud divortium fieri, *Coning dif. 35. de divort. n. 8.* Ratio est, quia jux divortij competit propter solam injuriosam fidei conjugalis violationem; non enim coniuges censentur obligasse, ut diutius alteri parti cohabitent, quam hæc fidem, & torum immaculatum servet, *Coning cit. dif. concl. 2. n. 1.* Veluti si uxor probabiliter credens virum decessisse, alij nubat, vel vicissim vir bonâ fide credens uxorem decessisse, aliam ducat; tunc

enim coniux superstes non potest divortium instituire propter illud adulterium, c. *1. caus. 34. q. 2.* Ratio est, quia tunc non est adulterium formaliter, culpâque vacat: nisi talis coniux, qui ad secundas nuptias transivit, de vita prioris coniugis certior factus, in secundo matrimonio persistens debitum petat, & reddat, quia tuncjam verè reus est adulterij; adeoque locus est divortio, *Sanch. cit. libr. 10. dif. 5. n. 11. ubi n. 12. addit, si coniux probabiliter putans, alterum conjugem esse mortuum, fornicetur, non potest ratione illius fornicationis, divortium petere, quia fornicatio illa ob probabilem ignorantiam prioris matrimonii, caret culpâ adulterij, nec tale est formaliter, ideoque illius poenâ pleâ non debet.*

X. 2. Si uxor fuit violenter cognita, animo non consentiente, juxta c. *Proposito 4. caus. 32. q. 5.* non potest peti divortium, quia non est formaliter adulterium, cum culpâ vacet, *Sanch. cit. dif. 5. n. 13. ubi n. 14. addit, idem dicendum, etiam si causam violentiæ mulier dedisset, quia viro nocenti, ut fugiat, ne vi hostium opprimeretur, non paruit; nam nihilominus non potest accusari de illo adulterio, ad instituendum divortium, vel ad aliam poenam; quia in l. *Vim passam 39. in princ. ff. Ad leg. Jul. de adult. indistinctè deciditur, non esse mulierem vim passâ adulterium imputandum; neque etiam reâ est illius criminis, quæ coacta fuit, nec prohibere potuit, l. Nullum 109. ff. de R. I. Secus est, si alteruter coniugum gravi metu coactus in adulterium consensit; tunc enim secundum communem sententiam apud *Sanch. cit. dif. 5. n. 16.* potest divortium institui: quamvis mulier non possit hoc casu criminaliter accusari à viro. Ratio est, quia est verè, ac formaliter adulterium; cum metus etiam gravis non excuset à peccato mortali, & teneatur coniux potius mori, quam fidem conjugalem violare, consentiendo in fornicationem; ideoque verè infertur injuria coniugi innocenti; quamvis *Coping cit. dif. 35 n. 9.* putet fore contra charitatem temere facere divortium, nisi graves causæ ad id urgent.**

XI. Non potest divortium institui, si vir uxorem prostituat, adeoque in adulterium uxoris consentiat expressè, vel tacite permittendo illud, cum facile posset prohibere c. *Discretionem 6. de eo qui cognovit consang. &c.* & ratio est: quia scienti, & volenti non fit injuria: nam qui scit delictum inferioris, & non prohibet, cum possit, censetur consentire, & ideo talis vir tanquam leno puniatur, l. *1. c. ad leg. Jul. de adult.* Contrà verò taciturnitas uxoris, quæ sciens delictum viri, illud non prohibet, non reputatur pro consensu: tum quia communiter femine non audent reprehendere viros: tum quia cum uxor sit inferior, non est illius delicta viri prohibere, *Sanch. cit. dif. 5. n. 5.* Id verò extenditur, ut non solum, si uxor invita, & resistens prostituta sit à viro, sed etiam si volens committat adulterium, non possit ob id à viro dimitti per divortium, ut aperit probatur ex cit. c. *Discretionem.* ibi: *Cum adulterium ei non possit objicere, qui eam adulterandam tradidit, præsertim invitam: quia scilicet idem dicendum est, si uxor volens sit prostituta à viro; id enim denotat dictio præsertim, quæ est implicativa, & ratio est: tum quia vir prostituendo uxorem eodem crimine implicaret, & petinde est, ac si ipse adulterium commisisset; tum quia injuria illata viro*

viro ob adulterium uxoris, est causa & fundamentum divortii, quæ cessat, si ipse consentiat in adulterio, nam scienti, & volenti non fit injuria, juxta *Reg. Jur. 27. in 6. Sanch. cit. dif. 5. n. 4.* & plures alii apud ipsum.

XII. Porro si vir justam causam habeat permit- tendi delictum, ut quia uxorem suspectam habens de adulterio non prohibet, ut deprehensam dimittat, non censetur in id consentire, et indirectè occasionem adulterii ei præbeat, adeoque etiam potest vir ab ea per divortium separari, *Sanch. cit. dif. 5. n. 6. Coning. cit. dif. 35. n. 8.* ut constat ex c. *Significasti. 4. h. t.* ubi vir non tenetur uxorem adulteram recipere, etsi ipsa allegavit, & excepit, quod vir in causa fuerit, ipsam injustè expellendo, ubi *Gl. V. Materiam*, rationem dat, quia mulier nullà ratione ad adulterandum induci debet, c. *1. caus. 32. q. 5. Etia. s. Ex litteris. 5. h. t.* non auditur uxor allegans, se adulterium patrâsse, eò quod vir ei necessaria alimenta denegavit, quia ut ait *Gl. ibid. V. Compulsa*, non est ignoscendum ei, quæ prætextu paupertatis turpiter degit, l. *Palam. 43. 5. Non est. ff. de ritu nupt.* si tamen vir, eâ intentione uxorem expelleret, vel ei alimenta denegaret, ut ob necessitatem urgentem adulterium perpetraret, tunc perinde esset, ac si in adulterium consentiret, *Sanch. c. l. n. 6. in fine.*

XIII. Quartò. Si conjux, sive vir, sive mulier, accedentem ad se adulterum, bonâ fide, & ex invincibili ignorantia putavit esse suum conjugem, & ab ipso fuit cognita, sicut accidit Jacob cum Lia, *Gen. 29.* tunc enim sicut talis concubitus conjugis, ob bonam fidem, excusatur à culpa adulterii, ita etiam pœnam divortii non incurrit, c. *In lectum. 6. caus. 34. q. 2.* Sufficit autem ad probandam fidem conjugis juramentum illius, spectatâ ejus honestate, & aliis probabilibus conjecturis, *Sanch. cit. dif. 5. num. 17.*

Quintò. Si inter gentiles, tempore infidelitatis matrimonio inito, post libellum repudii datum, quo ipsi purant vinculum matrimonii dissolvi, unus conjugum, sive repudiatus, sive etiam repudians, ad aliud matrimonium transeat; tunc non poterit conjux repudians conjugi repudiato objicere adulterium, quod commisit, consummando matrimonium secundum, ut ab illo per divortium separaretur, ut constat ex c. *Gaudemus. 8. h. t. Sanch. c. l. n. 18. de quo infra.*

XIV. ASSECTIO 3. Si à conjugē innocente expressè, vel tacitè remissa sit injuria adulterii alteri, non potest in ampliùs instituire divortium, *Sanch. cit. dif. 5. n. 19. & alii.* Ratio est, quia cum divortium sit concessum, in favorem conjugis innocentis, potest hic cedere jure suo, & favori pro se introducto renunciare, ac delictum condonare. Hæc autem remissio, seu condonatio est duplex, quædam expressa, quæ fit verbis expressis, vel per alia signa, per quæ conjux innocens adultero reconciliatur, condonando ei delictum. Alia est remissio tacita, quæ fit re, & factò, ut si conjux innocens, conficius adulterii alterius, sponte, & omnino liberè copulam carnalem habeat cum conjugē adultero, sive ante, sive post divortium celebratum; tunc enim censetur condonare adulterium, & reconciliari conjugi adultero, ita ut jus divortii perdat, &

adulterium, nec ad judicium criminale, nec ad civile deferre possit, *Sanch. l. 10. dif. 14. n. 6.* Ratio est, quia per copulam conjugalem post habitam sponte, & scienter cum conjugē adultero, caro adulterio divisa in aliam, iterum efficitur una caro cum carne innocentis conjugis; ideòque censetur abolita prioris adulterii injuria, *Sanch. c. l.* Secus est, si conjux innocens ignarus sit adulterii, aut tantum suspicionem habeat de eo, vel non omnino voluntarie, sed redimendæ vexationis gratiâ, copula habeatur, ut si uxor innocens metu mariti adulteri ad id compellatur, vel præcepto Judicis, antequam possit adulterium probare, cogatur ad concubitum cum conjugē adultero; tunc enim copula habita nihil præjudicat juri divortii, *Sanch. cit. dif. 14. n. 15. Coning. cit. dif. 35. n. 11.*

Ex quo patet, quod duæ conditiones requirantur, ut per copulam habitam, post adulterium, cum conjugē adultero, illud censetur condonatum, adeoque jus divortii, & accusationis extinctum. Prior est, ut alter conjux innocens sit conficius adulterii, quia nulla est remissio injuriæ, quando hæc ignoratur esse illata. Posterior est, ut copula conjugalis sit liberè, & spontè habita, quia debet esse habita liberali voluntate conjugis innocentis, in necessitatem enim nemo præsumitur liberalis, *Sanch. cit. dif. 14. n. 9. & 13.*

XV. Præterea si adulterium sit publicum, & notorium, & conjux innocens sponte, ac scienter in consortio maritali retineat adulteram, nec ab ea se separat, cum facile posset, aut domi retentam familiariter traheret, cum ea ludendo, comedendo, & multò magis si oscula, tactus, & amplexus scienter, & sponte interveniant, præsumitur condonatum adulterium, quia hæc sunt manifesta signa amicitiae, & reconciliationis conjugalis, adeoque etiam condonationis adulterii, & consequenter conjux sic condonans perdit jus divortii, & accusandi adulterium, *Sanch. cit. dif. 14. n. 17. & 2. seqq.*

Illud hic addendum, si in his casibus conjux innocens reipsâ non habeat animum, seu voluntatem remittendi injuriam adulterii, in foro conscientie præsumptio cedit veritati, & sic revera non erit condonatio adulterii facta, sed potest divortium institui, non obstantibus hujusmodi præsumptis actibus condonationis: quamvis in foro externo judicabitur vera condonatio, in quo animus gestus contrarius latebat, & sic non audietur volens instinuere divortium propter præsumptionem condonationis factæ, *Sanch. cit. dif. 14. n. 21.*

XVI. Ubi præterea notandum 1. quamdiu conjux innocens non est moraliter certus de adulterio alterius, non potest eum dimittere, & adulterio potest exigere debitum, & nolentem ad hoc per Judicem compellere, *Coning. dif. 35. de divor. dub. 1. n. 4.* Ratio est, quia antequam moraliter certò constet de adulterio, saltem per violentam præsumptionem, alter conjux non potest privari suâ possessione, cum melior sit in dubio conditio possidentis; ideòque non potest pœna hæc infligi ab homine, donec saltem moraliter certò constet de adulterio perpetrato: cum ergo adulter non sit, ipso facto, privatus jure petendi debitum, per adulterium, antequam privetur per conjugem, licitè utetur matrimonio

nio, & liberè non minùs, quàm si crimen non commisisset. Quòd si tamen conjugii adultero constaret, alterum cerèd seisc, ipsam adulterium commississe, injustè faceret, si conjux adulterum ipsum recusantem cogete vellet ad reddendum debitum, etiam si id probare non posset, *Coning c. l.*

Notandum 2. Quamprimùm conjux innocens certitudinem acquisivit, saltè moralem adulterii commissi ab altero conjuge, habet jus se ab illo separandi, quoad torum quidem, etiam proprià auctoritate: quoad cohabitationem verò solùm per sententiam Judicis, nisi adulterium sit ita publicum, & notorium, ne nullà tergiversatione celari possit, *Sanch. l. 10. dif. 12. n. 25.* Et quidem quòd habità notitià adulterii, proprià auctoritate, quoad torum, divortium fieri possit, probatur, quia innocens conjux hoc jus divortii acquirit, non per Judicis sententiam, sed ex ipsa natura contractùs matrimonii, ergo eòd jus naturale, imò & Divinum permittat, hoc casu, divortium conjugi innocenti; & hoc plerumque quoad torum, & debiti negationem fieri possit, sine publico scandalo, proprià auctoritate licebit id facere, sine sententia Judicis. Idem etiam quoad cohabitationem probatur, quia quando adulterium est occultum, quamdiu hoc probari non potest, in foro externo, conjux adulter est in pacifica possessione juris conjugalitatis, ergo non posset conjux innocens, proprià auctoritate, separare se ab adultero occulto, quoad cohabitationem, sine gravi scandalo, eòd talis separatio in publicam notitiam venire soleat, sed ad hoc requiritur sententia Judicis, per quam, probato legitime adulterio, divortium institutendum esse declaretur: quæ ratio scandali cessat, si adulterium publicè sit notum, ut celari non possit, ac proinde tali casu, proprià auctoritate conjux innocens, fieri potest divortium, nec conjux spoliatus petens restitui audietur. Unde si maritus certus de adulterio uxoris, quod tamen in foro externo probare nequit, possit ab uxore adultera, sine scandalo, discedere, prætextu v.g. peregrinationis diuturnæ, sed sine reverendi proposito, licet id faciet, quia cessat tunc scandalum, quod est tota ratio, ob quam prohibitum est divortium propter adulterium occultum, *Sanch. cit. dif. 12. n. 32.*

§. III.

An, & quæ ratione coniuges propter adulterium separati, si postea reconciliati, unus vel uterque relabatur in adulterium, possint denuo divortium instituere?

XVII. Respondetur si post unum, vel alterius conjugis adulterium, sint reconciliati, & postea alteruter conjux in adulterium relabatur, potest alter divortium instituere, quia cum per reconciliationem jus matrimonii sit restitutum, ac si nullum adulterium præcessisset, hinc conjux relapsus in adulterium potest denuo de eo accusari, & ratione illius denuo divortium institui, quia præcedens venia non extenditur ad futura delicta, sed sola præterita re-

spicit, nec æquum est, ut reconciliatio facta fururi criminis impunitatem præstet, *Sanch. l. 10. dif. 5. num. 20.*

XVIII. Sed jam hic dubitatur 1. Si post utriusque conjugis fornicationem, reconciliatio mutuo consensu non sit facta, sed unus quidem emendatus sit, alter verò in fornicatione persistat, an tunc conjux emendatus possit divortium instituere? Resp. affirmativè, si tamen conjux emendatus de emendatione pariter facienda alterum conjugem admonuerit, isque adhuc fornicari pergat, *Sanch. l. 10. dif. 7. n. 4. Coning cit. dif. 35. dub. 2. n. 17. concl. 6. & alii.* Ratio est, quia admonitio illa, per quam offertur reconciliatio alteri, habet vim reconciliationis, & ideo quatenus in favorem admonentis cedit, censetur facta reconciliatio, hoc ipso, quòd oblata sit, sed non acceptata, cum tamen debuisset, ac proinde priùs commissum adulterium conjugi emendato obesse non debet, quominus petere possit divortium: non autem censetur facta reconciliatio in favorem eam recusantis; ideòque hic jus divortii non habet, si reconciliatio non acceptavit.

XIX. Dubitatur 2. Si postquam sententia divortii est lata, ob adulterium alterius conjugis, innocens quoque in adulterium labatur, an hoc casu conjux adulter jus habeat repetendi innocentem? Resp. valde probabile est, conjugem adulterum nullum jus habere repetendi innocentem, qui post sententiam divortii adulteratus est; adeoque ea delicta non compensantur, quamvis Judex ex officio suo eos reconciliare possit, & ad hoc cogere, ob vitandum probabile periculum incontinentiæ, *Sanch. l. 10. dif. 9. n. 30. & alii.* Ratio est, quia per sententiam divortii liberatur conjux innocens ab obligatione conjugalitatis consortii; nam per illam dissolvitur contractus matrimonii quoad jus tori, & cohabitationis, manente vinculo: quare conjux innocens, si postea fornicetur, reus erit adulterii coram Deo, quia vinculum matrimonii perseverat; non tamen injuriam ullam infert conjugi dimisso, quippe qui privatus est omni jure in illius corpus, & consequenter nullam etiam actionem habet ad repetendum conjugem fornicantem post sententiam divortii, cum injuria cessarit, quæ fundamentum est compensationis delictorum, & actionis ad repetendum. Nec obstat *e. Ex litteris. 5. h. r.* ubi vir, qui post divortium aliam duxit in uxorem, jubetur ad priorem uxorem redire: quia ibi sententia divortii non erat judicialiter lata, ut patet ex eo, quia privatum illis fuit injunctum, ut ab invicem separati continentiam servent, *Laym. libr. 5. tit. 10. p. 3. c. 7. n. 14.*

XX. Dubitatur 3. An conjux conscius adulterii alterius conjugis in conscientia obligetur se ab illo separare, illumque dimittere, & an facto divortio, possit, aut debeat revocare, & recipere alterum conjugem? Resp. 1. Communiter, & per se non tenetur innocens conjux dimittere adulterum, etiam persistentem in adulterio publico, *Sanch. l. 10. dif. 13. n. 6. Coning cit. dif. 35. dub. 3. n. 19.* Idque constat ex *c. 5. & 19. Marti.* ubi Christus permittit divortium tanquam licitum, ratione fornicationis, seu adulterii, sed non id præcepit; & ratio est, quia divortium est inductum in favorem conjugis innocentis, & in odium adulteri, ob injuriam illatam innocentis,

nocenti, ergo hic potest illi velut proprio renunciare, neque debet, quod pro favore conjugis innocentis statutum est, in ejus incommodum retorqueri; dñum enim accidere posset conjugi, si cogeretur cœlebs vivere, & solus familiam regere, & administrare. Idquæ confirmatur 1. quia divortium est pœna adulterii, quam vir innocens subire non tenetur. Confirmatur 2. quia vir non tenetur divortium instituere, ac dimittere uxorem adulteram, ratione præcepti correctionis fraternæ, cui vir aliter satisfacere potest uxorem monendo, & moderatè puniendo, si se emendare velit: neque etiam præcepta charitatis, quale est hoc, cum tanto detrimento viti obligant, quia moraliter loquendo, si expellat adulteram, stimulus carnis agitat, ac deicitur obsequiis uxoris, ut custodiâ domûs, educatione liberorum, & ministeriis domesticis. Veruntamen per accidens in casu aliquo raro, ratione publici scandali vitandis, ne videatur patrocinari adulterio uxoris, obligari posset ad recipiendam uxorem adulteram, si emendata sit, de quo videri potest *Sanch. cit. dif. 13. n. 8. & 10.* ubi fusè hanc rem persequitur.

XXI. Resp. 2. Facto divortio, etiam per sententiam Judicis, potest conjux innocens revocare conjugem adulterum dimissum, & cogere ad redeundum, modò neuter conjugum statum mutarit. *Sanch. l. 10. dif. 10. n. 3.* Ratio est, quia conjux innocens per sententiam Judicis non privatur jure suo, quod habet in corpus adulteri, cum alioquin sententia proderet reo, contra quem lata est, quod iniquum esse ait Jctus in l. *Evidenter. 16. ff. de except. rei judic.* Ratio verò exceptionis est, quia si vel conjux innocens, vel adulter statum mutavit, cum consensu expresso, vel tacito conjugis innocentis, proficendo Religionem, vel SS. Ordines suscipiendo, nullum superest jus innocenti ad revocandum adulterum, quia assumendo statum inmutabilem, & incompatibilem cum matrimonio, vel permitiendo, ut ab adultero assumeretur, omne à se jus conjugale abdicavit. *Sanch. c. l. n. 6.* apud quem plura de his videri possunt.

XXII. Resp. 3. Conjux innocens ordinariè non obligatur ad recipiendum conjugem adulterum, etiamsi is sit emendatus. *Coning. cit. dif. 35. dub. 2. n. 18.* Ratio est, quia is absolute liber est ab onere conjugali, & adulter violando semel fidem matrimonii, omne jus conjugale amisit. Interdum tamen ex honestate, vel etiam charitate recipiendus erit, si adulter aliàs in periculo incontinentiæ versaretur, & sic intelligi debet text. in c. *Si vir. 3. de adul.* ubi dicitur, eum debere id facere, scilicet ex quadam æquitate, non necessitate, ut explicat *Gl. ibid. v. Debet.*

Resp. 4. Vir communiter non tenetur uxorem persistentem in adulterio dimittere, quia non tenetur ratione correctionis fraternæ, ut suprà dictum, nec ratione scandali, quod nullum erit, si crimen occultum sit, vel si crimen publicum sit, sufficit, si vir publicè conetur eam emendare puniendo, ne videatur in crimen consentire. Contrà verò uxorem non tenetur à viro adultero se separare, quia hic per hoc non emendaretur, eaque non habet potestatem corrigendi virum, nisi per preces, & admonitiones, *Coning. cit. dif. 35. dub. 3. n. 19. & 20.*

§. IV.

An vir possit dimittere uxorem, sine Iudicio Ecclesiæ, etiam propter publicum, ac notorium impedimentum parentela, seu cognationis?

XXIII. De hoc agitur in c. *Porro. 3. h. t.* Nam cum Comes Pontini, propriâ auctoritate, absque iudicio Ecclesiæ, uxorem suam dimisisset, quia eam dicebat fuisse cognatam uxoris suæ defunctæ, mulier dimissa petijt sibi vitum restitui. Consulzus Papa Alexander III. rescribit Episcopo leci: etsi parentela, seu cognatio esset notoria, & publica, absque iudicio Ecclesiæ, ab ea separari non potuisset. Quare ipsum Comitem ad eam recipiendam, quæ restitutionem ipsius petijt, districtè compellat, quam si recipere noluerit, in eum, & superinductam excommunicationis sententiam proferat. Præterea cum quidam H. nomine quandam cognatam suam in uxorem duxisset, idem Pontifex responderet, quod si non appareant accusatores, & parentela manifesta, ac publica existat (quod tamen credibile non est, nisi essent consanguinei in primo, vel secundo gradu) matrimonium illud dissolvatur, quia ad Episcopale officium pertinet, matrimonia illa dissolvere, quæ illicitè contracta fuisse constat.

XXIV. Ubi notandum 1. Non potest quis, propriâ auctoritate, & absque iudicio Ecclesiæ, uxorem dimittere, cum qua matrimonium in facie Ecclesiæ contraxit, etiamsi impedimentum sit notorium (scilicet publicâ famâ, *Hostiens. hic v. Notoria*) sed debet expellari, & prius ferri ab Ecclesiâ sententia divortii, *Abb. hic n. 2. & Alex. de Novo n. 2.* Ratio esse potest, quia multa dicuntur notoria, quæ non sunt, id quæ cavendum est, ne quod dubium est, pro notorio habeatur, c. *Consuluit. 14. de appellat.* Neque debet Sacramentum matrimonii rescindi, ob solam opinionem conjugum credentium fortè injustè, & falsò subesse impedimentum notorium: nam homines sæpe falluntur in discernendo, an aliquid sit notorium, & idè meritiò requiritur iudicium Ecclesiæ in separatione tanti Sacramenti: interim tamen hujusmodi conjuges debent abstinere à reddendo sibi invicem debito, si timere credant esse inter eos parentelam, seu consanguinitatem, c. *Litteras. 13. de restit. spoliat. Abb. hic n. 8.*

Notandum 2. Si fama publica referat, inter aliquos esse impedimentum matrimonii, potest Episcopus ex officio suo de eo inquirere, etiam nemine opponente: si verò impedimentum sit notorium, potest, ac debet Episcopus ex officio per sententiam matrimonium separare, *Vivian. hic in Ration.*

Notandum 3. Parentela, sive consanguinitas non facile est notoria, nisi sit in primo, vel secundo gradu, cujusmodi sunt fratres, & sorores, vel filii fratrum, quia hi vicinis se palam ostendunt, non item qui sunt in ulteriore gradu, *Alex. hic n. 5.*

XXV. Cæterum textus hujus cap. apertè adversari videtur cap. immediatè seq. nempe cap. *Significasti. 4.*

casti. 4. h. i. Nam in priore *cap. Porro*, deciditur, non esse licitum divortium instituire, absque auctoritate Ecclesiæ, ut patet ex illis verbis: *etiamsi parentela esset publica, & notoria, absque iudicio Ecclesiæ, ab eo separari non potuit.* At verò in posteriore *c. Significasti*, habetur, ob notorium adulterium posse conjugem dimitti, absque spe restitutionis, ut constat ex illis verbis: *si notorium sit, mulierem ipsam adulterium commisisse, ad eam recipiendam presertim vir cogi non debet, Sanch. l. 10. dif. 12. n. 10.* Valde autem laborant DD. in conciliatione horum duorum Capitulorū. Communiore expositio, & responsio est, quod in priore *cap. Porro*, agatur de dissolvendo matrimonio, quoad vinculum, propter impedimentum notorium consanguinitatis, vel aliud dirimens, in quo casu separatio conjugum, non tantum tendit ad privandum possessione conjugum dimissum, sed etiam iure, ac proprietate matrimonii, quod tunc omnino dissolvitur, etiam quoad vinculum, ita ut possit uterque conjux ad alias nuptias transire: ideoque ad hoc etiam requiritur iudicium Ecclesiæ publicum, & notorium, ob erandi periculum in re tanti momenti: sicut enim auctoritate Ecclesiæ matrimonium est contractum, ita etiam ejus iudicio debet dissolvi; per eandem enim causas res nascitur, & dissolvitur, *Reg. Jur. 1. in Antiquis.* At verò in posteriore *cap. Significasti*, fit separatio matrimonii propter notorium adulterium tantum quoad torum, & cohabitationem, ac obsequia conjugalia, manente vinculo matrimonii illæso, & neutri licet aliud matrimonium inire; & ideo nil mirum, si Ecclesiæ iudicium non requiratur, sed sufficiat adulterium conjugis ita notorium esse, ut nullā tergiversatione celari possit, adeoque ut à conjugē innocentē dimitti possit, quoad torum, & cohabitationem, ita *Sanch. l. 10. dif. 12. n. 38.* prope finem, *Coning dif. 35. de divort. dub. 1. n. 3.* & alii.

XXVI. Aliam conciliationem horum Capitulorum affert *Barb. hic n. 4. & Farinac. p. 5. qq. crimin. q. 143. n. 52.* videlicet quod *c. Significasti*, loquatur de adulterio, quod ita notorium est, ut nulli inficiationi sit locus, sive ut nullā tergiversatione celari possit: nam si uxor à viro, sine causa, expulsa peccat virum sibi restitui, sive se viro, sed vir exipiat de notorio uxoris adulterio, impeditur petita restitutio: & contra si uxor, quæ sine causa à marito aufugit, contra virum petentem sibi eam restitui, excipiat de notorio viri adulterio, pariter impeditur petita restitutio, juxta *cir. c. Significasti, h. t. Farinac. c. l. n. 53.* At verò in *c. Porro, h. t.* est quidem sermo de notoria consanguinitate, quæ tamen poterat aliquo modo celari; ideoque restitutionem conjugis spoliari non impediēbat, juxta *cir. c. Porro*, quia notorietas consanguinitatis est rara, & difficilis probationis, nisi in primo, vel secundo gradu existat, ut dicit Pontifex in *cir. c. Porro*. In fine, quam conciliationem præfert aliis *Barb.* hic tanquam facilitatem, & nitentem majore auctoritate DD.



§. V.

Utrum, & quando ob adulterium spirituale, sive ob lapsum in hæresim, aut apostasiam à fide alterius conjugis, liceat Catholico instituire divortium, & an ei reverso ad fidem debeat conciliari, seu ad eum redire?

XXVII. ASSERTIO I. Præter adulterium carnale, potest etiam divortium institui, si alter conjugum labatur in hæresim, vel apostasiam à fide, ut constat ex D. Paulo ad Titum 3. *hæreticum hominem, post unam, aut secundam correptionem devia: & constat etiam ex c. Idololatria. 5. & c. Non solum. 6. & ibi Gl. V. Recede. caus. 28. q. 1. & c. fin. de convers. conjug.* Idque statutum est propter periculum perversionis Catholici conjugis. Idem etiam probatur ex *c. Quæsitur. 2. h. t.* Nam cum quæsitum fuisset ex Papa Alexandro III. utrum mulier propter furtum, vel quodlibet aliud crimen separari debeat à viro suo, vel alii nubere possit? Respondet Pontifex, mulierem propter furtum, vel aliud crimen viri sui (nisi fidei lux Religionem corrumpere velit) ab eo separari non debere. Veruntamen si vir uxorem suam ad infidelitatem traxerit, à viro poterit separari, ita tamen ut ei nubere alii non liceat, quia quamvis separentur (scilicet quoad torū, & cohabitationem) semper tamen conjuges manent (nam vinculum matrimonii nunquam dissolvitur, viventibus conjugibus, etiam separatis, c. 2. & 3. caus. 32. q. 7. Gl. hic V. Conjuges erunt) Idemque in viris observandum est, quia vir, & uxor non judicantur ad imparia, c. Si quis. 4. caus. 32. q. 1. ubi Gl. V. Ad imparia, ait, quod vir, & uxor non judicantur ad imparia, etiam quoad divortium, c. Præcepti. 19. q. 5. & c. Apostolus. 3. q. 7. ead. caus.

XXVIII. Notandum 1. qualecunque delictum unus conjugum committat, non potest alter ob hoc petere separationem matrimonii etiam quoad torum, excepto crimine fornicationis, sive carnalis, ut in *c. Significasti. & c. seq. h. t.* sive spiritualis, quia incidit in hæresim, ut hic, *Abb. hic n. 2. & Alex. de Novo n. 2.* quidquid aliqui dicant apud *Barbos. hic num. 2.* etiam propter alia crimina adulterio paria, ut veneficium, patricidium, & similia matrimonium posse dissolvi quoad torum, & cohabitationem.

Notandum 2. Quamvis propter lapsum alterius conjugis in hæresim fiat separatio quoad torum, & cohabitationem: non tamen vinculum matrimonii dissolvitur, ut suprà dictum, quia nobis per mortem dissolvitur matrimonium, ut superflus aliud matrimonium inire possit, *Sanch. l. 10. dif. 15. n. 7. Farinac. p. 5. qq. crim. q. 143. n. 108.* & omnes consentiunt.

Notandum 3. Ratio autem vera, cur divortium detur propter hæresim, non est, eò quod sit fornicatio spiritualis, ut quidam existimant apud *Sanch. c. l. n. 8.* eaque nomine fornicationis comprehensa sit à Christo *Matth. 5. & 19.* quia una & eadem res non debet

deber diverso jure cōferri, & divortium ob hæresim alterius conjugis nimis differt à divortio ob fornicationem carnalem: sed vera ratio expresse traditur in hoc cap. nempe periculum perversionis conjugis Catholici, nec comprehenditur sub nomine fornicationis hæresis *Math. 5. & 19.* sed sola carnalis, ut bene probat *Sanch. c. l. n. 9.*

Notandum 4. Lex, vel statutum loquens de uxore, habet etiam locum in marito, quia statutum de uno correlativorum habet etiam locum in altero. Unde in fine hujus cap. dicitur, quod de mulieribus statuitur, etiam observandum esse in viris.

XXIX. ASSERTIO 2. Si uxor viro lapsa in hæresim, propriâ auctoritate, ab eo divortio, sive se separavit, ad eum conversum ad fidem redire debet, & est compellenda: si verò per judicium Ecclesiæ ab eo fuit separata, non debet compelli, ut ad eum redeat, prout sumitur ex *c. De illa. 6. h. t.* Nam cum quidam vir lapsus fuisset in hæresim, uxor ejus, sine judicio Ecclesiæ, ipsius consortium declinavit. Consultus Pontifex Urbanus III. referibit, quod si mulier, maxime eâ intentione, discessit à viro, ut ille in hæresim lapsus, rædfo, & confusione affectus, se ab errore suo converteret, ei reverso ad fidem uxor sua est reddenda, & si ad eum reverti noluerit, est compellenda: si verò judicio Ecclesiæ ab eo recessit, ad eum recipiendum nullo modo est compellenda.

XXX. Notandum 1. Si unus ex conjugibus incidat in fornicationem spiritualem, nempe in infidelitatem, vel hæresim, potest alter, propriâ auctoritate, ab ejus consortio declinare, nec compelli potest per Ecclesiam redire ad conjugem perseverantem in infidelitate, vel hæresi: idque propter periculum perversionis: secus est in fornicatione carnali, nisi esset delictum notorium, *Abb. hic n. 2. & Alex. n. 3.*

Notandum 2. Hoc discrimen esse inter conjugem Catholicum recedentem ab hæretico, absque judicio Ecclesiæ, & recedentem cum auctoritate ejusdem, ut in priore casu teneatur illum emendatum, seu reversum ad fidem, ad consortium conjugale admittere; non autem in casu posteriore, sed possit liberè ab eo discedere, sicut possit si alter conjug carnale adulterium patrasset, prout deciditur in *c. De illa. h. t.* in quo absoluta, & libera facultas conceditur conjugi Catholico separato ab hæretico, judicio Ecclesiæ, liberè divertendi ab hæretico, sicut & in *c. fin. de convers. conjug. Sanch. libr. 10. disp. 15. n. 19. & 23.* de quo videri possunt, quæ dicta sunt *libr. 3. Decret. Tit. 12. §. 8. n. 39. & 3. segg.*

Notandum 3. Ut conjug Catholicus dicatur ab hæretico judicio Ecclesiæ separatus, non requiritur specialis divortii sententia, sed sufficit sententia Judicis Ecclesiastici, per quam declaretur illum esse hæreticum, quâ sententiâ latâ, sine alia sententia, potest conjug Catholicus ab hæretico discedere, quia cum divortium sit quædam pœna consequens hæresim, hoc ipso, quod conjug per sententiam Judicis declaratur hæreticus, condemnatur ad hanc pœnam, sicut & ad alias hæreticorum, *Sanch. cit. disp. 15. num. 10.*

XXXI. Notandum 4. Uxor, quæ propter viri hæresim, propriâ auctoritate, & sine judicio Eccle-

siz, ab eo discessit, tenetur ad eum redire, si idem vir ad fidem revertatur, *cit. c. De illa, Farinac. in praxi crim. p. 5. cit. q. 143. n. 120. Sanch. cit. disp. 15. n. 13.* ubi ait, quod ita omnes DD. fatentur, ubi tamen id limitat, nisi subesset timor probabilis, quod non verè, sed fidei conjux hæreticus fuerit conversus, & sic non cessaverit periculum perversionis Catholici: & *n. 14.* addit, si Catholicus, qui propriâ auctoritate, ante sententiam Judicis Ecclesiastici, ab hæretico discessit, ingressus fuerit Religionem, eidem reverso ad fidem restituendus est, quia ante sententiam divortii conjug Catholico non est licitum ingredi Religionem. Secus est, si uxor separata fuerit à viro, propter illius hæresim, judicio Ecclesiæ, adeoque per sententiam divortii; tunc enim non tenetur amplius ad eum redire, etiam si is revertatur ad fidem, *cit. c. De illa. in fine. Farinac. cit. q. 143. n. 123.* & alii apud ipsam.

Notandum 5. Etsi in *cit. c. De illa.* videatur absolute tribui hæc potestas, ut conjug separatus judicio, & auctoritate Ecclesiæ, à conjug hæretico, non teneatur amplius ad eum redire, etiam si denuo ad fidem convertatur: id tamen intelligi debet, dummodo uxor v. g. Catholica judicio Ecclesiæ separata à viro hæretico Religionem ingressa fuerit, & professâ: si verò Religionem non fuit ingressa, vel ingressa, sed non professâ, tunc viro redeunt ad fidem restituenda est, & ad virum conversum redire debet, non obstante, quod judicio Ecclesiæ fuerit separata, & sic teste *Farinac. c. l. n. 125.* communiter distinguunt DD. & concordant textum in *cit. c. De illa cum seq. in fine*, qui videntur contradicere.

XXXII. Cæterum ex dictis patet, quod tunc demum conjug ob hæresim dimitti potest, si perniciæ appareat, & pœnitentiam agere renuat, ut constat ex *c. Non solum. 6. caus. 28. q. 1.* imò ad id jure naturali, ac Divino conjug alter obligatur, si adverteat ex cohabitatione sibi, vel liberis suis periculum perversionis imminere: & tunc etiam propriâ auctoritate licet conjugi Catholico se separare à conjug hæretico, modo ejus obstinatio in hæresi, vel apostasia notoria sit. Ubi tamen distinguendum est, utrum divortium, propriâ auctoritate, sit institutum, an verò auctoritate, seu judicio Ecclesiæ: nam priore casu, Catholicus conjugem respicientem, seu ab hæresi reverentem statim recipere tenetur; non autem posteriore casu, si judicio Ecclesiæ facta sit separatio, ut traditur in *cit. c. De illa. h. t.* & dictum supra. Ratio est, quia Ecclesia in pœnam hæresis privat hæreticum jure, quod habet in corpus conjugis, & sic Catholico tribuitur jus in perpetuum divertendi, seu se separandi ab hæretico, etiam respiciente, sicut private potest Ecclesia hæreticos aliis juribus, ac dominiis, ut constat ex *c. ult. de heretic. in 6. Laym. l. 5. tit. 10. p. 3. c. 7. n. 16.*

Aliqui tamen apud *Sanch. cit. disp. 15. n. 18.* putant, conjugem Catholicum non obligari ad recipiendum hæreticum, etiam condemnatum, post pœnitentiam, si Religionem ingredi velit, alias obligari, si velit in sæculo manere, idque probare niuntur ex *c. ult. de convers. conjug.* Verùm ibi quidem decernitur, quod mulier, quæ judicio Ecclesiæ, à viro propter infidelitatem separata fuit, possit etiam eo invito, ad Religionem transire: non tamen dicitur, quod teneatur

teneatur conjugem conversum recipere, si nolit Religionem ingredi, sed potius contrarium statuitur in *cir. c. De illa. h. r.* Potest tamen Ecclesia præcipere conjugii Catholico, ut conjugem hæreticum conversum ad fidem recipiat ad consortium conjugale, si ita necesse sit ad occurrendum periculo animæ, *Laym. c. l.* Quamvis in locis hæresi infectis ob scandalum, pacemque publicam hanc pœnam vix locum habere dicat *Tanner. tom. 4. disp. 8. q. 1. dub. 5. n. 83.*

§. VI.

An sicut conjugale vinculum non dissolvitur, altero conjugum fidelium in hæresim, vel infidelitatem lapsos: ita etiam si unus ex infidelibus coniugibus convertatur ad fidem, dissolvatur vinculum coniugii, & conversus aliud matrimonium inire possit?

XXXIII. De hoc agitur in *c. Quanto. 7. h. r.* ubi inprimis consultus Pontifex Innocentius III. an si ex duobus coniugibus, alter eorum transivisset ad hæresim, is, qui remansit in fide, possit ad secundas vota, sive aliud matrimonium transire? Respondit Papa, etsi quidam ex Antecessoribus suis aliter sensit videatur, distinguendum esse, utrum ex duobus infidelibus alter ad fidem Catholicam convertatur, vel an ex duobus fidelibus alter labatur in hæresim, vel errorem gentilitatis. Priore casu, si unus infidelium conjugum convertatur ad fidem Catholicam, & infidelis, vel nullo modo, vel non sine blasphemia Divini nominis, vel ut pertrahat ad peccatum mortale, ac pervertat, cohabitare veluit, is, qui relinquitur, ad secundas vota, seu secundas nuptias, si voluerit, poterit transire: & in hoc casu intelligitur, quod ait Apostolus 1. Corinth. 7. v. 15. *Si infidelis discedit, discedat: non enim servituti subiectus est frater, aut soror in huiusmodi, & quod docet Canon (c. Si fidelis. 7. caus. 28. q. 1. id est, ut ibidem explicatur, si infidelis voluerit esse cum conjugis fidei, hic agnoscat fidelis suam libertatem: nec ita se subiectum deputet servituti, ut ipsam dimittat fidem, ne conjugem amittat infidelem.)* Nam contumelia Creatoris solvit huius matrimonium circa eum, qui relinquitur, ut hic dicitur in textu. Potestior vero casu, si alter fidelium conjugum, vel labatur in hæresim, vel transeat ad errorem gentilitatis, is, qui relinquitur, non potest, vivente altero conjugis, ad secundas nuptias transire, etsi in hoc casu major appareat contumelia Creatoris: nam licet inter infideles verum sit matrimonium: non tamen est ratum (quia potest dissolvi, *Gl. hic v. Ratum*) quia Sacramentum fidei, quod semel est admissum, nunquam amittitur: imò ratum efficit Sacramentum conjugii, ut illis viventibus, conjugium ipsum perduret. Neque obstat, quod forsitan opponi posset, fidelem relictum non debere jure suo sine culpa privari: cum in multis ca-

sibus (in quibus quis privatur jure suo, si causa substat, *Gl. hic v. Multis casibus*) hoc contingat, ut si alter conjugum intidatur (id est, castratus, vel excelsus fuerit, *c. Hi qui. 25. caus. 32. q. 7.*) per quam responsionem quorundam malitiæ occurrat, qui in odium conjugum, vel quando sibi invicem displicerent, si in tali casu uxores possent dimittere, simularent hæresim: & sic, qui remansit in fide, cogetur redire ad eum, qui ab hæresi, vel infidelitate revertitur, & per hoc ipsum solvitur illa questio.

XXXIV. Pro declaratione hujus cap. notandum 1. Prædecessor, de quo hic fit mentio, fuit secundum *Gl. hic v. Prædecessor, & Hostiens.* Cælestinus III. qui in sua quadam Decretali Epistola, quam olim dicunt fuisse contentam in Corpore Juris 7^{to}. de *conversis infidel.* definivit, matrimonium dissolvi, cum alter conjugum in hæresim labitur, vel ad Gentilium errorem transit. Ex quo inferunt hæretici, Romanum Pontificem errare posse, etiam cum aliquid definit tanquam Summus Ecclesiæ totius Rector, & Pastor. Sed inprimis falsum est, aliquid unquam Cælestinum hac de re definivisse, ut patet ex verbis Innocentii III. in hoc cap. quæ sic habent: *licet quidam Prædecessor noster sensit aliter videatur, ubi dicit sensitisse, non definivisse: quia scilicet Cælestinus nihil unquam hac de re definivit, sed solum antequam res examinaretur, propendebat in illam sententiam, & respondit, quod sibi probabilius videbatur: & ipse Innocentius ait: si verò alter fidelium conjugum, vel labatur in hæresim, vel transeat ad Gentilium errorem, non credimus, quod in hoc casu is, qui relinquitur, vivente altero conjugis, possit ad secundas nuptias transire. Deinde nihil ex hoc textu probatur; non enim ex eo, quod aliquid in Corpore Juris contineatur, sequitur, quod sit à Pontifice definitum; multa enim in Corpore Juris habentur, quæ Pontifices non definiunt, tanquam articulum fidei, sed tantum dicunt, & referunt suam sententiam, & respondent, quod sibi probabilius videbatur. *Aror p. 2. Inst. l. 5. c. 4. q. 3. in 2. object.**

XXXV. Notandum 2. Etsi vinculum conjugale non dissolvatur, si alter conjugum fidelium in hæresim, vel infidelitatem sit lapsus: sed si unus infidelium conjugum convertatur ad fidem Christianam, & alter conjux nolit ipsi cohabitare, vel non sine blasphemia Divini nominis, vel non sine periculo perversionis, seu inductionis ad peccatum mortale, dissolvitur matrimonium, etiam quoad vinculum conjugale, & conversus poterit aliud matrimonium contrahere, ut expressè decernitur in hoc cap. & ibi tradunt communiter Canonistæ. Ex quo patet, quod tres requirantur conditiones, ut infidelis conjux ad Christi fidem conversus possit cum alia matrimonio contrahere. Prima est, si infidelis omnino respuat convivium, sive cohabitationem cum conjugis fidei. Secunda est, quando non vult, sine injuria Creatoris, cum fidei commemorari, ut quia blasphematur DEVM, vel Christum, Tertia, quando ex convictu fidelis cum infidele sequitur periculum inductionis ad peccatum mortale, seu si talis convictus cedat in perniciem animæ conjugis fidelis, *Barbos. hic num. 3.*

Porro tunc censetur fidelis ab infideli pertrahi ad peccatum, quando fidelis, attentâ propriâ ejus fragilitate, periculo lapsus in peccatum exponitur, sive levi suasionem, sive violentiâ, aut importunâ suggestionem infidelis, *Sanch. l. 7. de matr. dif. 74. n. 6.*

Notandum 3. Probabilis est, in tribus prædictis casibus matrimonium infidelis cum fidele, non statim ipso jure dissolvi: sed tum demum, postquam Christianus aliud matrimonium de facto in facie Ecclesiæ contraxit, *Canis. hic n. 3. h. t. & alij.* Idque confirmatur ex eo, quia si virum infidelem conversum ad fidem mulier conversa sequatur, antequam ille aliam ducat, tenetur vir eam recipere, ac proinde per solam conversionem unius infidelium conjugum non dissolvitur ipso jure matrimonium, sed postquam contractum est matrimonium cum alio: nam crimina in Baptismo solvuntur, non conjugia, c. 1. *caus. 28. q. 2.*

XXXVI. Notandum 4. Si propter conversionem alterius infidelium ad fidem dissolvitur vinculum matrimonij, multò magis videbatur dissolvi propter lapsum illius in hæresim, quia major injuria infertur DEO, & hoc est, quod dicitur in hoc c. *Licet in hoc casu major appareat contumelia Creatoris: magis enim delinquitur fideles, apostatando à fide, si labendo in hæresim, quam si infideles in infidelitate remaneant, Gl. hic. v. Major.* Porro hodie sententia Innocentij III. in hoc c. quod si alter fidelium conjugum labatur in hæresim, vel transeat ad Gentilium errorem, non possit ad secundum matrimonium transire, relata est inter fidei decreta, auctoritate. *Concilij Tridentini Sess. 24. can. 5. de Sacram. matr. Si quis dixerit propter hæresim dissolvi posse vinculum matrimonij, anathema sit, ut notavit Canis. hic n. 2.*

Notandum 5. Quomodo intelligenda sint verba Apostoli allegata in hoc cap. ex 1. Corinth. 7. *Quod si infidelis discedit, discedat: frater enim & vel soror non est servituti subiectus in hujusmodi: nam sensus est, ut exponit Cornel. à Lap. ibid. v. 15.* Si infidelis non vult cohabitare fidele, ut fidele, sed eam ob Religionem Christianam relinquat: vel si non velit ei cohabitare, sine Creatoris injuria, quia nimirum alterum conjugem pertrahere vult ad infidelitatem, vel ad crimen, vel blasphemias jactat in Deum, fidem Christianam, aut Christum, tunc discedat fidelis à tali conjugem infideli, ita ut non tantum tori divortium instituere possit, sed etiam matrimonij, & aliud inire valeat; hoc enim concessit Christus in gratiam fidei: alioquin enim servituti subiectus esset frater, & soror, id est, Christianus aut Christiana, magne enim servituti, obstrictum esse matrimonio, ita ut cum alio contrahere non possit, sed etiam si discedat infidelis, Christianus cælebs vivere, & continere debeat.

XXXVII. Notandum 6. Matrimonium contractum inter infideles, verum, ac legitimum est matrimonium, quia est validum: idque etiam constat ex 1. ad Corinth. 7. ubi S. Paulus consultit ad fidem converso, ne ab infideli conjugem discedat, id verò nefas esset, nisi tempore infidelitatis verum, & legitimum esset matrimonium etiam inter infideles. Et ratio est, quia non est tantum Sacramentum, sed etiam contractus naturalis, ut supra dictum sit. 1. non est tamen matrimonium ratum, ut dicitur in hoc cap.

quia non est Sacramentum inter infideles, nec gratiam confert, & quantumvis consummatum sit, potest dissolvi per conversionem alterius conjugis ad fidem, etiam quoad vinculum; idcirco in hoc cap. dicitur, matrimonium infidelium non esse ratum, quia prædicto modo dissolvi potest, *Sanch. libr. 7. de matr. dif. 73. n. 2.*

Dices, matrimonium etiam infidelium est indissolubile, juxta illud dictum Christi, quod *DEUS conjunxit, homo non separet. Mat. c. 19.* quod non solum ad matrimonium fidelium, sed etiam infidelium pertinet: & *Genes. 2.* dicitur: hoc nunc os ex ossibus meis, & caro de carne mea: quam ob rem relinquet homo patrem suum, & matrem, & adhærebit uxori suæ, & erunt duo in carne una. Ex quibus verbis, quæ primus humani generis parens divini Spiritus instinctu pronuntiavit in Paradiso, Concilium Tridentinum *Sess. 24. in doctrina de Sacramento matrimonij in princ. ait, colligit matrimonij perpetuum, indissolubilemque nexum.* Sed responsio patet ex dictis: nam excipi debet, nisi infidelis ad fidem convertatur, juxta interpretationem S. Pauli 1. Corinth. 6. 7. At verò matrimonium Christianorum copulâ carnali consummatum est omnino indissolubile, ita ut nullo casu ab Ecclesiâ, ejusque Capite S. Pontifice possit dissolvi: & sic matrimonium consummatum est fortius inter fideles, seu Christianos, quam inter infideles, & per consequens difficilior etiam dissolvitur quoad vinculum, *Alex. h. n. 7. & 8.* ita ut non nisi per mortem alterius conjugis dissolvatur, & superstes aliud matrimonium inire possit. *Farinac. in praxi crim. cit. q. 143. n. 108.* Sed de indissolubilitate matrimonij plura dicta sunt sup. cit. 1. hoc libr. sec. 5. §. 3. n. 137. & 5. seqq.

Notandum 7. Si conjuges infideles ambo, eodem tempore, ad fidem Christianam convertantur, tunc matrimonium inter eos non dissolvitur: si verò unus conjux post alium ad fidem convertatur, is, qui primò conversus est, restituitur secundò converso, si res sit integra, hoc est, si cum alia non contraxit matrimonium, ac tunc inter eos redintegratur matrimonium tanquam novum. Si verò post conversionem viri infidelis, uxor eum sequitur, primò conversus eandem recipere tenetur, quia non statim per conversionem unius conjugis vinculum matrimonij dissolvitur, ac proinde nno ex conjugibus infidelibus ad fidem converso, si alter, re integrâ, id est, antequam contrahat cum alia, ad eandem fidem convertatur, tenetur se invicem recipere, *Gl. in cit. c. Quanto v. Qui relinquitur in fine, Farinac. cit. q. 143. n. 119. de quo plura 5. seqq.*

§. VII.

Proponuntur, & resolvuntur alia quæstiones circa matrimonium infidelium converforum ad fidem Christianam, & divortium inter illos instituendum.

XXXVIII. De his agit in c. *Gardemus. 8. h. t. ubi in primis consultus Pontifex Innocentius III. utrum*

utrum pagani, seu infideles accipientes uxores in secundo, vel tertio, vel ulteriore gradu sibi conjunctas, post conversionem suam ad fidem, debeant simul remanere, vel ab invicem separari? Respondet Papa, quod cum Sacramentum conjugii apud fideles, & infideles existat: unde Apostolus dicit (1. Cor. 7.) *Si quis frater, id est, fidelis infidelem habet uxorem, & hac consentis habitare cum illo, non dimittat illam.* Et cum in prædictis casibus pagani licet contrahant matrimonium, quia Constitutionibus Canonicis non obligantur: *quid enim ad nos de his, quæ foris sunt, judicare* (1. Cor. 5.) ideo in favorem fidei Christianæ, liberè possunt sic copulari, & licetè temerè conjungi, cum per Sacramentum Baptismi conjugia non solvantur, sed crimina dimittantur: & quia aliàs viri timentes, ne ab uxoris deferantur, faciliè revocari possent à fide recipienda.

Consultus præterea idem Pontifex, si Pagani simul plures uxores habeant, utrum post conversionem, omnes, vel quam ex illis retinere valeant? Ad quod respondet Papa (non directè, sed indirectè, ut notat Gl. hic V. *Vel quam*.) quod unam tantum (scilicet primam) debeant habere, cum ab initio una costa in usam feminam sit conversâ: & S. Scriptura hortatur, *quod propter hoc relinquet homo patrem, & matrem, & adheret uxori suæ, & erunt duo in carne una: non dicit tres, vel plures, sed duo: nec dicit, adheret uxori, sed uxori.* Nec enim unquam licuit alicui simul habere plures uxores, nisi Divinâ revelatione alicui fuerit concessum, ut Patriarchis Veteris Testamenti, qui plures habuerunt uxores, & sic ab adulterio sunt excusati. Idque etiam probatur ex Evangelio: *quicunque dimiserit uxorem suam ob fornicationem, & aliam duxerit, mæchatur: si ergo uxore dimissa, alia de jure duci non potest, multò magis nec eâ retentâ, per quod evidenter apparet, quod nullus plures simul potest habere uxores, nec alius qua plures maritos, cum non ad imparia judicentur.* Ita habetur in *cir. c. Gaudemus §. Quia verò h. e.* Ex quo pater, quod conjux conversus, post Baptismum, primam debet habere in uxorem, Gl. *ibid. in fine.*

Porro quia Pagani, seu Gentiles (vel etiam Iudæi) secundum ritum suum, si velint, dant libellum repudij uxoris, queritur, utrum illis viventibus, possint converteri ad fidem, vel ante conversionem, uxores suas repudiare? Respondet Papa, cum in Evangelio Christus tale repudium reprobat (Mat. 19. & Luc. 10.) ideo conversus ad fidem, vivente legitimâ uxore, aliam ducere non potest, nisi post conversionem ipsius illa renuat habitare cum illo, vel si eî consentiat, non tamen velit cohabitare cum ipso, sine contumelia Creatoris, vel ut illum trahat ad peccatum mortale, *cir. c. Quanto. h. e.* in quibus casibus petere restitutionem non potest, sed ea ipsi negaretur, etiam si constaret, ipsum injustè spoliatum fuisse, quia secundum Apostolum (1. Cor. 7.) *non enim servituti subiectus est frater, aut soror in huiusmodi, ut habetur hic §. Qui autem.* Quod si conversus ad fidem dimisit uxorem, propter prædictas causas, & uxorem, antequam vir contrahat cum alia, convertatur ad fi-

dem, compellitur vir eam recipere, §. *Quid si hic.* Denique si Paganus, seu infidelis dedit libellum repudij uxori suæ, & ipsa nupsit alij, secundum ritum suum, postea verò etiam vir conversus est ad fidem, & uxor sua, quam repudiavit, & quæ nupsit alteri, similiter conversa est ad fidem, hoc casu, quavis secundum Evangelicam veritatem, qui duxit dimissam, mæchetur: non tamen is, qui dimisit, poterit dimissæ fornicationem objicere, eò quod nupsit alij, post repudium, etsi eam teneatur vir recipere, nisi aliàs fuerit fornicata, §. *fin. hic, & ibi Gl. in casu.*

XX XIX. Porro ex hoc cap. deditur sequ. assertiones. Assertio 1. Pagani, seu infideles conjuncti in secundo, tertio, vel ulteriore gradu lineæ collateralis, Jure Canonico tantum prohibito, si convertantur ad fidem, non debent separari, quia prohibitio Canonica, quoad contrahendum matrimonium, non extenditur ad infideles, qui sunt extra Ecclesiam, juxta illud Apostoli, *quid enim ad nos de his, quæ foris sunt, judicare?* Nec obligantur Constitutionibus Canonicis, ut hic dicitur, quæ ab Ecclesia feruntur ad spirituale regimen animarum, si verò sint in gradu lege Divinâ prohibito conjuncti, debent converteri ad fidem separari, quia tale matrimonium est ipso jure nullum, & etiam infideles sunt subiecti legi Divinæ. Quia igitur matrimonium inter infideles est verum matrimonium, prout institutum est in officium nature, nempe ad generandos, & educandos liberos, sicut est inter fideles, ut dictum §. præcedente: & quia matrimonium etiam infidelium regulariter non est separandum, juxta illud Christi Mat. 19. *quos DEUS conjunxit, homo non separat:* ubi loquitur de matrimonio, non solum Christianorum, sed etiam Judæorum, & aliorum infidelium; ideo si infideles non contraxerunt in gradibus lege Divinâ prohibitis, legitimè contraxerunt, ac proinde si infideles converti ad fidem volunt cohabitare, sine contumelia Creatoris, & periculo inductionis ad peccatum, non sunt separandi, sed licitè inane conjuncti, qui ante conversionem ad fidem matrimonium contraxerunt, quia per Sacramentum Baptismi non dissolvuntur conjugia, sed crimina dimittuntur, ut dicitur in hoc cap. Ratio est, quia matrimonium jure nature consistit inter infideles, & per conversionem ad fidem, sive professionem fidei non tollitur jus nature; Sanch. l. 7. disp. 73. n. 6.

XL. Ubi præterea notandum 1. Personæ, inter quas Jure Divino, & naturali prohibitum est matrimonio etiam inter infideles, sunt conjunctæ in primo gradu lineæ rectæ, ut sunt parentes, & filij: item quæ sunt conjunctæ in primo gradu consanguinitatis in linea collateralis, ut sunt fratres, & forores: nam etiam infideles in his gradibus conjuncti, cum ad fidem convertuntur, sunt separandi, Sanch. l. 7. de matr. disp. 52. n. 12. Acorp. 2. l. 5. c. 3. in 2. q. Barb. hic num. 2.

Notandum 2. difficultatem habet id, quod hic dicitur, Sacramentum conjugii apud fideles, & infideles existere: nam Sacramenta tantum sunt in Ecclesia, §. *Quia ex solo. 22. caus. 2. a. q. 1. c. Extra 71. caus. 1. q. 1. & extra illam nullum reperitur Sacramentum, §. Plerumque. 27. §. Hinc est caus. 2. q. 7.* Cum ergo Judæi, & infideles sint extra Ecclesiam, *quid enim ad*

nos de illis, qui foris sunt, judicare? 1. Cor. 5. & careant Baptismate, quod est janua, & fundamentum omnium Sacramentorum, c. ult. de Cleric. non baptizato, consequens est, quod omnes non baptizati in Ecclesia esse non possint. Verum responderetur, Sacramentum accipi, vel laicè, prout est signum rei Sacre, non conferentis gratiam, adeoque Sacramentum naturalis, ac Veteris Legis Mosaycæ; & hoc modo reperitur etiam inter Judæos, & infideles, & aliquo modo significat unionem Christi cum Ecclesia: alio modo accipitur matrimonium strictè, prout est Sacramentum novæ, seu Evangelicæ legis institutum à Christo, & non tantum significat, sed etiam causat, & confert gratiam: & hoc modo non reperitur, nisi inter Christianos, ut plures docent apud Barbo, hic n. 4. Quare in cap. Constitut. 8. h. 1. nomen Sacramenti sumitur ingeneris, & laicè, prout est signum rei Sacre, seu significat rem Sacram; & sic Sacramentum conjugij etiam existit apud infideles: in cap. verò prædictè sumitur in specie pro Sacramento novæ legis, & reperitur inter solos Christianos, Barbo, hic num. 5.

XLII. Utrum autem matrimonium ab infidelibus contractum, si postea ad fidem convertantur, per Baptismum fiat verum Sacramentum novæ legis, dubitatur? Resp. Quamvis matrimonium inter infideles contractum, non sit Sacramentum, cum nulum subsistat Sacramentum sine Baptismo, qui est Sacramentorum janua, juxta Concilium Florentinum in Decreto de Baptismo: si tamen ambo conjuges ad fidem convertantur, tale matrimonium efficitur Sacramentum, scilicet si post Baptismum pristinum matrimonium in infidelitate contractum novo consensu confirmetur: vel si antiquum verbis, aut nuptibus approbetur: quamvis alij putent fieri Sacramentum statim, ac conjuges baptizantur, etiam sine novo consensu, ut docet Sanch. l. 2. de matr. dif. 9. n. 5. Tanner. tom. 4. dif. 8. q. 2. dub. 3. n. 5. cum S. Thom. in 4. dif. 29. q. 1. a. 1. ad 1. ubi dicit, matrimonium infidelium esse Sacramentum, non actu, sed habitu: quæ sententia videtur probabilior. Ratio est, quia matrimonium infidelium non est ratum, nec indissolubile, c. Quanto 7. h. 1. quia scilicet non est Sacramentum, sed statim atque conjuges isti baptizantur, fit, manetque indissolubile, licet alter, vel uterque rursus à fide deficiat, jamque perfectè significat indivisibilem unionem Christi cum Ecclesia, ergo statim, ac baptizantur, efficitur Sacramentum. Neque verò in proposito deficit sufficiens consensus: nam eo ipso, quod baptizantur, virtualiter, & implicite consentiunt in matrimonium præsens, ut sit indissolubile, & perfectè significet unionem Christi cum Ecclesia, quæ indissolubilitas, supposità Christi institutione, quasi ex natura rei consequitur ad Baptismum: unde eo ipso quod intendunt baptizari, virtualiter, & implicite intendunt etiam, ut matrimonium prius contractum fiat, & sit indissolubile, adeoque etiam Sacramentum. Ethic ipse consensus eo signo externo baptismi expressus est nova materia, & nova forma hujus Sacramenti, qui etiam novus consensus dici potest. Et quamvis aliàs ad matrimonium de novo contrahendum inter eos, qui antea unquam conjuges fuerunt, non sufficiat ejusmodi consensus implicitus, & interpretativus: sufficit tamen ad matri-

monium istud, quod non est omnino novum quoad substantiam, sed solum quasi novum, in ratione Sacramenti, & indissolubilitatis, quia scilicet quod erat contractus naturalis, profanus, & solubilis, fit insolubilis, sacer, & representans unionem Christi cum Ecclesia.

XLIII. Notandum 3. Etsi olim tempore primitivæ Ecclesiæ, & pluribus sæculis sequentibus, propter frequentem conversionem infidelium ad fidem Christianam, laudabiliter conjux fidelis cum infideli cohabitabat, ex consilio Apostoli 1. Corin. 7. quando sine contumelia Creatoris cohabitare volebat, ut refertur in c. Jam nunc. 8. & seqq. caus. 28. q. 1. quia tamen succedentibus temporibus, experientia docuit, non modicum periculum perversionis imminere conjugij fideli, si simul habitet cum infideli; ideo tunc consuetudine Ecclesiæ receptum fuit, tunc etiam ab ea præceptum, ne conjux ad fidem conversus permitteretur simul habitare cum infideli, c. Judei. 10. caus. 28. q. 1. Id quæ etiam si subesset spes conversionis, Sanch. l. 7. dif. 73. n. 12. & 13. Barbo, in cit. c. Gaudemus. 6. h. 1.

XLIV. ASSERTIO 2. Si Paganus, seu infidelis prius plures habuit uxores, post fidem acceptam adhærebit primæ, quia nulli unquam licuit plures simul habere uxores, nisi cui Divinæ revelatione id fuit concessum, ut habetur in cit. c. Gaudemus. 8. h. 1. Quare pluralitas uxorum simul ductarum, non solum Jure Canonico, & Civili, sed etiam Divino, Evangelico, & naturali prohibita est, ut probatur in cit. c. Gaudemus §. Quia verò. Unde sequitur, S. Pontificem, cum non possit dispensare in Jure naturali, vel Divino, non posse etiam dispensare, ut quis plures simul uxores habeat, Sanch. l. 7. dif. 80. n. 9. Et licet olim Patriarchæ antiquæ legis plures simul uxores legantur habuisse, id tamen factum est ex dispensatione DEI, ut dicitur in hoc c. §. Nec ulli. Hæc autem dispensatio concessa fuit à DEO, non per externam scripturam, vel locutionem, sed per inspirationem internam factam Patriarchis à DEO, (sive Divinæ revelatione, ut hic dicitur, quæ postea derivata fuit, vi consuetudinis, ad reliquum populum Israëliticum, ita ut omnibus illis licitum esset plures uxores simul habere; idque, ut multiplicaretur fidelis populus, ex quo Mellias prodicitur erat, Sanch. cit. l. 7. dif. 80. n. 12. & 13.

XLV. Verum nunc in lege Evangelica hujusmodi dispensatio sublatam fuit à Christo Matth. 19. ubi matrimonium ad primæum statum reduxit, in quo unam tantum uxorem ducere licebat. Quare nec fideles, nec infideles hodie habere possunt simul plures uxores, & cum infideles convertantur ad fidem, debent redire ad primam legitimam uxorem, & separandi sunt ab alijs uxoribus, quia matrimonium cum illis initum erat irritum, prout expressè dicitur in c. Gaudemus pen. h. 1. Nam lege naturali etiam olim, & in Veteri Lege matrimonium initum cum duabus uxoribus erat irritum, & solà DEI dispensatione validum fuit; postquam ergo Christus cavavit illam dispensationem, matrimonium illud irritum est jure nature, ut ab initio fuerat. Itaque matrimonium etiam infidelium cum pluribus sœminis initum est irritum, non propter legem positivam Christi, quæ non obligat infideles, ante susceptum Baptismum, sed

sed propter Jus Divinum naturale illud irritans, per quod, (postquam Christus sustulit dispensationem Divinam, vi cuius licitum erat plures simul habere uxores) ad pristinum statum reduci debet et matrimonium, ita ut nunc de novo non sit licitum plures simul habere uxores, sicut prius in lege naturæ, *Sanchi. cit. disp. 80. n. 14.* & alii apud ipsum.

Similiter et si plures DD. tradunt, non posse DEUM dispensare, ut una uxor pluribus viris simul nubat, eod quod hoc etiam sit contra prima principia juris naturæ: contrarium tamen tenet *Sanchi. cit. disp. 80. n. 15.* eod quod hoc non ita repugnet iuri naturæ, nec ita sit intrinsece malum, quin DEUS dispensare possit, ut dictum supra *Tit. 1. sec. §. 1. n. 127.* & pluribus *seqq.* hoc libro, ubi plura de his dicta sunt.

XLV. Porro pœna viri ducentis, eodem tempore, plures uxores Juris Civili est pœna arbitraria, juxta qualitatem personarum, *Farinac. in praxi p. 3. q. 140. n. 9.* quamvis etiam possit infligi pœna capitalis, si five mortis, *Menoch. de arbit. Jud. casu 410. n. 103.* & 105, sicut etiam mulieri, eodem tempore, subenti pluribus viris, similiter pœna arbitraria imponitur, *Farinac. c. l. n. 18.* imò cum pluralitas maritorum multò magis repugnet legi Veteri divinæ, Evangelicæ, & juri naturali, quam ipsa uxorum pluralitas, ideo ipsæ pœnis, imò etiam gravioribus plecenda est, *Menoch. de arbit. Jud. c. l. n. 126.* De Jure verò Canonico pœna laici contrahentis secundum matrimonium, vivente primâ conjuge, est publica ignominia, quia vestes, & capilli eis inciduntur in ignominiam, *c. De benedictio §. Et ibi Gl. V. Et de calvatis caus. 32. q. 1.* Eademque pœna imponitur mulieri nubenti duobus viris, *Farinac. c. l. n. 19.* vel publica infamia, *c. Nuper. 4. ibi illud committatur infamia, qui duas simul uxores habet, de bigam. Diaz in pract. crim. Canon. c. 84. n. 2. §.* Et pœna, ubi addit, quidam existimant, pro crimine isto impositam esse etiam excommunicationem, quæ ipso facto incurritur.

XLVI. ASSERTIO 3. Si Paganus, seu infidelis, repudiât uxore suâ, conversus ad fidem matrimonium contrahat cum secunda, etiam post Baptismum dimittet eam, quam secundò duxit, & ad hærebis primæ repudiât; etiamsi hæc cum alio matrimonio contraxerit, nisi illa fornicata fuisset, prout deciditur in *cit. c. Gaudemus. 8. §. Qui autem h. t.* Prima pars probatur, quia cum tale matrimonium legitimæ uxoris Christus reprobaverit, *Matt. c. 19.* non potest quis licite, & valide aliam, etiam postquam conversus est ad fidem Christi, habere, nisi post conversionem ipsius illa renuat habitare cum ipso, vel non absque contumelia Creatoris, aut periculo perversionis: quo casu, etsi uxor repudiata restitutionem peteter, & de injusta spoliatione constaret, ea ipsi denegaretur, quia frater, & soror non est hujusmodi *servituti subiectus* 1. Corinth. 5. idèque is, qui veram, & legitimam uxorem repudiavit, tenebatur etiam postquam conversus est ad fidem, recipere repudiatam, & illam, cum qua secundum matrimonium contraxit, dimittere, quia illa non est legitima uxor, ut habetur in *cit. c. Gaudemus.*

XLVII. Secunda pars, quod etsi repudiata cum alio matrimonium contraxerit, nihilominus redire debeat ad virum, qui eam repudiavit, probatur,

quia per tale repudium non fuit dissolutum vinculum matrimonij, *Matt. c. 19.* Neque potest mulier eodem tempore habere plures maritos. 1. Cor. 7. ad eòque is, qui talem repudiata duxit de facto in uxorem, mæchatus est, eaque non desinit esse uxor legitima prioris mariti. Non tamen poterit, qui eam dimisit, seu repudiavit, obijcere fornicationem, seu adulterium dimissæ, seu repudiatæ, ex eo, quod nuperit alij post repudium, licet matrimonium non tenuerit, quia adulterium non committitur sine dolo, *l. Pen. ff. de adulter.* & repudium erat approbatum lege antiquâ Veteris Testamenti, *c. 24. Deuteron.* & ideo videbantur Judæi, & infideles eâ intentes excusari ab adulterio, quia etsi repudium non tenuit, infideles tamen contrahentes matrimonium cum alia excusabantur ab adulterio, quia infideles non subiiciuntur Evangelio, à quo repudium fuit reprobatum, *Abb. in cit. c. Gaudemus n. 10.* Sed *Barrio apud Alex. de Novo in cit. c. Gaudemus §. Qui autem num. 4. h. t.* probabilissimè ait, quod divortium factum per repudium non excuset ab adulterio quoad DEUM, & in foro animæ, quia ignorantia juris Divini non excusat à peccato: etsi excuset quoad pœnam temporalem in foro externo.

XLVIII. Tertia pars, quod talem mulierem infidelis, si fuerit fornicata, natus ipsius potest dimittere, non solum quoad forum, sed etiam quoad vinculum, probatur, quia eo ipso, quod talis mulier committit adulterium, etiamsi postea conversa fuerit ad fidem, acquiritur marito jus eam omnino dimittendi, ita ut aliam ducere possit, quia per Baptismum postea secutum non tollitur maritale jus jam acquisitum, dum adhuc ipsa infidelis esset, quia per Baptismum non tollitur jus alterius, nec beneficium alteri competens, *Gl. fin. in cit. c. Gaudemus,* quamvis omne peccatum, quod quis in se commisit, per baptismum deleatur, *c. Deinde. 3. disp. 26. c. Quod autem. 7. caus. 32. q. 1.*

XLIX. Ex dictis infertur, licet dubium sit inter DD. an in lege Veteri Mosaica licitum fuerit divortium, seu repudium, quo matrimonij vinculum dissolvebatur, ita ut uterque conjux ad alias nuptias libere transire posset: nam quidam dicunt, repudium fuisse permissum Judæis non tanquam licitum, sed tanquam minus malum ad vitanda majora mala: alij verò fuisse licitum Hæbræis ex dispensatione DEI in lege naturali, cui repudium adversatur, quod probabilius videtur, ut constat ex *c. 24. Deuteron.* & supra dictum. At verò quia repudium juri naturæ adversatur, juxta quod matrimonium est indissolubile, non quidem omnino, sicut est indissolubile in lege Evangelica, sed sine DEI dispensatione dissolvi non poterat per repudium, hanc autem Gentilibus concessam esse nullibi reperitur. Post legem autem Evangelicam certum est, nec Judæis, nec alijs infidelibus permissum esse repudium, nec per illud dissolvi matrimonium, quia Christus illud reprobavit, & matrimonium ad statum legis naturalis reduxit, in qua matrimonium erat indissolubile, & dispensationem Judæis concessam à DEO revocavit *c. 19. Matth. ut dictum, Sanchi. l. 10. de marr. disp. 1. n. 7. & 8.* Quare nunc infideles ad Christi fidem conversi, si tempore infidelitatis legitimas uxores repudiaverint, cogendi sunt post Baptismum ad illas redire, quamvis jam aliud

aliud matrimonium iniverint: nisi in casu, quo per conversionem alterius conjugis dissolvitur prius matrimonium tempore infidelitatis contractum, ut expressè deciditur in *cir. c. Gaudemus §. Qui autem h. t.* & pater ex suprâ dictis: nam uxor, quam Gentilis, priore repudiata, duxerat, non erat legitima, nec talis esse poterat, nisi dissoluto prioris uxoris repudiata matrimonio, novus utriusque conjugis consensus accederet, *Sanch. c. l. n. 11.*

Neque prædictis obstat, quod in fine *cir. c. Gaudemus* dicitur: non tamen dimissor poterit obicere fornicationem dimisse, pro eo, quod nupsit alij post repudium: nisi aliàs fuerit fornicata: nam id eò solum pertinet, quod adulterium, seu fornicatio tempore infidelitatis commissa non censetur deleta per Baptismum, quoad divortium, ratione illius, celebrandum; non autem ibi extenditur, quod fornicatio admissa, post repudium celebratum, sit sufficiens causa divortij, sed intelligi debet de præcedente repudio, adeoque de fornicatione, quæ nullo pacto à culpa adulterij excusari potest, *Sanch. l. 10. dif. 5. n. 8.*

§. VIII.

An Ecclesia dispensare possit, ut infideles conversi ad fidem contrahere possint matrimonium cum relicta uxore fratris sui defuncti?

L. De hoc agitur in *c. DEUS qui 9. ult. h. t.*
 » ubi talis casus proponitur: Quidam infideles, sci-
 » licet Livonienſes, contrahebant matrimonium
 » cum uxoribus relictis fratrum suorum, qui post-
 » modum conversi sunt ad fidem Christianam. Un-
 » de quæsitum fuit, utrum debeant remanere con-
 » juncti cum uxoribus relictis fratrum suorum? Re-
 » spondet Papa Innocentius III. & concedit dictis
 » Livonienſibus ad fidem conversis, propter infir-
 » mitatem eorum, ut matrimonium contractis cum
 » uxoribus fratrum suorum utantur, si tamen fratri-
 » bus illis, sine prole decessentibus, cum talibus uxo-
 » ribus contraxerint matrimonium, ut semen de-
 » functi fratris excitarent, juxta legem Moyscam.
 » De cætero autem prohibet Pontifex, ne tales dein-
 » cept, postquam fidem Christianam susceperint, sibi
 » matrimonialiter copulent.

L.I. Ubi notandum 1. Secundum legem Mosai-
 cam, quando duo fratres habitabant simul, & unus ex
 eis mortuus fuit, sine liberis, debebat frater ejus ac-
 cipere uxorem defuncti fratris, & ita suscitare semen
 fratris sui, ut constat ex *c. 25. Deuter. V. 5.* dum sci-
 licet generat prolem, quæ nomen, & stirpem defun-
 cti fratris propaget, ut exponit *Menoch. ibid.* nam so-
 boles inde nata attribuitur fratri defuncto, & super-
 fles frater erat pater carnalis prolis nate, defunctus
 verò pater legalis, *Alex. de Novo hic n. 2.*

L.II. Notandum 2. Infidelis, qui cum uxore
 contraxit, & consummavit matrimonium, tempore
 infidelitatis, non potest, post baptismum, validum
 matrimonium contrahere cum consanguinea illius
 usque ad quartum gradum, ut constat ex *cir. c. n. l. h. t.*

ubi statuitur, infideles conversos ad fidem non posse
 ducere uxores, cum quibus illorum fratres, tempore
 infidelitatis contraxerunt; nam talis affinitas orta ex
 copula conjugalī, non est impedimentum merè indu-
 ctum ab Ecclesia, sed quoddam vinculum naturale
 amicitie, instar consanguinitatis: cum ergo infideles
 conversi ad fidem, post Baptismum fiant affines illis,
 quibuscum matrimonium contraxerunt, intra quar-
 tum gradum affinitatis, & jam subijciuntur legi-
 bus Ecclesiæ, non poterunt validè contrahere ma-
 trimonium, quantumvis validum esset matrimonium, si
 tempore infidelitatis contraxissent, quia affinitas illa
 non dirimit matrimonium jure naturali, sed solo Ec-
 clesiastico, à quo infideles, ante Baptismum, sunt
 exempti. Nec obstat, quod infideles non erant sub-
 jecti Legibus Ecclesiæ, quando affinitatem contra-
 xerunt, adeoque posset inter eos matrimonium con-
 sistere: at verò subsunt Ecclesiæ, tempore, quo vo-
 lunt inire matrimonium, & tunc illud est irritatum
 ab Ecclesia intra quartum gradum affinitatis, *Sanch. l. 7. de matr. dif. 65. n. 3.* Itaque ratio, cur non pos-
 sit infidelis conversus ad fidem, post Baptismum,
 contrahere matrimonium cum uxore relicta fratris
 sui defuncti, est, quia hæc est illi conjuncta in primo
 gradu affinitatis in linea collateralī: adeoque si de
 facto infidelis conversus ad fidem contrahat cum illi
 matrimonio, hoc non tener, sed est irritum jure
 Ecclesiastico, cui jam conversus subijcitur, & con-
 sequenter sic conjuncti debent ab invicem separari,
 cum matrimonium non subsistat. Excipi debet, nisi
 Ecclesia cum talibus, ex causa justa, dispenseret, ut ha-
 beatur in fine hujus cap.

L.III. Hinc jam patet, quis sit verus sensus, seu
 intellectus hujus cap. videlicet, quod matrimonium
 hic fuerit contractum ab his, qui jam erant fideles, &
 legibus Ecclesiasticis obligabantur; & ideo necessa-
 ria fuit illis dispensatio. Quod autem in fine addi-
 tur prohibitio, ne tales deinceps, postquam ad fi-
 dem venerint, sibi copulent: id ita intelligendum
 est, quod infideles, qui usque ad illud tempus, post
 conversionem ad fidem, matrimonium cum uxore
 relicta fratris defuncti contraxerunt, utantur matri-
 monio per dispensationem Ecclesiæ: at verò cum il-
 lis, qui deinceps post conversionem sic contraxerint,
 haud dispensetur; & ideo Pontifex præcipit Episco-
 po, ut illis deinceps tale matrimonium interdicat,
Barboſ. in Collect. in cir. c. ult. n. 2.

L.IV. Porro quod dictum est de infideli, qui
 cum uxore fratris defuncti matrimonium inivit, &
 consummavit, tempore infidelitatis, non posse post
 Baptismum, validum matrimonium inire cum con-
 sanguinea illius intra quartum gradum, id etiam lo-
 cum habet, si tempore infidelitatis initum sit matri-
 monium, etsi non consummatum, quia etiam ex ma-
 trimonio rato oritur quoddam vinculum naturale
 propinquitatis, quod durat post Baptismum, quo
 tempore, jam fideles subijciuntur Ecclesiasticis legi-
 bus, per quas irritatur matrimonium cum consanguineis
 uxoris, seu sponsæ de præſenti etiam nondum
 cognita, quia per tale matrimonium conjuges tra-
 dunt sibi mutuam potestatem in corpora, modò illud
 matrimonium tempore infidelitatis fuerit validum,
Sanch. cir. dif. 65. n. 6. Plura de hoc videri possunt
 apud eundem *cir. dif. 65. n. 8. & seqq.*

§. IX.

*Quæ sit pœna mulieris insidiantis vi-
ta mariti sui, si inde homici-
dium sit secutum?*

LV. De hac agitur in c. *Siqua*. 1. h. t. quod est de sumptum ex Concilio apud Wormatiam habito, ubi dicitur: Siqua mulier cum aliis conspiravit, seu machinata fuit in mortem mariti sui, & ipse se defendendo, aliquem illorum occidit, potest ipse, si voluerit, post mortem uxoris, aliam ducere: mulier autem, sine spe conjugii, manere, & pœnitentiam agere debet, adeoque post mortem mariti sui, alteri nubere non potest. Concordat textus in c. *Siqua*. 6. *caus.* 31. q. 1. ubi tamen habetur, quod vir ipsam uxorem dimittere potest (quæ verba in præsentī cap. defunt) & si voluerit, aliam ducere: scilicet post mortem uxoris, quæ verba defunt in cit. Can. Decreti. ipsa autem insidiatrix pœnitentia subiecta, absque spe conjugii maneat: ita ut tum demum possit maritus aliam in uxorem ducere: ipsa verò mulier non possit, post mortem mariti sui, alteri nubere, prout habetur in utroque textu, & sic unus textus ex altero suppleendus videtur, ut notat Henric. *Canis.* in c. 1. n. 1. h. t.

LVI. Ubi notandum 1. In casu hujus cap. mulier in pœnam machinationis in mortem mariti privatur spe futuri conjugii, ita ut post mortem mariti, non possit alteri nubere, non propter machinationem in mortem mariti, sed propter homicidium factum à viro ad sui defensionem, cui ipsa causam dedit: nam ut propter machinationem mulier impediat contrahere matrimonium, post mortem viri, & alteri nubere, necesse est, quod machinatio habuerit effectum, ita ut maritus ob illam machinationem verò occidatur, c. *Super hoc*. 3. & c. *fin.* de eo, qui duxit in matrimonium. & c. per talem machinationem impeditur, ac dirimitur matrimonium, juxta citatos textus. Non ergo hic punitur mulier propter machinationem, quia illa non habuit effectum: nam maritus ipse non fuit occisus: sed ipsa mulier punitur, propter homicidium, cui ipsa causam dedit: per tale autem delictum solum impeditur, non autem dirimitur matrimonium: unde si mulier ista, post mortem mariti, contra prohibitionem legis contraheret cum alio matrimonio, illud teneret, ut tradit *Gl. fin. hic*, & sic intelligendum est istud cap. *Alex. de Novo hic n. 6. in fine.*

Notandum 2. Maritus in casu hujus cap. non privatur spe matrimonii contrahendi, post mortem uxoris, cum alia propter homicidium necessarium, quod fecit ad defensionem vite suæ, quia in vasus aliquem occidit, & sic innocens fuit: sed mulier machinata est in mortem mariti, & misit aliquem, ut maritum occideret, & sic culpabilis fuit, ipsique impunitur homicidium à marito patratum: ideoque in pœnam prohibetur, post mortem mariti, nubere alteri, *Abb. hic n. 2. & 3.*

LVII. Notandum 3. Quod autem statutum est de muliere, nempe quod maritus, propter insidias vite suæ structas, possit uxorem dimittere, & post mortem ejusdem aliam ducere, id procedit et-

iam ex parte mariti, quia hic factum solum narratur, sive casus contigit in muliere. Quare si etiam maritus vite uxoris suæ insidiatus fuit, non tamen eam occidit, sed tantum cum aliis conspiravit in mortem illius, & aliquis ex illis occisus fuit, poterit similiter maritus dimitti ab uxore, si maritus ei sufficientem securitatem præster, juxta c. 13. in fine, de *restit. spoliat.* Et ipse post mortem ipsius non poterit aliam uxorem ducere, quia est eadem omnino ratio, *Arg. c. 1. caus. 32. q. 6. Canis. hic n. 2.*

Notandum 4. Propter insidias, quas conjux struxit in vitam alterius conjugis, etiamsi effectus non sit secutus, separari possunt conjuges, quoad torum, & mutuum cohabitationem: nam quoad legem matrimonii punitur affectus, & conatus, etiam non secuto effectus, dummodo ad actum aliquem externum fuerit perductus; non tamen matrimonii vinculum dissolvitur, quia adhuc manent conjuges, *Abb. in cit. c. 1. n. 4. h. t. Farinac. in praxi crim. p. 5. q. 143. n. 135. & seq.*

§. X.

*An propter alias præterea causas,
divortium inter conjuges pos-
sit institui?*

LVIII. ASSERTIO 1. Generatim loquendo, ob grave periculum animæ, seu salutis spiritualis conjux licitum est se ab eo per divortium separare, quamdiu tale periculum durat. Ut si unus conjux nitatur alterum ad gravia peccata pertrahere; tunc enim licite ab eo divertit, seu se separat. Ratio est, quia Jure naturali, & Divino permixtum est cuique periculum corporis cavere, ergo multo magis animæ, *Sanchi. 10. de matr. disp. 17. n. 5.* Imò etiam quisque tenetur periculum peccati vitare, juxta illud *Matth. 18. Si oculus tuus scandalizat te, erue eum, & projice abs te.* Neque verò ad hoc divortium opus est Judicis sententiâ, tum quia non est perpetuum, sed temporale: tum quia ob moram est periculum lapsus in peccatum, *Sanchez. cit. disp. 17. n. 10.*

LIX. Porro secluso periculo inductionis in peccatum, ob nullum aliud crimen quantumvis grave, præter fornicationem carnalem, & spirituales, licitum est inter conjuges divortium instituire, ut constat ex c. 2. h. t. quamvis maritus ad tempus se possit ab uxore criminosa separare, causâ ipsam corrigendi, si hoc momento opportunum ad ipsius emendationem esse videatur: quod etiam vice versâ, quandoque licebit uxori ad emendandum maritum, si commodè possit, & probabilis spes sit id medium profuturum, quamvis aliâs regulariter non deceat, nec incumbat mulieri virum corrigere, cum ipsa sit subdita viro, at hic sit caput ipsius, *Sanch. cit. disp. 17. n. 3. & 4.*

LX. ASSERTIO 2. Præterea ob grave periculum vite, & salutis corporalis, imminens alteri conjugi ex cohabitatione, quod merito etiam virum constantem, ac prudentem, spectatâ ipsius personæ qualitate, terrete possit, licitum est conjugi in eum passo divertere, donec periculum cesset, & sufficiens cautio ipsi præstetur de malo in posterum non inferendo, *Sanch. cit. libr. 10. disp. 18. n. 2. & patet ex c.*

Ex transmissa. 8. & cap. Litterar. 13. de restit. spoliat. Ratio est, quia nemo tenetur, cum tanto suo periculo, aut damno, sive animæ, sive corporis, aliis obligationibus satisfacere, ergo nec obligationi matrimonii.

LXI. Hinc infertur 1. Justam causam divortii virum præbere uxori, si sit leno, eamque incitet ad adulterium, vel sodomiam, vel ad furti, *Sanch. cit. dif. 18. n. 6.*

Infertur 2. Justam esse causam divortii sævitiam mariti undecumque tandem proveniente, ut si uxor justè metuat mortem, vel mutilationem membrorum, ob sævitiam viri: vel si is gravia, seu atrociter verbera uxori inferat, esto suâ culpâ occasione uxorem dedidisset, *l. Nec timorem. 7. §. Proinde. ff. de eo, quod met. caus.* Secus est, si moderatam castigationem timeret, quia hanc vir inferre potest uxori, non item acrem, & immoderatam verberationem, etiam si uxor deliquerit, *Sanch. cit. dif. 18. n. 5.* Non tamen sufficit ad divortium, si semel, aut iterum verberatio, quantumvis atrox, præter consuetudinem viri, ex insolito, & ingenti iræ motu acciderit: nisi ejusmodi verberationis sæpius imposterum exercendæ probabilis timor adsit, *Sanch. cit. dif. 18. n. 16.*

Infertur 3. Sufficiens causam divortio præbere graves, & frequentes discordias, & rixas, quæ nimis molestam reddunt cohabitationem inter conjuges, *Sanch. cit. dif. 18. n. 11.*

Infertur 4. Si alter conjux sit omnino furiosus, ita ut sine vitæ, aut alio gravi periculo, cum ipso habitari non possit; tunc divortium institui potest, ac debet: secus est, si hujusmodi periculum absit; tunc enim etsi molestum sit cohabitare amenti: tamen ea molestia toleranda est, quid enim tam humanum est, quam fortuitis casibus mulieris maritum, vel uxorem mariti participem esse, *l. Si cum dorem. 22. §. Si maritus. ff. solut. matrim. Sanch. cit. dif. 18. n. 18.*

Infertur 5. Etiam lepta, vel alius gravis morbus contagiosus præbet sufficientem causam divortio, cum tunc alteri conjugi sano ex cohabitatione grave immineret periculum, *Coning cit. dub. 4. num. 22. & 23.* Plura de his videri possunt apud AA. cit.

LXII. Prædictis addendum 1. Cautio suffi-

ciens, quæ præstanda est ob sævitiam viri, censetur ea, per quam, arbitrio boni viri, satis consultum est incolumitati uxoris, qualis est fidejussoria, aut pignoratitia: interdum etiam sufficit juratoria, si probabiliter probetur, virum probum juramenti religionem plurimum revereri, *Sanch. l. 10. de matr. dif. 18. n. 40. & 41. Laym. l. 5. tr. 10. p. 3. c. 7. n. 17.*

Addendum 2. Si causa divortii, propter grave periculum animæ, vel corporis, notoria sit, propriâ auctoritate, divortium inter conjuges fieri potest: securius tamen est, imò ob scandalum vitandum, plerumque necessarium est, ut ex officio Judicis Ecclesiastici id divortium fiat, nisi periculum in mora esset, vel non sit facilis aditus ad Judicem, *Sanch. cit. dif. 18. n. 3. Laym. c. l. n. 18.*

LXIII. Addendum 3. Facto divortio inter conjuges, liberi educari, & alii debent, penes conjugem innocentem; & quidem expensis patris, si is divortio causam dedit: si verò mater dedit, apud patrem, expensis matris locupletis, nisi pater minùs idoneus sit; tunc enim apud matrem nutriri debent, ut habetur in *Auth. Si pater, C. Divortio facto*, quæ desumpta est ex *Auth. Vt liceat matri, & avia. §. Illud. collat. 8. Sanch. l. 10. dif. 20. n. 2. Laym. cit. c. 7. n. 19.* Id tamen limitandum 1. nisi conjux innocens, qui divortio causam non dedit, sit infidelis, is autem, qui in culpa fuit, sit fidelis; tunc enim in favorem fidei, ne proles in infidelitate educetur, tradenda est alteri conjugi fideli, *c. ult. de convers. infidel.* Limitatur 2. Si culpâ viri factum est divortium, sed mulier transiit ad secundas nuptias; tunc proles non relinquitur educanda ipsi matri, ut colligitur ex *cit. Auth. Si pater. & Auth. Si liceat. §. Illud. Sanch. c. l. Limitatur 3.* Si mater causam dedit divortio, & locuples sit, pater autem sit minùs idoneus, sive pauper; tunc apud matrem proles educanda est, *cit. Auth. Si pater. & expressius in cit. Auth. Vt liceat. §. Illud.* Idemque similiter dicendum est, si è contrario pater dedit causam divortio, & ipse locuples sit, mater autem pauper; tunc enim alenda est proles apud patrem, quia eadem est ratio, & pater, ac mater sunt correlativa, adeoque dispositum in uno censetur etiam dispositum in altero, *Sanch. c. l. n. 4. & Laym. c. l.*

TITVLVS XX.

DE DONATIONIBVS INTER VIRUM, ET UXOREM, ET DE DOTE POST DIVORTIUM RESTITUENDA.

Dictum est tit. præcedente de divortiiis: sed quia facto divortio, dos solet repeti, & plerumque litigatur de donationibus factis inter conjuges, ideo agitur nunc de donatione facta inter virum, & uxorem, & de dote restituenda post divortium.

§. I.

An, & qualis donatio inter coniuges sit invalida, & in quibus casibus sit valida, & licita, vel prohibita?

I.

Remittendum, duplex est donatio inter coniuges, quædam simplex, quæ fit gratis, & ex mera donantis liberalitate, l. 1. in princ. ff. de donation. quædam verò fit, ob causam aliquam, qualis est donatio ante, sive propter nuptias, quæ fit à marito uxori, propter matrimonium, in compensationem dotis sibi datæ: sicut enim dos affertur à muliere ad maritum, ita hæc donatio fit à marito uxori, ita ut maritus de iure communi teneatur tantum dare uxori, causâ donationis, quantum ipse ex causa dotis recepit, *Aub. Dos data. C. de donat. propter nupt.* 2. Sicut dos ante, & post matrimonium, constitui potest, ita etiam hæc donatio propter nuptias. 3. In constituenda, & augenda, tam dote, quam donatione propter nuptias, servanda est æqualitas. 4. Sicut dos, soluto matrimonio, de iure communi reddit ad mulierem, vel patrem dotantem, l. 2. ff. solut. matrim. ita & donatio propter nuptias reddit ad maritum, §. fin. h. r. §. Est & aliud. Instit. de donat. l. Cum multa. 20. C. de donat. ante nupt.

II. His præmissis, dicendum, donationem simplicem, quæ fit solius liberalitatis causâ, inter virum, & uxorem, constante matrimonio, invalidam esse, prout expressè habetur in l. 1. 2. & 3. ff. de donat. inter vir. & uxorem. ubi ratio redditur, tum ne coniuges mutuo amore se invicem spolient: tum ne separarentur matrimonia, si non donet is, qui potest, & sic matrimonia essent venalia, & ne concordia prætio conciliari videatur. Est autem, ac dicitur donatio inter coniuges invalida, non quòd sit omnino nulla, cum confirmetur morte donantis, ut infra dicetur: sed quia à conjugibus donante ad libitum revocari potest, *Sanch. libr. 6. de matr. disp. 1. n. 3.*

III. Id verò extenditur 1. Quòd non valeat donatio merè liberalis, etiam inter sponsum, & sponfam de præsentibus, ante matrimonium consummatum, *Sanch. c. l. n. 4.* quia est eadem ratio prohibitionis. Extenditur 2. Non tantum donatio inter coniuges est invalida, sed etiam donatio facta sit ante contractum matrimonium, sed ejus effectus differatur in tempus contracti matrimonii, l. Quod sponse. 4. C. de donat. ante nupt. Ratio est, quia idem est aliquid fieri tempore inhabili, & prohibito, & referri ad tempus inhabile, vel prohibitum, l. In tempus. 62. ff. de hered. instit. l. Eum qui. 13. ff. de iuridict. Sanch. cit. disp. 1. n. 6. Extenditur 3. Non valet donatio inter coniuges facta etiam per intermedium personam, l. Si sponsus. §. in princ. & §. Generaliter. ff. h. r. Nam paria sunt per se, vel per alium facere, qui enim per alium facit, per se ipsum facere censetur, *Reg. iur. 72. in 6. Sanch. c. l. num. 8.* Extenditur 4. Quamvis donatio inter coniuges non valeat, valent tamen inter ipsos alij contractus, ut venditio,

Tomus IV.

permutatio &c. dummodo res vendatur pretio æquivalente rei venditæ: nam si remissio pretii fiat, animo donandi, censetur donatio, & non valet, *Sanch. c. l. n. 11.* Extenditur §. Legatum tamen inter virum, & uxorem valet, quia quavis sit quædam donatio, refertur tamen in tempus dissoluti matrimonii, quo tempore donatio inter coniuges valet, *Sanch. c. l. n. ult.*

IV. Porro de hac quæstione, quando, & qualiter donatio facta inter coniuges valeat, vel revocata intelligatur, agitur etiam in c. 3. & ult. in prioribus ejus parte h. r. ubi Papa Gregorius IX. ita refertur: Donatio, constante matrimonio, inter coniuges facta, ex qua alter locupletior, & pauperior alter efficitur, firmitatem non habet: nisi donatoris obitu confirmetur: & penitus evanesceat, si revocetur ab eo, tacite, vel expresse, vel si is, qui donatum accepit, prius debitum naturæ persolvat.

V. Pro explicatione notandum 1. non tantum de Jure Civili, sed etiam Canonico, donatio facta inter virum, & uxorem non valet, durante matrimonio, dummodo ex illa donatione donator fiat pauperior, & recipiens locupletior: ergo à contrario sensu, si donator fiat locupletior, & accipiens pauperior, valet talis donatio, *Abb. hic n. 2. & Alex. de Nevo n. 2.* Tunc autem donator dicitur fieri pauperior, quando dat, sive donat de substantia sua, ita ut diminuatur patrimonium suum, l. Si sponsus. §. Si maritus. ibi: neque enim pauperior sit, qui non acquirit, sed qui de patrimonio suo deposuit, sive dedit. §. h. r. Si verò maritus donat de patrimonio acquisito: sed donat illud, quod posset acquirere, ut si repudiet hereditatem, donationis causâ, ut ea deferatur uxori substitutæ, vel si fuerit relictum, vel legatum uxori cum onere, ut det aliquid marito, & hic donet illud uxori, tunc valet donatio, licet propter donationem maritus destinat acquirere, quia non fit pauperior, qui non acquirit, ut jam dictum, *Alex. de Nevo hic n. 17. & 18.*

Notandum 2. Donatio inter coniuges facta, durante matrimonio, non est omnino invalida, quia confirmatur morte donantis, nisi expresse revocetur, quia tacitum, & expressum æquiparantur, quando est eadem utriusque ratio, alias secus, c. Ex litteris. 7. de jure patron. *Alex. hic n. 4.*

VI. Notandum 3. Tres recententur in hoc casus, in quibus donatio facta inter coniuges, durante matrimonio, omnino revocatur, ita ut non confirmetur morte donatoris. Primus est, si donatio fuit per donatorem tacite revocata. Veluti t. si divortium inter coniuges sequatur, l. Sed interim. 11. §. fin. l. Cum hic statuit. 32. §. Si divortium. ff. h. r. l. A marito. 18. C. eod. nisi ex mutuo consensu, & beneplacito factum esset divortium, aut aliunde constaret, donantem velle, ut nihilominus donatio valeat, cit. l. A marito, *Molin. tract. 2. de just. disp. 289. n. 12.* Sanch. libr. 6. de matr. disp. 15. n. 10. Secundum, si donans vendat, permutat, leget, vel donet eandem rem alteri, imò si pignori eam tradat, vel speciali hypothecæ subijciat, tacite censetur revocata donatio, si constet de voluntate donantis ipsum velle, ut donatio persistat, cit. l. Cum hic statuit. §. Si maritus, *Molin. c. l. Sanch. c. l. n. 5.* Tertium, si conjux donatarius mores mutet in detrimentum donantis, ut si uxor

donataria adulterium committat, revocata censetur donatio, *Sanch. c. l. n. 11.* Plura exempla, per quæ tacite censetur revocata donatio inter conjuges videri possunt apud *citt.*

Secundus casus est, si expressè revocetur donatio inter conjuges, ut si donator eam revocet, & v. g. dicat, se pœnitere donationis à se factæ, *citt. l. Cum hic status. §. At oratio. ff. h. t. vel si maritus ea, quæ donavit, postea alii donavit, vel alio modo alienavit, Gl. hic V. Tacite, vel expressè.* Tertius casus est, si prius moriatur donatarius, ut habetur hinc sine.

VII. Adhuc communiter DD. quartum casum, in quo tacite revocatur donatio inter conjuges, qui tamen non ponitur in hoc cap. nempe si res donata non fuit tradita donatario; nam tunc morte donatoris non confirmatur, omnia quippe iura, quæ dicunt donationem inter conjuges confirmari, vel validam fieri per mortem donatoris, vel donatarii, intelligi debent, si traditio rei donatæ intervenierit, sive vera, ut fit, quando rei donatæ possessio in donatarium actu transfertur: sive ficta traditio, ut si maritus donet aliquid uxori, & dicat, se possidere rem illam precario, nomine uxoris, *l. Quod meo. 18. ff. de acquirend. possess.* Item si uxor debebat centum marito, & hic animo donandi remisit ei debitum; nam ista liberatio habet vim traditionis, *citt. l. Cum hic status. §. Si sponsus. ff. h. t. & hic est ficta traditio, quia fingitur mulierem solvisse marito, & hunc deinde donasse, & tradidisse uxori, Alex. de Nevo hic n. 6.*

Verùm hæc procedunt quidem de Jure Veteri Digestorum: sed quia hodie ex Constitutione Justiniani in donatione inter vivos non requiritur traditio rei donatæ, *l. Si quis. 35. §. fin. C. de donat. & §. Perficiuntur Instit. eod.* ideo neque in donatione inter conjuges, sed derogatum est Juri Veteri per Novell. 162. quæ licet in antiquioribus Codicibus non reperiat, extat tamen in recentioribus, teste Henric. Canisio hic num. 9. in qua re fides sit penes Auctorem.

VIII. Præterea in *citt. c. 8. & ult. §. Sanè h. t.* additur: „ sicut dos, soluto matrimonio, ad mulierem: sic „ & donatio propter nuptias redit ad virum: nisi de „ consuetudine secus obtineat, vel ex pacto inter „ virum, & uxorem de lucranda dote, vel dona- „ tione propter nuptias, quod æquale sit tamen ex „ utraque parte, hinc inde contrarium inducatur.

IX. Ubi notandum 1. De Jure communi, soluto matrimonio, dos revertitur ad mulierem, vel ad ejus hæredes, & donatio propter nuptias ad maritum, vel ejus hæredes, adeoque de jure communi maritus nihil lucratur de dote, nec mulier de donatione propter nuptias, *Alex. de Nevo hic incir. §. Sanè n. 2.*

Notandum 2. Valet consuetudo, & pactum de lucranda dote, & de lucranda donatione propter nuptias, & multò magis valet tale statutum, quia hoc habet expressum consensum Principis, consuetudo verò tacitum, *l. De quibus. 32. ff. de legib. Alex. de Nevo c. l. n. 3.*

X. Notandum 3. Soluto matrimonio, dos redit ad uxorem non indistinctè, sed tres casus sunt distinguendi. Veluti 1. Quando mulier se ipsam dotavit, ex propria substantia, tunc redit ad ipsam, so-

luto matrimonio, quia præsumitur sibi stipulata dotem reddi, *l. unic. in princ. C. de rei uxori act.* Secundò si extraneus, hoc est, qui non habet mulierem in sua potestate, fuit stipulatus dotem sibi reddi; tunc ad ipsam, soluto matrimonio, dos revertitur, aliàs ad mulierem, *citt. l. unic. §. Accedit. C. eod.* Tertiò quando pater dedit dotem pro filia, & stipulatus fuit eam sibi reddi, soluto matrimonio: tunc dos revertitur ad ipsam: vel dedit dotem simpliciter, & tunc competit actio pro dote communiter patri, & filiz, *l. 2. ff. solut. matrim. & si filia efficitur sui juris, per mortem patris, vel ejus emancipationem, dos efficitur filiz, eique competit actio, quia est profecta à patre, idque etiam si extant liberi ex ipsa filia, l. 2. ff. solut. matrim. & l. Dos. q. C. eod. Abb. incir. c. ult. §. Sanè n. 10. h. t. & Alex. de Nevo n. 5. eod.*

XI. Notandum 4. Post matrimonium contractum, debet esse æqualitas dotis, & donationis propter nuptias, non solum in quantitate: sed etiam esse debet æqualitas in lucris ex pacto convenientibus, ut habetur in *citt. §. Sanè in fine*; nam si pactum de lucranda dote sit majus, quàm pactum de lucranda donatione propter nuptias, maritus non plus lucrabitur de dote, quàm uxor de donatione propter nuptias, *Auth. de æqualitate dotis collat. 7. §. Hoc igitur.* Secundò, si sit pactum factum de lucranda dote, & non de lucranda donatione propter nuptias, ut fervetur æqualitas, pactum dotis trahitur ad donationem propter nuptias, *l. Cum multa. 20. C. ult. §. Sin autem donatio. C. de donat. ante nupt. ac proinde sicut vir lucratur dotem; ita & mulier donationem propter nuptias, etiam si nihil de ea actum sit, l. fin. C. de pact. convent.* Tertiò sicut potest constitui dos, durante matrimonio; ita etiam donatio propter nuptias. *§. Est & aliud Instit. de donat.* Quartò sicut fit augmentum dotis, ante matrimonium, & constanter matrimonio; ita etiam fit augmentum donationis propter nuptias, *l. Si constante. 19. C. de donat. ante nupt. Abb. incir. c. ult. h. t. num. 11. Alex. de Nevo ibid. num. 6.* ubi ex Innocent. ait, quòd debeat esse æqualitas, post nuptias contractas, sed ante illas contractas, potest esse inæqualitas in quantitate dotis, & donationis propter nuptias, & in pactis super lucris. Idque procedere ait *Abb. de jure Authenticorum.* Verùm hodie in multis locis per consuetudinem sublata est donatio propter nuptias, ita ut sæpe ea non fiat, sed constituatur dos mulieri, sine reciproca donatione propter nuptias. Sed ubi non est talis consuetudo inducens inæqualitatem inter dotem, & donationem propter nuptias, vel disponens, ut omnino non fiat donatio propter nuptias, servari debet dispositio Authentice *Æqualitas, C. de pact. convent.* ut notat *Alex. de Nevo cit. c. ult. §. Sanè h. t. n. 6.* prope finem.

XII. Ceterum plures casus Jure sunt expressi, in quibus valida est donatio inter virum, & uxorem. Veluti primò, quando Imperator, vel Rex donat uxori, vel vice versà, Imperatrix, aut Regina marito, *l. pen. C. h. t. & tradunt Azor p. 3. libr. 11. c. 10. Less. l. 2. de just. c. 18. dnb. 12. Sanch. l. 6. de matr. disp. 3.* Idemque est de alio supremo Principe, ejusque uxore. Secundò si vir donet uxori pecuniam ad reficiendas aedes dotales incendio consumptas, *l. Quod si vir. 14. ff. eod.* Tertiò quando

uxor marito donat, ut aliquam dignitatem, vel honorem consequatur, l. *Quod adipiscende*. 40. ff. h. t. Quartò si donetur in tempus soluti matrimonii, nimirum ut res fiat conjugis dotarii, quando alteruter conjux obierit, l. *Sed interim*. 11. §. 1. ff. h. t. quia paria sunt facere aliquid tempore permissio, & referre in idem tempus, at donatio est licita, soluto matrimonio, *Sanch. cit. dis. 3. n. 8.* Quintò si vir usuras dotis non solutæ remittat, de quarum solutione conventum erat, l. *Vir usuras*. 54. in princ. ff. h. t. Sextò si vir donet uxori quid annuum, vel menstruum ad eam sustentandam, modò donatio non excedat vires, id est, fructus dotis, l. *Ex annuo*. 15. & ibi *Gl. ff. h. t.* Septimò donatio facta, favore Religionis, valet inter conjuges, ut si fiat ad oblationem Dei, vel sepulture causâ, l. *Si Sponsus*. 5. §. *Concessa*, & §. *Proinde*. ff. h. t. Octavò si conjuges sibi donent, exilii causâ, valet donatio, ut si vir donavit uxori, cùm expectaret mitti in exilium ob delictum, eo secuto, confirmatur donatio, l. *Inter*. 43. ff. eod. Nonò si alter ex conjugibus utatur servis, vel animalibus alterius, vel gratis habitavit in domo alterius, valet donatio, l. *Si vir*. 18. ff. h. t. Decimò si donata sint exiguæ pretii, l. *Sed si vir*. 31. §. *Si vir*, & l. *Ex annuo*. 15. ff. h. t. argumento sumpto à contrario sensu, *Barb. in Collect. inc. ult. h. t. n. 17.* apud quem, & alios *DD. cit.* plura de his videri possunt.

§ II.

Quanam præterea donationes inter conjuges valeant, vel non?

XIII. Quæritur 1. Utrum donatio remuneratoria inter conjuges sit valida? Resp. donatio, quæ sit causâ remunerationis, non est prohibita inter conjuges, sed valida. Unde si vir donavit uxori rem aliquam, & uxor vicissim marito aliam, valet donatio, quia fit hinc inde quædam compensatio, l. *Quod mater*. 7. §. *Si vir*. ff. h. t. ubi dicitur valere donationem, si vir, & uxor sibi invicem donent, *Abb. in cit. c. ult. n. 7. h. t. Alex. de Novo ibid. Sanch. l. 6. de matr. dis. 6. n. 11.* & alii apud iptum. Ratio est, quia donatio remuneratoria non est absoluta, & merè liberalis donatio, qualis solum est prohibita inter conjuges, ut supra dictum, sed fit ob præcedentia merita, & obsequia, aliâ non debita, adeoque digna remuneratione, ita ut donans, non quidem ex lege iustitiae, sed ex naturali lege gratitudinis obligetur ad antidora, sive ad remunerationem beneficii accepti, *Sanch. c. l. n. 2.* Quòd si donatio excedat merita, quoad excessum est donatio simplex, c. *Relatum*. 12. ibi: *juxta servitii meritum, de testam. Iul. Clarus §. Donatio. q. 3. n. 1. Sanch. c. l. n. 6.* Neque verò requiritur, ut merita omnino sint æqualia donationi, sed satis est, si sint æquipollentia, id quod arbitrio prudentis relinquendum est, spectatâ qualitate donantis, an nobilis sit, vel dives; nam nobiles, & divites magis obsequia sibi præstita remunerare solent, *Sanch. c. l. n. 10.*

XIV. Quæritur 2. Utrum donatio mortis causâ facta inter conjuges valeat? Resp. affirmative, ut expressè habetur in l. *Si eum*. 9. in fine. & l. *seq. ff. h. t.* ubi ratio redditur, quia in hoc tempore excrevit donatio

nis eventus, quo vir, & uxor esse desinunt, cessantque rationes positæ in l. 3. in princ. ff. eod. *Gl. margin. in cit. l. 10.* Illud tamen speciale est, non transferri per donationem mortis causâ factam inter conjuges, dominium rei donator, donec mors donantis sequatur, ut habetur in *cit. l. Sed interim*. 11. in princ. ff. h. t. si ve conjux causâ mortis donans dederit alteri conjugem sic donatam, sive non tradiderit, sed solum promiserit, *Molin. rr. 2. de just. dis. 288. n. 17. Sanch. libr. 6. dis. 10. n. 1.* Si tamen donatio causâ mortis, eâ conditione fieret inter conjuges, ut irrevocabilis esset, non valeret, quia transiret in donationem inter vivos, l. *Vbi ita*. 27. ff. de mort. caus. donat. ubi dicitur, quod talis mortis causâ donatio perinde haberi debet, ac alia quævis inter vivos donatio, Idemque inter viros, & uxores non valet, *Sanch. c. l. n. 2.* apud quem plura de hac re videri possunt.

XV. Quæritur 3. Utrum donatio facta inter conjuges, qui non sunt legitimi conjuges, sed solum putativi, sive putant se esse conjuges, valeat? Resp. si utrique conjugi constet, matrimonium esse nullum, v.g. ob impedimentum dirimens, tunc donator non potest repetere rem donatam, sed fisco eam sibi vindicare potest, ut expressè habetur in l. *Cum hic status*. 32. §. fin. & ibi *Gl. ff. h. t. Sanch. libr. 6. dis. 2. n. 2.* Resp. 2. quando solus conjux donans scivit, matrimonium esse nullum, & ignorantem conjugi aliquid legavit, valet legatum, illudque uxor sibi acquirit, nec potest fisco id ab eo auferre, arg. l. *ult. ff. de legat. 1. Molin. tract. 2. de just. dis. 200. num. 5. Sanch. cit. dis. 2. n. 4.* & est communis *DD. sententia.* An autem idem procedat in acquisitis à conjuge ignaro nullitatis matrimonii, per donationem, vel alium contractum inter vivos, ut si conjux conscius nullitatis matrimonii donavit aliqui ignoranti, donatio illa acquiritur conjugi bonâ fide ignoranti, nec fisco competat repetitio, dubitatur? Idque verius videtur, quia argumentum à contractibus ad ultimas voluntates, &c. contra valet, quando nulla ratio differentie assignari potest: secus est, si uterque conjux in mala fide sit constitutus, ut in l. *Cum hic status*. 32. §. fin. ff. h. t. tunc enim fisco applicanda est donatio, *Molin. c. l. n. 8. Sanch. cit. dis. 2. n. 4.*

XVI. Resp. 3. Quando conjux donatarius conscius est nullitatis matrimonii, sed donator in bona fide est constitutus: tunc donatio (idemque est de legato) non valet, adeoque res donata ipsi donanti, & post mortem ejus, hæredibus ejus restitui debet, prout de donatione disponitur in *cit. l. Cum hic status*. §. *Si quis sponsam ff. h. t.* Ratio est, quia talis donatio ex errore procedit; nam donans putat legitimum esse matrimonium, nihil autem magis contrarium est consensui, quàm error, l. *Si per errorem*. 15. ff. de jurisdict. Item conjux ignarus nullitatis matrimonii, nil deliquit, ergo non debet suis bonis privari, eaque fisco applicari, ob delictum, & dolum alterius, *Sanch. cit. dis. 2. n. 7.*

XVII. Resp. 4. Quando uterque conjux est ignarus nullitatis matrimonii, & bonâ fide putat illud valere, tunc donatio inter eos facta est invalida. Idque colligitur ex l. *Si ex voluntate*. 7. c. h. t. ubi in Summa dicitur, licet donatio inter conjuges putativos teneat, ipso jure, sive potius in rigore juris videatur valere: non tamen valer in effectu, quia re-

vocari potest, & donator rem donatam repetere. Idque etiam probatur ex *cit. l. Cum hic status. 32. § Si quis sponsam. ff. eod.* ubi dicitur, donationem factam uxori putativæ non valet, sed donatorem eam revocare posse: ibique etiam ratio redditur, quia non quasi ad extraneam, sed quasi ad uxorem fecit. Confirmatur, quia talis donatio facta uxori putativæ procedit ex errore, qui consensum excludit, & consequenter est invalida, *Sanch. cit. dis. 2. n. 9.*

§. III.

Quibus modis donatio invalida inter conjuges confirmetur?

XVIII. ASSERTIO I. Tribus modis confirmatur: & in primis quidem per juramentum adjectum, ita ut donatio ab uno conjuge alteri facta, accedente juramento fiat irrevocabilis, & eo ipso valida, ut docet *Abb. in c. ult. h. t. n. 9. Acor p. 3. l. 11. c. 10. q. 2. Molin. iv. 2. de just. dis. 289. n. 22. Sanch. libr. 6. dis. 11. n. 2.* & est receptior sententia. Idque probatur: tum quia hæc donatio primò, & principaliter non prohibetur, favore publicæ utilitatis, seu boni communis, sed solum ob privatam utilitatem ipsorum conjugum, ne mutuo amore se spoliarent, & alter fiat ditior, cum alterius jactura, quod nullum peccatum involuit, nihilque contra bonos mores naturales, sed solum civiles, quidam servandam civilem societatem pertinent, qualis est hæc prohibitio donationis inter conjuges, quia expedit Reipubl. ne quis re suâ male utatur, *Canis. in cit. c. ult. n. 8.* & Jure Civili multa sunt prohibita, quæ tamen Jure Canonico, ratione juramenti, subsistunt, ut pactum de non succedendo, & aliis, de quibus alibi: quo casu confirmatur contractus per juramentum, cui accedit: item quia tale juramentum servari potest, sine dispendio salutis æternæ, ideòque servandum est, cum non sit præstitum super promissione, quæ dici possit esse contra bonos mores naturales. Tum quia quando contractus prohibetur principaliter, ob privatam utilitatem, nec turpitudinem aliquam continet, ex parte creditoris, tunc confirmatur per juramentum, ut docet *Sanch. cit. l. 1. de sponsal. dis. 32. n. 2.* Tum denique quia donatio facta inter conjuges, favore Religionis, & piæ causæ, est valida, ergo etiam valebit propter juramentum adjectum, cujus inagna est religio, *Sanch. c. l. num. 2.*

XIX. ASSERTIO 2. Alter modus, quo confirmatur donatio alioquin irrita inter conjuges, est, per mortem naturalem donantis, prout expressè habetur in *cit. c. ult. h. t. ibi: vel si qui donatum accepit, prius debitum nature persolvat*; tunc enim valida redditur. Idem statuitur in *l. Papinianus. 23. § l. Cum hic status. 32. §. 1. ibi Gl. V. Donationibus. ff. eod. § l. Donationes. 25. C. eod. Sanch. l. 6. dis. 14. n. 1.* & alii communiter. Ratio est, quia tunc cessat causa, ob quam prohibita est talis donatio, ne scilicet mutuo amore se spoliarent, quia potest unus conjux alterum liberè instituere hæredem, ipsique legare: nam cum donator in vita donationem non revocaverit, præsumitur in eadem mori velle, & consequenter tunc

rem donatam velle relinquere, vel legare, nisi de contrario constet.

Porro ad hoc, ut talis donatio morte confirmetur, quatuor conditiones requiruntur. 1. Ut donans adhuc vivens tradiderit rem donatam, ut probatur ex *l. Papinianus. 23. ff. h. t. § l. Res. 24. C. eod.* Ratio est, quia si res donata non sit tradita, deest subiectum, quod confirmetur; sufficit autem etiam traditio facta, *Sanch. c. l. n. 6. § 7.* Secunda conditio est ad confirmandam donationem invalidam inter conjuges, ut conjux donans prius moriatur; si enim donatarius prius decedat, donatio erit omnino invalida, *cit. c. ult. in fine princ. cit. l. Cum hic status. §. Si divortium. ff. eod.* Tertiò requiritur, ut donatio inter conjuges non excedat summam 500. aureorum absque insinuatione Judici facta, alioquin morte confirmari non poterit, *l. Donationes. 25. C. h. t.* Quartò requiritur, ut in eadem voluntate permaneat usque ad mortem, eamque nec expresse, nec tacite revocaverit, *cit. c. ult. de quo supra.*

XX. ASSERTIO 3. Donatio inter conjuges invalida confirmatur etiam morte civili donantis, ne si donans in exilium mittatur, & civitatem perdat, *arg. l. Sed si mors. 13. ff. h. t.* ubi id habetur de donatione causâ mortis, idemque dicendum de donatione inter conjuges, quæ similis est illi, *Sanch. l. 6. dis. 17. n. 3.* non autem confirmatur hæc donatio, si donans efficiatur servus hominis, *cit. l. Cum hic status. §. Si donator servus. ff. h. t. Sanch. c. l. n. 4.*

Utrum autem donatio invalida inter conjuges confirmetur per professionem Religiosam conjugis donantis, dubitatur? Ad quod responderetur, si Religio possideat bona in communi, ea donatio non confirmatur, sed expectari debet naturalis mors donantis, & ut is prius moriatur, quam donatarius: si verò Religio incapax sit possidendi bona in communi, confirmatur donatio per illam Professionem, sicut confirmaretur per mortem naturalem donantis, *Sanch. cit. dis. 17. n. 8. § 9.* ubi etiam rationem diversitatis addit.

§. IV.

Quanam præterea statuta sunt circa donationem propter nuptias in hoc Titulo?

XXI. Donata à marito propter nuptias uxori, cum pacto, ut maneat penes uxorem, si contingat eos per divortium separari, sed postea reperitur matrimonium esse nullum, propter impedimentum dirimens consanguinitatis, & donata à marito faciant difficiliorem separationem, ac dissolutionem talis matrimonii; tunc à viro donata ipsi sunt restituentia, quia non sunt dos, nec donatio propter nuptias, cum matrimonium sit nullum, prout sumitur ex *l. Et si necesse. §. h. t.* Ubi habetur, ut refert *Gl. in casu*, quòd Rex Legionensis accepit in uxorem filiam Regis Castellæ, eique Castra quadam dedit in dotem (id est, in donationem propter nuptias, quam fecit maritus uxori, *Gl. hic V. In dotem.*) ita ut si aliquo casu vir ipsam relinqueret, Castra illa cederent in jus ejus. Verùm ipse Rex, & filia Regis simul manere non poterant propter consanguinitatem.

sauginitatem. Quare mandavit Papa Innocentius III. eos ab invicem separari. Sed Rex Legionensis nolens eam dimittere, nisi Castra sibi restituerentur. Consultus Papa referibit, cum Castra, quæ impedimentum præstant copulæ dissolvendæ, non tam ob turpem causam, quam ob nullam causam sint data, quippe cum inter eos matrimonium non existat, adeoque nec dos, nec donatio propter nuptias, ne ad commodum ei cedat, quod debet in penam ejus potius redundare. Castra ipsa restitui debent marito, & ad id puellam per sententiam excommunicationis cogendam esse.

XXII. Notandum 1. Si dos hîc non pro donatione propter nuptias, sed propriè accipitur, tunc maritus licitè datat uxorem, id est, dotem ei constituit ex propria substantia: ubi talis est consuetudo, ut in Hispania, ut viri dotent uxores: quod tamen intelligi debet, si talis donatio dotis fiat ante contrahendi matrimonium; secus si post illud: vel si conferatur effectus talis donationis in tempus matrimonii; tunc enim non valeret, l. 1. C. de donat. ante nupt. nisi pebejus duceret in uxorem nobilem, tunc enim videretur donasse, causâ compensandi nobilitatem, Abb. hic n. 2. & Alex. de Nevo n. 2.

Notandum 2. Non valent pacta inter conjuges, quæ dissolutionem matrimonii contra Jutis dispositionem impediunt, vel difficiliorem reddunt, quia matrimonia debent esse libera in contrahendo, & dissolvendo, l. Vi inter. 3. C. de inutil. stipul. Abb. hic n. 3. & Alex. de Nevo n. 3.

Notandum 3. Quod datum est præterea, sive ratione matrimonii, repeti potest, si matrimonium non subsistat, tanquam datum sine causa, l. ult. ff. de conduct. sine caus. & ubi non est matrimonium, nempe validum, ibi nec dos, nec donatio propter nuptias esse potest: nam quando principale non tenet, nec accessorium tenet, & ita ubi matrimonium esse non potest, nec dos, aut donatio propter nuptias esse potest, Gl. hic in notat. Abb. num. 4. & Alex. de Nevo num. 5.

Notandum 4. Non debet quis sentire commodum, unde penam debet potius sustinere, ut in casu hujus cap. non debet mulier Incrati dotem, vel donationem propter nuptias, quæ impediēbat dissolutionem matrimonii illiciti, Vivian. in Ration. hic.

XXIII. Cæterum licet in casu hujus cap. Rex Legionensis, & filia Regis Castellæ, qui consanguinei erant, in gradu lege Canonica prohibito contraxerint matrimonium scientes, quod non possint contrahere, ob impedimentum consanguinitatis; quia tamen non poterat pax inter eos Reges stabiliri, nisi Castra illa restituerentur Regi Legionensi, qui illa dedit in dotem filia Regis Castellæ: ideo Papa ex officio propter bonum pacis voluit, & præcepit sub penâ excommunicationis, illa Castra restitui à filia Regis Castellæ, cui in dotem data fuerunt à Rege Legionensi, Gl. fin. hic. & hæc expositio colligitur ex ipso textu, ubi dicitur: quod ista Castra præstent impedimentum hujusmodi copulæ dissolvendæ: si ergo Papa voluit illa castra restitui, ne præstent prædictum impedimentum, debebant restitui ipsi Regi Legionensi, qui non consentiret in

dissolutionem matrimonii, nisi Castra sibi restituerentur, ut tradit Alex. de Nevo hic n. 14. in 10. lectura, xlv. exposit.

XXIV. Præterea in c. Nuper. 6. h. 1. quæsitum fuit, si alicui data sit terra aliqua, non in hæreditatem, vel feudum perpetuum, sed tantum quoad vixerit, possidenda, ita ut esset quasi usufructuarius, ipse verò postea tertiam partem illius terræ uxori suæ concedat in dotem (vel det in donationem propter nuptias, Hostiens. hic v. In dotem) utrum viro mortuo, uxor prædictam dotem, vel donationem habere, & retinere possit, dum vivet, quia Ecclesia dotes viduarum protegere tenetur. Item quaeritur, si quis filio suo ex legitimo matrimonio genito aliquam tertiam in hæreditatem, vel feudum dedit: iste autem partem illius terræ dedit uxori suæ in dotem, vel donationem propter nuptias, & postmodum decessit sine prole, ipsa mulier possit retinere donationem illam? Consultus Papa ad primam quæstionem respondet: cum regulariter nullus plus juris in alium transferre possit, quam ipse habeat, vir ille, cui terra tali modo concessa fuit, non potest uxori aliquid ex ea relinquere possidendum (scilicet in perpetuum, tanquam hæreditatem, vel feudum) quod ei non licuit, nisi quoad viveret, possidere: & ideo neque uxori suæ licet partem illius terræ in donationem propter nuptias ex viri concessione possidere, nisi donationi illi is, ad quem spectat dominium terræ illius, consenserit. Idemque de secunda quæstione dicendum est, quod de prima. Quamvis autem Ecclesia in causis viduarum se favorabilem exhibere debeat, non tamen eis contra iustitiam est favor Ecclesiæ concedendus. Additur in fine, quod uxor dicitur dare viro dotem, vir autem uxori facere donationem propter nuptias, secundum legitimas Sanctiones, l. 1. & l. ult. §. Sancimus. C. de donat. ante nupt.

XXV. Notandum 1. Concessio alicujus rei variè fieri potest, nam quandoque res conceditur, seu datur in hæreditatem, ut is, cui datur, possit pro libitu de ea disponere, tanquam de re proprias quandoque conceditur in feudum, ita ut utile dominium transeat in vassallum, & directum, seu proprietas maneat penes dominum: quandoque conceditur alicui, dum vixerit, ut usufructus rei, Alex. de Nevo hic n. 2.

Notandum 2. Usufructuarius non potest jus usufructus, sive fruendi, & utendi re alienâ cedere alteri, quam domino sine consensu ejusdem: alioquin si cedat alteri jus usufructus, is ad proprietatem revertitur, potest tamen cedere alteri potestatem percipiendi fructus: nam si posset jus usufructus cedere alteri, non finiretur usufructus per mortem cedentis, sed per mortem illius, cui facta est cessio. Unde non potest vendere usufructuarius ipsam jus usufructus alteri, quam domino rei, sine consensu illius, & si vendit alteri, venditio non tenet, potest tamen vendere perceptionem fructuum: & sic intelligi debet, quando hic dicitur, quod vir dedit in dotem tertiam partem perceptionis fructuum ipsius rei usufructuariae, Alex. de Nevo hic n. 6. Similiter vassallus non potest concedere feudum, seu partem feudi filiz suæ in dotem, vel donationem propter

propter nuptias ad vitam illius, sine consensu Domini, quia hæc est quædam alienatio, *Clem. 1. de reb. Eccles. non alienand.* idemque est de Emphyteusi, *Alex. de Novo hic n. 7.* Potest tamen commoditatem fructuum, absque consensu Domini, concedere in dotem, quia per talem concessionem non transfertur utile dominium, nec jus aliquod in re constituitur, sed oritur sola obligatio personalis ad fructus ex re percipiendos, unde talis concessio non est alienatio, nec prohibita, ad quodcunque tempus fiat, & morte vasalli expirat, & redit ad illum, ad quem transiit fuisse, si in dotem data non esset, *Barb. in Collect. hic num. 3. post Molin.* Putat tamen *Alex. de Novo c. l. n. 7.* hoc speciale esse, ut possit feudum dari in dotem, vel donationem propter nuptias ad vitam ejus, cui datur.

Notandum 3. Ecclesia tenetur defendere dotes viduarum tanquam miserabilium personarum, non tamen contra justitiam, & in præjudiciu, seu damnum alterius, quia etiam ratione causæ piz, & favorabilis, non est violanda justitia, nec alteri inferenda injustitia, & juxta vulgatum illud, non est denudandum unum Altare, ut operiatur aliud, *Alex. de Novo hic n. 3. & 4.*

Notandum 4. Maritus dat uxori donationem propter nuptias, uxor autem dat viro dotem, & ambæ pari passu ambulant, & sunt æquæ favorabiles, exceptis casibus in jure expressis, *Barb. in Collect. in c. Epsi. §. h. t. n. 3.*

§. V.

De restitutione dotis.

XXVI. *Quæritur 1.* Quando dos restitui debeat? Resp. si matrimonium ex licita causa separatur, dos est restituenda uxori, prout statuitur in c. *Mulieres. 1. h. t.* quod est desumptum ex Concilio habito apud Wormatiam: ubi præcipitur, ut si mulieres pro aliqua licita causa à propriis viris fuerint separate, tota dos ipsis reddatur.

Ubi notandum 1. Quia dos est accessoria ad matrimonium, datur enim ad sustinenda onera illius, c. *Salubriter. 16. de usuris;* ideo dissoluto matrimonio, propter consanguinitatem, affinitatem, vel simile impedimentum Canonicum, quod ignorabatur subesse inter contrahentes, dos restitui debet mulieri, quia cum inter illos non fuerit verum, & legitimum matrimonium, rectè præcipitur dos restitui, quippe quæ sine matrimonio consistere non potest, *Gl. hic in casu, & Abb. in princ.* quæ expositio etsi in se vera sit, non tamen congruit litteræ textus, quia loquitur de illis mulieribus, quæ à propriis viris sunt separate, quæ verba non de putativis viris, qui proprii viri non sunt, sed de veris conjugibus sunt intelligenda, *Barb. hic n. 7.*

Notandum 2. Si quæzatur, sitnè dos restituenda uxori, vel non? distinguendum est. utrùm culpæ mariti matrimonium judicio Ecclesiæ fuerit separatum, quoad totum, & mutuum cohabitationem: & tunc dos restituenda est uxori, qui est casus hujus cap. Vel an culpæ uxoris, ut si ipsa adulterium commisit, & tunc restitutio dotis ei fieri non debet, juxta c. *Plerumque. 4. h. t.* de quo infra. Nam quando matrimonium, ob culpam uxoris, auctori-

tate Ecclesiæ fuit separatum, nec dos restitui debet à viro uxori, nec alimenta ipsi præstari, durante causâ divortii: si vero neque culpâ viri, neque uxoris divortium sit factum, & ad tempus tantum, tunc etiam non debet uxori dos restitui, neque locum habet decisio hujus cap. Si denique perpetuum divortium sit factum, ex tacito pacto inter conjuges inito, tenetur quilibet eorum alteri restituere, quod ab eo accepit, *Barb. hic n. 5.*

XXVII. Notandum 3. Dos integra restitui debet uxori à marito, in casu hujus cap. Nam licet aliàs maritus non teneatur restituere uxori ultra id, quod facere potest, l. *Maritum. 13. ff. solut. matrim. l. Non tantum. 20. ff. de rejudic.* Hoc tamen privilegium juris, quod maritus habet, ut si condemnatur ad restituendam dotem uxori, teneatur solum data, quatenus commodè facere potest, ne egeat, competit, non putativis, sed veris maritis, quia id concessum est ob reverentiam maritalem, l. *unic. §. Cum autem. C. De rei uxor. act.* quæ nulla est in eo, qui nunquam fuit maritus, *Henric. Canis. in cit. c. 1. n. 2. h. t.*

Notandum 4. Quæ dicta sunt de restituenda dote, intelligi debent, si per errorem, & ignoranter matrimonium invalidum, ob impedimentum dirimens, sit contractum, tunc enim restitui debet, quidquid alter ab altero habuit. Si verò scienter contraxerunt, perdere debent, quidquid unus alteri dedit, idque fisco acquiritur, nisi per errorem, vel minorem ætatem exculerunt, l. *Qui contra. 4. Auth. Incestus C. de incest. nupt. Gl. hic §. Licita.*

Notandum 5. Non tantum dos tota, si reddi possit, sed etiam fructus dotis restitui debent, l. *In condemnatione. 127. §. 1. ff. de R. l.* non tamen debent restitui, nisi illi fructus, qui ante matrimonium obvenierunt, quia illi augent dotem, non autem illi, qui post matrimonium obvenierunt, & non augent dotem, nec restituuntur, sed sunt mariti propter onera matrimonii sustentenda, l. *Dotis. 7. in princ. ff. de jur. dotium Gl. hic §. Totam.*

XXVIII. *Quæritur 2.* An præter dotem, restitui debeant uxori etiam alia ejus bona? Resp. dissoluto matrimonio per divortium, non tantum dos à viro restituenda est uxori, sed etiam ultra dotem, omnia bona, seu lucra, quæ constante matrimonio communiter acquisita sunt utrique conjugi, æqualiter inter eos sunt dividenda, prout statuitur in c. *Significavit. 2. h. t.* ubi habetur, quod cum inter mulierem P. & virum H. quem ipsa loco viri tenebat, divortium fuisset solemniter, seu publice celebratum (ex causa licita, & justa, *Gl. hic §. Celebrato.*) dictus H. dotem ipsius mulieris detinebat, & reddere volebat: quin imò etiam possessiones, seu bona, quæ ipsis, dum simul viverent, communiter obvenierunt, quovis titulo, ipse vir sibi soli vendicare, seu retinere nitebatur. Quare mulier illa id conquesta est Papæ Urbano III. qui mandavit quibusdam Judicibus à se delegatis, ut si ita est, & nihil aliud obstat, dictum H. ad restitutionem dotis, & divisionem eorum, quæ olim communiter habuerunt, per Censuram Ecclesiasticam compellant.

XXIX. Notandum 1. Dissoluto matrimonio, ultra dotem, dimidia pars bonorum, quæ durante matrimonio ab utroque Conjuge sunt acquisita, mulieri

mulieri est restituenda, idque ratione tacite societatis intra eos iuit, per quam omnia bona toto tempore matrimonii acquisita, inter eos facta sunt communia. Id vero non ita accipiendum est, quasi jure communi inter conjuges contrahatur vera, & propria societas, per quam generaliter omnia bona, seu luera, constante matrimonio, acquisita inter eos fiant communia: nam talis communicatio bonorum per modum contractus societatis inducta, nullo jure communi, nec Canonico, nec Civili, inter conjuges reperitur constituta, ut ex veriore, & receptiore sententia docet Covarr. in 4. Decret. p. 2. c. 7. §. 1. num. 5. & alii apud Barbos. in Collect. hic num. 5.

Nec obstat textus hujus cap. in quo jubetur fieri divisio eorum bonorum, seu luorum, quæ durante matrimonio sunt acquisita. Nam est hic sermo de bonis, quæ conjugibus communiter obvenierunt, vel quia constante matrimonio, marito, & uxori fuerunt donata, vel quia ambo fuerunt ab aliquo heredes instituti, vel ambobus ab aliquo fuerunt res legatæ, vel quia ex utriusque conjugis pecunia emptæ sunt &c. Alex. de Nevo hic n. 6. & Barb. in Collect. ibid. n. 6. Unde in hoc c. non dicitur dari societatem inter conjuges, vel actionem pro socio eis competere, sed præcipitur divisionem bonorum fieri, quæ etiam, absque contractu societatis, per competentem actionem in rebus communibus à jure conceditur, l. si sit. 31. ff. Pro socio. Nec obstat etiam text. in c. Cum societas. 17. caus. 27. q. 2. ubi nuptiæ, seu matrimonium societas appellatur, quia non est talis societas, per quam communicantur bona, quales sunt civiles societates, sed matrimonium est societas, seu consortium omnis vite, & Divini, ac humani juris communicatio, l. 1. ff. de rita nupt. de qua etiam intelligi debet illud Gen. c. 3. Mulier, quam dedisti mihi sociam, Barb. hic n. 6.

Notandum 2. Et si dotis causa, si principaliter in judicium deducatur, ad Judicem sæcularem spectet, quia dos in se non est quid spirituale: si tamen accessorie, videlicet ratione matrimonii dissoluti, vel dissolvendi, dos restitui petatur, etiam Judex Ecclesiasticus rectè aditur, cum accessorium sequi solet naturam sui principalis, Reg. Jur. 42. in 6. quamvis in casu hujus cap. pro restitutione dotis non fuerit actum judicialiter, sed per denuntiationem Evangelicam ad tollendum peccatum, arg. c. Novit. 13. de Judic. nam postquam divorcium inter virum, & mulierem antè celebratum esset, liquidè apparebat, dotem à viro injustè detineri, & mediam partem bonorum communiter acquisitorum, durante matrimonio, uxori dandam esse; idèque Papa mandavit, per Censuram Ecclesiasticam (quæ ob peccatum tantum infertur) dotem restituendam esse, & mediam bonorum partem dividendam, ac dandam esse uxori, Henric. Canis. in cit. c. 2. n. 3. h. t.

XXX. Notandū 3. Si in casu hujus cap. dominiū dotis non fuit translatum in maritum, quia matrimonium non fuit validum: vel si fuit translatum, quia matrimonium fuit validum, ac proinde dominiū dotis fuit reversionum ad mulierem post mortem mariti, illa debet recuperare suam dotem, nisi aliud ob sit stat, nempe consuetudo, quod restitui non debeat, Gl. hic V. Non est aliud: vel quia mulier dotem amisit

propter adulterium, c. Plerumque. 4. h. t. de quo infra. vel pactum hinc inde æqualiter factum, vel exceptio rei judicatur, aut jurisjurandi opposita, Hostiens. hic in fine.

Notandum 4. Secundum consuetudinem quorundam locorum, vel etiam Constitutiones, seu Statuta. non solum luera, seu bona, constante matrimonio, inter veros conjuges acquisita, sed etiam inter putativos, qui bonæ fide contraxerunt, sunt communia utrique conjugi, & soluto matrimonio, æqualiter sunt dividenda, ac si matrimonium tenuisset: alioquin verò de jure communis sola dos est uxori restituenda, quia omnia alia bona præsumuntur acquisita ex bonis, & industria mariti, ut in muliere evitetur suspicio turpis quæstus, l. Quintus, §. 1. ff. h. t. & l. Etiam si. 6. in fine C. eod. nisi ipsa mulier contrarium doceat, ac probet, id, quod acquisivit, ad se pervenisse titulo hæreditariæ successionis, vel legati, aut fideicommissi, vel ex contractu aliquo cum alio iuito, quia per probationem contrarium eliditur, & cessat prior præsumptio; nam in certis non est locus conjecturæ, seu præsumptioni, l. Communi. 137. §. 2. in fine ff. de V. O. Abb. hic in fine, & Alex. de Nevo n. 6. & 7. sicut etiam Prelatus Ecclesiæ, siquid acquisivit, præsumitur intuitu Ecclesiæ, vel ex bonis illius acquisivisse, ne alioquin censetur ex negotiatione, quæ Clericis prohibita est, acquisivisse, nisi Prelatus quoque probet, se ea aliunde de acquisivisse, Henric. Canis. hic n. 3. & 2.

XXXI. Quæritur 3. An Judex, qui cognovit de matrimonio, possit etiam, ac debeat simul de dote cognoscere? Resp. affirmative, ut constat ex c. De prudentia. 3. h. t. Nam cum Pontifex Clemens III. causam matrimonii inter H. & M. quibusdam Judicibus terminandam commississet, illi, probata inter eos consanguinitate, sententiam divortii protulerunt; de dote autem, quam mulier à viro repetebat, nihil statuerunt. Quare Papa eisdem repetebat, quia illi, qui de matrimonio principaliter cognoverunt, etiam de dote, quæ est causa incidens, accessorie cognoscere valuisse, & per sententiam causam definire debuissent: idè eo mandatur, ut prædictum H. monitione præmissa, ad totam dotem dictæ M. (sicut justum fuerit, vel si nihil obstat, quod impedit, Gl. fin. hic) restituerent compellant.

XXXII. Notandum 1. Et si causa dotis in se sit merè secularis, adeoque de illa principaliter cognoscere inter personas laicas spectet ad solos Judices sæculares: incidenter tamen, & accessorie de ea cognoscere etiam Judex Ecclesiasticus potest, & præcipere, ac cogere, ut dos solvatur, quia qui cognoscit de principali, debet etiam cognoscere de accessorio, & incidenti. Ut si Judex Ecclesiasticus principaliter cognoscat de matrimonio, utrum sit validum, an non: vel an adfuit legitimæ causæ ad faciendum divorcium inter conjuges veros, vel putativos, potest simul præcipere, ut dos solvatur marito, vel ut maritus eam restituat uxori (& quidem totam, si totam possit restituere, habita ratione, ne egeat, Gl. fin. hic) Molin. tract. 2. de justit. dis. 443. n. 2.

Non obstat cap. Causam quæ. 7. Qui filii sunt legitimi, ubi de causa legitimorum natalium principaliter agebatur coram Judice Ecclesiastico, virtute Refricti

pti Apostolici, & accessorie de restitutione terrarum, quibus altera pars fuerat spoliata: & ramen deciditur, Judicem Ecclesiasticum de sola quaestione legitimis posse cognoscere, & iudicium de possessione terrarum Regi, seu Potestati seculari esse relinquendum. Ad quod responderetur, etsi aliqui existimant, causam doris etiam principaliter motam esse mixti fori, ita ut inter Judicem Ecclesiasticum, & secularem sit locus praeventioni, & ideo potuisset Judicem Ecclesiasticum in hoc cap. de praedicta causa doris cognoscere, & super ea pronuntiare: ut tamen rectius percipiatur verus intellectus, seu expositio *cit. c. De prudentia*, advertendum est, causam dotis, de qua hic agitur, non esse proprie incidentem, quasi ad decidendam causam principalem esset necessaria, sicut quaestio statūs, juxta *l. Quoties. 3. C. de Iudic.* sed esse omnino dependentem ex valore matrimonii, vel nullitate: ac proinde ad Ecclesiasticum Judicem pertinet de ea cognoscere, juxta decisionem *cit. c. De prudentia*. Si verò principaliter agatur de dote inter laicos, ea causa ad Judicem secularem deferri debet, ut si soluto matrimonio, repeteretur dos ab haeredibus uxoris, vel si constante matrimonio mulier agat contra maritum vergentem ad inopiam, & ab eo petat dotem, vel si à viro petatur dos tanquam promissa.

Ex quo patet, Judicem Ecclesiasticum, non ex alia ratione cognovisse de dote, quam ratione incidentis, ut resolvunt DD. communiter apud *Barb. de Offic. Episc. alleg. 84. n. 29.* Neque etiam contrarium probatur ex *c. Per vestras. 7. h. i.* quia id loquitur de paupere, adeoque miserabili persona, de cuius causa posse Ecclesiasticos Judices cognoscere, omnes fatentur.

XXXXIII. Quod verò attinet ad *cit. cap. Causam quæ. 7. Qui filii sunt legis*, responderetur, causam dotis esse adeo conjunctam matrimonio, ut sine hoc dos consistere non possit, *l. 3. ff. de jure dotium*, ideoque Judex Ecclesiasticus, qui judicat matrimonium non valuisse, merito & consequenter etiam judicare debet, dotem esse restituendam, quæ necessaria dependentia non reperitur in haereditate, & multò minus in restitutione terrarum, de qua in *cit. c. Causam quæ*. Et ob hanc connexionem necessariam matrimonii cum dote, etiam Judex Ecclesiasticus, qui matrimonium nullum esse pronuntiavit, debet precipere, ut dos restituatur, tanquam aliquid inseparabiliter connexum cum matrimonio, quia de connexionem idem est iudicium, *c. 3. de Constit. Barbof. c. l.*

XXXXIV. Notandum 2. Si constante matrimonio mulier agat de dote, eamque petat, quia forte maritus dissipat bona sua, & vergit ad inopiam, vel quia mortuus est, regulariter debet causa illa agi coram Judice seculari, quia tunc causa dotis est principalis, quæ per se est temporalis, *Gl. hic V. Incidens*, licet etiam favore matrimonii tunc coram Judice Ecclesiastico agi possit, *Hosienf. in cit. c. De prudentia prope finem*.

Notandum 3. Dispositio hujus cap. habet locum, non solum quando plenarie, sed etiam summarie proceditur, quia etiam tunc Judex Ecclesiasticus, qui de causa principali summarie cognoscit, ut in proposito de matrimonio, rectè etiam pronuntiabit super accessorio temporali incidenter moto,

videlicet super dote, *Barb. in Collect. in cit. c. De prudentia. n. 3.*

Notandum 4. Quia mulier in casu *cit. c. De prudentia*, petebat sibi restitui dotem, tanquam accessorium principali quaestioni, ideo debuerunt Judices delegati pronunciare super dote, non quidem auctoritate primi Rescripti, seu mandati, quia cum hi Judices delegati semel officio functi sint super principali, desinunt esse Judices, sive bene, sive male judicaverint, *l. Iudex. §. 5. ff. de re judic.* sed auctoritate posterioris mandati, sive *cit. c. De prudentia*, procedere debent; quia cum tunc nihil statuerint de accessorio, sive dote, non videtur, quòd per primas litteras procedere possint super accessorio, nempe dote, *Gl. hic V. Incidens in fine*. Potest autem dos peti propria actione, videlicet conditione, sine causa, *l. fin. ff. de Condict. sine causa*, quæ cum omnino distincta sit à causa matrimonii, rectè coram iisdem Judicibus proponitur, *Henric. Canif. in cit. c. De prudentia. h. t. n. 2.*

§. VI.

De amissione dotis propter adulterium uxoris.

XXXXV. De hac agitur in *cap. Plerumque. 4. h. i.* ubi Clemens III. ita rescribit: si mulier, ob causam fornicationis, (quod est nomen generale continens in se adulterium, & omnem illicitum coitum, *c. 2. §. Cum ergo causi. 36. q. 1.*) iudicio Ecclesie, aut propria voluntate à viro recesserit, nec reconciliata postea eidem fuerit, dotem, vel dotalitium repetere non valet.

XXXXVI. Notandum 1. Mulier propter adulterium amittit dotem, eamque vir lucratur, ut ex hoc cap. probat *Covarr. in 4. Decret. p. 2. c. 7. §. 6. n. 1. Sanch. l. 10. dif. 8. n. 2. Farinac. in praxi crimin. p. 5. q. 142. n. 1. & seqq.* & alii communiter. Ratio est, quia per adulterium infertur conjugii innocenti gravis injuria, & ideo in poenam uxoris delinquentis, statuitur, ut uxor adultera, præter alias poenas, amittat dotem, & maritus illam lucretur, *Aub. si liceat matri, & avie. c. §. Quia plurimas coll. 8.*

XXXXVII. Porro hæc Constitutio, quòd mulier amittat dotem propter adulterium, extenditur etiam ad privationem donationis propter nuptias, *Clarus libr. 5. sentent. 5. Adulterium. num. 12.* Extenditur 2. Quòd uxor adultera, propter adulterium, non solum amittat dotem, sed etiam bona paraphernalia, quæ habet, præter dotem, ad quæ restituenda uxori tenetur maritus, *Gl. hic V. Dotalitium, Covarr. c. l. num. 2. Clarus c. l. n. 15. & alii.* Verum *Abb. in cit. c. Plerumque hic n. 8.* ait, appellatione dotis, vel dotalitii, in propria significatione, non venire bona paraphernalia, quia in materia poenali verba non debent extendi, sed potius restringi. Unde ipse per dotalitium hincintelligit pretium, seu æstimationem dotis, ita quòd mulier adultera dotem perdat, vel ejus pretium, seu æstimationem, ut quia dos data est in iis rebus, quæ numero, mensura, vel pondere, constant, vel cum res æstimatee dote sunt in dotem, ac proinde cum hic dicitur, quòd mulier dotem, vel dotalitium repetere non

valebit, intelligi debeat per dotem res ipsa dotalis, per dotalitium ipsius pretium, sive æstimatio, quæ expositio videtur probabilior, *Henric. Canis. hic num. 3.*

Extenditur 3. Quod mulier propter adulterium perdat dotem, &que vir acquiritur, non solum, si sit vera uxor, sed etiam si purativa solum, quia matrimonium est nullum, propter impedimentum consanguinitatis, vel affinitatis, vel aliud dirimens, ut docet *Covarr. c. l. num. 1. Clarus cit. §. Adulterium. n. 14. Farinac. in praxi crim. p. 5. q. 142. n. 16. & alii.* Nam quamvis tale matrimonium sit nullum, adeoque non possit dici revera esse commissum adulterium à muliere: considerari tamen hic debet status matrimonii, qui erat tempore commissi criminis, saltem putative, & prava intentio ipsius mulieris, quæ, postquam declaratum fuit matrimonium nullum, excusari non potest, nec postquam per sententiam dote privata fuit, eam repetere potest, *Clarus c. l. n. 14.*

XXXVIII. Notandum 2. Quando vir, post commissum ab uxore adulterium, sciens tacuit, uxorem in domo retinuit, &que ut conjugi cohabitavit, & reconciliatus fuit: tunc censetur actionem, quam habebat ad petendum divortium, & privationem dotis, tacite remisisse, prout colligitur ex *cir. c. Plerumque*, argumento à contrario sensu ducto ex illis verbis: *nec reconciliata postea sit eidem, Sanchez cit. dis. 8. n. 21. Farinac. cit. q. 142. num. 68. & alii apud ipsum, ubi n. 69.* addit, id procedere, etiam si reconciliatio sit secuta post cæptum iudicium super amissione dotis, imò etiam post latam sententiam.

Notandum 3. Si è converso maritus commisit adulterium, uxor quoque recuperat dotem, & lucratur donationem propter nuptias, *l. Consensu. 8. §. Signa igitur, & §. Si verò causam. C. De repudiis, Auth. P. liceat matri &c. §. Quia plurimas, Farinac. c. l. n. 35.* Ipsa verò uxor, etsi accusata de adulterio, dotem amittit, potest tamen contra virum excipere de eodem adulterio, & sic unius adulterium cum altero compensatur, *Farin. c. l. n. 39.*

Notandum 4. Quando maritus consensit in adulterio uxoris, & multò magis si ipse leno exitit, & illam prostituat, tunc non lucratur dotem, & si conventus ab uxore excipiat de adulterio, ipsa replicabit de lenocinio, *l. Cum mulier. 47. ff. solus mar. Farin. c. l. n. 79.*

XXXIX. Notandum 5. Si maritus, & uxor habeant liberos ex eodem, vel alio matrimonio, tunc maritus non lucratur dotem, nec uxor donationem propter nuptias, sed ista reservantur liberis adulteris, post mortem uxoris: nam dum vivit maritus, ad ipsum ususfructus pertinet, *Farinac. c. l. n. 23. & 95.*

Notandum 6. Propter adulterium uxor amittit dotem, non ipso jure, sed per sententiam Judicis, de quo videri possunt, quæ tradit *Sanch. cit. dis. 8. n. 13.* Et hinc ante sententiam Judicis, non tenetur uxor adultera restituere dotem in conscientia, sed potest uti jure retentionis.

Notandum 7. Uxor, propter adulterium, dotem amittit, quando propria voluntate, & absque alia iusta causa, nisi quòd virum timet, propter commissum adulterium, ab ejus domo recessit, *cir. c. Plerumque*, ibi: aut propria voluntate à viro recesserit, *Sanch. cit. dis. 8. num. 13. Persic. Sed huic doctrina.* Secus, si recessit à domo viri, non sua propria voluntate, sed viri, qui eam ejecit è domo propter fornicationem, seu adulterium; tunc enim dotem non amittit, *Gl. in cit. c. Plerumque. V. Propria voluntate, Farin. c. l. n. 29. & 30.*

§. VII.

An viro, qui ad inopiam vergit, petenti dotem ea tradenda sit sub cautione?

XL. De hac questione agitur in *c. Per vestras. 7. h. t.* ubi talis casus proponitur: Raynaldus certam quandam pecuniam luminam promiserat Herennio pauperi in dotem, nomine uxoris suæ. Ille convenitur super ea re coram delegatis S. Pontificis, ut dotem solveret, duplicem exceptionem opposuit, unam, quòd Herennius uxorem suam à se repulerat, (& ideo audiri non debuit, nisi prius ipsam restitueret, *c. Ex conquisitione. 10. de restit. spo. l. & c. ult. de ord. cognit. Gl. hic V. Repulerat*) aliam item exceptionem opposuit, quòd Judices delegati, tacite veritate, essent impetrati. Idque ex eo constabat, quia cum alia vice, coram Consulibus Civitatis Genuensis, super eadem dote questione mota esset, ipsi pronuntiarent, ut quia idem Herennius ad inopiam vergere videbatur, dos non assignaretur eidem, nisi idoneam cautionem præstaret, dotem uxoris salvam fore. Itaque delegati Judices præceperunt, ut Herennius in ea caveret, & uxorem suam reciperet. Sed quia is idoneè cavere non potuit, consultus S. Pontifex Innocentius III. rescribit: Cum satis possit ei modicum dotis credi, qui corpus uxoris est credidum, ideo mandat dicto Herennio dotem assignari, isque eam, quam posset, cautionem præstet: vel, saltem ut alicui mercatori dos committatur, & Herennius interim partem honesti lucris ex illa percipiat, pro sustinendis matrimonii oneribus, ne occasione dotis detentæ, uxor dimissa à viro, vel etiam vir eam dimittens reatam adulterii incurrat.

XLI. Pro explicatione hujus cap. notandum 1. Ecclesia, sive Jux Ecclesiasticus potest se ingerere, sive de dote cognoscere, non solum in favorem viuarum, ut in *cap. Nuper. 6. h. t.* sed etiam in favorem mariti petentis dotem sibi promissam, ut colligitur ex hoc cap. quamvis etiam dici possit, quòd isto actor fuerit pauper, & miserabilis persona, & ideo potuit convenire alium coram Juce Ecclesiastico, *c. Super quibusdam. 26. in fine de V. S.* Reum autem conventum fuisse laicum, patet ex eo, quòd prius conventus fuerat coram Consulibus Civitatis Genuensis, *Abb. hic n. 3. Alex. de Nevo n. 2.*

Notandum 2. Licet ex hoc cap. colligi videatur, uxorem à marito expelli posse, & separari à conjugali consortio, & cohabitatione, si dos promissa soluta non fuerit, ex qua ferre debet onera matrimonii, *c. Salubriter. 16. de usuris.* ac proinde potest ea nolle sustinere, si non habeat unde emolumenta sumat, ut docet *Abb. in cit. c. Per vestras. n. 4. Alex. ibid.*

ibid. num. 3. Contrarium tamen rectius dicitur, ut docet Covarr. in 4. Decret. p. 2. c. 7. in princ. n. 2. Molin. rr. 2. de just. dif. 435. n. 4. Sanch. l. 9. de matr. dif. 5. n. 17. & alii apud ipsum. Idque probatur primo, quia jus cohabitandi non oritur ex solutione dotis, sed ex lege naturali, & Divina, & ex ipso contractu matrimonii, sicut & obligatio reddendi contra conjugale: quemadmodum ergo ob non solutam dotem vir non eximitur ab obligatione reddendi debitum, ita nec liberatur ab obligatione cohabitandi uxori. Secundò Christus Matth. 5. prohibuit, ne dimittatur uxor, exceptà causà fornicationis: non solutio autem dotis non numeratur inter causas divortii in c. Porro. 3. de divort. Tertiò, quia dos datur ab uxore, ut uxor ex ea alatur; at verò finis præcipuus cohabitationis est, non ut uxor à viro alatur, sed ut conjuges mutua obsequia sibi præstent, ad generationem proles, & commodam ejusdem educationem, qui finis non cessat, etiam si dos non solvatur, adeoque etiam non cessabit obligatio cohabitandi. Neque verò in cit. c. Per vestras, dicitur, quòd liceat uxorem domo expellere, ob dotem non solutam; sed supposità expulsiōe uxoris, sive iustà, sive iniustà, respondet Papa ad principalem quæstionem de cautione dotis præstanda, nec enè: neq; verò in casu hujus cap. uxor petiit se restitui ad cohabitandum; si enim id petiisset, ante omnia restituenda fuisset, Sanch. cit. loc. n. 18. Barbo. hic n. ult. Neque etiam obstat, quòd vir sine dote non obligatur ad subeunda onera matrimonii, quia ad hoc dos ei datur, l. Pro oneribus, 20. C. de jure dot. Sed respondetur, etsi vir ob dotem promissam non solutam, possit uxori alimenta negare, nec teneatur eam alere: non tamen ob dotem non solutam, potest ei denegare cohabitationem, adeoque neque illam ob hanc causam expellere ex domo, quia ad cohabitandum obligatur, ex vi contractus matrimonialis, quo uxorem individuum sibi vitæ sociam conjunxit, Sanch. c. l. Unde Jure eximunt quidem maritum ab onere alendi uxorem, ob dotem promissam non solutam: non tamen eximunt ab obligatione cohabitandi, quia ea non penderet à dotis solutione, Sanch. c. l. n. 18. in fine.

XLII. Notandum 3. Si maritus vergat ad inopiam, etiam sine culpa sua, potest uxor agere ad dotem, eamque petere, prout sumitur ex hoc cap. & l. Si constante. 24. in princ. ff. solut. matrim. & tradit Abbas hic n. 12. Idemque est, si maritus incipiat dissipare bona sua, iisque inale uti, cit. l. Si constante, & l. ubi adhuc. 29. C. de jure dot. potestque his casibus uxor non solum agere contra maritum, & repetere dotem, sed etiam, & multò magis contra eum excipere petentem dotem, ut in hoc cap. quia Jus timet, ne in his casibus dos consumatur. Similiter etiam potest uxor, in his casibus, agere contra maritum ad donationem propter nuptias à marito ei factam petendam, cit. l. ubi adhuc. C. de jure dot. Abb. in cit. c. Per vestras n. 12. h. 1.

Notandum 4. dos non debet tradi viro ad inopiam vergenti, nisi cautionem idoneam præstet de dotis securitate, sicut præstet per fidejussores, vel pignora: si tamen talem cautionem præstare non possit, sufficit, ut præstet, quam potest, ut habetur in hoc c. scilicet juratoriam, Gl. hic P. Quam potest. Veruntamen Abb. hic ait, quòd hoc non potest intelligi de cautio-

ne juratoria, quia illam potest quilibet præstare, quantumvis sit pauper: hic autem dicitur, exigì à marito cautionem, qualem potest præstare, ergo supponitur, illum præstare debere cautionem talem, qualem præstare potest, pro qualitate bonorum suorum. Unde licet aliàs non possint fidejussores intervenire pro dote restituenda, ne oriatur perfidia inter conjuges, tot. tit. C. Ne fidejussores dotium dentur: id procedit, nisi maritus vergat ad inopiam; tunc enim licet possunt intervenire fidejussores pro dote ab ipso solvenda, & restituenda, Abb. hic n. 13. ubi ait, quòd in casu hujus cap. si maritus potuisset præstare cautionem fidejussoriam, vel pignoratitiam, fuisset obligatus ad illam præstandam, & sic potuisset intervenire fidejussor pro dote restituenda.

XLIII. Notandum 5. Si maritus sufficientem cautionem præstare non possit, tum conceditur, ut dos apud mercatorem aliquem deponatur, à quo maritus tantum lucri honesti accipiat, quantum ad sustinenda onera matrimonii est necessarium, ut habetur in cit. c. Per vestras h. t. Sed jam hic quæritur, quo pacto fieri debeat, ac licite possit talis depositio dotis apud mercatorem? Io. Andr. hic n. 6. ait, quòd mercator cauebit de dote integraliter restituenda, & de certa parte lucri reddenda, ita ut compensato lucro cum damno, de eo quod superest ex lucro, solvatur marito pro oneribus matrimonii sustinentis, §. De illa Instit. de Societate. Verum clariùs hoc explicat Alex. de Nervo in cit. c. Per vestras. n. 11. Nam vel quæritur, an liceat, proprià auctoritate, deponere pecuniam dotalem apud mercatorem, ut salvà summâ capitali, ex ea percipiatur honestum lucrum: & hoc non licet, sed esset usura, quia quando duo simpliciter contrahunt societatem, videtur actum, ut damnum, & lucrum utrinque æquale sit, l. Si non fuerint. 29. §. Aristof. Pro socio, ubi dicitur, societatem talem iniri non posse, ut alter lucrum tantum (scilicet totum) alter damnum tantum sentiret. Neque verò in hoc c. contrarium deciditur, quia non dicitur, quòd Capitale debeatur esse salvum. Vel quæritur, an Juxta, cujus arbitrio, & auctoritate dos, seu pecunia dotalis committitur mercatori, seu penes eum deponitur, possit hoc facere: & hoc est licitum, quia Juxta hoc facit, auctoritate hujus Canonis, ad conservandam pecuniam dotalem, & ut provideatur viro sustinenti onera matrimonii, ne occasione dotis detentæ, uxor à viro dimissa, vel vir dimittens in adulterium incidat, ut habetur in textu, ubi etiam mandatur, & commissio fit Judici de dote deponenda apud mercatorem, Alex. hic n. 12. in fine. Porro licet in cit. c. pen. de sololucro mentio fiat, idem tamen de damno proportionaliter intelligendum est, quia honestum lucrum dici non potest, quòd ab eo prætenditur, qui nullum damnum sentit, seu subit, juxta l. Cum duobus. §. 2. §. Damna. ff. Pro socio. Barb. in Collect. ibid. §. Mercatori in fine.

Notandum 6. in cit. c. pen. h. t. statuitur, alternative, & sub disjunctiōe, ut vel maritus, sub cautione, quam præstare potest, reddat dotem uxori, eam repetenti: vel ut dos deponatur apud mercatorem. Idque relinquendum est arbitrio Judicis, ita ut si videat sufficere cautionem, eam fieri jubeat; si verò videat non satis esse cautum doti uxoris, faciat eam

eam deponi apud mercatorem, *Abb. hic num. 14.* quia in alternativis optio datur Judici, nisi verba dirigantur ad partem, ut notat *Abb. inc. Acre-*

pula. 14. num. 4. de vita, & honest. Cleric. Plura de dote videri possunt apud Legistas, ad quos hæc magis pertinent.

T I T V L V S XXI.

DE SECUNDIS NUPTIIS.

I.

Quia dissoluto primo matrimonio, solet fieri transitus ad secundum, ideo subiicitur iste Titulus de secundis nuptiis. Non tantum autem secundæ nuptiæ approbantur ab Ecclesia; sed etiam tertiæ, quartæ, & ulteriores, ita ut non solum bigamus, sed etiam trigamus, & octogamus quis fieri possit, c. *Aperiant. 11. & 2. seqq. caus. 3. 1. q. 1.* Idque constat ex c. 7. ad Roman. ubi dicitur: *quæ sub viro est mulier, obligata est legi: si autem mortuus est vir ejus, soluta est à lege viri: & 1. Cor. 7. si dormierit vir ejus, liberata est, cui vult, nubat.* Ratio est, quia cum primæ nuptiæ sint per mortem penitus dissolutæ, nullum possunt aliis nuptiis legitimè incedis impedimentum præstare, *Sanch. libr. 7. de matr. dif. 81. n. 2.*

§. I.

An coniux dubius de morte alterius, coniugis possit transire ad secundas nuptias?

II. De hac agit in c. *Dominus. 2. h. t.* Nam cum quidam Christiani in captivitate Saraceno- rum constituti, nondum habitæ de obitu sui conjugis certitudine, secundas nuptias contraxissent, re- scribit S. Pontifex Lucius III. ut nullus deinceps ad secundas nuptias transire præsumat, nisi prius ei constet de morte conjugis ejus. Si verò aliquis, vel aliqua id non servavit, & de morte prioris conjugis adhuc dubitet, ei, quæ sibi nupsit, debitum non denegat postulanti: sed ipse nullatenus illud exigat. Quod si postea priorem conjugem adhuc vivere constiterit, relictis adulterinis com- plexibus, ad priorem conjugem revertatur. Idque etiam statutum habetur in c. *In presentia. 19. de sponsal. supr. Tit. 1.* Et ratio est, quia matrimonium semel legiti- me contractum inter Christianos, cum sit Sacra- mentum, non nisi morte dissolvitur, c. 1. & 2. *caus. 32. 9. 7.*

III. Notandum 1. Captivus apud hostes potest contrahere matrimonium: nam quamvis mat- rimonium requirat maximam libertatem, contractum tamen à captivo, seu incarcerato valet, si vis non inferatur in contrahendo matrimonio, & multò magis alii contractus iniri ab incarcerato, ut patet ex hoc cap. ubi Papa permittit captivis apud Saracenos de- tentis matrimonio copulari, *Sanch. l. 4. de matr. dif. 12. n. 7.* Idque procedit, etiam si captivus sit servus, quia servitus nihil obstat contrahendo matrimonio, *Abb. hic n. 3.*

Notandum 2. Ob solam absentiam conjugis,

quantumvis diuturnam, non dissolvitur matrimo- nium, nisi constet de morte conjugis absentis, nec potest conjux ad aliud matrimonium transire, nisi habita certitudine de morte conjugis alterius. Quod si tamen conjux dubius de morte prioris conjugis, de facto aliud matrimonium contraxit, nullo modo potest petere debitum, quia qui dubitat, an sit legitimus conjux, exigendo debitum, cum tali dubio, facit contra propriam conscientiam, quam habet ex probabili causa, c. *Inquisitioni. 44. in fine de sent. excomm. Gl. hic V. Nullatenus:* neque potest quis uti re, de qua dubitat, an sit sua. Tenetur tamen reddere debitum ei, qui bonâ fide contraxit; non enim debet iustâ suâ possessione privari ob malam fidem alterius, quam- diu non constat, matrimonium fuisse nullum: nemo enim debet jure suo, sine sua culpa, privari, c. *Discre- tionem. 6. de eo, qui cogn. confang. & c. Sanch. l. 2. de matrim. dif. 42. n. 2. & 4.* Porro si quis dubitet, an prior conjux adhuc vivat, vel an obierit, non ideo matrimonium statim est dissolvendum, quia in cit. c. 2. h. t. dicitur, sic dubitantem teneri reddere debi- tum, quod est actus matrimonii, non autem posse reddere, si matrimonium esset irritandum: deinde quia ibi, & in c. *In presentia. 19. de sponsal. de ceditur,* non licere ad alias nuptias transire, donec constet de priorum dissolutione, ergo dum dubium est, an tale matrimonium sit validum, non debet dissolvi, alias non posset reddere debitum, *Sanch. cit. dif. 42. n. 5.* si denique uterque malâ fide contraxit matrimo- nium dubicans de impedimento dirimente, neuter potest petere, nec reddere debitum, quia uterque malâ fide contraxit, adeoque est possessor malæ fidei, *Sanch. c. l. n. 8.*

IV. Notandum 3. Et si quis à principio, bonâ fide, contraxit matrimonium, postquam tamen cer- tior factus est de vita prioris conjugis, adulterium committit, nisi secundam uxorem statim dimittat, quamvis ab initio in dolo non fuerit, ut constat ex cit. c. 2. in fine h. t. & tradit *Abb. ibid. n. 5. & Alex. de Novo n. 6.* Ceterum non debet Judex Ecclesiasticus mulieri, vel viro concedere facultatem transeundi ad secundas nuptias, nisi per certum nuntium constiterit de morte prioris conjugis, etiam si per XV. annos, vel plures, absuerit. *Reginald. apud Barb. in cit. c. 2. num. 4.*

Notandum 4. Si compertum fuerit, mulierem duos viros simul habere: tunc ea primo viro restitui debet, & si ad eum redire recusaverit, excommuni- canda est, donec redeat, *Farin. in praxi crim. p. 5. q. 140. n. 32.* & alii apud ipsum, ubi addit, idem esse de viro habente duas mulieres. Porro plura de hac re, qualis certitudo sit necessaria de morte prioris conjugis, ut transire liceat ad alias nuptias dicta sunt supra Tit. 1. *sec. 5. §. 2. à n. 13. 1. usque ad n. 135. inclusive hoc libr.*

§. II.

*An si mulier, post mortem viri, trans-
eat ad secundas nuptias intra annum
luctus, incurrat infamiam, vel
alias pœnas Juris?*

V. De hac questione agitur in duobus capp. h. e.
Inprimis in cap. Super illa. 4. ubi consultus Ponti-
fex Urbanus III. an mulier possit, sine infamia,
nubere, infra tempus luctus secundum leges de-
finitum (in l. 1. ff. De his, qui nos, infam. & l. 1. C.
de secund. nupt.) Respondet Papa, cum Apostolus
dicat: mulier viro suo mortuo, soluta est à lege viri
sui, in Domino nubat, cui voluerit, per licentiam,
& auctoritatem Apostoli, ejus infamia aboleretur
quæ licentia intelligitur intervenire, eo ipso,
quod non prohibetur, Gl. fin. hic.

VI. Similiter in c. Cum secundum, §. & ult. h. t.
rescribit S. Pontifex Innocentius III. ob causam
in prior cap. expressam, mulierem non debere le-
galem infamiam sustinere (quam insitit lex vi-
ri, quæ nubit infra annum) quia licet post viri obi-
tum, infra tempus luctus (scilicet infra anni spa-
tium) nubat, concessa sibi tamen ab Apostolo uti-
turi potestate: cum in his (scilicet matrimonii
contrahendis) Leges seculares non dedignentur
SS. Canones imitari.

Hinc patet, et si secundum Leges Civiles, mulier,
quæ nubit intra annum primum post obitum viri,
fiat infamis, ut infra dicetur; non tamen de Jure Ca-
nonico, secundum quod permittitur mulieri, ut sta-
tim marito mortuo, liberam habeat potestatem nu-
bendi alteri, absque ulla infamie nota, idque pro-
batur auctoritate Apostoli ex c. 7. Ad Roman. & l.
Cor. 7. allegatâ in cit. c. pen. & ult. h. t.

VII. Jam ergo pro declaratione utriusque hu-
jus cap. quæritur 1. Quæ sint pœnæ Jure Civili sta-
tutæ in fœminas viduas transeuntes ad alias nuptias
intra annum luctus? Resp. plures sunt hujusmodi
pœnæ. Prima est, ut vidua nubens, intra annum
à die mortis viri computandum, efficiatur infamis,
l. 1. in princ. C. h. t. Idque statutum, ut evitetur tur-
batio sanguinis per secundum matrimonium, & in-
certitudo prolis, fortè enim mulier illa ex priore
marito concepit, l. Liberorum. 1. ff. De his, qui nos,
infam. quæ ratio cessat in marito; ideoque nulla in-
famia in eam, quocunque tempore, post mortem
prioris conjugis, ad alias nuptias transeat, est statu-
ta, Causis in cit. c. pen. n. 1. h. t. Secunda pœna est, ut
secundo viro non possit dare in dotem, nec in ultima
voluntate, ultra tertiam partem bonorum suorum,
cit. l. 1. imò nec inter vivos ultra donare, Gl. ibid. V.
Testamento. Tertia pœna est, ut sit expertus cuscus-
que hæreditatis, legari, fideicommissi, supremâ vo-
luntate relictorum, vel mortis causâ donationis, cit.
l. 1. C. eod. Quarta pœna est, privatur mulier nubens
infra annum, omnibus relictis à viro in ultimâ vo-
luntate, quoad proprietatem, & usumfructum, cit.
l. 1. Quinta pœna est, tenetur dare medietatem bo-
norum filiis prioris matrimonii, l. Siqua mulier. 4.
C. Ad SC. Tertull. Plura de his videlicet possunt apud
Sanch. l. 7. de matr. dif. 87.

VIII. Quæritur 2. An prædictæ pœnæ statu-
tæ in fœminas secundò nubentes, intra annum lu-
ctus, non solum infamiz, sed etiam aliæ sint cor-
rectæ Jure Canonico? Resp. affirmative, adeoque
potest vidua, post mortem mariti, impunè transire
ad secundas nuptias quocunque tempore, idque
probat ex cit. c. ult. h. t. in quo, etsi solius infamiz
mentio fiat, ratio tamen ibi expressa etiam omnes
alias pœnas comprehendit, nempe quia concessa si-
bi ab Apostolo utitur potestate: neque enim æqui-
tas Canonica permittit, ut mulier, dum rem licitam
facit, & suo jure utitur, puniatur. Voluit etiam
Jus Canonicum consulere libertati matrimonii, &
dare potestatem viduæ transeundi ad alias nuptias
ad vitandam innocentiam; posset enim accidere, ut
vidua nollet intra illum annum nubere, ob pœna-
rum timorem, & tamen gravibus tentationibus car-
nis vexaretur, iisque frequenter succumberet, Sanch.
cit. dif. 87. n. 23. Quare cum prohibitio matrimonii
intra annum luctus sit abrogata, auctoritate S. Pau-
li, consequenter etiam pœnæ omnes et annexæ pa-
riter sunt abolitæ, cum sublato principali, etiam
accessorium censeatur abolitum, Reg. Jur. 42. in 6.

IX. Quæritur 3. quæ sint pœnæ Jure Civili
decretæ, in favorem filiorum prioris matrimonii, si
vidua transeat ad secundas nuptias, per quas hic in-
relliguntur non solum secundæ, sed etiam tertiæ,
& ultiores nuptiæ, ut constat ex l. Cum aliis. 4. &
ibi Gl. V. Suscepta viro. C. h. t. Resp. Prima pœna est,
conjug transiens ad secundas nuptias amittit pro-
prietatem omnium bonorum, quæ à conjugē de-
fundo acquisivit, eaque acquiruntur filiis prioris
matrimonii, solo usufructu retento, etiam si post
tempus luctui statutum transierit, l. Femina. 3. C. h.
t. Sanch. l. 7. de matr. dif. 88. n. 2. Secunda pœna est,
quod vidua secundò nubens non potest marito in
dotem dare, nec alio titulo ei relinquere quicquid
dedit uni ex filiis prioris matrimonii, cui minus
reliquit, l. Hac edictali. 6. in princ. C. eod. Sanch. c. l.
n. 3. Tertia pœna est, quod vidua secundò nubens
amittat tutelam filiorum, l. fin. & Auth. Sacramentum.
C. Quando mulier tutel. Offic. & c. & Auth. Vt sine pro-
hibitis. matres. §. Quia verò coll. 7. de qua plura Sanch.
c. l. n. 4. & pluribus seqq. Quarta pœna est, si vidua
tutrix filiorum, contra juramentum præstitum non
contrahendi secundas nuptias in susceptione tutelæ,
ad illas transierit, antequam à Judice tutelam filiis
petat, & rationem reddat susceptæ tutelæ, & exolvat,
quidquid debuerit, omnes pœnas incurrit, quæ
sunt statutz in mulierem secundò nubentem,
intra annum luctus, ut decernitur in Auth. De nu-
ptiis. §. Si autem tutelam. c. 40. coll. 8. & Auth. Eisdem
pœnis. C. De secundis nuptiis, Sanch. cit. dif. 88. n. 13.
Quinta pœna est, si mulier relicta sit à viro execu-
trix Testamenti, amittit illud munus, si ad secundas
nuptias transeat, quia officium Tutelæ, & executio-
nis Testamenti æquiparantur, Sanch. cit. dif. n. 14.
Sexta pœna est, quamvis filii apud matrem viduam
educari debeant, l. x. C. Vbi pupilli educ. deb. eo tamen
jure privatur, si transeat ad secundas nuptias, Sanch.
c. l. n. 16. & pluribus seqq. Plures alias pœnas refert
idem Sanch. c. l. n. 22. & pluribus seqq. quorum ta-
men quædam incertæ sunt, nec satis probari possunt.

X. Quæritur 4. An pœnæ in favorem filiorum
prioris

prioris matrimonij Jure Civili statuta in viduas secundò nubentes, post annum luctus, sint correctæ per Jus Canonicum? Resp. non esse correctas, quippe quæ in favorem filiorum sunt statuta, adeoque servandas esse in utroque foro, *Sanch. cit. dif. 88. n. 39.* & alijs apud ipsum. Ratio est, quia hujusmodi pœnæ non sunt melle pœnæ, sed potius provisio, seu dispositio Juris, in favorem filiorum; quia sæpissime contingit, ut parentes post transitum ad secundas nuptias, amore posterioris conjugii allekti, odio prosequantur filios prioris matrimonij, idèque illos, in quantum possunt, bonis privare volunt, ut ea relinquunt posteriori conjugio. Plures alia quæstiones circa hanc materiam fusè tractat *Sanch. l. 7. dif. 89. & 2. seqq.* quæ apud ipsum legi possunt.

§. III.

*An secunda nuptie sint benedicens,
& quam pœnam incurrat
Sacerdos benedicens?*

XI. Præmittendum 1. Benedictiones nuptiarum convenientissimè ab Ecclesia adhibentur. Unde Concilium Tridentinum *sess. 24. de matr. can. 11.* eos, qui benedictiones, & alias cæremonias in nuptiis adhiberi consuetas damnant, anathemate ferit. Sunt autem hæc instituta, tum ad Sacramenti honorem, & dignitatem, tum ad æctus matrimonij ritè peragendos, & ut in iis appetitus carnis refrænetur, *Sanch. l. 7. de matr. dif. 82. n. 1.*

Præmittendum 2. Præterea idem Concilium *sess. 24. c. 1. de reform. 5. Præterea*, in primis hortatur, ut conjuges, ante benedictionem Sacerdotalem in templo suscipiendam, in eadem domo non cohabitent, statuitque, benedictiones has à proprio Parocho fieri debere: neque à quoquam alio, nisi à proprio contrahentium Parocho, vel ab Ordinario licentiam ad prædictam benedictionem faciendam, alij Sacerdoti concedi posse, non obstante quacunque consuetudine etiam immemoriali (quæ potius corruptela dicenda est) vel privilegio. Quòd si quis Parochus, vel alius Sacerdos, sive regularis, sive secularis sit, etiamsi id ex privilegio, vel immemoriali consuetudine, licet contendant, aliter Parochiz sponso, sine illorum Parochi licentia, matrimonio conjungere, aut benedicere ausus fuerit, ipso jure tamdiu suspensus maneat, quamdiu ab Ordinario ejus Parochi, à quo benedictio suscipienda erat, absolvetur. Potest autem hanc benedictionem impetire Parochus, sive viri, sive mulieris, quia eodem verbo tenore in Trident. *c. l.* exigitur, ut proprius Parochus intersit matrimonio, & ut benedictionem conferat, sicut ergo ad prius sufficit Parochus utriusque contrahentis, ita & ad posterius, *Sanch. c. l. n. 4.*

Præmittendum 3. Est autem præceptum recipiendi benedictiones has nuptiales, ut colligitur ex *c. Nostrates. 3. & c. Sponsus. 5. caus. 30. q. 5.* Idque approbat Ecclesiæ consuetudo, juxta quam sponsi in omnibus Diocesium compelluntur benedictiones nuptiales recipere, quod non posset fieri, si solum esset consilium, ut fatentur omnes DD. apud *Sanch. cit. dif. 82. n. 6.* ubi addit, esse peccatum mortale, si ex contemptu omittantur, qui tunc fieri censetur,

quando quis omitteret has benedictiones, quia eæ nihili facit, ac si essent res viles, & vanæ; quamvis aliàs probabiliter secundum se, non sit peccatura mortale, si ex mera negligentia omittantur, quia non sunt Sacramentum, sed Sacramentale quoddam, nec tanti momenti, quanti sunt Sacramentalia, quæ præmittuntur ante Baptismum, *Sanch. c. l.* His præmissis.

XII. Quæritur nunc, an secundis nuptiis sit impetienda benedictio, & quam pœnam incurrat Sacerdos benedicens? De utraque hac quæstione extant duo Capitula in hoc Titulo. Et in primis in *c. Capellanus. 1.* statuitur, secundas nuptias non esse benedicens, & benedicientem puniendum esse; nam cùm quædam mulier, ut refert *Gl. in c. casu*, mortuo viro suo, ad secundas nuptias transiit, quidam Capellanus (sive Rector Parochiz) eamdem benedixit: sed quia secundæ nuptiæ benedici non debent, quæritur fuit, qualiter dictus Sacerdos puniri debeat? Respondet Papa Alexander III. & mandat Episcopo, ut Capellanium, qui benedictionem mulieri secundò nubenti impertivit, ab officio, & beneficio suspendat, & sic suspensum, cum litteris Episcopi, ad Sedem Apostolicam destinet, seu pro absolutione mittat.

Similiter in *c. Vir autem. 3. eod. tit.* retribuit Papa Urbanus III. quod vir, vel mulier ad bigamiam transiens (hoc est, ad secundas nuptias, per quas solet contrahi bigamia, *Hofstiens. hic v. Ad bigamiam*) non debet à Presbytero benedici, quia cùm alià vice (in primis nuptiis) jam sint benedicti, non debet eorum benedictio iterari.

XIII. Pro declaratione utriusque hujus cap. notandum 1. Si uterque, vel alter conjux in primis nuptiis benedictionem accepit, non debet in secundis nuptiis benedictio impertiri: secus autem, si neuter conjux in primis nuptiis benedictionem accepit, *Sanch. cit. dif. 82. n. 15.* Ratio est, quia cùm uterque, vel saltem alter conjux in primo matrimonio fuit benedictus, non debet iterum benedici in secundo, quia benedictio nubentium non debet reiterari; videretur enim quasi Sacramentum hujusmodi non fuisset collatum, vel quòd inefficax omnino fuisset, & sic fieret ei injuria, *Gl. in cit. c. Vir autem. v. Iterari.* Alia ratio, cur secundæ nuptiæ non sint benedicendæ, redditur à *S. Thom. in 4. sentent. dif. 42. q. 3. art. 2. ad 2.* quia scilicet, quanvis secundum matrimonium in se consideratum sit perfectum Sacramentum, habet tamen aliquem defectum Sacramenti, quia non plenè significat conjunctionem unius cum una, sicut primum matrimonium significat conjunctionem Christi cum una Ecclesia; & ideo secundum matrimonium non benedicitur, *Fagn. in cit. c. Vir autem. n. 5. h. t.* nam conjuges sunt benedicti in secundis nuptiis, si vel alter ipsorum tantum fuerit benedictus in primis, ut constat ex *cir. c. Vir autem. Abbas ibid. n. 3.*

XIV. Notandum 2. Quod dictum est, secundas nuptias non esse benedicendas, id intelligendum est, juxta *S. Thom. c. l.* quando nuptiæ sunt secundæ, & ex parte viri, & ex parte mulieris, vel ex parte mulieris tantum; si enim virgo contrahat matrimonium cum illo, qui priùs aliam uxorem habuit, secundæ nuptiæ iterum benedicuntur; salvatur enim tunc aliquo modo significatio conjunctionis Christi cum Eccle-

Ecclesia, etiam in ordine ad primas nuptias: Idq; servari in praxi, testatur *Covarr. in 4. Decret. p. 2. c. 8. §. 11. n. 2.* Sed hoc repugnat *civato c. Vir autem*, ubi dicitur, secundas nuptias non esse benedictandas, etiam si unus tantum ipsorum conjugum fuerit benedictus in primis nuptiis, quia cum benedictio nuptialis sit communis marito, & uxori, si vel unus eorum tantum fuit benedictus in primis nuptiis, non debet ea benedictio iterari in secundis, quia iteraretur in persona jam aliàs benedicta, ut notat *Abb. in cit. c. 3. n. 3. in fine, & Fagn. ibid. n. 6.*

XV. Ex dictis patet, quæ sit vera ratio, ob quam prohibetur benedictio conjugum in secundis nuptiis, non enim prohibetur benedicti ad exhortationem continentiz, & relinquendas secundas nuptias, quia hæc Jure Pontificio non improbantur: neq; etiam ne Sacramenta reiterentur, tum quia ea benedictio non est Sacramentum: tum etiam quia sola Sacramenta, quæ imprimunt Characterem, non reiterantur: neq; etiam quod benedictio semel accepta permaneat, & conjux, qui illam accepit, eam communicet alteri illi carenti: sicut aqua non benedicta permixta aquæ benedictæ tota fit benedicta, *c. Quid in dubiis. 3. de consecr. Eccles. vel Altar.* quia licet vir uxori communicet actiones spirituales, *c. Martinus. 4. de cognat. spir. rit.* non tamen passionem, *Abb. in cit. c. 3. n. 3. h. i.* Vera igitur ratio est, quod sive nuptiæ sint secundæ, ex parte viri, sive ex parte feminae, sive ex parte utriusque, sola benedictio in primis nuptiis accepta prohibetur, ne ea iteretur in secundis: idq; ne iteretur benedictio in persona semel benedicta, cum in illa benedictio maneat, & neuter conjux ab altero, benedicti possit: indecens enim esse videretur, ut solemnes rerum, vel personarum benedictiones, quales sunt consecratio Ecclesiæ, Altarium, Virginum, vel nuptiarum, in eadem persona iterentur, ne vilipendantur, quæ ratio redditur in *cir. c. Vir autem. n. 3. Alex. de Navo n. 4. Sanch. l. 7. de matr. dif. 82. n. 15. & 16.*

Neque verò textus Juris prohibentes secundas nuptias benedicti, sunt correcti per Concil. Trident. *sess. 24. c. 1.* ubi simpliciter est constitutum, nuptias esse benedictandas: quia id intelligendum est de primis nuptiis, non autem de secundis: vel si etiam de his, in casu non prohibito per Jus Canonicum, *Menoch. de arbit. Jud. casu 417. n. 2. Sanch. cit. dif. 82. n. 17.*

XVI. Notandum q. Pœna, quam incurrit Sacerdos benedictionem impertiens secundis nuptiis, est suspensio ab officio, & beneficio, juxta *c. 1. h. i.* quæ tamen non est suspensio ipso jure lata, sed à Judice ferenda, quia hic tantum præcipitur Episcopo, ut ipsum suspensum remittat ad Pontificem absolvendum. Quam pœnam esse ordinariam imposuit benedictioni secundarum nuptiarum jure interdictæ, putant plures DD. apud *Sanch. cit. dif. 82. n. 27. & 29.* Alij verò apud eundem *ibid. n. 30.* dicunt, eam suspensionem non esse pœnam ordinariam, sed arbitriam imponendam esse, id est, arbitrio Superioris commissam, pro loci consuetudine, & qualitate delicti, quæ ait esse frequentiore, & veriore DD. sententiam.

Quare textum in *cir. c. 1. h. i.* intelligunt, quando impenditur benedictio secundis nuptiis, nondum dissolutum primo matrimonio, sed initis priore conjugæ adhuc supersistite, quia non est verisimile, tam gravem pœnam esse impostam pro tam levi delicto, *Abb. in cit. c. 1. n. 5. & Alex. de Navo n. 5.* Quamvis addant, hoc non patere ex lectione antiqua, *Diaz. in pract. Can. crim. c. 78.* Alij verò dicunt, etsi intelligatur dictum cap. 1. de benedictione secundi matrimonii legitime contracti, Pontificem tamē statuisse eam pœnam in facto illo speciali, nec constituisse ibi jus, ut ea sit pœna ordinaria hujus delicti, *Abb. in cit. c. 1. n. 5. & Alex. de Navo ibid. n. 5. Sanch. c. l. in fine.*

XVII. Notandum 4. Spectatà verò consuetudine, an & quando liceat benedicere secundas nuptias, aliqui dicunt apud *Sanch. cit. dif. 82. n. 22.* in praxi receptum esse, ne secundis nuptiis benedictio impertiat, si uterque conjux, vel sola femina in primis nuptiis benedictionem accepit: secus si sola femina non suscepit: nam quando nulla benedictio, nec ex parte viri, nec feminae in primis nuptiis est impetrata, tunc ipsum jus in secundis benedictione permittit, & sic de consuetudine non est curandum. Alij verò censent, consuetudine nunc servari, ut semper conferatur benedictio in secundis nuptiis, qualitercunque sint secundæ, ex parte viri, vel feminae, quando alteruter conjux in primis nuptiis benedictionem non accepit, sive sit vir, sive femina: ac proinde spectatà hodiernâ consuetudine, sola secundarum nuptiarum benedictio prohibetur, quando uterque conjux illam accepit in primis nuptiis: nam ea consuetudo approbata est in Extravagante *Concertationi* Joann. XXII. quæ nondum typis edita est, sed refertur apud *Sanch. c. l. n. 23.* in qua declaratur, quod licet vir, vel mulier ad secundas nuptias transiens benedicti non debeat, cum aliàs sit benedictus: contrahentem tamen secum benedicti debet: quia si forsitan alter eorum, vel ambo ad secundas nuptias transiens in primis benedicti non fuerint, danda erit illis benedictio in secundis, & sic ubiq; servari ajunt DD. allegati apud *Sanch. c. l.* quamvis talis consuetudo, ut in secundis nuptiis benedictio impendatur, quando alter solus in primis benedictionem accepit, non obliget sub præcepto, sed possunt tunc benedictiones omitti in secundis nuptiis, ut notat *Sanch. c. l. n. 24.*

XVIII. Illud postremò hic addendum, licet *Gl. in cit. c. Vir autem in fine, & Joann. Andr. ibid. n. 7. Hostiens. V. Benedicti & Abb. nor. ult. & alij apud Sanch. cit. dif. 82. n. 18.* putent, consuetudinem circa benedictionem secundarum nuptiarum non valere, nisi ea, sciente S. Pontifice, imò etiam ex certa scientia eam approbante, sit inducta: contrariò tamen est probabilius, quod nec in Sacramentalibus requiratur, ut consuetudo inducatur, vel approbante S. Pontifice, sed posse etiam ipso ignorante, illam induci, per quam lex aboleatur, & transgredientes à culpa excusentur, quia in *cap. fin. de consuetud.* generaliter deciditur, consuetudinem rationabilem, & legitimè præscriptam habere vim abrogandi quamcunque legem, etiam Principe ignorante, cujus scientia ibi non requiritur, neque major ratio discriminis reperitur in Sacramentalibus, *Sanch. c. l. n. 20.* & alij apud eundem, ubi *n. 28.* addit, reservationem talis suspensionis Papæ factam jam esse sublatam.

INDEX GENERALIS

SYNOPTICUS, ET METHODICUS

RERUM, ET QUÆSTIONUM, QUÆ IN TITULIS LIBRI IV. DECRETALIU CONTINENTUR.

TITVLVS I.

DE SPONSALIBUS, ET Matrimoniiis.

SECTIO I. De Sponsalibus de futuro.

Sponsalia accipiuntur tripliciter. 1. Minus propriè pro archa, & muneribus, quæ à sponso spon-
sæ dantur. 2. Pro matrimonio rato, & nondum consummato: & hæc dicuntur sponsalia de præfenti.
3. Magis propriè pro futura matrimonii promissione, quæ dicuntur sponsalia de futuro, n. 1.

§. I. Quid sint sponsalia, & qua formâ, seu modo contrahantur?

ASSERTIO 1. Sponsalia sunt futurarum nuptiarum mentio, & repromissio, quæ promissio non debet esse merè interna, sed per verba externa, vel aliud signum manifestativum consensûs interni debet esse expressa. n. 2. Requiritur autem promissio non simplex, sed mutua, seu reciproca utriusque partis contrahentis. n. 3. Et plene deliberata, qualis deliberatio requiritur ad votum, n. 4. Neo debet esse ficta, sed vera, & seria promissio. n. eod. Cum sponsalia sint promissio futuri matrimonij, sequitur, quod concubitus cum alieno sponso, vel sponsa non sit adulterium. n. 5. Non tamen absolutè necessarium est, ut sponsalia præcedant matrimonium. n. 6. Aff. 2. Per quæ verba, aut signa contrahantur sponsalia? n. 7. Si verba, quibus promittitur matrimonium, sint dubia, ea secundùm communem verborum sensum sunt intelligenda. n. 8. Interdum signa supplent in sponsalibus verborum vices. n. eod.

§. II. Quam sint habiles, vel inhabiles ad sponsalia contrahenda, vel matrimonium?

ASSERTIO 1. Generatim loquendo, ab illis solis possunt contrahi sponsalia, inter quos aliquando consistere potest licitè, & validè matrimonium. n. 9. Aff. 2. in specie sponsalia, & matrimonia à furiosis, & amentibus, sive etiam cum illis contracta non valent. 6. Dilectus 24. h. i. ob defectum pleni, & deliberati consensûs, nisi furiosi lucida intervalla habeant. Similiter neque ab ebriis. n. 10. Aff. 3. Surdus tantùm, vel mutus tantùm, imò etiam surdus simul, & mutus possunt contrahere sponsalia, vel matrimonium, quia quicunque non prohibetur, admittitur, c. Cum apud. 23. h. i. Quòd si simul sit surdus, mutus, & cæcus, moraliter loquendo, & ordinariè non potest contrahere sponsalia, vel matrimonium. n. 11. Quo sensu Edictum de matrimonio contrahendo sit prohibitorium, vel permissorium? n. eod. Matrimonium contrahitur per legitimum viri, & mulieris consensum, verba autem experimentia consensum de præ-

senti sunt necessaria, quantum ad Ecclesiam, c. Tua 25. h. i. n. 12. declaratur n. 13. & 14.

§. III. Quomodo, & quando obligent sponsalia, & an etiam obligent, si gravi metu sine extorcia?

ASSERTIO 1. Sponsalia etiam clam, & sine testibus contracta obligant ex iusticia sub culpa lethali ad matrimonium contrahendum. n. 15. Aff. 2. Sponsalia obligant ad matrimonium contrahendum, tempore à contrahentibus præfixo: si autem nullum certum tempus sit constitutum, teneatur quisque contrahere, si alter petat, quamprimum commodè potest. n. 16. Aff. 3. qui sine legitima causa recusat implere sponsalium fidem, is potest post monitionem, per censuras cogi ad contrahendum matrimonium, sive sponsalia fuerint jurata, sive non, nisi gravia mala, & scandala inde timeantur, c. Ex litteris 10. h. i. num. 17. & 18. Aliquando tamen, qui cum iuramento promittit contrahere matrimonium cum aliqua, moneri potius debet, quàm compelli ad contrahendum, c. Requisivit. 17. h. i. num. 19. & 20. Aff. 4. Probabilius est, sponsalia de futuro, etiam per gravem metum iniuste incussum contracta, esse valida, donec per iudicis sententiam rescindantur. n. 21.

§. IV. An sponsalium contractui adijci possit pœna, vel arrha?

ASSERTIO 1. Pœna propriè dicta, quæ consistit in patrimonio diminuendo solvenda per eum, qui frangit fidem, adjecta sponsalibus est utroque iure irrita: Civilis & Canonico, c. Gemma 29. h. i. n. 22. etiam si pœna sit promissa à parentibus, vel consanguineis. Pœna autem inter omnino extraneos ipsis sponsis valida est: neque talis pœna iuramento firmari potest. n. 23. Item irrita est adiectio pœnæ, sive quis ex iusta causa à sponsalibus resiliat, sive iniuste, quamvis etiam probabiliter sit, quòd debeatur pœna sponsalibus adjecta, si quis hujusmodi ab illis resiliat, c. n. 23. Promissa verò pœna improprie dicta, quæ consistit in luctu amittendo, apposta ab ipsis contrahentibus irrita est, non item si apposta sit ab alijs. n. 24. Aff. 2. Non tantùm Jure Civilis, sed etiam Canonico intervenire possunt archæ in sponsalibus. n. 25. & cur sponsalibus, adijci possint arrhæ, non autem pœnæ? n. eod.

§. V. Utrum sponsalia clandestina jure novo sint irrita, & quomodo transiant in matrimonium?

ASSERTIO 1. Non est necessarium etiam post Concil. Trid. ut sponsalia de futuro curam parochi, & testibus contrahantur, sed etiam clam contracta sunt valida, imò & licita, per se loquendo. n. 26. Aff. 2. de jure antiquo Canonico, sponsalia de futuro per secretam copulam carnalem transeunt in matrimo-

num. 1. *Is qui* 30. *Et c. Veniens* 15. *h. t.* ubi habetur, quod sponsalia de futuro cum una contrahens, & postea cum alia de presenti, debet manere cum secunda, nisi cum prima rem habuerit, vel cum secunda ex gravi metu contraxerit. n. 27. Idque procedit etiam nunc in locis, in quibus decretum Concilij Trident. *Sess. 24. de ref. matr.* non est receptum; ubi verò est receptum, & promulgatum quoad matrimonia clandestina, non habent locum præsumpta matrimonia. n. 28. Quod si post sponsalia de futuro non sequatur copula, sed solum nusus, seu conatus ad illam, non est matrimonium præsumptum, *c. ult. h. t.* n. 29. Solvitur obiectio n. 30.

§. VI. De impedimento publicæ honestatis proveniente ex sponsalibus de futuro.

Quæst. 1. Quid sit impedimentum publicæ honestatis? Resp. est quædam quasi affinitas, seu propinquitas jure Ecclesiastico introducta, proveniens ex sponsalibus de futuro, ob publicam honestatem morum, *cit. n. 30.* Quæst. 2. An sponsalia à pubere contracta cum puella minore septennio pariat publicæ honestatis justitiam? Resp. si major septennio cum puella proxima septennio, in qua malitia supplet ætatem, contrahat sponsalia de futuro, oritur justitia publicæ honestatis. *c. Juvenis. 3. h. t.* maxime si carnalem copulam attentarunt, n. 31. & 32. Quæst. 3. An impedimentum publicæ honestatis oriatur ex sponsalibus invalidis? Resp. hoc impedimentum jure antiquo Canonico, oritur ex sponsalibus contractis inter consanguineos, quamvis nulla sint, seu invalida, etiam si intervenierit juramentum, *c. Ad audientiam. 4. h. t. n. 33.* Extenditur autem hoc impedimentum usque ad quartum gradum inclusivè, *c. Sponsam. 8. h. t. n. 34.* Quæst. 4. Utrum ex sponsalibus puris, & certis, et si invalidis, & an ex incertis, & conditionalibus inducatur impedimentum publicæ honestatis, ac justitiæ? Resp. impedimentum hoc oritur ex sponsalibus puris, & certis, licet illa sponsalia sint nulla, non tamen ex defectu consensûs, sed ex alio capite, v. g. consanguinitatis, affinitatis, vel Religiosæ professionis, *c. Un. h. t. in 6. n. 35. Et 36.* Item per posteriora sponsalia inita cum persona consanguinea prioris sponsi, aut sponsæ non oritur impedimentum publicæ honestatis dirimens priora sponsalia de futuro. n. 37. Ex sponsalibus contractis cum aliqua sub conditione de futuro non oritur impedimentum publicæ honestatis ante impletam conditionem, n. 38. Verum hodie post Concil. Trident. *Sess. 24. c. 3. de reform. matr.* oritur hoc impedimentum tantum ex sponsalibus de futuro validis: neque sponsalia etiam valida excedunt primum gradum consanguinitatis, tam in linea recta, quam transversa, *num. 39.*

SECTIO II. De dissolutione sponsalium.

§. I. Quas ob causas dissolvi possint sponsalia de futuro?

Quæst. 1. An sponsalia de futuro mutuo consensu contrahendum dissolvi possint? Resp. sponsalia puberum etiam legitime contracta possunt per mutuum sponсорum disensum dici. Idque extenditur etiam ad sponsalia juramento confirmata. n. 40. Requiritur tamen, ut sponsi simul mutuo consensu liberè, & non coactè sponsalia contracta dissolvant. n. 41. Quod si ij, qui sponsalia contraxerunt, purè,

& sine conditione, fide hinc inde datâ, deinde nolint matrimonium contrahere, admonendi sunt, ut datam fidem servant, non autem cogendi, sed tolerandi, ne deterius aliquid contingat, nempe ut illam quis ducat, quam odio habet, *c. 2. h. t. n. 42.* Aliter explicatur idem cap. n. 43. Quæst. 2. An, & qua ratione dissolvantur sponsalia priora per posteriora? Resp. sponsalia de futuro, etiam jurata dissolvuntur per secunda sponsalia cum alia contracta de presenti, non autem per secunda de futuro. Item sponsalia de futuro dissolvuntur, elapso tempore ad contrahendum matrimonium, præfixo, *c. Sicut. 22. h. t. n. 44. Et 45.* Duobus autem modis potest tempus adjici sponsalibus ad contrahendum matrimonium: vel ad restringendam, seu finiendam obligationem, ita ut nisi intra id tempus matrimonium contrahatur, resiliat liceat. Vel ad statuentiam, sive exequendam obligationem, nimirum ut nuptiæ tunc executioni mandari debeant, prout declaratur, n. 46. Quæst. 3. An dissolvantur sponsalia de futuro propter discessum, vel absentiam sponsi? Resp. Si sponsus discedat in partes remotas, sine licentia sponsæ, liberum est sponsæ alteri nubere: si tamen per eam stetit, quominus matrimonium consummaretur, præsentia ei imponenda est, *c. De illis. 5. h. t. n. 47.* Idque declaratur, n. 48. Si sponsus abijt, ob causam necessariam, expectandus est, donec justum impedimentum cesset: si verò ob justam causam voluntariam abijt, secundum Jus Civile expectandus est per biennium, si intra Provinciam; per triennium verò, si extra Provinciam versetur, *cit. n. 48.* quæ leges non sunt correctæ per Jus Canonicum, n. 49.

§. II. An, & qua ratione dissolvantur priora sponsalia de futuro per ingressum Religionis, vel suspensionem Sacri Ordinis?

ASSERTIO I. Sponsalia de futuro per ingressum Religionis approbatè dissolvuntur, securâ professione, n. 50. Dubitatur autem 1. An per ingressum Novitiatûs, etiam si professio non sit secuta, dissolvantur sponsalia? Resp. pars remansens in seculo liberatur ab obligatione sponsalium, ita ut possit cum alio matrimonium contrahere. At verò probabilius est, quod is, qui Religionem ingressus est, si iterum egrediatur, cogi potest, ut fidem sponsaliorum impleat, si sponsus, vel sponsa remansens in seculo ita voluerit, nec interim alia sponsalia inierit. *cit. n. 50.* Dubitatur 2. An per votum ingrediendi Religionem, ac profitendi dissolvantur penitus sponsalia prius inita, etiam jurata? Resp. dissolvi, adeoque talis sponsus potest Religionem ingredi, non prius contracto matrimonio. n. 51. Excipi debet, nisi necessitas cogere ad prius contrahendum matrimonium, quia sponsa aliàs gravem infamiam incurreret, *n. eod.* Is verò, qui juravit matrimonium contrahere cum aliqua, si vult ingredi Religionem, tutius est, ut prius contrahat cum illa, ut servet juramentum, & postea ante copulam carnalem Religionem ingrediatur, *c. Commisissum. 16. h. t. n. 52.* Idque declaratur n. 53. Dubitatur 3. An si quis non solum sponsalia cum Virgine contraxit, sed etiam sub spe matrimonii eam corripuit, possit ante contractum, vel consummatum matrimonium, Religionem ingredi? Resp. non potest, sed teneatur eam ducere. Sed quid si post

votum

notū Religionis a sponſo emiſſum ante ſponſalia, iſ ſponſam corripit, promittendo ei matrimonium, ceneſtūne eam ducere, non obſtante voto? Aliqui affirmant: ſed contraria ſententia non teneri illam ducere eſt communis, & in praxi recepta, n. 54. Aff. 2. Sponſalia de futuro prius contracta diſſolvuntur etiam per ſuſceptionem Ordinis ſacri, ſeu majoris, non autem per ſuſceptionem Ordinum minorum. Item probabilius eſt per votum ſacrum Ordinem ſuſcipiendi non dirimi ſponſalia prius contracta, nec illis aſtrictum poſſe licite promoveri ad Ordines ſacros, n. 55.

§. III. *Utrum priora ſponſalia de futuro ſolvantur per poſteriora ſuſcepto firmata, vel per matrimonium cum alia contractum? & an etiam per ſubſequentem fornicationem ſponſi, vel ſponſe?*

ASSERTIO I. Per ſponſalia poſteriora non ſolvuntur priora, etiam iuramento firmata, quia ſecunda ſunt invalida: ſponſalia tamen inita cum prima ſunt ſoluta, quia illa poſſet recedere, ſi velit, n. 56. An ſi cum poſteriore ſponſa ignara priorum ſponſalium carnalis copula ſit ſubſecuta, diſſolvantur priora ſponſalia? n. 57. Aff. 2. Sponſalia de futuro etiam iurata, ſolvuntur per ſponſalia de præſenti, ſive per matrimonium ſubſequens etiam non conſummatum, validè, etſi illicitè contractum cum alia, ſive iuramentum ſit appoſitum, ſive non, c. Si inter. 31. h. t. n. 58. Eſt autem probabilius hoc caſu ſponſalia per matrimonium ſubſequens cum alia contractū omnino extingui, & non tantum ſuſpendi, n. 59. Aff. 3. Solvuntur ſponſalia etiam iurata per ſequentem fornicationem ſive ſponſi, ſive ſponſe, ita ut innocens habeat jus ea reſcindendi, non autem nocens: quod etiam obtinet in fornicatione ſpirituali, ſi alteruter ſponſus in hæreſim incidat, n. 60. Quibus caſibus ſponſus poſſit, poſt fornicationem ſubſequentem, reſilire à ſponſalibus de futuro prius contractis, non autem ſponſa, n. 61. & 62.

§. IV. *An, & quâ ratione præterea diſſolvantur ſponſalia, ob ſupervenientem notabilem mutationem, ex parte ſponſi, vel ſponſe?*

ASSERTIO I. Solvuntur præterea ſponſalia propter quamlibet cauſam, vel notabilem mutationem ſupervenientem poſt ea contracta, etiamſi ſponſalia ſint iurata, n. 63. Aff. 2. Quænam in ſpecie ſint huiusmodi mutationes notabiles, ob quas à ſponſalibus recedere licet? n. 64. Non ſolum autem ob notabiles mutationes poſſunt reſcindi ſponſalia, ſi poſt illa, ſed etiam ſi ante illa inita extiterint, ſed ab altero contrahentium fuerint probabiliter ignorata, nam ijs poſtea cognitis, poſſunt reſcindi ſponſalia, etiam propriâ auctoritate, ſi cauſa diſſolvendi ſit moraliter certa, & manifeſta, n. 65.

SECTIO III. *De matrimonio ſecundum ſe, eſſeque eſſentia.*

Matrimonii quatuor ſunt nomina ſynonyma. Vocatur enim matrimonium, nuptiæ, connubium, conjugium, n. 66.

§. I. *Quid ſit matrimonium, & quodplex?*

ASSERTIO I. Matrimonium eſt maris, & feminae conjunctio individuum vitæ conſuetudinem retinens, n. 67. ubi explicatur hæc definitio. Aff. 2.

Titulus I.

Matrimonium dividitur in legitimū, ratum, & conſummatum, ſcilicet per carnis copulam, quæ tamen ad ſubſtantiam matrimonii non requiritur, quia nuptias non concubitus, ſed conſenſus facit, n. 68. Ad eſſentiam matrimonii non requiritur expreſſus conſenſus in carnalem copulam, ſed ſufficit implicite, & virtualiter in illam conſentire. Unde verum matrimonium fuit contractum inter B. Virginem, & S. Joſephum, non obſtante voto caſtitaſis, quia conſenſit in copulam carnis quoad poteſtatem, ſeu actum primum, non autem quoad actum ſecundum, ſeu actualem uſum illius poteſtatis, n. 69.

§. II. *De matrimonio, quatenus eſt Sacramentum.*

Quæſt. I. An matrimonium ſit verum Sacramentum? Reſp. 1. Matrimonium in lege naturæ, & Veteri Moſaica non fuit Sacramentum propriè dictum, ſed contractus naturalis, n. 70. Reſp. 2. Quamvis poſt legem Evangelicam, matrimonium inter fideles contractum non ſit Sacramentum, cum nullum ſubſiſtat Sacramentum ſine baptiſmo, qui eſt Sacramentorum janua: ſi tamen ambo conjuges ad fidem convertantur, tale matrimonium efficitur Sacramentum, ſtatim ac ambo conjuges baptizantur, ſitque inſolubile, n. 71. Reſp. 3. Matrimonium inter fideles, ſeu baptizatos eſt verè, ac propriè dictum Sacramentum novæ legis à Chriſto inſtitutum, quia eſt ſignum rei ſacræ, & viſibile ſignum unionis Chriſti cum ſponſa Eccleſia per charitatem, & conferens gratiam, n. 72. Eſt autem à Chriſto approbatum in nuptiis Canæ Galilææ, & inſtitutum, quando illius inſeparabilitatem præcepit, Matth. 19. dicens: *Quod Deus conjunxit, homo non ſeparet*, vel tempore 40. dierum, quibus poſt reſurrectionem ſuam ſæpius apparuit diſcipulis ſuis, n. 73. Reſp. 4. Matrimonium inter fideles, & baptizatos nunquam poteſt iniri ſine Sacramento, nec ab eo ſeparari: quare qui volunt ita contrahere matrimonium, ut nullo modo velint ſuſcipere Sacramentum, nihil agunt, quia ratio Sacramenti ex Chriſti inſtitutione eſt inſeparabiliter annexa contractui matrimonii. Unde etiam Aſtholici, non obſtante errore ſpeculativo, quo putant matrimonium non eſſe Sacramentum, ſuſcipiunt Sacramentum, ita ut eorum quoque matrimonium diſſolvi non poſſit, ſiquidem habent, vel habere debent intentionem contrahendi matrimonium, eo modo, quo ſolent ab antiquo illud contrahere fideles, & Chriſtiani, n. 74. Quæſt. 2. Quæ ſit materia, & forma Sacramenti matrimonii? Reſp. materia circa quam, ſeu remota ſunt ipſa corpora contrahentium, proxima verò, traditio corporum: forma autem eſt mutua acceptatio verbis, vel aliis ſignis expreſſa, ſive potius ipſe conſenſus mutuus utriusque conjugis ſignis externis expreſſus, quatenus habet rationem traditionis, eſt materia, & quatenus habet rationem acceptationis, eſt forma. Vel brevids, materia Sacramenti matrimonii ſunt corpora conjugum mutuò tradenda, forma verò verba conjugum contrahentium, n. 75. Quæſt. 3. Quis ſit miniſter Sacramenti matrimonii, & an etiam Sacerdos? Reſp. ipſi contrahentes, ſeu conjuges, non Parochus, vel Sacerdos, n. 76. declaratur n. 77. Quæſt. 4. Utrum matrimonium inter abſentes per Procuratorem, vel

per epistolam contractum sit validum, & an sit Sacramentum? Resp. 1. matrimonium initum per Procuratorem est validum, sicut & fuit ante Concil. Trident. servatis tribus conditionibus expressis n. 78. Est etiam validum in locis, ubi Concilium Trident. est receptum, modò contrahentes exprimant suum consensum coram Parocho, & testibus per suos Procuratores, tanquam suos interpretes: requiritur etiam, ut principalis contrahens compos rationis fuerit, dum mandatum contrahendi dedit Procuratori, nec id postea revocaverit, n. 79. Resp. 2. matrimonium per Procuratorem contractum est Sacramentum conferens gratiam, n. 80. ubi etiam respondetur ad objectiones: Resp. 3. etiam post Concil. Trident. validè potest contrahi matrimonium per epistolam, n. 81.

§. III. De consensu requisito ad matrimonium.

Quæst. I. Quomodo consensus internus debeat necessariò exteriori exprimi? Resp. non satis est ad valorem matrimonii, ut contrahentes de præsentì in conjugium consentiant, sed requiritur quoque, ut hunc consensum exprimant, eumque mutuo acceptent: quamvis non sit necessarium, ut actualis utriusque consensus simul exprimat, modò non nimis longum temporis intervallum inter unius, & alterius consensum intercedat, & ejus, qui consensit priùs, non sit revocatus, n. 82. Quæst. 2. An quando matrimonium fuit irritum, quia alter conjugum fidei, vel gravi metu coactus consensit, sufficiat, si hic solùm postea consensum in matrimonium renovet: an verò necesse sit, ut uterque denuo consentiat? Resp. probabilis est satis esse, si ille, qui illegitimè consensit, denuo consentiat: secus est, si uterque fidei, aut ex gravi metu invalidè consensisset, n. 83. Quæst. 3. Si aliqui sponsalia, vel matrimonium contrahunt per verba obscura, quomodo ea sint intelligenda? Resp. ea intelligenda esse secundum communem significationem verborum, seu loquendi modum, c. Ex litteris. 7. h. t. n. 84. idque declaratur n. 85. Quæst. 4. An sit verè matrimonium contractum, quando vir, & mulier sibi invicem promittant, quòd ex eo tempore habebunt se pro conjugibus, & fidem conjugalem servabunt? Resp. affirmative, ut constat ex c. Ex parte. 9. h. t. n. 86. idque declaratur n. 87. Quæst. 5. An matrimonium contractum non servatà lege, vel consuetudine loci, seu Regionis, in qua contrahitur, sit validum? Resp. validum est matrimonium contractum, sicut consuetudines, seu solemnitates patrie non servantur, c. 1. h. t. n. 88. & 89.

§. IV. Utrum ad valorem matrimonii contracti à liberis necessarius sit consensus parentum: & an patria potestas se extendat ad retinendas uxores filiorum?

Resp. matrimonium à liberis utriusque sexus initum, sine consensu parentum est validum, nec potest à parentibus, vel Magistratu irritari, c. Cum virum. 12. de Regularib. in 6. n. 90. Leges verò Civiles exigentes consensum parentum sunt abrogatæ per Jus Canonicum, n. eod. Si filius matrimonium contrahat, tenetur priùs consilium petere à parentibus, quamvis non teneatur illud sequi, sed etiam iis injunctis contrahere potest, n. 91. Peccant tamen libe-

ri, si absque justa causa contrahant matrimonium sine consensu parentum: ob justam tamen causam possunt etiam licite, n. 92. Ad posteriorem quæstionem responderetur, si pater injustè detineat uxores filiorum, per censuram Ecclesiasticam compelli debet, ut intra certum tempus illas restituat, alioquin potest interdici Terræ, in qua uxores filiorum suat, c. Non est. 11. h. t. n. 93. Etsi verò per matrimonium filii, vel filiae non eximantur à patria potestate, non tamen uxores eorum subijciuntur potestati soceri: unde si uxor adhuc in potestate patris sui existens in vita ab eo detineatur, potest maritus contra patrem agere interdico ad exhibendam uxorem suam, idque apud Judicem Ecclesiasticum, vel etiam magistratrem, & petere eam sibi restitui, n. 94.

SECTIO IV. De matrimonio ficto, seu simulato, & coacto.

§. I. An matrimonium fictè contractum sit validum, & ad quid obligetur, qui fictè contrahit?

ASSERTIO I. Qui fictè contrahit matrimonium cum muliere, per verba de præsentì, absque interno consensu illam ducendi, sed ut carnaliter eam cognoscat, invalidè contrahit, c. Tua nos. 26. h. t. n. 95. Ubi tamen distinguendum est inter forum internum conscientie, & externum, nam in foro interno soli consentit se animo ficto feminam sibi desponsasse de præsentì creditur, ideòque non est judicandum pro matrimonio, sed contra illud, quòd non sit verum matrimonium. At verò in foro externo, si ex confessione conjugum, vel aliis probari possit, virum mulierem ignaram fictionis ipsius in propria persona desponsasse sibi, & carnaliter eam cognovisse, tum debet judicari pro matrimonio, & censeri illud validum, non obstante falsi nominis mutatione, n. 96. Ass. 2. Fictè contrahens matrimonium per verba de præsentì, sine interno consensu, graviter peccat, non solùm contra reverentiam Sacramenti, sed etiam alteri contrahenti bonà fide gravem injuriam infert. Sunt tamen plures casus, in quibus fictè contrahens non obligatur ad matrimonium contrahendum, si alio modo damnum refarcire possit, n. 97.

§. II. An matrimonium ex metu contractum sit validum?

ASSERTIO I. Matrimonium ex gravi metu contractum in utroque foro est irritum, si is metus injustè, ac directè ad matrimonium extorquendum sit incussus, c. Cum locum. 14. h. t. n. 98. & seq. Duplex est metus, gravis, & levis, & quibus modis incuti possit metus gravis? n. 100. Matrimonium gravi metu contractum idcirco etiam est irritum, quia adversatur tribus bonis matrimonii, quæ sunt fides, proles, & Sacramentum: est autem irritum, sive metus inferatur ab eo, cum quo quis contrahere cogitur, sive à quocunque alio, sine culpa, & scientià metum passi. Et debet femina, cui vis inferenda timetur, in loco honesto, ac tuto poni, ubi liberè possit consensum suum exprimere, n. 101. Quòd autem matrimonium gravi metu injustè incussu contractum sit irritum, constat etiam ex c. Veniens. 15. h. t. n. 102. Quibus præterea casibus matrimonium per metum gravem injustè incussu ad illud extorquendum sit invalidum? n. 103. Ass. 2. Matrimonium ex gra-

ex gravi metu iuste incusso contractum est validum, etiam si is metus directè ad extorquendum matrimonium incutiatur, sive à lege, sive à Iudice, vel homine privato, n. 104. Aff. 3. Matrimonium contractum ex gravi metu iniuste incusso, non tamen ad extorquendum matrimonium est validum, si metus proveniat à causa naturali, sive libera, n. 105. Aff. 4. Matrimonium metu gravi initum est irritum, non Jure Divino positivo, nec Jure naturali, sed solo Jure Ecclesiastico, n. 106. Deducuntur ex dictis quædam corollaria, n. 107. Metericem publicam extrahere è lupanari, & ducere in uxorem, est opus misericordiz, & tali dantur Indulgentiz pro reuittenda pœna temporali adhuc debita, c. *Inter opera*, 20. h. t. n. 108. Non omnis violentia, seu metus reddit matrimonium contractum irritum, c. *De muliere*, 6. h. t. Nam duplex est vis, sive metus, unus gravis, qui reddit matrimonium irritum, nisi postea de novo consentiant conjuges: alter vanus, & improbabilis, qui non impedit matrimonium, num. 109.

§. III. An si mulier invitata cum aliquo matrimonio contraxit, valeat matrimonium, si alteri postea nubat. Item an matrimonium metu gravi contractum per spontaneam cohabitationem ratificetur, & convalescat?

Si mulier coacta, & invitata in uxorem sit ducta, valet posterius matrimonium, non obstante priorè matrimonio, quippe quod metu gravi contractum, ipso jure, nullum fuit, nisi metus per subsequentem consensum mulieris fuerit purgatus, aut requam secundu[m] matrimonium contraheretur, c. *Veniens*, 13. h. t. At verò mulier illa in casu hujus cap. non potuit validè contrahere post contracta sponsalia jurata cum adolescente, ob impedimentum consanguinitatis inter eos intercedens, ideòque ab Episcopo sunt separati: potuit autem liberè nubere illi, cui parentes illam desponsare volebant, postquam ab adolescente separata fuit ob consanguinitatem inter eos intercedentem. Illud verò matrimonium, quod dicta mulier postea cum tertio inivit, validum fuit, n. 110. & seq. Licet matrimonium gravi metu contractum sit ipso jure nullum, per spontaneam tamen cohabitationem utriusque conjugis illud convalescit, & ratificatur, c. *Ad id*, 21. h. t. n. 112. & 113. Quæ requirantur, ut cohabitatione conjugum sit sufficiens indicium consensûs conjugalis: cit. n. 113.

§. IV. An si mulier neget, se in matrimonium consensisse, sit ei fides habenda. Vel si probare veliet, se per metum gravem sibi illatum consensisse, sit audienda?

Mulieri, quæ negat se in matrimonium consensisse, non est credendum, si maritus contrarium probet per idoneos testes: secus si mulier probet se consensisse per metum, qui potest cadere in constantem virum, c. *Consultationi*, 28. h. t. n. 114. Si mulieres non ante, sed post carnis copulam aufugiunt à viris afferentes se non verè consensisse in matrimonium, non sunt audiendæ, nisi probatum fuerit eas invitatas esse derentas, n. 115. Minor autem metus excusat feminam, quàm virum, & quis metus dicatur cadere in virum, relinquendum est Judicis arbitrio, cit. n. 115.

Mulieres metum passæ, qui cadere potuit in constantem virum, audiendæ sunt, non ut Juxta rescindat matrimonium metu initum, sed ut declaret esse irritum, n. 116.

§. V. Verum matrimonium ex levi metu contractum sit irritum, & an contractum ex metu reverentiali?

Ad priorem quæstionem Resp. probabilius est matrimonium ex metu levi initum non esse irritum, sed validum, n. 117. Quamvis oppositum etiam sit probabile, videlicet matrimonium contractum ex levi metu, ita ut contrahens nullo pacto consentiret, nisi metu esset inductus, esse irritum, saltem in foro conscientiz, quamvis in foro externo non irritetur tale matrimonium, n. 118. Ad posteriorem quæstionem dicendum, matrimonium initum ex metu reverentiali erga patrem, vel superiorem, non esse irritum, sed validum, nisi conjunctæ sint graves minæ, vel periculum gravis, ac diuturnæ offensionis patris, aut talis personæ, à qua vita, fortunæque hominis plurimum penderet. Idemque dicendum de precibus importunis, nisi inferant metum gravem, num. 119.

§. VI. An matrimonium gravi metu initum confirmetur per juramentum adjectum, vel per copulam subsequens?

Aliud est juramentum esse validum, & aliud juramentum confirmare contractum, n. 120. Aff. 1. Matrimonium gravi metu contractum non fit validum per adjectionem juramenti, n. 121. Imò juramentum adjectum matrimonio ex gravi metu contracto non tantum non confirmat illud, sed neque parit obligationem ex virtute Religionis, adeoque nec relaxatione indiget, n. 122. Aff. 2. Quamvis matrimonium gravi metu contractum confirmetur per sequentem copulam, depositò metu, omnino liberè, & affectu maritali habitam, non tamen ratificatur per talem copulam simili metu extortam, n. 123. Contraria tamen sententia asserens per copulam, et si ex gravi metu affectu maritali habitam, ratificari prius matrimonium coactum, est ob DD. auctoritatem probabilis, n. 124. Valde quoque probabile est, in matrimonio gravi metu contracto, posse cogentem in foro conscientiz resilire à matrimonio, invito eo, qui metum passus est, ante Judicis sententiam, nec teneri matrimonium perficere, modò pro damno illato per coactionem, alio modo satisfieri possit, n. 125.

SECTIO V. De Unitate, & indissolubilitate matrimonii.

§. I. An matrimonium sit necessariò unitus viri cum una femina conjunctio, & an, ac quo jure polygamia sit prohibita?

Præmittendum est, semper licitum fuisse in Legè Veteri, & nova Evangelica secundum, tertium, quartum matrimonium, & sic deinceps contrahere, post mortem primi conjugis, n. 126. Aff. 1. Polygamia, seu matrimonium unitus viri cum pluribus uxoribus simul initum est contra primæ institutionem ejus, & jure naturæ nullum, nisi dispensatio Divina interveniat, n. 127. Aff. 2. Polygamia, sive

sive matrimonium unius femine cum pluribus viris simul initum est contra primævam institutionem matrimonii, & jure naturæ invalidum, *num. 128.* Aff. 3. Polygamia, sive matrimonium unius viri cum pluribus uxoris non ita repugnat juri naturali, & institutioni Divinæ, ut tanquam intrinsecè malum, nullo casu cohonestari, ac licitum fieri possit, *n. 129.* Altera verò polygamia, quando una femina pluribus viris simul nubit, est quidem magis deformis, & plura inconveniencia annexa habet, quam prior, non tamen ita repugnat juri naturali, quin DEVS id per absolutam suam potentiam concedere possit, *n. 130.* Hinc sequitur, quòd S. Pontifex in nullo casu dispensare possit in pluralitate uxorum, ut unus plures simul uxores habeat, & multò minùs ut una femina plures simul viros habeat, *n. eod.*

§. II. *Qualis certitudo sit necessaria de morte prioris conjugis, ut possit superstes conjux licite ad alias nuptias transire?*

Non potest mulier secundum matrimonium contrahere, nisi per certum nuntium constiterit de morte prioris viri, *c. In presentia. 19. h. t. n. 131.* Ubi notandum 1. Non sufficit probabilitas, sed requiritur moralis certitudo de morte virosum absentium, *n. 132.* 2. quamdiu solum dubitatur, aut leves tantum conjecturæ, vel indicia ad sunt de morte prioris conjugis, nunquam est licitum cum alio matrimonium contrahere, *n. 133.* 3. neque sufficit verisimilis præsumptio, sed requiritur moraliter indubitata certitudo de morte prioris conjugis, *cit. n. 133.* 4. non sufficit unus testis asserens conjugem absentem esse mortuum, neque etiam sola fama, nisi aliis administris adjuvetur, *n. 134.* 5. valde probabile est, quòd si conjux habeat verisimilem præsumptionem, etsi non omnino certam credendi causam alterum conjugem esse mortuum, possit Confessarius in foro conscientie, & pœnitentiali ei permittere, ut ad alias nuptias transeat, quia in moralibus sæpe non potest haberi omnimoda certitudo, *n. 135.* Quamvis Juxta Ecclesiasticus in tali casu non possit in foro externo dare licentiam transeundi ad alias nuptias, *cit. n. 135.* 6. Licet si prudenter existimatur adesse moralem certitudinem, vel probabilem præsumptionem de obitu alterius conjugis, non sit necessarium, ut ab Ordinario petatur licentia incundi aliquid matrimonium, tutius tamen est, ut res ad Ordinarium deferatur, imò necessarium, si dubietur, an ad sit certitudo, vel probabilis præsumptio de morte alterius conjugis, *n. 136.* 7. si post contractum secundum matrimonium cognoscatur priorem conjugem adhuc vivere, debet maritus, vel uxor redire ad conjugem priorem, *cit. n. 136.* Postremò Jure Civili statutum est, ut mulier virum absentem, de cujus vita dubitatur, per quinquennium expectet, ut possit alij nubere, vel saltem per quadriennium, id tamen Jure Canonico est correctum, *cit. n. 136. in fine.*

§. III. *An, & quo jure matrimonium sit indissolubile?*

ASSERTIO I. Matrimonium, quatenus est præcisè contractus, non est ita indissolubile quoad vinculum, ut ejus dissolutio repugnet propriè juri naturali, *n. 137.* Aff. 2. Matrimonium ex jure naturali, ac Divino est indissolubile, *Gen. c. 2. & Matth.*

19. & c. un. de voto in 6. n. 138. Aff. 3. Matrimonium consummatum inter fideles Christianos, seu baptizatos est omnino, & indissolubiliter indissolubile, quæ indissolubilitas non competit matrimonio ex jure naturæ, sed ex Jure Divino, addito juri naturali, nimirum ex præcepto, & institutione Christi in lege Evangelica *Matth. 19. Quod DEVS conjunxit, homo non separet. n. 139.* Nam indissolubilitas matrimonii, quæ ipsi competit ex nova lege Evangelica, non provenit ex eo tantum, quòd sit Sacramentum novæ legis, sed ex eo, quòd sit Sacramentum perfectè significans unionem Christi cum Ecclesia per Incarnationem, juxta illud Joann. 1. *Et Verbum caro factum est. n. 140.* Nec obstat, quòd Christus dicit *Matth. c. 19. Quicumque dimiserit uxorem, nisi ob fornicationem, & aliam duxerit, mœchatur,* quia ibi loquitur Christus solum de dimissione uxoris quoad totum, & cohabitationem, non autem de dissolutione quoad vinculum, *n. 141.*

§. IV. *An, & quibus modis dissolvatur matrimonium ratum, & non consummatum?*

Quæ. 1. An matrimonium ratum possit dissolvi, non solum per professionem Religionis, sed etiam per dispensationem S. Pontificis, ita ut soluto ejus vinculo, conjuges liberè possint initi aliquid matrimonium? Resp. affirmative *n. 142.* Solvuntur objectiones *n. 143. & seq.* Quæ. 2. An ut dispensatio in matrimonio rato sit licita, vel etiam valida, requiratur justa causa? Resp. verius est requiri justam causam ad valorem dispensationis, & quænam sint justæ causæ dispensandi? *n. 145.* Præter duos casus prædictos nunquam dissolvitur matrimonium ratum, ne quidem per matrimonium subsequens consummatum, *cit. n. 145.* Quæ. 3. An matrimonium, sive ratum, sive consummatum infidelium non baptizatorum possit S. Pontifex dispensando dissolvere, & an etiam matrimonium infidelium consummatum, cum ambo baptizantur? Resp. probabilis est, matrimonium, sive ratum, sive consummatum infidelium non baptizatorum non posse à Pontifice relaxari per dispensationem: posse autem S. Pontificem dispensare in tali matrimonio, etiam consummato infidelium, dum ambo baptizantur, *n. 146.*

SECTIO VI. De impedimentis matrimonii.

§. I. *De impedimentis matrimonii in genere.*

Quæ. I. Quænam sint impedimenta matrimonii? Resp. esse duplicis generis; quædam enim sunt impedimenta tantum, alia verò dirimentia, *n. 147.* Quæ. 2. Penes quos sit potestas statuendi impedimenta matrimonii, sive impedientia, sive dirimentia? Resp. 1. est in Ecclesia Catholica potestas introducendi, & constituendi impedimenta etiam dirimentia matrimonium, ita ut contra Ecclesiæ prohibitionem contractum sit irritum, ad quod tamen requiritur justa causa, *n. 148.* Resp. 2. Ecclesia, & S. Pontifex potest impedimenta dirimentia matrimonium constituere, non solum indirectè personas inhabilitando ad contrahendum, sed etiam directè, & immediatè annullando ipsum contractum, *cit. num. 148.* Hæc potestas Ecclesiæ non extenditur ad infideles, qui Ecclesiasticis Constitutionibus non ligantur, nisi sint subiecti temporali jurisdictioni S. Pontificis; secus est de infidelibus subditis Christianorum

norum Principum, in quorum ditionibus temporalem jurisdictionem Pontifex non habet, n. 149. Hæc potestas statuendi impedimenta dirimentia matrimonij inter fideles non competit Episcopis, sed est reservata soli Papæ, cit. n. 149. Porro spectatæ rei naturæ, & scelsis Ecclesiæ Constitutionibus, quilibet Princeps supremus, seu Magistratus secularis potest suis subditis etiam Christianis statuere impedimenta matrimonij ex iusta causa, Veruntamen Ecclesiæ, ac S. Pontifex hanc potestatem sibi reservavit, quia matrimonium adesse, seu rationem Sacramenti est elevatum, n. 150. Deducuntur hinc quædam corollaria, n. 151. Probabilius videtur etiam per consuetudinem immemorabilem Clericorum, aut laicorum legitime præscriptam, & rationabilem posse antiqua impedimenta matrimonij solo jure Ecclesiastico statuta abrogari, & nova constitui, n. 152. Item potest Pontifex aliquibus per sententiam particularem prohibere, ne matrimonium contrahant, alioquin irritum sit, quamvis non soleat tali potestate uti, n. eod.

§. II. De quibusdam impedimentis matrimonii contrahendi in specie, de quibus agitur in hoc Titulo.

Quæ. 1. An, & qua ratione ad dictum unius assensum impedimentum inter aliquos intercedere, impediatur matrimonium contrahendum? Resp. si quis dicat adesse impedimentum matrimonij inter aliquos, impeditur matrimonium contrahendum, nisi juramentum intervenierit. Ut si consanguineus viri volentis contrahere cum aliqua muliere, dicat carnaliter se illam cognovisse, et hoc nolit publicè confiteri, propter metum, & potentiam illius mulieris, c. Præterea. 12. h. t. n. 153. Impedimentum, ne matrimonium contrahatur propter affinitatem ortam ex concubitu viri cum muliere, plenè probatur per unicum testem, cit. c. Præterea. Et quæziam præterea alie conditiones requirantur, ut testis unicuique impedire possit matrimonium contrahendum? num. 154. Quod si sponsalia inita inter virum, & mulierem sint juramento confirmata, non debet ad dictum unius matrimonium impediri, cit. n. 154. Quæ. 2. An ad denunciationem unius viri honesti, qui defert de fama consanguinitatis, impediatur matrimonium contrahendum? Resp. si de fama impedimenti plenè probetur, adeoque de illa constet, ea sufficit ad impediendum matrimonium, ne contrahatur: secus est, si de fama non constet, nec ea probata fuerit, c. Cum in sua. 27. h. t. n. 155. & 156. Si verò de fama constet Judici, tanquam Judici, quia ea probata est per testes, tunc talis fama impedit matrimonium contrahi: potest tamen contra probationem famæ de impedimento matrimonij admitti alia contraria probatio, cit. n. 156. Quando scandalum timetur ex contractu matrimonij inter consanguineos contrahentium, cum potest, ac debet Judex interdicare matrimonium. Quod si denuntians impedimentum non sit persona gravis, & de fama, vel scandalo sufficienter probare non possit, tum Judex potest quidem tales monere, ut desistant à contrahendo matrimonio, non tamen potest compellere contrahere volentes, cit. c. Cum in sua, n. 157.

Quæ. 3. An si lis pendeat super prioris matrimonio, impediatur contrahi secundum? Resp. lis pendencia super matrimonio non impedit contrahi

secundum matrimonium, si primum erat invalidum, quia lis pendencia non est à Jure Canonico tanquam impedimentum dirimens matrimonium introductum, ideòque tale matrimonium, pendente lite super prioris matrimonio, contractum est validum, c. Cum in Apostolica. 18. h. t. n. 158. & 159.

§. III. De impedimento erroris personæ.

ASSERTIO I. Error circa substantiam personæ jure naturæ reddit irritum matrimonium, ut si quis putans se contrahere cum Anna, contrahat cum Barbara. Idque extenditur, quod error circa substantiam personæ reddat irritum matrimonium, siue sit error antecedens, siue concomitans, n. 160. Error autem circa personam non irritat Sacramentum in alijs Sacramentis, ut si quis putet suscipientem esse Petrum, cum sit Paulus, & cur? n. 161. Aff. 2. Error circa qualitatem personæ, etsi derelictam contractui, & proveniat ex dolo alterius contrahentis, non irritat per se matrimonium, ut si quis putans se contrahere cum nobili, virgine, vel divite, contrahat cum ignobili, corrupta, vel paupere, num. 162. Porro per accidens in duobus casibus error qualitatibus irritum reddit matrimonium 1. si qualitas, in qua erratur, per modum conditionis apponatur in contractu matrimonij, ita ut actu intendatur quos contrahere cum aliqua, nisi talis qualitas ipsi insit. 2. si error qualitatibus inducat, vel involvat simul errorem personæ, ut si quis velit ducere primogenitam Regis, & illi alia offeratur, n. 163. Quando error qualitatibus involvat errorem personæ? n. eod.

§. IV. De impedimento matrimonij orto ex cultûs, sive Religionis disparitate.

Quæ. 1. An, & quomodo disparitas cultûs, sive Religionis dirimat matrimonium? Resp. Matrimonium hominis fidelis, seu baptizati cum infideli, seu non baptizato etiam catechumeno, non est irritum jure naturæ, sed solo jure Ecclesiastico: ex quo sequitur, quod Pontifex possit dispensare in hoc impedimento, n. 164. Quæ. 2. An matrimonium personæ Catholicæ cum persona hæretica sit validum, vel etiam licitum? Resp. tale matrimonium esse quidem validum, sed mortaliter illicitum, nisi gravis causa excuset, ut moraliter certum sit, nullum fore periculum scandali, vel perversionis, aliorumque incommodorum, quæ ex talibus matrimonijs plerumque oriri solent, n. 165. Sola consuetudo in Germania, & alijs Regionibus septentrionalibus non facit licita conjugia inter Catholicos, & hæreticos, nisi adsit sufficiens, & gravis causa incutiendi matrimonium cum illis, & absint prædicta pericula, & incommoda, n. 166. Illud verò certum est, illa pacta in conjugijs cum hæreticis inita, ut aliqui ex liberis nascituris v. g. mares ex patre hæretico fidem hæreticam sequantur, esse prorsus impia, & irrita, n. 167.

§. V. De dispensatione in impedimentis matrimonij.

Quæ. 1. An, & qua ratione dispensari possit in impedimentis matrimonij? Resp. S. Pontifex in nullo impedimento jure Divino, & naturali dirimente matrimonium propriè dispensare potest, num. 168. Potest tamen dispensare in omnibus impedimentis jure solum Ecclesiastico matrimonium dirimentibus, validè quidem etiam sine causa, licet verò non nisi ex causa rationabili, num. 169. Episcopus

non potest regulariter, & ordinariè, per se loquendo, dispensare in impedimentis dirimentibus matrimonij etiam Ecclesiasticis: potest tamen dispensare in extraordinario casu magnæ necessitatis, in impedimentis dirimentibus, concurrentibus certis conditionibus, n. 170. *Quæz.* 2. Quæ sint iustæ causæ dispensandi in impedimentis dirimentibus matrimonij? *Resp.* tres præcipue posite n. 171. *Quæz.* 3. Quando ob taciturnitatem veritatis, vel expressione falsitatis in petitione dispensationis, ea sit subreptitia, & invalida? *Resp.* quando in petitione dispensationis tacetur vera causa, aut circumstantia, quam Jura jubent exprimi, vel quando veritas tacita, vel falsitas expressa pertinet ad causam finalem, ita ut eâ veritate expressâ, vel falsitate non expressâ, dispensatio vel omnino concessa non fuisset, vel non tali modo, tunc dispensatio est nulla: quando verò non tacetur aliquid, quod jus jubet exprimi, & veritas tacita, vel falsitas expressa tantum versatur circa causam impulsivam, sine qua nihilominus dispensatio concessa fuisset, licet difficilior, non redditur dispensatio subreptitia, & invalida, n. 172.

SECTIO VII. De mutua conjugum obligatione, quoad cohabitationem, alimentorum præstationem, & de obligatione conjugum ad debitum conjugale.

- §. I. An teneantur conjuges simul cohabitare, & mutuo sibi præstare alimenta, & quæ sit obligatio conjugum ad alendos, & educandos filios?

ASSERTIO I. Conjuges tenentur simul habitare, non tantum in eadem domo, sed etiam communimens, eodemque toro utentes, saltem ut plurimum, quamvis mutuo consensu quoad torum separari possint, n. 173. Hinc inferitur 1. uxorem teneri sequi virum mutantem domicilium, cum vir sit caput mulieris, & quando uxor non teneatur sequi virum? n. 174. Inferitur 2. Quamvis ad longum tempus non possit, uxore invitâ, vir discedere, sine iusta causâ, potest tamen vir, etiam sine uxoris consensu, brevem peregrinationem instituere. 3. Uxor tenetur in ijs, quæ ad familiæ administrationem pertinent, obedire præceptis mariti. 4. marito etiam permissum est uxorem delinquentem castigare, moderatè tamen, cit. n. 174. Ass. 2. Vir quoque tenetur alere uxorem? n. 175. Ass. 3. Uterque parens tenetur ad filios ex se natos sustentandos, & honestè, ac piè educandos; primaria tamen cura alendi filios ad patrem spectat. In defectum patris, si is pauper sit, avus paternus prolem alere cogitur, deficiente autem matre, avus, aliique ascendentes materni, n. 176. Jure Canonico parentes quibuscunque filijs, etiam illegitimis alimenta præbere debent, c. Cum haberet. §. De eo, qui duxit &c. à quo correctum est Jus Civile prohibens alimenta præstari spuris, num. 177.

- §. II. De obligatione mutua conjugum ad usum, seu actum conjugalem.

Quæz. 1. An actus conjugalissit licitus, & sub præcepto? *Resp.* per se, ac naturâ suâ, est licitus, &

honestus, n. 178. Petitio verò debiti conjugalissit præcepti accepta per se nunquam est sub præcepto: redditio autem est sub præcepto, ita ut teneatur conjux reddere conjugi debitum ex iustitia, & sub peccato mortali, quoties alter debet, & convenienter petit, expresse, vel tacite, seu interpretativè, n. 179. *Quæz.* 2. An, & quomodo actus conjugalissit redditur illicitus, ratione dubij de valore matrimonij? *Resp.* 1. si dubium de valore matrimonij ob suspensionem latentis impedimenti, ortum sit, ante contractum matrimonium, illud contrahi non potest, nec debet: quod si quis malâ fide contraxit matrimonium, dubitans de ejus valore, non potest debitum conjugale petere, etsi reddere teneatur alteri, qui bonâ fide contraxit, n. 180. *Resp.* 2. Si post matrimonium bonâ fide utriusque conjugis contractum, uni superveniat dubium de valore illius, is tenetur reddere debitum alteri conjugi non dubitanti: non potest tamen petere, antequam adhibuerit sufficientem diligentiam ad veritatem cognoscendam, quâ adhibita, si maneat adhuc dubium, potest etiam petere, n. 181. Idque confirmatur, & declaratur n. 182. Deducuntur duæ corollaria, n. 183.

SERIES CAPITULORUM.

IN ANTIQVIS.

- | | |
|-----------------------|---------------------------|
| c. 1. n. 88. & 89. | c. 19. n. 131. & 4 seqq. |
| c. 2. n. 42. & seqq. | c. 20. n. 108. |
| c. 3. n. 31. & seq. | c. 21. n. 112. & seq. |
| c. 4. n. 33. & seq. | c. 22. n. 44. & 2. seqq. |
| c. 5. n. 47. & seq. | c. 23. n. 11. |
| c. 6. n. 109. | c. 24. n. 10. |
| c. 7. n. 84. & seq. | c. 25. n. 12. & 2. seqq. |
| c. 8. n. 34. | c. 26. n. 95. & seq. |
| c. 9. n. 86. & seq. | c. 27. n. 155. & 2. seqq. |
| c. 10. n. 17. & seq. | c. 28. n. 114. & 2. seqq. |
| c. 11. n. 93. & seq. | c. 29. n. 22. |
| c. 12. n. 153. & seq. | c. 30. n. 27. |
| c. 13. n. 110. & seq. | c. 31. n. 58. & seq. |
| c. 14. n. 98. | c. 32. & ult. |
| c. 15. n. 102. | n. 29. & seq. |
| c. 16. n. 52. & seq. | IN SEXTO. |
| c. 17. n. 19. & seq. | c. unic. n. 35. |
| c. 18. n. 158. & seq. | & 3. seqq. |

TITVLVS II.

DE DESPONSATIONE IMPUBERUM.

- §. I. Quæ ætas requiratur ad sponsalia de futuro?

Ad contrahenda sponsalia de futuro requiruntur septem anni completi, tam in maribus, quam in feminis, c. Litteras. 4. h. t. Nam si pubes, vel major septennio contrahat sponsalia cum puella minore septennio, non oritur ex illis impedimentum publicæ honestatis, idèoque potest accipere matrem puellæ in uxorem: sed si pubes, vel major septennio, postquam puella complevit septennium, matrem ejus duxit in uxorem, càmque carnaliter cognovit, non tenet matrimonium, sed sunt separandi, n. 1. Ad sponsalia requiritur septennium completum, n. 2. Si septennium contrahant sponsalia, sed uterque, vel alter usum rationis nondum habeat, sponsalia sunt invalida, cit. n. 2. Item ut sponsalia impuberum sint valida,

lida, necessarium est, ut septennium sit omnino completum; sufficit autem, quod ultima dies septennij sit incepta, etsi non sit completa, *n. eod.* Similiter quando Titius v. g. sponsalia de futuro contrahit cum aliqua puella, quæ non complevit septem annos, si postea completo septennio, puella iu cum non vult consentire, Titius potest accipere matrem puellæ in uxorem, præsertim si à tali desponsatione ab Episcopo fuit absolutus. Secus est, si Titius contrahat sponsalia cum puella, quæ septem annos jam complevit, cum enim licet puella nolit consentire in eum, & ita ipso jure sit absolutus, non potest accipere matrem puellæ in uxorem, *c. Accessit, §. h. t. n. 3.* Hinc patet, quod ex sponsalibus de futuro initis cum puella minore septennio non oritur impedimentum publicæ honestatis, oritur autem ex sponsalibus initis cum puella post septennium completum, licet illa postea dissoluta fuerint, *n. 4.*

§. II. An sponsalia ab impuberibus contracta dissolvantur per solum dissensum alterius, postquam pubes factus est.

ASSERTIO I. Si duo impuberes, mas & femina sponsalia contrahant, neuter potest ante pubertatem resilire: post pubertatem tamen uterque potest, *c. De illis, 7. h. t. n. 5. & 6.* Id verò intelligendum est, 1. de sponsalibus impuberum septennio majoribus, non de solis infantium sponsalibus. 2. impubes factus pubes potest resilire à sponsalibus, si statim pubertatem adeptus resilii, alioquin postea non poterit, sed censetur tacite consentire. 3. hæc potestas resiliendi à sponsalibus concessa impuberibus, post adeptam pubertatem, non tantum habet locum in foro externo, sed etiam in interno conscientiz, *n. 7.* Ass. 2. Probabilius est, sponsalia impuberum confirmari juramento, ut neutri liceat pubertatem adepto resilire, *c. Ex litteris, 10. de sponsalibus* dummodo talia sponsalia juramento firmata sint ab impuberibus doli capacibus, sive proximis pubertati, *n. 8.* Ass. 3. Sicut à veris sponsalibus non est licitum resilire, ante pubertatem, ita nec à præsumptis, si impuberes contrahant per verba de præsentibus. Unde sicut impuberes contrahentes sponsalia nequeunt ab eis resilire, ante pubertatem; ita qui intendunt sponsalia, sive matrimonium contrahere per verba de præsentibus, ante annos nobiles, nequeunt ab eis recedere, nisi carnalis copula intervenierit, quod interdum contingere potest ante pubertatem, per quam consummatur matrimonium, *c. A nobis, 8. h. t. n. 9. & 10.*

§. III. Utrum sponsalia inter impuberes, vel inter impuberem, & puberem inita sint valida, vel nulla, & quâ ratione convalescant?

Si duo infantes inter se, vel unus major septennio, & alter minor contrahant sponsalia, ipsi, vel parentes per ipsos, ea sunt nulla, & quamvis deinde veniant ad septennium, non convalescunt, nec inducunt impedimentum publicæ honestatis, nisi septennio exacto, de novo consentiant expressè, vel tacite, veluti verbo, vel facto, aut cohabitatione, *c. Si infantes, unic. in princ. b. t. in 6. n. 11.* Est autem verius, quod etiam in sponsalibus malitia suppleat ætatem, ita ut valeant sponsalia etiam ante septennium contracta, si tunc contrahentes jam sint præditi

discretionem, & usu rationis, *n. 12.* Præterea in *c. c. un. §. Idem quoque, h. t. in 6.* statuitur, quod sponsalia per verba de præsentibus contracta inter impuberem, & puberem, vel duos impuberes, non tamen proximis pubertati, valent ut sponsalia de futuro, nec adveniente pubertate, in matrimonium transiunt, nisi per carnis copulam subsecutam, vel alio modo contrahentes in eadem voluntate perseverare usque ad pubertatem evidenter consiterint, inducunt tamen publicam honestatem, *n. 13.* Idque declaratur *n. 14.* Denique in eodem *c. un. §. fin. h. t. in 6.* additur, sponsalia pro præsentibus filiis, & tacentibus per parentes contracta valida sunt, & ex eis oritur publicæ honestatis iustitia. Sponsalia verò pro absentibus, & ignorantibus filiis per parentes contracta non tenent, nec ex eis confluit publicæ honestatis iustitia, nisi ea expressè, vel tacite ex post facto approbaverint, *n. 15. & 16.* Id verò specialiter statutum est de parentibus, si pro filiis præsentibus, & tacentibus, sponsalia, vel matrimonium contrahant, nam si alii id faciant, requiritur aliud signum exprimens internum consensum, ut valeant talia sponsalia, vel matrimonium, *cl. n. 16. in fine.*

§. IV. An, & quatenus filii impuberes ex sponsalibus pro se per patrem contractis, obligentur?

Pater pro filio adulto, id est, pubere, nec matrimonium, nec sponsalia contrahere potest, nisi filius consentiat expressè, vel tacite, verbo, vel facto. At verò pro filio nondum adulto, hoc est, infante, vel minore septennio pater potest sponsalia contrahere, nam matrimonium hic accipitur pro sponsalibus de futuro, per quæ ad matrimonium pervenitur, *c. 1. h. t. n. 17.* Sponsalia contracta à patre pro filio adulto, seu pubere, & pro infante, seu minore septennio, in eo conveniunt, quod utraque non valent, quia pro pubere non valent, nisi is consentiat: nec pro infante contracta valent, quia durante hoc tempore, non potest infans consentire: & in eo differunt, quod priora pro pubere contracta nunquam valent, sine illius consensu: posteriora verò pro infante contracta à patre usque ad septennium non valent: post septennium verò sponsalia convalescunt, si ab eo approbentur, *n. 18.* Filius, cum pubes factus est, tenetur saltem ex debito honestatis, patris factum, sive sponsonem approbare, nisi iustam causam reclamandi habeat, *n. 19.*

§. V. De variis casibus occurrentibus circa desponsationes impuberum inter se, & puberem cum impuberibus, an, & quâ ratione huiusmodi desponsationes valeant, aut obligent?

Major, sive pubes contrahens sponsalia cum minore, seu impubere, tenetur hunc expectare, donec pubes fiat, nisi major, sive pubes gravi metu coactus contraxerit cum minore, seu impubere, tunc enim non tenetur expectare, sed potest ad alias nuptias transire, *c. Ex litteris, 11. h. t. n. 20. & 21.* Secundò si puella impubes desponsata fuit, & tradita in domum viri, eaque pubes facta petat licentiam nubendi alteri, non audienda est, si vir juret, se illam carnaliter cognovisse, quia tunc erant sponsalia de futuro inita, quæ per carnalem copulam transiunt in matrimonium, & creditur autem in tali casu potius viro, quam mulieri neganti, nisi hæc plenè contrario,

rium probaverit, *c. Continebatur. 6. h. t. n. 23. & 23.* Juramento viri dicentis se copulam habuisse cum impubere non est standum; declaratur *cit. num. 23.* Tertiò si contractum est matrimonium ab aliquo ante pubertatem, etiam cum nisu ad carnalem copulam, illud non est validum, nisi mulier per idoneos testes probaverit, quòd juvenis ille ante finem anni XIV. in eam consenserit, juramento ab ipso recepto, quòd postquam ad legitimam ætatem pervenit, illam uxorem habere noluerit, tunc enim ab impetitione mulieris est liberandus, & potest uterque ad alias nuptias transire, *c. Attestationes. 10. h. t. n. 24. & declaratur n. 25.*

§. VI. Proponuntur, & explicantur alia Capitula hujus Tituli, in quibus agitur de desponsationibus impuberum.

Præterea quartò sponsalia contracta cum minore septennio per mutuum cohabitationem post septennium convalescunt, & iaducunt publicæ honestatis iustitiam, dissolvuntur tamen per matrimonium de præfenti initum priora sponsalia ante pubertatem contracta. Quòd si constet, quòd vir mulierem cognoverit, neutri, vivente altero, licet aliud matrimonium inire propter delictum utriusque. Item qui sine iudicio Ecclesiæ uxorem dimittit, puniendus est, *c. Dn pueri. 12. h. t. n. 26. & 27.* Quintò matrimonium, vel sponsalia, quæ nondum sunt, ut si cum minore septennio contrahantur, accusari non possunt, potest tamen denunciari impedimentum v. g. consanguinitatis, ne contrahatur matrimonium, & si interim aliquid attentatum fuerit in præjudicium puellæ, id est irritum, *c. Ad dissolvendum. 13. h. t. n. 28. & declaratur n. 29.* Sextò denique si contrahatur matrimonium de præfenti, & puella non sit in ætate nubili, nec malitia suppleat ætatem, licet vir ei dederit artham, non est matrimonium contractum, sed sponsalia solum de futuro, *c. Tunc. 14. & ult. h. t. n. 30. & 31.*

§. VII. De ætate requisita ad matrimonium, & de pubertate, & quando malitia suppleat ætatem?

Quæ. I. Quæ ætas requiritur ad matrimonium contrahendum? Resp. ætas legitima ad contrahendum matrimonium est pubertas, sive annus XIV. in masculo, & XII. in fœmina, nisi adsit aliqua urgentissima causa, ut pro bono pacis, *c. Vbi non est. 2. h. t. n. 32.* Duplex est expositio, *cit. c. 2.* 1. Quòd hic prohibeatur sponsalia de futuro ante septennium, imò etiam post illud, ante pubertatem, *n. 33.* Altera, & verior expositio est, quòd in eo prohibeatur tantum conjunctio matrimonialis, ne scilicet matrimonium contrahant, si ambo, vel alter nondum pervenit ad ætatem legitimam, seu pubertatem completam, sine causa urgentissima: potest tamen Episcopus dispensare, ut impuberes matrimonio copuleantur, & ad illum spectat cognitio, an adsit causa iusta, *cit. n. 33.* Quæ. 2. Qui dicuntur, & sunt puberes, quoad matrimonium contrahendum? Resp. puberes, seu apti ad matrimonium dicuntur, & sunt, qui ex habitu corporis pubertatem ostendunt, & generare possunt, & puerperæ sunt, quæ in annis puerilibus pariunt, *c. Puberes. 3. h. t. n. 34.* In matrimonio contrahendo non debet spectari præcisè tempus annorum, sed an contrahens sit talis, qui generare,

vel concipere possit, & tunc præsumitur quis habilis ad copulam, & ad consensum conjugalem præstandum: imò etiam ante pubertatem matrimonium initum est validum, si adsit potentia generandi, & discretio rationis. In dubio ante pubertatem completam, nec mas, nec fœmina præsumuntur apti, *n. 35.* Matrimonium contractum ad pubere, etsi tunc nondum possit cum fœmina carnaliter commisceri, nec generare, nihilominus est validum, *n. 35.* Quæ. 3. Quomodo, & quando malitia suppleat ætatem, quoad contrahendum matrimonium? Resp. validum est matrimonium contractum ante legitimam ætatem, si malitia suppleat ætatem, nisi violentia intercedat, *c. De illis. 9. h. t. n. 36.* Nomine malitiæ autem communiter intelligitur non tantum apertudo ad copulam conjugalem, seu potentia generandi, sed etiam prudentia, sive discretio, & iudicium rationis ad cognoscendum statum conjugalem, *n. 37.* Metus, & violentia in quacunque ætate incussus reddit matrimonium ipso jure nullum, *cit. n. 37.*

SERIES CAPITVLORVM.

IN ANTIQVIS.

c. 1. n. 17. & 2. seqq.
c. 2. n. 32. & seq.
c. 3. n. 34. & seq.
c. 4. n. 1.
c. 5. n. 3. & 4.
c. 6. n. 22. & seq.
c. 7. n. 5. & 3. seqq.
c. 8. n. 9.
c. 9. n. 36. & seq.

c. 10. n. 24. & seq.

c. 11. n. 20. & seq.

c. 12. n. 26. & seq.

c. 13. n. 28. & seq.

c. 14. & ult. n. 30. & seq.

IN SEXTO.

c. un. in princ. num. 17.

§. Idem quoque. n. 13.

& seq. §. Norro. n. 15.

& seq.

TITVLVS III.

DE CLANDESTINA desponsatione.

Nomen desponsationis hic sumitur pro ipso matrimonio, quamvis aliàs propriè hoc nomine tantum intelligantur sponsalia de futuro. Matrimonium verò clandestinum dicitur, quod clam contrahitur, idque dupliciter, vel nullis testibus præsentibus, vel quia nullis præmissis denunciationibus est contractum. Dicitur etiam clandestina desponsatio, quando contrahitur matrimonium sine adhibitis solemnitatibus jure requisitis, quod rectius matrimonium iniurissimè vocatur, & huc non pertinet, *num. 1.*

§. I. An matrimonia clandestina jure antiqua non solum fuerint prohibita, sed etiam invalida, & quæ ratione potuerint jure novo ab Ecclesia irritari?

ASSERTIO I. Matrimonia clam sine Parocho, & testibus, contracta semper quidem fuerunt ab Ecclesia graviter prohibita, & mortaliter illicita, sed ante Concilium Tridentinum fuerunt valida. Sunt tamen plures casus, in quibus ante Concilium, & nunc etiam, ubi Decretum illud non est promulgatum, potest contrahi matrimonium etiam clam, sine testibus, quorum quinque hic enumerantur *n. 2.* Aff. 2. Jure novo Concilii Tridentini Sess. 24. c. 1. de res. matr. matrimonia clam inita, sine Parocho, & testibus, declarantur penitus nulla, & irrita, *n. 3.* Ubi etiam exprimuntur causæ, ob quas hujusmodi matrimonia

trimonis clandestina ab Ecclesia sunt irritata. Aff. 3. Potuit Ecclesia irritare matrimonium clandestinum initum, sine Parocho, & testibus, & de facto irritavit, etiam quatenus Sacramentum est, non quidem per se, ac directè, sed indirectè, ac per accidens, & mediare, an annullando contractum humanum, seu civilem, unde consequenter irritum redditur ipsum Sacramentum, n. 4. & 5. ubi id declaratur. Aff. 4. Ubi prædictum Decretum Concilii Trident. est promulgatum, etiam qui illud invincibiliter ignorant, invalidè contrahunt matrimonium, sine Parocho, & testibus, n. 6. Item irritum est etiam matrimonium in articulo mortis, aut in quacunque alia necessitate contrahendum, absque præsentia Parocho, & testibus, quia deest forma substantialis ad valorem matrimonii requisita, n. 7. Excipi debet, nisi matrimonium semel in facie Ecclesie contractum fuerit, sed invalidè, ob occultum impediens dirimens, hoc enim postea sublato, non est necessarium, ut putatitij conjuges iterum coram Parocho, & testibus contrahant, sed latis est, ut consensu prioris nullitatis occultè mutuum consensum renovent, n. 8.

§. II. An ad matrimonium in locis, ubi Decretum hoc Concilii Tridentini non est receptum, aut promulgatum, matrimonia clandestina sint valida?

ASSERTIO I. Si matrimonia clandestina etiamnum contrahantur ab incolis in ijs locis, sive Catholicorum, sive hæreticorum, in quibus dictum Decretum non est receptum, vel nunquam promulgatum, ea valida sunt, n. 9. Aff. 2. Peregrini transientes per locum, ubi Decretum Concilii est receptum, invalidè contrahunt matrimonium, sine Parocho, & testibus, quamvis in loco domicilii illud Decretum non sit receptum, n. 10. Aff. 3. Is, qui ex loco, ubi Decretum Concilii est receptum, se transfert ad locum, in quo non est receptum, animo figendi illic domicilium, potest validè ibidem contrahere matrimonium, sine præsentia Parocho, & testium, sit enim illius loci incola, adeoque non astringitur amplius legibus prioris domicilii: imò etiam probabile est valere matrimonium, si quis ad tempus se conferret ad locum, ubi hoc Decretum Tridentini non est receptum, etiam si ex intentione clandestinè contrahendi ibi matrimonium, id fiat, n. 11. Ex his deducuntur quædam corollaria n. 12.

§. III. Vtrum necessarium sit ad valorem matrimonii, ut assistat proprius utriusque contrahentis Parochus, & intra propriam Parochiam, & qualis præsentia Parocho, & testium requiratur?

ASSERTIO I. Quando sponsus, & sponsa sunt diversæ parochiæ, ad valorem matrimonii sufficit, si assistat illi proprius Parochus alterutrius, sponsi scilicet, vel sponsæ, in cujus parochia nuptiæ celebrantur; ut si in parochia sponsi contrahatur matrimonium, sufficit, ut assistat Parochus sponsi, & si in parochia sponsæ, Parochus sponsæ, n. 13. Ubi addendum 1. si Parochus proprius alterutrius contrahentis assistat matrimonio, illud validum est, etiam si in parochia alterutrius sibi non subditi celebratur, ut si Parochus Petri contrahentis matrimonium cum Anna, ei assistat in parochia Annæ, cujus non est Parochus, valet matrimonium, num. 14. Addendum 2. validum est matrimonium, cui Parochus alterius,

vel utriusque contrahentis assistit, quamvis in neutrius parochia, vel etiam Diocesi matrimonium celebretur. Ut si v. g. Civis Dilinganus cum cive Lavingana contrahat matrimonium Donawerthæ, vel etiam extra Diocesi Augustanam, Ingolstadt, præsentem tamen Parocho Dilingano, vel Lavingano, validum est matrimonium, n. 15. Porro si proprius Parochus assistat matrimonio extra parochiam, absque licentia Ordinarii, vel Parocho loci, probabilius est, quod peccet, & puniri possit, si solemniter, & publicè assistat matrimonio, sine licentia Parocho loci, n. 16. Aff. 2. Parochus validè assistit matrimonio, etsi Sacerdos non sit, non tamen potest alteri, quam Sacerdoti licentiam assistendi dare, n. 17. Aff. 3. Parochus etiam excommunicatus non toleratus, seu nominatim denunciatus, vel notorius persecutor Clerici, item suspensus ab officio, & beneficio, vel irregularis, vel administratione interdictus, validè assistit matrimonio, & alteri licentiam assistendi dare potest, modò actum non sit depositus, sed titulum, & possessionem beneficii retineat, n. 18. Aff. 4. Probabile est, vagabundos posse validè, ac licitè contrahere matrimonium, coram quolibet Parocho, quem elegerint: probabilius tamen videtur, cum Parochum debere interesse matrimonii vagorum, in cujus parochia pro tempore, quo contrahunt, vagantur, n. 19. Id certum est, Parochos non posse licitè vagabundos matrimonio conjugere, nisi factâ prius diligenti inquisitione de eorum statu, & habilitate ad contrahendum matrimonium, & obtentâ Ordinarii licentiâ, cit. n. 19. Aff. 5. Præter Parochum, etiam proprius Episcopus in sua Diocesi, vel alius quasi Episcopali jurisdictione præditus proprium territorium habeas, assistere potest matrimonio, ut Abbas exemptus, Vicarius generalis Episcopi, Capitulum Cathedralis, Sede vacante, Item Legatus Sedis Apostolicæ, ac denique S. Pontifex per totum orbem Christianum, non autem Archiepiscopus potest assistere matrimonii subditorum Suffraganeorum suorum, n. 20. Item Parochus Catholicus potest licitè assistere matrimonii hæreticorum, qui in sua parochia degunt, n. 21. Aff. 6. Parochus, & testes debent esse præsentès matrimonio, non tantum physicè, sive corpore, sed etiam moraliter, cum advertentia, & usu rationis, n. 21. Neque verò ea verba Sacerdotis, *Ego vos in matrimonium conjungo*, sunt de essentia matrimonii, quia Sacerdos non est minister hujus Sacramenti, cit. n. 21. Aff. 7. Non requiritur ad valorem matrimonii, ut Parochus, & illiusque testes ad id vocati, seu rogati sint, unde etiam si casu interveniant, vel omnino inviti interstint, dummodo intelligant mutuos contrahentium consensum, valet matrimonium, n. 23. Præterea necessariò requiritur, ut tres, vel duo saltem testes similes cum Parocho interstint matrimonio, & sufficiant testes qualescunque, modò usu rationis præditi advertant, quid agatur; unde etiam impuberes, semine, parentes, consanguinei, domestici, servi, excommunicati, Religiosi, infames, imò etiam infideles, assistere matrimonio, ut testes, possunt, n. 24.

§. IV. An, & quâ ratione denunciationes publicæ præcedere debeant ante matrimonium?

Quando matrimonia sunt contrahenda, debent per Presbyteros in Ecclesia Edicta proponi, scrib-

termino, intra quem qui voluerit, & poterit, legitimum impedimentum opponat, quæ impedimenta etiam ipsi Presbyteri investigare debent. Quod si probabilis conjectura sit de impedimento, interdicitur matrimonium, donec de impedimento contiterit, c. *Cum inhibito*, 3. & ult. in princ. h. t. num. 25. Denuntiationes, seu proclamationes sunt monitiones quædam, quæ præmittuntur matrimonio contrahendo, ut si quis impedimentum novit inter sponfos, illud aperiat, n. 26. Quær. nunc 1. An denuntiationes sint de essentia matrimonii, vel saltem de præcepto? Resp. validum est matrimonium, etiam si nullæ denuntiationes præmittantur, vel fiant, peccant tamen mortaliter, tam Parochus assistens matrimonio, quam ipsi contrahentes, si ex non sint factæ, n. 27. Quær. 2. Ubi, quomodo, & quando fieri debeant denuntiationes? Resp. 1. Si sponsi ad diversas parochias spectent, denuntiationes in utriusque contrahentis parochia faciendæ sunt, nisi contraria sit consuetudo, ut tantum fiant in parochia unius sponsi, in qua celebrandæ sunt nuptiæ. 2. Denuntiationes debent fieri continuis tribus diebus festis, inter quos scilicet non mediet alia festa, etsi intercedere possint, ac debeant aliquot dies profecti. 3. Debent fieri in Ecclesia, inter Missarum solemnæ: quamvis etiam extra Ecclesiam, & die non festo, in quo tamen est frequens populi concursus, hæc denuntiationes fieri possint, in qua re observari debet consuetudo Ecclesiæ consuetudo, n. 28. Quær. 3. Quis possit dispensare, ut denuntiationes matrimonii omitterentur, & ob quas causas? Resp. Episcopus, ex iusta causa, dispensare potest, juxta Concil. Trident. Sess. 24. c. 1. de ref. matr. Item Vicarius Generalis Episcopi, & ex quibus causis? n. 29. Si denuntiationes sint prætermittendæ ante nuptias, tunc post nuptias ante consummationem matrimonii faciendæ sunt, n. 30. Post factas denuntiationes, is, qui scit impedimentum etiam occultum, illud deferre, & denuntiare debet, & quando non? n. 31.

§. V. De probatione matrimonii clandestini, & ejus publicatione.

Alleganti matrimonium clandestinum incumbit onus probandi: quod si mulier neget desponsationem esse factam, vir verò affirmet, viro incumbit probatio: si verò vir neget, & mulier affirmet, mulieri incumbit probatio, c. 1. h. t. Hodie verò post Concil. Trident. cum matrimonium clandestinum sint irrita, inanis, & frustratoria esset talis probatio, n. 32. Ecclesia non iudicat de clandestinis matrimoniis, sed si contrahentes ea volunt publicare in Ecclesia, hæc recipienda sunt, & publicanda in Ecclesia, nisi rationabilis causa obstat, n. 33. & 34. Publicatio matrimonii clandestini hunc effectum tribuit, ac si ab initio in facie Ecclesiæ contractum fuisset, cit. n. 34. Illi, qui prius matrimonium clam contraxerunt, & postea palam cum alio, vel alia, non sunt cogendi ad ptius matrimonium, sed posterius observandum, n. 35.

§. VI. De penis matrimonii clandestini, & clam contrahentium, vel ei assistentium.

Quær. 1. Quæ sint pænæ ipsius matrimonii clandestini? Resp. Quamvis aliis filij ex matrimonio invalido geniti, quando uterque parens, vel saltem alter bonâ fide contraxit, ignorans impedimentum, sint legitimi: si tamen matrimonium illud nul-

lum fuit clandestinum, tum filij ex eo geniti erunt illegitimi, non obstante bonâ fide parentum, c. 3. & ult. §. Si quis verò h. t. n. 36. Prædicta autem pænâ matrimonij clandestini, ut proles sit illegitima, habet locum, non tantum si matrimonium nullum sit, ob impedimentum consanguinitatis, vel affinitatis, sed etiam ob aliud quodcumque impedimentum, saltem propter eam impedimentum, quæ per denuntiationem detegi, & cognosci possunt, n. 37. Utrum matrimonium, quod coram Parocho, & testibus, non præmissis denuntiationibus, initum fuit, censeri debeat clandestinum, & non in facie Ecclesiæ celebratum? n. 38. Altera pænâ matrimonij clandestini est, ut si quis intra gradus prohibitos scienter matrimonium contrahere præsumpsit, separetur, & spe dispensationis consequendæ careat, n. 39. Quær. 2. Quæ sint pænæ contrahentium matrimonium clandestinum, & testium assistentium? Resp. Prima est, quod reddantur inhabiles, non absolute ad matrimonium in eundem, sed ad sic contrahendum, id est, clandestinum. Secunda pænâ est arbitraria, sunt enim graviter puniendi, arbitrio Episcopi, n. 40. Quær. 3. Quæ sint pænæ Parochi, vel alterius Sacerdotis assistentis matrimonio clandestino? Resp. si Parochus matrimonia clandestina prohibere contempserit, vel quicumque alius Sacerdos, etiam Regularis, illis præsumpsit interesse, per triennium à beneficio suspendantur, & si culpa exegerit, etiam gravius puniendi sunt. Ipsi etiam contrahentes contra hanc formam puniendi sunt. Item si quis ad impediendum legitimum matrimonium, impedimentum malitiose objecerit, Canonice puniatur, cit. c. 3. & ult. §. fin. h. t. n. 41. Idque declaratur, n. 42. & 43. Episcopus non potest Parochum suspendere per triennium, quia interfuit matrimonio clandestino, absolvere, n. 44.

SERIES CAPITVLORVM.

IN ANTIQVIS	n. 25. & seq. §. Siquis
c. 1. n. 32.	verò n. 36. & 2. seqq.
c. 2. n. 33. & seqq.	& §. fin. num. 41. & 3. seqq.
c. 3. & ult. in princ.	

TITVLVS IV.

DE SPONSA DUORVM.

§. I. Si aliqui bina sponsalia cum diversis contraxerunt, quænam sint valida?

Resp. Is, qui successivè contraxit sponsalia per verba de præsentì, sive matrimonium cum duabus, debet adherere primæ: si verò prius contraxit sponsalia de futuro cum una, & postea per verba de præsentì cum altera, debet adherere secundæ, c. 1. h. t. n. 1. Idque declaratur, n. 2.

§. II. An sponsalia de præsentì dissolvantur per sequens matrimonium consummatum?

Resp. Sponsalia de præsentì, sive matrimonium prius contractum, sed non consummatum, non dissolvitur per subsequens matrimonium, etiam si per carnalem copulam sit consummatum, c. Licet, 3. h. t. n. 3. & 4. Præterea qui duas per verba de præsentì desponsavit, prius desponsatam, etiam nondum cognitam, habebit in uxorem, quamvis secundam prius carnaliter cognoverit, non obstante contrariâ consuetu-

tuetudine, n. 5. Sed neque Papa potest condere legem, ut matrimonium ratum, & non consummatum dirimatur per sublequens carnali copulâ consummatum, n. 6. Qui accepit in uxorem, quam alter sibi prius desponsaverat per verba de presenti, debet illam dimittere, & nunquam potest esse legitima ejus uxor, debetque 40. diebus pœnitere in pane, & aqua per 7. sequentes annos, c. 2. h. t. n. 7. Quæ requirantur, ut contrahens matrimonium cum desponsata alteri per verba de presenti, omnino inhabilis fiat ad ducendam illam, etiam post mortem primi viri? n. 8.

§. III. *An appellans in causa matrimoniali possit, lite pendente, aliud matrimonium contrahere?*

Resp. pendente lite super matrimonio, etsi appellatum fuerit, non potest aliud matrimonium contrahi cum alia, & si talis contraxerit, tale matrimonium est separandum, ac irritandum, c. Tua 4. h. t. n. 9. & 10. Vel saltem usus matrimonij prohibendus, cit. n. 10.

SERIES CAPITVLORVM.

IN ANTIQVIS.	c. 3. n. 3. & seq.
c. 1. n. 1. & seq.	c. 4. n. 9. & seq.
c. 2. n. 7. & seq.	c. 5. & ult. n. 5. & 6.

TITVLVS V.

DE CONDITIONIBUS APPOSITIS in desponsatione, vel in alijs contractibus.

§. I. *Quid sit conditio, & quod duplex, quid modus, causa, & demonstratio, quæ matrimonio, aliisque contractibus apponuntur.*

ASSERTIO I. Conditio propriè dicta est dispositio, id est, actus, vel contractus suspensio in futurum tempus, & eventum incertum, & explicatur per particulam *Si*, ut contraham tecum matrimonio, si pater tuus consenserit. Modus est qualitas adjecta dispositioni, per quem onus aliquid adijcitur, ad quod obligatur contrahens, & explicatur per particulam *Ut*. v. g. duco te, ut divitias, vel honorem consequar. Causa apponitur, quando exprimitur causa, ob quam contrahitur matrimonium, & explicatur per dictionem *Quia*, ut duco te, quia dives, vel pulchra es. Demonstratio fit, quando demonstratur persona, cum qua contrahitur, ut duco te, quæ es, libera, vel virgo. n. 1. Aff. 2. Conditiones quædam sunt generales, alie speciales, quædam intrinsecæ, alie extrinsecæ: item quædam sunt necessariò eventuræ, alie impossibiles: rursus alique contingentes, & possibiles: quædam honestæ, quædam turpes, quædam indifferentes, seu impertinentes. Denique ex turpibus quædam sunt contra substantiam, & bona matrimonij, alie non n. 2.

§. II. *An conditio contractui matrimonio appposita, illum vitiet, vel suspendat?*

ASSERTIO I. Matrimonium contractum sub conditione relata in tempus præsens, vel præteritum, non suspenditur, vel vitatur, sed statim valet, si conditio est, vel fuit posita: non valet, si ea non existit, vel non existit. v. g. duco te, si es virgo, nobilis, dives &c. n. 3. Aff. 3. Matrimonium contractum sub

conditioe de futuro possibili, honesta, & contingente, v. g. duco te, si pater tuus consenserit, suspenditur, ita ut non valeat, nec obliget, donec conditio impleatur. n. 4. Imò etiam sponsalia de futuro jurata possunt contrahi sub conditione de futuro, neque prius obligant, donec conditio fuerit impleta, nisi consensus de presenti, aut carnalis copula fuerit secuta, c. De illis. 3. h. t. n. 5. & 6. Hodie verò hujusmodi præsumpta matrimonia non valent, nisi coram Parocho, & testibus sine contracta, cit. n. 6. Solvitur objectio n. 7. Qui matrimonium contrahit per verba de presenti sub conditione non improbat ab Ecclesia, ut contraho tecum, si pater meus consenserit, non est cogendus ad contrahendum, & multò minus ad consummandum matrimonium, nisi accedat consensus patris, quia non potest dici consensus de presenti, c. Super eo. 5. h. t. n. 8. & 9. Matrimonium non potest conferri in arbitrium alterius, cit. n. 9. Probabilius est non tantum consensui matrimonij, sed etiam ipsi matrimonio adijci posse conditionem, v. g. contraho tecum, si pater meus consenserit. num. 10.

§. III. *An conditio de futuro necessaria, vel impossibilis, adjecta matrimonio, illum vitiet, vel suspendat?*

ASSERTIO I. Matrimonium contractum sub conditione de futuro necessaria, ut contraham tecum, si etas sol oriatur, non suspenditur per conditionem adjectam, nec vitatur, sed perinde est, ac si ea appositâ non esset, adeoque validum est talis matrimonium, modò contrahentes sciant conditionem esse necessariam. n. 11. Aff. 2. Matrimonium contractum sub conditione de futuro, quæ repugnat substantiæ, & bonis matrimonij, invalidum est: si verò in contractu matrimonij conditio impossibilis, vel turpis apponatur, quæ non est contra substantiam matrimonij, ea habetur pro non adjecta, & matrimonium tenet. c. 7. & ult. h. t. n. 12. Declaratur n. 13. Quando conditiones turpes, & inhonestæ adversus substantiam matrimonij appositæ non irritant contractum matrimonij? n. 14. Sicur matrimonium contractum sub conditione suspensiva, quæ est contra illius substantiam, non tenet: ita non tenet, si fuerit contractum sub conditione resolutiva, ut contraho tecum, si non invenero aliam ditionem, n. 15. Conditiones turpes, vel impossibiles, quæ matrimonio substantiæ non adversantur, non reddunt irritum matrimonium, sed rejiciuntur, & pro non adjectis habentur, favore matrimonij, ut contraho tecum, si furtum feceris, n. 16. Quænam requirantur, ut conditio impossibilis rejiciatur in contractu matrimonij? n. 17. Omnes fideles censentur recipere Sacramenta, juxta intentionem Ecclesiæ, n. eod. Quando matrimonium contractum sub conditione turpi, vel impossibili non teneat, propter defectum consensus conjugalis? n. 18. Præterea matrimonium sub turpi conditione contractum, eâ reiectâ, servandum est, c. 1. h. t. num. 19. ubi etiam alie expositiones referuntur. Qui sponsalia contrahit sub conditione honesta, si pater suus consentiat, & ante impletam conditionem, habet copulam cum illa, à conditione recessisse videtur, & matrimonium tenet, c. Per tuas. 6. h. t. n. 20. Sponsalia de futuro, non tantum pura, & absoluta,

soluta, sed etiam conditionalia per secutam copulam transeunt in matrimonium, quia tunc Ecclesia præsumit contrahentes recessisse à conditione, & voluisse purè, & absolute contrahere, nec admittit probationem in contrarium, n. 21. An si matrimonio sint adjectæ tales conditiones, v.g. contraham tecum, si te virginem invenero, vel si mecum rem habueris, &c. sint validæ, vel tanquam turpes rejici debeant? *num. 22.*

§. IV. *Proponuntur, & resolvuntur aliæ nonnullæ questionēs circa sponsalia, vel matrimonium sub conditione contracta?*

Quæ. 1. An matrimonium contractum per verba de præsentī inter habiles sub conditione honesta de futuro, & contingenti, ut contraho tecum, si pater tuus consenserit, positi conditione sit validum, sine novo consensu utriusque conjugis? Resp. probabile est tale matrimonium statim perfici, impletā conditione, sine novo contrahentium consensu, n. 23. Idque magis declarat. n. 24. Quæ. 2. An post Concil. Trident. requiratur ad valorem matrimonii, ut Parochus, & testes non tantum contractui sub conditione de futuro inito, sed etiam impletionis conditionis interfint? Resp. probabile est requiri, quamvis sufficiat, si ipsi contrahentes coram Parocho, & testibus asserant postea, conditionem esse impletam, n. 25. Etsi verò talia matrimonia sint valida, non tamen facillè sunt permittenda, sed tutius est, ut post impletam conditionem, consensus matrimonialis renovetur coram Parocho, & testibus, *cit. n. 25.* Quæ. 3. An si inhabiles ad matrimonium contrahendum per verba de futuro promittant sibi invicem, vel etiam de præsentī contrahant matrimonium sub conditione, si Papa dispensaverit, obligationem contrahant, & qualem, ante, vel post dispensationem? Resp. per se loquendo, non peccant, si sponsi sub tali conditione matrimonium sibi invicem promittant, n. 26. Probabile quoque est, matrimonium per verba de præsentī inter personas impeditas, seu inhabiles contractum, impetratā dispensatione, purificari, seu perfici, absque novo consensu contrahentium coram Parocho, ac testibus expresso, n. 27. Probabilius tamen est, matrimonium sub conditione dispensationis Papalis contractum nunquam sine novo consensu coram Parocho, & testibus expresso perfici, *cit. n. 27.* Quæ. 4. Si quis sponsalia, vel matrimonium contraxit cum duabus, quænam, vel quod ex illis servandum sit, & validum? Resp. si quis cum duabus contrahat sponsalia sub conditione de futuro, etsi posteriorum sponsalium conditio prius impleatur, adhuc priora erunt valida, quandoque eorum conditio evenierit. Si quis verò cum duabus contraxit matrimonium, sub conditione pendente in futurum, illud validum est, cujus conditio prius impletur, sive illud primò contractum sit, sive posterius, modò tamen contrahens utrumque, quantum potest, velit esse validum, & neutrum consensum revocavit, n. 28.

§. V. *An causa, demonstratio, vel modus adjectus contractui matrimoniali ipsum vitiet, vel suspendat?*

ASSERTIO I. Demonstratio, vel causa, sive turpis sit, sive honesta, vel contraria substantiæ matrimonii, vera, vel falsa, per se nunquam suspendit,

nec vitiat matrimonium, sed semper habetur pro non adjecta, & matrimonium valet, ut accipio te in uxorem, quæ vel quia es sterilis, vel virgo &c. n. 29. Aff. 2. Modus adjectus contractui matrimoniali non vitiat illum, nec suspendit, nisi sit contrarius substantiæ, aut bonis matrimonii, n. 30. Aff. 3. Si modus adjectus matrimonio sit impossibilis, non tamen repugnans substantiæ matrimonii, ut contraho tecum cā lege, ut digito cælum tangas, ut monte aureum mihi des: vel turpis, & illicitus, ut patrem tuum interficias, tunc matrimonium valet, & modus pro non adjecto habetur, in favorem matrimonii, n. 31. Unde cognosci possit, utrum contractus aliquis sit sub modo, vel conditione propriè dicta, sive suspensiva, an verò solum sub modo, seu conditione non suspensiva? n. 32. Specialiter verò conditio non suspensiva, sive modus impossibilis, vel turpis, si non advesetur substantiæ contractus, debet haberi pro non adjecto in contractu matrimonii, ob illius favorem, *cit. n. 32.* Servus potest manumitti sub ea conditione, si modo, ut fiat Monachus, vel Clericus, c. *Cum sit. 2. h. t. n. 33.* Donatio Ecclesiæ, vel pio loco facta sub modo, non potest à donatore postea revocari, nisi expressè fuerit conventum in donatione, quod si pactum, vel modus non setvetur, possit revocari, c. *Verum. 4. h. t. n. 34.* Idque declaratur n. 35.

SERIES CAPITULORUM.

IN ANTIQUIS.

- | | |
|------------------------|---------------------------------------|
| c. 1. n. 19. | c. 5. n. 8. & 2. seqq. |
| c. 2. n. 33. | c. 6. n. 20. & seq. |
| c. 3. n. 5. & 2. seqq. | c. 7. & ult. n. 12. & alii quot seqq. |
| c. 4. n. 34. & seq. | |

TITVLVS VI.

QUI CLERICI, VEL VOVENTES matrimonium contrahere possunt?

§. I. *Utrum Ordo sacer dirimat matrimonium subsequens, & quo iure?*

ASSERTIO I. Per Ordinem sacrum, videlicet Presbyteratum, Diaconatum, & Subdiaconatum, dirimitur matrimonium postea initum, c. 1. h. t. n. 1. Excipitur I. nisi quis fuerit promotus per illatam vim, seu metum gravem. 2. qui suscepit Ordinem sacrum ante pubertatem, non obligatur ad votum continentię ei annexum, *num. 2.* Clericus in Sacris constitutus, si uxorem ducat, sit irregularis, *cit. n. 2.* Subdiaconus, qui de facto contrahit matrimonium, si ad Religionem transire voluerit, potest ei Episcopus concedere, ut ad altiores Ordines promoveatur. Si verò non vult ad Religionem transire, neque ita Subdiaconatu ministrare, neque ad altiores Ordines promoveri potest, in minoribus tamen Ordinibus ministrare poterit, n. 3. Qui in minoribus Ordinibus sunt constituti, possunt contrahere matrimonium, n. 4. Episcopus dispensare potest cum Clerico in Sacris constituto, si cum unica, eaque virgine contraxit matrimonium: secus, si cum vidua, aut corrupta, vel cum eo Clerico in Sacris, qui hinas nuptias contraxit, n. 5. Aff. 2. probabilius est, ac verius, non iure naturali, vel Divino, sed solo iure Ecclesiastico per susceptionem Ordinis sacri, dirimi

matrimonium subsequens, n. 6. Cur per suspensionem sacri Ordinis impediatur matrimonium contrahendum, ita ut valide contrahi non possit: non autem iteretur matrimonium præcedens etiam non consummatum? n. 7. Nullus, durante matrimonio, etiam non consummato, potest recipere alique ex Ordinibus sacris, nisi cum licentia uxoris Religionem ingredientis, vel etiam in seculo remanentis, & votum castitatis emitentis, si uxor sit suspecta de incontinentia, n. 8. Sed neque talis conjugatus Ordines minores recipere potest, ut est probabilius, n. 9. Quod si quis post matrimonium ratum, & non consummatum, in Sacris constitutus Religionem ingrediatur, & in ea profiteatur, potest Episcopus cum eo dispensare, ut in suscepto Ordine ministrare, & ad aliores ascendere possit, n. 10. Est tamen talis conjugatus monendus, per Episcopum, ut Religionem ingrediatur, si matrimonium nondum sit consummatum, n. 11. Hoc est discrimen inter Græcos, & Latinos in sacris Ordinibus constitutos, quod illis licuit, post matrimonium initum, sacros Ordines suscipere, & matrimonio antea contracto uti, non autem Latinis, n. 12.

§. II. An, & quo jure votum solenne castitatis per professionem Religiosam matrimonium postea initum dirimat? & an etiam votum simplex castitatis impediatur matrimonium, idque dirimat?

ASSERTIO I. Votum solenne castitatis per professionem Religiosam emissum dirimit matrimonium subsequens, non autem si solum fuit votum ingrediendi Religionem, licet postea matrimonium contraxerit, c. *Meminimus*, 3. h. t., quamvis impediatur matrimonium contrahendum, n. 13. & 14. Aff. 2. Votum solenne castitatis editum in Religione, non jure naturali, ac Divino, sed solo Ecclesiastico irritum reddit matrimonium subsequens, n. 15. Votum solenne castitatis etiam per professionem tacitam emissum impedit, ac dirimit matrimonium postea contractum, c. 7. *Ulr. h. t.* n. 16. Declaratur n. 17. An & quando votum solius v. g. castitatis, & sic unius tantum ex substantialibus, si emittatur in ordine ad certam Regulam approbatam, & in manibus habentis potestatem admittendi, fiat solenne, & veram professionem inducat? n. 18. Professio fieri potest etiam in manibus privati Religiosi alicujus habentis ad hoc speciale mandatum, n. 19. Potest Religiosus licite retinere bona sua quoad usum fructum, vel usum, cum licentia Superioris, & dependenter ab ejus voluntate, n. 20. Susceptio habitus professorum extra Religionem à non habente potestatem admittendi ad Religionem, impedit matrimonium contrahendum, non autem dirimit contractum, c. *Consultat*, 4. h. t. n. 21. & 22. Quando per assumptionem habitus professorum extra claustrum Monasterii fit votum solenne, ita ut impediatur, & dirimat matrimonium postea contractum, vel non? n. 23. Aff. 3. Votum simplex castitatis impedit, ne matrimonium licite initi possit, non tamen dirimit postea initum, sed tale matrimonium validum est, non obstat voto simplicis castitatis, c. *Rursus*, 6. h. t. n. 24. Votum simplex, & solenne non differunt per se, ac ex natura sua, sed solum ex Ecclesie Constitutione accidentaliter, & extrinsece, n. 25. Ex Constitutione Gregorii XIII. tria vota simplicia Societa-

tis JESU post biennium probationis emissæ, irritant matrimonium postea contractum, non tamen dirimunt matrimonium antea contractum, n. 26.

§. III. An per votum simplex castitatis dirimatur præcedens sponsalia de futuro?

Mulier, quæ promissit se alicui nupturam, & postea vovit castitatem, idcirco sponsus aliam duxit, si non valet continere, sed timet, ne in fornicationem incidat, potest petere dispensationem in voto, & nubere alteri, imposita ei poenitentia, ob fidem non servatam, & votum violatum, c. *Veniens*, 5. h. t. n. 27. Ubi certum est r. per votum ingrediendi Religionem dissolvi priora sponsalia. 2. per votum simplex castitatis perpetuæ præcedens sponsalia illa irritari, quia continetur promissionem rei illicitæ, 3. quando unus ex sponsis castitatem vovit, alter à sponsalibus servandis liber est, quia vovens censetur illis renunciâsse, n. 28. Probabile est, sponsalia de futuro dissolvi per subsequens simplex votum perpetuæ continentie editum animo permanendi in seculo, ita ut vovens non possit matrimonium antea promissum inire: quare si quis post votum castitatis editum, contrahat cum alia matrimonio, violabit quidem votum, non tamen fidem priorum sponsalium, quia ea jam per votum omnino erant dissoluta, ut colligi videtur ex cit. c. *Veniens*, 5. h. t. n. 29. Verum probabilius est, per votum simplex castitatis editum post sponsalia prius contracta, illa non dissolvi, n. 30. Quid in praxi in hac questione faciendum? n. 31. An Episcopus possit dispensare in voto castitatis perpetuæ? n. 32.

SERIES CAPITVLORVM.

IN ANTIQUIS.

c. 1. n. 1. & seq.
c. 2. n. 3. & 2. seqq.
c. 3. n. 13. & 14.
c. 4. n. 21. & 2. seqq.

c. 5. num. 27. & aliquos
seqq.
c. 6. n. 24. & seqq.
c. 7. *ult.* num. 16. &
seqq.

TITVLVS VII.

DE EO, QUI DUXIT IN MATRIMONIUM, QUAM POLLUIT PER ADULTERIUM.

§. I. An, & quando adulterium dirimat matrimonium subsequens?

ASSERTIO I. Adulterium dirimit matrimonium subsequens, si vir, vivente legitimâ uxore, cum alia per verba de præsentis matrimonium contrahere attemptavit, vel saltem de matrimonio post mortem prioris conjugis contrahendo promissionem fecit, n. 1. Aff. 2. Siquis viveat legitimâ suâ uxore, cum alia contrahat matrimonium ignorante primâ uxorem ipsius adhuc vivere: is mortuâ primâ uxore, si petat à secunda separari, non debet ab illa separari: quamvis secunda possit à viro, si velit, discedere, c. 1. h. t. n. 2. Duo sunt casus, in quibus propter adulterium prohibetur matrimonium iniri inter adulterum, & adulteram, n. 3. Solum adulterium non sufficit ad dirimendum matrimonium subsequens, sed insuper requiritur, ut vir promiserit matrimonium adulteræ, vel ut actum cum illa contraxerit, vel ut adultera in mortem prioris uxoris machinata fuerit, cit. n. 3. Potest tamen is, qui vivente marito, conju-

gem illius adulteravit, post peccatum penitentiam, viduam illam in uxorem ducere, *n. 4.* Aff. 3. Siquis contrahat per verba de presenti cum una, quam tamen carnaliter non cognovit, adeoque matrimonium non consummavit: sed postea scienter cum alia contrahat, eamque carnaliter cognovit: hoc casu, si primum matrimonium non fuit validum, quia coactè contraxit, nec eam carnaliter cognovit, talis, mortuâ primâ uxore, potest manere cum secunda, eamque habere in uxorem: si verò prius matrimonium fuit validum; licet prima uxor sit mortua, non potest habere secundam, si scienter contraxit cum illa: fecus, si ignoranter, tunc enim saltem aliam ducere poterit, *c. Significavit. 2. h. t.* Et sic legi debent, & corrigi, quæ habentur *n. 5. h. t.* à principio usque ad §. *Si vero.* Ut adulterium dirimat matrimonium subsequens, requirunt, ut matrimonium prius contractum sit validum: per copulam tamen carnalem spontaneam affectu maritali habitam subsequenter matrimonium gravi metu contractum ratificatur, & validum redditur, *n. 6.* Matrimonium autem validum etiam nondum consummatum inducit impedimentum dirimens perpetuum, ita ut non possit quis habere in uxorem illam, cum qua contraxit matrimonium, vivente primâ uxore legitimâ, etsi non cognitâ, neque verò per iuramentum adjectum matrimonio gravi metu contracto, hoc efficitur validum, *cit. n. 6.* Aff. 4. Siquis vivente primâ uxore, à qua se ob adulterium ejus separavit, quoad torum, & quæ Menialis facta est, contrahat cum secunda, quæ scivit, quod ille aliam habeat uxorem, is mortuâ primâ uxore, separari debet à secunda, ita tamen ut possit ducere in uxorem, non secundam, sed aliam tertiam, *c. Ex litterarum. 4. h. t. n. 7.* Idque procedit, etiam si adulter, vivente legitimâ suâ uxore, longo tempore secundæ adulteræ cohabitaverit, & plures filios ex ea susceperit, nihilominus enim eâ mortuâ, à secunda separari debet, *c. Cum haberet. 5. h. t. n. 8.* Aff. 5. Siquis, vivente primâ uxore, secundam insciam criminis adulterii à viro commissi, duxerit in uxorem, mortuâ primâ uxore, licet manere potest cum secunda, si novus consensus interveniat, *c. Veniens. 7. h. t. n. 10.* Aff. 6. Siquis vivente primâ uxore suâ, fidem dedit alteri de ea ducenda, post mortem uxoris, vel de facto contraxit cum ea matrimonium, si nec ante fidem datam, nec post, vel nec ante contractum matrimonium de facto, nec post, eandem cognovit, vivente primâ, & hac mortuâ contrahat matrimonium cum secunda, non est tale matrimonium separandum, sed tenet: quamvis utrique eorum, ob hoc delictum, penitentia injungi debeat; quod si vivente adhuc primâ uxore, secundam carnaliter cognovit, ante, vel post fidem datam, seu matrimonium, adeoque adulterio eam polluit, non debet tale matrimonium tolerari, *c. 8. Ubi. h. t. n. 12.* Solus contractus matrimonii, vel sola promissio de eo contrahendo cum secunda, vivente primâ uxore, non inducit impedimentum dirimens matrimonium cum illa, cui fidem dedit, vel cum qua de facto contraxit matrimonium, nisi intervenierit carnalis copula cum secunda, *n. 13.*

§. II. *Quenam conditiones requirantur, ut adulterium dirimat matrimonium inter adulteros?*

Plures requiruntur. Prima conditio est, ut adul-

terium concurrat cum promissione matrimonii futuri, vel cum matrimonio de facto inito. 2. Ut matrimonium de presenti attentatum, vel fides de eo data sit, & adulterium commissum, durante adhuc eodem legitimo matrimonio. 3. Ut uterque adulterans sciat alterum conjugatum esse. 4. Ut promissio matrimonii non sit ficta, sed seria, quamvis aliqui putent etiam ex ficta promissione oriri hoc impedimentum. 5. Ut promissio ab una parte facta, ab altera sit acceptata. 6. Ut promissio pura sit, & absoluta, vel saltem ut ante mortem conjugis fuerit purificata, quamvis aliqui contrarium teneant. 7. Ut copula carnalis sit perfecta, seu consummata. 8. Ut prius matrimonium fuerit validum, *n. 14. & 15.*

§. III. *An, & quando crimen homicidii, seu machinationis mortis alterius conjugis dirimat matrimonium subsequens?*

Altetum crimen dirimens matrimonium subsequens est homicidium, seu machinatio facta in mortem unius conjugis, cum proposito contrahendi postea matrimonium cum altero conjugis superstiti. Aff. 1. Siquis matrimonium de facto cum aliqua contraxit, vivente primâ uxore, eamque cognovit, non potest is, post mortem uxoris primæ, illam ducere in uxorem in perpetuum, si ista adultera machinata fuit in mortem primæ uxoris, vel si vir fidem adulteræ dedit, quod primâ defunctâ, illam ducturum sit, *c. Super hoc. 3. h. t. num. 16. & seq. Aff. 2.* Similiter si quis vivente legitimâ uxore suâ, habeat copulam cum altera, mortuâ uxore, potest illam ducere, & matrimonium cum illa initum tenere, nisi cæ vivente, fidem illi dederit, vel alter eorum mortem uxoris defunctæ fuerit machinatus, *c. Significasti. 6. h. t.* (vel nisi de facto eam in uxorem duxerit) *n. 18.* Solum adulterium non reddit matrimonium postea initum invalidum, ne quidem inter personas contractum, à quibus illud commissum fuit, nisi cum adulterio concurrat machinatio in mortem alterius conjugis, tunc enim matrimonium erit invalidum, *n. 29.* Conjugatus persistens in adulterio potest excommunicari, nisi ad uxorem redeat, potest tamen excommunicatus contrahere matrimonium, illudque tenet, quamvis peccet contrahendo, *cit. n. 19.* Ad impedimentum hoc dirimens in matrimonium contrahendum non requiritur physica cooperatio in mortem alterius conjugis, sed sufficit moralis, nempe contrahere volentes matrimonium, mandato, vel consilio ad mortem alterius conjugis per alios cooperatos esse, modò sic ab aliis permoti mortem intulerint, *n. 20.* Sola ratiobatio necis alteri conjugi illata non sufficit ad inducendum hoc impedimentum, *n. 21.* Hoc impedimentum incurritur, non tantum si in uxoris, sed etiam si in mariti eadem conspiratio, seu machinatio facta sit ab uxore, *n. 22.* Quando impedimentum hoc machinationis in mortem alterius conjugis non incurritur, nisi etiam adulterio interveniat? *n. 23.* Quæ nunc, quænam conditiones præterea sint necessariæ, ut incurritur hoc impedimentum? Resp. requiritur 1. ut machinatio illa sit efficax, & cædes recipi sit secuta, *n. 24.* 2. Ut machinatio mortis facta sit animo inveniendi matrimonium cum conjugis superstiti, *n. 25.* 3. requiritur, ut si unus tantum machinetur mortem conjugis, matrimonium utrique contracturo sit

sit notum, sive ut femina etiam sciat, virum, cum quo fornicata est, esse conjugatum, n. 26. 4. requiritur ad contrahendum hoc impedimentum, ut matrimonium prius cum uxore occisa initum fuerit validum, & legitimum, non tantum bonâ fide existimarum, etiam si non consummatum fuerit, n. 27. Solvitur obiectio Lutheri ex Veteri Testamento, n. 28. Aliud crimen dirimens matrimonium Jure novo Ecclesiastico introductum est crimen raptus, de quo infra libr. 5. Tit. 17. sec. 1. §. 3. & 4.

SERIES CAPITVLORVM.

IN ANTIQVIS.

c. 1. n. 2. & 2. seqq. c. 6. num. 18. & aliquot
c. 2. n. 16. & seqq. seqq.
c. 3. n. 15. & seqq. c. 7. n. 10. & seqq.
c. 4. n. 7. c. 8. & ult. num. 12. &
c. 5. n. 8. & seqq. 3. seqq.

TITVLVS VIII.

DE CONJUGIO LEPRO-
forum.

§. I. An per lepram supervenientem præcedentia sponsalia de futuro dissolvantur, vel etiam matrimonium præcedens?

ASSERTIO I. Per lepram (supervenientem dissolvuntur sponsalia de futuro prius contracta, si sponsus imminis à lepra id petat; quamvis etiam promittere possit leprosus matrimonium, quam scit esse leprosam, si velit, c. 3. & ult. h. t. n. 1. Id verò extenditur ad quemvis alium morbum contagiosum supervenientem uni ex sponso, post sponsalia de futuro inita; nam ob quamvis notabilem mutationem supervenientem post sponsalia, ea dissolvuntur, si id petat sponsus sanus, n. 2. Aff. 2. per lepram supervenientem non dissolvitur matrimonium præcedens, ac proinde conjux leprosus non potest, nec debet propter lepram separari à sano; quòd si unus conjux alterum leprâ infectum sequi nolit, debet uterque, altero vivente, continentiam servare, aliquem excommunicentur, c. 1. h. t. n. 3. Leprosi ex generali consuetudine licet separantur à consortio reliquorum hominum. Item per lepram supervenientem non dissolvitur matrimonium antea contractum, neque propter aliam infirmitatem quantumvis gravem, & multò minùs dissolvi potest matrimonium propter lepram, postquam consummatum fuit, n. 4. An sicut uxor tenetur sequi virum, ita & vir uxorem? n. 4.

§. II. Aliæ nonnullæ quæstiones circa conjugia leproforum proponuntur, & resolvuntur.

Quæst. I. An propter lepram, vel aliam infirmitatem, conjux à conjuge separandus sit, saltem quoad torum, & cohabitationem? Resp. propter lepram, vel aliam gravem infirmitatem unus conjux alterum non debet dimittere, nec ab eo separari, etiam quoad torum, & cohabitationem, c. 2. h. t. n. 5. & 6. Non ob solam causam fornicationis, seu adulterii, sed ob alias etiam causas separatio inter conjuges quoad torum, & cohabitationem ad certum, vel incertum tempus fieri potest, cit. n. 6. Quomodo intelligendum sit illud dictum Christi, non posse virum dimittere uxorem suam, exceptâ causâ forni-

cationis, seu adulterii? cit. n. 6. & 7. Quæst. 2. An leprosi possint contrahere matrimonium? Resp. si continere nolit, & aliquam invenerint, quæ ipsis nubere velit, possunt ad matrimonium transire, c. 2. h. t. n. 8. Quæst. 3. An conjuges leprosi teneantur sibi invicem reddere debitum conjugale? Resp. Si vir, vel uxor leprosa fuit, & conjux infirmus à sano debitum exigit, illud reddendum est, nisi debiti redditio cedat conjugi sano in notabile damnum, & periculum infectionis foret, cit. c. 2. in fine. n. 9. Quando teneatur conjux sanus leproso debitum reddere, & quando excusetur? cit. n. 9. Utrum conjux sanus teneatur cum leproso assidue cohabitare? n. 10.

SERIES CAPITULORVM.

IN ANTIQVIS.

c. 1. n. 3. & seqq. c. 2. n. 5. & aliquot seqq.
c. 3. & ult. n. 1.

TITVLVS IX.

DE CONJUGIO SERVORVM.

Aliud impedimentum matrimonii est error servilis conditionis. Est autem hic sermo non de servis adscriptitiis, qui prædico colendo sunt perpetuò ad dicti, sed de servis propriè dictis, qui non sunt liberi, num. 1.

§. I. An servus possit licet, & validè contrahere matrimonium, invito, vel ignorante domino, & quâ ratione error status, seu conditionis servilis dirimat matrimonium, & quo jure?

ASSERTIO I. Servus etiam invito, & contradicente domino, licet matrimonium contrahere potest, illudque tenet, quamvis debita, & consueta servitia nihilominus domino exhibere debeat, c. 1. h. t. n. 2. Servus Christianus, & baptizatus potest omnia Sacramenta suscipere, quæ sunt omnibus Christianis communia, excepto Ordine, quia nullus servus debet ordinari, sine consensu domini: aliud est de servis non baptizatis, de quibus nihil potest disponere Ecclesia, n. 3. Aff. 2. Error conditionis servilis, quando scilicet homo liber contrahit matrimonium cum ancilla, quam ignorat esse ancillam, vel libera cum servo, quem nescit esse servum, reddit irritum matrimonium, c. 2. h. t. n. 4. Ubi tamen distinguendum est: vel enim contrahit quis matrimonium cum ancilla, ignorans illam esse ancillam, sed putans esse liberam, & tunc matrimonium non tenet: vel sciens esse alterum servum, vel ancillam, cum eodem, vel eadem contrahit matrimonium; & tunc illud tenet, cit. c. 2. h. t. n. 5. Error circa qualitatem personæ, ut si quis contrahat cum illa, quam putat esse nobilem, cum non sit, non dirimit matrimonium, cit. n. 5. Matrimonium, quod liber contraxit cum ancilla, ignorans illam esse ancillam, sit validum, si postquam scit illam esse servam, carnalem copulam cum illa habeat, cit. c. 2. h. t. n. 5. Quamvis hoc non procedat post Concil. Trident. cit. n. 5. Judex Ecclesiasticus potest judicare inter laicos super dote restituenda, cit. n. 5. Aff. 3. Quando per conditionem servilem redditur deterior conditio errantis, ut quia credidit mulierem, cum qua contraxit matrimonium, esse liberam, cum esset ancilla, tunc error vitiat matrimonium: quando verò liber contrahit matrimonium cum libera, quam putavit esse ancillam,

tum non redditur matrimonium nullum. Item si servus contrahat matrimonium cum ancilla, quæ putabat esse libertam, valet matrimonium, *n. 6.* Quæ. ulterius. Utrum error conditionis servilis dirimat matrimonium jure naturali, an verò solum jure Ecclesiastico? Probabile est, quod error servitutis jure naturali, ac gentium reddat matrimonium irritum, *n. 7.* Probabilius tamen est solo jure Ecclesiastico reddere irritum, *n. 8.* An matrimonium inter infideles initum cum errore servitutis sit validum? *n. 9.* An si dominus proprium servum, vel ancillam tradat in matrimonium personæ liberæ ignoræ servitutis, talis persona libera fiat? *n. 10.* Ass. 4. Si liber ignoranter matrimonium contraxit cum ancilla, quam ignoravit esse ancillam, si postquam id scivit, nec verbo, nec facto in illam consensit, matrimonium non valet, & cum alia contrahere poterit, *c. 4. & ult. h. t. n. 11. & 12.* Matrimonium ab initio nullum, ob errorem conditionis servilis, postquam constat de illius nullitate, ratificatur per supervenientem consensum verbis expressum, vel facto, id est, per copulam subsequentem, modo tractatus de matrimonio, vel sponsalia de futuro præcesserint, quod tamen non procedit post Concil. Trident. *n. 13.* Cui incumbat onus probandi ignorantiam servitutis? *cit. n. 13.*

§. 11. An, & quando proles, quoad libertatem, & servitutem, sequatur conditionem, non matris, sed patris?

Valet consuetudo legitimè præscripta, ut proles sequatur, quoad libertatem, & servitutem, non matris, sed patris conditionem, ita ut si pater sit liber, vel servus, etiam filii sint liberi, vel servi, non attentâ conditione matris, *c. 3. h. t. n. 14. & 15.* Valet matrimonium liberi initum cum ancilla, si ignorata fuit conditio servilis illius, post elapsum decennium, imò etiam post quinquennium, *cit. n. 15.* Favore libertatis in dubio judicandum est pro libertate, *cit. n. 15.*

SERIES CAPITVLORVM.

IN ANTIQVIS.

c. 1. n. 2. & seq.

c. 2. n. 4. & aliquot seqq.

c. 3. n. 14. & seq.

c. 4. & ult. n. 11. & 2.

seqq.

TITVLVS X.

DE NATIS EX LIBERO ventre.

Filij nati ex libera, vel liberta sunt liberi, & Ecclesia debet libertatem potius defendere, quam impugnare, *c. un. h. t. n. 1.* Filij legitimè nati, quoad familiam, nobilitatem, & dignitatem, sequuntur conditionem patris, non matris: quoad statum verò libertatis, vel servitutis, sequuntur conditionem matris. Sufficit autem, si mater tempore conceptionis, vel natiuitatis, vel medio tempore fuerit libera, ut proles libertate gaudeat, *n. 2.* Liberti, sive libertini, hoc est, filij libertæ, nempe progeniti ex ancilla, quæ ex servitute manumissa est, sunt liberi, etsi pater servus fuerit, nec possunt à domino in servitutem revocari, *cit. c. un. h. t. n. 3.*

IN ANTIQVIS.

c. un. n. 1. & 2. seqq.

TITVLVS XI.

DE COGNATIONE SPIRITUALI.

§. 1. Quid sit cognatio spiritualis, unde dicatur, & inter quas personas contrahatur?

ASSERTIO I. Cognatio spiritualis est propinquitas quædam personarum, quæ ex statuto Ecclesiæ oritur ex collatione, & susceptione Sacramentorum Baptismi, & Confirmationis, *n. 1.* Cognatio spiritualis non habet ortum ex jure naturali, neque ex jure Divino positivo, sed ex solo jure Ecclesiastico, seu institutione Ecclesiæ. Ex aliis verò Sacramentis non oritur cognatio spiritualis, neque ex Sacramento Pœnitentiæ inter Confessarium, & filiam Confessionis: est autem impedimentum hoc spiritualis cognationis perpetuum, *n. 2.* Ass. 2. Cognatio spiritualis impediens, ac dirimens matrimonium jure antiquo triplex erat, paternitas, compaternitas, & fraternitas, *n. 3.*

§. 11. Quenam circa cognationem spirituales, sive paternitatis, sive compaternitatis, sive fraternitatis, jure antiquo Decretalium statuta sunt, & inter quas personas ea impediât matrimonium contrahendum, vel dirimat contractum?

Inprimis filij duorum compatrum, per quorum neutrum devent im est ad compaternitatem, licet contrahunt matrimonium, nisi consuetudo alicujus Ecclesiæ aliud observet, *c. t. h. t. n. 4. & 5.* Secundò, si duo conjuges, vir, vel mulier, scienter, vel ignoranter proprium filium de sacro fonte susceperint, etsi videantur separati debere: aliter tamen etiam statum reperit, nempe ut si ve ignorantia, si ve ex malitia id fecerint, non sint ab invicem separandi, nec alter alteri debitum conjugii negare debet, nisi ad contentiam possint induci, *c. 2. h. t. n. 6.* Parentes carnales non debent proprios filios baptizare, nec in Baptismo, vel Confirmatione suscipere, extra necessitatem; tunc autem non oritur inter eos impedimentum cognationis spiritualis, *n. 7.* Quod si conjux extra necessitatem, baptizet, vel ut patrinus, suscipiat è Baptismo, vel Confirmatione communem filium, vel solius alterius conjugis, non sunt ab invicem separandi, si ve scienter, si ve ignoranter hoc fecerint: si tamen scienter hoc fecerint, non potest quidem unus conjux alteri debitum negare, ipse tamen non potest exigere, *cit. n. 7.* Quando pater carnalis in necessitate proprium filium tenuit in Baptismo, non oritur inter eos impedimentum cognationis spiritualis, si fuerint legitimè conjuges; aliud est in concubina, *n. 8.* Ad contrahendam cognationem spirituales requiritur scientia, & intentio illam contrahendi, *n. eod.* Tertio filij duorum compatrum, per quorum alterum, vel utrumque parentes ad compaternitatem pervenerunt, matrimonialiter conjungi non possunt, sed conjuncti separari debent: secus est, si per neutrum illorum compaternitas contracta fuit, tunc enim consuetudo Ecclesiæ Metropolitane, vel aliarum vicinarum Ecclesiarum servari debet, *c. 3. h. t. n. 9.* Per consuetudinem non potest induci impedimentum dirimens matrimonium, nisi fuerit per S. Pontificem approbata, *n. 10.* Consuetudo, quæ reddit fideles inhabiles ad contrahendum matrimonium, sine consensu, & approbatione S. Pontificis, non est rationalis, *n. 11.*

Quartò

Quarto filii duorum compactum, per quorum alterum perventum est ad compaternitatem, si matrimonium contrahant, separari debent, quia matrimonium non tenet, & qui hoc sciunt, debent tempore contractus illud denuntiare, c. *Tua nos. 7. h. t. n. 12.* Inter baptizatum, & filios levantis è baptismo etiam antea genitos, contrahitur cognatio spiritualis dirimens matrimonium de jure antiquo, n. 13. Hodie post Concil. Trident. Sess. 24. c. 1. de reform. matr. antequam contrahatur matrimonium, publicè denuntiari debent ij, inter quos matrimonium est contrahendum, ut si quis sciat aliquod impedimentum inter eos esse, illud aperiat, n. 14. Quinto compaternitas dirimens matrimonium contrahitur inter patrem baptizati, & uxorem levantis è Baptismo prius ab eo cognitam, c. *Martinus. 4. h. t. n. 15.* ¶ 16. Sexto impedimentum impediens, ac dirimens matrimonium contractum oritur inter patrem baptizati, & levantem, seu tenentem baptizatum, c. *Veniens. 6. h. t. n. 17.* Septimo cognatio spiritualis impediens, & dirimens matrimonium oritur inter baptizatum, & filium baptizantis, prout sumitur ex c. 8. & ult. h. t. n. 18. Siquis etiam talis in extrema necessitate baptizet aliquem, contrahit cognationem spiritualem dirimentem subsequens matrimonium cum baptizato, ejusque parentibus. Item filius, vel filia spiritualis Sacerdotis baptizantis non potest matrimonio copulari filio, vel filia carnali ipsius Sacerdotis: quæ cognatio spiritualis extenditur etiam ad filios spurios, ac illegitimos baptizantis, num. 19. Octavo cognatio spiritualis contrahitur, inter baptizatum, & suscipientem, ipsiusque filios, & uxorem ante susceptionem carnaliter cognitam: item inter suscipientem (ejusque uxorem) patremque baptizati, ac matrem, quæ & impedit matrimonium contrahendum, & dirimit contractum, idemque est de baptizante, c. 1. h. t. in 6. n. 20. Denique ex Confirmatione quoque cognatio spiritualis contrahitur impediens matrimonium contrahendum, & dirimens contractum, cit. c. 1. h. t. in 6. cod. n. 20. Ut autem spiritualis cognatio contrahatur inter baptizatum, & uxorem suscipientis è Baptismo, requiritur, ut ante susceptionem sit carnaliter cognita à viro, secus si post susceptionem, n. 21.

§. III. An per Catechismum precedentem Baptismum contrahatur cognatio spiritualis impediens, ac dirimens matrimonium?

Compaternitas contracta per Catechismum precedentem Baptismum vix impedit matrimonium contrahendum, & contractum non dirimit, c. *Contractio. 5. h. t. n. 22.* & c. 1. cod. in 6. n. 23. Is, qui tenet puerum in Catechismo, contrahit cognationem spiritualem imperfectam, sive instructio fidelis præcedat Baptismum, sive sequatur, nec impedit exactionem, & redditionem debiti conjugalis, n. 24. Verisimilius est, prædictum impedimentum omnino sublatum esse per Concil. Trident. Sess. 24. c. 2. de reform. matr. n. 25.

§. IV. An plures possint intervenire Patrini, seu suscepiatores in Baptismo, & Confirmatione de jure antiquo, & an inter omnes, si plures sint Patrini, contrahatur spiritualis cognatio?

De jure antiquo prohibitum erat, ut plures pa-

trini in Baptismo, vel Confirmatione adhiberentur, sed unus solus, sive vir, sive mulier adhiberi poterat; si tamen plures susceperunt, omnes contrahabant cognationem spiritualem, c. 3. & ult. h. t. in 6. n. 26. & 27. Verum jure novo Concilii Trident. Sess. 24. c. 2. de reform. matr. unus tantum, sive vir, si puer baptizandus sit, sive mulier, si puella; vel ut summum unus, & una (mas, & femina) sive puer, sive puella baptizetur, patrini esse possunt, n. 28. Quid præterea circa hoc decreverit Concil. Trident. c. 1. n. 29. Ad parentes pertinet designare paternos, vel ad Parochos, quod si nullus sit designatus patrinus, & multi simul tenendo tangant baptizandum, vel simul suscipiant, omnes contrahunt spiritualem cognationem: quamvis etiam probabile sit, quod si nulli deliguntur patrini, nullus contrahat cognationem spirituales, etiam si plures simul suscipiant baptizatum, n. 30. In Confirmatione verò juxta Concil. Trident. unus, vel una tantum possunt esse patrini, cit. n. 30. in fine.

§. V. Inter quosnam contrahatur cognatio spiritualis in Baptismo, & Confirmatione de jure novo Concilii Tridentini?

Cognatio spiritualis contrahitur ex decreto Concilii Tridentini, tantum inter paternos, & baptizatum ipsum, & illius patrem, & matrem, nec non inter baptizantem, & baptizatum, & hujus patrem, ac matrem tantum. Idem est de cognatione, quæ ex Confirmatione contrahitur, n. 31. & 32. Inter ipsos verò paternos etiam jure antiquo, non contrahatur cognatio spiritualis, nec patrini conjugati privantur propterea jure exigendi debitum: per parentes autem hic intelliguntur parentes naturales, sive legitimi sint, sive illegitimi, cit. n. 32.

§. VI. Quæ conditiones requirantur ad mentes patrini, & ad contrahendam cognationem spirituales in Baptismo, & Confirmatione?

Patrinus dicitur quasi spiritualis pater, ac pedagogus hominis baptizandi, qui cum in Christiana vita instruere debet, n. 33. Ad hoc munus requiritur 1. ut quis usum rationis sit assecutus, etsi non sit necessarium, ut ætate excedat baptizandum; 2. debet esse baptizatus; 3. Ut intentionem habeat exercendi munus patrini, n. 34. Patrini autem esse non possunt hæretici, & apostatae, item Monachi, & omnes alii Religiosi non possunt esse patrini in Sacramento Baptismi, & Confirmationis, cit. n. 34. Ad contrahendam cognationem spirituales plures etiam conditiones requiruntur. 1. Ut baptizans, vel suscipiens ex Baptismo, sit fidelis, seu baptizatus. Unde si infidelis baptizet filium fidelis, etsi postea ad fidem Christianam converteratur, potest puellam ducere in uxorem, Et è converso si fidelis baptizet, vel suscipiat è Baptismo filium infidelis, possunt inter se contrahere matrimonium, quia nulla inter eos contrahitur spiritualis cognatio, n. 35. 2. Requiritur ad cognationem spirituales contrahendam, ut Sacramentum Baptismi, vel Confirmationis valide sit collatum, n. 36. 3. Videtur Jura passim requirere ad cognationem hanc spirituales contrahendam, ut patrinus teneat, vel tangat baptizatum, vel confirmatum. Unde oritur quæstio, an cum quis per alium velut legatum, aut procuratorem

tozem suum, aliquem in Baptismo, vel Confirmatione tenet, solus procurator, vel legatus cognationem spiritualement contrahat cum baptizato, vel confirmato: an verò solus principalis, qui per alium suscipit, vel tenet? n. 37.

§. VII. *Proponuntur, & resolvuntur alie nonnullae quaestiones circa cognationem spiritualement oriam ex Baptismo, & Confirmatione.*

Quæ. 1. An suscipiens prolem in necessitate, quia nullus alius adest, & in privato Baptismo, contrahat cognationem spiritualement impediement matrimonium, vel ejus usum? Resp. Talis verus patrinus censetur, & spiritualement cognationem contrahit, n. 38. Quæ. 2. An si Christianus in extrema necessitate aliquem baptizet, contrahat cognationem spiritualement dirimentem matrimonium subsequens cum baptizato, ejusque parentibus? Resp. contrahere: nisi conjux baptizet prolem conjugis suæ, vel communem filium, ob urgentem necessitatem, ut patrinus, & Baptismo suscipiat, tum enim nullum impediementum contrahitur. An, & quando patens baptizans, vel suscipiens è Baptismo proprium filium in necessitate, vel etiam extra illam, per probabilem ignorantiam, contrahat impediementum cognationis spiritualement cum propria uxore, ita ut debitum petere non possit? n. 39. Quæ. 3. An hæreticus sit capax hujus spiritualement cognationis? Resp. si hæreticus baptizet, vel in Baptismo, & Confirmatione suscipiat prolem Catholicæ, is contrahit cognationem spiritualement cum persona baptizata, vel suscepta, & ejus parentibus. Aliud est, si infidelis, sive non baptizatus baptizat filium fidelis, vel suscipit in Baptismo, vel Confirmatione, n. 40. Item quaeritur, an Catholicus licite possit prolem a catholicis, quæ à ministro hæretico baptizatur, rogatus è Baptismo suscipere? n. 41. Et an vice versâ, petmitti possit, ut cum proles Catholica à Sacerdote Catholico baptizatur, admittatur patrinus hæreticus, v.g. Lutheranus? n. 42.

SERIES CAPITVLORVM.

IN ANTIQVIS.	c. 3. & ult. n. 18. & 19.
c. 1. n. 4.	
c. 2. n. 6. & seq.	IN SEXTO.
c. 3. n. 9. & 10.	c. 1. n. 20. & seq.
c. 4. n. 15.	c. 2. n. 23. & seq.
c. 5. n. 22. & 2. seqq.	c. 3. & ult. in fine n. 2. &
c. 6. n. 17.	idem cap. in princ. n. 26.
c. 7. n. 12.	& aliquot seqq.

TITVLVS XII.

DE COGNATIONE LEGALI.

§. I. *Quid, & quotplex sit adoptio?*

Ea deferibitur n. 1. Estque duplex, una perfecta, quæ arrogatio dicitur, per quam adoptatus transit in potestatem adoptantis: altera imperfecta, per quam adoptatus non transit in potestatem adoptantis, n. 2.

§. II. *Quid sit cognatio legalis, & quot ejus species, & ex qua adoptione oriatur impediementum hoc dirimens matrimonium subsequens?*

ASSERTIO I. Cognatio legalis est propin-

quitas personarum Jure Ecclesiastico approbante Jus Civile, ex adoptione proveniens. Eaque triplex est; prima in linea recta, secunda in linea transversa, tertia per modum affinitatis cujusdam, prout declaratur n. 3. Ad 2. Ex adoptione perfecta, sive arrogatio oritur cognatio legalis dirimens matrimonium: non autem ex imperfecta, sive simplici adoptione, n. 4.

§. III. *An omnes res species cognationis legalis impediunt, ac dirimant matrimonium, & inter quas personas?*

ASSERTIO I. Prima species est quasi ascendendum, & descendendum inter patrem adoptantem, & filium, vel filiam, nepotem, vel neptem adoptati, n. 5. Secunda species linea transversæ inter naturales, & adoptivos filios adoptantis, & adoptatum, dirimit matrimonium, non in perpetuum, sed solum quamdiu durat adoptio, c. unic. h. t. n. 6. Tertia species legalis affinitatis inter adoptatum, & uxorem adoptantis ex una parte, & inter adoptantem, & uxorem adoptati ex altera, dirimit perpetuò matrimonium, etiam dissoluta adoptione per mortem adoptantis, vel emancipationem adoptati, num. 7. Cur in prima, & tertia specie cognationis legalis prohibetur, ac dirimatur matrimonium subsequens in perpetuum: in secunda verò solum ad tempus, quamdiu durat adoptio? n. 8. Quomodo inter adoptantem, & adoptatum, & hujus descendentes contrahi possit matrimonium, vel non? n. 9.

IN ANTIQVIS.

c. unic. n. 6.

TITVLVS XIII.

DE EO, QUI COGNOUIT CONFANGUINEAM UXORIS SUÆ (vel sponsæ)

§. I. *An incestus, sive copula carnalis habita cum confanguinea uxoris suæ impediatur, vel dirimat matrimonium?*

Incestus commissus cum confanguinea uxoris suæ impedit quidem matrimonium contrahendum, sed non dirimit contractum post mortem uxoris, c. 1. h. t. n. 1. Dux sunt pœnæ viri committentis incestum cum confanguinea uxoris, una, quia privatur facultate petendi debitum à propria uxore: altera pœna est, quia vir privatur etiam facultate contrahendi matrimonium, mortuâ uxore suâ, cum quavis alia muliere in perpetuum, ita tamen, ut si contra prohibitionem juris cum alia matrimonium inerat, illud sit validum. Similiter si uxor incestum committat cum confanguineis viri, nec debitum petere potest à viro, nec illo mortuo, contrahere aliud matrimonium, n. 2. Non tantum ipsi conjuges, qui incestum commiserunt, prohibentur post mortem alterius conjugis, inire aliud matrimonium, sed etiam illi confanguinei conjugis, cum quibus alter conjux incestum commisit; requiritur tamen, ut incestus sit scienter commissus, n. 3. Nihil autem refert, sive vivo, sive mortuo conjuge, incestus cum confanguinea alterius conjugis fuerit commissus, c. Transmissæ. 4. h. t. num. 4. & 5. Si femina à confanguineo marito per vim sit coacta, non incurrit

rit impedimentum non contrahendi matrimonium cum alio, aut penas illius, quamvis consanguineus mariti, qui illam vi cognovit, incurrat impedimentum ad contrahendum matrimonium, n. 6. Incestus cum propriis consanguineis non impedit, nec dirimit matrimonium contrahendum, n. 7.

§. II. Virum affinitas superveniens matrimonio contracto inter conjuges, etiam per copulam illicitam, dissolvat priora sponsalia de futuro, vel etiam sponsalia de presenti, siue matrimonium nondum consummatum?

Ad priorem questionem respond. etsi per affinitatem supervenientem non dissolvatur matrimonium, dissolvuntur tamen ipso iure priora sponsalia de futuro, etiam per copulam illicitam, c. *Peniens*. 2. h. t. n. 8. & declaratur n. 9. Si alicui sponsa per verba de presenti sit desponsata, non potest sponsus cum alia contrahere matrimonium, nisi ex dispensatione Episcopi: & est hoc impedimentum non perpetuum, sed temporale, dum vivit is, cum quo incestus ille fuit commissus, n. 10. Si quis filiam, cum qua sponsalia de futuro iniit, prius cognovit, quam matrem illius, non potest in uxorem accipere matrem, neque filiam illius, petendo ab ea debitum, etsi matrimonium inter ipsos prius contractum consistat. Si vero cognovit sponsam, postquam cognovit matrem illius, nec sponsam, nec aliam potest ducere in uxorem, n. 11. Ad posteriorem questionem respondetur, affinitas superveniens, etiam per copulam illicitam, non dissolvit sponsalia iniita per verba de presenti, siue matrimonium prius contractum, etsi nondum consummatum, c. *Discretio* nem. 6. h. t. n. 12. Idque declaratur n. 13. Affinitas superveniens non dissolvit sponsalia de presenti, siue matrimonium ratum, & non consummatum: impedit tamen talis affinitas ex parte conjugis, qui incestum commisit, petitionem debiti: non autem ex parte alterius conjugis, qui non fuit particeps iniquitatis illius, n. 14.

§. III. An impedimentum affinitatis dirimens matrimonium contractum, probeatur per assertionem, vel confessionem utriusque conjugis?

Si unus solum asserat subesse impedimentum dirimens inter conjuges, dicendo se cognovisse uxorem fratris sui, non debet separari matrimonium, nisi hoc sit publicum, aut notorium, vel per idoneos testes probatum, c. *De illo*. 3. h. t. At vero ad impediendum matrimonium contrahendum plene probat unus testis, n. 15. Ad dirimendum matrimonium iam contractum non sufficit sola confessio conjugum, etiam si ambo confiteantur contra matrimonium, neque separatur matrimonium, etiam si ambo conjuges dicant, affinitatem inter illos contractam esse ante matrimonium, c. *Super eo*. 5. h. t. n. 16. & 17. Sed neque ex huiusmodi confessione amborum conjugum dissolvi debet matrimonium, etsi rumor viciniae id confirmet, n. 18. Cum vero non de dissolvendo matrimonio, quoad vinculum, sed solum quoad torum agitur, tunc creditur unius tantum conjugis assertioni contra seipsum, cit. n. 18.

* *

§. IV. Virum prædictum impedimentum affinitatis oritur etiam ex copula carnali attentata cum puella impube: & an etiam ex incestu cum cognata legali, aut spirituali: ac denique ad quem gradum extendatur hoc impedimentum affinitatis oritur ex illicita copula habita cum consanguinea alicuius conjugis?

Ad priorem questionem respond. ex sponsalibus contractis cum puella septenni, quæ nondum complevit septennium, si interveniat etiam copula attentata, oritur publica honestas impediens, ac dirimens matrimonium contractum cum consanguinea sponsæ: non autem sola sponsalia, siue contractus ad copulam, cum puella minore septennio, vel solus contractus ad copulam, absque sponsalibus, inducit publicam honestatem, c. *Fraternitati*. 7. h. t. n. 19. Ad posteriorem questionem dicitur, ex incestu cum cognata spirituali, vel legali non oritur impedimentum dirimens matrimonium, nec impediens aliud matrimonium contrahere: quia copula inter cognatos spirituales tantum non est verè incestus, n. 20. Ad 3. dicitur, iure antiquo Canonico orta fuit affinitas ex copula illicita cum consanguineis alterius conjugis, sicut ex licita, usque ad quartum gradum inclusive, c. *Discretionem*. 6. h. t. Hodie verò ex Decreto Concilii Tridentini, sess. 24. c. 4. de reformat. matr. restrictum est hoc impedimentum affinitatis ex fornicatione cum consanguineis usque ad secundum gradum, n. 21. Nomen autem fornicationis in eodem Decreto Concilii, intelligitur non solum simplex fornicatio, sed etiam quivis alius illicitus concubitus, n. 22.

§. V. Proponuntur, & explicantur reliqua Capitula huius Tituli.

Affinitas orta ex copula illicita dissolvit sponsalia præcedentia, & privat facultate contrahendi aliud matrimonium, nisi de incontinentia ipsius timeatur, tunc enim cum eo dispensare potest Episcopus, c. *Ex litteris*. 8. h. t. n. 23. & 24. Præterea is, qui sponsalia de futuro contraxit cum aliqua, & postea fornicem illius carnaliter cognovit, ab utraque abstinere debet, c. *Veniens*. 9. h. t. n. 25. Idque declaratur n. 26. Similiter per affinitatem supervenientem non dissolvitur matrimonium prius contractum, impeditur tamen petitio debiti conjugalis, etsi reddere teneatur petenti, c. *Tue*. 10. h. t. n. 27. Idque declarat n. 28. Hoc impedimentum de iure antiquo Canonico extenditur usque ad quartum consanguinitatis gradum inclusive. Verum post decretum Concilii Tridentini, sess. 24. c. 4. de reformat. matr. probabilis est, copulam habitam cum consanguineis alterius conjugis non impedire petitionem debiti ultra secundum gradum, n. 29. Si quis post sponsalia de futuro carnaliter cognoscat sponsam, & postea etiam cognoscat matrem sponsæ, non dissolvitur matrimonium, c. 11. & ult. h. t. n. 30. Idque declarat n. 31.

SERIES CAPITULORVM.

IN ANTIQVIS.

c. 1. n. 1. & 2. seqq.

c. 4. n. 4. & seqq.

c. 2. n. 8. & 3. seqq.

c. 5. n. 16. & seqq.

c. 3. n. 15.

c. 6. n. 12. & 2. seqq.

Ecce 3

c. 7. n. 19.

c. 7. n. 19.

c. 8. n. 23. & seq.

c. 9. n. 25. & seq.

c. 10. n. 27. & 2. seqq.

c. 11. & ult. num. 30. & seq.

TITVLVS XIV.

DE CONSANGUINITATE, ET
affinitate.

SECTIO I. De Consanguinitate.

§. I. Quid sit consanguinitas, & quid linea, & gradus consanguinitatis, & quomodo sint computandi?

ASSERTIO I. Consanguinitas est vinculum personarum, quæ ab eodem stipite, seu progenitore, eoque propinquo, per carnalem propagationem descendunt. Requiritur autem, ut consanguinei ab eodem stipite, seu progenitore propinquo descendant, n. 1. Duplices sunt consanguinei. 1. Agnati, qui per masculinam lineam, seu per virilis sexus cognationem sunt coniuncti, sive mares sint, sive feminae. 2. Cognati, qui sive ex parte patris per lineam masculinam, sive ex parte matris, seu per maternam lineam coniunguntur, n. 2. Aff. 2. Linea consanguinitatis est ordinata series, seu connectio personarum sanguine junctarum, quæ ab eodem stipite descendunt gradus continens, & cognationes distinguens. Est autem triplex linea, una ascendens, sive superior; altera descendens, sive inferior; tertia collateralis, eaque æqualis, vel inæqualis, n. 3. Gradus consanguinitatis est distantia unius personæ ab altera in eadem linea consanguinitatis, quæ cognoscitur, quæ persona sit stipiti propinquior, tit. n. 3. Aff. 3. Ad computandos, & discernendos consanguinitatis gradus, tres assignantur regulæ. Prima est, pro linea recta ascendenti, & descendenti, utroque iure recepta: Tot sunt gradus in linea recta ascendente, vel descendente, quot sunt personæ, unâ demptâ, nempe communi stipite, à quo prima origo ducitur, n. 4. Secunda regula pro linea transversali æquali, in qua personæ iunctæ æqualiter distant à communi stipite, est: quot gradibus personæ singulæ distant à communi stipite, totidem distant inter se, n. 5. Tertia regula pro linea transversa inæquali inter personas, quæ inæqualiter distant à communi stipite, est: quot gradibus persona, quæ remotior est, distat à communi stipite, totidem gradibus, sive eodem gradu distant inter se, n. 6. Porro hæc computatio graduum procedit secundum Jus Canonicum: at verò secundum Jus Civile, in linea collateralis, æquali, & inæquali, tot censentur esse gradus, quot sunt personæ laterales, stipite dempto. Est autem computatio graduum Juris Canonici servanda quoad matrimonium: quoad hæreditarias verò successiones servari debet computatio Juris Civilis, in foro seculari, & Ecclesiastico: sed in aliis contractibus quælibet computatio servanda est in suo foro, civilis in seculari, Canonica in foro Ecclesiastico, n. 7.

§. II. Quinam gradus consanguinitatis, & quo iure matrimonium dirimant?

ASSERTIO I. Matrimonium in primo gradu lineæ rectæ, inter patrem, & filiam, matrem, & filium, iure naturæ irritum est, & per consequens

etiam indispensabile ab Ecclesia. Excipitur unicuique casus publicæ necessitatis conservandi genus humanum, deficientibus omnibus aliis hominibus, si superesset solus pater, & filia, vel filius, & mater, tunc cohonestari posset tale matrimonium, & Deus in eo dispensare posset, n. 8. Aff. 2. Probabiliter est, matrimonium etiam in secundo, imò etiam quovis ultetore, seu superiore gradu in linea recta esse ipso iure naturali irritum, ac proinde matrimonium inter ascendentes, & descendentes, in linea recta, non tantum usque ad quartum gradum, sed in infinitum esse invalidum, videlicet avi cum nepti sua, proavi cum pronepti: item avæ cum nepore, proavæ cum pronepti, & sic deinceps, n. 9. Aff. 3. Probabiliter est, etiam in primo gradu lineæ transversæ, videlicet inter fratres, & sorores matrimonium iure naturæ esse irritum, excepto casu necessitatis, qualis fuit inter filios, & filias Adæ in exordio mundi, n. 10. Quamvis oppositum fit etiam probabile, n. 11. Aff. 4. In secundo gradu consanguinitatis lineæ transversæ, & multo magis in reliquis ulterioribus gradibus matrimonium non est iure naturali irritum, n. 12. Post Concilium Generale Lateranense sub Innocentio III. restricta fuit prohibitio graduum consanguinitatis, & affinitatis inter consanguineos in linea transversa usque ad quartum gradum inclusive, c. Non debet. 8. h. t. num. 13. Olim erant tria genera affinitatis, primum, secundum, & tertium, quorum duo posteriora jam sunt oblata, n. 14. Prohibitio matrimonii inter consanguineos, quæ olim extendebatur ad septimum gradum in linea transversali æquali, vel inæquali postea restricta fuit ad quartum usque gradum consanguinitatis, & affinitatis inclusive, n. 15. Cur Ecclesia prohibitionem illam matrimonii inter consanguineos, & affinitatis restringit ad quartum gradum, secundum computationem Canonicam? n. 16. Hinc si duo consanguinei inæqualiter distent à communi stipite, ita unus distet ultra quartum gradum, alter verò intra illum, possunt inter se matrimonium contrahere, c. Vir, qui. 9. & ult. h. t. n. 17. Idque procedit, etiam si alter consanguineus distet in primo, vel ulteriore gradu à communi stipite, num. cod. Aff. 5. Falsum est, & erroneum, omnes gradus consanguinitatis, aut affinitatis expressos c. 18. Levitic. esse prohibitos lege naturali, & Divinâ, ita ut in nullo eorum Pontifex dispensare possit, juxta Concil. Trident. Sess. 24. can. 3. de matrim. n. 18. Porro testes, qui super consanguinitate deponunt, debent gradus distinguere per ordinem, designando personas propriis nominibus, vel æquipollentibus iudiciis, & asserere causam, ac probabilem rationem dicti sui, præsertim quia sæpe testantur solum de auditu alieno, c. Trianos. 7. h. t. n. 19. & 20.

SECTIO II. De affinitate, quæ est altera pars
Rubricæ hujus Tituli.

§. I. Quid sit affinitas, & quæ ratione contrahatur, & inter quas personas?

ASSERTIO I. Affinitas est propinquitatis personarum ex carnali copula proveniens, quæ oritur ex copula carnali tum conjugali, tum etiam ex fornicario concubitu, num. 21. Aff. 2. Ad affinitatem contrahendam requiritur copula carnalis perfecta, seu

seu consummata, n. 22. Et hinc ex copula sodomitica habita in vase præpostero, & contra naturam, non contrahitur affinitas, idemque est de quacunque pollutione extra vas debitum: oritur autem affinitas etiam ex copula habita cum femina dormiente, ignorante, coacta, ebria, insana, seu amente. Item ex matrimonio rato, & nondum consummato oritur affinitas, non quidem propriè dicta, sed initiativa, ac impedimentum publicæ honestatis, n. 23. Aff. 3. Affinitas contrahitur inter consanguineos uxoris, ex una parte; & inter maritum ejus ex altera, & rursus inter consanguineos mariti, & uxorem ejus ex altera, non autem mutuo inter consanguineos viri, & mulieris: numerantur autem gradus affinitatis eodem modo, quo in consanguinitate, & traditur hæc regula: In quo gradu aliquis est consanguineus mariti, in eodem gradu fit affinis uxoris, & è converso, n. 24. Et hinc consanguinei mariti possunt licitè, ac validè contrahere matrimonium cum consanguineis uxoris, & hi vicissim cum illis, c. *Quod super*. 5. h. r. Nam affinitas contracta inter uxorem, & consanguineos viri non transit ad consanguineos uxoris, & è converso affinitas contracta inter virum, & consanguineos uxoris, non transit ad consanguineos viri, n. 25. Prohibitum est autem intra gradus prohibitos contrahere matrimonium sub pœna excommunicationis, non obstante consecutione etiam immemoriali, quæ est dicenda corruptela, *sum*, 26. Aff. 4. Triplex est genus affinitatis, primum inter consanguineos mulieris, ex una parte, & virum ex altera: non autem inter consanguineos viri, & mulieris mutuo, n. 27. Quia verò jam sublatum est secundum & tertium genus affinitatis; nam nulla amplius contrahitur affinitas inter consanguineos mariti, & uxoris, ideo possunt plures casus ejusmodi affinitatis occurrere, in quibus matrimonio nullum impedimentum præstat, quorum plura exempla adducuntur n. 28.

§. II. *Quonque, & quo jure affinitas dirimat matrimonium?*

ASSERTIO I. Sicut consanguinitas, ita etiam affinitas orta ex copula legitima, & conjugali impedit matrimonium contrahendum, ac dirimit contractum in linea transversali usque ad quartum gradum inclusivè, c. *Non debet*. 8. h. r. n. 29. Similiter si matrimonium intra quartum affinitatis gradum contractum fuerit, illud dissolvi debere, & sic contrahentes ab invicem separandos esse, ne in peccato persistent, statuitur quoque in c. *Ex litteris*. 1. h. r. ubi in fine additur, quoddam casus affinitatis tractanda sunt, non per quoslibet Judices, sed per Ecclesiasticos, eosque tales, qui potestatem habeant judicandi, & statuta Canonum sciunt, n. 30. Ad contrahendum sufficit unus testis ad plenam probationem: sed ad dissolvendum matrimonium contractum duo testes requiruntur, n. 31. Aff. 2. Probabilius est matrimonium in primo affinitatis gradu lineæ rectæ, esse jure naturæ irritum, nempe inter vitricum, & privignam, novercam, & privignum: socerum, & nurum: socrum, & generum, n. 32. An spectato jure naturali oriatur affinitas etiam ex fornicaria copula? n. 33. Et an gentilis, ante Baptismum susceptum, validè contrahere possit, vel etiam licitè cum filia, vel sorore mulieris, cum qua est fornicatus? n. 33. Aff. 3. Quamvis matrimonium in primo gradu lineæ transversali naturalem quandam indecentiam præferatur, ut si quis ducat uxorem fratris defuncti, vel sororem uxoris defunctæ, non tamen tale matrimonium est irritum jure naturali, idque probatur auctoritate Ecclesiæ, n. 34.

§. III. *Utrum affinitas superveniens dissolvat sponsalia de futuro, & an infideles conjuncti in gradu prohibito Iure Canonico, post Baptismum, debeant separari?*

Ad priorem questionem respond. si quis puellam sibi desponsaverit per verba de futuro, sed postea excipiat, se consanguineam illius carnaliter cognovisse, idque vel manifestum sit, vel saltem fama loci id habeat, ipsa puella liberatur à sponsalibus, c. *Super eo*. 2. h. r. n. 35. Sola fama facit plenam probationem ad impediendum matrimonium contrahendum: item sola fama de impedimento v. g. affinitatis, impedit matrimonium contrahendum, & dissolvit sponsalia prius inita, quantumvis sint juramento confirmata, n. 36. Ad posteriorem questionem respondetur, infideles matrimonio conjuncti in gradu consanguinitatis, vel affinitatis prohibito ab Ecclesiâ, si convertantur ad fidem, non tamen separandi, quia quos DEUS conjunxit, homo non separet. c. *De infidelibus*. 4. h. r. n. 37. Matrimonium Judæorum, vel aliorum infidelium, etiam si contractum sit in gradu prohibito Iure Canonico, est verum, ac legitimum matrimonium, quamvis non sit Sacramentum, n. 38. An si Judæus contrahat matrimonium cum Judæa, eo pacto, ut liceat ei dare libellum repudij, tale matrimonium sit invalidum? n. 39.

§. IV. *Quæ pœna sit contrahentium matrimonium in gradu consanguinitatis, vel affinitatis prohibito?*

Qui scienter matrimonium contrahunt in gradu consanguinitatis, vel affinitatis prohibito, vel cum Monialibus, nec non Religiosis, & Monialibus, ac Clericis in sacris Ordinibus constituti, sunt excommunicati ipso jure, & denunciari, ac evitari debent, donec absolvantur, ita ut aliter pœna contra sic contrahentes impostæ in suo robore permaneant, *Clem. Eor.* qui un. h. r. n. 40. & 41. Item excommunicationem hanc incurrunt, non tantum Religiosi professi, qui matrimonium contrahunt, sed etiam non professi, qui in Societate JESU tria vota simplicia Religionis emisissent, & ante absolutionem à voris, matrimonium contrahunt. Et Moniales cuicumque nubunt, & illi, qui eas sacrilegè ducunt in uxores: si verò alia femina non Monialis nubat professo, vel Clerico in sacris Ordinibus constituto, hi soli excommunicationem incurrunt, n. 42. Mandantes verò, & consulescentes, aut adjuvantes ad hujusmodi sacrilegum matrimonium ineundum non excommunicantur, sed soli ineuntes matrimonium, n. 43. Ad incurrendam hanc excommunicationem requiritur 1. ut matrimonium sit contractum, licet non sit consummatum, n. 44. Secunda conditio requisita est, ut contrahatur matrimonium cum impedimento consanguinitatis, vel affinitatis in gradibus Iure Canonico interdictis, & quando ob defectum hujus conditionis non incurratur hæc excommunicatio? n. 45. Quod si quis contrahat matrimonium cum consanguinea in gradu lege Divinâ, & naturali prohibito, incurratur excommunicatio, *cir.* n. 45.

Tertia conditio requisita ad incurrendam hanc excommunicationem est, ut scienter incurrat tale matrimonium cum impedimento consanguinitatis, vel affinitatis, vel cum Moniali, *n. 46*. Excusat autem ab hac excommunicatione incurrenda 1. ignorantia etiam culpabilis, non solum facti, sed etiam juris, imò & crassa, dummodo non sit affectata, *cit. n. 46*. 2. Si quis, ignorans, & bonâ fide contraxit matrimonium cum consanguinea, vel affine, & postea conscius impedimenti ei cohabitavit, & utatur conjugio, hanc excommunicationem non incurrit, *n. 47*. 3. Et si in primis tribus casibus excommunicati sint ipso jure, qui scienter contrahunt matrimonium cum consanguinea, affine, vel Moniali: non autem incurritur in posterioribus tribus casibus, si Religiosi, Moniales, vel Clerici in sacris Ordinibus constituti scienter matrimonium contrahant, & quæ sit ratio diversitatis? *num. 48*. Denique absolutio ab hac excommunicatione est reservata Episcopo, *cit. Clem. unic. n. 48. in fine*.

SECTIO III. De dispensatione in impedimentis consanguinitatis, & affinitatis dirimentibus matrimonium, & de impedimento publicæ honestatis.

§. I. Quousque S. Pontifex dispensare possit in gradibus consanguinitatis, & affinitatis?

Generatim loquendo, potest S. Pontifex dispensare in omnibus gradibus consanguinitatis, vel affinitatis Jure Canonico solum prohibitis, & dirimentibus matrimonium. Quare potest Pontifex dispensare in omnibus gradibus consanguinitatis lineæ collateralis etiam in secundo, solo primo excepto, inter fratres, & sorores, *num. 49*. Quin imò solet Papa interdum ex benignitate dispensare cum personis inferioris conditionis in secundo gradu consanguinitatis ob causam urgentem etiam privitam, *cit. num. 49*. Potest etiam S. Pontifex dispensare in omnibus gradibus affinitatis lineæ transversæ, v. g. ut quis ducat sororem, vel consobinam, vel materteram uxoris defunctæ. In affinitate verò orta ex copula fornicaria dispensari potest etiam in primo gradu lineæ rectæ, ut si quis v. g. ducat filiam mulieris, cum qua fornicatus est, *n. 50*. Difficilius autem dispensatur super impedimento consanguinitatis, quàm affinitatis in simili gradu, & quò propinquior est gradus consanguinitatis, vel affinitatis, eò gravior causa requiritur ad dispensandum, *cit. num. 50*.

§. II. An in dispensatione aliquibus concessa in linea collateralis inequali, attendendus sit, & exprimens gradus remotior, an verò propinquior?

Quando alieni conceditur dispensatio, ut possit contrahere matrimonium, v. g. in quarto gradu aliis prohibito, uterque contrahentium debet distare in quarto: alioquin si alter distaret in tertio gradu à stipite, non valeret dispensatio, præsertim si hoc haberet consuetudo loci, cui standum est ad vitandum scandalum, c. Quod dilectio, 3. h. t. n. 51. idque declaratur *n. 52*. & 53. deducuntur quædam corollaria *num. 54*. & 55.

§. III. An dispensatio obtema à Papa contrahendi matrimonium inter consanguineos in gradu prohibito valeat, si in eo falsa causa sit expressa?

Dispensatio à Papa obtema super matrimonio in-

ter consanguineos contracto in gradu prohibito, non valet, si in ea causa falsa sit expressa, nisi postea Papa eam confirmet, c. Quia circa, 6. h. t. n. 56. Duplex affertur expositio hujus c. *n. 57*. & 58. Verùm prior expositio est communior, nempe quòd non valeat dispensatio, si in ea falsa causa sit expressa, nisi Papa eam confirmet, *n. 59*. Dux sunt causæ dispensandi in matrimonio contracto in gradu prohibito, una est, si ex matrimonio contracto superstes sit filius; altera propter scandalum vitandum, vel propter bonum pacis, *cit. n. 59. in fine*.

§. IV. De impedimento publicæ honestatis orto ex matrimonio rato, & non consummato.

ASSERTIO I. Ex matrimonio rato, & nondum consummato oritur impedimentum publicæ honestatis, etiam post Concil. Trident. dirimens matrimonium cum alterius conjugis consanguineis usque ad quartum gradum inclusive, *n. 60*. Idque etiam si iterum fuerit ex quacunque causa, *n. 61*. Præterquam si sit irritum ob defectum liberi consensûs vel ob errorem personæ, *n. 62*. Nec oritur hoc impedimentum, quando matrimonium est clandestinum, quia deest præsentia Parochi, & duorum testium, *cit. n. 62*. Deducuntur alia duo corollaria eod. *num. 62. in fine*.

SERIES CAPITVLORVM.

IN ANTIQVIVS.	
c. 1. n. 30.	c. 7. n. 19. & seq.
c. 2. n. 35. & seq.	c. 8. n. 13. & 3. seqq.
c. 3. n. 51. & 4. seqq.	c. 9. & ult. n. 17.
c. 4. n. 37. & 2. seqq.	IN CLEMENTINIS.
c. 5. n. 25. & seqq.	
c. 6. v. 56. & 3. seqq.	
	Clem. un. n. 40. & pluribus seqq.

TITVLVS XV.

DE FRIGIDIS, ET MALEFICIATIS, & impotentia coeundi.

Impotentia alia est ad prolis generationem, quæ sola non impedit matrimonium, nec dirimit: alia est impotentia ad copulam carnalem perfectam, siue ea impotentia proveniat ex causa naturali, & intrinseca, ut frigidity in viro, vel ex arctitudine feminæ: siue ex causa extrinseca, & accidentaria v. g. ex maleficio, vel morbo. Rursus impotentia hæc ad copulam alia est perpetua, alia temporalis: perpetua impotentia alia est absoluta, quæ respectu cuiusvis personæ impedit copulam, alia respectiva, quæ tantum respectu certæ personæ, vel aliquarum duntaxat impedit. Denique alia impotentia præcedit matrimonium, alia sequitur, & supervenit, *n. 1*.

§. I. Quinam sint impotentes ad matrimonium contrahendum, vel non?

Impotens ad copulam non est aptus ad contrahendum matrimonium, c. 2. h. t. n. 2. Est autem triplex impotentia, quædam provenit ex naturali complexionem, quædam ex accidente extrinseco, per sectionem, vel abscissionem membri genitalis, vel ex maleficio diabolico, *cit. n. 2*. Eunuchi, vel spadoes, seu castrati non possunt validè contrahere matrimonium, *num. 3*. Hermaphroditi validè possunt contrahere matrimonium, vel cum feminis, in quibus prævalet sexus virilis, vel cum viris, in quibus prævalet

prævalet sexus fœmineus, *cit. n. 3.* Senes etiam de-
crepiti possunt inire matrimonium, si nullo alio im-
pedimento laborent, *num. 4.* Steriles valde contra-
hant matrimonium, *cit. n. 4.* Mulieres, quæ non
possunt parere, sine vitæ periculo, vel nonnisi fœ-
tum mortuum, valide contrahunt matrimonium, si
aliàs aptæ sint ad copulam, etsi ordinariè non liceat,
num. 5. Etiam in articulo mortis constitutus potest
contrahere matrimonium, *n. 6.*

§. II. An, & qualis impotentia coeundi dirimat
matrimonium?

ASSERTIO I. Impotentia perpetua ad copulam
& generalis, respectu omnium, quæ atomedicâ, sine
miraculo, aut peccato, aut gravi corporis periculo,
vel damno tolli nō potest, sive ex natura, sive ex alia
extrinseca causa oriatur, si præcedat matrimonium,
illud jure naturæ dirimit, *n. 7.* Idque extenditur, ut
procedat, sive ea perpetua impotentia in contrahen-
tibus cognita fuerit, sive ignorata, nam in utroque
casu matrimonium est irritum, *n. 8.* Qui scienter
contrahit cum impotente ad copulam, ab ea non se-
paratur, sed si non possit eam habere ut uxorem, ha-
beat ut sororem, *c. Consultationi. 4. h. i. cit. n. 8.* adeo-
que castè simul vivere debent, tanquam frater, & so-
ror, *n. 9.* Aff. 2. Impotentia perpetua, sed respectu
tantum, dirimit matrimonium cum iis, respectu
quorum est, non autem respectu aliorum, *num. 10.*
Aff. 3. Temporalis impotentia, quæ per licitâ, & ordi-
nariâ mediâ, sive spiritualia, sive naturalia, tolli
potest, non dirimit matrimonium subsequens, *c. Frater-
nitatis. 6. h. i. n. 11.* Aff. 4. Si mulier, quæ cura
perpetua impotentia contraxit matrimonium, postea
per miraculum sanetur, matrimonium prius est
irritum, nisi per novum consensum denuo cum illa
contrahatur: aliud est, si mulier per maleficium sit
reddita impotens, & per ordinarios Ecclesiæ exorcis-
mos sanetur, *n. 12.*

§. III. Referuntur, & explicantur varii casus in spe-
cie, in quibus propter impotentiam coeundi, matrimo-
nium dissolvitur, vel separatur, aut non
separatur?

Si quis accepit aliquam in uxorem, eique per
mensem, vel per tres menses, vel per annum coha-
bitavit, asseritque se frigidum esse, nec posse illam,
vel aliam mulierem cognoscere, tunc si ipsa mulier
idem affirmat, idque probare potest per rectum, &
verum judicium, à se invicem separari debent, ita ta-
men ut si vir aliam postea in uxorem duxerit, reus
sit perjurii, & ad priorem uxorem, post peractam
pœnitentiam, redire debeat. Si verò illa prior post
annum, ac dimidium ad Episcopum, vel ejus Officia-
lem provocavit, dicens, quòd eam vir fuis non po-
tuit cognoscere, hic verò id neget, ei credendum est,
cùm sit caput mulieris, cur enim tamdiu tacuit? Si
verò ab initio post mensem, vel duos ad Episcopum
proclamavit, dicens virum esse impotentem, idque
probari possit per rectum judicium, separari potest,
& ipsa, si velit, alteri nubere, *c. 1. h. i. n. 13.* & 14.
Soli confessioni mariti, & uxoris asserentium impo-
tentiam non creditur contra matrimonium, sed alia
probatio requiritur, ut possit fieri separatio, *cit. n. 14.*
Præterea si de impotentia coeundi constet, statim
matrimonium separatur, aliàs cohabitabunt conjuges
per triennium, dando operam carnali copulæ,

quo elapso, si simul cohabitare noluerint, & mulier
per justum judicium probare poterit, quòd eam cog-
noscere nequiverit, nubat alij, & tunc separentur.
Si verò consentiant simul habitare, vir habeat illam
ut sororem. Si autem constentur, quòd nunquam se
invicem cognoverint, cum septima manu propin-
quorum, vel vicinorum, si propinqui deficiant, jure-
jurando dicant, quòd una caro per carnalem copu-
lam nunquam effecti sint, & tunc mulier potest ali-
um accipere. Verùm si vir aliam duxerit, tunc vir,
ac uxor sunt rei perjurii, & peractâ pœnitentiâ, cogi
debent redire ad prius conjugium, *c. Laudabilem. 5.
h. i. n. 15.* Quando non constat de impedimento frigidi-
tatis, vel alterius similis impotentia, & statim
probari non potest per certa signa, tunc requiritur
triennalis cohabitatio conjugum, *n. 16.* In impedi-
mento frigiditatis triennium hoc computatur à diè
copulæ attentatæ, quod conceditur ad explorandam
conjugia potentiam, *cit. n. 16.* Debent autem, si u-
terque conjux fateatur impedimentum impotentia, septem
consanguinei cujusque conjugis, vel vicini
jurare, vel in defectum eorum, alij, *n. 17.* Con-
juges debent jurare de certa scientia, consanguinei ve-
rò de sola credulitate, *cit. n. 17.* Si verò reputatur
frigidus aliud matrimonium inerat, ipsi conjuges rei
sunt perjurii, *n. 18.* Si ob frigiditatem viri, sit disso-
lutum matrimonium, & is aliud inerat, statim hoc
posterius matrimonium est dissolvendum, *n. 19.* Si
puer XIV. anno completo, vel fœmina XII. adhuc
sint impotentes ad copulam, exestandum est usque
ad plenam pubertatem, nempe XIV. in fœminis, &
XVIII. in viris, *n. 20.*

§. IV. Continuatur eadem materia.

Si vit contraxit cum muliere, quæ impedita, v. g.
arctâ, & omnino inhabilis facta est ex infirmitate,
ita ut arte Medicorum curari non possit, vit datur
licentia ducendi aliam, *c. Ex litteris. 3. h. i. n. 21.* Ob
nullam infirmitatem, vel aliam impotentiam super-
venientem conjugia solvi possunt, *cit. n. 21.* Si de
impotentia superveniente matrimonio certò con-
stat, eam esse perpetuam, illicita est talibus conjugi-
bus copula conjugalis, quamvis tactus ijs sint liciti,
absque periculo tamen pollutionis. Quòd si de im-
potentia superveniente matrimonio sit dubiū, num
sit perpetua, an verò solum temporalis, licitum est
conjugibus conari ad copulam, quamdiu spes est se-
minandi intra vas, *n. 22.* Si impedimentum mulie-
ris arctæ, præter Divinum miraculum, sine vitæ pe-
riculo, potuit removeri, non est perpetuum: quare
si per sententiam Ecclesiæ ex errore informationis
separata fuit a marito, & ipsa alteri se conjunxit, re-
lictò secundo, debet redire ad primum, quia erat
verum matrimonium. Sed si mulier hæc separata à
viro professâ est Religionem, & vir aliam duxit, ten-
net secundum: quia primum non erat confirmatum,
aliàs redeat ad primam, nisi idcirco, quòd illa cum
alio fuerit fornicata, à viro repellatur, *c. Fraternita-
tis. 6. h. i. n. 23.* Propter impedimentum mulieris
arctæ, si appareat, quòd præter Divinum miraculum,
& ope humana, sine periculo vitæ, vel gravi corpo-
ris, tolli non potest, matrimonium separari potest,
n. 24. Omne impedimentum impotentia viri, vel
mulieris, quod operâ humanâ, sine gravi periculo
corporis tolli non potest, reddit inhabilem ad con-
trahen-

trahendum matrimonium: secus si facto humano potest removeri, absque gravi periculo corporis, n. 25. Si mulier sit cognita ab uno viro, presumitur, quod etiam cognosci possit ab alio, nisi contrarium probetur, modò uterque vir similis sit ætate, ac robore, n. 26. Propter impotentiam proveniente ex maleficio potest matrimonium separari, nec restauratur, etsi vir post mortem illius aliam ducat in uxorem, & illam cognoscat: & cur separatur matrimonium propter frigiditatem viti, vel arctitudinem mulieris: & si postea contrahat cum alio, vel alia, & appareat ex postfacto esse potens ad copulam, restauratur primum matrimonium: & tamen si separatur matrimonium propter maleficiū, non cogatur vir, si contraxit cum alia, eamque cognovit, redire ad primam? n. 27. Error, sive ignorantia juris non est probabilis, nec excusat: si tamen sit probabilis, ut si erretur in facto, excusat, n. 28. Si mulier transivit ad Religionem, & Professionem emisit, tunc matrimonium postea contractum per primum virum cum secunda muliere, tenet, & debet cum illa remanere. Quod si appareat Ecclesiam deceptam esse in separatione matrimonii, dum impotentiam iudicavit esse perpetuam, restaurandum est prius matrimonium cum muliere, n. 29. Si mulier dicat se per triennium cohabitasse cum viro, & illum esse impotentem, vir autem fateatur se esse impotentem quoad illam, sed non quoad alias, & si per inspectionem matronarum mulier reperitur virgo, factaque inquisitione, non reperitur aliqua à viro illo carnaliter cognita fuisse, & si constet eos per continuum triennium cohabitasse, ipsique conjuges cum septima propinquo manu iurent se carnaliter commisceri non potuisse, tunc inter eos sententia divortii est profrendenda, c. Litteræ. 7. & ult. h. t. n. 30. Idque declaratur, & explicatur n. 31. & 2. seqq.

SERIES CAPITVLORVM.

IN ANTIQVIS.	c. 5. num. 15. & aliquot seqq.
c. 1. n. 13. & seq.	c. 6. n. 23. & aliquot seqq.
c. 2. n. 2.	c. 7. & ult. n. 30. & 3. seqq.
c. 3. n. 21.	
c. 4. n. 8. & seq.	

TITVLVS XVI.

DE MATRIMONIO CONTRACTO contra interdictum Ecclesiæ.

§. I. An, & quâ ratione matrimonium contractum contra interdictum Ecclesiæ dirimatur, vel impediatur?

Quæ. I. Quod dicatur interdictum Ecclesiæ, & quor modis fiat? Resp. Fieri potest circa matrimonium tribus modis, nempe per legem Ecclesiasticam, quæ certis temporibus nuptias celebrari prohibet, vel per Iudicem Ecclesiasticum, vel per Parochum, n. 1. Quando Iudex alicui mulieri interdicit, ne nubat, & ipsa spreto mandato, contrahit matrimonium, illud tenet, imponitur tamen sic contrahentibus pœnitentia, & separantur quoad torum, donec de causa interdicti cognoscatur, c. 1. h. t. n. 2. & 3. Matrimonium dissolvit præcedentia sponsalia, etiam si præcesserit interdictum Ecclesiæ, vel Iudicis, n. 4. Probabilius est speciale esse in parentibus, ut

si pro filiis contrahant sponsalia, vel matrimonium, sufficiat eorum taciturnitas, & presentia: non autem si extraneis pro extraneo, tunc enim requiritur aliud signum consensum internum exprimens, ut valeant sponsalia, vel matrimonium, n. 5. Præterea si quis contrahat sponsalia de futuro cum una, etiam contra interdictum Ecclesiæ, non dirimitur matrimonium postea contractum cum alia, c. 2. h. t. n. 6. Solum interdictum Ecclesiæ factum propter impedimentum, non perpetuum, sed temporale solum, non dirimit matrimonium postea contractum, n. 7. Qui propter consanguinitatem prohibentur conjungi matrimonio, si postea contra interdictum Ecclesiæ matrimonio jungantur, excommunicari debent, & separari, donec de causa cognoscatur, n. 8. & 9.

§. II. De aliis impedimentis, quæ non dirimunt, sed impediunt tantum matrimonium contrahendum.

Hujusmodi impedimenta, quæ matrimonium subsequens non irritant, sed impediunt tantum, sive illicitum reddunt, plura numerantur n. 10. & 11. Sed hæc impedimenta pleraque omnia hodie sunt sublata, n. 12.

SERIES CAPITVLORVM.

IN ANTIQVIS.	c. 2. n. 6. & 7.
c. 1. n. 2. & 3. seqq.	c. 3. & ult. n. 8.

TITVLVS XVII.

QUI FILII SINT LEGITIMI.

§. I. De filiis legitimis, & illegitimis in genere.

ASSERTIO I. Filii sunt legitimi, vel illegitimi, legitimi sunt, vel legitimi tantum, quales sunt filii adoptivi, qui non à natura, sed à sola lege filii facti sunt, vel legitimi, & naturales, qui ex legitimo matrimonio nati sunt, n. 1. Filii illegitimi sunt, qui extra matrimonium sunt nati, & hi vel sunt naturales tantum, qui nati sunt à parentibus, inter quos tempore conceptionis, vel saltem nativitatis, sine impedimento dirimente matrimonium consistere poterat. Non naturales verò, seu spurii dicuntur, qui nati sunt ex damnato coitu, inter quos nec tempore nativitatis, nec conceptionis matrimonium iniri poterat. Secundum Jus Civile verò filii illegitimi alii sunt naturales, alii non naturales, alii nothi, n. 2. Item secundum Jus Civile varii sunt spurii, n. 3.

§. II. Quinam in specie judicandi sint filii legitimi?

Filii concepti ante sententiam divortii à parentibus, qui publicè, & sine contradictione, ac bonâ fide utriusque, vel saltem alterius parentis matrimonium contraxerunt, sunt verè, & propriè legitimi filii, licet inter tales parentes existeret latens impedimentum Canonicum v. g. consanguinitatis, propter quod postea tale matrimonium iudicio Ecclesiæ fuit separatim tanquam invalidum, n. 4. & 5. Ut autem filii ex tali putativo matrimonio suscepti habeantur legitimi, duo requiruntur, nempe quod matrimonium publicè, & in facie Ecclesiæ sit initum, & quod bonâ fide, cit. n. 5. Filii suscepti à parentibus clandestinè contrahentibus, etiam si parentes contraxerint coram Parocho, & testibus, non præmissis tamen denunciationibus, sunt illegitimi. Ut autem

licite

licitè matrimonium contrahatur, requiritur, ut denuntiationes præmittantur, etsi coram Parocho, & testibus sit contractum, *n. 6.* Possunt autem tales filii concepti ante sententiam divortii ad Ordines sacros, & dignitates Ecclesiasticas promoveri, *cit. n. 6.* An filii nati post litem contestatam, super matrimonio publicè contracto, quod per sententiam divortii postea invalidum fuit declaratum, sint legitimi? *n. 7.* Filiis legitimis competit hæreditas paterna, & jus petendi alimenta: quamvis posterius competat etiam illegitimis de Jure Canonico, *num. eod.* Secundò si mulier per judicium Ecclesiæ sit separata à primo viro, & vivente illo, de licentia Ecclesiæ, contrahat matrimonium cum alio, proles suscepta ex secundo viro, est legitima, & capax hæreditatis, *c. Perlatum. 8. h. t. n. 8. & 9.* Declaratur *n. 10.* Tertiò filii genitrix clandestino matrimonio, sed postea ab Ecclesiâ approbato, legitimi filii, & hæredes sunt judicandi, etiamsi postea matrimonium ex justa causa separetur, *c. Quod nobis. 9. h. t. num. 11.* Probabilius est filios conceptos ante detectum impedimentum, licet ante approbationem Ecclesiæ nati sint, esse legitimos, si matrimonium fuerit publicatum, & tanquam validum auctoritate Ecclesiæ approbatum, etsi postea impedimentum detegatur, *n. 12.* Judex Ecclesiasticus, qui pronuntiat aliquem esse legitimè natum, potest etiam pronuntiare esse hæredem, *num. eod.* Quartò, si conjugatus vivente primâ uxore, in facie Ecclesiæ aliam ducat, quæ probabiliter ignorat illum esse conjugatum, proles inde nata censetur legitima, etiamsi subit occultum impedimentum dirimens, propter quod matrimonium postea declaretur nullum, *c. Ex tenore. 14. h. t. n. 13. & 14.* Ad legitimandam prolem non sufficit, si ignorantia impedimenti dirimentis adsit tempore contractus matrimonij, sed requiritur, ut subit tempore conceptionis, vel natiuitatis prolis, *cit. n. 14.* Ad legitimandam prolem propter bonam fidem parentum, vel saltem alterius tantum, requiritur etiam, ut matrimonium inter eos in facie Ecclesiæ sit contractum, *cit. n. 14.* Quintò, filii infidelium, qui in gradu Jure Canonico prohibito matrimonium contraxerunt, postquam ad fidem sunt conversi, legitimi sunt censendi, *c. 15. & ult. h. t. n. 15.* Matrimonium infidelium est validum, in quo non adest impedimentum jure naturalis, vel Divino dirimens matrimonium, etsi jure Canonico dicatur, *num. 16.* Filii conversorum ad fidem Christianam ab Ecclesiâ reputantur legitimi, idque in favorem fidei, *n. 17.* Alia expositio hujus *c. ult.* est, quòd loquatur de prole suscepta ex secundo matrimonio, repudiata primâ uxore vivente, nam tale matrimonium initum cum secunda, vivente primâ, non valet ob impedimentum Juris Divini, secundum quod nemo potest vivente primâ uxore, ducere aliam: quamvis autem ignorantia Juris Divini non excuset infideles sic contrahentes à peccato, quia tamen fuerunt in bona fide, contrahentes matrimonium, secundum legem suam, si postea convertantur ad fidem Christianam, filii eorum sunt legitimi, & sic legi, & intelligi debent, quæ habentur hic *n. 17. in fine.*

§. III. Quinam in specie reputandi sunt filii illegitimi?

Matrimonium contractum contra publicæ honestatis justitiam non tenet, & filij ex eo nati sunt illegitimi.

legitimi, & ab hæreditate paternâ excluduntur, *c. Reserente. 10. h. t. n. 18. & 19.* Si mulier aliqua, vivente marito, alteri viro de factò matrimonialiter conjugatur, proles ex tali matrimonio nata illegitima censeri debet, *n. 20. & 21.* S. Pontifex, vel alius Judex Ecclesiasticus non cognoscit de causa civili, seu temporali inter laicos, nisi sint pauperes, vel alie personæ miserabiles, cognoscit tamen, an quis natus sit ex matrimonio legitimo, *c. Causam. 7. h. t. n. 22. & 23.*

§. IV. Coram quo Judice, seculari, an Ecclesiastico, transari debeat, vel possit questio natiuitatis, seu natalium?

Questio natalium opposita petenti hæreditatem coram Judice seculari, remitti debet ad Judicem Ecclesiasticum ab eo cognoscenda, etiamsi de illa non principaliter, sed incidenter agatur, *c. Lator. 5. h. t. n. 24. & 25.* Quando Judex secularis possit cognoscere de causa natalium, vel non? *n. 26.* An nepos legitimè natus ex patre illegitimo possit succedere avo? *cit. n. 26.* Coram quo Judice, seculari, an Ecclesiastico debeat cognosci questio principalis de petitione hæreditatis, & questio incidens natalium? *n. 27.* Quando questio hæreditatis principaliter fuit intentata coram Judice seculari, non potest Judex Ecclesiasticus, qui cognovit de questione incidente natalium, postea cognoscere de principali petitione hæreditatis: si verò nulla questio principaliter fuit intentata coram Judice seculari, non potest Judex Ecclesiasticus cognoscere de causa principali hæreditatis: quòd si questio natalium principaliter mota sit coram Judice Ecclesiastico, potest is de causa principali hæreditatis incidenter cognoscere, *cit. num. 27.* Existens in quasi possessione legitimæ natiuitatis, in petitione hæreditatis, relevatur ab onere probandi, se esse legitimè natum, & onus probandi defectum natalium incumbit ei, qui eum opponit, *cit. n. 27.*

§. V. De legitimazione prolis illegitimæ per subsequentis matrimonium.

Filii naturalis tantum natus ex soluto, & soluta, inter quos tempore natiuitatis non erat impedimentum dirimens matrimonium, legitimatur per subsequens matrimonium, ita ut si pater ob hanc causam eum velit exheredare, sit excommunicandus, *c. x. h. t. n. 28. & 29.* Tanta est vis, & potentia matrimonij, ut antea illegitimi fiant legitimi per subsequens matrimonium inter eosdem parentes contractum, *c. Tanta. 6. h. t. n. 30. & 31.* Quinam filij nati ante matrimonium per subsequens matrimonium legitimantur, vel non? *n. 32.*

Quæritur hic præterea. 1. quo tempore parentes debeant esse habiles ad contrahendum matrimonium, ut proles ab eis nata legitimetur per subsequens matrimonium, utrum tempore conceptæ prolis, vel natæ? Resp. Satis esse, quòd inter eos saltem tempore conceptionis, nullum erat impedimentum contrahendi matrimonium, etsi fortè tempore natiuitatis tale impedimentum existat, *n. 33.* An sufficiat ad legitimandam prolem per subsequens matrimonium, si vice versâ hoc consistere potuerit inter parentes tempore natæ prolis, etsi tempore conceptionis inhabiles fuerint ad contrahendum? Ut si quis ex conjugata conceptus fuit, natus autem post mortem mariti? Resp. Etsi id probabile sit, probabilius

bilis tamen est, si tale impedimentum inter parentes existat, tempore conceptionis, quod tamen tempore natiuitatis filij iam sit ablatum per dispensationem, filium non fieri illegitimum per subsequens matrimonium: Secus est, si è contrario, tempore conceptionis non adfuit impedimentum, tempore autem natiuitatis existat, nam hoc non obstante proles legitima efficitur. *n. 34.*

Quær. 2. An filij illegitimi omnia iura legitimorum assequantur? Resp. consequi omnia iura tum spiritualia, & Ecclesiastica, tum civilia, & profana, ita ut quoad omnia sint, & habeantur legitimi. *n. 35.* Hinc legitimi per subsequens matrimonium succedunt etiam in feudis, & Majoratibus, in Emphyteusi Ecclesiastica, item possunt promoueri ad SS. Ordines, & dignitates Ecclesiasticas, non autem ad Cardinalatum: præterea legitimatus per subsequens matrimonium in fideicommissio excludit substitutum sub illa conditione, si absque liberis legitimis, & naturalibus decesserit. Denique huiusmodi legitimi gaudent quoque nobilitate parentum, *cir. n. 35.*

Quær. 3. Quibus præterea casibus filij legitimantur per subsequens matrimonium? Resp. in septem casibus, qui enumerantur *n. 36.* Quær. 4. Quinam sint alij effectus hujus legitimisationis per subsequens matrimonium? Resp. 4. enumerantur *n. 37.* Quær. 5. quinam liberi per subsequens matrimonium non legitimantur? Resp. filius ex adulterio natus, qui à viro, vivente uxore sua, ex alia muliere est susceptus, non legitimatur per matrimonium initum postea cum adultera, *cir. c. Tanta h. t.* Item si mulier, vivente adhuc marito suo, filium ex alio suscepit, hic filius per matrimonium cum adultero initum non legitimatur, si talis filius, sciente utroque parente susceptus sit ex adulterio. Secus si unus ex parentibus scivit, alter verò ignoravit. *n. 38.*

§. VI. De legitimazione illegitimorum facta per privilegium, seu concessionem Papæ.

Quær. 1. Quid sit legitimatio in genere, & quomodo à dispensatione differat? Resp. Per legitimisationem natalium consequitur quis omnia iura legitimorum, non autem per dispensationem, per quam quis fit habilis solum ad unum aliquem actum, vel ad certa quædam iura. *n. 39.* Quær. 2. Qualis potestas legitimandi illegitimos competat Rom. Pontifici? Resp. S. Pontifex habet potestatem legitimandi quoscunque illegitimos, quoad Ordines Ecclesiasticos, aliisque spiritualia ubique terrarum: quoad successiones verò hæreditatis in bonis temporalibus, solum in terris temporalibus sui jurisdictioni subiectis, *c. Per venerabilem. 13. l. h. t. n. 40. & 41.* Potest S. Pontifex dispensando in impedimento solum Jure Canonico inducto, illegitimam prolem legitimare etiam quoad officia secularia, & successionem bonorum temporalium, & in locis Papæ temporaliter non subiectis, ita ut legitimatio illa retrotrahatur ad tempus, quo id matrimonium invalide fuit contractum, quasi validum ab initio fuisset, mediante illà dispensatione: nam quamvis Papa non possit directe dispensare in effectibus illegitimitatis ex jure Civili provenientes: potest tamen indirectè, & per quandam consequentiam, tollendo legem suam Ecclesiasticam per dispensationem, ex qua tanquam

fundamento omnia illa pendebant, *n. 42.* Si proles suscepta fuit, nullo præcedente matrimonio inito, ex copula manifestè fornicaria, non potest Pontifex eam legitimare, ne quidem quoad secularia, & temporalia extra loca fuisse temporali jurisdictioni subiecta. Sed neque potest Pontifex indirecè legitimare quoad temporalia, & secularia, quando tale matrimonium irritum fuit ob impedimentum Juri Divini, & naturalis. *n. 43.* Potest Papa legitimare illegitimos quoscunque, etiam quoad successionem in hæreditate, & bonis temporalibus in Tercis alienis, non tamen solet id facere, *cir. n. 43.*

§. VII. De potestate legitimandi illegitimos, quæ competit secularibus Principibus.

Quær. 1. Penes quem sit potestas restituendi aliquem legitimis natalibus? Resp. 1. Imperator, & alij Principes, qui in temporalibus Superiorem non habent, possunt quosvis illegitimos legitimos facere: non item alij Principes inferiores. Resp. 2. Et si Princeps supremam potestatem habens in temporalibus, potest legitimare filium naturalem, vel spurium quoad dignitates, & officia secularia, non tamen quoad spiritualia, ut capax sit Ordinum, vel bonorum Ecclesiasticorum, *n. 44.* Quær. 2. Quænam exprimenda sint in petitione legitimisationis, ne sit subreptitia? Resp. Exprimi debet qualitas, & conditio filij naturalis, vel spurij, an sit natus ex adulterio, incestu, vel sacrilegio, item an ex adulterio duplici, item si ex incestu, an natus sit ex sorore, vel filia &c. *n. 45.* Quær. 3. An in petitione legitimisationis sint vocandi agnati, & cognati ipsius parentis? Resp. ad legitimisationem filij, quod sit patre vivente, non sunt vocandi agnati, & cognati ipsius, modò imple pater consentiat. *n. 46.* Quær. 4. An eùm Princeps aliquem legitimum facit, vocandus sit, qui est substitutus sub conditione, si sine liberis pater hæres institutus decesserit? Resp. vocandum esse, *num. 47.* Quo sensu filij illegitimi dicantur fieri legitimi? *num. 48.*

§. VIII. De probatione legitimæ natalium.

Si maritus, & uxor negent aliquem esse suum filium, ex eo quòd nutritus sit, & educatus in domo eorum, non probatur esse filius, *n. 49. & 50.* Sola fama vicinæ non sufficit ad probandam filiationem sine alijs adminiculis. Si parentes negent aliquem esse suum filium, illis credendum est, nisi probetur contrarium, & quomodo plenè probetur filiatio? *cir. n. 50.* Quando fuit matrimonium publicè celebratum in facie Ecclesiæ, non sufficit probare impedimentum matrimonij ad probandum matrimonium fuisse invalidum, & prolem illegitimam, sed necesse est probare parentes malà fide contraxisse, *c. Pervenit. 11. l. h. t. n. 51. & 52.* Quomodo filiationi probati possit, ac debeat? *n. 53.* Statu dicto testium probantium aliquem esse filium legitimum, quamvis fama vicinæ, & tractatus parentum habeat contrarium, *c. Per uas. 12. l. h. t. n. 54. & 55.* Quænam præterea notanda sint ad probandum aliquem esse filium legitimum?

num. 56.

SERIES CAPITULORUM.

c. 1. n. 18.	c. 8. n. 8. & 2. seqq.
c. 2. n. 4. & 3. seqq.	c. 9. n. 11. & 14.
c. 3. n. 49. & seq.	c. 10. n. 18. & seq.
c. 4. n. 20. & seq.	c. 11. n. 51. & seq.
c. 5. n. 24. & 2. seqq.	c. 12. n. 54. & seq.
c. 6. n. 30. & aliquot seqq.	c. 13. n. 40. & seq.
c. 7. n. 22. & seq.	c. 14. n. 13. & seq.
	c. 15. & ult. n. 15. & seqq.

TITVLVS XVIII.

QUI MATRIMONIUM ACCUSARE
possunt, vel contra illud testificari:

S. I. *Quinam admittantur ad accusandum matrimonium, vel testificandum contra illud?*

ASSERTIO I. Si accusetur matrimonium, vel agatur contra illud tanquam illegitimè contractum, vel agatur ad separationem tori, & tunc admittitur ad accusandum solum conjux innocens: vel agitur ad dissolutionem vinculi matrimonialis: & tunc si accusatur matrimonium propter impedimentum consanguinitatis, ante omnes, admittuntur parentes, & his deficientibus proximiores consanguinei, & post hos extranei maturiores; & antiquiores è vicinia, nisi subsit tale impedimentum dirimens, cui contrahentes possunt renunciare, ut est impedimentum erroris circa statum personæ, ut quia liber ignorans contrahit cum ancilla, vel libera cum seruo, n. 1. Aff. 2. Omnes, qui admittuntur ad accusandum matrimonium, admittuntur etiam ad ferendum testimonium contra illud, vel pro illo: unde siue agatur de matrimonio coniungendo, siue dissolvendo, parentes, & consanguinei sunt idonei testes super consanguinitate, prout sumitur ex c. 3. h. t. imò alij præferuntur, n. 2. & 3. Etsi pater non sit ordinariè testis in causa filij in criminalibus, & contradiçibus, potest tamen esse testis in matrimonio. n. eod. In causa matrimoniali idem potest esse accusator, & testis, cum queritur de consanguinitate conjugum, cit. n. 3.

S. II. *Quinam ab accusatione matrimonij sint repellendi?*

Qui matrimonium accusat propter quæstum, repelli debet, c. *Significante*, 5. h. t. n. 4. & 5. Repellitur etiam ab accusatione matrimonij contracti, qui tempore præmissæ denuntiationis, sciens impedimentum dirimens tacuit, & illud non manifestavit, nisi denunciationem probabiliter ignorârre, vel iuret se postea primum in ejus notitiam devenisse, & quod nihil malitiosè obijciat contra matrimonium, c. *Cum in tua*, 6. & ult. h. t. n. 6. Antequam contrahatur matrimonium, denuntiationes fieri debent in Ecclesijs, ut scientes impedimentum matrimonij illud intra tempus præfixum deferant. n. 7. Impedimentum matrimonij potest per proprium juramentum probari, n. 8. Hæc est differentia inter accusatorem, & testem, quod accusator admittitur ad accusandum matrimonium, etiamsi auctor, à quo audiuit impedimentum matrimonij, admitti non possit: testis verò repellitur à testimonio, si ejus auctor repellatur, cit. num. 8.

S. III. *Proponuntur, & resolvuntur nonnullæ quæstiones occurrentes circa reliqua tria Capitula hujus Tituli.*

Quæst. 1. An, & quando in causa matrimoniali, etiam lite non contestatâ, testes recipi possint, & sententia ferri, alterâ parte absente? Resp. si agatur de valore matrimonij, possunt super impedimento matrimonij contra teum contumaciter absentem testes recipi, etiam lite non contestatâ, dummodo alijs sint legitimi testes, & juxta eorum depositiones sententia ferri debet, c. 1. h. t. n. 9. & 10. Quamvis autem in casu cit. c. 1. maritus, suâ culpâ, per quinquennium fuerit absens, ibi tamen narratur solum factum, non tamen requiritur tempus septennij tanquam terminus à jure requisitus, nempe, ut absit maritus tanto tempore, nam si convenienti tempore quæstus non reperiantur, potest contra ipsum procedi ad definitivam sententiam, quia in culpa fuit, cit. n. 10.

Quæst. 2. An accusatio, vel testimonium in causa matrimoniali fieri possit per litteras, seu scripturam, absente accusatore, vel testibus? Resp. Accusatio fieri, & testimonia in causa matrimoniali ferri debent personaliter, & vivâ, ac propriâ voce, & non per litteras, c. 2. h. t. n. 11. Ex privilegio tamen, & longa consuetudine in quibuldam locis attestaciones testium in scripta redactæ valent inter personas illustres, & nobiles, ita ut illæ non teneantur personaliter accedere ad Judicem, ad testimonium perhibendum, sed satis est, quod per scripturam sub fide sua, sine corporali juramento, deponant, & depositionem propriâ manu subscriptam, & obligatam Judici transmittant, n. 12. Similiter Confessio Sacramentalis non potest fieri per litteras Confessario absenti, n. 13.

Quæst. 3. An puella in nubilibus, quæ invies contraxit matrimonium cum aliquo, sed postea sponte ab eodem fuit cognita, audiri debeat, si reclamet contra matrimonium? Resp. Puella in nubilibus, quæ invita contraxit cum aliquo, sed postea nubilis facta, sponte ab eodem cognita fuit, si dicat se nunquam consensisse, idque per testes probare intendat, & probet, non est audienda, quia cum potuit, non reclamavit, c. *Insuper*, 4. h. t. n. 14. Matrimonium nullum ob defectum ætatis, vel gravem metum convallidatur per intervenientem spontaneam cohabitationem, post ætatem legitimam, maxime si intercessit copula carnalis sponte habita, n. 15.

S. IV. *Quis sit Index competens causarum matrimonialium?*

ASSERTIO I. Index competens in causis matrimonialibus est Episcopus; ex justa tamen causa etiam Prelatis inferioribus delegari possunt, vel ex privilegio, aut consuetudine ab ipsis cognosci, n. 16. Aff. 2. Index secularis non potest causam matrimonij cognoscere, etiamsi non tractetur de valore matrimonij, sed solum de separatione quoad torum, & cohabitationem, & etiamsi causa conjugalis incidat in judicium hæreditariæ successionis. In illis tamen causis, quæ ad dotem, hæreditas, & successiones pertinent, etiam secularis est competens Index, item in quæstionibus facti, an matrimonium sit de facto contractum, vel clam, vel de punitione adulteri, vel aliorum criminum, quæ sunt contra sanctitatem matrimonij commissa, potest esse Index secularis, n. 17.

Triplices sunt causæ matrimoniales: quædam omnino politicæ, seu civiles, ut de dotibus, & de hereditatibus: quædam simpliciter spirituales, ut de partibus Sacramenti matrimonij, & benedictione Sacramentali: quædam sunt partim civiles, seu seculares, partim spirituales, ut de gradibus cognationis, divortij, & impedimentis, n. 18.

SERIES CAPITVLORVM.

IN ANTIQVIS.	c. 4. n. 14. & seq.
c. 1. n. 9. & 10.	c. 5. n. 4. & seq.
c. 2. n. 11. & seq.	c. 6. & ult. n. 6. & 2. seqq.
c. 3. n. 2. & seq.	

TITVLVS XIX.

DE DIVORTIIS.

Agitur hic potissimum de divorcio quoad torum, & cohabitationem, nam per mortem naturalem unus conjugum dissolvitur matrimonium etiam quoad vinculum. n. 1.

§. I. *An, & qua ratione licitum sit conjugum instituere divortium, ob alterius adulterium?*

ASSERTIO I. Coniux innocens, siue vir sit, siue mulier, potest dimittere à suo toro, & cohabitatione conjugem adulterum, vel adulteram, ut constat ex c. 5. *Math.* n. 2. Si verò dimittat uxorem propter adulterium ab ea commissum, sine sententia Iudicis, ideoque excommunicetur: uxor verò dimissa adhuc cum alijs adulteretur, & tamen petat viro suo restitui, dicens se iniuste ab eo dimissam, ipsamque ei dedisse occasionem adulterandi, tunc si adulterium uxoris est notorium, non est vir cogendus, ut illam recipiat, nisi constiterit, ipsum virum cum alia adulterium commisisse, c. *Significasti.* 4. h. r. n. 3. Si maritus, sine iusta causa, dimittat uxorem, potest excommunicari, neque potest vir, propriâ auctoritate expellere uxorem, propter adulterium, sine iudicio Ecclesiæ, n. 4. Quomodo probari possit adulterium uxoris esse notorium? n. eod. Coniugi petenti restitutionem obstat exceptio notorij adulterij: quod si uterque conjugum adulterium commisit, neuter potest contra alterum excipere de adulterio, cit. n. 4. Aff. 2. non tantum ob adulterium conjugis jus divortij competit coniugi innocenti, sed etiam propter alium quemlibet illicitum concubitum consummatum alterius conjugis, qualis est Sodomia activa, vel passiva, & bestialitas completa, non item incompleta, siue feminis effusione: neque pollutio sine copula, multò minùs amplexus, & tactus impudici, etiam animo adulterandi habiti, ad divortium sufficiunt. n. 5. Sodomia tamen viri completa cum propria uxore etiam invita, non præbet iustam causam perpetui divortij, nisi ad tempus, dum vir à scelere illo desistere non vult: quamvis contrarium quoque sit probabile, cit. n. 5. Aff. 3. Matrimonium separatum quoad torum, & cohabitationem, propter adulterium uxoris, redintegratur, si vir postea etiam adulterium committat, ita ut ad uxorem primam redire, eoque cohabitare debeat, c. *Ex litteris.* 5. h. r. idemque est de marito respectu uxoris. n. 6. Statum confessioni alterius conjugum, quando agitur ad separationem tori: non autem si agatur ad separationem vin-

culi matrimonialis, tunc enim non tenet confessio contra matrimonium, n. 7. Propter crimen adulterij non separatur matrimonium quoad vinculum, cit. n. 7. Uxor ab adulterij pœna propter sævitiam mariti non excusatur, nec propter pauperitatem. Quod si post factam separationem quoad torum, propter adulterium mulieris, vir fornicetur cum alia muliere, debet matrimonium redintegrari, mulierque virum sibi restitui petere potest, cit. n. 7.

§. II. *An, & in quibus casibus non liceat divortium instituere propter conjugis adulterium?*

ASSERTIO I. Septem communiter numerantur, qui tamen ad tria capita revocari possunt. Primum est, quia uterque coniux est ejusdem criminis particeps, siue reus adulterij, tunc enim neutri coniugi permittum est divortium instituere. Secundum est, si adulterium culpâ vacet, quia non est formaliter injuriosum alteri coniugi. Tertium, si coniux innocens injuriam adulterij expressè, vel tacitè remittat, v. 8. Aff. 2. In specie adulterium vacat culpâ, ita ut ob illud non possit institui divortium. 1. si uxor probabiliter credens maritum esse mortuum, alij nubat: vel vicissim vir credens uxorem esse mortuam, aliam ducat, n. 9. 2. si uxor viri violenter cognita animo non consentiente, n. 10. 3. non potest divortium institui, si vir uxorem prostituat, adeoque in adulterium uxoris consentiat, permitiendo illud, cum facile posset prohibere. Aliud est, si uxor taceat, sciens delictum viri, non enim censetur consentire n. 11. Quod si iustam causam habeat permitendi delictum, ut quia uxorem suspectam habens de adulterio non prohibet, ut deprehensam dimittat, non censetur in id consentire, etsi indirecè occasionem adulterij ei præbeat, n. 12. 4. si coniux, siue vir, siue femina accedentem ad se adulterum ex ignorantia invincibili putavit esse suum conjugem, & ab ipso fuit cognita, n. 13. 5. si inter gentiles, tempore infidelitatis, libellus repudij fuit datus, & unus conjugum ad aliud matrimonium transeat, cit. n. 13. Aff. 3. Si à conjugum innocente expressè, vel tacitè remissa sit injuria adulterij alteri, non potest si amplius instituere divortium, ad quod requiritur, ut alter coniux innocens sit conscius adulterij, & ut copula conjugalis sit liberè, & sponte habita, n. 14. Quando præterea censeatur condonatum adulterium coniugi? n. 15. Quamdiu coniux non est moraliter certus de adulterio alterius, non potest eum dimittere; post habitam verò moralem certitudinem adulterij, innocens habet jus se ab adultero separandi quoad torum, propriâ auctoritate, quoad cohabitationem verò solum per sententiam Iudicis, n. 16.

§. III. *An, & qua ratione conjuges propter adulterium separati, si postea reconciliati, unus, vel uterque velabatur in adulterium, possit de novo divortium instituere?*

Resp. Si post unius, vel alterius conjugis adulterium, sint reconciliati, & postea alteruter coniux in adulterium relabatur, potest alter divortium instituere. n. 17. Sed dubitatur hic 1. si post utriusque conjugis fornicationem, reconciliatio mutuo consensu non sit facta, sed unus quidem emendatus sit, alter verò in fornicatione persistat, an tunc coniux emendatus

datus possit divortium instituire? Resp. affirmativè, si tamen conjux emendatus alterum conjugem de emendatione pariter facienda admonuerit, isque adhuc fornicari pergat, num. 18. Dubitatur 2. si postquam sententia divortii est lata, ob adulterium alterius conjugis, innocens quoque in adulterium labatur, an hoc casu prior conjux adulter jus habeat repetendi innocentem? Resp. valde probabile est, conjugem adulterum nullum habere jus repetendi innocentem, qui post divortium adulteratus est, adeoque delicta non compensantur, quamvis Juxta ex officio suo eos reconciliare possit, & ad hoc cogere, ob vitandū probabile periculū incontinentiæ, n. 19. Dubitatur 3. An conjux concilius adulterii alterius conjugis in conscientia obligetur se ab illo separare, illūque dimittere, & an factū divortio possit, ac debeat revocare, & recipere alterum conjugem? Resp. 1. communiter, ac per se non tenetur innocens conjux dimittere adulterum, etiam persistentem in adulterio publico, n. 20. Resp. 2. factū divortio, etiam per sententiam Judicis, potest conjux innocens revocare conjugem adulterum, & cogere ad redeundum, modò neuter conjugum statum mutarit, n. 21. Resp. 3. Conjux innocens ordinariè non obligatur ad recipiendum conjugem adulterum, etiamsi is sit emendatus, interdum tamen ex charitate recipiendus erit, n. 22. Resp. 4. Vir communiter non tenetur uxorem persistentem in adulterio dimittere; contrā verò uxor non tenetur à viro adultero se separare; cit. n. 22.

§. IV. An vir possit dimittere uxorem, sine judicio Ecclesie, etiam propter publicum, ac notorium impedimentum parentela, seu cognationis?

Non potest quis, propriā auctoritate, & absque judicio Ecclesie, uxorem dimittere, cum quia matrimonium in facie Ecclesie contraxit, etiamsi impedimentum v. g. cognationis sit notorium, n. 23. & 24. Conciliantur duo capitula hujus Tituli, quæ sibi invicem adversari videntur, n. 25. & 26.

§. V. Virum, & quando ob adulterium spirituale, sive ob lapsum in hæresim, vel apostasiam à fide alterius conjugis, liceat Catholico instituere divortium, & an ei reverso ad fidem debeat conciliari, seu ad eum redire?

ASSERTIO I. Præter adulterium carnale, potest etiam divortium institui, si alter conjugum labatur in hæresim, vel apostasiam à fide, & propter eam separati quoad torum, & cohabitationem, aliud matrimonium inire non possunt, quia conjuges manent, c. 1. h. t. n. 27. Qualecunque delictum unus conjugum committat, non potest alter ob hoc petere separationem matrimonii, etiam quoad torum, excepto crimine fornicationis, sive carnalis, sive spiritalis, quia incidit in hæresim, vel apostasiam à fide, idque propter periculum perversionis conjugis Catholicici, n. 28. Ass. 2. Si uxor, viro lapsa in hæresim, propriā auctoritate, ab eo se separavit, ad eum conversum ad fidem redire debet, & compelli. Si verò per judicium Ecclesie ab eo fuit separata, non debet compelli, ut ad eum redeat, c. De illa, g. h. t. n. 29. Si unus ex conjugibus incidat in fornicationem spirituales, nempe in infidelitatem, vel hæresim, potest alter, propriā auctoritate, ab eo se separare, nec compelli potest per Ecclesiam redire ad conjugem per-

manentem in infidelitate, vel hæresi, n. 30. Hoc interest luter conjugem Catholicum recedentem ab hæretico, sine judicio Ecclesie, & recedentem ab auctoritate ejusdē, quod priore casu, teneatur illum reversionem ad fidem recipere, non autem posteriore casu, sed possit liberè ab eo discedere, cit. n. 30. Uxor, quæ propter viri hæresim, propriā auctoritate, & sine judicio Ecclesie, ab eo discessit, tenetur ad eum redire, si idem vir ad fidem revertatur, n. 31. An ad hoc, ut conjux separatus judicio Ecclesie à conjugehæretico, non teneatur ad hunc redire, requiratur, ut uxor v. g. Catholica judicio Ecclesie separata à viro suo ingressa fuerit Religionem, & in ea professā? cit. n. 31. Tunc conjux ob hæresim dimittere potest, si pertinax appareat, & penitentiam agere renuat, n. 32.

§. VI. An sit conjugale vinculum non dissolvitur, aliter conjugem fideliem in hæresim, vel infidelitatem lapsū, ita etiam si unus ex infidelibus conjugibus convertatur ad fidem, dissolvatur vinculum conjugii, & convertus aliud matrimonium contrahere possit?

Si unus infidelium conjugum convertatur ad fidem Catholicam, & alter infidelis nullo modo, vel non sine blasphemia Divini nominis, vel ut pertrahat ad peccatum mortale, ac pervertat, conjugii fideli cohabitare velit, hic conversus ad secundas nuptias, si voluerit, transire poterit. Si verò alter infidelium conjugum vel labatur in hæresim, vel transeat ad errorem infidelitatis, is, qui relinquitur, non potest vivente altero conjugē, ad secundas nuptias transire, c. Quanto, 7. h. t. n. 33. An S. Pontifex Celestinus III. definiverit matrimonium dissolvi, cum alter conjugum in hæresim labitur, vel ad Gentilium errorem transeat? n. 34. Tres requiruntur conditiones, ut infidelis conjux ad fidem Christi conversus possit cum alia matrimonium contrahere. 1. Si infidelis omnino renuat cohabitare cum conjugē fideli. 2. quando non vult sine injuria Creatoris cum fidei commorari. 3. quando ex convictu fidelis cum infideli sequitur periculum inductionis ad peccatum mortale: est autem probabilius his casibus dissolvi matrimonium tum demum, postquam Christianus de facto matrimonium cum alia contraxit, n. 35. Si alter infidelium conjugum labatur in hæresim, vel transeat ad errorem Gentilium, quod non possit ad aliud matrimonium transire, post Concil. Trident. Sess. 24. can. 3. de Sacram. matr. est de fide, n. 36. Explicatur textus Apostolici 1. Cor. 7. cit. n. 36. Matrimonium contra dictum inter infideles est verum, ac legitimum matrimonium, non tamen ratum, quia non est Sacramentum inter infideles, nec gratiam confert, & quamvis consummatum sit, potest dissolvi per conversionem alterius conjugis ad fidem, cum tamen matrimonium consummatum Christianorum sit indissolubile, n. 37. Quod si ambo conjuges infideles convertantur ad fidem, eodem tempore, inter eos matrimonium non dissolvitur: & quid si unus post alium convertatur ad fidem? cit. n. 37. in fine.

§. VII. Proponuntur, & resolvuntur aliæ quæstiones circa matrimonium infidelium conversorum ad fidem Christianam, & divortium inter illos instituendum?

1. Pagani, seu infideles conjuncti in gradu prohibito

bito à lege Canonica tantum, conversi ad fidem non separantur. Si infidelis prius plures uxores habebat, post fidem susceptam adhærebit primæ. Et si repudiata uxore, cum secunda contraxit, etiam post Baptismum dimittit secundam, & adhærebit primæ repudiata, etiamsi repudiata cum alio contraxisset: secus si fornicata fuisset, c. *Gaudemus*. 8. h. 1. num. 38. Aff. 1. Paganus, seu infideles conjuncti in secundo, tertio, vel ulteriore gradu lineæ collateralis Jure Canonico tantum prohibito, non debent separari. Si vero sint in gradu lege Divinâ prohibito conjuncti, debent conversi ad fidem separari. Quod si infideles conversi ad fidem volunt cohabitare, sine contumelia Creatoris, & periculo inductionis ad peccatum, non sunt separandi, sed licite manent conjuncti, qui ante conversionem ad fidem matrimonium contraxerunt, quia per Sacramentum Baptismi non dissolvuntur conjugia, sed crimina dimittuntur, n. 39. Inter quas personas jure Divino, & naturali est prohibitum matrimonium, etiam inter infideles? n. 40. Sacramentum matrimonii late acceptum, prout est signum rei sacræ, existit etiam apud Judæos, & infideles, cir. n. 40. An, & quâ ratione matrimonium contractum inter infideles, si postea convertantur ad fidem, post Baptismum, efficiatur Sacramentum, & indissolubile? n. 41. Posterioribus temporibus præceptum fuit ab Ecclesia, ne conjux ad fidem conversionem permitatur simul habitare cum infideli, ob periculum perversionis, n. 42. Aff. 2. Si paganus, seu infidelis prius habuit plures simul uxores, post fidem susceptam adhærebit primæ, quia pluralitas uxorum simul ductarum est etiam jure Divino, & naturali prohibita, quamvis olim ex dispensatione Divina permissum fuerit antiquis Patriarchis plures simul habere uxores, n. 43. Verum nunc in nova lege Evangelica hujusmodi dispensatio sublata fuit à Christo, n. 44. Quæ sit pœna tum viri ducentis, eodem tempore, plures uxores, tum mulieris nubentis simul pluribus viris, sive de Jure Civili, sive Canonico? n. 45. Aff. 3. Si paganus, seu infidelis, repudiata uxore suâ, conversus ad fidem matrimonium contrahat cum secunda, etiam post Baptismum eam dimittere debet, quàm secundam duxit, & adhærebit primæ repudiata, etiamsi hæc cum alio matrimonio contraxerit, nisi illa fornicata fuisset, n. 46. & 2. seqq. Post legem Evangelicam nec Judæis, nec aliis infidelibus permissum est repudium legitimæ uxoris, quia Christus illud reprobavit, & matrimonium ad statum legis naturalis reduxit, in qua matrimonium erat indissolubile, n. 49.

§. VIII. An Ecclesia dispensare possit, ut infideles conversi ad fidem contrahere possint matrimonium cum relicta uxore fratris sui defuncti?

Non potest frater ducere uxorem relictam fratris sui defuncti, licet dispensetur cum noviter conversis, ut remaneant in matrimonio, quod in infidelitate contraxerunt, more Mosaico, ut suscitent semen fratris sui: licet deinceps tales, post fidem Christianam susceptam, matrimonialiter copulati non debeant, s. ult. h. e. num. 50. & 51. Infidelis, qui cum uxore contraxit, & consummavit matrimonium, tempore infidelitatis, non potest post Baptismum, contrahere cum consanguinea illius usque ad quartum gradum, cir. c. ult. h. 1.

n. 52. Quis sit verus sensus hujus c. ult. n. 53. Id. quod supra dictum est, extenditur, ut etiam locum habeat, si tempore infidelitatis initum sit matrimonium, etsi non consummatum, n. 54.

§. IX. Quæ sit pœna mulieris insidians vitæ mariti sui, si inde homicidium sit secutum?

Homicidium necessarium, v. g. ad defensionem suæ vitæ factum, non privat spe conjugii futuri, sed machinatio mulieris in mortem viri sui privat, ut si mulier misit aliquos, ut suum matrem interficerent, & maritus invasus aliquem occidit, maritus non privatur spe conjugii, quin post mortem uxoris suæ possit aliam ducere: mulier vero privatur; ut post mortem viri sui, non possit alii nubere, c. 1. h. 1. n. 55. Idque declaratur n. 56. & 57.

§. X. An propter alias præterea causas, divortium inter conjuges possit institui?

ASSECTIO I. Generatim loquendo, ob grave periculum animæ, seu salutis spiritualis conjugis, licitum est se ab eo per divortium separare, quamvis tale periculum durat, ut si unus conjux nitatur alterum ad gravia peccata pertrahere, n. 58. Secluso periculo inductionis ad peccatum, ob nullum aliud crimen quamvis grave, præter fornicationem carnalem, & spirituale, licitum est inter conjuges divortium instituere, n. 59. Aff. 2. Ob grave etiam periculum vitæ, & salutis corporalis imminens alteri conjugum ex cohabitatione, licitum est conjugum passo divertere, donec periculum cesserit, & sufficiens cautio ipsi præstetur de malo deinceps non inferendo, n. 60. In specie autem justa causa divortii est 1. Si vir sit leno, eamque incitet ad adulterium, vel sodomitiam, vel ad furta. 2. Sævities mariti, ob quam jussit meruit uxor mortem, vel mutilationem: vel si is gravia verbera uxori infligat. 3. Graves, & frequentes discordiæ inter maritum, & uxorem. 4. Si alter conjux sit omnino furiosus, ita ut sine vitæ, aut alio gravi periculo, cum ipso habitari non possit, §. Lepa, vel alius gravis morbus contagiosus, n. 61. Qualis cautio præstanda sit ob sævitiarum vitæ? n. 62. & an proptiâ auctoritate divortium inter eos fieri possit? n. eod. Apud quem conjugem, facto divortio, patrem, vel matrem, liberi educari, & alii debeant? n. 63.

SERIES CAPITVLORVM.

IN ANTIQUIS.

6. 1. n. 55. & 2. seqq.	c. 6. n. 29. & 3. seqq.
c. 2. n. 27. & 3. seqq.	c. 7. n. 33. & 4. seqq.
c. 3. n. 23. & 3. seqq.	c. 8. n. 38. & aliquos seqq.
c. 4. n. 3. & 2. seqq.	c. 9. & ult. n. 50. & 4. seqq.
c. 5. n. 6. & 3. seqq.	

TITVLVS XX.

DE DONATIONIBUS INTER VIRUM, & uxorem, & de dote post divortium restituenda.

§. I. An, & qualis donatio inter conjuges sit invalida, & in quibus casibus sit valida, & licita, vel prohibita?

Duplex est donatio inter conjuges, quædam simplex,

plex, quæ fit ex mera donantis liberalitate, quædam ob causam, qualis est donatio, ante sive propter nuptias, quæ fit à marito uxori propter matrimonium in compensationem dotis, n. 1. Donatio simplex, quæ fit solius liberalitatis causâ, inter virum, & uxorem, constante matrimonio invalida est, n. 2. Idque extenditur 1. quod non valeat etiam inter sponsum, & sponfam de presenti, ante matrimonium consummatum. 2. est invalida, etiam si donatio facta sit ante contractum matrimonium, sed ejus effectus differatur in tempus contracti matrimonii. 3. Non valet donatio inter conjuges, etiam per intermediam personam. 4. Valent tamen alij contractus inter conjuges, ut venditio, permutatio &c. 5. legatum inter virum & uxorem valet. n. 3. Donatio inter conjuges, durante matrimonio facta, ex qua alter locupletior, alter vero fit pauperior non valet, nisi obitu donatoris confirmetur, & penitus evanescit, si à donatore expressè, vel tacitè revocetur, vel si is, qui donatum accepit, priùs decedat, c. 8. & ult. in princ. h. t. n. 4. Ergo à contrario sensu, si donator fiat locupletior, & accipiens pauperior, valet talis donatio. n. 5. Donatio facta inter conjuges, durante matrimonio, in tribus casibus omnino revocatur, ita ut non confirmetur morte donantis. Primus casus est, si donatio fuit per donatorem tacitè revocata, censetur autem tripliciter tacitè revocata: secundus casus est, si expressè revocetur donatio inter conjuges: tertius casus est, si priùs moriatur donatarius, l. Cum hic status. 32. §. Si divorcium, & §. Si maritus, & §. Aitoratio ff. de donat. inter vir. & ux. n. 6. Addunt communiter DD. quartum casum, in quo tacitè revocatur donatio inter conjuges; nam si res donata non fuit tradita donatario, morte donatoris non confirmatur donatio. n. 7. Sicut autem dos, soluto matrimonio, ad mulierem: sic & donatio propter nuptias redit ad virum, nisi de consuetudine aliud obtineat: vel ex pacto inter virum, & uxorem de lucranda dote, vel donatione propter nuptias, quod æquale tamen sit ex utraque parte, hinc inde contrarium fit inductum, c. 8. & ult. §. Sanè h. t. n. 8. Et hinc de jure communi, soluto matrimonio, dos revertitur ad mulierem, vel ad eius hæredes, & donatio propter nuptias ad maritum, vel eius hæredes. n. 9. Quando soluto matrimonio, dos redit ad uxorem, & quando non, sed vel ad extraneum, vel ad patrem, qui dedit dotem pro filia? n. 10. Post matrimonium contractum, debet esse æqualitas dotis, & donationis propter nuptias, non solum in quantitate, sed etiam in lucris ex pacto provenientibus, c. 8. ult. §. Sanè h. t. n. 11, ubi id declaratur. Hodie in multis locis per consuetudinem sublata est donatio propter nuptias, c. 11. Plures sunt casus jure expressi, in quibus valida est donatio inter virum, & uxorem, qui enumerantur n. 12.

§. II. *Quenam præterea donationes inter conjuges valeant, vel non?*

Quæ. 1. Utrum donatio remuneratoria inter conjuges valeat? Resp. esse validam, n. 13. Quæ. 2. Utrum donatio mortis causâ facta inter conjuges, sit valida? Resp. affirmativè, quamvis per huiusmodi donationem non transferatur dominium rei donatæ, donec mors donantis sequatur. num. 14. Quæ. 3. Utrum donatio facta inter conjuges non legitimis,

sed putativos tantum, valeat? Resp. 1. Si utrique conjugi constet matrimonium esse nullum, tunc rem donatam fiscus sibi vendicare potest, n. 15. 2. quando solus coniux donans scivit matrimonium esse nullum, & ignorantem conjugi aliquid legavit, valet legatum, illudque uxor sibi acquirit, c. 15. Idem dicendum in acquisitis à coniuge ignato nullitatis matrimonii per donationem, vel alium contractum inter vivos, ut si coniux conficius nullitatis matrimonii donavit aliquid ignorantem, donatio illa acquiritur conjugi bonâ fide ignorantem: secus est, si uterque coniux in mala fide sit constitutus, tunc enim fisco applicanda est donatio. n. eod. 3. quando coniux donatarius conficius est nullitatis matrimonii, sed donator in bona fide est constitutus, tunc donatio non valet, sed res donata ipsi donanti, vel eo mortuo, hæredibus eius restitui debet, n. 16. 4. quando uterque coniux est ignarus nullitatis matrimonii, & bonâ fide putat, illud valere, tunc donatio inter eos facta est invalida, n. 17.

§. III. *Quibus modis donatio invalida inter conjuges confirmetur?*

ASSERTIO 1. Tribus modis confirmatur. 1. per juramentum adjectum, ita ut donatio ab uno conjuge alteri facta, accedente juramento fiat irrevocabilis, & eo ipso valida, n. 18. Aff. 2. Alter modus, quo confirmatur donatio aliquin irrita inter conjuges est per mortem naturalem donantis, c. 8. ult. h. t. n. 19. Uteralis donatio morte confirmetur, quatuor conditiones requiruntur expressè c. 19. Aff. 3. Donatio inter conjuges invalida confirmatur etiam morte civili donantis, ut si donans in exilium mittatur, & civitatem perdat, n. 20. An donatio invalida inter conjuges confirmetur per Professionem Religiosam conjugis donantis? c. 1. n. 20.

§. IV. *Quenam præterea statuta sunt circa donationem propter nuptias in hoc Titulo?*

Donata à marito propter nuptias uxori, cum pacto, ut maneant penes uxorem, si contingat eos per divorcium separari, sed postea reperitur matrimonium esse nullum propter impedimentum dirimens consanguinitatis, & donata à marito faciant difficiliorem separationem, ac dissolutionem talis matrimonii, tunc à viro donata ipsi sunt restituenda, quia non sunt dos, nec donatio propter nuptias, cum matrimonium sit nullum, c. Eisd. §. h. t. n. 21. Idque declaratur n. 22. Cur Papa in hoc cap. sub pœna excommunicationis præcepit, ut castra illa restituerentur Regi Legionensi, qui illa dedit in dotem filiae Regis Castellæ, n. 23. Si usufructuarius concedat partem terræ uxori in dotem, mortuo marito, uxor non potest amplius illam habere, nisi consentiat dominus terræ, quia non transfert in eam plus juris, quam ipse habebat: & ob hanc causam si terra fuit data in feudum, vel hereditatem alicui hæredi, quem habebat ex legitima uxore, & ipse concedit partem terræ in dotem uxori, & moritur sine hærede, uxor non potest amplius habere partem terræ, ut habetur in Summa c. Nuper h. t. 6. idque declaratur n. 25.

§. V. *De restitutione dotis.*

Quæ. 1. quando dos restitui debeat? Resp. si matrimonium ex licita causa separetur, dos est restituenda

stituenda uxori, c. 1. h. t. n. 26. Ubi tamen distinguendum est: nam vel culpa mariti matrimonium iudicio Ecclesiæ fuit separatum, quoad torum, & cohabitationem; & tunc dos restituenda est uxori, juxta c. 1. h. t. Vel culpa uxoris, propter adulterium ab ipsa commissum, & tunc dos ei restitui non debet: si verò neurius conjugis culpa divortium est factum, & ad tempus tantum, non debet etiam uxori dos restitui: si verò perpetuum divortium sit factum ex pacto inter conjuges inito, quilibet eorum debet alteri restituere, quod ab eo accepit, cit. n. 26. Si maritus non sit verus, sed putativus tantum, debet dos integra restitui uxori à viro, n. 27. Si matrimonium dissolutum sit propter consanguinitatem, vel aliud impedimentum Canonicum dirimens, quod ignorabatur subesse, tunc etiam dos integra restitui debet uxori, cum inter eos non constiterit verum matrimonium: quamvis aliis vetus maritus non condemnatur ad restituendam dotem uxori, nisi quatenus commodè facere potest, cit. n. 27. Si per errorem, & ignoranter matrimonium invalidum ob impedimentum dirimens sit contractum, tunc non solum restitui debet dos integra uxori, sed etiam quicquid unus conjux ab altero habuit, nisi per errorem, vel minorem ætatem excusentur, cit. n. 27. Non tantum tota dos, sed etiam fructus dotis restitui debent, illi scilicet, qui ante matrimonium obvenierunt, cit. n. 27. *Quæ. 2.* An præter dotem, restitui debeant uxori etiam alia ejus bona? Resp. dissoluti matrimonio per divortium, ultra dotem, omnia bona, seu lucra, quæ constante matrimonio communiter acquisita sunt utrique conjugi, æqualiter inter eos sunt dividenda, & ad hoc conjux id recusans per censuram Ecclesiasticam compelli debet, c. 2. h. t. n. 28. Inter conjuges non contrahitur propriè dicta societas, sed præcipitur divisio bonorum inter eos fieri, n. 29. Post mortem mariti, dos redit ad uxorem, illaque eam recuperat, nisi aliud obstat, n. 30. Secundum consuetudinem, vel statuta quorundam locorum, non solum lucra, seu bona, constante matrimonio, inter veros conjuges acquisita, sed etiam inter putativos, qui bonâ fide contraxerunt, sunt communia utrique conjugi, & soluto matrimonio æqualiter sunt dividenda, cit. num. 30. Alioquin verò de jure communi sola dos est uxori restituenda, cit. n. 30. *Quæ. 3.* An Judex, qui cognovit de matrimonio, possit etiam, ac debeat de dote cognoscere? Resp. si Judex Ecclesiasticus ferat sententiam divortii, ob impedimentum dirimens, de matrimonio, debet etiam ferre sententiam de dote restituenda, secundum Jus Canonicum, quia qui cognoscit de principali, debet etiam cognoscere de accessorio, & incidenti, c. 3. h. t. n. 31. & 32. Causa dotis est adeo conjuncta matrimonio, ut sine eo dos consistere non possit, n. 33. Coram quo Judice, seculari, an Ecclesiastico agi possit causa dotis, si mulier, constante matrimonio, eam petat, quia fortè maritus dissipat bona sua, & vergit ad inopiam? num. 34.

§. VI. De amissione dotis propter adulterium uxoris.

Mulier propter adulterium commissum amittit dotem, eamque vir lucratur, c. *Plerumque. 4.* h. t. n.

35. & 36. Idque extenditur 1. quod mulier propter adulterium, non tantum amittat dotem, sed etiam privetur donatione propter nuptias, quam à viro accepit, n. 37. Extendunt 2. aliqui, quod uxor adultera amittat etiam bona paraphernalia: sed rectius per dotalitum hic intelliguntur non bona paraphernalia uxoris, sed quod mulier adultera dotem perdat, vel ejus pretium, seu æstimationem, ut quia dos data est in iis rebus, quæ numero, pondere, vel mensurâ constant, ita ut per dotem intelligi debeant res ipsa dotalis, per dotalitum ipsius pretium, sive æstimatio, cit. n. 37. Extenditur 3. quod mulier propter adulterium perdat dotem, eamque viro acquiratur, non solum si sit vera uxor, sed etiam etsi putativa tantum propter impedimentum dirimens matrimonii, cit. n. 37. Quando vir post commissum ab uxore adulterium, sciens tacuit, & conjugi cohabitavit, & reconciliatus fuit, tunc censetur actionem ad petendum divortium, & privationem dotis tacite remisisse. Et è converso, si maritus commisit adulterium, uxor quoque recuperat dotem, & lucratur donationem propter nuptias. Item si maritus consensit in adulterium uxoris, vel illam prostituat, tunc non lucratur dotem, & si conventus ab uxore excipiat de adulterio, ipsa replicabit de lenocinio, n. 38. Si maritus, & uxor habeant liberos ex eodem, vel alio matrimonio, tunc maritus non lucratur dotem, nec uxor donationem propter nuptias, sed hæc reservantur liberis adulteræ, post mortem uxoris. Propter adulterium uxor amittit dotem, non ipso jure, sed per sententiam Judicis. Denique uxor amittit dotem propter adulterium, si propriâ voluntate, & ex solo metu propter commissum adulterium ab ejus domo recessit: secus, si vi eam eiecit è domo non propter adulterium, quia tunc dotem non amittit, & sic corrigi, & legi debet, quod dicitur Tit. 20. §. 6. n. 39. in fine.

§. VII. An viro, qui ad inopiam vergit, petenti dotem ea tradenda sit sub cautione?

Si maritus petat dotem uxoris, & illa contra eum excipiat, quod sit pauper, & quod non possit sufficientem cautionem dare, tunc debet dare illam, quam potest, vel committere dotem alicui honesto mercatori, ut ex parte lucri honesti possit onera matrimonii sustinere, ne occasione dotis debeat, si separati maneant, adulterium committant, c. *Per vestras. 7.* h. t. n. 40. Idque declarat n. 41. Si maritus vergat ad inopiam, etiam sine culpa sua, potest uxor petere dotem, idemque est, si maritus incipiat dissipare bona sua, si quæ male uti. Item potest tunc uxor agere contra maritum ad donationem propter nuptias à marito ei factam, n. 42. Non debet dos tradi viro ad inopiam vergenti, nisi idoneam cautionem præter de dotis securitatem, per fidejussores, aut pignora, vel saltem talem, qualem potest, cit. n. 42. Si maritus sufficientem cautionem præstare non possit, tunc conceditur, ut dos apud mercatorem aliquem deponatur, à quo maritus tantum lucri honesti accipiat, quantum ad sustinenda onera matrimonii est necessarium, & quo pacto fieri debeat, ac licetè possit talis depositio dotis? n. 43. Est autem in arbitrio Judicis, ut vel maritus sub cautione, quam præstare potest, reddat dotem uxori eam petenti, vel ut dos deponatur apud mercatorem? cit. c. *Per vestras. h. t. n. eod. in fine.*

SERIES CAPITVLORVM.

IN ANTIQVIS.

- c. 1. n. 26. & seq. c. 6. n. 24. & seq.
 c. 2. n. 28. & 2. seqq. c. 7. n. 40. & 3. seqq.
 c. 3. n. 31. & seqq. c. 8. & ult. in princ. n. 4.
 c. 4. n. 35. & 4. seqq. & 3. seqq. §. Sanè. n. 8.
 c. 5. n. 21. & 2. seqq. & 3. seqq.

TITVLVS XXI.

DE SECUNDIS NUPTIIS.

Post primas nuptias, possunt ex reitèrari sine certo, ac definito numero, n. 1.

§. I. An conjux dubius de morte alterius conjugis possit transire ad secundas nuptias?

Nullus præsumat ad secundas nuptias transire, nisi prius constet de morte uxoris, vel alterius conjugis. Quod si quis adhuc dubius de morte illius aliam duxit, debet reddere debitum, sed non potest petere: & si deinde constet priorem conjugem adhuc vivere, debet, relicta secundâ, ad priorem conjugem reverti, c. 1. h. t. n. 2. Captivus apud hostes potest contrahere matrimonium, etiam si sit servus, num. 3. Ob solam absentiam conjugis, quantumvis diuturnam, non dissolvitur matrimonium, nisi constet de morte conjugis absentis, nec potest conjux ad aliud matrimonium transire, nisi habitâ certitudine de morte alterius conjugis, cit. n. 3. Cur si conjux dubius de morte prioris conjugis, de facto aliud matrimonium contraxit, non possit petere debitum, teneatur tamen reddere debitum ei, qui bonâ fide contraxit? cit. n. 3. Quod si interque malâ fide contraxit, dubitans de impedimento dirimente, neuter potest petere, nec reddere debitum, cit. n. 3. Et si quis ab initio bonâ fide contraxit matrimonium, postquam tamen certior factus est de vitâ prioris conjugis, adulterium committit, nisi secundam uxorem statim dimittat. Quod si compertum fuerit, mulierem duos viros habere simul, tunc ea primo viro restitui debet, & si ad eum redire recusaverit, excommunicanda est, donec redeat; idem est de viro, n. 4.

§. II. An si mulier, post mortem viri, transeat ad secundas nuptias, intra annum luctus, incurrat infamiam, vel alias penas juris?

Et si mulier, quæ nubet alteri, infra annum luctus, secundum leges Civiles incurrit infamiam, non tamen secundum Apostolum, & Jus Canonicum, c. 4. & §. h. t. cui hac in re standum est, n. 5. &

6. Quæ. 1. Quæ sint pænæ Jure Civili statutz in fœminas viduas transeuntes ad alias nuptias intra annum luctus? Resp. Plures sunt, quæ enumerantur n. 7.

Quæ. 2. An prædictæ pænæ statutz in fœminas secundò nubentes, intra annum luctus, sint correctæ per Jus Canonicum? Resp. affirmativè, n. 8.

Quæ. 3. Quæ sint pænæ Jure Civili decretæ in favorem filiorum prioris matrimonii, si vidua transeat ad secundas nuptias? Resp. Hæ enumerantur n. 9. Quæ. 4. An pænæ in favorem filiorum prioris matrimonii Jure Civili statutz in viduas secundò nubentes, post annum luctus, sint correctæ per Jus Canonicum? Resp. non esse correctas, quippe quæ in favorem filiorum sunt statutz, adeoque servandas esse in utroque foro, n. 10.

§. III. An secunda nuptiæ sint benedicendæ, & quam penam incurrat Sacerdos benedicens?


Benedictiones nuptiarum rectè ab Ecclesia adhibentur, & quænam circa illas statuerit Concil. Trid. Sess. 24. c. 1. de res. marr. n. 11. Est præceptum recipiendi has benedictiones nuptiales, non tantum consilium, cit. n. 11. Quæ. nunc, an secundis nuptiis sit impertienda benedictio, & quam penam incurrat Sacerdos benedicens? Resp. secundæ nuptiæ non sunt benedicendæ, & Presbyter, qui benedixit secundas nuptias, debet suspendi ab officio, & beneficio, & Romam mitti pro absolutione, c. 1. & c. 3. h. t. n. 12. Si uterque, vel alter conjux in primis nuptiis benedictionem accepit, non debet in secundis benedictio impetiri: secus autem, si teneat conjux in primis nuptiis benedictionem accepit, n. 13. Verius est, quod secundæ nuptiæ non sint benedicendæ, etiam si unus tantum conjugum fuerit benedictus in primis nuptiis, c. Vir autem. §. h. t. n. 14. Quæ sit vera ratio, ob quam prohibetur benedictio conjugum in secundis nuptiis? n. 15. Pœna, quam incurrit Sacerdos impertiens benedictionem secundis nuptiis, est suspensio ab officio, & beneficio, non tamen ipso jure lata, sed à Judice ferenda, & quæ vel ordinaria, vel potius arbitraria, arbitrio Superioris commissâ pro loci consuetudine, & qualitate delicti, n. 16. An & quando spectatâ consuetudine, liceat benedicere secundas nuptias? n. 17. An ut consuetudo circa benedictionem secundarum nuptiarum valeat, requiratur, ut ea sit inducta sciente, vel approbante S. Pontifice? n. 18.

SERIES CAPITULORUM M.

IN ANTIQVIS.

- c. 1. n. 12. 13. & 16. c. 3. n. 12. & 3. seqq.
 c. 2. n. 2. & 2. seqq. c. 4. n. 5. & 3. seqq.
 c. 5. & ult. n. 6. & seqq.





INDEX ALPHABETICUS QUÆSTIONUM, QUÆ IN HOC QUARTO LIBRO DECRETALIU CONTINENTUR.

Numerus prior indicat Titulum; posterior Tituli contextum.

A.

ACCUSARE matrimonium quinam possint? **18. 1.** Quinam prohibeantur? **18. 4. & 2. seqq.**
Accusari an possit matrimonium, & sponsalia, quæ nondum sunt? **1. 28. & seq.**
Accusatio, vel testimonium in causa matrimoniali an fieri possit per litteras, seu scripturam, absente accusatore, vel testibus? **18. 11. & seq.**
Accusator, & testis an idem esse possint in causa matrimoniali, cum queritur de consanguinitate conjugum? **18. 3.** Quomodo in causa matrimonii differant? **18. 8.**
Adoptio quid sit? **12. 1.** Quotuplex? **12. 2.** Inter adoptantem, vel adoptatum, & hujus descendentes quomodo contrahi possit matrimonium, vel non possit? **12. 9.**
Adulteram an vir repudiare possit, si & ipse sit adulter? **1. 62.**
Adulterium an dirimat matrimonium subsequens? **7. 1. & 3.** Num per se solum sufficiat ad dirimendum subsequens matrimonium? **11. 7. 9. 3. 4. 6. 13. & 2. seqq.**
Adulterium uxoris esse notorium quomodo probari possit? **19. 4.** Num propter illud vir possit auctoritate propria expellere uxorem, sine iudicio Ecclesiæ? **19. 4.**
Adulterium an committat, qui à principio bonæ fide matrimonium contrahens, postea tamen eorum factus de vita prioris conjugis, secundam uxorem non statim dimittit? **21. 4.** Num concumbens cum alieno sponso, vel sponsa? **1. 5.**
Adulterii conficius conjux alterius conjugis nam in conscientia obligetur se ab illo separare? **19. 20. & 22.**
Adulterii notorii exceptio, num obstat conjugi petenti restitutionem, & quid si uterque conjux adulterium commisit? **19. 4.**
Adulterii poenam num incurrat uxor propter scævitiā viri, vel paupertatem? **19. 7.**
Affinitas quid sit? **14. 21.** Quid ad illam contrahendam requiratur? **14. 22.** Inter quas personas contrahatur? **11. 14. 15. 24. 25. & 18.** Num contrahatur ex copula sodomitica habita in vase propeposito? Num ex quacunque pollutione? Num ex copula habita cum dormiente, ignorante, coacta, ebria, insana? Num ex matrimonio rato, & non consummato? **14. 23.** Quo jure dirimatur matrimonium? **14. 23. & 24.** Spectato jure naturæ, an oriatur ex fornicaria copula? **14. 33.**
Affinitas orta ex copula licita, & illicita fornicatione cum consanguineis alterius conjugis ad quem gradum extendatur, attento jure antiquo Canonico, & novo Concilii Trident. **13. 21. & 29.** Quid nomine fornicationis prædictum Concilium intellexerit? **13. 22.** Num impediat matrimonium jure naturæ, vel Divino in omnibus gradibus in Levitico c. **18.** interdictis, & an Pontifex in nullo eorum dispensare possit? **14. 18.**
Affinitas dirimens matrimonium contractum num probetur per confessionem utriusque conjugis. **13. 15. & 3. seqq.**
Affinitas superveniens num dissolvat matrimonium, vel sponsalia de futuro? **13. 8. & 5. seqq.** Num saltem impediat petitionem debiti? **13. 14.**
Affinitatis genera quot olim erant, & num hodie sublata? **11. 14. 15. 24. 27. & 28.**
Affinitatis gradus quo modo numerentur? **14. 24.**
Alimenta præstare num parentes teneantur liberis? **1. 176. & seq.**
Amentes an contrahere possint sponsalia, vel matrimonium? **1. 10.**
Arrhe an repeti possint post nuptias, & à quo? **1. 25.** Cur adijci possint sponsalibus, Num autem poena? **1. 25.**

B.

Benedictiones nuptiales, & similes ceteroniarum num adhibenda in contractu matrimonii? Num sint de essentia illius? Num si omisse sint, censetur concubitus illicitus? Num si in nuptiali fœdere non interveniant, peccatum committatur? **1. 89.** abinam fieri debeant? **1. 115.** Num convenienter ab Ecclesia adhibeantur? Et quid circa has statuerit Concilium Trident. **2. 1. 11.** Num has recipiendi sit præceptum? **2. 11.**

C.

CAPTIVVS apud hostes an possit contrahere matrimonium? **2. 3.**
Causa contractui matrimonii appositā quid sit? **5. 12.** Num suspendat, vel vitiet matrimonium? **5. 29.**
Causa matrimoniales quotuplices sint? **11. 18. 19.** Num per quoslibet Judices tractandæ, vel Ecclesiasticos tantum, & quales? **14. 30.**
Cervicudo qualis sit necessaria de morte prioris conjugis, ut possit superfluitate conjux ad alias nuptias transire? **13. 1.** Num requiratur moralis? **1. 132.** Num si talis adfit, ab Ordinario sit petenda licentia ineundi aliud matrimonium? **1. 136.** Quid si levis tantum adfuit conjectura? **1. 133.** Num sufficiat verisimilis præsumptio? **1. 133.**
Clericus in Sacris constitutus, si ducat uxorem, an fiat irregularis? **6. 2.**
Cogens ad matrimonium contrahendum an resiliere possit à matrimonio gravi metu contracto, invito eo, qui metum passus est, & antequam hic consensum pristinum ratificet? **1. 125.**
Cognatio legalis quid sit, & quotuplex? **12. 3.** Ex qua adoptione oriatur? **12. 4.**
Cognationis legalis an omnes tres species impediant, ac dirimant matrimonium, & inter quas personas, & cur? **12. 5. & 3. seqq.**
Cognatio spiritualis quid sit? **11. 1.** Ex quo jure ortum habeat, & ex quibus Sacramentis oriatur? **11. 1. 2. 3. 20.** Quotuplex sit? **11. 3.** Inter quas personas contrahatur, attento jure antiquo Decretalium? **11. 13. & 15. usque ad 20.** Quid jure novo Concilii Trident. **1. 1. & seq.** Parentum nominæ quinam hic intelligantur? **11. 32.** Num oriatur inter parentes in necessitate proprios filios baptizantes, aut suscipientes in Baptismo, vel Confirmatione? **11. 7.** Num inter patrem tenentem proprium filium illegitimum, & inter concubinam? **11. 8.** Num contrahatur a suscipiente prolem in necessitate impediens matrimonium, vel ejus usum? **11. 18.** Num si Christianus in extrema necessitate baptizet alicum, dirimat matrimonium subsequens cum baptizato, ejusque parentibus? **1. 139.** Num per Carachinum præcedentem Baptismum, contrahatur impediens, ac dirimens matrimonium? **11. 22. & seq.** Num impedit exactionem, & redditionem debiti conjugalis? **11. 24.** An hoc impedimentum sit subtilem per Concil. Trid. **11. 25.** Ad contrahendam cognationem spirituales quænam requirantur conditiones? **1. 35. & 2. seqq.** Ut contrahatur inter baptizatum, & uxorem suscipientis, quid requiratur? **11. 21.**
Cognationis spiritualis contrahendæ an capax sit hæreticus? **11. 40.**
Cohabitare an teneantur conjuges? **1. 173.**
Cohabitare cum leproso conjuge an assidue teneatur alter conjux? **8. 10.**
Conditio contractui matrimonii adjecta quid sit? **5. 1.** Quotuplex? **5. 2.** Num illum vitiet, vel suspendat? **5. 3. & 4.** Quid

Quid si sit de futuro necessaria? **5. 11.** Quid si repugnans substantiæ, & bonis matrimoniis, aut impossibilis, vel turpis? **5. 12. & 2. seqq.** Quid si condicio turpis, vel impossibilis non adveniat matrimonio substantiæ? **5. 16.** Quænam requiratur, ut condicio impossibilis rejiciatur in contractu matrimonii? **5. 17.** Quid si matrimonium sit contractum sub conditione suspensiva, vel resolutive? **5. 18.** Quid si sub conditione non suspensiva? **5. 21.**

Condicio si sit virginem invenero, vel si mecum concubueris, num sit valida, vel tanquam turpis rejicienda à matrimonio? **5. 23.**

Condicio, num adici possit non tantum consensui matrimonii, sed etiam ipsi matrimonio? **5. 10.**

Confessarius in foro conscientie num possit permittere, ut conjux habens verisimilem præsumptionem, alterum conjugem esse mortuum, transeat ad secundas nuptias? **10. 37.**

Confessio Sacramentalis an fieri possit per litem Confessario abienti? **18. 23.**

Confessio alterius conjugum an stetur, quando agitur de separationem rotæ, vel vinculi matrimonialis? **10. 7.**

Coniux ad fidem conversus num simul cum infidelibus habitare permittatur? **19. 42.** Dubius de morte alterius conjugis num possit transire ad secundas nuptias? **21. 2. & 3. seqq.**

Quid si de facto matrimonium contraxit, num debitum petere, vel redire valeat? **21. 3.** Num teneatur redire ad priorem conjugem, si post contractum secundum matrimonium cognoscat priorem conjugem adhuc vivere? **1. 130.** An ad hoc ut conjux separatus iudicio Ecclesiæ à conjuge hæretico non teneatur ad hunc redire, requiratur, ut uxor Catholica ingressa fuerit Religionem, & in ea professa? **19. 31.**

Coniux proprium filium de sacro fonte suscipientes num separandi sint? **11. 6.**

Consanguinei quomodo sint? **14. 2.**

Consanguinei conjugis, cum quibus alter conjux incestum commisit, num prohibeatur post mortem alterius conjugis inire aliud matrimonium, & quid ad hoc requiratur? **13. 3.**

Consanguinitas quid sit? **14. 1.** An, & quo jure ditimat matrimonium? **14. 3. & 4. seqq.** An DEVS in primo gradu lineæ rectæ dispensat possit? **14. 8.** Quo gradu jure antiquo Ecclesiasticum diremter matrimonium, & quo gradu nunc ditimat? **14. 13. & 4. seqq.** Cur Ecclesiæ restrinxerit prohibitionem graduum consanguinitatis, & affinitatis? **14. 16.** Num in gradibus in Levitico c. 18. interdictis matrimonium impeditur jure naturæ, vel Divino, & an Pontifex in nullo eorum dispensare queat? **14. 18.**

Consanguinitatis linea quid sit, & quomodo? **14. 3.**

Consanguinitatis gradus quid sit? **14. 3.** Ad computandos gradus quot, & quæ regulæ assignentur? **14. 4. & 2. seqq.** Quænam computatio graduum procedat secundum Jus Canonicum, quænam secundum Jus Civile, & servanda sit? **14. 7.**

Consensus in carnalem copulam an sit de essentia matrimonii? **1. 69.** Num liber ab omni vi, & coactione? **1. 109.** Solus innernus num sufficiat ad contrahenda sponsalia, vel matrimonium? **1. 13.** Num necessariò exterius exprimendus, & ab utroque conjuge simul præstandus? **1. 22.** Si de sit, num aliqua sponsalium, aut matrimonii oriatur obligatio? **1. 23.** Quando consensus alterius conjugis fuisse, vel gravi metu extortus num sufficiat, si hic solum postea consensum in matrimonium renoverit? **1. 83.** Implicitus & interpretativus consensus in ipsa susceptione Baptismi inclusus an sufficiat ad matrimonium de novo contrahendum? **1. 71.** Num consensus parentum sit necessarius ad valorem matrimonii? **1. 90.**

Conversio an possit inducere, ut contrahatur matrimonium inter gradus prohibitos? **14. 16.** Num abrogare impedimenta matrimonii, & nova constituere? **1. 152.** Etiam non approbata à S. Pontifice? **1. 10. 10. & 2. seqq.** Num legitime præscripta valeat, ut proles sequatur quoad libertatem, & servitutum non matris, sed patris conditionem? **9. 14. & 2. seqq.** Si præjudicat matrimonio num possit esse legitime præscripta? **1. 89.** Num ut valeat circa benedictionem secundarum nuptiarum, requiratur, ut sit indulta sciente, vel approbante S. Pontifice? **1. 12.** Num sola faciat licita conjugia inter Catholicos, & hæreticos? **1. 166.** Num

possit valeat & disponere circa accidentalia, seu accessoria matrimonii, in loco, in quo contrahitur matrimonium? **1. 89.**

Contractus an sit inicus sub modo, seu conditione propriè dicta, an verò solum sub modo, seu conditione non suspensiva, unde cognosci possit? **5. 32.** Ex gravi metu inicus an ipso jure sit irritus? **1. 99.**

Copula carnalis subsecuta cum posteriore sponsa an dissolvat priora sponsalia? **1. 159.** Num ratificet matrimonium gravi metu contractum? **1. 123. & 2. seqq.**

Cultus disparitas an & quâ ratione dirimat matrimonium? **1. 164.**

D.

DEBITUM conjugale reddere, vel petere, an licitum sit? **1. 178.** Num sub præcepto? **1. 179.** Quomodo reddatur illicitum ratione dubii de valore matrimonii? **1. 180. & 2. seqq.**

Demonstratio contractui matrimonii apponi solita quid sit? **5. 1.** Utrum aliqua demonstratio suspendat, vel vires matrimonium? **5. 29.**

Denunciations quid sint? **3. 26.** Num procedere debeant matrimonio? **3. 27.** Num sint de essentia matrimonii esse contractum? **3. 27.** Ubi, quomodo, & quando fieri debeant? **3. 28.** Quis valeat dispensare, ut illæ omittantur, & ob quas causas? **3. 29.** Quid si sint prætermittæ ante nuptias, an post has ante consummationem matrimonii sint faciendæ? **3. 30.**

Denunciare impedimentum an debeat, qui id scit, & quando non? **3. 31.** An teneatur sciens matrimonium esse contractum filiis duorum compatiens per quorum alterum deventum est ad compatriaricatum? **1. 12.**

Desponsatio quid sit? **3. 1.**

Differentia inter Græcos, & Latinos in SS. Ordinibus constitutos quoad ineundum matrimonium quænam sit? **6. 12.**

Dispensatio à Papa obtenuta super matrimonio inter consanguineos in gradu prohibito contractu num valeat, si in ea causa falsa sit expressa? **14. 16. & 3. seqq.** Dispensandi causæ in matrimonio contracto in gradu prohibito quot sint? **14. 59.** Quando sit invalida, & subrepticia ob eam veritatem, vel falsitatem expressam? **1. 172.** In dispensatione aliquibus concessa an attendendus, vel exprimens gradus remotior, vel propinquior? **14. 51. usque ad 56.**

Dispensare an possit Papa in matrimonio rato? **1. 142. & 2. seqq.** Num ut licet possit, vel etiam validè, requiratur iusta causa? **1. 145.** Num dispensare valeat in matrimonio sive rato, sive etiam consummato infidelium non baptizatorum? Num etiam in matrimonio infidelium consummato, cum ambo baptizantur? **1. 146.** Num in impedimentis matrimonii? **1. 163. & 2. seqq.** Quæ causa requiratur? **1. 169.** An etiam possit Episcopus? **1. 170.** Quæ sint causæ iustæ dispensandi in impedimentis matrimonii dirimentibus? **1. 171.** Dispensare in gradibus consanguinitatis, vel affinitatis quousque possit S. Pontifex? **14. 49. & 2. seqq.**

Divortium quomodo sit? **1. 91.** Illud intinere an & quâ ratione licitum sit conjugi ob adulterium alterius? **1. 9. n. 2. & 3. seqq.** Quibus casibus non liceat institui propter conjugis adulterium? **1. 8. usque ad n. 19.** Num ob grave periculum animæ, vel corporis, & num propriâ auctoritate, & quandoquid? **1. 9. 58. & 4. seqq.** Num alter conjux possit divortium institui, si post usus adulterium sint reconciliati, & postea alteruter in adulterium relabatur? **9. 17.** Num si alter labatur in hæresim, vel apostasiam à fide, & propter eam separati quoad torum & cohabitationem, an possint aliud inire matrimonium? **1. 17. & 32.** Quid si post ususque conjugis fornicationem, reconciliatio mutuo consensu non sit facta, sed unus quidem commendatus sit, alter verò in fornicatione persistat? **1. 18.** Quid si post sententiam divortii latam ob adulterium alterius conjugis, in hoc quoque in adulterium labatur? **1. 19. n. 19.** Num si unus ex conjugibus incidat in fornicationem spiritualem, alter propria auctoritate ab eo se separare possit, & compelli per Ecclesiam redire ad conjugem perseverantem in infidelitate, vel hæresi? **1. 30.**

Quid si iterum conversus sit ad fidem? *19. 29. & 2. segg.*
Num institui possit divorcium propter quaecunque delictum? *19. 28.*
Divortium ius ob quas causas coniugi innocenti competat, vel non? *19. 5.*
Divortio facto, num coniux innocens possit, ac debeat revocare, & recipere alterum conjugem? *19. 21. & seg.*
Divortio facto, penes quem liberi educari, & alii debeant? *19. 61.*
Dote num matrimonium reddat invalidum? *1. 96.*
Donatio inter conjuges quoruplex? *20. 1.* An & qualis inter conjuges sit invalida, & in quibus casibus sit valida, & licita, vel prohibita? *20. 2. usque ad 9. 12.* Invalida donatio inter conjuges quibus modis constituitur? *20. 18. & 2. segg.* Donatio propter nuptias solum matrimonium, an redcat ad maritum, vel ejus hæredes? *20. 8. & seg.*
Donatio Ecclesie facta sub modo, num postea à donatore revocari possit? *5. 34. & seg.*
Donata à marito propter nuptias uxori quo casu ei sint restituenda? *20. 21. & 2. segg.*
Dos quando, & cui restitui debeat? *20. 26. & seg.* Num non tantum dos, sed etiam fructus dotis restitui debeat? *20. 27.* An præter dotem restitui debeant uxori etiam alia ejus bona, & ad hoc coniux id recusans per censuram Ecclesiasticam compelli possit, & num debeant restitui ratione tacite societatis? *20. 28. & 2. segg.* Quid si soluta non fuerit dos promissa, num possit uxor à marito expelli, & separari à conjugali consortio, & negari ei alimenta? *20. 41. & seg.* Num propria actione peti possit? *20. 34.*
Dota causa an ita coniuncta sit matrimonio, ut sine eo dos consistere non possit? *20. 33.*
Dotes, & donationis propter nuptias num post matrimonium contractum debeat esse æqualitas, non solum in quantitate, sed etiam in lucris ex pacto provenientibus? *20. 11.*
Dotem num anuitat mulier propter adulterium, & vir eam lucratur? *20. 35. & 4. segg.* Num alia bona? Et quid si sit uxor solum putativa? *20. 37.* Quid si maritus commisit adulterium? *20. 38.* Quid si maritus, & uxor habeant liberos ex eodem, vel alio matrimonio? *20. 39.* Num ipso viro uxor amittat dotem? *20. 39.*
Dotem petenti viro num ea tradenda sit ipsi sub canticone? *20. n. 40. 42. & 43.* Quid si vir sufficientem cautionem præstare non possit? *20. 43.*

E.

EBRIVS an sponsalia, & matrimonium contrahere possit? *1. 10.*
Ecclesia in dubio num præsumat pro valore matrimonii? *1. 200.* Num potius libertatem defendere, quam impugnare debeat? *10. 1.* Num poterit irritare matrimonia clandestina? *3. 4. & seg.* Quas ob causas de facto irritaverit? *3. n. 1.* Num iudicet de clandestinis matrimoniis? *3. 33. & seg.*
Edictum matrimonii contrahendi est prohibitorium. *1. 11.*
Episcopus num possit Parochum, qui assistit matrimonio clandestino, absolvere à suspensione? *3. 44.* Num possit concedere Subdiaconus, qui de facto contraxit matrimonium, ad altiores Ordines promoveretur? *6. 3.* Num dispensare cum Clerico in Sacris constituto contrahente matrimonium? *6. 5.* Num dispensare, si quis post matrimonium ratum, in Sacris constitutus Religionem ingreditur, & in ea proficiatur, ut in Ordine suscepio ministrare, vel etiam ad altiores ascendere possit? *6. 70. & seg.* Num in voto castitatis perpetuè valeat dispensare? *6. 32.* Num cum incestuoso, ut aliud inire possit matrimonium? *13. 23. & seg.*
Error circa substantiam personæ, quo jure irritum reddat matrimonium, & quid si error antecedens, vel concomitans? *1. 160.* Num etiam irritet Sacramentum in reliquis Sacramentis, vel cur non? *2. 161.* Num etiam error circa qualitatem personæ irritet matrimonium? *1. 162. & seg.* Error servilis conditionis an invalide matrimonium? *2. 4. & 2. segg.* Quo jure? *9. 7. & seg.* Num etiam inter infideles? *9. n. 9.*
Excommunicatione num incuratur à viro sine iusta causa uxorem dimittente? *19. 4.*

F.

FAMA impedimenti num impedit matrimonium contra-
 hili, si de ea confecti iudici, & cum contra illius probationem de impedimento matrimonii admitti possit contraria probatio? *1. 156.* Num sola sufficiat, ut superstes coniux aliud contrahere valeat matrimonium? *1. 154.* Num sola plenam faciat probationem ad impediendum matrimonium, & dissolvendo sponsalia prius inita, etiam iurata? *14. 36.* Sola num sufficiat ad probandam filiationem sine aliis adminiculis? *17. 50.*
Fidem sponsalium violans an damnum sponsæ illarum compensare teneatur? *1. 59.*
Filius ignorantibus parentibus num validè inire possit matrimonium, vel etiam illis invitis? *1. 90.* Num etiam licet? *1. 92.* Matrimonium contrahere volens anm prius à parentibus consilium petere teneatur? *1. 92.* Num peccet non petendo? *1. 92.* Num liberè dispoquere valeat de bonis castrensis, invito etiam patre? *7. 94.* Num in spiritualibus liber sit à patria potestate? *1. 94.* Num possit agere interdictio contra patrem invitam uxorem ducentem ad eam exhibendam? *1. 94.* Num pubes factus teneatur patris sponsonem approbare, si pro illo impubere adhuc matrimonium iniit? *2. 19.*
Filii quanam dicantur? *17. 1.* Quanam filii sint legitimi, vel illegitimi? *17. 2. & seg.* Num per matrimonium eximantur à patria potestate? *1. 94.* Concepti à parentibus ante sententiam divorcii, qui publice bona fide saltem alterius conjugis contraxerunt, num sint legitimi? *17. 4. & 5.* Quidam non præmisit denunciationibus? *17. 6.* An nati post litem contestatam super matrimonio publicè contracto? *17. 7.* Quid si mulier per iudicium Ecclesiæ sit separata à primo viro, & vivente illo, contrahat aliud matrimonium de licentia Ecclesiæ, num talis proles susceperit ex secundo viro sit legitima, & capax hereditatis? *17. 8. & 2. segg.* Num geniti ex clandestino matrimonio, de postea ab Ecclesiæ approbato? *17. 11.* Num nati ante detectum impedimentum? *17. 12.* Quid si conjugatus, vivente primæ uxore, in facie Ecclesiæ aliam ducat ignaram illum esse conjugatum, filius inde natus censetur legitimus? *17. 13. & seg.* Num nati ex libera, vel libera sint liberi? *10. 1.* Quo tempore debeat esse mater libera, ut filius libertate gaudeat? *10. 2.* Nati ex matrimonio contra publicæ honestatis iustitiam contracto, num sint illegitimi, & à paterna hereditate excludendi? *17. 18. & seg.* Num geniti ex matrimonio, quod mulier, vivente marito, cum altero contraxit? *17. 20.* Suscepti ante sententiam divorcii num ad sacros Ordines, & dignitates Ecclesiasticas promoveri possint? *17. 6.*
Fili illegitimi, quo casu dicantur fieri legitimi? *17. 49.* Num omnia jura legitimorum assequantur? *17. 35.*
Filiis legitimis, & illegitimis num competat hereditas paterna, & jus petendi alimenta? *17. 7.*
Fiscus num sibi vindicare possit rem donatam, si utrique conjugi constet, matrimonium esse nullum? *20. 15.*
Furiosi V. Amantes. A furiosis actus gestus quo tempore præsumatur gestus? *1. 10.*

H.

HOMICIDIVM prioris conjugis an, & quando dirimat matrimonium subsequens? *7. 4 n. 16. usque ad 18.*

I.

IGNORANTIA juris, vel facti an excuset? *15. 31.*
Impedimentum publicæ honestatis quid sit? *1. 30.* Num oriatur ex conatu ad copulam carnalem? *2. 30.* Num ex sponsalibus à pubere contractis cum puella minore septennio? *1. 11. & seg.* Num ex invalidis? *1. 33.* Num ex sponsalibus puris, & certis, etsi nullis? Num ex incertis, & conditionalibus? *17. 35. & 2. segg.* Num ex quibuscvis? *1. 33. & 36.* An hoc impedimentum sit perpetuum? *1. 36.* Ad quomodo usque gradum extendatur, attentio jure antiquo Decretalium, & novo Concilii Trident. *1. 34. & 39.* Num contrahatur solum cum consanguineis alterius sponsi, vel etiam cum illius affinibus? *1. 36.* Num oriatur ex sponsalibus cum puella inajore, vel minore septennio iniit? *2. 4.* Num ex matrimonio rato, & non consummato etiam

post Concil. Trident. oriatur dirimens matrimonium, & ad quem gradum extendatur? 1. 4. 6. & seq. Num ex clandestino? 1. 4. 6. 2. Num per posteriora sponsalia contracta cum consanguinea prioris sponsi, vel sponsæ oriatur impedimentum publicæ honestatis dirimens priora sponsalia? 1. 37.

Impedimentum matrimonii num probari possit per proprium iuramentum? 1. 8.

Impedimenta matrimonii quælibet? 1. 147. Illa statuere quis possit, & quæ requiratur causa? 1. 148. Circa quos? 1. 149. Num etiam Episcopus? 1. 149. Num quilibet Princeps supremus, seu Magistratus secularis, & ex qua causa? 1. 150. & seq. Num solus Pontifex? 1. 148. usque ad 1. 151. Impedimenta tantum impediunt matrimonium quædam numerentur? 1. 6. 10. & seq. Num pleraque jam sublata? 1. 6. 12.

Impotentia quælibet licet sumatur? 1. 1. & seq. Impotentia eorumque antecedens quæ, & qualis impediatur, vel dirimat matrimonium? 1. 1. & seq. & ad num. 7. usque ad 13. Num si superveniat matrimonio illud dissolvatur? 1. 21. Num si constat impotentiam supervenientem esse perpetuam, illicita sit conjugibus copula conjugalis, vel ractus, aut si solum debetur? 1. 22. Quid si præter divinum miraculum, potuit removeri? 1. 23. Quid si mulier propter impotentiam à viro separata, professa est Religionem, & ille aliam ducat in matrimonium, num illud teneat? 1. 23. Propter impotentiam provenientem ex maleficio num matrimonium separari possit, vel restaurari si vir postea aliam ducat in uxorem, eamque cognoscat? Et cur separatur matrimonium propter frigida viri, vel mulieris arcturum, & si postea appareat esse potens ad copulam, restauratur primum matrimonium, & non etiam si separatur matrimonium propter maleficio, & vir contrahit cum alia, eamque cognovit, cogatur redire ad primam? 1. 27. Quid si Ecclesia fuit decepta in separatione matrimonii? 1. 29. Si mulier dicat virum esse impotentem, & vir autem id neget, num inter eos sententia divortii sit proferenda? 1. 30. & 3. seq.

Impotentia probatio quomodo fieri debeat, ut separatur matrimonium? 1. 5. n. 13. & seq. Num soli confessioni maritis, & uxoris assensum impotentiam credatur? 1. 5. n. 14. An requiratur triennij experientia? An septimanus propinquorum, vel vicinorum iuramentum? 1. 5. n. 15. & 17. A quo tempore computetur triennij experientia? 1. 15. 16. An requiratur ipsorum conjugum iuramentum, & de quo jurare debeant? 1. 17. An cohabitare possint, ut frater, & foror, si de impotentia constat? 1. 5. n. 15. Quid si qui reputatus est frigidus, aliud lineat matrimonium, num conjuges Rei sint perjurii, & ad prius matrimonium redeundum cogendi? 1. 5. n. 15. 18. & 19. Si puer XIV. anno, vel femina XII. adhuc fere impotentes ad copulam, an expectandum sit usque ad plenam pubertatem? 1. 5. 20.

Impubes puella, si desponsata sit, & traducta in domum viri, & pubes facta petat licentiam nubendi alteri, num audienda, si vir juret, se eam carnaliter cognovisse? 2. 22. & seq.

Impubes septennio majores, an sponsalia contrahere possint? Num si contraxerunt sponsalia, neutri liceat pubertatem rescire? 2. 5. & 2. seq. Num post pubertatem? 2. 7.

Impubes sponsalia num confirmantur iuramento, ut neutri liceat pubertatem adepto rescire? 2. 8. Quid si sint præsumpta? 2. 9. & seq.

Incestus commissus cum consanguinea uxoris suæ num impediat matrimonium contrahendum, & dirimat contrahendum? 13. 1. Num incestus commissus cum cognata legali, vel spiritali? 13. 20. Num cum propriis consanguineis? 13. 7. Incestus commissus primum cum consanguinea conjugis defuncti num impediat matrimonium contrahendum? 13. 4. & seq. Quid si femina à consanguineo per vim sit cognita? 13. 6.

Infidelis, qui prius plures uxores habebat, post fidem susceptam cum adhærebit? 19. n. 38. 43. & 44. Quid si repudiata uxore sit, conversus ad fidem cum secunda contrahat? 19. n. 46. & 2. seq. Infidelis, qui cum uxore contra-

xit, & consummavit matrimonium tempore infidelitatis, num possit post baptismum valide contrahere matrimonium cum consanguinea illius, & ad quem gradum se extendat hoc impedimentum? 19. n. 52. & 2. seq.

Infideles conjuncti in gradu prohibito à Lege Divina, vel Canonica num ad fidem conversi separandi sint? 19. n. 38. & 39. Infideles ad fidem conversi num contrahere possint matrimonium cum relicta uxore fratris sui defuncti, saltem ex dispensatione Ecclesiæ? 19. n. 20. & seq.

Infidelium conjugum unus, si ad fidem convertatur, num ad secundas nuptias transire possit? 19. n. 33. & quot conditiones requirantur? 19. 35.

Infidelium filij, quorum parentes in gradu Iure Canonico prohibito matrimonium contraxerunt, num ad fidem conversi legitimi sint censendi? 17. n. 15. & 17.

Infidelium matrimonium num sit validum? 17. 16. & inter quas personas, etiam inter infideles, iure naturali, & Divino illud sit prohibitum? 19. 40.

Interdictum Ecclesiæ quod dicatur, & quot modis fiat? 16. 1. Iudam, si inest matrimonium cum Iudæa, co pacto, ut liceat ei dare libellum repudij, an valide contrahat? 14. 39.

Iudex Ecclesiasticus num possit in foro externo dare licentiam mulieri transire ad secundas nuptias habenti veniensimilem presumptionem alterum conjugem vitæ decessisse? 1. 135. Num possit iudicare inter laicos de dote restituenda? 9. 5. Num si pronuntiet, aliquem esse legitimum natum, possit eam pronuntiare, esse heredem? 17. 2. Num cognoscat de causa civili inter laicos, & aliquis sit natus ex legitimo matrimonio? 17. 22. & seq. Quando possit, vel non possit cognoscere de causa principali, vel incidenti hereditatis, aut natalium? 17. 27. Num teneatur defendere dotes viduarum? 20. 24. & seq. Num de dote valeat cognoscere? 20. 41.

Iudex secularis, an Ecclesiasticus cognoscere debeat questionem principalem de petitione hereditatis, & questionem incidentem natalium? 17. 27. Qualis cognoscere possit de causa dotis, si mulier constante matrimonio eam petat, quia vir bona sua dissipat, vel ad inopiam vergit? 20. 34.

Iudex Ecclesiasticus, an excommunicate possit suâ jurisdictione impedire? 1. 11. Quis sit cõpetens iudex in causa matrimoniali, & quis si agatur de restituenda dote? 19. 4. Iudex, cuius auctoritate sponsalia dissolvenda sunt, an solus Ecclesiasticus, & qualis? 1. 65. Iudex secularis an possit causam matrimonij cognoscere, etiam si non agatur de valore matrimonij, sed solum de separatione quoad toram, & cohabitationem, & etiam si conjugalis causa incidat in iudicium hereditarie successionis? Item in quibus prætercausis, quæ ad matrimonium pertinent, possit secularis esse competens iudex? 18. 17. Quando possit de causa natalium cognoscere, vel non? 17. 16. Iudex, qui cognovit de matrimonio, num etiam possit, ac debeat simul de dote cognoscere, & qualis sit ille iudex? 20. 31. & 3. seq. Iudex num interdicere debeat matrimonium, quando scandalum timeatur ex contractu matrimonij inter consanguineos contrahentium? Et quid facere debeat, si denuntians impedimentum non sit persona gravis, & de fama illius, vel scandaloso sufficienter probare non possit? 1. 157. Iudex timens libertatem consensum in femina impediendam fore, quid curare debeat? 1. 101.

Iuramentum esse validum, & iuramentum confirmare contractum num sit idem? 2. 120.

Iuramentum adjectum an reddat matrimonium validum gravi metu extortum? 1. 121. Num pariat obligationem ex virtute Religionis, & relaxatione indiget? 1. 122.

Iuramento vitæ dicentis se copulam habuisse cum impubere, num sit standum? 2. 23.

Ius irritans matrimonium gravi metu contractum cum innaturatur? 1. 100.

L.

LEGITIMATIO in genere quid sit Quomodo à dispensatione differat? 17. 39. Qualis potestas legitimandi illegitimis competat Romano Pontifici? 17. 40. 41. & 43. Qualis secularibus Principibus? 17. 44. Quam ex-

exprimenda fiat in petitione legitimisationis, ne sit subreptitia? **17. n. 45.** An in petitione legitimisationis fiat vocandi agnati, vel cognati ipsius parentis? **17. 46.** An si Princeps aliquem legitimum facit, vocandus sit, qui est substitutus sub conditione, si sine liberis parens hæres institutus decesserit? **17. 47.**

Legitimari proles an possit per subsequens matrimonium? **17. n. 23. & 3. segg.** Quinam filij nati ante matrimonium per subsequens matrimonium legitimeantur, vel non? **17. 32.** Quoniam tempore parentis debeant esse habiles ad contrahendum matrimonium, ut proles ab eis nata legitimeatur per subsequens matrimonium? Utrum tempore conceptæ proles, vel natæ? **17. 33. & segg.** Quibus præterea casibus filij legitimeantur per subsequens matrimonium? **17. 36.** Quinam fiat alij effectus legitimisationis per subsequens matrimonium? **17. 37.** Ad legitimandam prolem num sufficiat, si ignorantia impedimenti dirimens adit, tempore contractus matrimonij, vel quidnam adhuc requiratur? **17. 14.** Quinam liberi non legitimeantur per subsequens matrimonium? **17. 38.**

Leprosi superveniens num dissolvat sponsalia de futuro prius contracta? **8. 1.** Num matrimonium præcedens? **8. 4.**

Leprosi an possint inire matrimonium? **8. n. 2.** An sibi invicem teneantur reddere debitum conjugale? **8. 9.** Num licet separari à consorcio reliquorum hominum? **8. 4.**

Leprosi conjugem num sanus sequi teneatur? **8. 3. & seg.** Num conjux leprosus separari possit à sano quoad torum, & cohabitationem? **11. 8. n. 3. & 6.**

Liberti num sint liberi, si pater servus fuerit, & num à domino possint in servitutem revocari? **10. 3.**

Libertati. Num in dubio iudicandum pro libertate? **9. 15.**

Lite pendente super priore matrimonio, num impediat contrahi secundum? **1. 118. & seg.**

Lite pendente super matrimonio, si appellatum sit, num possit aliud matrimonium contrahi, & num si quis contraxit, matrimonium sit separandum? **4. 9. & seg.** Num saltem matrimonij usus prohibendus? **4. 10.**

M.

MACHINATIO in mortem prioris conjugis an, & quando dirimat matrimonium subsequens? **7. à num. 16. usque ad 22.**

Magistratus num possit infringere matrimonia à liberis sine consensu patrum inita? **1. 20.**

Malitia quomodo, & quando suppleat ætatem quoad matrimonium contrahendum? **2. 36.** Malitiæ nomine quid intelligatur? **2. n. 37.**

Marius an possit dimittere uxorem, sine iudicio Ecclesiæ propter publicum, & notorium impedimentum parentelæ, seu cognationis? **19. 33. & 3. segg.** Num licet doret uxorem? **20. 22.** Num teneatur alere uxorem, & familiam, & quibus casibus non teneatur? **1. 175.** Uxore invitâ num possit discedere ad longum tempus? Num brevem peregrinationem insinuere? Num uxorem castigare? **1. 174.**

Matrimonium quotupliciter appelletur? **1. 66.** Quid sit matrimonium? **1. 67.** Quotuplex? **1. n. 68.** Requisita in contractu matrimonij? **1. 85.** An sit verum Sacramentum? **1. n. 70. 71. 72. & 74.** Quo tempore sit institutum? **1. 73.** Quænam materia, & forma Sacramenti matrimonij? **1. 75.** Quisnam Minister, & an Sacerdos? **1. 76. & seg.** Num Procurator, per quem contrahitur? **1. 80.** Num verba ipsius sint materia, & forma huius Sacramenti? **1. 80.** Num sit indissolubile, & quo iure? **1. 137.** usque ad num. 143. Matrimonium an præcedere debeat sponsalia? **1. 64.** quibus contrahi possit? **1. 9.** Num à furiosis, & amentibus, vel ebrijs? **1. 10.** Num à furio tantum, vel muto tantum? Num etiam à furio, & muto, imò & cæco simul? **1. 11.** Num solis verbis sine interno consensu, & quibus? **1. 12.**

Matrimonium clandestinum quid sit, & quotupliciter dicatur clandestinum? **3. 1.** Matrimonium clandestinum num semper ab Ecclesiâ fuerit graviter prohibitum? **3. 2.** Num sit irritum post Concilium Trident. **ut. 3. n. 2. 3. & 6.** Num etiam in ijs locis, ubi Decretum Concilij Trid. non est promulgatum? **3. 2. & 3. segg.** Num in quacunque

necessitate contractum sit invalidum, & num semper? **3. 7. & seg.** Qui prius contraxerunt matrimonium clandestinum, & postea palam cum alia, num cogendi sint vel ad prius, vel posterius matrimonium observandum? **3. 3. 5.** Matrimonium coram Parocho, & testibus, non præmissis denuntiationibus initum, num censeri debeat clandestinum, & non in facie Ecclesiæ celebratum? **3. 38.**

Matrimonij clandestini publicatio qualem tribuat effectum? **3. 34.**

Matrimonium contrahens cum illa, quam alter sibi prius desponsaverat per verba de præsentibus, cum eam debeat dimittere, & quæ sit illius pœna? **12. 7.** Matrimonium contrahens cum duabus, quodnam servare teneatur? Et quodnam sit validum? **5. 28.** Matrimonium iniens per verba de præsentibus sub conditione non improbatà ab Ecclesiâ, num sit cogendus ad matrimonium contrahendum, vel consummandum ante conditionis eventum? **5. 8. & seg.** Iniens matrimonium, vivente legitimâ suâ uxore, cum alia ignorante primam uxorem ipsius adhuc vivere, num mortuâ uxore, si petarâ secunda separari, separandus sit ab illa? **7. 2.** Num saltem secunda possit à viro discedere? **7. 2.** Si quis contrahat matrimonium cum duabus, num mortuâ primâ uxore, possit manere cum secunda? **7. n. 5. & 7. & 5. segg.** Quid si vivente primâ uxore fidem dedit alteri de ea ducenda post mortem uxoris? **7. 12.** Matrimonium initum per verba de præsentibus inter habiles sub conditione honesta de futuro, & contingente, num possit conditione sit validum, sine novo consensu utriusque conjugis? **1. 23. & 2. segg.** Matrimonium, ut sit validum, an requiratur post Concilium Trident. ut Parochus, & testes non tantum contractui sub conditione de futuro, sed etiam imperio conditionis intersint? **5. 25.** Matrimonium, si sub conditione turpi, vel impossibili sit initum, quando non teneat propter defectum consensûs conjugalis? **5. 18.** Num contractum sub conditione turpi, cā rejectâ, sit servandum? **5. 19.** Num initum ab aliquo antepubertatem, etiam cum nifu ad copulam, valeat? **2. 24. & segg.** Contra Interdictum Ecclesiæ contractum num teneat? **ut. 16. n. 2. 3. & 6. & 7.** Num dissolvat præcedentia sponsalia? **16. 4.** Num statim sit dissolutum, si quis dabitur, an prior conjux obierit? **2. 3.** Matrimonium evanuchorum, hermaphroditorum, senum, stecium, mulierum non potentium parere, sine vitæ periculo, vel non nisi setum mortuum, vel in articulo mortis constituti num valeat? **15. 2. & 4. segg.** Matrimonium fidelis ex dispensatione S. Pontificis initum cum catechumena nondum baptizata an sit Sacramentum? **1. 71.** Matrimonium inter abentes per Procuratorem contractum num sit validum etiam post Concil. Trid. & quæ requirantur conditiones? **1. 78. & seg.** Num per Epistolam? **187.** Num sit Sacramentum? **1. 80.**

Matrimonium infidelium an, & quâ ratione, si postea convertantur ad fidem, post baptismum efficiatur Sacramentum, & indissolubile? **19. 41.** Matrimonium Iudæorum, vel aliorum infidelium, si sit contractum in gradu iure Canonico prohibito, an sit verum, & legitimum matrimonium, & an Sacramentum? **14. 38.** Matrimonium liberi hominis ignorantis initum cum ancilla, si postea sciens in illam consensit, num valeat, vel an cum alia contrahere possit? **9. 11. & seg.** Matrimonium ante contractum num dissolvatur propter gravem infirmitatē? **8. 4.** Num aliud matrimonium inire possit conjux relictus, si alter fidelium conjugum, vel labatur in hæresim, vel transcat ad errorem infidelitatis? **19. 33.** & num sit de fidē post Concil. Trid. **19. 36.** Num S. Pontifex Cælestinus III. definierit matrimonium dissolvi, cum alter conjugum in hæresim labitur, vel ad Gentilium errorem transsit? **19. 34.**

Matrimonium contractum inter infideles num sit verum matrimonium, & num dissolvi possit? **19. 37.**

Matrimonium num fidei contrahens cum muliere per verba de præsentibus sine interno consensu in illam, valide contrahat? **1. 95. & seg.** Num fidei contrahens grave peccatum committat, non solum sacrilegium, sed etiam injuriam? Num obligatus sit verè consentire in matrimonio, & in quibus casibus non obligetur ad contrahendum matrimonium? **1. 97.**

Matrimonium an sit verè contractum, quando vir, & mulier sibi invicem promittunt, quòd ex eo tempore habebunt se pro conjugibus, & fidem sponsalium sibi servabunt? **1. 86.** Num matrimonium initum non servat lege, vel consuetudine loci, in quo celebratur, sit validum? **1. 89.** Matrimonium num separari possit propter impedimentum mulieris artus, quòd præter Divinum miraculum tolli non potest, vel illam inhabilem reddat ad contrahendum matrimonium? **1. 24. & seq.** Matrimonium Sacramentum num existat inter ludicos, & alios Infideles? **19. 40.** Matrimonium num debeat impediri ad diffidit unius, si sponsalia inita inter virum, & mulierem sint juramento confirmata? **1. 154.** Num etiam impediri debeat ad denuntiationem unius viri honesti, qui desert de fama consanguinitatis? **1. 175. & seq.** An contrahere possint matrimonium parentes pro filiis præsentibus, & tacentibus, & num etiam extraneus pro extraneo? **16. 5.** An licet inane matrimonium filii duorum comparari? **11. 4. 5. 9. & 12.** Num valeat matrimonium liberi cum ancilla, si ignorata fuit conditio servilis, post elapsum decennium, vel etiam quinquennium? **9. 15.** Matrimonium, quod liber contraxit cum ancilla, ignorans illam esse ancillam, num fiat validum, si postquam scivit illam esse ancillam, extraneam copulam cum illa habeat? **9. 11. 5. & 12.** Num possit conferri in arbitrium alterius? **5. 9.** Matrimonium personæ Catholicæ cum hæretica personâ initum num sit validum? **1. 169.** Matrimonium ratum quibus modis dissolvatur? **1. 10. 126. & 147.** Matrimonium quoad vinculum num separari propter crimen adulterij? **19. 7.** Matrimonium secundum, tertium, & quartum, post mortem conjugis contrahere num semper licitum fuerit? **1. 136.** Matrimonium ratum num inducat impedimentum ditimens, vivente uxore? **7. 6.** Matrimonium separatum quoad totum, & cohabitationem propter adulterium, quomodo redintegretur? **19. 5. & 2. seq.** Num si quis alicui promissit matrimonium, & postea cum alia contrahat, teneat contractus, & compelli possit, ut ad priorem sponsam redeat? **1. 20.** Matrimonium si qua puella in nubili inije cam aliquo, sed postea sponte ab eodem fuit cognita, num audienda, si contra matrimonium reclamet? **18. 14.** Matrimonium nullum ob defectum xris, vel gravem metum, an convalescat per intervenientem spontaneam cohabitationem post ratum legitimum? **18. 15.** Matrimonium posterius an valeat, si prius fuit coactè initum? **1. 110. & seq.** Siqui inhabiles ad contrahendum matrimonium, illud sibi invicem promittant, vel etiam per verba de presenti contrahant sub conditione, si Papa dispensaverit, an contrahant obligationem, & qualem, ante, vel post dispensationem? **5. 26. & seq.** Matrimonium de presenti initum cum puella in nubili num tantum habeat vim sponsalium de futuro? **2. 30. & seq.** Matrimonium quam requirat ætatem? **2. 32. & seq.** Matrimonium contrahens cum defuncta alteri per verba de presenti, num illam possit habere in uxorem, & quæ requirantur, ut quis omnino inhabilis fiat ad illam ducendam etiam post mortem prius viri? **4. 8.** Matrimonium inter quas personas, etiam inter infideles, jure Divino, & naturali prohibuit sit? **19. 40.** Non verum fuerit matrimonium inter B. Virginem, & S. Iosephum? **1. 169.**

Matrimonium promissio, an possit esse materia voti? **1. 125.**

Matrimonium assistere quanam possint? Num præter Patrum etiam Episcopus, Abbas exemptus, Vicarius Generalis Episcopi, & Capitulum Cathedralis, Sede vacante? **3. 20.**

Meretrice. Meretricem extrahere è lupanari, & ducere in uxorem, an sit opus misericordiæ, & num tali dentur indulgentiæ pro remittenda pœna temporali adhuc debita? Meretricem in publico lupanari existentem, si velit damnatus ad mortem ducere in uxorem, num à morte liberetur? **1. 108.**

Metus quomplex sit? Quis dicatur metus gravis, quis levis? A quibus causis incuti possit, & quibus modis? **1. 100.**

Metus cadens in vicum constantem, num irritet matrimonium? **1. 98. & seq. Curat. 1. 101.** Et quæ requirantur conditiones, ut per talem metum initum sit irritum? **1. 109.** Quo jure sit invalidum tale matrimonium? **106.** Metus levis, an invalidet matrimonium? **1. 117. & seq.**

Num metus reverentialis? **1. 119.** An omnis metus irritum reddat matrimonium? **1. 109.** Quinam metus dicatur cadere in vicum constantem, num relinquendum iudicis arbitrio? **1. 115.**

Metu gravi contractum matrimonium num per spontaneam cohabitationem utriusque conjugis convalescat? **1. 112. & seq.** Quænam requirantur, ut convalescat? **1. 113.** Matrimonium ab infidelibus gravi metu initum num sit validum? **1. 106.** Num contractum cum concubina metus mortis instantis? Num contractum, eò quòd Medici judicent, id esse necessarium ad vitam servandam? Num initum à conjecto in carcerem? Num à damnato ad mortem, si publicam meretricem ducat? **1. 107.**

Metu gravi initum matrimonium num sit irritum in utroque foro? **1. 108. 99. & 102.** A quocunque inferatur? **1. 101.** Quid si contrahens culpâ suâ in hunc metum incidit? **1. 103.** Quid si cogatur incertam ex certis ducere? **1. 103.** Quid si metus gravis iustè incussus sit, sive à lege, sive à iudice? **1. 104.** Quid si injustè quidem, sed non ad extorquendum matrimonium? **1. 105.**

Modus contractui matrimonii appositus quid sit? **3. 1.** Num adjectus contractui matrimonii illum vitiet, vel suspendat? **5. 30. & 2. seq.**

Mors num potius obunda, quàm matrimonium gravi metu extortum consummandum? **1. 124.**

Mulier asserens se contraxisse matrimonium per metum, num audienda? **1. 114. & 116.** Quid si aufugiat? **1. 117.** Num teneatur probare non solum ipsius metum, sed etiam illius qualitatem? **1. 115.** Mulier cognita ab uno viro num præsumatur cognosci posse etiam ab alio? **15. 26.** Mulier duos viros habens, cui sit restituenda, & num excommunianda, si ad illum redire recusaverit? **1. 11.** Mulier, post inmortem viri, transiens ad secundas nuptias intra annum luctus, num incurrat infamiam, vel alias pœnas juris? **1. 5. & seq.**

Murus, & sordus, & cæcus simul an contrahere possit sponsalia, & matrimonium? **2. 11.**

N.

NATALIVM questio opposita petenti hæreditatem eorum iudice seculari, num remitti debeat ad Iudicem Ecclesiasticum ab eo cognoscenda? **17. 14. & seq.**

Nepos legitimè naus ex patre illegitimo num possit succedere avo in bonis suis? **17. 26.**

Nuptiæ secundas an sit impedita benedictio, & quam pœnam incurrat Sacerdos eas benedicens? **1. 12. & 4. seq.**

O.

ORDO Sacer an dicatur subsequens matrimonium? **6. 1.**

Quo jure? **6. 6.** Quid si fuerit promotus ad Sacros Ordines per vim? **6. 2.** Num suscipiens Ordinem Sacrum ante pubertatem obligetur ad continentiam votum servandum, & quid si quis invalidè suscepit Sacros Ordines? **6. 2.** Ordo Sacer cur impediatur matrimonium contrahendum, non tamen dirimat contractum? **6. 7.** Ordo Sacer an dirimat sponsalia contracta? Num etiam Ordines minores? **6. 55.**

Ordines Sacros an quis suscipere possit, durante matrimonio? **6. 9.** Num saltem minores? **6. 9.** Ordines minores an obstat matrimonio subsequenti? **6. 4.**

P.

PACTA in conjugis cum hæreticis inita, ut aliqui ex libetis nascituris fidem hæreticam sequantur, num sunt irrita? **1. 67.** Num valeant pacta illa inter conjuges, quæ dissolutionem matrimonii contra Iuris dispositionem impediunt, vel difficiliorem reddunt? **20. 22.**

Papa num possit condere legem, ut matrimonium ratum, & non consummatum dirimatur per matrimonium consummatum? **4. 6.**

Parentes carnales utrum possint proprios filios baptizare, vel in Baptismo, aut Confirmatione, tanquam Passivi, suscipere, & quæ illorum pœna? **1. 7.** Num irritare possint matrimonium à liberis contracta sine illorum consensu? **1. 100.**

Parentibus, aliquem esse suum filium negantibus num credendum sit? **17. 50.**

Parochus quomodo debeat esse præsens matrimonio, num tantum physicè, vel etiam moraliter: **1. 22.** Num ad id vocari: **1. 22.** Parochus, & testes an non tantum contrahit sub conditione de futuro, sed etiam conditionis implerionis interesse debeant ad hoc, ut matrimonium sit validum: **1. 25.** Parochus num curare debeat, ut post contrahit a sponsis sponsalia, quamprimum fieri possit, matrimonium contrahatur: **1. 16.** Num quis Parochus possit vagabundos matrimonio conjungere: **1. 19.** Parochus Catholicus num possit assistere matrimoniis hæreticorum? **3. 21.**

Parochi assistentia num sit necessaria ad valorem matrimonii, & num proprii Parochi utriusque contrahentis: **3. 13. 10** cujus contrahentis Parochia assistere debeat, viri an mulieris: **3. 14.** & seq. Num peccet, si assistat matrimonio extra propriam Parochiam: **3. 16.** Num debeat esse Sacerdos? Num non Sacerdoti assistendi licentiam dare possit: **3. 17.** Parochus num excommunicatus non toleratus, vel notorius Clerici pereussor, item suspensus ab officio, & beneficio, vel irregularis, vel administratione interdictus possit assistere matrimonio, vel assistendi licentiam dare: **3. 18.**

Pater injustè filiorum uxores decimas an compellendus sit per censuram Ecclesiasticam, ut intra certum tempus illas restituat suis maritis: **1. 21.** & seq. Pater num pro filio contrahere possit matrimonium, vel sponsalia: **2. 17.**

Patrinus quis dicatur: **11. 33.** Ad hoc munus quænam requirantur: **11. 34.** Quinam possint esse Patrini: **11. 34.** Catholicus num possit esse Patrinus suscipiendo prolem Aetholici, quæ à ministro hæretico baptizatur: **11. 41.** Patrinus hæreticus num admittendus, si proles Catholica ab hæretico baptizatur: **11. 42.**

Patrini ipsi num inter se contrahant cognationem spirituales, & propterea Patrini conjugati priventur jure exigendi debitum: **11. 32.** Num plures possint esse Patrini, vel Confirmatione intervenire possint, & an omnes contrahant cognationem spirituales: **11. 26. 27. 28.** & 30. Quid præterea circa hoc statuerit Concilium Trident. **11. 29.**

Patrinus designare ad quos pertineat: **11. 30.**

Pœna tum viri ducentis eodem tempore plures uxores, tum mulieris nubentis simul pluribus viris, quænam sit tam de Jure Civili, quam Canonico: **12. 45.** Quam pœnam incurrat Sacerdos secundus uisus benedictionem imperit: **11. 12.** & 16. Pœna matrimonium contrahentis cum illa, quam alter sibi desponsaverat per verba de præsentis, quænam sit: **14. 7.** Quam pœnam incurrant incuentes matrimonium intra gradus prohibitos: **14. 26.** Pœna contrahentis matrimonium in gradu consanguinitatis, vel affinitatis prohibito, aut cum Moniali, nec non Religioso, Monialium, aut Clericorum in Sacris constitutorum, quæ sit: **14. 40.** & 2. seq. Num etiam mandantes, consulentes, aut adjuvantes ad hujusmodi matrimonium illam pœnam incurrant: **14. 43.** & quæ ad illam incurrandam requirantur, vel ab ea excusent: **14. 44.** & 3. seq. An ipso facto incurratur, & quis ab ea possit absolvere: **14. 48.** Quænam pœna sit statuta in contrahentes matrimonium contra interdictum Ecclesie: **16. 2. 1.** & 3. Quænam in illos, qui prohibentur inire matrimonium propter impedimentum consanguinitatis, si postea matrimonio jungatur contra interdictum Ecclesie: **16. 8.** & seq. Quænam in parentes baptizantes proprios filios, aut in Baptismo, vel Confirmatione suscipientes: **11. 7.** Quænam in conjugem infidantem vitæ alterius conjugis: **19. 55.** & 2. seq.

Pœna matrimonii clandestini quæ sint: **3. 36. 37.** & 39. Quænam contrahentium, & testium assistentium matrimonio clandestino: **3. 40.** Quænam Parochi, vel aliter Sacerdotes assistentes: **3. 41.** & 5. seq. Quænam sint statuta Jure Civili in foeminas viduas transientes ad alias nuptias intra annum luctus: **21. 7.** Num illæ Jure Canonico abrogatæ: **21. 8.** Pœna quænam sint decretæ in favorem filiorum prioris matrimonii, si vidua transierat ad secundas nuptias: **21. 9.** Num hæ per Jure Canonicum sint correctæ: **21. 10.** Pœna quænam sint statuta in detinentes uxores filiorum: **11. 23.** Pœna viri committentis incestum cum consanguinea uxoris quæ sint, & quæ uxoris committentis incestum cum consanguineis viri: **13. 2.** & seq.

Pœnitentia num injungenda ob violatam fidem priorum sponsalium de futuro: **1. 18.**

Polygamia, seu matrimonium unius viri cum pluribus uxoribus simul initum num sit contra primævam illius institutionem, & quo jure irritum sit: **1. 129.** Num ita repugnet juri naturali, ut non possit ullo casu cohonestari: **1. 129.** Num etiam Polygamia, sive matrimonium unius fœminæ cum pluribus viris simul initum: **1. 2. 123.** & 130. Num Pontifex in nulla harum dispensare possit: **1. 130.**

Probatio defectus natalium cui incumbat: **17. 27.** Num quis probetur esse filius ex eo, quod nutritus sit in domo alicujus, si maritus, & uxor negent illum esse suum filium: **17. 49.** & seq. Ad probandam prolem esse illegitimam, & matrimonium fuisse invalidum, quando fuit contractum in facie Ecclesie, num sufficiat probare solum impedimentum matrimonii: **17. 51.** & seq. Quomodo probari possit, ac debeat filio: **17. 53.** Quomodo plene probetur filio: **17. 50.** Quænam præterea notanda sint ad probandum aliquem esse filium legitimum: **17. 16.**

Professio Religiosa num dissolvat sponsalia: **5. 141.** Num possit Professio Religiosa fieri in manibus privati Religiosi: **6. 19.**

Professio habitus assumptus extra Religionem num impedit matrimonium contrahendum, vel dirimat contractum: **6. 21.** & seq. Quando per assumptionem habitus Professorem extra claustrum Monasterii fiat votum solemne, ita ut impediatur, vel dirimat matrimonium postea contractum, vel non: **6. 23.**

Promissio matrimonii an possit esse materia voti: **1. 22.** Promissio non simplex, sed mutua, ita ut altera pars non tantum acceptet, sed etiam repromittat matrimonium, num requiratur ad contrahenda sponsalia: **13.** Promissio matrimonii absoluta, & gratuita, altera parte illam acceptante, nec repromittente, an obliget ad contrahendum matrimonium, & num vi sponsalium, vel liberalis promissionis: **1. 3.**

Pubes contrahens sponsalia cum impubere num teneatur hunc expectare, donec pubes fiat: **2. 20.** & seq.

Pubes quinam sint, & dicantur quoad matrimonium contrahendum: **2. 14.** & seq.

Q.

QVÆSTIO natalium opposita perenti hæreditatem coram Judice seculari, num remitti debeat ad Judicem Ecclesiasticum ab eodem cognoscenda: **17. 24.** & seq.

R.

RELIGIOSVS num bona sua retinere possit: **6. 10.**

Religionis ingressus qualiter dissolvat sponsalia: **1. 150.**

Religionem ingredi an quis possit ante contractum, vel consummatum matrimonium, si quam sub spe matrimonii corripit: **1. 54.**

Repudium legitimæ uxoris num post legem Evangelicam Judæis, vel aliis infidelibus permittum sit: **19. 49.**

S.

SACRAMENTA num fideles omnes recipere censentur, juxta intentionem Ecclesie: **17. 12.**

Sententia in causa matrimoniali num ferri possit, altera parte absente: **18. 9.** & seq.

Servus num invito domino licitè matrimonium contrahere possit: **9. 1.** & seq. Servus num omnia Sacramenta suscipere valeat: **9. 3.** An possit manumitti sub ea conditione, seu modo, ut fiat Monachus, vel Clericus: **9. 3.** Servus à proprio domino traditus in matrimonium personæ liberæ ignaræ servitutis an fiat liber: **9. 10.**

Servitium. Onus probandi ignorantiam servitutis cui incumbat: **9. 33.**

Signa quælibet num sufficiant ad contrahenda sponsalia: **1. 7.** Num suppleant verborum vices: **1. 8.**

Societas num contrahatur inter conjuges: **20. 12.**

Sponsalia unde dicantur, & quæ multipliciter: **1. 2. 1.** Sponsalia quid sint: Requisita ad illa: **1. 2.** & 2. seq. An præcedere debeant matrimonium: **1. 6.** A quibus contrahi possint: **1. 1.**

Ant. 1. 9. Num ab amente, ebrio, furioso *1. 10.* Num à iurdo tantum, vel muto tantum? Num à iurdo, muto, imò & cæco simul? 1. 11. Num sponsalia sine archis contracta obligent ex iustitia sub culpa lethali ad matrimonium contrahendum? 1. 15. Num etiam sine testibus? 1. 15. Quo tempore obligent ad contrahendum matrimonium? 1. 16. Num contrahantur per verba, aut signa quælibet? *V. Verba.* & *V. Signa.* Sponsalia per gravem matum injuriam incassum contracta num sint valida? 1. 21. Contractui sponsalia num pena adijci possit, et à quibus? 1. 22. & 2. *seqq.* Num intervenire possint archæ? 1. 25. Sponsalia clari contracta sine Parocho, & testibus, etiam post Concilium Trident. num valida sūt, vel licita? 1. 26. Num per subsecutam copulam carnalem transeant in matrimonium de præsent? 1. 27. Num etiam in locis, in quibus Detrenum Concilii Trident. est receptum, vel non receptum? 1. 28. Quid si copula carnalis non sit secuta, sed solum nissus ad illam? 1. 29. Num saltem ex tali conatu ad copulam oriatur impedimentum publicæ honestatis? *V. Impedimentum publicæ honestatis.* Quam ætatem requirant sponsalia? 1. 30. 2. *seqq.* Sponsalia duorum infantium, vel unius majoris septennio, alterius minoris, sive per se, sive per parentes contracta num valida sint? Et quando inducant impedimentum publicæ honestatis? 1. 31. In sponsalibus num malitia suppleat ætatem? 1. 32. Sponsalia inter impuberem, & puberem, vel duos impuberes non tamen proximos pubertati, per verba de præsent contracta, num valeant ut sponsalia de futuro, & quomodo transeant in matrimonium? 1. 33. & *seqq.* Sponsalia pro præsentibus filiis, & tacentibus per parentes contracta, num valida, & quid si pro absentibus, & ignorantibus? Num ex eis oriatur impedimentum publicæ honestatis? 1. 35. & *seqq.* Sponsalia pro filio adulto, & pro infante contracta in quo dissentiant? 1. 38. Sponsalia successive contrahens cum duobus cui adhærere debeat? 4. 1. & *seqq.* Sponsalia contrahens cum duobus quænam servare teneatur, & quæ sint valida? 5. 28. Num si quis cum aliqua sponsalia sub conditione contraxit, & postea cum alia prioris conjugis consanguinea contrahat per verba de præsent, cum secunda remanere debeat? 5. 35. Sponsalia de futuro jurata num contrahi possint sub conditione de futuro, & num transeant in matrimonium de præsent per copulam subsecutam? 5. n. 5. & 2. *seqq.* Sponsalia à pubere cum puella minore septennio contracta an pariant publicæ honestatis iustitiam? 5. 38. & *seqq.* Sponsalia inita cum minore septennio per mutuum cohabitationem post septennium, num convalescant, & inducant impedimentum publicæ honestatis? 1. 36. & *seqq.* Sponsalia iniens cum aliqua, & postea illius fororem cognoscens num ab utraque abstinere debeat? 13. 25. & *seqq.* Quid si mater sponsæ cognoscatur? 13. 30. & *seqq.* Sponsalia contrahens sub conditione honestæ, & ante impletam conditionem habens copulam cum illa, num à conditione recessisse videatur, & matrimonium teneat? 5. 20. Sponsalia de futuro non tantum pura, & absoluta, sed etiam conditionalia, num per securam copulam transeant in matrimonium? 5. 21. Sponsalia secunda, dissolutis primis, implere an quis teneatur? 1. 57. *Sponsalia* de præsent num dissolvantur per subsequens matrimonium consummatum? 4. 3. & *seqq.* Quid si quis sponsalia per verba de præsent contraxit cum duabus, quam debeat habere in uxorem? 4. 5. Sponsalia num dissolvantur ob quemlibet morbum contagiosum supervenientem uni ex sponsis? 8. 3. Sponsalia priora num dissolvantur per affinuitatem supervenientem? 1. 37. Sponsalia de futuro num dissolvantur per matrimonium subsequens? 1. 37. Num mutuo contrahentium consensu? 1. 40. Quid si unus ex sponsis à sponsalibus sine causa resiliat? Quid si minis, terroribus &c. adactus? 1. 41. An, & quâ ratione dissolvantur, elapso termino ad matrimonium contrahendum præfixo? 1. 44. & 2. *seqq.* Num dissolvantur sponsalia absentia sponsi? 1. 47. & 2. *seqq.* Num per matrimonium initum de præsent dissolvantur priora sponsalia ante pubertatem contracta? 1. 26. & *seqq.* Sponsalia priora etiam jurata num dissolvantur per posteriora? 1. 56. Sponsalia de futuro etiam jurata num solvantur per sponsalia de præsent valide, et si illi citè contracta? 1. 58. Num dissolvantur, si sponsus in hæresim incidat? 1. 60. Sponsalia etiam

jurata num solvantur per subsequentem fornicationem, tam sponsi, quam sponsæ? 1. 60. Num dissolvantur, si sponsa ab alio vi sit oppressa? 1. 61. Num liceat sponsio resiliare à sponsalibus, si sponsa se permittat turpius tangi ab aliis? Num etiam sponsi ob oscula, vel tactus impudicos sponsæ cum alia? 1. 61. Sponsalia num dissolvantur ob fornicationem post præcedentem sponsalia, & sponsæ cognitam? 1. 62. Quid si tam vir, quam femina post sponsalia fuerint fornicati? 1. 62. Num rescindantur sponsalia, si sponsa corrupta fuit ab alio ante sponsalia, sponsi id ignorante, & virginem eam existimante? Num si seivit esse viduam, ignoravit tamen ejus fornicationem? 1. 62. Num rescindantur sponsalia, propter quamlibet novam causam rationabilem, vel mutationem notabilem supervenientem post sponsalia? 1. 63. Mutationes ejusmodi notabiles, ob quas à sponsalibus recedere liceat, quot enumerentur à DD.? 1. 64. Num si vir ante, sive post contracta sponsalia, probabilius ab altero ignoratæ sint? 1. 65. Quid si cognita ejusmodi causæ, sponsus carnaliter sponsam cognoscatur? 1. 65. An ad dissolvenda sponsalia ob causam rationabilem, & mutationem notabilem opus sit sententiâ Judicis, an verò propriâ auctoritate, contrahentes resiliare possint? 1. 65.

Sponsalium fidem implere recusans, num cogi possit à Judice Ecclesiastico per censuras ad contrahendum matrimonium, vel num potius monendus? 1. n. 17. 18. 19. 20. 24. & *seqq.* Sponsalium fidem violans an damnum sponsæ illatum compensare teneatur? 1. 59. *Sponsalium* priorum obligatio num per matrimonium subsequens validum omnino extinguatur, an verò solum suspendatur? 1. 59.

Sponsus. Sponsus, vel sponsæ assensenti, si talis causa à principio extiterit, se non fuisse contractum sponsalia, an fides in utroque foro sit adhibenda? 1. 63.

Surdus an possit inire sponsalia, & matrimonium? 1. 21.

T.

TERMINVS ad contrahendum matrimonium quot modis apponi possit in contracta matrimoniis? 1. 46.

Testis idoneus num pater esse possit in causa filii? 1. 8. 3. Testis unus num sufficiat ad impediendum matrimonium? 13. 17. Num etiam ad dissolvendum matrimonium? 14. 35. 1. Testis unus assensens conjugem absentem esse mortuum, num sufficiat, ut conjux superstes aliud matrimonium inire possit? 1. 134. Testis unus assensens impedimentum inter aliquos intercedere an, & quâ ratione impediatur matrimonium contrahendum? 2. 153. & *seqq.* Quænam requirantur, ut unus testis possit impedire matrimonium contrahendum? 1. 154.

Testes ad contrahendum matrimonium requisiti num debeant esse præsentis matrimonio, non tantum physicè, sed etiam moraliter? 3. 22. Num ad id vocari? 3. 23. Quot requirantur, & quales? 3. 24. Testes ad hoc ut matrimonium sit validum, an non tantum contractui sub conditione de futuro, sed etiam impletioni conditionis interesse debeant? 5. 25. Testes in causa matrimoniali an, & quando recipi possint etiam lite non contestatâ? 18. 9. & *seqq.* Testes super consanguinitate deponentes quomodo gradus distinguere debeant? 14. 19. & *seqq.*

Testium dicto probantium aliquem esse filium legitimum num fectur? 17. 54. & *seqq.*

Testificari contra, vel pro matrimonio quisnam possint? 18. 3.

V.

VAGABUNDVS. Num possit quisvis Parochus vagabundus matrimonio conjugere non factâ prius diligenti inquisitione de eorum statu, & habilitate ad matrimonium contrahendum, ac obtenta Ordinarii licentiâ? 3. 19.

Vasallum num concedere possit feudum, seu partem feudi filii suæ in dotem, vel donationem propter nuptias ad vitam illius, sine consensu domini, & num idem dicendum de Emphyteusis? 20. 24. & *seqq.* Num saltem commoditatem fructuum? 20. 24. & *seqq.*

Verba Parochi *Ego vos in matrimonium coniungo &c.* an sint necessaria ad valorem matrimonii? 3. 22. Verba quænam

—sint, quibus contrahuntur sponsalia: 1. 7. Quid si sint dubia: 1. 8. Num verba sint de essentia matrimonii, an solum necessaria ex precepto Ecclesie, & quid intelligatur per verba: 1. 14. Verba sponsalium, aut matrimonii si obscura sint, quomodo intelligenda sint: 1. 24. & seq.

Verbis Interpretis, si per eum sit contractum matrimonium, num danda sit fides: 1. 25.

Votum castitatis à sponso editum, an alterum liberet à servandis sponsalibus: 1. 28. *Votum simplex* perpetue continentie odium animo permanendi in seculo, an dissolvat sponsalia de futuro: 1. 29. & 2. 199. Quando per assumptionem habitus Professorum, extra claustrum Monasterii, fiat votum solemne, ita ut impediatur, vel dirimat matrimonium postea contractum, vel non fiat tale votum: 1. 32.

Votum Religionis emittens ante sponsalia, siquam corrumpt, fide datà de contrahendo matrimonio, an teneatur eam ducere, non obstante voto: 1. 34. *Votum ingrediendi Religionem*, ac proficendi an dissolvat sponsalia etiam jurata: 1. 35. & 2. 199. *Votum solemne castitatis* an di-

rimat matrimonium subsequens: 6. 13. 14. 16. 17. & seq. Quo jure: 6. 15. Num etiam votum simplex: 6. 34. An etiam dissolvat priora sponsalia: 6. 37. & seq. In quo differant votum solemne, & simplex: 6. 25. *Votum suscipiendi Ordines sacros* num dirimat sponsalia: 1. 35.

Vota castitatis ligatus contrahens sponsalia an teneatur, etiam voti dispensatione impetratà, ad ea servanda: 1. 57.

Vota tria simplicia Societatis JESU, post biennium probationis emissà, num irritent matrimonium postea, vel etiam antea contractum: 6. 16.

Vsufuctuarius cui possit jus usufuctus cedere: 10. 15.

Uxor absentem, virum quamdiu expectare debeat, ut possit alij nubere: 1. 136.

Uxor filii num sit subiecta potestati socii: 1. 94. *Uxor* num teneatur obedire preceptis magistri quoad pertinentia ad familiæ administrationem: 1. 174. Num teneatur sequi virum mutantem domicilium, & quando non teneatur: 1. 174.

E M E N D A N D A.

Erratum.	Pagina.	Columna.	linea.	legendum.
cornu	6.	1.	16.	contra
requisitus	10.	1.	17.	requisitus.
de	32.	1.	11.	del.
qua	32.	1.	30.	quia
resufabat	41.	1.	3. à fine	recufabat
eam	51.	1.	12. à fine	eum
quo	47.	1.	67.	qua.
omissum	27.	2.	11.	quibulda Episcopis

Erratum.	Pagina.	Columna.	linea.	legendum.
non	93.	2.	10.	del.
nec eam	93.	1.	10.	& eam
omissum	116.	1.	3.	C. 4.
omissum	138.	2.	3.	vel
ibitum	165.	2.	1. à fine.	irritum
omissum	172.	1.	1.	juri
propter for-	177.	1.	4.	non propter for-
nicationem				sucationem

Ad maiorem DEI Gloriam.

